







# শরৎচন্দ্র

( ২য় খণ্ড—মৌখিক আলোচনা-আলোচনা, হস্ত-পরিহাস,  
বৈঠকী গল্প ও মৌখিক অভিভাষণ । )

গোপালচন্দ্র রায়

সাহিত্য সন্ধান

এ ১২৫ কলেজ ষ্ট্রীট মার্কেট

কলিকাতা—১২



প্রকাশক—গোপালচন্দ্র রায়  
সাহিত্য সদন  
এ ১২৫ কলেজ ষ্ট্রীট মার্কেট  
কলিকাতা—১২

২য় সংস্করণ  
১৯৬৬

দাম—ষোল টাকা

মুদ্রাকর—গোপালচন্দ্র রায়  
সাহিত্য মুদ্রণ  
এ ১২৫ কলেজ ষ্ট্রীট মার্কেট  
কলিকাতা—১২

## সূচীপত্র

গ্রন্থকারের নিবেদন	...	ক
আলাপ-আলোচনা		
রবীন্দ্রনাথ	...	৩
মধুসূদন	...	৮
বঙ্কিমচন্দ্র	...	৯
নিজের উপন্যাসের উপাদান	...	১০
নূতন উপন্যাসের পরিকল্পনা	...	১১
চরিত্র সৃষ্টি	...	১৩
অমৃতবাদ	...	১৪
রোহিণী ও সাবিত্রী	...	১৭
সমাজ	...	২০
বর্ষাদেবের প্রতি দরদ	...	২১
পাখীপোষা	...	২২
সঙ্গীত	...	২৩
এক ওস্তাদ গায়ক	...	২৪
নিখুঁত পাষাণ	...	২৫
সংকীর্ণনের দল	...	২৬
ব্যাকরণ	...	২৮
যজ্ঞোপবীত	...	২৯
টাকাচুরির দায়	...	৩০
প্রেমের ব্যর্থতায়	...	৩২
একটি গল্পের উপসংহার	...	৩৪
ভুল পথে ?	...	৩৫

ইরেজনাথ গম্বোপাধ্যায়ের সহিত আলোচনা	...	৪১
সৌরীন্দ্রমোহন মুখোপাধ্যায়ের সহিত আলোচনা	...	৫৪
দেশবন্ধুর সহিত আলোচনা	...	৬৩
শ্রীমাদ্রসাদ মুখোপাধ্যায়ের সহিত আলোচনা	...	৭০
যহ্ননাথ সরকারের সহিত আলোচনা	...	৭৩
রমেশচন্দ্র মজুমদারের সহিত আলোচনা	...	৭৫
কেন্দারনাথ বন্দ্যোপাধ্যায়ের সহিত আলোচনা	...	৭৮
হরিদাস শাস্ত্রীর সহিত আলোচনা	...	৮২
অক্ষয়কুমার সরকারের সহিত আলোচনা	...	৮৭
কালিদাস রায়ের সহিত আলোচনা	...	৯৭
হরিহর শেঠের সহিত আলোচনা	...	১১৪
চন্দননগরে প্রবর্তক সংঘের কর্মীদের সহিত আলোচনা	...	১১৭

#### হাস্ত-পরিহাস

ভাত খেয়েছেন তো ?	...	১৩১
ব্যাসকানী	...	১৩৩
দেখা হয় নি	...	১৩৪
আফিং	...	১৩৬
দাড়ি	...	১৩৭
দাড়ি সাদৃশ্য	...	১৩৮
হিন্দু-মুসলমান মিলন	...	১৩৯
সুতোকাটা	...	১৪০
খন্দর	...	১৪২
খন্দরে বৈচিত্র্য	...	১৪৩
বাঁহলা কংগ্রেসের গদি	...	১৪৪
জেলে যাওয়া	...	১৪৫
মুসলমান ও শিখ বন্ধুদের প্রতি	...	১৪৬
দেশবন্ধুর ত্যাগ ও দুঃখ	...	১৪৭
শিক্ষক	...	১৪৮

বন্ধু-বিচ্ছেদ	...	১৪৯
ওস্তাদী গান	...	১৫০
অজুতো বল	...	১৫১
ছাতাটা আনতে ভুলে গেছি	...	১৫২
হাতদেখা	...	১৫৪
খেলেই আনন্দ	...	১৫৬
পাখা	...	১৫৭
জানালা	...	১৫৮
টিকি	...	১৫৯
মুদিখানা	...	১৬০
একটু মজা	...	১৬১
বই উৎসর্গ	...	১৬৩
জলধর সম্বর্ধনা	...	১৭১
মানপত্র	...	১৭৩
রবীন্দ্রনাথের ক্ষতি	...	১৭৮
চরিত্রহীন	...	১৮০

### বৈঠকী গল্প

গুরুদেবের জাহাজ ভক্ষণ	...	১৮৩
কামিনী	...	১৮৮
বিধবা বিবাহ	...	১৯২
নিরুদ্দিদি	...	১৯৭
সতীত্ব ও নারীত্ব	...	২০১
চন্দ্রমুখীর উপাদান	...	২০৩
'টগরে'র প্রসঙ্গ	...	২০৯
অভয়া চরিত্রের পরিকল্পনা	...	২১০
ভাস্কারী	...	২১২
ইংরাজি বিদ্যা	...	২১৪
পাঁচুর মা	...	২১৬
শান্তড়ী ও বধু	...	২১৯

চন্নিজহীন	...	২২২
ভালোবাসার গভীরতা	...	২২৬
বরষাজী	...	২২৮
কাশীর স্মৃত	...	২৪০
অপারেশন	...	২৪৪
কুকুরকে খাওয়ানো	...	২৪৩
যাত্রা	...	২৪৭
চরকাঃ	...	২৪৯
সংস্কারের শিকড়	...	২৬২
বৈষ্ণব নন্দীগ্রাম	...	২৬৭
রয়াল বেঙ্গল টাইগার	...	২৭০
রাজুর গল্প	...	২৭৩
মৃত্যুর পর	...	৩০৩
পিশাচ	...	৩০৯
কালীসাধক হরিপদ	...	৩১৪
সাপধরার গল্প	...	৩১৮
অষ্টম এডওয়ার্ডের সিংহাসন ত্যাগ	...	৩২৩
প্রেমপেড়া	...	৩৩১
রাজলক্ষ্মী	...	৩৩৫
জামাই আদর	...	৩৩৭
আমাদের সামাজিক ব্যবস্থা	...	৩৪০
চাকরি	...	৩৪২
ভুল বুঝা	...	৩৪৪
ভাগ্যলিপি	...	৩৪৯

#### মৌখিক অভিভাষণ

সত্যেন্দ্রনাথ দত্তের শোক-সভায়	...	৩৫৭
বঙ্গীয় সাহিত্য পরিষদের বরিশাল শাখায়	...	৩৬০
প্রেসিডেন্সী কলেজের বালুলা সাহিত্য সভায়	...	৩৬২
প্রেসিডেন্সী কলেজের বঙ্কিম-শরণ সমিতিতে	...	৩৭২

একটি পারিতোষিক বিতরণী সভায়	...	৩৯১
দেশবন্ধু স্মৃতি-সভায়	...	৩৯৩
রামমোহন স্মৃতি-সভায়	...	৩৯৫
কর্মসংঘে	...	৩৯৭
প্রবর্তক সংঘে	...	৪০০
বেলুড় মঠে	...	৪০২
লাহোরে অভিনন্দন সভায়	...	৪০৪
পুন্ডলিয়ায় 'হরিপদ সাহিত্য মন্দিরে'	...	৪০৮
কালিয়ায় 'বাণী মন্দিরে'	...	৪১১
প্রবাসী বঙ্গ সাহিত্য সম্মিলনে	...	৪২০
কবি অতুলপ্রসাদের শোক-সভায়	...	৪২২
শান্তিপুর সাহিত্য সম্মিলনে	...	৪২৪
কোমলগর পাঠচক্রে	...	৪২৭
সাম্প্রদায়িক ঝাঁটোয়ারার প্রতিবাদ সভায়	...	৪৩১
রবীন্দ্র-জয়ন্তীর প্রস্তুতি সভায়	...	৪৩৩
সিনেট হলে ছাত্র-ছাত্রীদের সভায়	...	৪৩৬
ফরিদপুর রাজেন্দ্র কলেজে	...	৪৩৯
আশুতোষ কলেজে সাহিত্য সম্মিলনে	...	৪৪০
ঢাকায়	...	৪৪৫
রসচক্রে	...	৪৭৩
স্কটিশ চার্চ কলেজে	...	৪৭৬
বিজ্ঞানাগর কলেজে	...	৪৭৮
শরৎ-শ্রবণী অহুষ্ঠানে	...	৪৮০

### সংযোজন

#### আলাপ-আলোচনা

ভূপেন্দ্রকিশোর রক্ষিত রায়ের সহিত আলোচনা	...	৪৮৯
নলিনীকান্ত সরকারের সহিত আলোচনা	...	৪৯২
অনাথগোপাল সেনের সহিত আলোচনা	...	৪৯৭

## হাস্ত-পরিহাস


পিলে	...	৫০১
হরিণবাড়ী	...	৫০২
পাণ্ডা	...	৫০৩
টাটি	...	৫০৪
মচ্ছরচ্ছ	...	৫০৫
ছড়া কেটে পরিহাস	...	৫০৭
রাগিয়ে দিয়ে পরিহাস	...	৫০৯

## বৈঠকী গল্প

রসচক্রে ভূতের গল্প	...	৫১৫
ভক্ত	...	৫১৮
পরিশিষ্ট	...	৫২১







শব্দচিত্র

## গ্রন্থকারের নিবেদন

সাহিত্য সম্পর্কীয় এবং সাধারণের গ্রহণযোগ্য হতে পারে বা ভাল লাগতে পারে, এমন সব শরৎচন্দ্রের মৌখিক আলাপ-আলোচনা, হাস্ত-পরিহাস, বৈঠকী গল্প ও মৌখিক অভিভাষণ—এক কথায় শরৎচন্দ্রের নানারূপ মৌখিক কথা ও কাহিনী নিয়েই এই গ্রন্থটি রচিত।

মাস্তকের মুখের কথা বলার সঙ্গে সঙ্গেই শেষ হয়ে যায়। কিন্তু শ্রোতাদের মধ্যে কেউ যদি তখনই সে কথা লিখে রাখেন, তাহলে সে তো থাকেই; তাছাড়া কেউ সে কথা স্মরণ করে রাখলে বা প্রচার করে থাকলেও তা অনেকাংশে থেকে যায়।

শরৎচন্দ্র বিভিন্ন সময়ে বিভিন্ন ব্যক্তির সঙ্গে যে সব প্রয়োজনীয় বিষয় নিয়ে আলোচনা করেছিলেন, সে সমস্তই আজ আর সংগ্রহ করা সম্ভব নয়। তবে তাঁর শ্রোতাদের মধ্যে যারা তাঁর মুখের কথাগুলি সঙ্গে সঙ্গে লিখে নিয়েছিলেন বা পরে তাঁদের স্মৃতি থেকে লিখেছেন, সেগুলি পাওয়া যাচ্ছে। এছাড়া শরৎচন্দ্রের বন্ধু-বান্ধব বা স্নেহভাজন আজও যারা বেঁচে আছেন, তাঁরা তাঁদের স্মৃতি থেকে শরৎচন্দ্রের মৌখিক আলাপ-আলোচনা প্রভৃতির কথাও কিছু কিছু আমাকে বলেছেন।

অবশ্য এঁদের সকলেরই লেখা বা মুখের কথাকে নির্বিচারে গ্রহণ করাটাও সমীচীন নয়। কেননা দেখা গেছে, শরৎচন্দ্রের সঙ্গে কিছুদিন করে মিশেছিলেন, এমন তাঁর কিছু ভক্ত, তাঁর মৃত্যুর পর, শরৎদা আমার কাছে এই বলেছিলেন, এই বলেছিলেন করে বানিয়ে বানিয়ে নানা আলাপের কথা বিভিন্ন পত্র-পত্রিকায় লিখতে শুরু করেছিলেন।

এইজন্তই রবীন্দ্রনাথ একবার হুঃখ করে দিলীপকুমার রায়কে বলেছিলেন—

‘শরৎ আমার আগে চলে গিয়ে আমাকে শুধু ব্যথাই দেয়নি দিলীপ, ভয় পাইয়ে দিয়েছেও কম নয়।

...শরতের দুর্দশা দেখে মনে হয়, আজকাল যে ম'লেও বুঝি আমার হাড়

জুড়োবে না। আমার মুখেও না জানি কত শত লোক এইভাবে কত কথাই না চাপিয়ে দেবে—অথচ তখন আমার প্রতিবাদ করারও জো-টি থাকবে না। তাই মরতে আজকাল রীতিমত ভয় করে।” (স্মৃতিচারণ)

কবির বলা শরৎচন্দ্রের এই ‘হৃদশা’র কথা যে কিরূপ সত্য, তা আমি আমার ‘রবীন্দ্রনাথ ও শরৎচন্দ্র’ গ্রন্থে একাধিক উদাহরণ দিয়ে বিস্তৃত আলোচনা করে দেখিয়েছি।

এখানে অল্প আর একটা উদাহরণ দিচ্ছি—

হেমন্তকুমার সরকার তাঁর ‘রহস্য-প্রিয় শরৎচন্দ্র’ প্রবন্ধের একস্থানে লিখেছেন—

“বরিশালে বি, পি, সি, সি-র মিটিংএ শরৎচন্দ্র দেশবন্ধুর সঙ্গে যোগ দিতে গিয়াছিলেন। ভীষণ হট্টগোল হওয়ায় সভাপতি শ্রামসুন্দর চক্রবর্তী মহাশয়কে সভাস্থলে প্রৱ্ত্ত করেন—এটা সভা না বাজার ?

ইহাতে শ্রামবাবু ভীষণ চটিয়া শরৎচন্দ্রকে সভা হইতে বাহির করিয়া দেন। বাসস্থানে ফিরিয়া শরৎদার সে কি রাগ! পায়াচারি করিতেছেন, আমাদের সাধ্য-সাধনা সব বিফল। শ্রামবাবুকে মারিয়া না ফেলিলে, তিনি আর মিটিংএ যাইবেন না। সেখানে উপেন্দ্রনাথ বন্দ্যোপধ্যায়, কিরণশঙ্কর রায়, স্তভাষচন্দ্র বোস প্রভৃতি অনেকে ছিলেন।

শরৎদা বলিলেন—উপেন যাবজ্জীবন দ্বীপান্তর ভোগ করেছে, কিরণ জমিদার মাহুষ, স্তভাষ পারবে না। হেমন্ত যাক, গিয়ে শ্রামবাবুকে মেরে ফেলে আনুক।

তারপর আবার বললেন—ওহে দাঁড়াও, শ্রামবাবুকে ‘নন্-ভায়োলেট’ভাবে কি করে মারবে ভেবে দেখি, আর তাতে যদি মারা যান তো তোমার ফাঁসি যাতে না হয়, সে সম্বন্ধে দেশবন্ধুর আইনের পরামর্শ একটু নেওয়া যাক।” (‘বাতায়ন’—শরৎ-স্মৃতি সংখ্যা, ফাস্তন, ১৩৪৪)

শরৎচন্দ্র সম্বন্ধে এই গল্পটি হেমন্তবাবু পরে অল্প কাগজেও লিখেছিলেন। তবে সেই লেখায় গল্পের শেষের দিকটা একটু অল্প রকম ছিল। তিনি লিখেছিলেন—শরৎচন্দ্র বললেন—উপেন, স্তভাষ, কি কিরণ ওদের কারও গিয়ে

কাজ নেই। হেমন্ত যাও, গিয়ে শ্রামবাবুকে মেয়ে যেখানে সভা হচ্ছে, তার পাশে ঐ খালটার জলে লাশ ফেলে দিয়ে এস। যদি পুলিশ আসে, এসে লাশ খোঁজ করতে গিয়ে দেখবে, খালের জলে একটা দাঁড় কাক মরে পড়ে আছে। এতে তোমার কিছুই হবে না। কেননা, দাঁড় কাক মারলে তো আর ফাঁসি হয় না।

হেমন্তবাবুর এই লেখাটি অবশ্য আমি দেখিনি। সাহিত্যিক শ্রীশরদ্দিন্দু বন্দ্যোপাধ্যায় এটি পত্রিকায় হেমন্তবাবুর এই লেখাটি পড়েছিলেন। এই গল্পটি আমি একাধিকবার শরদ্দিন্দুবাবুর কাছে শুনেছি।

এখন কথা হচ্ছে, সত্যই শ্রামসুন্দরবাবু শরৎচন্দ্রকে সভা থেকে বার করে দিয়েছিলেন কি না?

দেশবন্ধু, সুভাষচন্দ্র, কিরণশঙ্কর প্রভৃতির সঙ্গে শরৎচন্দ্র বরিশালে সভায় গিয়েছিলেন এবং অহুমান করা যেতে পারে, শরৎচন্দ্র তাঁদের সঙ্গেই সভায় একত্রে বসেছিলেন।

শরৎচন্দ্রের সভা না বাজার বলার কথাটা যদি সত্যও হয়, তাহলেও এই সামান্য কথা বলার জন্তই শ্রামসুন্দরবাবু শরৎচন্দ্রের মত ব্যক্তিকে সভা থেকে বার করে দিলেন? অথচ তাঁর পাশেই বসে ছিলেন দেশবন্ধু, সুভাষচন্দ্র প্রভৃতি। তাঁরা এতে প্রতিবাদ করলেন না বা শরৎচন্দ্রের সঙ্গে তাঁরাও বেরিয়ে এলেন না?

আসল ব্যাপারটা ছিল এই—১৯২২ খ্রীষ্টাব্দে গয়া কংগ্রেসে কাউন্সিল প্রবেশের বিষয় নিয়ে কংগ্রেস নেতাদের সঙ্গে সভাপতি দেশবন্ধুর মতভেদ হয়। এবং বিরোধী দল সংখ্যা গরিষ্ঠ হওয়ায় দেশবন্ধু কংগ্রেসের সভাপতির পদ ত্যাগ করেন। দেশবন্ধু সভাপতির পদ ত্যাগ করে কংগ্রেসের ভিতরে থেকেই নিজের মতাবলম্বীদের নিয়ে ১৯২৩ খ্রীষ্টাব্দের ১লা জানুয়ারী তারিখে টিকারীর মহারাজার বাড়ীতে ‘স্বরাজ্য দল’ গঠন করেন। এই স্বরাজ্য দল গঠিত হওয়ার ক’মাস পরেই বরিশালে প্রাদেশিক সম্মেলন হয়। বাঙ্গলার কংগ্রেস নেতারা সকলেই যাতে কাউন্সিল প্রবেশ নীতি মেনে নেন, সেজন্য দেশবন্ধু তাঁর সমর্থকদের নিয়ে সদলে বরিশালে গিয়েছিলেন। বরিশাল সম্মেলনে দেশবন্ধু প্রস্তাব করেছিলেন—সভায় কাউন্সিল প্রবেশ

নীতি নিয়ে আলোচনা। হোক, এবং এ সম্পর্কে সভায় গৃহীত প্রস্তাব কর্তৃপক্ষের কাছে পাঠিয়ে দেওয়া হোক।

বরিশাল সম্মেলনে সভাপতি ছিলেন শ্রামসুন্দর চক্রবর্তী। তিনি ছিলেন দেশবন্ধুর কাউন্সিল প্রবেশ নীতির ঘোর বিরোধী। তাই তিনি সভায় ঐ প্রস্তাব উত্থাপনই করতে দেন নি।

তখন দেশবন্ধু তাঁর দলবল (শরৎচন্দ্র সহ) নিয়ে সভাকক্ষ ত্যাগ করে চলে আসেন।

দেশবন্ধুর সঙ্গে সভা থেকে বেরিয়ে এসে শরৎচন্দ্র রাগে শ্রামসুন্দরবাবুর সম্বন্ধে কিছু বললেও বলতে পারেন। কিন্তু শুধু সভা না বাজার বলার জন্য শ্রামসুন্দরবাবু শরৎচন্দ্রকে সভা থেকে বার করে দিয়েছিলেন, এ কথাটা বিশ্বাস হয় না।

এ সম্বন্ধে বরিশালে বি, পি, সি, সি,র ঐ মিটিং-এ উপস্থিত ছিলেন, এমন একাধিক বিশিষ্ট ব্যক্তিকেও আমি জিজ্ঞাসা করেছি। তাঁরা সকলেই বলেছেন—শ্রামসুন্দরবাবু শরৎচন্দ্রকে সভা থেকে বার করে দিয়েছিলেন, এ কথা সত্য নয়।

আবার শরৎচন্দ্র সম্বন্ধে কিছু বলতে গিয়ে কেউ কেউ কোন কোন ব্যাপারে অতিরঞ্জনও করেছেন। যেমন —

হেমেন্দ্রকুমার রায় তাঁর ‘যাঁদের দেখেছি’ গ্রন্থে শরৎচন্দ্র সম্বন্ধে লিখেছেন—

“...কত রকমের গল্পই যে তিনি জানতেন! গল্প বলতে বলতে মাঝে মাঝে খেলার মার্বেলের মতো বড় বড় আফিমের গুলি নিক্ষেপ করতেন বদন-বিবরে। সভয়ে ও সবিস্ময়ে তাঁর দিকে তাকিয়ে আছি দেখে, একদিন তিনি আমাকে বললেন—হেমেন্দ্র, যদি আরো ভালো লিখতে চাও, আমার মতো আফিম ধরো।”

শরৎচন্দ্র হেমেন্দ্রবাবুকে এ কথা বলতে পারেন, কিন্তু তাই বলে গল্প বলতে বলতে মাঝে মাঝে খেলার মার্বেলের মত বড় বড় আফিমের গুলি খেতেন এ একেবারেই অসম্ভব। শরৎচন্দ্রের আত্মীয় ও বন্ধুরা যারা তাঁকে আফিম খেতে দেখতেন, তাঁরা বলেন—তিনি কখনই একবারে অত পরিমাণ আফিম খেতেন না। আর অত ঘন ঘনও আফিম খেতেন না।

যাই হোক, শরৎচন্দ্র সম্পর্কে বানিয়ে লেখার লেখক বা বানিয়ে বলার বক্তার সংখ্যা খুবই কম। আর এও ঠিক যে, শরৎচন্দ্র সম্পর্কে যারা বিশেষভাবে আলোচনা করেছেন, তাঁরা এঁদের লেখা দেখলেই ধরতে পারবেন, কোনটা শরৎচন্দ্রের কথা আর কোনটা নয়।

আমার দিক থেকে আর একটা কথা—কারও কথা বা লেখার উপরে প্রথমেই আমি কোন সন্দেহ বা অবিশ্বাস না করলেও, তবু এ সব আমি ভালভাবে যাচাই না করে বই-এ স্থান দিই নি।

সাধারণের গ্রহণযোগ্য হতে পারে বা ভাল লাগতে পারে, এমন সব শরৎচন্দ্রের আলাপ-আলোচনা এই গ্রন্থে দিলেও, কারও কারও সঙ্গে শরৎচন্দ্রের দু'একটা টুকরো আলোচনা বা কথা এই গ্রন্থে দেওয়া হয় নি। যেমন—

সাহিত্যিক অচিন্ত্যকুমার সেনগুপ্ত বলেন, তিনি একবার শৈলজ্ঞানন্দ মুখোপাধ্যায় ও প্রেমেন্দ্র মিত্রের সঙ্গে শরৎচন্দ্রের সামতাবেড়ের বাড়ীতে গিয়েছিলেন। সেদিন শরৎচন্দ্র কথায় কথায় হঠাৎ তাঁকে একটা প্রশ্ন করেছিলেন।

এ সম্বন্ধে অচিন্ত্যবাবু তাঁর ‘কল্লোল যুগ’ গ্রন্থে লিখেছেন—

“আমি একবার গিয়েছিলাম পানিজাস ( সামতাবেড়ের পাশের গ্রাম ও ডাকঘর )। একা নয়, শৈলজা আর প্রেমেনের সঙ্গে। ভাগ্য ভালো ছিল, শরৎচন্দ্র বাড়ী ছিলেন।...সারাদিন আমরা ছিলাম তাঁর কাছে কাছে, কত-কী কথা হয়েছিল, কিছুই বিশেষ মনে নেই। শুধু তাঁর সেই সামীপ্যের সম্মীতিটি মনের মধ্যে এখনো লেগে আছে। আমাদের সেদিনকার বহুব্যঞ্জিত থালায় যে অদৃশ্য হস্তের স্নেহ-সেবা-স্বাদ পরিবেশিত হয়েছিল, তাও ভুলবার নয়।

কথায় কথায় তিনি হঠাৎ উত্তেজিত হয়ে প্রশ্ন করলেন—কার জন্তে, কিসের জন্তে বেঁচে আছ ?

মন্দিরের ঘণ্টার মত কথাটা এসে বাজল বুকের মধ্যে।

—জীবনে কোথায় সেই জাগ্রত আদর্শ ? কে সেই মানস-নিবাস ? কার সন্ধানে এই সম্মুখ যাত্রা ?”

শরৎচন্দ্র যেমন গুরুত্ব দিয়ে বা ‘সিরিয়াস’ হয়ে বিভিন্ন বিষয় নিয়ে লোকের

সঙ্গে আলাপ-আলোচনা করতেন, তেমনি আবার তিনি হাল্কা কথাবার্তা  
বলায় বা পরিহাস-রসিকতা করায়ও অত্যন্ত-পটু ছিলেন।

শরৎচন্দ্র এমন মজলিসী মানুষ ছিলেন যে, একবার তাঁর কাছে গেলে,  
তাঁর হাত-পরিহাস ও গল্প ছেড়ে তাঁর কাছ থেকে ওঠা কঠিন হ'ত।  
একমনে তাঁর কথা শুনতেই হ'ত। তাঁর কথা বলার মধ্যে এমনই একটা  
যাদু ছিল। তিনি অধিকাংশ সময় কথায় কথায় হাসির ফোয়ারা ছোঁটাতেন।  
আবার কখন কখন তিনি গম্ভীর হয়ে মিথ্যা করে কারও কারও বিরুদ্ধে এমন  
সব কথা বলতেন যে, যে শুনত সে বিশ্বাস না করে থাকতে পারত না।  
তারপর শরৎচন্দ্রের এই কথাকে সে আবার যখন মিথ্যা বলে জানতে পারত,  
তখন সে হেসে উঠত।

শরৎচন্দ্র যে-সকল লোকের সঙ্গে মিশেছেন এবং সময় অসময়ে কথায়  
কথায় তাঁদের সঙ্গে যে সব পরিহাস-রসিকতা করেছেন, সে সবও আজ আর  
সংগ্রহ করা কখনই সম্ভবপর নয়। আমি যতটা পেয়েছি, তাঁর আত্মীয় ও  
বন্ধু-বান্ধবদের কাছ থেকে তাঁর সেই হাত-পরিহাসগুলি সংগ্রহ করেছি।

ইতিপূর্বে কেউ কেউ অবশ্য শরৎচন্দ্রের পরিহাস-রসিকতার কথা কিছু কিছু  
কোথাও কোথাও লিখেছেন। যেমন—দিলীপকুমার রায় ‘দিশারী শরৎ-  
স্মরণী’ পত্রিকায় এক প্রবন্ধে এবং ১৩৪৪ সালের ২৭শে ফাল্গুনের সাপ্তাহিক  
বাতায়নের ‘শরৎ-স্মৃতি সংখ্যা’য় ‘রসালাপে শরৎচন্দ্র’ প্রবন্ধে, বাতায়নের  
ঐ সংখ্যাতেই হেমন্তকুমার সরকার ‘রহস্যপ্রিয় শরৎচন্দ্র’ নামক প্রবন্ধে,  
হীরেন্দ্র বন্দ্যোপাধ্যায় ১৩৫৬ সালের শ্রাবণ সংখ্যা ‘মাসিক পত্রে’ শরৎচন্দ্রের  
‘রসালাপ’ নামক প্রবন্ধে, শচীনন্দন চট্টোপাধ্যায় তাঁর ‘শরৎচন্দ্রের রাজনৈতিক  
জীবন’ গ্রন্থে। এঁদের লেখা শরৎচন্দ্রের পরিহাসগুলিও এই গ্রন্থে স্থান পেয়েছে।  
তবে যে পরিহাসটি সম্বন্ধে সন্দেহ জেগেছে, সেটা বাদ দিয়েছি। দিলীপবাবুর  
লেখা শরৎচন্দ্রের পরিহাসগুলি তো এই গ্রন্থে দিয়েছিই, তাছাড়া আমি তাঁর  
মুখে শুনে শরৎচন্দ্রের আরও কয়েকটি মজার পরিহাসও এই গ্রন্থভুক্ত করেছি।

১৩৬০ সালের ‘দৈনিক বঙ্গমতী শারদীয়া সংখ্যা’য় প্রেমাক্ষর আতর্থী তাঁর  
এক লেখায় শরৎচন্দ্র সম্বন্ধে বলেছেন—“অনেকেই হৃদয় জানেন না যে, শরৎচন্দ্র

খুব ভাল গল্প-বলিয়ে ছিলেন। এদিক দিয়েও তিনি ছিলেন একজন উচুদরের আর্টিস্ট। তাঁর লেখার থেকে তাঁর গল্প বলার কায়দা ছিল আরও মনোহর।”

শরৎচন্দ্রের এই মুখে বলা গল্প সম্বন্ধে মোহিতলাল মজুমদারও লিখেছেন—  
“গল্প শুনিয়া আমি অভিভূত হইয়াছিলাম—শুধু গল্প নয়, গল্প বলিবার আশ্চর্য ভঙ্গীতেও।...শরৎচন্দ্রের গল্প সকলে পড়িয়াছেন ও মুগ্ধ হইয়াছেন, কিন্তু তাঁহার মুখে যাহা শুনিয়াছি, তাহার অম্প্রেরণা আর এক ধরনের, তাহাতে ভাবের সংক্রামকতা আরো অব্যর্থ।”

বাস্তবিকই গল্প বলার অসাধারণ ক্ষমতা ছিল শরৎচন্দ্রের। গল্পের বিষয়বস্তু অভিনব তো ছিলই, তাছাড়া তাঁর বলার ভঙ্গীতে এমন একটা গুণ ছিল যে, শ্রোতারা অভিভূত হয়ে পড়তেন।

বন্ধুমহলে বা কোন বৈঠকে তিনি ঘণ্টার পর ঘণ্টা অনায়াসে নানা রকম হাস্য-পরিহাস ও খোসগল্প করে শ্রোতাদের জমিয়ে রাখতে পারতেন।

বাংলা, বিহার ও বর্মা এই তিনটি দেশ তিনি ব্যাপকভাবে ঘুরেছিলেন এবং সর্বত্রই বহু লোকের সঙ্গে তিনি মিশেওছিলেন। এই বিরাট অভিজ্ঞতার বিচিত্র কাহিনী তিনি স্রবোগ পেলেই বন্ধু-বান্ধবদের শোনাতে। এর মধ্যে হাসি-কান্নার গল্প যেমন থাকত, তেমনই দেবদেবীর গল্প, মায় ভূতের গল্প কিছুই বাদ পড়ত না।

শরৎচন্দ্রের নিজের মুখে যারা শুনেছেন, তাঁদের মধ্যে কয়েকজন কিছু কিছু গল্প কোন কোন পত্রিকায় প্রকাশ করেছেন। যেমন—ডঃ সুনীতিকুমার চট্টোপাধ্যায় ১৩৪২ সালের ‘শারদীয়া দেশ’ পত্রিকায়, সাবিত্রীপ্রসন্ন চট্টোপাধ্যায় ‘শরৎ-স্মরণিকা’র, কুমুদচন্দ্র রায়চৌধুরী ১৩৭৪ সালের ‘বাতায়ন শরৎ-স্মৃতি’ সংখ্যায়। এঁদের রচনা ছাড়াও আরো কয়েকজনের রচনা আমি অগ্রান্ত পত্রিকায় দেখেছি।

শরৎচন্দ্রের জীবিতকালেও তাঁর বৈঠকী গল্পের কিছু গল্প প্রকাশিত হয়েছিল। যেমন—অধুনালুপ্ত ‘পুষ্পপাত্র’ পত্রিকায় নরেন্দ্রনাথ বসুর ‘মৃত্যুর পর’ গল্পটি। গল্পটি ছাপা হবার আগে শরৎচন্দ্র নিজে নরেন্দ্রবাবুর লেখাটি দেখে দিয়েছিলেন এবং নামকরণও করে দিয়েছিলেন। ‘চরকা’ গল্পটিও



শরৎচন্দ্রের জীবিতকালে তখন ‘সংকল্প’ নামক একটি সাপ্তাহিক পত্রিকায় প্রকাশিত হয়েছিল।

বিভিন্ন পত্র-পত্রিকায় ও গ্রন্থে প্রকাশিত শরৎচন্দ্রের এই সব বৈঠকী গল্প তো পেয়েইছি, তাছাড়া তাঁর বৈঠকী গল্পের অনেক গল্প তাঁর শ্রোতাদের কাছ থেকেও সংগ্রহ করেছি। যেমন—বনফুল (বলাইচাঁদ মুখোপাধ্যায়) বলেছেন ‘গুরুদেবের জাহাজ ভক্ষণ’, গল্পটি সৌরীন্দ্রমোহন মুখোপাধ্যায় বলেছেন ‘বরষাত্রী’, ‘কালীসাধক হরিপদ’, ‘কাশীর ভূত’ গল্প তিনটি, নরেন দেব বলেছেন ‘ভালবাসার গভীরতা’ ও রাজুর একটি গল্প, হরেন্দ্রনাথ গঙ্গোপাধ্যায় বলেছেন রাজুর অধিকাংশ গল্পই, রামকৃষ্ণ মুখোপাধ্যায় (শরৎচন্দ্রের সম্পর্কীয়ভায়ে) বলেছেন ‘ভাগ্যলিপি’ গল্পটি, ইত্যাদি।

অনেক গল্প আমি একাধিক মুখে শুনেছি, আবার অন্তর্ভুক্তও পড়েছি। যেমন—‘অপারেশন’ গল্পটি। এই গল্পটি আমি শরৎচন্দ্রের গ্রন্থের প্রকাশক হরিদাস চট্টোপাধ্যায় এবং শরৎচন্দ্রের সম্পর্কীয় ভায়ে রামকৃষ্ণ মুখোপাধ্যায়ের কাছে শুনেছি। এই গল্পটিই আবার আমি ১৩৬০ সালের দৈনিক বঙ্গমতীর শারদীয়া সংখ্যায় প্রেমাস্কুর আতর্ষীর একটি লেখাতেও পড়েছি। তবে এঁদের তিনজনের বলা ও লেখার মধ্যে মূল গল্প ঠিক থাকলেও কিছুটা তারতম্য দেখেছি।

এর কারণ, শরৎচন্দ্র অনেক সময় একই গল্প মূল আখ্যানবস্তু বজায় রেখে মেজাজ ও স্থান-কাল-পাত্র অনুসারে কিঞ্চিৎ অদল-বদল করে বলতেন। এই জন্তই প্রেমাস্কুর আতর্ষীও তাঁর পূর্বোক্ত লেখাটিতে বলেছেন—

“একই ঘটনা বা কাহিনীকে শরৎচন্দ্র দিনের পর দিন ভিন্ন ভিন্ন রাঙে রাঙিয়ে তুলতেন—একদিনের বর্ণনার সঙ্গে এত তফাৎ থাকত যে, একই ঘটনাকে বিভিন্ন বলে মনে হ’ত। প্রতিভার লক্ষণই হচ্ছে ‘মুভ’। তিনি যেদিন যে রকম ভাবের খেয়ালে মশগুল থাকতেন, বর্ণনাও সেদিন সেই ভাবে রাঙিয়ে উঠত।”

শরৎচন্দ্রের এই বৈঠকী গল্পের অধিকাংশই তাঁর নিজের ব্যক্তিগত অভিজ্ঞতা বা নিজের চোখে দেখা ঘটনা। উদাহরণ স্বরূপ একটা ঘটনার উল্লেখ করছি—  
‘বিধবা বিবাহ’ গল্পটি ১৯২৬ খ্রীষ্টাব্দে শরৎচন্দ্র অধ্যাপক কুমুদচন্দ্র রায়

চৌধুরীর কাছে বলেছিলেন। এই গল্পে ছলে-বোঁ গল্পার মায়ের যে কথা আছে, তাকে আমি স্বচক্ষে দেখে এসেছি। শরৎচন্দ্রের সামতাবেড়ের বাড়ীর পাশেই তাঁর দিদিদের গ্রাম গোবিন্দপুর। সেই গোবিন্দপুরে তাঁর দিদিদের বাড়ীতে গল্পার মাকে ঝি থাকতে দেখেছি।

শরৎচন্দ্রের আলাপ-আলোচনা ও হাস্ত-পরিহাসগুলির দ্বারা তাঁর বৈঠকী গল্পগুলি থেকেও শুধু মাহুশ শরৎচন্দ্রই নয়, সাহিত্যিক শরৎচন্দ্রেরও অনেক খবর পাওয়া যায়। তাই এই সমস্তগুলিরই সংগ্রহ ও প্রকাশের প্রয়োজন ছিল।

শরৎচন্দ্র সভায় দাঁড়িয়ে ভাল বক্তৃতা দিতে পারতেন না। সভায় মঞ্চের উপর দাঁড়িয়ে তিনি কেমন যেন একটু ‘নার্ভাস’ হয়ে পড়তেন।

তিনি মুখে ভাল বক্তৃতা দিতে তো পারতেনই না, এমন কি লিখিত অভিভাষণও পড়বার সময় সহজভাবে গড়্‌গড়্‌ করে পড়ে যেতে পারতেন না।

এমনও দেখেছি, তিনি সভায় সভাপতি হয়ে সভাপতির আসনে বসে আছেন, আর তাঁর লিখিত অভিভাষণ অল্প লোকে পড়ে দিচ্ছেন। সভায় মৌখিক বক্তৃতা দেবার সময় তাঁকে দেখেছি, দাঁড়িয়ে বলতে বলতে হঠাৎ চেয়ারে বসে পড়লেন। বসে বসে খানিকটা বললেন। আবার দাঁড়ালেন, দাঁড়িয়ে বলতে লাগলেন। এইভাবে দাঁড়িয়ে ও বসে তিনি কোন রকমে তাঁর বক্তৃতা শেষ করলেন।

বক্তৃতা দিতে পারতেন না বলে, শরৎচন্দ্র সাধারণতঃ কোনও সভায় যেতে চাইতেন না। কিন্তু একজন বড় সাহিত্যিক হিসাবে তাঁর নাম ছড়িয়ে পড়ায় দেশের বিভিন্ন স্থানের সভায় তাঁর ডাক পড়ত। তিনি যেখানে যেখানে একান্তই এড়াতে পারতেন না, শুধু সেই সেই সভায় যেতেন।

শরৎচন্দ্র সভায় যাবেন কথা দিয়েও শেষ পৰ্বন্ত কিন্তু ভয়ে সভায় যান নি, এরূপ অনেক নজীর আছে। যেমন একটা—

শরৎচন্দ্র তখন তাঁর কলকাতার বাড়ীতে বাস করছেন। সেই সময় কলকাতার একটি লাইব্রেরী কি সাহিত্য-সংস্কার কর্মীদের অহুঁরোধে শরৎচন্দ্র তাঁদের প্রতিষ্ঠানের এক উৎসব সভায় যেতে সম্মত হন। ঠিক থাকে, সভার দিন ছপুরের পর সভার উদ্বোধনাদির কেউ এসে তাঁকে সঙ্গে করে নিয়ে যাবেন।

সভার দিন দুপুরের পর যথাসময়ে হুজুন উঠোক্ত। শরৎচন্দ্রের বাড়ীতে এসে তাঁকে কিন্তু বাড়ীতে দেখতে পেলেন না। তাঁরা বাড়ীর চাকরদের জিজ্ঞাসা করলে, চাকররা বললে—বাবু অনেকক্ষণ বেরিয়ে গেছেন। কোথায় গেছেন কিছু বলে যান নি।

যাঁরা শরৎচন্দ্রকে সঙ্গে করে নিয়ে যাবেন বলে এসেছিলেন, তাঁরা অনেকক্ষণ অপেক্ষা করলেন। সময় পার হয়ে গেলেও শরৎচন্দ্র এলেন না দেখে তাঁরা অগত্যা ক্ষুন্ন মনে ফিরে গেলেন।

এদিকে ঐ সময় শরৎচন্দ্র করেছিলেন কি, দুপুরে তাঁর বাড়ীর অদূরেই কবি নরেন্দ্র দেবের বাড়ীতে গিয়ে বসেছিলেন।

শরৎচন্দ্র দুপুরে নরেনবাবুর বাড়ীতে গেলে, নরেনবাবু শরৎচন্দ্রকে জিজ্ঞাসা করলেন—শরৎদা হঠাৎ এই দুপুরে, কি ব্যাপার?

—আর বল কেন! একটা সভায় যাবার কথা আছে। তারা এখন নিতে আসবে। তাই পালিয়ে এলাম। এখন আর বাড়ী ফিরছি না। তারা চলে গেলে তবে বাড়ী যাব।

—কিন্তু তারা কি মনে করবে বলুন তো?

—মনে যা করে করুক, আমি তো আর তাদের সভায় যেতে চাই নি।

—যাবেন বলে তো মত দিয়েছিলেন?

—মত কি আর আমি দিয়েছি, তারা জোর করে মত আদায় করেছে।

রেডুনে থাকবার সময় সেখানেও শরৎচন্দ্রকে বন্ধু-বান্ধবরা সভায় ডাকাডাকি করতেন। তিনি কখন যেতেন, কখনবা যাব ব'লে লুকিয়ে থাকতেন।

রেডুনে একটি সভায় তাঁর এক প্রবন্ধ পড়ার কথা প্রসঙ্গে সেই সভার অন্যতম উদ্যোগী তাঁর বন্ধু ষোগেন্দ্রনাথ সরকার লিখেছেন—তাঁদের কয়েকজনের বিশেষ অনুরোধে শরৎচন্দ্র একবার কথা দেন ‘নারীর ইতিহাস’ নামে প্রবন্ধ তাঁদের সভায় পড়বেন। সভার দিন শরৎচন্দ্র কিন্তু সভায় এলেনই না। অগত্যা ষোগেনবাবু শরৎচন্দ্রের বাড়ীতে গেলেন। গিয়ে জানতে পারলেন, শরৎচন্দ্র ‘নারীর ইতিহাস’ প্রবন্ধটি বাড়ীতে রেখে অন্তত্ব সরে পড়েছেন। তখন ষোগেনবাবু সেই প্রবন্ধটি এনে তিনিই সভায় পড়লেন।

আর একটি সভার প্রসঙ্গে যোগেনবাবু লিখেছেন—“এখানকার বেঙ্গল ক্লাবে একটি জাঁকালো গোছের সাহিত্য সভা হইল।...সভাপতি শরৎচন্দ্র।...সে সভায় শরৎচন্দ্রের অভিভাষণটি ভালই হইয়াছিল। কিন্তু যেকুণ নার্তাস হইয়া পড়িয়াছিলেন সেদিন, সে কথা স্মরণ করিলে তাঁহাকে নিতান্তই দয়া করিতে ইচ্ছা হয়। সের দেড়েক ওজনের একটি প্রকাণ্ড ফুলের মালা তাঁহার গলায় চাপানো। তাহার ভারে না পারেন সোজা হইয়া ঠাড়াইতে, না পারেন ভালো মত অভিভাষণ পড়িতে। আমাকে বলিয়াছিলেন কাছে বসিতে; কেননা যদি পড়িতে গিয়া তেমন বাধিয়া যায় কিম্বা ঠেকিয়া যায় তো তাঁহার বদলে অভিভাষণ আমিই পড়িয়া দিব। বহু কষ্টে তাঁহার কার্য সমাধা হইলে, তিনি তো বাঁচিলেনই, আমরাও হাঁফ ছাড়িয়া বাঁচিলাম।”—‘ব্রহ্ম-প্রবাসে শরৎচন্দ্র’

বন্ধু প্রমথনাথ ভট্টাচার্যকে লেখা শরৎচন্দ্রের একটি চিঠি থেকে জানা যায়, শরৎচন্দ্রের ‘নারীর ইতিহাস’-এর পাণ্ডুলিপি রেক্সনে তাঁর বাড়ী পুড়ে যাওয়ার সময় পুড়ে যায়। যোগেনবাবুর উল্লেখিত শরৎচন্দ্রের দ্বিতীয় অভিভাষণটিও সম্ভবতঃ সেই আগুনেই পুড়ে গিয়েছিল।

রেক্সন ছেড়ে ফিরে আসবার পর শরৎচন্দ্র যে যে সভায় লিখিত অভিভাষণ দিয়েছিলেন, সে সবই তখন বিভিন্ন পত্র-পত্রিকায় প্রকাশিত হয়েছিল। তাই সেগুলি সবই রয়েছে।

কারও কারও লেখায়, সভাপতি হিসাবে শরৎচন্দ্রের মৌখিক বক্তৃতার উল্লেখ পাচ্ছি। কিন্তু ঐ লেখকরা আজ আর জীবিত না থাকায়, শরৎচন্দ্রের সেই সব সভা ও বক্তৃতা সম্বন্ধে কিছুই জানতে পারছি না। যেমন একটা উদাহরণ দিচ্ছি—

যে ‘রসচক্র’ নামক বারোয়ারী উপস্থানে শরৎচন্দ্রও লিখেছিলেন, সেই বারোয়ারী উপস্থানের অন্ততম লেখক রাধিকারঞ্জন গঙ্গোপাধ্যায় ১৩৪৪ সালের ফাল্গুন সংখ্যা ‘প্রবর্তকে’ লিখেছেন—‘একদিন জানতে পেলাম যে, শরৎচন্দ্র হাজিরা পার্কের একটা স্বদেশী সভায় সভাপতিত্ব করতে আসছেন।...মথাসময়ে সভায় গিয়ে হাজির হলাম। শরৎচন্দ্রের বক্তৃতা শুনে হতাশ হলাম সেদিন অতি মাত্রায়। শুধিয়ে তিনি কিছুই প্রায় বলতে পারলেন না। ভাষা-দালিত্যে

সর্ববাদী-সম্মতিক্রমে যিনি অপ্রতিদ্বন্দ্বী, তাঁর মুখে ভাষার দৈন্ত্র দেখে কিঞ্চিৎ  
বিস্মিতই হলাম ।’

শরৎচন্দ্রের মৌখিক আলাপ-আলোচনা, হাস্ত-পরিহাস ও বৈঠকী গল্পগুলি  
সংগ্রহ করতে এবং সেগুলি যাচাই করে নিতে আমাকে যেভাবে  
পরিশ্রম করতে হয়েছে, শরৎচন্দ্রের মৌখিক অভিভাষণগুলিও সঠিক ভাবে  
সংগ্রহ করতে ঠিক তেমনি পরিশ্রম করতে হয়েছে ।

পূর্বেই বলেছি, শরৎচন্দ্র ছোট বড় বহু সভাতেই মৌখিক অভিভাষণ  
দিয়েছিলেন । সেই সব সভার মধ্যে কোন কোনটিতে তাঁর ভাষণ তখনই কেউ  
কেউ অমূল্যলিখনে লিখে নিয়েছিলেন । ঐ লিখে নেওয়া ভাষণগুলির মধ্যে  
কিছু ইতিপূর্বে বিভিন্ন পত্র-পত্রিকায় প্রকাশিত হয়েছে ।

এখনও যা অপ্রকাশিত ছিল, তা আমি আবিষ্কার করে, এই গ্রন্থে প্রকাশ  
করেছি । যেমন—ঢাকা বিশ্ববিদ্যালয়ের ছাত্র সমিতিতে প্রদত্ত শরৎচন্দ্রের দীর্ঘ  
বক্তৃতাটি । এটি তখনই অমূল্যলিখনে কর্তৃক লিখিত হয়ে, দীর্ঘ ৩০ বৎসর  
অপ্রকাশিত অবস্থায় অমূল্যলিখনের কাছেই পড়েছিল ।

ইতিপূর্বে প্রকাশিত শরৎচন্দ্রের মৌখিক অভিভাষণগুলির মধ্যে আমার  
জানা একটি ভাষণ সংগ্রহ করতে পারলাম না । তাই সেটি এই গ্রন্থে দেওয়া  
গেল না । সেটি হ’ল, ১৩৪২ সালে মহালয়ার দিন কলকাতায় ‘হোটেল  
ম্যাজিষ্টি’তে অমূল্যলিখনে ‘শরৎ-সম্বর্ধন’ সভায় শরৎচন্দ্রের অভিভাষণটি । সেদিন  
সভায় শরৎচন্দ্রের মৌখিক অভিভাষণটি সঙ্গে সঙ্গে লিখে নিয়েছিলেন সাহিত্যিক  
শৈলজানন্দ মুখোপাধ্যায় । সেই লেখাটি ঐ সময়কার পূজা সংখ্যা ‘স্বদেশ’  
পত্রিকায় প্রকাশিত হয়েছিল । ঐ সংখ্যা স্বদেশ কোন লাইব্রেরীতে বা  
অল্প কোথাও খুঁজে পেলাম না । স্বদেশ-সম্পাদক কৃষ্ণেন্দু নারায়ণ ভৌমিকের  
কাছে এক খানা আছে বটে, কিন্তু সেই বইএ সব পাতাই ঠিক আছে, কেবল  
যে দুটি পাতায় শরৎচন্দ্রের বক্তৃতাটি ছাপা হয়েছিল, কে সেই পাতা দুটি  
কেটে নিয়ে গেছে, দেখলাম ।

শরৎচন্দ্র সেদিন সভায় কি বলেছিলেন, সে সম্বন্ধে কৃষ্ণেন্দুবাবু এবং  
শৈলজানন্দবাবু উভয়কেই জিজ্ঞাসা করেছিলাম । তাঁরা বললেন—আজ  
আর তার কোন কথাই মনে নেই ।

শরৎচন্দ্র যে সব সভায় গিয়েছিলেন, তার যতগুলির সন্ধান করতে পেরেছি, সেই সভার উদ্বোধন বা শ্রোতা যারা আজও এই প্রসঙ্গ লেখার সময়—বৈচে আছেন, তাঁদের অনেকের কাছে গিয়ে, শরৎচন্দ্রের সেই সব সভায় বক্তৃতার কিছু কিছু সংগ্রহ করেছি।

অবশ্য সেই সব সভার উদ্বোধন বা শ্রোতাদের অনেকেই বলেছেন—শরৎচন্দ্রের সেদিনের বক্তৃতায় কোন কথাই আজ আর মনে নেই।

যেমন—১৯২৩ খ্রীষ্টাব্দে হিন্দু হোস্টেলের ছাত্রদের বার্ষিক সম্মেলনে শরৎচন্দ্র সভাপতিত্ব করেছিলেন। সেদিন সভায় শরৎচন্দ্র যে সব কথা বলেছিলেন, সে সম্বন্ধে সেই সভায় অগ্রতম উদ্বোধন বিনয়ভূষণ দাশগুপ্ত ( পরবর্তীকালে পশ্চিমবঙ্গ সরকারের ফাইন্যান্স সেক্রেটারী ) বলেন—শরৎচন্দ্রের সেদিনের বক্তৃতার কোন কথাই আজ আর মনে নেই।

আবার কেউ কেউ বলেন—সব ভুলে গেছি, শুধু একটি কথা মনে আছে মাত্র। যেমন—১৯৩৩ খ্রীষ্টাব্দে শরৎচন্দ্র কলকাতায় অক্সফোর্ড মিশন হোস্টেলে এক ছাত্র সভায় গিয়েছিলেন। সেই সভায় সভাপতি ছিলেন শরৎচন্দ্র আর প্রধান অতিথি ছিলেন বিভূতিভূষণ বন্দ্যোপাধ্যায়। সেদিন সভায় শরৎচন্দ্র বক্তৃতা প্রসঙ্গে যা বলেছিলেন, সে সম্বন্ধে সেই সভায় উপস্থিত একজন ছাত্র ত্রিরোহিতা মণ্ডল ( বর্তমানে ইনি ভায়সগুহারবারে ফকিরচাঁদ কলেজে ইংরাজির অধ্যাপক ) বলেন—শরৎচন্দ্রের একটা কথা মাত্র মনে আছে। তিনি বলেছিলেন—‘তোমরা সকলেই কলেজের ছাত্র। তোমরা উচ্চ শিক্ষা লাভের স্বযোগ পেয়েছ। তোমাদের মত বয়সে অর্থের অভাবেই আমাকে কিন্তু একদিন পড়া ছাড়তে বাধ্য হতে হয়েছিল।’

অনেক সভায় শরৎচন্দ্রের সভাপতিত্ব করার কথা এবং সেই সব সভায় তাঁর মুখের বক্তৃতা—এতদিন পরে আজ সবই বিস্মৃতির তলে তলিয়ে যেতে বসেছে। এগুলির মধ্য থেকে কতগুলি সভার বিবরণ ও বক্তৃতা অনেক কষ্টে আমি সংগ্রহ করতে সক্ষম হয়েছি। কিভাবে সেগুলি সংগ্রহ করেছি, তারই কয়েকটা উদাহরণ দিচ্ছি—

(১) কাঁটালপাড়ায় ঋষি বঙ্কিমচন্দ্রের জ্ঞাতি সন্তোষকুমার চট্টোপাধ্যায় একদিন আমাকে বলেছিলেন—‘আমি যখন ছেলেবেলায় উত্তরপাড়ায় আমার

মামার বাড়ীতে থেকে পড়তাম, তখন দেখেছিলাম, শরৎচন্দ্র কাজী নজরুল ইসলামকে সঙ্গে নিয়ে উত্তরপাড়ায় এক সভায় গিয়ে ছিলেন। সভার তারিখ বা শরৎচন্দ্রের বক্তৃতা কিছুই আমার মনে নেই।

সন্তোষবাবুর কাছে এই সংবাদ পেয়ে আমি খুঁজে খুঁজে উত্তরপাড়ার সেই সভার উদ্বোধকাদের একজনকে বার করি এবং তাঁর কাছ থেকে সভার বিবরণ ও শরৎচন্দ্রের বক্তৃতা সংগ্রহ করি।

(২) শরৎচন্দ্রের ছই মামাতো ভাই সোমেন্দ্রনাথ গঙ্গোপাধ্যায় ( মণীন্দ্রনাথ গঙ্গোপাধ্যায়ের পুত্র ) ও রবীন্দ্রনাথ গঙ্গোপাধ্যায় ( হরেন্দ্রনাথ গঙ্গোপাধ্যায়ের পুত্র ) এঁদের কাছ থেকে শুনি শরৎচন্দ্র একবার পুুলিয়ায় গিয়েছিলেন। এঁরা শরৎচন্দ্রের পুুলিয়ায় যাওয়ায় সন তারিখটা ঠিক না বলতে পারলেও, মোটামুটি একটা আন্দাজ দিয়েছিলেন। সেই হিসাবে পুরাতন সংবাদপত্র ঘেঁটে ঘেঁটে সভার সন তারিখ ও সভায় শরৎচন্দ্রের বক্তৃতা যা সংবাদপত্রে প্রকাশিত হয়েছিল, তা উদ্ধার করি। পরে পুুলিয়ার মণীন্দ্রমোহন মজুমদারের কাছ থেকেও ঐ সভা সম্বন্ধে কোন কোন কথা জানতে পারি।

(৩) একজন বললেন—শরৎচন্দ্র একবার যশোহর জেলার কালিয়ায় সভা করতে গিয়েছিলেন। উমাপ্রসাদ মুখোপাধ্যায়কে লেখা শরৎচন্দ্রের একটা চিঠিতেও দেখলাম, তিনি একবার কালিয়া গিয়েছিলেন বটে। এই শুনেও দেখে আমি কালিয়ার অনেক লোকের সঙ্গে দেখা করি। শেষে সভার উদ্বোধকাদের বার করে তাঁদের কাছ থেকে সভার বিবরণ-আদি সংগ্রহ করি। বই-এ দেখিয়েছি, শরৎচন্দ্রের কালিয়া যাওয়া সে এক নাটকীয় ব্যাপার।

(৪) পশ্চিমবঙ্গ সরকারের একজন উচ্চপদস্থ কর্মচারী জীবানন্দ ভট্টাচার্য একদিন আমাকে বললেন—

রামমোহন লাইব্রেরী হলে ব্রাহ্মদের এক ‘রামমোহন স্মৃতি-সভা’য় আমি একবার গিয়েছিলাম। গিয়ে দেখি, সেই সভায় সভাপতি শরৎচন্দ্র। সে সভার সন, তারিখ আমার কিছুই মনে নেই। শরৎচন্দ্র সেদিন বক্তৃতা প্রসঙ্গে একটা গল্প বলেছিলেন। সেটা কিন্তু আজও মনে আছে। সভার সময়টা সম্বন্ধে শুধু এইটুকু বলতে পারি—সেটা বিলাতে কোন একটা গোল-টেবিল বৈঠকের সময় হবে। কেননা, একজন বক্তা সেদিন বলেছিলেন—আজ

গান্ধীজী দেশের দাবী নিয়ে গোল-টেবিল বৈঠকে যাচ্ছেন, ঠিক এক শ বছর আগে রাজা রামমোহনও দেশের দাবী নিয়ে বিলাত গিয়েছিলেন।

জীবানন্দবাবুর কাছে এই কথা শুনে, সহজে বিশ্বাস করতে পারছিলাম না যে, ব্রাহ্মরা শরৎচন্দ্রকে নিয়ে গিয়ে তাঁদের এক সভায় সভাপতি করেছিলেন। তাই ভাবলাম, শরৎচন্দ্র সভাপতি হয়ে রামমোহন শ্রুতি-সভায় গিয়েছিলেন, এটা যদি কোথাও লিখিত আকারে দেখতে পাই, তবেই এ সভার কথা বই-এ দোব।

যাই হোক, জীবানন্দবাবুর কাছ থেকে সভার সময় সম্বন্ধে খেটুকু ইঙ্গিত পেলাম, সেই সূত্র ধরেই সভার সন, তারিখ বার করবার চেষ্টা করতে লাগলাম।

১৯৩১ খ্রীষ্টাব্দে গান্ধীজী দ্বিতীয় গোল-টেবিল বৈঠকে গিয়েছিলেন। (রাজা রামমোহনের জীবনীতেও দেখলাম, তিনি ১৮৩১ খ্রীষ্টাব্দেই বিলাতে গিয়ে পৌঁছেছিলেন।) অতএব সালটা পাওয়া গেল। এবার তারিখটা। রামমোহনের শ্রুতি-সভা যখন, তখন নিশ্চয়ই হয় তাঁর জন্ম তারিখে, না হয় তাঁর মৃত্যু তারিখে সভা হয়েছিল। রামমোহনের জন্ম তারিখ জানা যায় না। তাঁর মৃত্যু তারিখ ২৭শে সেপ্টেম্বর। তাহলে সভার তারিখটা দাঁড়াল ১৯৩১ খ্রীষ্টাব্দের ২৭শে সেপ্টেম্বর।

এবার স্থির করলাম, ১৯৩১ খ্রীষ্টাব্দের ২৭শে সেপ্টেম্বর তারিখে রামমোহনের ঐ শ্রুতিসভা সম্বন্ধে কোন সংবাদ ঐ সময়কার কোন সংবাদপত্রে প্রকাশিত হয়েছিল কিনা দেখা যাক।

পুরাতন সংবাদপত্র খুঁজতে খুঁজতে ১৯৩১ খ্রীষ্টাব্দের ২৬শে সেপ্টেম্বর তারিখের আনন্দবাজার পত্রিকায় দেখলাম—২৭শে তারিখে যে রামমোহন শ্রুতি-সভা হবে তারই একটি বিবরণ প্রকাশিত হয়েছে। তাতে দেখলাম—সভাপতি শরৎচন্দ্রই। অতএব নিঃসন্দেহ হয়ে সভার বিবরণ বই-এ দিলাম।

এই গ্রন্থ রচনায় আমি নানাভাবে নানাজনের কাছ থেকে সাহায্য পেয়েছি। এঁদের সকলের কাছেই আমি আমার কৃতজ্ঞতা জানাচ্ছি।





**আলাপ-আলোচনা**



## রবীন্দ্রনাথ

১৯২১ খ্রীষ্টাব্দের ডিসেম্বর মাস। শরৎচন্দ্র তখন বেঙ্গল থেকে ফিরে এসে হাওড়া শহরে বাজে শিবপুরে বাস করছেন এবং দেশবন্ধুর অধীনে মহাত্মা গান্ধীর অসহযোগ আন্দোলনে যোগ দিয়েছেন।

শরৎচন্দ্রের সম্পর্কীয় মাতুল ও বাল্যবন্ধু উপেন্দ্রনাথ গঙ্গোপাধ্যায়ও ঐ সময় হাওড়ায় বাজে শিবপুরের পাশেই শিবপুরে থাকতেন। এঁদের উভয়ের মধ্যে তখন প্রায়ই দেখা সাক্ষাৎ হ'ত।

ঐ সময় প্রিন্স অব্ ওয়েলস্ একবার কলকাতায় এসেছিলেন। তাঁর কলকাতায় আগমন উপলক্ষে সেদিন সারা বাঙ্গলায় পূর্ণ হরতাল হয়েছিল। হাট-বাজার, দোকান-পসার, ঘানবাহন সমস্তই বন্ধ ছিল।

ঐ হরতালের দিনে সকাল ৮টা নাগাদ শরৎচন্দ্র খালি পায়ে উপেনবাবুদের বাসায় গিয়ে উপস্থিত হলেন। গিয়ে বললেন—উপীন (উপেনবাবুর ডাক নাম), শুনছি হাওড়া স্টেশনে ভারি ছুরবস্থা! ট্রেনে ট্রেনে বহুলোক না জেনে এসে পড়েছে। শিশুরা দুধ পাচ্ছে না। ছেলেমেয়েরা খাবার পাচ্ছে না। জ্বীলোকেরা বাড়ী বাবার গাড়ী পাচ্ছে না। যাবে? যদি কোন কাজে লাগতে পারি!

উপেনবাবু সম্মতি দিলে, দুজনে তখনই খালি পায়ে বেরিয়ে পড়লেন।

শিবপুর থেকে হাওড়া স্টেশন অনেকটা পথ। দুজনে নানা গল্প করতে করতে পথ চলতে লাগলেন।

হাওড়া স্টেশনের নিকট বাকল্যাণ্ড ব্রীজের উপর এসে শরৎচন্দ্র উপেনবাবুকে প্রশ্ন করলেন—আচ্ছা, বলতো, আমাদের ভারতবর্ষের সকল কবির মধ্যে রবীন্দ্রনাথের স্থান কি? অর্থাৎ প্রথম, দ্বিতীয়, তৃতীয়, চতুর্থ থেকে আরম্ভ করে শততম পর্যন্ত একশ স্থানের মধ্যে কোন্ স্থানটি তিনি অধিকার করে আছেন?

উপেনবাবু ক্ষণকাল চিন্তা করে বললেন—ঠিক বলতে পারছি না। তুমি যখন প্রশ্নকর্তা, তখন উত্তর তুমি নিশ্চয় জানো। তুমিই বল রবীন্দ্রনাথের স্থান কি?

শরৎচন্দ্র বললেন—দ্বিতীয়। আচ্ছা, রবীন্দ্রনাথ যদি দ্বিতীয় হন, তাহলে প্রথম কে বলতো?

উপেনবাবু একটু ভেবে বললেন—এ প্রশ্ন আরও কঠিন ঠেকছে। এর উত্তরও তুমি দাও।

শরৎচন্দ্র বললেন—প্রথম বেদব্যাস।

এই উত্তরে উপেনবাবু খুশী হয়ে এবং একটু চিন্তিত হয়েও বললেন—তাহলে বান্ধীকি?

—অনেক নীচে, অনেক নীচে। এঁদের দুজনের অনেক নীচে।

—কালিদাস?

কালিদাসও অনেক নীচে। প্রথম থেকে দ্বিতীয়ের যে দূরত্ব, দ্বিতীয় থেকে তৃতীয়ের দূরত্ব তার অনেক গুণ বেশী।

কবি সত্যেন্দ্রনাথ দত্ত মারা গেলে, তখন কলকাতায় যে শোকসভা হয়েছিল, সেই সভায় শরৎচন্দ্রকে সভাপতি স্থির করবার জন্ত সভার কয়েকদিন আগে বাতায়ন-সম্পাদক অবিনাশচন্দ্র ঘোষাল একবার শরৎচন্দ্রের কাছে গিয়েছিলেন।

অবিনাশবাবু গিয়ে শরৎচন্দ্রের বাইরের ঘরে বসলেন। ঘরে ঢুকেই তিনি লক্ষ্য করলেন, রবীন্দ্রনাথের বইগুলি অতি সুন্দরভাবে সাজানো রয়েছে।

অবিনাশবাবু শরৎচন্দ্রের কাছে তাঁর প্রস্তাব পেশ করলে, শরৎচন্দ্র বললেন—আচ্ছা তুমি কি মনে কর, আমি তোমাদের সভাপতি হ'লে, কোন ভঙ্গলোক সে সভায় যোগ দেবেন?

অবিনাশবাবু বিস্মিত হয়ে বললেন—আপনি বলছেন কি? আপনি কি মনে করেন, এই দুর্ভাগ্য দেশ আজও তার জড়তা কাটিয়ে উঠতে পারে নি?

শরৎচন্দ্র বললেন—তুমি কি বলছ, তা আমি ঠিক বুঝতে পারছি না। তবে এইটুকু জানি যে, জনকতক লোক আমায় চান না। তাঁরা বলেন, বাঙ্লা সাহিত্যে আমি নোংরা জিনিসের আমদানী করেছি।

অবিনাশবাবু বললেন—যদি জনকতক লোক এ কথা বলেই থাকেন,

জানবেন, তাঁরা সাহিত্যের মঙ্গলাকাজী নন। তাঁরা শত্রু। তাঁরা চিরদিনই থাকবেন। আপনি কি মনে করেন যে, জনকতক প্রত্নতাত্ত্বিক ও পণ্ডিতই কেবল এই বাঙ্গলা সাহিত্যটাকে শাসন করছেন। তাঁরা যা বলবেন বা করবেন, তা অম্রাস্ত বলে মেনে নিতে হবে? বঙ্কিমচন্দ্রকেও তাঁরা ভাল বলেনি, রবীন্দ্রনাথকেও তাঁরা প্রশংসা করেন না। কিন্তু তাই বলে বঙ্কিমচন্দ্র ও রবীন্দ্রনাথ যদি সাহিত্য সেবা ছেড়ে দিয়ে বসে থাকতেন, আজ বাঙ্গলা সাহিত্য বলতে আপনি কি বুঝতেন? এর উত্তর দিন।

অবিনাশবাবুর এই কথায় শরৎচন্দ্র সেল্ফ থেকে একটি ছোট বই বার করে অবিনাশবাবুর হাতে দিয়ে বললেন—এটা পড়েছ?

অবিনাশবাবু বললেন—হ্যাঁ।

শরৎচন্দ্র বললেন—এঁর মত তো তোমার কথার সঙ্গে মিলছে না। ইনি রবীন্দ্রনাথকে পর্যন্ত রেহাই দেন নি। আমি না হয় অতি ক্ষুদ্র ব্যক্তি, কিন্তু রবীন্দ্রনাথকে কি করে যে এঁরা অসম্মান করেন, তা আমি বুঝতে পারি না। তাঁর পায়ের তলায় বসে লেখবার মত লোক এ বাঙ্গলা দেশে কেউ আছে কিনা আমি জানি না। সেদিন আমার এক বন্ধু আমায় বলেছিলেন—আপনার লেখা তবুও বুঝা যায়, কিন্তু রবিবাবুর লেখা কিছু বুঝা যায় না। তার উত্তরে আমি তাঁকে বলি—আমি বই লিখি আপনাদের জন্তে, আর তিনি বই লেখেন আমাদের জন্তে।

ঢাকা বিশ্ববিদ্যালয় প্রদত্ত ডি-লিট উপাধি নেবার জন্ত ১৯৩৬ খ্রীষ্টাব্দে শরৎচন্দ্র ঢাকায় যান।

ইতিপূর্বে তিনি ১৯২৫ খ্রীষ্টাব্দে মুন্সীগঞ্জে অনুষ্ঠিত বঙ্গীয় সাহিত্য সম্মেলনে সাহিত্য শাখার সভাপতি হিসাবে মুন্সীগঞ্জে গিয়ে, সভার পর সেখান থেকে আর একবার ঢাকা শহরে গিয়েছিলেন।

শরৎচন্দ্র দ্বিতীয়বার ঢাকায় গিয়ে তাঁর বালাবন্ধু ঢাকা বিশ্ববিদ্যালয়ের বাঙ্গলার অধ্যাপক ঔপন্যাসিক চারুচন্দ্র বন্দ্যোপাধ্যায়ের বাড়ীতে অতিথি হিসাবে কয়েকদিন ছিলেন।

শরৎচন্দ্রের মাতামহের কনিষ্ঠ ভ্রাতা অঘোরনাথ গঙ্গোপাধ্যায় মালদহ জেলার চাঁচলের রাজ এস্টেটের ম্যানেজার ছিলেন। চাকুবাবুর দিদিমা ছিলেন, ঐ চাঁচলের রাণী। ১৮৯৩ খ্রীষ্টাব্দে গ্রীষ্মের সময় চাকুবাবুর দিদিমা হাওয়া বদলের জন্তু ভাগলপুরে গেলে, চাকুবাবুও ঐ সময় দিদিমার সঙ্গে ভাগলপুরে বেড়াতে গিয়েছিলেন। শরৎচন্দ্র তখন ভাগলপুরে তাঁর মামার বাড়ীতে থেকে লেখাপড়া করতেন। ঐ ভাগলপুরেই সেই সময় শরৎচন্দ্রের সঙ্গে চাকুবাবুর বন্ধুত্ব হয়।

যাই হোক, শরৎচন্দ্র ঢাকায় চাকুবাবুর বাড়ীতে থাকার সময় হঠাৎ অসুস্থ হয়ে পড়েন।

চাকুবাবু দেখতেন—ঐ সময় শরৎচন্দ্র অসুস্থের ঘোরে রবীন্দ্রনাথের ‘বলাকা’ কাব্যগ্রন্থের একটার পর একটা করে কবিতা সম্পূর্ণ নিতুলভাবে আবৃত্তি করে যাচ্ছেন।

চাকুবাবু বলেন—রবীন্দ্রনাথের উপর শরতের এত গভীর শ্রদ্ধা ছিল যে, কেউ যদি রবীন্দ্রনাথের নিন্দা করত তো, তাহলে সে তার উপর ভীষণ চটে যেত।

চাকুবাবু আরও বলেন—একবার মাসিক মোহাম্মদীতে রবীন্দ্রনাথের ভাষা নিয়ে একটা বিরূপ সমালোচনা বেরিয়েছিল। ঐ প্রবন্ধটির প্রসঙ্গ উঠলে, শরৎ তখন আমাকে বলেছিল—আরে ওর! ভুলে যায়, ওদের ঐ যে সমালোচনা করবার ভাষা, ওটাই বা ওদের শেখালেন কে? তিনি তো সেই রবীন্দ্রনাথই!

১৯০৩ খ্রীষ্টাব্দের অক্টোবর মাস। শরৎচন্দ্র তখন সামতাবেড়ে বাস করছেন।

সেই সময় হুগলী জেলা সাহিত্য সম্মেলনের প্রথম অধিবেশনে শরৎচন্দ্রকে সভাপতিত্ব করবার জন্তু আহ্বোধ করতে অধ্যাপক কাননবিহারী মুখোপাধ্যায় একদিন শরৎচন্দ্রের কাছে যান।

শরৎচন্দ্র কাননবাবুর প্রস্তাব শুনেই প্রথমে সভাপতি হ’তে অরাজী হলেন।

তারপর কাননবাবু বহু অস্বস্তি করলে শরৎচন্দ্র শেবে রাজী হলেন। তখন তিনি বললেন—দেখ, তোমাদের এই সব বড় বড় সভা আমার মোটে ভাল লাগে না। সভাপতিত্ব করতে গিয়ে দেখেছি, ক'ঘণ্টা বসে রইলাম। না হ'ল গ্রামের পাঁচজনের সঙ্গে খোলাখুলি আলাপ, না কারো সঙ্গে মেলামেশা। সভা করে দশটা প্রবন্ধ পড়ার কোন সার্থকতা বুঝি না। শ্রোতাদের মধ্যে খুব কম লোকই শোনে। তার চেয়ে ছোট ছোট বৈঠক কর, যাব—দশজনের সঙ্গে গল্প করব, আলাপ পরিচয় হবে, বেশ ভাল লাগবে।

ঐ সময় কথায় কথায় কাননবাবু শরৎচন্দ্রকে জানালেন—আমাদের এই সভায় রবীন্দ্রনাথ একটা প্রবন্ধ পাঠাবেন, প্রতিশ্রুতি দিয়েছেন।

শরৎচন্দ্র শুনে বিস্মিত হয়ে বললেন—কবি শুনেছেন যে আমি সভাপতি হব! আমি বারবার সকলের কাছে বলি, তাঁর কাছ থেকে আমি অনেক পেয়েছি। তাঁর সাহিত্যের তুলনা হয় না, আমাদের দেশে। তাঁর কাছে আমরা কিছুই নয়। অবাক হয়ে ভাবি, অত বড় প্রতিভা এদেশে জন্মালো কি করে!

শরৎচন্দ্র চন্দননগরে প্রবর্তক সংঘের এক সভায় রবীন্দ্রনাথ সম্বন্ধে এই রকম কথাই আর একবার বলেছিলেন।

সেদিন তিনি প্রসঙ্গক্রমে বলেছিলেন—রবীন্দ্রনাথের মত অত বড় প্রতিভা পৃথিবীতে আর জন্মাবে কিনা সন্দেহ!



## মধুসূদন

মাইকেল মধুসূদন দত্তের সৃষ্ট সাহিত্যের উপর শরৎচন্দ্রের গভীর শ্রদ্ধা থাকলেও, ব্যক্তি মধুসূদনের উপর কিন্তু তাঁর তেমন শ্রদ্ধা ছিল না।

মধুসূদন অত্যন্ত অমিতব্যয়ী ছিলেন এবং তাঁর ঐ অমিতব্যয়ীতার ফলেই তাঁকে শেষ জীবনে অর্থকষ্ট ভোগ করতে হয়েছিল, অর্থাৎ তাঁর অভাব ছিল, তাঁর স্বেচ্ছাকৃত—মধুসূদন সম্বন্ধে এ কথা বলতে শরৎচন্দ্র আদৌ ইতস্ততঃ করতেন না।

মধুসূদনের ত্রিষষ্ঠিতম মৃত্যু বার্ষিকীর সময় শরৎচন্দ্রের এই ধরনের একটি মন্তব্য সংবাদপত্রে প্রকাশিত হয়েছিল।

মধুসূদন সম্বন্ধে শরৎচন্দ্রের এই মন্তব্যটি সংবাদপত্রে প্রকাশিত হওয়ার কয়েকদিন পরে শরৎচন্দ্রের সঙ্গে তাঁর স্নেহভাজন বাতায়ন-সম্পাদক অবিনাশ চন্দ্র ঘোষালের দেখা হয়।

সেদিন শরৎচন্দ্রের সঙ্গে দেখা হ'লে, অবিনাশবাবু শরৎচন্দ্রকে বললেন—আপনি যদি কিছু না মনে করেন, তাহলে একটা কথা বলব।

শরৎচন্দ্র হেসে বললেন—এমন কি মারাত্মক কথা বলবে, যাতে তোমার এত সঙ্কোচ হচ্ছে?

অবিনাশবাবু বললেন—আপনি বলেছেন, মাইকেলের অভাব ইচ্ছাকৃত ছিল। আমার মনে হয়, এটা আপনি না বললেই পারতেন।

শরৎচন্দ্র বললেন—কেন, এতে দোষ কি হয়েছে? তাঁর সমসাময়িক ব্যক্তিদের নিকট থেকে তিনি যে রকম অকাতরে সাহায্য লাভ করেছিলেন, আর কোন কবির ভাগ্যে তা ঘটেছে? বল? বিদ্যাসাগর মশাই কত টাকাই না তাঁকে দিয়েছিলেন!

## বঙ্কিমচন্দ্র

শরৎচন্দ্র নিজেই বহুবার বলেছেন—ছেলেবেলায় আমি বঙ্কিমচন্দ্রের লেখা চুরি করে লিখতাম।

এই কারণেই হয়ত শরৎচন্দ্রের বাল্য রচনাগুলির মধ্যে কয়েকটিতে বঙ্কিমচন্দ্রের প্রভাব দেখা যায়।

বঙ্কিমচন্দ্রকে অসাধারণ প্রতিভার অধিকারী এবং বাঙ্গলা উপন্যাস-সাহিত্যের পথ-প্রদর্শক বলে স্বীকার করলেও, শরৎচন্দ্র কিন্তু পরে বঙ্কিমচন্দ্রের কয়েকটি উপন্যাস সম্বন্ধে কিছু কিছু বিরূপ মন্তব্য করতেও, দ্বিধাবোধ করেন নি—বিশেষ করে ‘কৃষ্ণকান্তের উইল’র রোহিণী চরিত্রটি সম্বন্ধে। শরৎচন্দ্র লিখে এবং বন্ধুদের কাছে মুখে, রোহিণী চরিত্রটির পরিণতি সম্বন্ধে বহুবার বঙ্কিমচন্দ্রের উপর কটাক্ষ করেছেন।

বঙ্কিমচন্দ্রের প্রসঙ্গ উঠলে শরৎচন্দ্র তাঁর বন্ধুদের প্রায়ই বলতেন—বোহিণীকে গুলি করে মারাট। আমার খুব খারাপ লেগেছে। বেচারী রোহিণী! তার কি অপরাধ হয়েছিল, গোবিন্দলালকে ভালোবাসার জন্ত! কিন্তু হিন্দু ধর্মের স্ত্রীত্বের আদর্শে এ প্রেমের সে অধিকারী নয়। তাই তার মৃত্যু ঘটাতে হ’ল।

উপন্যাসের চরিত্র শুধু উপন্যাসের আইনেই মরতে পারে, নীতির চোখ রাঙানিতে তার মরা চলে না।

[রোহিণী চরিত্র সম্বন্ধে শরৎচন্দ্রের অভিমতই যে ঠিক, এ কথা কিন্তু অনেকে স্বীকার করেন না। তাঁরা বলেন—বঙ্কিমচন্দ্র তাঁর ‘কৃষ্ণকান্তের উইল’ উপন্যাসে যেভাবে চরিত্রগুলি সৃষ্টি করেছেন ও ঘটনা-বিশ্লেষণ করেছেন, তাতে চরিত্রের ও ঘটনার পরিণতি হিসাবে গোবিন্দলালের গুলিতে রোহিণীর মৃত্যু মোটেই অস্বাভাবিক হয় নি। বঙ্কিমচন্দ্র কেবল পাপের শাস্তি ও স্ত্রীত্ব প্রচারের জন্তই রোহিণীর মৃত্যু ঘটিয়েছিলেন, এরূপ বললে ঠিক সঙ্গত হবে না।]

## নিজের উপন্যাসের উপাদান

ঔপন্যাসিক চারুচন্দ্র বন্দ্যোপাধ্যায় ছিলেন শরৎচন্দ্রের একজন বিশিষ্ট বন্ধু। এই চারুবাবুর কাছে শরৎচন্দ্র নিজের সাহিত্য-জীবনের কথা আলোচনা করতে গিয়ে একদিন বলেছিলেন—

চারু, আমার মতো। ক'রে তোমাদের যদি উপন্যাস রচনা করতে হ'ত, তাহলে তোমরা উপন্যাস লিখতেই পারতে না। এমন দিন গেছে, যখন দু-তিন দিন অনাহারে অনিদ্রায় থেকেছি। কাঁধে গামছা ফেলে এ-গ্রাম সে-গ্রাম ঘুরে বেড়িয়েছি। কত বাড়ীতে কুকুর লেলিয়ে দিয়েছে—তারা ভয়লোক! কত হাড়ী-বাগ্দির বাড়ীতে আহাৰ করেছি। গ্রামের সকলের সঙ্গে মিশেছি, তাদের সুখ-দুঃখে সহানুভূতি জানিয়ে তাদের মুখ থেকে তাদের পারিবারিক ও সামাজিক জীবনের কাহিনী জেনে নিয়েছি। তারপর খুব ভাল করে দেখে নিয়েছি পল্লীগ্রাম ও পল্লী-সমাজ। তাছাড়া আমার উপন্যাসের অধিকাংশ চরিত্র এবং ঘটনা আমার স্বচক্ষে দেখা।

চারুবাবু বলেন—শরৎ প্রায়ই আমার কাছে বলত—যে জিনিস আমি নিজে কখনো ভাল করে দেখিনি, তা আমার সাহিত্যে স্থান পায় নি। নিছক কল্পনাকে আশ্রয় করে আমার কোন উপন্যাসই গড়ে ওঠে নি। মানুষের ব্যক্তিগত জীবনের সুখ দুঃখ আমি দেখেছি—সে-সবের কারণ আমি বুঝবার চেষ্টা করেছি। তারপরে তাকে আমি উপন্যাসে রূপ দিয়েছি।

## নূতন উপজ্ঞাসের পরিকল্পনা

ঢাকা বিশ্ববিদ্যালয় শরৎচন্দ্রকে ডি-লিট উপাধি দান করেছিল। ঐ উপাধি বিতরণের অল্পষ্টানে সভাপতিত্ব করেছিলেন বাঙ্গলার লাট সাহেব।

অল্পষ্টানের পর শরৎচন্দ্র লাট সাহেবের সঙ্গে আহারে বসলে, তখন কথা-প্রসঙ্গে তাঁর সঙ্গে লাট সাহেবের হিন্দু-মুসলমানের মনোমালিঙ্গের কথা ওঠে। সেই সময় লাট সাহেব শরৎচন্দ্রকে বলেছিলেন—আপনি যদি আপনার উপজ্ঞাসে মুসলমান সমাজের কথা দরদের সঙ্গে লেখেন, তাহলে এই মনোমালিঙ্গের অনেকটা সুরাহা হতে পারে এবং তাতে দেশেরও কল্যাণ হয়।

শরৎচন্দ্র লাট সাহেবের কথায়, লিখবেন বলে সম্মতি জানিয়েছিলেন।

ঢাকা বিশ্ববিদ্যালয় থেকে ডি-লিট উপাধি নেবার পরেও শরৎচন্দ্র কয়েক দিন ঢাকায় ছিলেন। ঐ সময় ঢাকার বিভিন্ন প্রতিষ্ঠান থেকে তাঁকে যে সব সম্বর্ধনা জানানো হয়েছিল, তাতে কোথাও কোথাও তিনি, মুসলমান সমাজ নিয়ে উপজ্ঞাস লিখবেন, এ কথাও বলেছিলেন।

শুধু এই বলাই নয়, তিনি তখন ঢাকার কয়েকজন মুসলমান অধ্যাপক ও মুসলমান সাহিত্যিকের সঙ্গেও এ নিয়ে রীতিমত আলোচনা করেছিলেন।

কাজী মোতাহার হোসেন প্রভৃতির সঙ্গে শরৎচন্দ্র তাঁর এই পরিকল্পনা নিয়ে আলোচনা-প্রসঙ্গে তাঁদের বলেছিলেন—বাঙ্গলা দেশের মধ্যে আছে, হিন্দু সমাজ ও মুসলমান সমাজ। তার কেবল একটির প্রতি পক্ষপাতিত্ব করলে সেটা ভাল দেখাবে না। তাই আমি তোমাদের সমাজ ও সামাজিক জীবন সম্বন্ধে লিখব ঠিক করেছি। কিন্তু, তোমাদের দোষ-ত্রুটি দেখে তোমরা আমার উপর চটে যাবে না তো?

—আপনি যে রকম সহানুভূতির সঙ্গে আপনার উপজ্ঞাসের মধ্যে হিন্দু সমাজ ও পল্লী সমাজের দোষ গুণ দেখিয়েছেন, সে রকম ভাবে যদি আমাদের সমাজের কথাও লেখেন তো আমরা খুশীই হব এবং তাতে আমাদের মুসলমান সমাজ উপকৃতও হবে।

—তোমাদের সমাজ ও জীবনযাত্রা প্রণালী সম্বন্ধে আগে অভিজ্ঞতা অর্জন করতে হবে। একবার তোমাদের জীবনযাত্রা প্রণালী আমাকে ভাল করে দেখাতে পার ?

—নিশ্চয়।

শরৎচন্দ্র ঢাকায় কয়েকদিন থাকার পর হঠাৎ খুব অসুস্থ হয়ে পড়েন। ঐ সময় তিনি তাঁর বাল্যবন্ধু ঢাকা বিশ্ববিদ্যালয়ের অধ্যাপক চারুচন্দ্র বন্দ্যোপাধ্যায়ের বাড়ীতে ছিলেন।

চারুবাবু বলেন—ঐ অসুস্থতার সময় প্রায়ই সে ইজিচেয়ারে চোখ বুজে বসে থাকত। একদিন বিকালে আমি ইউনিভার্সিটি থেকে ফিরতেই সে আমাকে বললে—চারু ! জরের ঘোরে আজ ঝিমোতে ঝিমোতে ভাবছিলাম যে, মুসলমান সমাজ নিয়ে উপগ্রাস আরম্ভ করে কিভাবে সেটাকে সমাপ্তির দিকে নিয়ে যাব। আজ সে সমস্যার সমাধান হয়ে গেছে। এখন আমার মনের মধ্যে একটা পরিস্কার প্লট আমি গড়ে তুলেছি—তার আরম্ভ থেকে পরিসমাপ্তি পর্যন্ত।

চারুবাবু শুনে বললেন—তুমি না লিখলে এ বিষয়ে হাত দেবার ক্ষমতা ও প্রতিভা আর কার আছে ? তুমি শীঘ্র সেরে উঠে আমাদের সাহিত্যের এ অভাবটাকে দূর কর। এই তো আমরা চাই !

শরৎচন্দ্র ঢাকায় সাময়িক ভাবে সুস্থ হয়ে উঠলেও, ঢাকা থেকে ফিরে এসে আবার অসুখে পড়লেন। কিছুদিন থেকেই তাঁর স্বাস্থ্য ভাল যাচ্ছিল না। তাই তিনি আর সুস্থ হয়ে উঠতে পারলেন না। অল্পদিন পরেই তিনি দেহত্যাগ করলেন।

মুসলমানদের জীবন ও সমাজ নিয়ে শরৎচন্দ্রের যে উপগ্রাস লেখার পরিকল্পনা ছিল, তা আর সফল হ'ল না।

## চরিত্র সৃষ্টি

চিত্র পরিচালক প্রমথেশ বড়ুয়া শরৎচন্দ্রের উপন্যাসের চিত্ররূপ দেওয়ার ব্যাপার নিয়ে একবার সামতাবেড়ে শরৎচন্দ্রের কাছে গিয়েছিলেন। সেদিন শরৎচন্দ্র ও প্রমথেশবাবুর মধ্যে এইরূপ কথা হয়েছিল—

প্রমথেশবাবু শরৎচন্দ্রকে জিজ্ঞাসা করলেন—আচ্ছা, আপনি যে এই সব চরিত্র সৃষ্টি করেন, ‘ইউনিফর্মিটি’ রাখেন কি করে?

উত্তরে শরৎচন্দ্র বললেন—আমি ‘ইউনিফর্মিটি’ চেষ্টা করে রাখি না— রাখবার প্রয়োজনও হয় না; কারণ আমার চরিত্রগুলিকে আগে চরিত্র হিসাবে কল্পনা করি, তারপর তাদের ‘সিচুয়েশন’এ ফেলে ‘রিঅ্যাক্ট’ করাই।

এরপর শরৎচন্দ্র বললেন—প্রমথেশ, তুমিও কি দশজনের মত মন জোগাতে ‘মাস অ্যাপীল’ আনতে আমার গল্প ভেঙ্গে গড়বে নাকি? দেখো, আমার ‘বিজ্ঞান’ বা ‘অলা’কে যেন নাচিয়ে ছেড়ো না।

—আশীর্বাদ করুন, যেন কখন দাসত্ব করতে না হয়।

—তোমাকে আশীর্বাদ করি যেন আর্টকেই মেনে চলতে পারো। যেদিন সেটা পারবে না, সেদিন ছবির সঙ্গে সম্পর্ক চুকিয়ে দিও।

—আপনার আশীর্বাদ শিরোধার্য করলাম।

প্রমথেশবাবু বলেন—বিভিন্ন লেখকের বিভিন্ন গল্পে নূতন নূতন চরিত্র ও নূতন নূতন ঘটনার সমাবেশ খুঁজে পাওয়া যায় বটে, কিন্তু শরৎচন্দ্রের গ্রন্থের চরিত্রের মত এমন নিখুঁত চরিত্র অঙ্কন আর কোথাও দেখতে পাওয়া যায় না। প্রায়ই দেখা যায়, ঘটনা চরিত্রকে ছাপিয়ে যাচ্ছে। কিন্তু শরৎচন্দ্রের চরিত্র ঘটনাকে মাথা পেতে নেয় না—তারা নিজেরা ঘটনা প্রবর্তন করে। তাই শরৎচন্দ্রের বই যখন ছবিতে রূপান্তরিত হয়, তখন সবার আগে ভেসে উঠে তাঁর চরিত্রগুলি—তারপর আসে কাহিনী। অস্বাভাবিক ছবিতে লোকে ঘটনা মনে রাখে, অভিনয় মনে রাখে। কিন্তু শরৎচন্দ্রের ছবি দেখে লোকের মনে গেঁথে থাকে তাঁর প্রাণবন্ত চরিত্রগুলি।

## অনুবাদ

শরৎচন্দ্র যখন ভাগলপুরে আমার বাড়ীতে থেকে কলেজে এফ-এ পড়তেন, সেই সময় ইংরাজী নভেল ও বিজ্ঞানের বই পড়ার দিকে তাঁর প্রবল ঝোঁক ছিল।

ইংরাজী নভেল পড়তেন তিনি ডিকেন্সেরই বেশী। তিনি বন্ধুদের বলতেন—ডিকেন্সের লেখা আমার খুব ভাল লাগে।

ডিকেন্সের লেখা ছাড়া তিনি হেনরি উড ও মারি কোরেলির লেখাও খুব পড়তেন। তখনকার দিনে হেনরি উড ও মারি কোরেলির খুব পশার ছিল।

শরৎচন্দ্র হেনরি উড-এর উপন্যাস পড়ে বন্ধুদের তখন বলতেন—ঘরোয়া ব্যাপার লেখায় এঁর চমৎকার হাত। কিন্তু সব উপন্যাসেই একটা করে খুন-খারাপি চালান। সেটুকু ভাল লাগে না।

আর মারি কোরেলির উপন্যাস সম্বন্ধে তিনি বলতেন—লেখায় ‘ফ্লোরিশ’ বড় বেশী। সে হিসাবে বস্তু কম।

শরৎচন্দ্র ঐ সময় হেনরি উড-এর ‘ইন্টলীন’ উপন্যাসের ছায়া অবলম্বনে ‘অভিমান’ নামে একটি উপন্যাস এবং মারি কোরেলির ‘মাইটি অ্যাটম’ পড়ে তার ছায়া অবলম্বনে ‘পাষণ’ নামে একটি উপন্যাস লিখেছিলেন।

শরৎচন্দ্রের এ দুটি উপন্যাসই পাণ্ডুলিপি অবস্থায় বন্ধুদের হাতে ঘুরতে ঘুরতে শেষে কিভাবে হারিয়ে যায়। তাই এ দুটি বইয়ের একটিও ছাপা হয় নি।

শরৎচন্দ্রের নেতৃত্বে ভাগলপুরে তখন যে সাহিত্য সভা হয়েছিল, সেই সভায় শরৎচন্দ্র একদিন তাঁর ‘পাষণ’ উপন্যাসটি পড়েছিলেন। এ সম্বন্ধে সাহিত্য-সভার অগ্রতম সদস্য শরৎচন্দ্রের সম্পর্কীয় মাতুল স্বরেন্দ্রনাথ গঙ্গোপাধ্যায় বলেন—আমাদের তখনকার সাহিত্য-সভায় এক রবিবারে এই বইটি তিনি সভ্যদের পড়ে শুনিয়েছিলেন। শরৎচন্দ্র কিন্তু অনুবাদ সাহিত্যের প্রতি মোটেই প্রসন্ন ছিলেন না। তিনি আমাদের বারবার নিরস্ত করে বলতেন—ওতে লেখকের নিজের শক্তির বিকাশ হবার পথ রুদ্ধ হয়ে যায়। ও কাজটি করো না।

ফরাসী সাহিত্যিক মনীষী রম্যা রঁলা ‘কল্লোল’-সম্পাদক দীনেশরঞ্জন দাশকে একবার এক চিঠিতে লেখেন—আমরা যদি শরৎচন্দ্রের ভাল ভাল লেখাগুলিকে ফরাসী ভাষায় তর্জমা করে ছাপাই, তাহলে ফরাসী এবং বাঙ্গলার চিন্তাধারার একটা আত্মীয়তা ঘটাবার সম্ভাবনা হয়, এটা আমরা করি না কেন ?

দীনেশবাবু রঁলার সেই চিঠিখানি নিয়ে একদিন সামতাবেড়ে শরৎচন্দ্রের বাড়ীতে যান। গিয়ে নানা গল্পের পর দীনেশবাবু শেষে রঁলার সেই চিঠির কথা উত্থাপন করেন।

মনীষী রঁলার প্রস্তাব শুনেই শরৎচন্দ্র বলে উঠলেন—দেখ হে, ওদের কাছে আমাদের যা শেখবার আছে, সেগুলোর অন্ততঃ অমুকরণও করি না। এত ভাল ভাল জিনিস, সত্যি এত উদারতা ওরা পেল কোথায়? কোথায় কে বাঙ্গলার একপ্রান্তে দেশের লোকের নিন্দার ভারে জর্জরিত, ওদের দেশের একটি সামান্য লেখকের তুলাও নয় যে শরৎচন্দ্র, তার লেখা নিয়ে নাকি এতবড় একটা লোকের মাথা ঘামচে! কি? না, লেখার ভেতর দিয়ে অন্তরের পরিচয় হবে। ভাবো দেখি, কতবড় সাহিত্যিকের কথা!

দীনেশবাবু বললেন—তাহলে তাঁকে লিখবো নাকি ?

উত্তরে শরৎচন্দ্র বললেন—লিখে দাও যে, শরৎবাবু ইচ্ছা করেন না যে, তাঁর বাঙ্গলা লেখা কোনও বাঙ্গালীকে দিয়ে ফরাসীতে অমূদিত হয়। কারণ, ওতে ঠিক রসটি যথাযোগ্য থাকবে না। কোনও ভাষারই অপর ভাষায় অমূবাদ হ’লে, তা থাকে না। এতবড় শক্তিমান লেখক রবীন্দ্রনাথ, এক তাঁর নিজের করা অমূবাদ ছাড়া অল্প কার হাতে করা অমূবাদটি রবীন্দ্রনাথের বাঙ্গলার রসটি বজায় রাখতে পেরেছে? কত দুঃখেই না জানি শেষকালে রবীন্দ্রনাথ বলেছিলেন—ইংরাজী শিখতে বাধ্য হয়েছিলাম। আর জেনো একমাত্র রবীন্দ্রনাথ বলেই তা পেরেছেন। বলতো, ‘ও আমার আমার মঞ্জরী’ এটি কোন ভাষায় এমন করে বলা যায়? এ যেন একেবারে আত্মমূল্যের তাজা গন্ধ নিয়ে, রূপ নিয়ে আমাদের কাছে হাওয়ার দোলায় দোল খাচ্ছে।

একটু থেমে আবার বললেন—আচ্ছা বলতো, প্রত্যেক দেশের প্রত্যেক ভাষার অন্তরালে কতখানি ছবি যে অলিখিত থাকে, তা কি এক দেশের লোক, অপর দেশের লোককে মাথা খুঁড়লেও বুঝিয়ে বলতে পারে? ভাবতো,



আমি লিখলাম—খালধারের শোভার মধ্যে ক’টি অতুল্য নারিকেল বৃক্ষ। এটুকু লিখেই আমি ছেড়ে দিয়েছি। কিন্তু বাঙ্গলার পাঠক সেখানেই ছেড়ে দিয়ে আসতে পারে নি। তার মনে ঐ নারিকেল গাছ ক’টিকে ঘিরে বাঙ্গলার খালধারের একখানি মনোজ্ঞ ছবি ফুটে উঠেছে। তার মনে পড়ছে, খালধারের সঙ্গীর্ণ একটি ঘাটের কথা। সেখানে কোন তরুণী এসেছে ঘট পূর্ণ করতে, তার ছায়া পড়েছে জলের উপর। মনে হয়, কোন লীলার সময় না জানি জলের তলে লুকিয়ে থেকে ঐ তরুণীকে নিয়ে কেলি করছেন। চারদিকে হোগলা, কচু, আশ-শেওড়ার বন। তারই ফাঁকে ফাঁকে সাদা বকগুলো এক ঠ্যাং উচু করে মাছ শিকারের চেষ্টায় রয়েছে। খানকয়েক নৌকা বাঁধা একটু দূরে। নৌকার ছইয়ের উপর মাঝিদের রঙীন কাপড় শুকুচ্ছে, এখনও তোলা হয় নি। বস্তায় বস্তায় শস্ত, টিনে টিনে তেল, ঝুড়িতে ঝুড়িতে নানা রকমের মসলা, আরও কত কি খালের ঘাটের খোলা মাঠে পড়ে আছে। বাঙ্গলার নিজস্ব সম্পদ, অপরূপ এক নীলাভ আকাশের বৃকের কাছে ঝাঁকড়া চুলের মাথা নেড়ে নারিকেল গাছগুলো কাকে কি সংকেত করছে কে জানে! আরও কত কি পাঠক এক মুহূর্তে একে কলে—আমরা তা জানি না।

দীনেশবাবু বললেন—তাহলে কি আপনার মত যে কোন ভাষার লেখা, অপর ভাষায় অম্ববাদ করা উচিত নয়?

শরৎচন্দ্র বলে উঠলেন—ঐ ঝাথ! গোটা কয় কথা তোমাকে শুছিয়ে বলতে পারিনি বলে, তুমি আমার অন্তরের ভাবটি ধরতে পারলে না। আরে, যত যত ভাষায় অম্ববাদ হয়, ততই ভাল। কিন্তু শুধু অম্ববাদ নয়। ‘আই মিট এ লেম ডগ’-এর মত নয়। যিনি চিন্তাশীল উভয় ভাষাতেই পারদর্শী, লেখার উপর যার ভালবাসা আছে, এমন লোক যদি নিরপেক্ষ হয়ে নিজের কল্পনা ও পাণ্ডিত্যকে এড়িয়ে ভাষা ও ভাব এই দুই জিনিস নিয়ে অম্ববাদ করতে চেষ্টা করেন, তাহলে অম্ববাদ করার সার্থকতা আছে—একশো বার আছে। তা নয়, তোমরা ‘পিঠে’র ইংরাজী ‘কেক’ লিখবে, তাতে কি রসপুলির রস থাকে!

## রোহিণী ও সাবিত্রী

১৯১২ খ্রীষ্টাব্দের অক্টোবর মাসে এক মাসের ছুটি নিয়ে শরৎচন্দ্র একবার রেঙ্গুন থেকে দেশে এসেছিলেন। সেবার এসে তিনি হাওড়া ময়দানের কাছে একটা বাড়ীতে ছিলেন।

শরৎচন্দ্র এলে তাঁর মাতুল উপেন্দ্রনাথ গঙ্গোপাধ্যায় একদিন তাঁর সঙ্গে দেখা করতে যান।

শরৎচন্দ্র ঐ সময় তাঁর ‘চরিত্রহীন’ উপন্যাসটি লিখছিলেন।

উপেনবাবু শরৎচন্দ্রের কাছ থেকে চরিত্রহীনের পাণ্ডুলিপি পড়বার জন্য এনে শরৎচন্দ্রকে না জানিয়েই, সেই পাণ্ডুলিপি সাহিত্য-সম্পাদক সুরেশচন্দ্র সমাজপতিকে পড়তে দিয়ে আসেন।

সুরেশবাবু সেই পাণ্ডুলিপি পড়ে মুগ্ধ হয়ে যান এবং ‘চরিত্রহীন’ সাহিত্যে প্রকাশ করতে ও শরৎচন্দ্রের সঙ্গে আলাপ করতে চান।

উপেনবাবু শরৎচন্দ্রের অনিচ্ছাসত্ত্বেও কোনও রকমে তাঁকে সুরেশবাবুর কাছে নিয়ে যান।

শরৎচন্দ্র উপেনবাবুর সঙ্গে সুরেশবাবুর কাছে গেলে, সুরেশবাবু অত্যন্ত আদরের সহিত শরৎচন্দ্রকে অভ্যর্থনা করে বললেন—আপনার লেখা পড়ে আমি মুগ্ধ হয়েছি। একেবারে পাকা হাতের নতুন ধাঁচের লেখা।

এই কথা শুনে শরৎচন্দ্র বললেন—সামান্য লেখা, আপনার কি করে ভাল লাগল, তাই ভাবছি।

—না, না, সামান্য মোটেই নয়। আপনার লেখার মধ্যে সেই বাহু আছে, যা পাঠককে একান্তভাবে পেয়ে বসে। আপনার লেখার ওপর চোখ বুলাতে বুলাতে এমন আকৃষ্ট হয়ে পড়লাম যে, শেষ পর্যন্ত শেষ না করে থাকতে পারলাম না।

এরপর সুরেশবাবু উপেনবাবুকে বললেন—‘চরিত্রহীন’ যাতে সাহিত্যে প্রকাশিত হয়, সে বিষয়ে কাল তোমাকে বলেছিলাম। কিন্তু পরে সে বিষয়ে মত বদলেছি। সাহিত্যে ও-লেখা বার করা চলবে না। ও-লেখা সাহিত্যে

বের হ'লে সাহিত্য উঠে যাবে। অবশ্য যে সব সাহিত্যিককে আমি কম্প্রিমেন্টারি কাগজ দিই, তারা আর তাদের সাহিত্যিক বন্ধু-বান্ধবরা কাড়াকাড়ি ছেঁড়াছিঁড়ি করে চরিজহীন পড়বে। কিন্তু তাছাড়া আর সব গ্রাহক 'সাহিত্য' ছেড়ে দেবে। পয়সা দিয়ে আমাদের দেশে যারা কাগজ কেনে, মেসের ঝিকে হজম করবার মত জোয়ালো পরিপাক শক্তি এখনো তাদের হয় নি।

শরৎচন্দ্র মুহু প্রতিবাদ করে বললেন—কিন্তু হয় না। যে, সেটা পরীক্ষা করে দেখবার জন্তও তো একটা মেসের ঝি চাই স্বরেশবাবু! বজ্রার রুটি আমার পাকস্থলীতে হজম হবে কি হবে না, সে সমস্তার সমাধান করতে হ'লে, প্রথমতঃ বজ্রার রুটি প্রস্তুত হওয়া দরকার। তারপর সে রুটি আমার খেয়ে দেখা চাই।

—আপনার যুক্তিতে কোন ভুল নেই। আপনি শক্তিমান সাহসী শিল্পী, আপনি উৎকৃষ্ট বজ্রার রুটি প্রস্তুত করে দিয়েছেন। আমরা যদি আমাদের পরিপাক শক্তির দুর্বলতা অহুমান করে সে রুটি উদরসাৎ করতে ভয় পাই, সেটা আমাদের হুঁত্যাগ্য। কিন্তু আমি বলি শরৎবাবু, আপনি যখন বজ্রার রুটি এত চমৎকার প্রস্তুত করতে পারেন, তখন গমের ময়দার লুচিও করে দিন। আমরা পেট ভরে খেয়ে ঝাঁচি।

—কিন্তু আগেও তো আপনারা বজ্রার রুটি খেয়েছেন।

—কোথায়?

—কৃষ্ণকান্তের উইলে রোহিণীর চরিত্রে।

—বন্ধিমচন্দ্রের রোহিণী চরিত্রের সঙ্গে আপনার সাবিত্রী চরিত্রের বেশ খানিকটা প্রভেদ আছে। প্রথমতঃ রোহিণী ব্রহ্মানন্দের ভাতুস্পুত্রী, সমাজে তার প্রতিষ্ঠার অভাব ছিল না। তার একমাত্র অপরাধ সে বিধবা হয়ে গোবিন্দলালকে ভালবেসেছিল। আপনার সাবিত্রী চরিত্রের সেরূপ কোন সামাজিক প্রতিষ্ঠা নেই। দ্বিতীয়তঃ, রোহিণী ও গোবিন্দলালের মধ্যে ভালবাসাকে অনিবার্ণ করবার জন্ত অনেক কিছু কাঠ-খড় পোড়াতে হয়েছিল। লজ্জা ও নৈরাশ্রের হাত থেকে উদ্ধার লাভের জন্ত রোহিণী বাকুণী পুকুরিণীতে ডুবে আত্মহত্যার চেষ্টা করেছিল, আর দৈবাৎ তা দেখতে পেয়ে গোবিন্দলাল রোহিণীর প্রাণরক্ষা করতে বাধ্য হয়েছিল। সমাজের চক্ষে রোহিণী ও

গোবিন্দলালের ভালবাসার যা বোঝে একটা কৈফিয়ৎ আছে, আপনার সাবিত্রী ও সতীশের ভালবাসার তেমন কোন কৈফিয়ৎ নেই। একটা ঘটনাক্রমে, অপরটা ইচ্ছাক্রমে।

এইভাবে হরেশবাবু ও শরৎচন্দ্রের মধ্যে অনেক কথা হ'ল। শেষে বর্ষা দেশে শরৎচন্দ্রের প্রবাস-জীবন সম্বন্ধেও অনেক কথা আলোচিত হ'ল।

শেষে শরৎচন্দ্র বললেন—এবার তাহলে আমরা উঠি। আমার লেখাটা দিন।

হরেশবাবু শরৎচন্দ্রের হাতে পাণ্ডুলিপিটি দিয়ে বললেন—এ লেখা আপনাকে ফেরৎ দিচ্ছি, একমাত্র এই সর্তে যে শীঘ্রই আপনি আমাকে অল্প লেখা দিচ্ছেন।

শরৎচন্দ্র হাসতে হাসতে বললেন—আগে লুচি ভাজি।

—ভাজতে আরম্ভ করে দিন শরৎবাবু! দেরি করবেন না, আলুও করবেন না। ভাজা লুচি কিছু আপনার ভাণ্ডারে যদি থাকে, বাসি হলেও নিতে রাজি আছি।

## সমাজ

শরৎচন্দ্র রেজুনে একদিন তাঁর অফিসের সহকর্মী যোগেন্দ্রনাথ সরকারের সঙ্গে পথে বেড়াতে বেরিয়ে এইরূপ আলোচনা করেছিলেন—

যোগেনবাবু বললেন—দেখুন দেশে থাকতে আপনিও হয়ত কত বামুনাই ফলিয়েছেন, আর আমিও যে কম ফলিয়েছি, এমন কথা বলছি না। বরঞ্চ যথেষ্টই ফলিয়েছি; কিন্তু এখন অভাবের তাড়নায় যখন এই সুদূর মগের মূলকে এসে পড়তে হয়েছে, তখন বলুন তো, সে সব আচার অহুষ্ঠান কার কতখানি বজায় আছে? আমার তো মনে হয়, যতই ব্যক্তিগত সংস্কারের শেকল ছিঁড়ে যায় ততই ভাল। সব চেয়ে ভাল হয় যদি সমাজেরও...

শরৎচন্দ্র শুনে যোগেনবাবুকে বাধা দিয়ে বলে উঠলেন—সমাজেরও শেকল ছিঁড়তে বল? সর্বনাশ! শেকলের জোরেই সমাজ টিকে আছে। এই শেকল ছিঁড়ে গেলে যে, এক মুহূর্তেই সব মিলে মিশে একাকার হয়ে যাবে। তখন আর আমার সমাজ, অমূকের সমাজ বলে কোন ভেদাভেদ থাকবে না। সেটা কি ভাল? কোটা কোটা মানুষ যেটাকে গভীর শ্রদ্ধার চক্ষে দেখেছে, অশ্রুতের অগুভূতি দিয়ে পরখ করে নিয়ে মেনে চলেছে, বলতে চাও কি সেটা খুব খারাপ? আমি হিন্দু, বর্ণাশ্রম ধর্ম মানি, তাই বলে যারা অসবর্ণে বিরে করে বেশ স্নেহে স্বচ্ছন্দে সংসারযাত্রা নির্বাহ করছে, তাদের তো আমি কোন মতেই নিন্দা করতে পারি না। বিবাহটা আমাদের শাস্ত্র-মতে খুব একটা ধর্মের কাজ, কেননা বিবাহিত জীবনযাপন করার নামই হচ্ছে সংসারধর্ম পালন।

রাঢ়ী বারেন্দ্র শ্রেণী বিভাগ যে কারণেই হোক, সমাজ যে তার দ্বারা উন্নত হয় নি, এ কথা আমি বলতে চাই না। এখন কোথায় রাঢ়ী, কোথায় বারেন্দ্র? সবই প্রায় মিলে-মিশে যাবার ঘো হয়েছে। কনোজের পঞ্চ ব্রাহ্মণের বংশধর সবাই, তবে কেন আজ বঙ্গালী ব্যবস্থাকে অত উচু করে ধরি? যে যার মতে নিজেকে মর্যাদাসম্পন্ন মনে করে পরস্পরের মধ্যে একটুখানি ফাঁক রেখে যাচ্ছি, বিশেষতঃ এই যুগে?

## বর্মীদের প্রতি দরদ

১৯০৩ খ্রীষ্টাব্দের জানুয়ারী মাসে শরৎচন্দ্র চাকরির সন্ধানে ব্রহ্মদেশে যান। এবং এই চাকরির সূত্রেই ব্রহ্মদেশে তিনি প্রায় ১৪ বছর ( ১৯১৬ খ্রীষ্টাব্দের এপ্রিল মাস পর্যন্ত ) ছিলেন।

ব্রহ্মদেশ হ'ল স্ত্রী-স্বাধীনতার দেশ। এ দেশের মেয়েরা পথে-ঘাটে হাটে-বাজারে অবোধে ঘুরে বেড়ায় এবং নানা রকমের পরিশ্রমের কাজও করে। ফলে এ দেশের পুরুষরা অনেকটা অলস প্রকৃতির।

আগে ইংরাজ রাজত্বের আমলে যখন ভারতবর্ষ ও ব্রহ্মদেশ একত্রে ছিল, দুইটি পৃথক দেশে পরিণত হয় নি, তখন বহু ভারতীয় ব্রহ্মদেশে গিয়ে অর্থ উপার্জন করত।

শরৎচন্দ্র ব্রহ্মদেশে থাকার সময় কোন বর্মী যদি কখনো সাহায্যের জন্ত তাঁর কাছে যেত, তাহলে তিনি নিজে না খেয়েও তাকে খাওয়াতেন ও সাহায্য করতেন।

বর্মীদের কথা-প্রসঙ্গে শরৎচন্দ্র তাঁর বন্ধুদের কাছে বলতেন—এ দেশটা হ'ল এদের, পয়সা নিয়ে যাচ্ছি আমরা। শুধু পয়সাও নয়, সামনের ভাতও জোর করে নিয়ে যাচ্ছি। এ জাতটা এত অলস যে, থেটে থেতে চায় না। জাতটাকে দেখে প্রাণে বড় মায়া লাগে। এরা যেদিন অন্নভাবে হাহাকার করবে, যেদিন নিজেদের অবস্থার কথা ভালভাবে বুঝতে শিখবে, সেদিন এদেরও উন্নতি হবে।

## পাখী পোষা

শরৎচন্দ্র যখন রেঙ্গুনে থাকতেন, তখন সতীশচন্দ্র দাস নামে সেখানে তাঁর এক স্নেহভাজন বন্ধু ছিলেন।

ঐ রেঙ্গুনেই সতীশবাবু একদিন সন্ধ্যার পর শরৎচন্দ্রের বাসায় গিয়ে দেখেন, শরৎচন্দ্র তখন তাঁর একটা পোষা পাখীকে খাওয়াচ্ছেন।

এই দেখে সতীশবাবু জিজ্ঞাসা করলেন—রাত্রে আবার পাখীকে খেতে দিতে হয় ?

উত্তরে শরৎচন্দ্র বললেন—এরা যখন জঙ্গলে থাকে, ইচ্ছামত খাদ্য সংগ্রহ করে। কিন্তু যখন লোকালয়ে আবদ্ধ থাকে, ঠিক আমাদের মত করে নিতে হয়। যখন ভালবেসে পাখীকে জঙ্গল থেকে ধরে আন। হয়েছে, সে ভালবাসাটা তাকে দেখাতে হবে। পাখী যখন তোমার আচার ব্যবহার শিখতে থাকে, তখন তুমিও পাখীকে নিজের করে নিয়ে ভাল না বাসলে তাদের প্রাণে লাগে। যতক্ষণ বনের পাখীকে নিজের করে নিতে না পারবে, ততক্ষণ এদের আটকে রাখবে কেন ?

শরৎচন্দ্র একবার কলকাতায় একটি পথ দিয়ে যেতে যেতে এক বড়লোকের বাড়ীর ভিতরে একটি পাখীর আর্ত চীংকার শুনতে পান। এই শুনে শরৎচন্দ্র তখনই সেই অপরিচিত বড়লোকের বাড়ীর ভিতরে গিয়ে প্রবেশ করলেন। গিয়ে দেখেন, উঠানে একটি কাকাভূয়া পাখী তার দাঁড়ে ঘুরতে ঘুরতে কিভাবে লম্বা চেনে তার গলা জড়িয়ে ফেলেছে এবং জড়ানো ফাঁস থেকে উদ্ধার পাবার জন্য ঐভাবে কাতরকণ্ঠে চীংকার করছে। শরৎচন্দ্র তখনই পাখীটির কাছে গিয়ে তার গলার ফাঁস খুলে দিলেন।

এই সময় বাড়ীর মালিক এসে গেলে, শরৎচন্দ্র তাঁকে বললেন—এ পাখী আপনার ? জীবজন্তু পুষতে হ'লে অন্তরে মমতা থাকা চাই, বুঝলেন ! পাখীটা কতক্ষণ থেকে ঘন্টার চোঁচাচ্ছে, সেদিকে কারুরই হ'স নেই !

## সঙ্গীত

১৯৩৭ খ্রীষ্টাব্দের এপ্রিল মাসে মেগাফোন রেকর্ড কোম্পানী, মেগাফোন রেকর্ডে শরৎচন্দ্রের কয়েকটি নাটক অভিনয় প্রকাশ করবার ব্যবস্থা করেন। মেগাফোন রেকর্ড কোম্পানীর কর্মচারী জিতেন্দ্রনাথ ঘোষ ও অমিয়মাধব সেনগুপ্ত এঁরা এ বিষয়ে শরৎচন্দ্রের সঙ্গে যোগাযোগ করেন।

শরৎচন্দ্র তাঁর ‘ষোড়শী’ নাটকটাকে আগে রেকর্ডে তুলবার কথা বলেন।

ঐ সময় সঙ্গীত সম্পর্কে অমিয়বাবু ও জিতেনবাবুর সঙ্গে শরৎচন্দ্রের মাঝে মাঝে আলোচনা হ’ত। শরৎচন্দ্র একদিন অমিয়বাবুকে বলেছিলেন—দেখ, গান আমি রচনা করবার চেষ্টা করি নি। আমার মতে বাঙ্গলা গানের সুরটাই সব নয়—তার ভাষাও বাদ দিলে চলে না। এইজন্তে যার তার লেখা কাঁচা রচনার গান আমার ভাল লাগে না—তা সে যতবড় গায়কই গান করুন না কেন।

শরৎচন্দ্র তাঁদের আরও বলেছিলেন—বৈষ্ণব পদাবলীর কীর্তন এবং রামপ্রসাদী গানই আমার প্রিয়। আহা! শ্রামা সঙ্গীতের চেয়ে বড়ো আর কিছু নেই!

শরৎচন্দ্র মেগাফোন কোম্পানীর অফিসে বসে জিতেনবাবুর সঙ্গে আলোচনা প্রসঙ্গে একদিন তাঁকে বলেছিলেন—দেখুন কলকাতায় আমার যখন বাড়ী তৈরি হয়, তখন লক্ষ্য করেছি বাঙ্গালী হিন্দু শ্রমিকদের চেয়ে অগ্র জাতীয় শ্রমিক বহুক্ষণ বেশী পরিশ্রম করে। এই শ্রম বিমুখতা যেন দিন দিন বাঙ্গালী শ্রমিক কেন, বাঙ্গালী হিন্দুদের মধ্যে বৃদ্ধি পাচ্ছে—তাই তারা জীবন সংগ্রামে ক্রমশঃই হটে যাচ্ছে। বাঙ্গালী গায়কের মাধ্যমে এটা দেখা যাচ্ছে। আজকাল আর পরিশ্রম করে গান অভ্যাস না করেই গায়ক হবার সাধ অধিকাংশ বাঙ্গালী গায়কের মধ্যে সংক্রামিত হচ্ছে! এই তো! আপনাদের এখানে বসে এত রেকর্ড শুনলাম, কিন্তু তার মধ্যে রীতিমত শিক্ষিত গায়কের কণ্ঠ ক’থানায় পেলাম?



## এক ওস্তাদ গায়ক

বিখ্যাত গায়ক ও সাহিত্যিক দিলীপকুমার রায় ছিলেন, শরৎচন্দ্রের অত্যন্ত স্নেহভাজন।

দিলীপবাবুর ডাক নাম মণ্টু। শরৎচন্দ্র দিলীপবাবুকে তাঁর ডাক নাম ধরেই ডাকতেন।

এই দিলীপবাবুর বয়স যখন সতের আঠার বৎসর, সেই সময় তিনি এক বাঙ্গালী ওস্তাদ গায়কের কাছে গান শিখতেন। এই ওস্তাদ লোকটি খুবই ভদ্রঘরের ছেলে ছিলেন। কিন্তু তিনি একটি মেয়েকে বিয়ে না করে, কেবল সঙ্গে নিয়ে স্বামী-স্ত্রী হিসাবে বসবাস করতেন। এজন্য তিনি জাতিচ্যুত হয়েছিলেন।

দিলীপবাবু এইরূপ লোকের কাছে গান শিখতেন বলে, তাঁর পরিচিত কেউ কেউ তান তাঁকে ঐ ওস্তাদের কাছে গান শিখতে যেতে নিষেধ করেছিলেন।

দিলীপবাবু তাঁর পরিচিতদের ঐ নিষেধ শুনে তখন তাঁদের বিদ্রূপ করে হেসেছিলেন।

শরৎচন্দ্র একদিন দিলীপবাবুর কাছে ঐ কথা শোনেন। শুনে তিনি দিলীপবাবুকে বলেছিলেন—এ হাসবার কথা নয় মণ্টু! ঐ যুবককে আমি শ্রদ্ধা করি। সে সমাজচ্যুত হ'ল, জাতিচ্যুত হ'ল, তবুও মেয়েটিকে ভাসিয়ে দিল না। তার সঙ্গেই ঘরকন্না করল একনিষ্ঠভাবে। যারা তোমাকে তার কাছে গান শিখতে মানা করেছিল, তাদের কথা ভেবে আমার কান্না পায়, হাসি আসে না।

## নিখুঁত পাষণ্ড

শরৎচন্দ্র যখন হাওড়ার বাজে শিবপুরে বাস করতেন, সেই সময় দিলীপ কুমার রায় একবার তাঁর সঙ্গে দেখা করতে যান।

দিলীপবাবু এইরূপ মাঝে মাঝে শরৎচন্দ্রের সঙ্গে দেখা করতে যেতেন।

দিলীপবাবু পণ্ডীচেরি আশ্রম থেকে ( দিলীপবাবু তখন পণ্ডীচেরিতে শ্রীঅরবিন্দের আশ্রমে থাকতেন ) কলকাতায় এসেছেন শুনলে, শরৎচন্দ্রও কলকাতায় গিয়ে দিলীপবাবুর সঙ্গে দেখা করে আসতেন। শরৎচন্দ্র ও দিলীপবাবু উভয়ের মধ্যে দেখা হ'লে তখন সাহিত্য ও সঙ্গীত নিয়ে তাঁদের মধ্যে আলোচনা হ'ত।

সেদিন এ-কথা সে-কথার পর শেষে উপন্যাস সম্বন্ধে উভয়ের মধ্যে আলোচনা হ'ল।

শরৎচন্দ্র তখন কথা-প্রসঙ্গে একজনের উপন্যাসের একটি চরিত্রের উল্লেখ করে বললেন—অমুক ঔপন্যাসিক তাঁর অমুক চরিত্রকে একেবারে নিখুঁত পাষণ্ড করে এঁকেছেন। কিন্তু মানুষকে এ রকম নির্জলা মন্দ করে আঁকা উচিত নয়, মণ্টু! কাউকেই এভাবে অপমান করতে নেই। সংসারে যেমন নিখুঁত দেবতাও নেই, তেমনি নিখুঁত শয়তানও নেই। দোষে-গুণেই মানুষ। কম বেশী তার ছুট। গুণই দেখাতে হয়।

## সংকীৰ্তনের দল

১২২৩ কি ২৪ খ্রীষ্টাব্দ। পূজোর ছুটির ক'দিন আগে এক সকালবেলা প্রে.দেউসী কলেজের কয়েকজন ছাত্র এসেছে শরৎচন্দ্রের বাজে শিবপুরের বাড়ীতে। তাদের অম্লরোধ—কলেজের সেবারকার সাহিত্য সভায় সভাপতি হতে হবে শরৎচন্দ্রকে।

শরৎচন্দ্র বারান্দায় ইজিচেয়ারে শুয়েছিলেন। খালি গা, গলায় পৈতা মালার মতো ঝুলছে, মুখে আলবোলায় নল।

সভাপতি হবার প্রস্তাব শুনেই শরৎচন্দ্র সভয়ে প্রতিবাদ করে উঠলেন— হবে না, হবে না, কিছুতেই হবে না। বাংলাদেশে একেই তো আমার কোন প্রতিষ্ঠা নেই, তার ওপর আবার সাহিত্য সভার সভাপতি! ওসব বক্তৃতা-টক্কর আমার আদৌ আসে না। আমাদের জলধর সেনমশাইকে বরং সভাপতি কর। তিনি রায় বাহাদুর, সাহিত্যিক, তার ওপর আবার ভারতবর্ষ-সম্পাদক, তাঁকেই মানাবে ভালো।

ছেলেরা কিছুতেই ছাড়ে না। দেখে শরৎচন্দ্র অল্প প্রসঙ্গ পাড়লেন। গিজ্ঞাসা করলেন—আচ্ছা, তোমরা আমার বই পড় ?

সকলেই বলে উঠল—নিশ্চয়ই। আপনার বই আজকাল কে না পড়ে বলুন!

একজন বললে—আপনার যে কোন বই থেকে যে কোন পাতা বলতে বলুন, আমি বলে দেবো। এতবার পড়েছি যে প্রায় মুখস্থ হয়ে গেছে।

শরৎচন্দ্র বললেন—দেখ, ছাত্রদের সঙ্গে পরিচয় আমার কম। তোমরা ছেলেরা আমার বই যে এমন করে পড় তা জানতাম না। আমার কাছে ধারা আসেন, তাঁদের সকলেই প্রায় প্রবীণ। তাঁরা আমাকে মাঝে মাঝে নানাবিধ উপদেশ দিয়ে যান, তিরস্কারই করেন বেশী। বলেন, আমি নাকি সাহিত্যের বেজায় ক্ষতি করছি। আমার লেখা দুর্নীতিতে ভরা। এ-তো তাঁরা আমার বাড়ীতে এসে শুনিয়ে যান। সেদিন একদল করলে কি জানো? সভাপতি করে নিয়ে গিয়ে, এক সভার মধ্যে বসিয়ে অযথা আমাকে অপমান করলে।

চিংপুরের এক লাইব্রেরী। সেই লাইব্রেরীর প্রতিষ্ঠা দিবস উৎসবে আমাকে সভাপতি করবার জন্য জনকতক ভ্রমলোক এই তোমাদেরই মতন অনুরোধ করতে এলেন। আমি তো কিছুতেই যাব না, তাঁরাও আমাকে ছাড়বেন না।

অবশেষে হার মানতে হ'ল। গেলাম তাঁদের সঙ্গে। গিয়ে দেখি মস্ত বড় সভা, বহু লোক এসেছে। সময় মত সভা আরম্ভ হ'ল। প্রথমে দুজন বেশ বক্তৃতা দিলেন। তারপরে যিনি উঠলেন, তিনি উঠেই আরম্ভ করলেন—আমরা প্রচুর উৎসাহ নিয়ে লাইব্রেরী গঠনে আজ মন দিয়েছি বটে, কিন্তু এক একবার ভাবি, এই লাইব্রেরী করে কি লাভ? পড়বার মত ভাল বই কি বেরোচ্ছে আজ? লিখছেন কেউ? সাহিত্যে আজ না আছে নীতি, না আছে ঋচি, সবই কেবল নোংরামিতে ভরা। আর এই নোংরামির জন্য মুখ্যতঃ দায়ী হচ্ছেন, আজকের আমাদের এই মাননীয় সভাপতিমশায়—বলে তিনি আঙ্গুল দিয়ে আমাকে দেখিয়ে দিলেন।

দেখ দেখি, এদের ব্যবহারটা কি রকম! সকলেই ভ্রমলোক, কি আর বলি বলো! আর তাছাড়া ঐ ভিড়, অত লোকের মধ্যে কড়া কিছু বলে শেষে কি হাক্কা বাধাব। তাই চুপ করে সব মেনে নিলাম। এইটুকু শুধু বললাম—দেখুন, ভালো বই যখন বেরোচ্ছে না, তখন আপনারা এক কাজ করুন, লাইব্রেরী বন্ধ করে দিন। লাইব্রেরী না করে বরং একটা সংকীর্ণনের দল করুন। লাইব্রেরী করে দেশের লোককে নোংরামি না শিখিয়ে, হরিনামের দল করে পাড়ায় পাড়ায় নীতি প্রচার করুন—সত্যিকারের সং কাজ হবে।

ছেলেরা এই কথা শুনে খুব হেসে উঠল।

শরৎচন্দ্র বললেন—এদের অভিযোগ ‘পল্লী-সমাজে’র নাথিক। রমা বিধবা হয়েও তার বাল্যসঙ্গী রমেশকে ভালবাসল কেন? হিন্দু সমাজে এ অনাচার কি করে সম্ভব হবে? আরে, কেন যে কে কাকে ভালবাসে তার কি কোন জবাব আছে? বাইরে থেকে তুমি-আমি চোখ রাঙিয়ে কি করব? এই ফাঁকা নীতি নীতি করেই দেশটাকে এরা খেলে। রমা-রমেশের মতো ছেলে মেয়ে ঝাঁকে ঝাঁকে আমাদের দেশে জন্মায় না, হিন্দু সমাজে এদের যদি মিলনের পথ থাকত, তাহলে কি হতে পারত, এরা কি তা বোঝে?

## ব্যাকরণ

হরিচরণ বন্যোপাধ্যায় নামে শরৎচন্দ্রের এক স্নেহভাজন আত্মীয় একবার সামতাবেড়ে শরৎচন্দ্রের সঙ্গে দেখা করতে যান। হরিচরণবাবু গিয়ে শরৎচন্দ্রের পায়ে ধুলে। নিতেই, শরৎচন্দ্র বললেন—কখন এলে ?

হরিচরণবাবু বললেন—এইমাত্র।

এরপর উভয়ের মধ্যে নানা কথা হ'ল। কথা-প্রসঙ্গে হরিচরণবাবু শরৎচন্দ্রকে বললেন—আপনার নিশ্চয়ই কোন ঈশ্বর প্রদত্ত শক্তি আছে। তা না হলে এত অল্প কথায় অল্প সময়ের ভিতর কি করে লেখেন।

শুনে শরৎচন্দ্র বললেন—না বে বাপু, এমন সময়ও আসে যে, একছত্র লিখতেই দুদিন কেটে যায়।

এমন সময় একজন এক তাড়। কাগজ নিয়ে শরৎচন্দ্রের কাছে এলেন।

শরৎচন্দ্র জিজ্ঞাসা করলেন—কি চান ?

লোকটি বললেন—দেখুন, একটা গল্প লিখেছি, যদি সেটা কাইগুলি কারেক্ট করে দেন।

—আচ্ছা, আপনি ব্যাকরণ কৌমুদী পড়া কতদিন ছেড়েছেন ?

—বছর কয়েক হ'ল।

—দেখুন, সন্ধি, সমাস, তদ্ধিত আর কৃতপ্রত্যয়গুলো বেশ ভাল করে পড়ে, তারপর আমার কাছে আসবেন। আমি সাধ্যমতো দেখে দেব।

লোকটি মুখ চুণ করে ফিরে গেলেন।

এই ব্যাপার দেখে হরিচরণবাবু বললেন—ভ্রলোককে ঐভাবে অপমান করলেন ? কি মনে করবেন। আচ্ছা, আপনি তো তাঁকে তদ্ধিত প্রত্যয় খুব ভাল করে পড়ে আসতে বললেন। আপনি কি সব নিয়ম মানেন ?

শরৎচন্দ্র বললেন—নিশ্চয়ই। সাধ্যমত যতটা পারি, মানি বই কি। আর মনে করার কথা, ওরা আমাকে সবাই চেনে, মনে কিছুই করে না।

## যজ্ঞোপবীত

পাশ্চাত্য শিক্ষায় শিক্ষিত বহু ব্রাহ্মণ আজকাল অনাবশ্যক বিবেচনায় পৈতা ত্যাগ করে থাকেন।

শরৎচন্দ্র ব্রাহ্মণদের এই পৈতা ত্যাগ করার ব্যাপারে অত্যন্ত বিরোধী ছিলেন।

তিনি নিজে যজ্ঞোপবীতের উপর যথেষ্ট শ্রদ্ধাশীল ছিলেন এবং যথারীতি যজ্ঞোপবীত ধারণ করে থাকতেন।

শরৎচন্দ্র শেষ বয়সে কলকাতায় বাড়ী করেছিলেন। কলকাতার বাড়ীতে থাকার সময় তিনি তাঁর প্রতিবেশী অধ্যাপক নির্মলচন্দ্র ভট্টাচার্যের বাড়ীতে মাঝে মাঝে বেড়াতে যেতেন।

এইরূপ একবার গিয়ে দেখেন, নির্মলবাবু খালি গায়ে তখন তাঁর বাগানে কাজ করছেন।

শরৎচন্দ্র নির্মলবাবুর সঙ্গে কথা বলতে বলতে হঠাৎ লক্ষ্য করলেন যে, নির্মলবাবুর গলায় পৈতা নেই।

তখন তিনি তাঁকে জিজ্ঞাসা করলেন—তোমার পৈতা কোথায়? কোমরে নাকি?

উত্তরে নির্মলবাবু বললেন—পৈতা নেই। ফেলে দিয়েছি।

শুনে শরৎচন্দ্র ক্ষুব্ধ হয়ে বললেন—শুধু পৈতা ত্যাগ করতে গেলে কেন? আরে, ব্রাহ্মণের যজ্ঞোপবীত ধারণ না করলে পিতৃপুরুষকে অপমান করা হয় যে।

## টাকাচুরির দায়

প্রমথনাথ ভট্টাচার্য ছিলেন শরৎচন্দ্রের বিশেষ বন্ধু।

এই প্রমথবাবুর পুত্র পাঁচুগোপালবাবু যখন এক দৈনিক সংবাদপত্রে সহকারী-সম্পাদক, তখন প্রায়ই তিনি শরৎচন্দ্রের বাড়ী যেতেন। একদিন গিয়ে দেখেন, শরৎচন্দ্র কয়েকজনের সঙ্গে রাজনীতি আলোচনা করছেন। সাম্প্রদায়িক বাটোয়ারা নিয়ে কংগ্রেসে তখন যে ভাঙ্গন ধরেছিল তাই নিজেই আলোচনা চলছিল।

শরৎচন্দ্র বলছিলেন—পণ্ডিত মদনমোহন মালব্য এতদিনে একটা মন্ত ভুল করে বসলেন। কংগ্রেস যদি সাম্প্রদায়িক বাটোয়ারার ব্যাপারে ভুলই করে থাকে, কংগ্রেসের মধ্যে থেকে সে ভুল কি শোধরান চলত না? কংগ্রেস ছেড়ে মালব্যজী যে পথ বেছে নিলেন, তাতে কংগ্রেসকেই যে দুর্বল করা হবে! অথচ কংগ্রেসকে পিছনে ফেলে সাম্প্রদায়িক বাটোয়ারার রদবদলের চেষ্টা কোনদিন সফল হবে না। তাহলে গ্রাশনালিস্ট পার্টি গড়ার সার্থকতা কি?

পাঁচুগোপালবাবু সাংবাদিক মাহুষ। শরৎচন্দ্রের মুখে এই মন্তব্য শুনে জিজ্ঞাসা করলেন—আপনার এই অভিমতটা কি আমি আমাদের কাগজে ছাপতে পারি?

শরৎচন্দ্র বললেন—দিতে চাও দিতে পার, আমার আপত্তি নেই। তবে লিখে আমাকে একবার দেখিয়ে নিও।

পরদিন পাঁচুগোপালবাবু ঐ সংবাদের একটি খসড়া তৈরি করে নিয়ে এলেন। শরৎচন্দ্রের সেটি খুব পছন্দ হ'ল না। বললেন—মালব্যজীকে আমি যে আন্তরিক শ্রদ্ধা করি, সেই কথাটাই তোমার লেখার মধ্যে স্পষ্ট করে কোথাও নেই। দেখ, মাগু ব্যক্তিদের কাজের সমালোচনা করি ক্ষতি নেই, কিন্তু যে কথাটা বলব তাতে যেন শ্রদ্ধার অভাব না ঘটে। এ লেখাটা তুমি রেখে যাও, আমি ঠিক করে লিখে কাগজে পাঠিয়ে দেব এখন।

সমালোচনা কর ক্ষতি নেই, তবে সমালোচনা করছ বলেই যে অশ্রদ্ধা

করতে হবে—এরও কোন মানে নেই। এই দেখ না, আমার লেখার যারা সমালোচনা করে, তাতে কি থাকে? শুধু গালাগালি আর বিবোদনার। যখন প্রথম সাহিত্যক্ষেত্রে এলাম, এদের আক্রমণটা আরো তীব্র ছিল। সেদিন এরা আমার অতীত জীবন নিয়ে কত আজগুবি গবেষণাই না করেছে!

একবার শরৎ চাট্‌জ্যে নামে কোথাকার কে একটা লোক টাকা চুরির দায়ে ধরা পড়ে। থবরটা ছাপা হতেই, আর সব যায় কোথায়, তারা ধরে নিলে—ঐ টাকাচোর শরৎ চাট্‌জ্যে লোকটা নিশ্চয় আমি। প্রচার করে দিলে—এই টাকা চোর আর নভেল-লিখিয়ে শরৎ চাট্‌জ্যে একই ব্যক্তি। এতে কোন ভুল নেই!

চারদিক থেকে চিঠি আসতে লাগলো। তার কি ভাষা, কি বক্তব্য! বোঝ দেখি, একবার অবস্থানানা!

এ রকম অশ্রায় অত্যাচার আমার উপর হয়েছে। আমি কিন্তু টলি নি। আক্রমণ যতই তীব্র হোক, নিজেকে আমি যা সত্য বলে বিবেচনা করেছি, তা বলতে কিছুতেই ভয় পাই নি।



## প্রেমের ব্যর্থতায়

কলকাতার শিল্পী ও সাহিত্যিকদের সংস্থা ‘রসচক্র’র সভাপতি ছিলেন শরৎচন্দ্র।

এক সময় এই রসচক্রের বৈঠক বসত রসচক্রের অগ্রতম সদস্য শিল্পী সতীশচন্দ্র সিংহের বাড়ীতে। প্রতি রবিবারেই রসচক্রের বৈঠক হ’ত।

সতীশবাবুর বাড়ী ছিল শরৎচন্দ্রের কলকাতার বালীগঞ্জের বাড়ীর নিকটেই। তাই শরৎচন্দ্র কলকাতায় থাকলে সতীশবাবুর বাড়ীতে অল্পকিছু রসচক্রের প্রতিটি বৈঠকেই যোগ দিতেন। তাছাড়া সতীশবাবুর ছবি আঁকা দেখতে ও ছবি সম্বন্ধে আলোচনা করতে এবং অমনিও প্রায়ই তিনি সতীশবাবুর বাড়ীতে বেড়াতে যেতেন।

শরৎচন্দ্র এইরূপ একদিন সকালে সতীশবাবুর বাড়ীতে বেড়াতে যাচ্ছেন, এমন সময় পথে দেখলেন, দলে দলে লোক নিকটেই বালীগঞ্জের লেকের দিকে চলেছে।

শরৎচন্দ্র তাদের মুখ থেকেই শুনলেন—পুলিশ আজ সকালে লেকের জল থেকে দুটি মৃতদেহ তুলেছে। এই মৃতদেহ দুটি—একটি যুবক ও একটি যুবতীর। এরা উভয়ে পরস্পরের হাতে পায়ে বেঁধে এক সঙ্গে জলে ডুবে আত্মহত্যা করেছে।

শরৎচন্দ্র দেখলেন—পথের অনেকেই ঐ আত্মহত্যার ব্যাপারটি নিয়ে হাসাহাসি ও নানা মন্তব্য করতে করতে চলেছে।

শরৎচন্দ্র কাকেও কোন কথা না বলে সিধা সতীশবাবুর বাড়ীতে চলে এলেন। সতীশবাবু তখন বাইরের ঘরেই ছিলেন। তাঁকে দেখে শরৎচন্দ্র বলে উঠলেন—লোকগুলো কি পাগল, না কি বল তো?

সতীশবাবু বললেন—কারা শরৎদা?

—ঐ যে গো, কারা লেকে ডুবে আত্মহত্যা করেছে। তাদের সেই আত্মহত্যা নিয়ে লোকগুলো হাসাহাসি করতে করতে দেখতে চলেছে। ঐ লোকগুলোর কথাই বলছি।

—হ্যাঁ একজোড়া যুবক-যুবতীর লেকের জলে ডুবে মরার একটা খবর আজ কাগজে দেখলাম বটে।

শরৎচন্দ্র বললেন—আরে, এই যে এরা আত্মহত্যা করল, এর হেতুটা কি? এটা যে ব্যর্থ প্রেমের ব্যাপার এ তো সবাই বোঝে। কিন্তু এই ব্যর্থতাটা হ'ল কেন? নিশ্চয়ই সামাজিক কি পারিবারিক কোন গুরুতর কারণ ছিল। হয়ত দুজনে দু'জাতের ছিল, কিংবা দুজনের পিতার আর্থিক অবস্থায় তারতম্য ছিল, কিংবা অল্প কোন কারণও ছিল। যার জন্য সামাজিক বা পারিবারিক কারণে এদের মিলন ঘটল না। সেই বাধা থেকে রেহাই পাবার অল্প কোন পথ না পেয়েই তো এই কাণ্ড। শেষ পর্যন্ত আত্মহত্যা করতে হ'ল। ভালবেসে বাধা পেয়ে দুজনে মিলে এক সঙ্গে আত্মহত্যা করাটা কি অত সহজ! সমাজই বল আর অভিভাবকই বল, এদের মধ্যে ভালবাসাটা যে কত গভীর ছিল, তা কেউ ভেবে দেখল না। এদের সেই গভীর প্রেমকে সার্থক ও সফল হতে দিল না।

## একটি গল্পের উপসংহার

সাগরময় ঘোষের লেখা ‘সম্পাদকের বৈঠকে’ নামে একটি বই আছে। সেই বই-এ শরৎচন্দ্রের শেষ বয়সে তাঁর ভাগলপুরের কয়েকজন বাল্যবন্ধুর সঙ্গে এক সাক্ষাৎকারের ও আলোচনার কাহিনী আছে। সেই কাহিনীটি এইরূপ :—

শরৎচন্দ্রের মৃত্যুর কয়েক বছর আগেকার কথা। তখন তিনি তাঁর কলকাতায় বালীগঞ্জের বাড়ীতে বাস করছেন।

সেই সময় শরৎচন্দ্রের ভাগলপুরের কয়েকজন বাল্যবন্ধু কলকাতায় তাঁর সঙ্গে দেখা করতে আসেন। তাঁরাও সকলেই তখন বৃদ্ধ হয়েছেন। শরৎচন্দ্র ভাগলপুরে থাকার সময় যে আদমপুর ক্লাবে অভিনয় করতেন, এঁরাও ছিলেন সেই আদমপুর ক্লাবেরই সদস্য।

ছেলেবেলায় শরৎচন্দ্রের ডাক নাম ছিল গ্যাড়া। এই বন্ধুদের কেউ কেউ শরৎচন্দ্রকে গ্যাড়া বলে ডাকতেন।

যাই হোক, শরৎচন্দ্রের এই বন্ধুরা কলকাতায় তাঁর বাড়ীতে এলে তিনি তাঁদের সাদরে অভ্যর্থনা করলেন। বন্ধুদের নিয়ে ছেলেবেলার কত গল্পই না করলেন।

এক বন্ধু বললেন—গ্যাড়া তুমি এখন কত বড় হয়েছিস! তোর জন্তে আমরা গর্ব বোধ করি। তোর গল্প-উপন্যাস বেরুলেই আমরা তা পড়ি।

নানা রকমের কথা হতে হতে শেষে সমসাময়িক সাহিত্যিকদের কথা উঠল। এক বন্ধু বললেন—দেখ গ্যাড়া, সেদিন এক নতুন লেখকের একটা গল্প পড়লাম—ওয়াটারফুল। যেমন গল্পের প্লট, তেমনি কনকুশান। আজকাল সমাজ নিয়ে প্রোগ্রেসিভ গল্প লেখার একটা ফ্যাশন হয়েছে। এ সে জাতের লেখা নয়। যেমন হাই-সিরিয়াস, তেমনি হাই-থিংকিং। তাছাড়া লেখক গল্পের মধ্যে এমন একটা মরাল তুলে ধরেছেন, যা আজকের দিনের ভেঙ্গেপড়া সমাজের শিক্ষণীয় বস্তু।

বন্ধুর মুখে এই কথা শুনে শরৎচন্দ্র বললেন—কি এমন গল্প যে তার এত প্রশংসা করছিস্! গল্পটা মনে আছে? বল তো শুনি।

বন্ধু বললেন—নিশ্চয় মনে আছে। তবে গল্পটা বলছি শোন—

পূর্ববঙ্গের একটি সম্পদশালী গ্রাম। সেই গ্রামের জমিদার কৃষ্ণনয়ন রায় চৌধুরী বিত্তশালী কিন্তু সাত্বিক লোক। প্রজাদের সঙ্গে তিনি চিরকালই সৌহার্দের সম্পর্ক রেখে এসেছেন। তিনি তাঁর একমাত্র পুত্র কমলনয়নকে গ্রামের স্কুলেই ভর্তি করে দিলেন—যাতে সে প্রজাদের ছেলেদের সঙ্গে মিলে-মিশে বড় হয়ে ওঠে এবং সহপাঠীদের প্রতি মায়ামমতা, বন্ধুত্ব কৈশোর কাল থেকেই তার মধ্যে দেখা দেয়।

স্কুলের সহপাঠী গ্রামের এক চাষীর ছেলে বিষ্ণুচরণ দাস কমলনয়নের অন্তরঙ্গ বন্ধু হয়ে উঠল। দুজনে যাকে বলে হরিহর-আত্ম।

কমলনয়ন ও বিষ্ণুচরণ দুজনে একই সঙ্গে গ্রামের স্কুল থেকে এন্ট্রান্স পাস করল।

এন্ট্রান্স পাস করার পর কমলনয়ন উচ্চশিক্ষার জন্তু কলকাতায় চলে এল। বিষ্ণুচরণ আর পড়ল না, গ্রামেই রয়ে গেল।

দেখতে দেখতে কয়েক বছর কেটে গেল। কমলনয়ন এম-এ পাস করল। এম-এ পাস করে কলকাতায় নিজের বাড়ীতে বসেই গবেষণা করতে লাগল।

ইতিমধ্যে কমলনয়নের পিতার মৃত্যু হয়। পিতার মৃত্যুর পর জমিদারীর ভার তার উপরে পড়ে। কিন্তু সে গ্রামের বাড়ীর পুরাতন সরকারের উপর জমিদারী দেখাশুনার ভার দিয়ে কলকাতাতেই রয়ে গেল।

কমলনয়ন তখনও অকৃতদার। অকৃতদার কিন্তু আর্দ্র উচ্ছ্বাস নয়। কেবল পড়াশুনা নিয়েই থাকে।

এই সময় একদিন কমলনয়নের বাল্যবন্ধু বিষ্ণুচরণ কলকাতায় কমলনয়নের বাড়ীতে এসে উপস্থিত।

কমলনয়ন বাল্যবন্ধুকে দেখেই আনন্দে উৎফুল্ল হয়ে, বিষ্ণুচরণ! আরে এস এস—বলে তাকে সাদরে অভ্যর্থনা করল। তারপর বললে—তোমার মালপত্র কোথায়?

বিষ্ণুচরণ বললে—আমার সঙ্গে আমার ইয়েও এসেছেন।

—মানে তোমার স্ত্রী, আমার বৌদি। তা তিনি কোথায়?

—পথের উপর ঐ গাড়ীতে।

—আরে চল চল বৌদিকে নিয়ে আসি।—বলেই কমলনয়ন বিষ্ণুচরণকে সঙ্গে নিয়ে গাড়ীর কাছে গেল। গিয়ে বললে—নমস্কার বৌদি! আহ্নন, নেমে আহ্নন।

বিষ্ণুচরণ বললে—আমরা তোমার এখানে কিছুদিন থাকব। তাই কোথাও না গিয়ে শয়ালদহে নেমে সিধা তোমার এখানেই এসেছি।

—আমার এখানে থাকবে সে তো খুব আনন্দের কথা। আমার এই মন্ত বড় বাড়ী, সবই তো খালি পড়ে আছে। তোমার যতদিন ইচ্ছা থাক। তোমার সঙ্গে কতদিন পরে দেখা বলতো!

এই সময় বিষ্ণুচরণের 'ইয়ে' গাড়ী থেকে নামলে, কমলনয়ন তাকে সম্বোধন করে বললে—দেখুন বৌদি, বিষ্ণু হতভাগা বিয়ে করল, তা আমাকে নেমন্তন্নও করল না। এবার তার শোধ নেব, আপনার হাতের শাক চচ্চড়ি খেয়ে। কতকাল যে দেশের রান্না খাই নি!

কিছুদিন কেটে যাবার পর, এদিকে কমলনয়নের গ্রামের সরকার মশায় জমিদারীর হিসাবপত্র দেবার জগ্ন একদিন কলকাতায় কমলনয়নের কাছে এলেন। তিনি এসে বাড়ীতে বিষ্ণুচরণকে এবং তার সন্তের মেয়েটিকে দেখে একেবারে ক্ষেপে উঠলেন। তিনি তখনই কমলনয়নকে ডেকে বললেন—ঐ বিষ্টু, আমাদের গ্রামের হারাগ ভট্টাচার্য্যর বিধবা মেয়েটাকে ফুসলে নিয়ে এখানে এসে উঠেছে! ওকে তাড়াও তাড়াও!

কমলনয়ন এই কথা শুনে তখনই বিষ্ণুচরণকে ডাকল। ডেকে বললে—তুমি গ্রামের হারাগ ভট্টাচার্য্যর বিধবা মেয়েকে ভাগিয়ে এনেছ?

বিষ্ণুচরণ বললে—ভাগিয়ে আনি নি। আশ্রয় দিয়েছি।

—তোমার মুখে ও-সব নাটক নভেলের বড় বড় কথা শুনতে চাই না। ও যে তোমার বিবাহিতা স্ত্রী নয়, তা তুমিই স্বীকার করছ।

—মন্তপড়া স্ত্রী নয়, তবে আমার আশ্রিতা।

—বাই হোক, ওকে নিয়ে তোমার আর একদণ্ডও আমার এখানে থাকা চলবে না। তুমি পথ দেখ।

বিষ্ণুচরণ হারাণ ভট্‌চাখ্যার ঐ মেয়েটিকে নিয়ে কমলনয়নের বাড়ী ছেড়ে চলে গেল।

বিষ্ণুচরণ চলে গেলে, কমলনয়ন রাজমিস্ত্রী ডাকিয়ে তার। যে ঘরে থাকত, সেই ঘরের দেয়াল ও ছাদের পলেস্তারা খুলে ফেলে চূণ স্বরকি দিয়ে আবার নতুন পলেস্তারা লাগাল। মেঝের সিমেন্টে চটিয়ে আবার নতুন করে সিমেন্ট লাগান হ'ল। তারপর কলকাতার সেরা কীর্তনের দল এনে সেই ঘরে অষ্টপ্রহর করাল।—এই সব করে কমলনয়ন নিশ্চিত হ'ল।—এইখানেই গল্পের শেষ।

গল্প শেষ করে বন্ধুটি শরৎচন্দ্রকে বললেন—গল্পটা তোর কি রকম লাগল বল্‌ শ্রাড়া?

শরৎচন্দ্র বললেন—বেশ ভালই তো মনে হ'ল। তবে আমি হ'লে গল্পের উপসংহারটা অন্তরকম করতাম।

—কি করতিস্‌ শুনি?

—আমি হ'লে পলেস্তারা বদলানো নয়, বাড়ীটাই ভেঙ্গে ফেলতাম। বাড়ী ভেঙ্গে ভিত খুঁড়ে মাটি কেটে সেখানে একটা পুকুর কাটাতাম। তারপর সেই পুকুরে শ্বেত পাথরের ঘাট বাঁধিয়ে তার প্রত্যেক সিঁড়িতে লাল পাথর দিয়ে লিখে দিতাম—‘সতীলক্ষ্মীর ঘাট’। পাড়ার কুললক্ষ্মীরা সেই ঘাটে স্নান করে পুণ্য অর্জন করত।

একজন বন্ধু বললে—অত বড় বাড়ীটা ভেঙ্গে পুকুর করে ফেলতিস্‌! সে কি কখন হয়!

শরৎচন্দ্র বললেন—ঐ বাড়ী বা জমি তোরও নয়, আমারও নয়। হাতে যখন কলম আছে, তখন সেই কলমের এক খোঁচায় বাড়ী ভাঙতে কতক্ষণ, আর ঘাট বাঁধাতেই বা কতক্ষণ!

## ভুল পথে

১৩৪১ কি ১৩৪২ সালের বৈশাখ কি জ্যৈষ্ঠ মাস। একদিন বেলা দশটা নাগাদ ডক্টর স্নানীতিকুমার চট্টোপাধ্যায় মশায় রাসবিহারী অভিনিউ ধরে বাড়ী ফিরছিলেন। পণ্ডিতিয়া রোড আর রাসবিহারী অভিনিউর সংযোগস্থলে এসে তাঁর চোখে পড়ল রাস্তার ধারে শরৎচন্দ্র দাঁড়িয়ে। হাতে ছাতা, মাথায় রোদ্দুর লাগছে, কিন্তু ছাতা খোলেন নি। দাঁড়িয়ে দাঁড়িয়ে কি ভাবছেন।

স্নানীতিবাবু শরৎচন্দ্রের বিশেষ স্নেহভাজন ছিলেন। এক পাড়াতেই দুজনের বাড়ী। স্নানীতিবাবু নমস্কার করে জিজ্ঞাসা করলেন—এত বেলায়, এই রোদে রাস্তার উপর দাঁড়িয়ে ?

শরৎচন্দ্র বললেন—কাল রাত্রে এদিকে একটা দোকান থেকে টেলিফোন করেছিলাম, তার পয়সা দেওয়া হয় নি। তারা পয়সা হয়তো নেবেও না, কিন্তু আমার তো দেওয়া উচিত। তাই দিতে বেরিয়েছি।

বাড়ীতে ফোন থাকতে দোকানে এসে ফোন করেছেন শরৎচন্দ্র—একথা শুনে একটু বিস্মিত হলেন স্নানীতিবাবু। তাছাড়া রাত্রেই বা কি দরকার পড়ল !

শরৎচন্দ্র বললেন—কাল রাত্রে এখানে একটা ব্যাপার হয়ে গেছে। সন্ধ্যার সময় নরেন দেবের বাড়ীতে গিয়েছিলাম। গল্প করতে করতে অনেকটা রাত হয়ে গেল। ফেরার সময় তাই নরেন আর তার স্ত্রী রাধারাণী আমাকে বাড়ী পর্যন্ত পৌঁছে দিতে সঙ্গে আসছিল। তিনজনে এই অবধি যখন এসেছি, দেখতে পেলাম এখানে, ঐ গাছতলায় জনচারেক লোক জটলা করছে। অনেক রাত হয়েছে, রাস্তায় লোক চলাচল কম, দেখে কৌতূহল হ'ল। ভাবছি কি করি, এমন সময় ওদেরই মধ্যে একজন আমাদের ডেকে বললে—আপনারা এদিকে একটু আসুন তো !

আমরা এগিয়ে যেতেই পথের ধারে একটা রক্তমাখা কাপড়ের পুঁটলি দেখিয়ে তারা বললে—এর মধ্যে সন্তোজাত এক শিশু রয়েছে। এইমাত্র কারা

যেন ফেলে দিয়ে গেছে। শিশুটি এখনো কাঁদছে। আমরা এ পথ দিয়ে যেতে যেতে শিশুর কান্না শুনে দাঁড়িয়ে পড়েছি। কি করব ভেবে পাচ্ছি না।

শিশুটিকে দেখে আমার বড় মায়া হ'ল। রাধুও বেজায় ব্যস্ত হয়ে পড়ল, কি করে ঐ শিশুটিকে বাঁচানো যায়!

ঐ বন্ধ পুঁটলির মধ্যে শিশুটি তালগোল পাকিয়ে রয়েছে, এ আমার সম্বন্ধ ছিল না। একজনকে তাড়াতাড়ি খুলে ফেলতে বললাম। খুললে পর রাস্তার আলোয় দেখা গেল, দিবি ফুটফুটে গোলগোল একটি শিশু। খোলা হাওয়া পেয়ে তার কান্না একটু কমল। রাস্তায় এমন জায়গায় তাকে ফেলেছিল যে, এরই মধ্যে তার গা বেয়ে সারি সারি লাল পিঁপড়ের আক্রমণ আরম্ভ হয়ে গিয়েছিল।

বুঝলাম, বাঁচাতে হ'লে একে অবিলম্বে হাসপাতালে পাঠানো দরকার। এত রাত, দোকানপাট সব বন্ধ, এখন ফোন করা যায় কোথা থেকে? নরেন খুঁজে খুঁজে এক দোকান বার করে সেখান থেকে ফোন করল হাসপাতালে।

হাসপাতাল থেকে বললে, এ ধরনের রাস্তায় কুড়িয়ে পাওয়া ছেলে তারা নিতে পারে না, পুলিশে খবর দিতে হবে।

তখন পুলিশে ফোন করা হ'ল। তারাও আসতে চায় না। শেষে নরেন আমার নাম বলায়, তারা বললে—আচ্ছা, লোক পাঠাচ্ছি।

পুলিশ না আসা অবধি শিশুটিকে কি করে বাঁচিয়ে রাখা যায়, তখন সেই হ'ল আমাদের চিন্তা। রাধুকে বললাম—তুমি শিগ্গির বাড়ী যাও। বাড়ী গিয়ে কিছু মধু আর দুধ যোগাড় করে পাঠিয়ে দাও। দেখি ছেলেটাকে খাওয়ানো যায় কিনা।

রাধু বাড়ী গিয়ে তখুন মধু আর পাতলা কাপড়ের সল্‌তে পাকিয়ে পাঠিয়ে দিল। দুধও এল।

সল্‌তেয় মধু লাগিয়ে ছেলেটার মুখের কাছে ধরলাম। সে দিবি চুক-চুক করে খেতে লাগল। তবে দুধ আর ওকে ও-রকম করে খাওয়ানো গেল না।

এইভাবে বেশ কিছুক্ষণ কেটে গেল। নরেন, আমি আর সেই লোকগুলো ছেলেটিকে নিয়ে পুলিশের জন্ত অপেক্ষা করতে লাগলাম।

পুলিশের লোক যখন এল, রাত্রি তখন প্রায় ১টা। তাদের মধ্যে একজন হিন্দুস্থানী রাইটার কন্সটেবল। প্রবীণ লোক, মাহুঘটা মনে হ'ল মন্দ না।



টার কথায় বেশ একটা দুঃখ এবং ক্ষোভের ভাব লক্ষ্য করলাম। একটু স্নেহের সঙ্গে তিনি আমাদের বললেন—আপনারা বাঙালী ভদ্রলোক, যেভাবে মেয়েদের আজকাল শিক্ষা দিচ্ছেন, তাতে এ জিনিস না হয়ে যায় না। প্রতি সপ্তাহে কলকাতার মেইন ড্রেনের মধ্যে এ ধরনের সতর্কজাত শিশুর মৃতদেহ দুটি-পাঁচটি হরদম পাওয়া যাচ্ছে। তাছাড়া পাড়ায় পাড়ায় রাস্তাঘাটে ছু-চারটে যে প্রায়ই পাওয়া না যায়, তা-ও নয়। ইংরাজি শিখিয়ে সাবেক চাল, ঘর-সংসার, ধর্মপথে থাকা, এসব তো আপনারা মেয়েদের মন থেকে দূর করে দিচ্ছেন। তাই তারা না বিগড়িয়ে আর যায় কোথায়?

দাঁড়িয়ে দাঁড়িয়ে চুপ করে শোনা ছাড়া উপায় ছিল না। ছেলেটিকে নিয়ে তারা চলে গেল।

স্বনীতিবাবুকে শরৎচন্দ্র শেষে বললেন—কাল থেকে আমি কেবলই ভাবছি, স্থূল-কলেজে যে আধুনিক শিক্ষা আমরা মেয়েদের দিচ্ছি, তার জন্মই কি এত হ্রস্বীতি, এই সব ক্ষয়হীনতা? তবে কি আমরা ভুল পথে চলেছি? আজ আবার এই জায়গাটায় এসে গত রাত্রের সমস্ত ঘটনা, আর পুলিশের সেই কথাগুলো বারবারেই মনে পড়ছিল। তাই দাঁড়িয়ে দাঁড়িয়ে ভাবছিলাম। তোমাকেও জিজ্ঞাসা করি স্বনীতি, মেয়েদের শিক্ষা দিয়ে আমরা কি তবে ভুল পথে চলেছি?

স্বনীতিবাবু বললেন—আধুনিক শিক্ষাকে এর জন্ম দায়ী করা হয়তো ঠিক হবে না। আমার বিশ্বাস, এর পিছনে রয়েছে আমাদের অর্থ নৈতিক অবনতি। যার ফলে, সমাজে বিবাহযোগ্য বয়সের অবিবাহিত পুরুষ ও নারীর সংখ্যা দিনে দিনে বেড়েই চলেছে।

স্বনীতিবাবুর কথা শুনে শরৎচন্দ্র ধীরে ধীরে বললেন—যা বলছো, হয়তো তাই ঠিক। তবুও না ভেবে পারি না, আমরা কি ভুল পথে চলেছি?

## সুরেন্দ্রনাথ গঙ্গোপাধ্যায়ের সহিত আলোচনা

শরৎচন্দ্রের সম্পর্কীয় মাতুল ও বালাবন্ধু সুরেন্দ্রনাথ গঙ্গোপাধ্যায় একদিন শরৎচন্দ্রের সঙ্গে উপস্থাপন লিখন-পদ্ধতি নিয়ে আলোচনা করেছিলেন। সেদিন তাঁদের উভয়ের মধ্যে যে সব কথা হয়েছিল, তা হচ্ছে এই :—

সুরেনবাবু শরৎচন্দ্রকে বললেন—‘চরিত্রহীন’ বইখানি তোমার বছরদিন ধরে লেখা। মনে পড়ে, ১৯০১ খ্রীষ্টাব্দে তুমি যখন দিনাজপুরে গিয়েছিলে, (সুরেনবাবু ঐ সময় দিনাজপুরে তাঁর পিতার কাছে থাকতেন) তখন এই বইখানির সম্বন্ধে আমাদের সঙ্গে তোমার কথা হয়।

শরৎচন্দ্র বিস্মিত হয়ে বললেন—আমার তো কিছু মনে নেই!

—কিন্তু আমার অনেক কথাই মনে আছে। বোধ করি বইখানির নাম যে ‘চরিত্রহীন’ হবে, তাও তুমি তখন বলেছিলে।

—হবে বা। আমার স্মৃতিশক্তি একটুও ভাল নয়। যখন বলছো, তখন না-ই বা কি করে বলি। আচ্ছা বল তো, কি বলেছিলাম?

—সেদিন উপস্থাপন লেখার পদ্ধতি নিয়ে কথা হয়েছিল। বাড়ীর ভিতরে বড় আম বাগানটির মধ্যে।

—এবার আমারও একটু একটু মনে পড়ছে যেন।

সুরেনবাবু বললেন—আমাদের জিজ্ঞাসা ছিল, তোমার লেখা এত ভাল হয় কেন, আর আমরা কিছুতেই কেন তেমন লিখতে পারি নে।

শরৎচন্দ্র বললেন—তারপর?

—তুমি বললে, তার প্রধান কারণ, তোমরা ঘটনা ধরে লেখ, আমি কিন্তু কোনদিন ঘটনা অবলম্বন করে লিখতে পারি নে। আমি লিখি চরিত্র অবলম্বন করে।

চরিত্র অবলম্বন কি করে করতে হয়, তা-ও বুঝিয়ে দেবার সময় এই চরিত্র-হীনের সম্পর্কে বলেছিলে—আজ তিন চার বছর ধরে আমি তিন চারটে চরিত্র মনে মনে গড়ে তুলেছি। আরও তিন চারটে ঠিক হয়ে গেলে, একটা প্রকাণ্ড নভেল লিখতে আরম্ভ করবো। তার নামটা এখন ঠিক হয়ে গেছে—চরিত্রহীন।

আমাদের ও-নাম পছন্দ হয় নি। বলেছিলাম—কিন্তু ভারি অলঙ্ঘ্যে নাম। তুমি হেসে বললে—লক্ষণ অলক্ষণ মানি নে, যদি মনের মত করে কোনদিন লিখে উঠতে পারি তো বুঝবো যে একটা কাজ হলো।

আমরা জিজ্ঞাসা করেছিলাম—কতদিনে এই বই লেখা হবে?

—তা কে জানে—বলে তুমি হেসেছিলে।

স্বরেনবাবু বলেন—শরৎচন্দ্র অনেক চেষ্টা করেও সেদিনের সব কথা মনে আনতে পারলেন না। বললেন—ব্যাড্ মেমারি।

স্বরেনবাবু আরও বলেন—শরতের মেমারি সতাই ব্যাড নয়। বললাম—চরিত্রহীন সম্বন্ধে একটা মজার কথা লোকে বলে, তাতে প্রমাণ হয় না যে, তোমার মেমারি খারাপ।

এই কথায় শরৎচন্দ্র হেসে বললেন—ও-কথা কিভাবে রবিবাবুর কানে গিয়ে পৌঁচেছে। তিনি একদিন আমায় বলেছিলেন—শরৎ, তুমি নাকি পিছন দিক দিয়ে চরিত্রহীন লিখেছ?

শুনে স্বরেনবাবু বললেন—তুমি কি বললে?

শরৎচন্দ্র বললেন—বললাম, না, তাই কি হয়! তবে শেষের দু-চার চ্যাপটার, হয়ত আগেই লিখে ফেলেছিলাম। তিনি তো সেই কথা শুনে অবাক। বললেন—বল কি শরৎ!

এবার স্বরেনবাবু শরৎচন্দ্রকে জিজ্ঞাসা করলেন—ঠিক করে বল তো ব্যাপারটা কি?

শরৎচন্দ্র বললেন—চরিত্র অবলম্বন করে লিখতে আরম্ভ করে অমন ওলট-পালট খুবই করা চলে। তাছাড়া, এই লেখার বিষয়ে আমার মেমারি বড় স্ক্রুট। আমার লেখা সম্বন্ধে আমি পাতার পর পাতা ভেবে রাখতে পারি। সেগুলো লেখার সময় আসতে থাকে। হারিয়ে যায় না।

স্বরেনবাবু হেসে বললেন—তার পরীক্ষা আমরা করেছি। সেটা তুমি জান না।

—কি রকম?

—সেবার তুমি কয়েকদিন ভাগলপুরে গিয়ে থাকার সময়, একখানি পত্রিকা থেকে লেখার তাগিদ বেশী হ'লে তুমি কয়েক ছত্র লেখ, কিন্তু চলে আসার সময়

সেটা নিতে তোমার মনে ছিল না। পরের মাসে যখন লেখাটা বা'র হলো, তখন দেখলাম যে, সেই ক'ছত্রের বিশেষ কোন কিছুই বদল হয় নি।

শরৎচন্দ্র বললেন—তোমার ও-কথা ঠিক। নিজের লেখা সম্বন্ধে আমি পাতার পর পাতা ভেবে রাখতে পারি। সেগুলো লেখার সময় আসতে থাকে, হারিয়ে যায় না।

কিছুকণ চুপ করে থাকার পর শরৎচন্দ্র বললেন—আমার চরিত্রহীন বইখানা থেকে নতুন লেখকদের অনেক শেখার জিনিস আছে। ওতে গল্পাংশ যা আছে, সেটা ওর বিশেষত্ব নয়, চরিত্রগুলোকে কেমন করে ফুটিয়ে তুলতে হয়, তা যে অভিনিবেশের সঙ্গে পড়বে, সেই কিছু না কিছু পাবে।

স্বরেনবাবু জিজ্ঞাসা করলেন—চরিত্র সংগ্রহ কেমন করে করতে হয়?

শরৎচন্দ্র বললেন—সেটা শক্ত। তার পথ বলে দিতে পারি মাত্র, কিন্তু ওটি লেখকের সাধনার বস্তু।

স্বরেনবাবু বললেন—সেই পথ তো আমরা জানতে চাই।

শরৎচন্দ্র উত্তরে বললেন—মনে কর, তোমার একটা কাছের মানুষকে তোমার ভাল লাগছে, তুমি তাকে ভাল করে স্টাডি করতে আরম্ভ করলে। এইখানে তোমার বাস্তবের সঙ্গে যোগ, কিন্তু বাস্তব মাত্রই সাহিত্য নয়। যা কিছু ঘটে যাচ্ছে, তাই লিপিবদ্ধ করলে সাহিত্য হবে না। আমার মতে বাস্তব এবং আদর্শের মধ্য দিয়ে সাহিত্যের পথটা চলে।

ধরে নাও, একটা ছোট গল্প লিখছি। প্রথমে গল্পের বিষয়বস্তুটা কি হবে মনে দৃঢ় ধারণা করে নিতে হয়। সেটা এমন বন্ধমূল হওয়া চাই যে, গল্পের মধ্যে একটা প্যারাও যেন ঐ বিষয়বস্তুর বিরোধী বা অবাস্তব না হয়। এই সব বিষয়ে অতিরিক্ত সতর্ক না হলে লেখা কিছুতেই জমাতে পারা যায় না।

আমাদের দেশের লেখকদের মধ্যে ও-রকম সাবধানতা দেগতে পাই নে, কিন্তু বিদেশী, নাম আছে এমন সব লেখকদের লেখা পড়তে পড়তে তাঁদের লেখার প্রতি নির্ভা, সাধনা দেখে মাথা যেন আপনাই ঘুরে আসে।

স্বরেনবাবু বললেন—বিশেষ করে কার কথা বলছ?

শরৎচন্দ্র বললেন—আমি ঐ জিনিস শিখেছিলাম, হারবার্ট স্পেন্সার পড়বার সময়—এমন অতিরিক্ত সাবধান, অ্যাকিউরেট! অবাক হয়ে যেতে হয়। মাথা ঘুরে আসে আমার গোর্কির লেখা পড়ে। যাক, বিষয়বস্তুর কথা

বলছিলাম, খেই হারিয়ে গেলে চলবে না—তারপর ওজন করে কথা বলতে হবে।

কথার মোহ আছে, বেশ ভাল কথা মনে পড়ে গেল, আর সামলাতে না পেয়ে সেই কথাটা ধাঁ করে বসিয়ে দিয়ে গেলাম। এই করলে লেখা আলগা হয়ে যায়। ও আমি কিছুতে করি নে। একটা কথা, কি ভাব মনে এলে হয়তো টুকে রাখি, কিন্তু যতক্ষণ না সত্যিকার সময় আসে, ততক্ষণ আমি কিছুতেই ব্যবহার করি নি, আর করলেই দেখেছি সে রসভঙ্গ হবেই হবে।

ছোট গল্পের কথা বলছিলাম। ধরে নেওয়া যাক, বিষয়বস্তুটা পিতৃভক্তি। এর সম্বন্ধে কারুর কিছু আপত্তি করবার নেই। পিতৃভক্তি আঁকতে হ'লে, পিতা কেমন হওয়া উচিত ঠিক করে নেওয়া যেতে পারে—ধরে নাও রামের কথা। রামের পিতৃভক্তি আদর্শ, কিন্তু দশরথ একজন আদর্শ পিতা ছিলেন না। তাই রামের নিষ্ঠাটা উজ্জ্বল হয়ে উঠল। এমনি করে হিসেব, ওজন, নিষ্ঠা, সাধনা দিয়ে যে লেখা লেখা যায়, তা ভাল হতেই হবে।

আমি কোনদিন কলম ছেড়ে দিয়ে লিখিনি, যা মনে এলো লিখে গেলাম, একটা কাটাকুটি হয় না। এসব বাহাছুরী যারা করে, তাদের কথা শুনে আমার হাসি পায়।

অনেকে কিছু একটা লিখে শেষ কালে বলেন—সময় কম, আরও যদি বেশী সময় পেতাম তো আরও ভাল করে লিখতে পারতাম। এসব বড়াই করা নয় তো কি ?

সময় যদি না পাও তো লিখো না। যেটুকু সময় পেয়েছ, সেইটুকুতে এমন করে ততটুকুই লিখো, পরে যেন দুঃখ করতে না হয় যে, আমি আরও ভাল লিখতে পারতাম।

এই দেখ না, আমার লেখার তাগিদ তো কম নয়! কিন্তু আমি যা তা লিখে কিছুতেই দিই না। বলি যে এ মাসে পারলাম না। সাহিত্য লিখতে অবহেলা করলে তো সাহিত্য হয় না, হয় পাশ।

এবার স্বরেনবাবু বললেন—তাহলে প্রট করে নেবার দরকার নেই ?

শরৎচন্দ্র বললেন—আছে বৈকি, চরিত্রটা তো তুমি সংজ্ঞা দিয়ে বোঝাবে না—সেটা তোমার গল্পের মানুষের কাজে কর্মে চিন্তায় ভাষায় প্রকাশ হবে।

হুসনুজ্জাদার সঙ্গে সঙ্গে বিষয়বস্তু আর চরিত্রকে অগ্রসর করে নিয়ে যেতে পার তো  
প্রট আপনি ফুটবে।

হুসনুবাবু বললেন—তোমার কথা থেকে আর একজনের কথা মনে  
পড়ছে। সেক্সপীয়রের কোন দিন প্রটের চিন্তা যেন ছিল না। মাহমুদুলোকে  
সত্য করে তুলেই খালাস।—তুমি একসময় খুব সেক্সপীয়র পড়তে না?

—হঁ, তা পড়তাম বটে, কিন্তু সাহিত্যের বই পড়ে, সাহিত্য লিখতে  
শেখা যায় না। আমি এক সময় ইতিহাস, ভ্রমণ-কাহিনী—এই সব বই  
পড়েছি। মাহমুদের চরিত্রের মধ্যে অন্তর্দৃষ্টি না ফুটিয়ে তুলতে পারলে, ঠিক  
লেখা হয় না।

সত্যকার সাহিত্য সৃষ্টি করতে হলে, মাহমুদের সঙ্গে মিশতে হবে।  
সেকরার দোকানে তোমাকে সেকরা হতে হবে, ভিক্টোর সঙ্গে ভিক্টর হতে  
হবে।

হুসনুবাবু একথা শুনে বললেন—তাই কি সম্ভব?

শরৎচন্দ্র বললেন—সে অসম্ভব হলে, সাহিত্যও অসম্ভব।

শরৎচন্দ্র শেষ বয়সে একবার হুসনুবাবুকে সঙ্গে নিয়ে তাঁর নিজের জন্মস্থান  
দেবানন্দপুর গ্রামে বেড়াতে গিয়েছিলেন।

শরৎচন্দ্র সেদিন দেবানন্দপুর গিয়ে হুসনুবাবুকে তাঁদের বাড়ীটি দেখান।  
ঐ বাড়ীটি শরৎচন্দ্রের পিতা দেনার দায়ে অনেক আগেই বিক্রি করে  
দিয়েছিলেন।

শরৎচন্দ্র সেদিন হুসনুবাবুকে বলেছিলেন—এক একবার ভাবি, যত টাকাই  
লাগুক, আমাদের বাড়ীটা কিনে নিই।

হুসনুবাবু বলেছিলেন—কেন কেনো না?

উত্তরে শরৎচন্দ্র বলেছিলেন—আবার ভাবি, কি-ই বা হবে! বিশ্বস্তির  
আড়ালে যে কথা চাপা পড়ে গেছে, তাকে জাগিয়ে তুলে কি লাভ হবে।

শরৎচন্দ্র নিজেদের বাড়ীটি দেখাবার পর হুসনুবাবুকে নিয়ে তাঁদের  
গ্রামের লাইব্রেরী বাড়ীতে যান। তারপর সেখান থেকে তিনি হুসনুবাবুকে  
একটি অট্টালিকায় নিয়ে গিয়ে বলেন—এই আমার সেই ছোট্ট বাড়ী।

শরৎচন্দ্র ইতিপূর্বে অনেকবার তাঁর এই ছোট্টদার বাড়ীর গল্প স্বরেনবাবুর কাছে বলেছিলেন ।

শরৎচন্দ্র সেবার দেবানন্দপুর থেকে চলে আসার কয়েকদিন পরে, দেবানন্দপুরের কয়েকটি যুবক তাঁদের গ্রামের লাইব্রেরীর জন্ত শরৎচন্দ্রের কলকাতার বাড়ীতে তাঁর কাছে কিছু বই চাইতে এসেছিলেন । শরৎচন্দ্র সেদিন ঐ যুবকদের অনেক বই দিয়েছিলেন । ঐ সময় স্বরেনবাবুও সেখানে উপস্থিত ছিলেন ।

সেদিন দেবানন্দপুরের লাইব্রেরীতে ঐ বই দেওয়া নিয়ে স্বরেনবাবুর সঙ্গে প্রসঙ্গক্রমে যে সব কথা হয়েছিল, তাতে শরৎচন্দ্রের ‘চরিত্রহীন’ উপন্যাস রচনার অনেক রহস্য প্রকাশিত হয়েছিল । স্বরেনবাবুর সঙ্গে শরৎচন্দ্রের সেদিনকার কথাবার্তা হয়েছিল এইরূপ :—

দেবানন্দপুরের যুবকরা বই-এর গাদা নিয়ে হাসতে হাসতে চলে গেলে, শরৎচন্দ্র তাঁর ইজিচেয়ারটির উপর শুয়ে মুচ্কে মুচ্কে হাসতে লাগলেন ।

শরৎচন্দ্র হাসছেন দেখে স্বরেনবাবু বললেন—হাসছো যে ?

—ওরা ভাবলে আমি খুব খুশী হয়েছি !

—আমিও তো তাই ভাবছি ।

শরৎচন্দ্র বললেন—কেন ?

—তোমার জন্মস্থান—তার ওপর তোমার তো কর্তব্যও বটে...

—সে ঋণ আমি বছরদিন আগে শোধ করেছি ।

—কবে করলে ? কৈ আমাকে তো বল নি কিছু, কোনদিন !

—কাউকে তো বলি নি ।—বলে শরৎচন্দ্র হাসলেন ।

—অসম্ভব চাপা মানুষ কিন্তু তুমি !

—সে কথা কাউকে বলা যায় না ; কিন্তু তুমি জান ।

—জানি ? হেয়ালিতে কথা কইতে লাগলে যে !

—মনে করে দেখ, অনেকদিন সে কথা তোমায় বলেছি ।

স্বরেনবাবু চিন্তিত হয়ে ভাবতে লাগলেন । বললেন—নাঃ, কৈ মনে তো পড়ে না ।

—ধরিয়ে দিলে মনে পড়বে । ‘চরিত্রহীন’ রিভাইজ্ করার সময় তোমার

সঙ্গে অনেক কথা হয়েছিল আমার। তুমি কিরণময়ীর শেষের ব্যাপারটা বদলে দিতে বল নি ?

—তা হবে ; সে তো তোমাকে আগা-গোড়াই, চিরদিনই বলে এসেছি। কিন্তু তোমরা ভীষণ কন্সারভেটিভ !

—আমরা মানে ?

—তুমি, রবীন্দ্রনাথ আর বঙ্কিমচন্দ্র—তোমরা সমাজকে ভয় কর।

—ওটা তোমাদের ভুল।

—ভুল নয় শরৎ, একদিন এর জন্তে তোমরাও ক্ষমা পাবে না।

—কিরণকে বদলালে যে হুরবালাকেও বদলাতে হয়।

—কি দোষ করলে হুরবালা বেচারি ?

—হুজনে একই !

—অবাক করলে তুমি !

—ঐ তো ! তোমরা বিশ্বাস করতে চাও না। দাদামশাই বলতেন একটা ভারি ঠিক কথা। ওদের ফিকস্‌ড্‌ মাইন্‌ড্‌। যা একবার ভেবে চুকেছে, তা থেকে এতটুকুও, একচুলও নড়বে না। ওইখানে আমাদের হুজনের ছিল ভারি মনের মিল !

—যাক তাঁর কথা এখন—আজকের বিষয়টা আগে শেষ কর।

খানিকটা চুপ করে শরৎচন্দ্র বললেন—অল্প বয়সী ছেলেরা তাদের চেয়ে ঢের বেশী বয়সের মেয়েদের কাছে,—ঐ হুরবালাই, আমার প্রবৃত্তির দিকটা জাগিয়ে দেওয়ার গুরু ছিলেন। ও চরিত্রটির বাইরের দিক আঁকতে আমার প্রায় কিছুই পরিশ্রম করতে হয় নি। সতী, সাদরী, স্বামীর উপর যেমন ভক্তি, তেমনি ভালোবাসা, তেমনি আকর্ষণ। আর শেষে হ'ল তেমনি—চারিদিকে ধন্তি ধন্তি পড়ে গেল। অমন আর হয় না ! স্বামীর পায়ে মাথা রেখে হুরবালাও চলে গেল ! কিন্তু কিরণময়ীকে আমি তারই—মানে হুরবালার শিক্ষায় যে জ্ঞানলাভ করলাম, সেই উপকরণ দিয়েই গড়ে তুলেছি। ওতে যদি কোন ভুল থেকে থাকে তো সে নিছক আমারই। হুরবালার আগা-গোড়া কন্ট্রাস্ট করতে গিয়ে, ঐ রকম করতে বাধ্য হয়েছি। মোট কথা, জ্রীলোক সম্বন্ধে আমার যে সজাগতা দেখতে পাও—সে ঐ হুরবালার জন্তে। তাঁকে আমি চিরদিন শ্রদ্ধা করে এসেছি। গুরু-দক্ষিণা আমার ঐ চরিত্র-চিহ্নন।



তাই বলেছিলাম—দেবানন্দপুরের জীবনের সব চেয়ে বড় কথা যার কাছে শিখেছি—যাঁর জন্তে ও-দেশকে ভালবাসি—তাঁর ঋণ শোধ আমার করা হয়ে গেছে!.....জন্মভূমি বলে হৈ-হৈ করা আমার স্বভাব নয়। নিজেকে বড় করে ভাবলে লোকে তার জন্মভূমিকে বড় করে তুলতে চায়। দেখলে না, এত বয়সেও আমার আত্ম-জীবন-চরিত লেখার সাহস হ'ল না। ও ধৃষ্টতা আমি কোনদিনই করব না।

শরৎচন্দ্র আর একবার তাঁর এই ‘চরিত্রহীন’ রচনার প্রসঙ্গ নিয়ে স্বরেনবাবুর সঙ্গে আলোচনা করেছিলেন। সেদিনের আলোচনাটি ছিল এইরূপ :—

শরৎচন্দ্র স্বরেনবাবুকে বললেন—দেখ, ‘চরিত্রহীন’ সম্বন্ধে তোমরা অনেক কিছু ‘হাল্লা’ করে চুকেছ; কিন্তু আমি একেবারে ‘আভ্যাম্যন্ট’। তোমরা গল্পের দিকটায় জোর দাও—আমি কিন্তু চরিত্রের দিকটাই বড় মনে করি। চরিত্রহীনে আমার বিশেষ কিছু ভুল হয় নি—এই আমার দৃঢ় বিশ্বাস। আর একদিন তোমাকে আরও কিছু বলবো।

স্বরেনবাবু হাসতে লাগলেন।

শরৎচন্দ্র বললেন—তোমার ও-হাসি আমি খুব চিনি; কি ব্যাপার বলতো?

—ব্যাপার খুব বড় কিছুই নয়—খুব সোজা। তুমি চালাক শয়তান, আর আমি বোকা শয়তান। তোমার আর আমার মধ্যে এই যা তফাৎ।

—এবার যে হেঁয়ালিতে কথা কইতে লাগলে।

—ওটা তো তোমার কাছেই শেখা।

—কি রকম?

—তুমি আমাকে বছবার বলেছ যে, চরিত্রহীন বইটার সঙ্গে আমাদের কোন যোগ নেই। ওর মধ্যে তোমার দেবানন্দপুরের অভিজ্ঞতাই আছে। তা থাকে কিছুই আশ্চর্য নয়। কেন না, যে বয়সে যাহ্নবের সেন্স বুদ্ধি জাগতে থাকে, সেটা তোমার দেবানন্দপুরেই কেটেছে। স্বরবালার কথা তুমি আমাকে ঘুরিয়ে ফিরিয়ে সত্যি-মিথ্যার মনোরম রস-সংস্রবে অনেক কিছু বলেছ।

তোমার পুরী পালানোর কারণও আমি জানি। সাবিত্রীর কথাও বলেছ। কিন্তু এগুলোর মধ্যে তোমার রসানগুলো তো বল নি ; আর জানি, তাও কিছু খুলে বলাও তো যায় না।

—কেন ?

—সে অসম্ভব বলে ! এমন সব কথা মানুষের মনে আনাগোনা করে, যা কারুর কাছেই বলা যায় না। আর যদি বলতেই হয় তো, অনেক লুকোচুরি, অনেক রেখে ঢেকে বলতে হয়। তুমি সে বিজ্ঞেয় ওস্তাদ ! তুমি অনেকবার বলেছ যে, ওটা দেবানন্দপুরের গল্প। তা আমি অস্বীকার করব না। কেন না ওর প্রথম পর্ব দেবানন্দপুরের ব্যাপার না হ'লে, তুমি পুরীই বা পায়ে হেঁটে পালাচ্ছিলে কেন ? যখন তুমি স্পষ্টই বুঝেছিলে, সুরবালাকে তোমার সম্পূর্ণ ভুল বোঝা হয়েছে—তখনই তুমি নিজেকে সম্পূর্ণ অপরাধী মনে করে ছুটেছিলে পুরীতে জগন্নাথের কাছে দোষ ক্ষালনের জন্তে। পথে তোমার সাবিত্রীর সঙ্গে পরিচয়। ঠিক নয় ?

শরৎচন্দ্র মুখ গম্ভীর করে বললেন—অনেকটা।

—সুরবালা নামটা কিন্তু তোমার ছোড়দারবোঁ-এর নয়। ওটা শুধু স্তোত্রক হিসেবে ব্যবহার করেছে, অল্প একজনকে মনে করিয়ে দেবার জন্তে। নয় কি ?

—বোধ হয়।

—নাঃ, নিশ্চয়।

এই কথায় শরৎচন্দ্র স্থির দৃষ্টিতে সুরেনবাবুর মুখের দিকে চেয়ে রইলেন।

পরে সুরেনবাবু বললেন—কথা বলছো না কেন ?

—ভাবছি...

—কি ভাবছো ?

—তুমি ডিটেক্টিভ হও নি কেন ?

—যে হেতু ওটা আমার পছন্দসই লাইন নয় ; তাছাড়া আমি বৈটে— পুলিশ-লাইনে ওদের আইনে আমার প্রবেশের দরজা বন্ধ।

—বটে ! কেন ?

—আমি হাইটে শর্ট। এখন সুরবালা কে তা কি তোমাকে বলে দিতে হবে ? শান্তিপুত্রে কাকে পৌছে দিতে গিয়ে কুলিদের সঙ্গে মারামারি করেছিলে নৈহাটি স্টেশনে ?

—তুমি জানলে কি করে সে কথা ?

স্বরেনবাবু উত্তরে বললেন—তোমার কোন এক অনবহিত মুহূর্তে গল্প করেছে, সেই বীরশের কাহিনীটি। সেটি আমার মনে দৃঢ় গাঁথা হয়ে আছে।

—ঠিক তো ! আমি সে কথা কবে ভুলে গিয়েছি।

—তার কারণ আছে।

—কি কারণ ?

—তুমি মহাবীর স্বামী ! ওসব ছোট-খাট কথা তোমার মনে না থাকায় কিছু যায় আসে না। কিন্তু আমার যে ওটা মস্ত খুঁটে। তাছাড়া, তুমি গোড়ায় আমাকে বলও নি। দাদার কাছে প্রথম শুনি—তারপর সেজ-বৌদিদির কাছে।

—সে আবার কবে ?

—ভাগলপুরে প্লেগ হওয়ার সময় তাঁদের আরেরিয়া নিয়ে যাওয়ার পথে তিনি বলেছিলেন—শরৎ। গোঁয়ার।

শরৎচন্দ্র নাক মুখ উচু করে বললেন—যার জন্ত চুরি করি, সেই বলে চোর ! ভগবান তুমি যে গত হয়েছ, তা নিঃসন্দেহে প্রমাণ হ'ল।

শরৎচন্দ্র খানিকটা যেন ভ্যাবাচ্যাকা খেয়ে রইলেন।

স্বরেনবাবু বললেন—যতই না বেন বোকা সাজ কিম্বা ভুলে যাওয়ার ভান কর, ইউ আর কট্ রেড্ হ্যান্ডেড্ ।...আমাদের বাড়ীতে কিরণশশী বলে কি কেউ কোনদিন ছিলেন ?

—মনে হচ্ছে না।

—তবে থাক, বলে লাভ নেই। তুমি তো অস্বীকার করবেই জানি।

—না না তুমি বল, তোমার দৌড়টা দেখছি।

—আচ্ছ। শরৎ, কিরণশশীকে কিরণময়ী করলে, ব্যাপারটা কতখানি চাপা পড়ে ?

মুহু হেসে শরৎচন্দ্র বললেন—কিছুটা তো পড়ে।

স্বরেনবাবু বললেন—তবে চাপাই থাক। ও আলোচনার কি দরকার ?

—বল, চূপ করে বসে বসে শুনি।

—লোককে বোকা বোঝাবার আর্টে তুমি সিদ্ধিলাভ যে করেছে, তা কেউ অস্বীকার করবে না।

শরৎচন্দ্র বললেন—ধরেছ অনেকখানি ; তবে সবটা ধরা প্রায় অসম্ভব।

দেবানন্দপুরে ওর আরম্ভ বটে। পুরী পালানোও সত্যি। সাবিজী নিশ্চয় তার নাম নয়! তাকে হারিয়ে ফেলাও সত্যি। কিন্তু লেখকের কেরামতির কি কোন প্রশংসা নেই, বলতে চাও তুমি?

স্বরেনবাবু বললেন—না। ষোল আনার জায়গায় বিশ আনা দিলেও সবটা দেওয়া হ'ল কিনা চিন্তার বিষয়। সেখানে আমি দাতাকর্ণ। এ বিজে তুমি একদিন পাখী-পড়া করে শিখিয়েছ আমাদের; কিন্তু আমরা কেউ শিখতে পারি নি। সবাইএর 'কচে'র অবস্থা। প্রয়োগ করতে কেউ পারে নি। ঐখানেই তোমার প্রতিভা। আর আমাদের ল্যাজে-গোবরে!

শরৎচন্দ্র হো-হো করে হেসে উঠলেন।

'পথের দাবী' লেখার সময় শরৎচন্দ্র ভেবেছিলেন যে, এই বইটি লেখার জন্ত তাঁর জেল হবেই।

জেলে যেতে তাঁর ভয় ছিল না। তবে জেলে আফিং পাওয়া যাবে না, এটা তিনি জানতেন। এই ভেবে শরৎচন্দ্র আফিং খাওয়া ছেড়ে দিলেন। আফিং ছাড়লে সামান্য সামান্য জ্বর হ'তে হ'তে দিন কুড়ি বাইশের মধ্যে এমন জ্বর হ'ল যে, বিছানা নিতে হ'ল।

ডাক্তার এসে বললেন—টাইফয়েড।

ডাক্তারের চিকিৎসায় দেখা গেল জ্বর ওঠা-নামা করে না। ১০৩ ডিগ্রীতে দিনরাত দাঁড়িয়ে থাকে।

ডাক্তার মহা চিন্তিত হলেন।—তাই তো ব্যাপার কি?

ডাক্তার শেষে একদিন স্বরেনবাবুর কাছে জানতে পারলেন, আফিং ছাড়ার পর এই ব্যাপার ঘটেছে। তখন ডাক্তার শরৎচন্দ্রকে জিজ্ঞাসা করলেন—কতদিন আফিং খান নি?

শরৎচন্দ্র বললেন—কুড়ি বাইশ দিন হবে।

ডাক্তার বললেন—আমাদের শাস্ত্রে একে 'ওপিয়াম ফিভার' বলে। আপনি আফিং ছেড়ে মিছে কষ্ট পাচ্ছেন। আপনাকে বলছি আপনার জেল হবে না। আর যদিই হয় তো সেখানেও যাতে আফিং পান, আমি তার ব্যবস্থা করে দোব। আপনি এক কাজ করুন, আফিং না ছেড়ে, আফিং ভেজান জল খান। যেমন—এক ভরি এক গ্রাস জলে দিয়ে খানিকটা খেলেন।

যতটুকু জল খেলেন, ততটুকু জল দিয়ে সেটা আগের পরিমাণ করে নিলেন।  
আবার পরের দিন যতটুকু খেলেন পূরণ করে দিলেন। এই উপায়ে আফিং  
ছাড়া যায়।

ঐ সময় একদিন বিছানায় শুয়ে শুয়েই শরৎচন্দ্র স্বরেনবাবুকে বলেছিলেন—  
দেখ, কি ভুলই জীবনে করেছি এই নেশা করে। যখন ক'দিন আফিং খেতুম না,  
তখন এই পৃথিবীর সব কিছু আমার কাছে অতিশয় স্বচ্ছ সুন্দরভাবে আসতো।  
যদি আমি নেশা না করতুম তো এর চেয়ে ঢের বড় লেখক হতে পারতুম।

স্বরেনবাবু হাসলে তিনি বললেন—হাসছো যে?

স্বরেনবাবু উত্তরে বললেন—এ পাপ তোমার স্বকৃত নয়।

—তবে?

—তোমার ঠাকুরদার পাপ, তিনি নেশা করতেন শুনেছি। জান, তোমার  
বাবাও নেশা করতেন?

—জানি, কিন্তু তুমি জানলে কি করে?

—দেখেছি। বড় দাদাকে তিনিই তো মদ ধরান। এ আমি জানি।  
‘তুমি কি করে জানলে’ জিজ্ঞেস করলে?—দেখেছি দোরের ফাশা দিয়ে।

—বটে!

—‘ব্রিস্ততে’ এই কথা আছে।—তিন পুরুষ চলে।

—ঠিক ঠিক, এইবার আমারও মনে হয়েছে।

—তাই আমাদের শাস্ত্রে আছে—মদ্যম্ অদেয়ম্, অপেয়ম্, অগ্রাহ্যম্।

—মস্ত বড় কথা!

শরৎচন্দ্র মৃত্যুর কিছুদিন আগে স্বরেনবাবুকে সঙ্গে নিয়ে একদিন ম্লোব  
নার্শারীর বাগান থেকে কিছু ফুলের চারা আনতে গিয়েছিলেন। সেদিন  
সেখানে কথা-প্রসঙ্গে ম্লোব নার্শারীর অমরবাবু শরৎচন্দ্রকে জিজ্ঞাসা করেছিলেন  
—দাদা, আপনার ‘পথের দাবীর’ সব্যসাচী কে?

—পরে একদিন বলবো।—বলে শরৎচন্দ্র সেদিন অমরবাবুর প্রশ্নের কোন  
উত্তর না দিয়েই চলে এসেছিলেন।

ফিরবার সময় মোটরে স্বরেনবাবুকে চুপ করে থাকতে দেখে শরৎচন্দ্র  
বললেন—ঘুম্লে?

—না।

—কি ভাবছো বল তো?

—ভাবছি যে, সব্যসাচী কোন ব্যক্তি বিশেষ নয়। কবির সাহিত্যের সৃষ্টি।

—ঠিক তা নয়।

—তবে?

শরৎচন্দ্র বললেন—তুমি কি বলতে চাও যে ‘ঘরে বাইরে’র নিখিলেশ আর সব্যসাচী একই ধরনের দুটো সৃষ্টি?

—না।

—কিসে তফাৎ?

—নিখিলেশের মধ্যে কল্পনা আছে বারো আনা, আর সব্যসাচীর মধ্যে হয়তো ছ’ আনা।

শরৎচন্দ্র বললেন—বোধ হয় আরো কম।

—কিন্তু সব্যসাচীর বাস্তবে কোন ব্যক্তি বিশেষ নেই। বহু ব্যক্তির বহু গুণের অদ্ভুত সমাবেশই কবির সৃষ্টির কৃতিত্ব! আমি সময় সময় সব্যসাচীর মধ্যে তোমাকেও পাই।

—তাহলে জানবে, সেটা আমার অক্ষমতা ছাড়া আর কিছুই নয়।

—ওটা সেকালের মত।

শরৎচন্দ্র বললেন—ওটাই শ্রেষ্ঠ সাহিত্যের মত। দেখো, শকুন্তলার মধ্যে কালিদাসকে খুঁজে বার করতে পারা যায় না।

—তার মানে আছে।

—কি?

—উপন্যাস আর নাটকের টেকনিক আলাদা।

—যাক্কে কুট তর্ক; আজ কিন্তু দিনটা ভারি চমৎকার কাটলো।

—আরো চমৎকার কাটবে।

—কিসে?

—মাটি ঠিক করাই তো আছে—চারাগুলো আজই বসিয়ে দিতে হবে।

সেদিন অনেক রাত পর্যন্ত পৌষ মাসের ঠাণ্ডায় বাইরে বসে গোটা চারেক চাকর সঙ্গে করে শরৎচন্দ্র ও সুরেনবাবু ফুলের চারা গাছগুলো বসালেন।

## সৌরীন্দ্রমোহন মুখোপাধ্যায়ের সহিত আলোচনা

১২০০ খ্রীষ্টাব্দের ফেব্রুয়ারী মাস। শরৎচন্দ্র তখন কলেজের পড়া ছেড়ে দিয়েছেন এবং ভাগলপুরের খঞ্জরপুর পল্লীতে থাকেন। ঐ সময় তিনি কলেজের সহপাঠী বঙ্কু ইন্দুভূষণ ভট্টের বাড়ীতে নিজের লেখার ও পড়ার একটা আস্তানা করে নিয়ে দিনের বেশীর ভাগ সময়ই সেখানে কাটান।

সাহিত্যিক সৌরীন্দ্রমোহন মুখোপাধ্যায় ঐ সময় ভাগলপুরে তেজনারায়ণ জুবিলী কলেজে এফ-এ পড়তেন। ইন্দুভূষণ ভট্টর ছোটভাই বিভূতিভূষণ ভট্ট তেজনারায়ণ জুবিলী কলেজে সৌরীনবাবুর সহপাঠী ও বঙ্কু ছিলেন। সৌরীনবাবু একদিন বিভূতিবাবুদের বাড়ীতে গেলে, সেখানে শরৎচন্দ্রের সঙ্গে তাঁর আলাপ-পরিচয় হয়।

সৌরীনবাবু ইতিপূর্বে একদিন বঙ্কু বিভূতিভূষণের কাছ থেকে শরৎচন্দ্রের একটি গল্পের খাতা পেয়ে সেটি পড়েছিলেন। শরৎচন্দ্রের গল্প পড়ে সৌরীনবাবু সেদিন বিভূতিবাবুর কাছে শরৎচন্দ্রের গল্প সম্বন্ধে ভালমন্দ ছ'রকম কথাই বলেছিলেন।

শরৎচন্দ্রের সঙ্গে সৌরীনবাবুর প্রথম পরিচয়ের দিনে, বিভূতিবাবু শরৎচন্দ্রের সঙ্গে সৌরীনবাবুর পরিচয় করিয়ে দেবার সময় বলেছিলেন—এই আমার বঙ্কু সৌরীন, তোমার গল্প পড়ে সেদিন সেই সমালোচনা করেছিল।

এই কথায় শরৎচন্দ্র সৌরীনবাবুর মুখের দিকে তাকালেন। ছ'চার সেকেণ্ড তাকিয়ে বললেন—তুমি গল্প লেখ ?

সৌরীনবাবু সভয়ে বললেন—না।

বিভূতিবাবু বললেন—ও কবিতা লেখে।

শরৎচন্দ্র সৌরীনবাবুর দিকে চেয়েই ছিলেন। বললেন—গল্প লেখো না কেন ?

সৌরীনবাবু বললেন—লিখতে পারি না।

উত্তরে শরৎচন্দ্র বললেন—পছ লেখো, আর গল্প লিখতে পার না। গল্প লিখবার চেষ্টা করো। গল্প কাকে বলে, কিসে গল্প হয়, সে জ্ঞান তোমার

আছে। পুঁটুর (বিভূতিবাবু) কাছে তুমি আমার গল্পের খেঁ সমালোচনা করেছ, পুঁটু আমায় বলেছে। সেই সমালোচনা শুনে আমি বলেছি—গল্প সম্বন্ধে তোমার ‘আইডিয়া’ আছে। তুমি গল্প লেখ।

শরৎচন্দ্রের এই কথায় সৌরীনবাবু সহর্ষে ও সগর্বে সেদিন বলেছিলেন—  
গল্প লিখব।

এরপর সৌরীনবাবু গল্প লিখতে শুরু করেন এবং কয়েক বছরে অনেকগুলি গল্পও লেখেন।

১৯০২ খ্রীষ্টাব্দের শেষদিকে শরৎচন্দ্র চাকরির আশায় কলকাতায় ভবানীপুরে তাঁর মাতুল লালমোহন গঙ্গোপাধ্যায়ের বাসায় এসে ওঠেন। লালমোহন গঙ্গোপাধ্যায় ছিলেন শরৎচন্দ্রের মাতামহ কেদারনাথ গঙ্গোপাধ্যায়ের তৃতীয় ভ্রাতা। মহেন্দ্রনাথের জ্যেষ্ঠপুত্র। লালমোহনবাবু কলকাতা হাইকোর্টে ওকালতি করতেন। এই লালমোহনবাবুরই কনিষ্ঠ ভ্রাতা সাহিত্যিক উপেন্দ্রনাথ গঙ্গোপাধ্যায়। উপেনবাবু তাঁর এই দাদার কাছে থেকে তখন কলকাতায় লেখাপড়া করতেন।

শরৎচন্দ্র চাকরির আশায় যখন কলকাতায় আসেন, তখন তাঁর পিতৃবিয়োগ হয়েছে, মাতৃবিয়োগ অনেক আগেই হয়েছিল।

শরৎচন্দ্র লালমোহনবাবুর কাছেই একটা চাকরি পেলেন। সে চাকরিটি হ’ল—ভাগলপুর থেকে লালমোহনবাবু হাইকোর্টে যে সব ‘আপীল কেস’ পেতেন, সেই সব কেসের পেপার-বুক-এর হিন্দী থেকে ইংরাজীতে তর্জমা করে দেওয়া। এই কাজের জন্ত শরৎচন্দ্র লালমোহনবাবুর বাড়ীতে থাকি-খাওয়া ছাড়া মাহিনা পেতেন মাসিক তিরিশ টাকা।

সৌরীনবাবু এই সময় ভাগলপুর ছেড়ে তাঁদের কলকাতায় ভবানীপুরের বাসায় ফিরে এসেছিলেন। শরৎচন্দ্র ভবানীপুরে এলে সৌরীনবাবুর সঙ্গে এখানে আবার তাঁর সাক্ষাৎ হ’ল।

সৌরীনবাবু বলেন—এই সময় আমাদের অভ্যাস ছিল, সন্ধ্যার পূর্বে গড়ের মাঠের দিকে বেড়াতে যাওয়া। শরৎচন্দ্রও আমাদের সঙ্গে বেরোতেন। আমাদের তখন শরৎচন্দ্রের সঙ্গে শুধু সাহিত্য আলোচনা নয়, নানা



বিষয়ে আলোচনা হ'ত। সে আলোচনায় পৃথিবীর কোন বিষয় বাদ পড়তো না।

স্টার থিয়েটারে ঐ সময় ক্ষীরোদপ্রসাদের 'সাবিত্রী' অভিনয় হাচ্ছিল—সে অভিনয় দেখে এসে সৌরীনবাবু তার স্মৃতিচিহ্ন করেছিলেন। সেই স্মৃতিচিহ্ন শুনে শরৎচন্দ্র একদিন অভিনয় দেখতে গেলেন। অভিনয় দেখে এসে পরের দিন তিনি সৌরীনবাবুকে ব্যঙ্গবাণে জর্জরিত করে তুললেন। বললেন—বাপু, কি ব'লে তোমার ভাল লাগলো! সত্যবান মারা যাবার আগে পর্যন্ত এক রকম মন্দ লাগছিল না। ভালো লেগেছে বটে অমৃত মিত্রের মাণ্ডব্য! সত্যবান যে সেজেছে, তাকে দেখাচ্ছিল সাবিত্রীর ছোট ভাই যেন! তারপর টেকা পড়লো যখন সত্যবান বেচারি মারা গেল, সাবিত্রী তার মৃতদেহ কোলে তুলে গান ধরলো! এমন অবস্থাতেও মানুষকে গানে পায়!

সৌরীনবাবু তর্ক তুললেন—ওটাকে ঠিক স্বর-লয়ে গড়া গান ব'লে ধরছো কেন? ও-অবস্থায় মানুষ চীৎকার করে কাঁদে—'ওগো তুমি কোথায় গেলে গো! আমার কি হলো গো!' এই সব ব'লে; শোকের সেই আবেগটুকু নাট্যকার প্রকাশ করেছেন গানের ছন্দে সুরে!

শরৎচন্দ্র বললেন—তা ব'লে দু-দুটে গান! একটা হ'লেও রক্ষা ছিল!

১৯০৩ খ্রীষ্টাব্দের জানুয়ারী মাসে শরৎচন্দ্র অর্থের সন্ধানে বর্মা যান। বর্মায় থাকার সময় মাঝে মাঝে কলকাতায় আসতেন। কলকাতায় এসে আত্মীয় ও বন্ধুদের সঙ্গে দেখা করে আবার বর্মায় চলে যেতেন। এইরূপ একবার এসে চলে যাওয়ার সময় সৌরীনবাবু শরৎচন্দ্রকে জাহাজে তুলে দিতে গেলে, সেদিন শরৎচন্দ্র সৌরীনবাবুকে বলেছিলেন—ছোট গল্প অনেক লিখেছো। এবারে উপন্যাসে হাত দাও সৌরীন!

শরৎচন্দ্র সেদিন সৌরীনবাবুকে আরও বলেছিলেন—যা লিখবে চরিত্রগুলো যেন মানুষ হয়, দেখো—রক্তমাংসে গড়া মানুষ। আর কারো লেখা উপন্যাসের পাত্র-পাত্রীর আদর্শে বা নকলে কখনো তারা তৈরি না হয়। উপন্যাসের ঘটনা সংস্থাপন যেন পাঁচখানা উপন্যাস থেকে ধার করো না। দোষেগুণে ভরা মানুষের কথা লিখবে।

শরৎচন্দ্রের বর্ষা বাওয়ার আগে থেকেই তাঁর লেখা ‘বড়দিদি’ গল্পের একটা কপি সৌরীনবাবু নিজের কাছে রেখে দিয়েছিলেন। সৌরীনবাবুর উদ্দেশ্য ছিল, ভবানীপুর থেকে প্রকাশিত তাঁদের হাতের লেখা পত্রিকা ‘তরঙ্গী’তে ঐ বড়দিদি গল্পটি ধারাবাহিকভাবে প্রকাশ করবেন। কিন্তু তা হয় নি। তাই শরৎচন্দ্র বর্ষা চলে গেলেও ‘বড়দিদি’র কপি সৌরীনবাবুর কাছেই থেকে যায়।

সৌরীনবাবু ‘ভারতী’ পত্রিকায় যোগ দিয়ে ১৩১৪ সালের বৈশাখ, জ্যৈষ্ঠ ও আষাঢ় এই তিন সংখ্যা ‘ভারতী’তে বড়দিদি গল্পটি প্রকাশ করেছিলেন। প্রথম দু সংখ্যায় লেখকের নাম ছিল না, শেষ সংখ্যায় লেখকের নাম সহ প্রকাশিত হয়েছিল।

শরৎচন্দ্র তখন বর্ষায়। ভারতীতে বড়দিদি প্রকাশের কিছুই তিনি জানতেন না।

ভারতীতে বড়দিদির প্রথমাংশ প্রকাশিত হলে তখন অনেকে ঐ লেখাটিকে রবীন্দ্রনাথের রচনা বলে মনে করেছিলেন। এমন কি কবির কাছে অনেকে এ লেখাটির সম্বন্ধে তাঁকে জিজ্ঞাসাও করেছিলেন।

রবীন্দ্রনাথ তখন ভারতীতে ‘বড়দিদি’ পড়েন। পড়ে সবিস্ময়ে তাঁদের বলেছিলেন—বড়দিদি আমার লেখা নয়। তবে বড়দিদি যিনি লিখেছেন, তিনি অনাধারণ শক্তিশালী লেখক। তাঁর ঐ একটি মাত্র গল্প প্রকাশ করে নিঃশব্দে নেপথ্য বাস শুধু অসুচিত নয়, নিষ্ঠুর হবে।

এরপর রবীন্দ্রনাথ একদিন সৌরীনবাবুর কাছ থেকে বড়দিদির লেখক শরৎচন্দ্রের পরিচয় পেয়ে সৌরীনবাবুকে বলেছিলেন—যেমন করে পারো তাঁকে আনাও সৌরীন, তাঁকে ধরে এনে লেখাও। বাঙ্গলা দেশে এঁর জোড়া লেখক পাবে না।

‘ভারতী’তে বড়দিদি প্রকাশের কয়েক বছর পর শরৎচন্দ্র একবার রেঙ্গুন থেকে বলকাতায় আসেন। সেবার কলকাতায় এসে তিনি সৌরীনবাবুর সঙ্গে দেখা করতে গেলে, সৌরীনবাবু সেদিন তাঁকে বলেছিলেন—তুমি লেখা ছেড়েছো কি ব’লে বুঝতে পারি না। তুমি নিজে বোঝো না যে তোমার লেখায় বাঙ্গলা সাহিত্য কতখানি সমৃদ্ধ হবে। ভারতীতে বড়দিদি ছাপা হলে সে লেখা রবীন্দ্রনাথের বলে অনেকে বেশ হৈ-চৈ করেছিলেন।—এই বলে,

রবীন্দ্রনাথ সে গল্প পড়ে যা বলেছিলেন, সে কথাও সৌরীনবাবু শরৎচন্দ্রকে বললেন।

শরৎচন্দ্র হাসলেন। হেসে বললেন—যেখানে গিয়ে পড়েছি এবং পয়সা রোজগারের চেষ্টায় যেভাবে বিব্রত থাকি, তাতে মন ভেঙ্গে গিয়েছে।

তারপর তিনি এলেন সৌরীনবাবুর সঙ্গে তাঁদের বাড়ীতে। বললেন—‘বড়দিদি’ গল্পটি একবার পড়ো, শুনবো। প্রায় ভুলে গিয়েছি, কি গল্প লিখেছিলুম।

সেদিন ছিল, কালীপূজার দিন। বেলা তখন প্রায় দুটো বেজে গিয়েছে। পাড়ার ছেলেরা ভুঁই-পটকা তৈরি করে পথে হুমাহুমা আছাড় মারছিল। শরৎচন্দ্র বিরক্ত হচ্ছিলেন। ছ-একবার মন্তব্য করলেন, পথে এ-রকম বাজি ছোড়া রীতিমত বাদরামি!

সৌরীনবাবুর গৃহে এসে বাইরের ঘরে তক্তাপোষে পাতা শয্যায় শরৎচন্দ্র শুয়ে পড়লেন। শুয়ে বললেন—গল্পটা তুমি পড়ো, আমি শুনি।

সৌরীনবাবু ‘বড়দিদি’ গল্পটি পড়তে লাগলেন।

ঐ আসরে যমুন-সম্পাদক ফণীন্দ্রনাথ পাল, উপেন্দ্রনাথ গঙ্গোপাধ্যায় প্রভৃতিও ছিলেন।

সৌরীনবাবু গল্প পড়ছেন, শরৎচন্দ্র মাঝে মাঝে অভিভূতের মতো উঠে বসেন, বলেন—থামো, থামো!—তাঁর দু চোখে সজল-আবেশ-ভাব।

শরৎচন্দ্র বললেন—আমার লেখা? নেহাৎ মন্দ লিখি নি তো! লেখা শুনে বুক হুলে ওঠে! এ-গল্প আমি এই আমার হাতে লিখেছি! আশ্চর্য!

সৌরীনবাবু বললেন—তাই! এমন লেখা যে লোকে লিখতে পারে, সে যদি লেখা ছেড়ে হাত গুটিয়ে বসে থাকে, তবে তার সে অপরাধের ক্ষমা নেই। তুমি যদি না লেখো, তাহলে বুঝবে, তুমি আত্মহত্যা করছো! রবীন্দ্রনাথ বলেছিলেন—তুমি যদি না লেখো, তাহলে সেটা হবে নিষ্ঠুরতা।

সৌরীনবাবু বলেন—আজ্ঞো মনে আছে, ‘বড়দিদি’ গল্পে যে জায়গায় রক্ত-শয্যায় শায়িত স্বরেন্দ্রনাথ তাঁর স্ত্রী শান্তিকে বলছেন, দেয়ালে টাঙ্গানো স্বরেন্দ্রনাথের ছবি দেখিয়ে, শান্তি কি ভাবতে পারেন চারজন বামুনের কাঁধে-পিঠে ও-ছবি তুলে শ্মশানে নিয়ে গিয়ে পুড়িয়ে আনবার কথা, নামের

দাম বোঝাবার জঙ্ক—এ জায়গাটা যখন আমি পড়ছি, শরৎচন্দ্র চোখ বুজে তাকিয়ায় মাথা দিয়ে শুয়ে শুনছিলেন, এ জায়গাটায় তিনি পাগলের মতো উঠে বসলেন। বসে আমার হাত চেপে ধরে বললেন—খামো। তাঁর স্বর গাঢ়। শুনে আমি তাঁর পানে চেয়ে দেখি, শরতের দু চোখের কোণে জল। অনেকক্ষণ তিনি চুপ করে বসে রইলেন। তারপর নিঃশ্বাস ফেলে বললেন—পড়ো এবার। সৌরীনবাবু পড়া শুরু করলেন। শরৎচন্দ্র আবার শুয়ে পড়লেন। শুয়ে চোখ বুজে গল্পের শেষটুকু শুনলেন।

গল্প শেষ হ'লে তিনি বললেন—ভালো লেখা হয়েছে তো! ই্যা লিখবো, তোমাদের বিশ্বাস, আমি ভাল গল্প লিখি?

এ কথায় সৌরীনবাবুরা হেসেছিলেন।

এরপর সৌরীনবাবু ফণীন্দ্র পালের 'যমুনা'র কথা ভুলে বললেন—এ ভদ্রলোক বি-এ পাশ করেছেন এবং সরকারী চাকরি প্রত্যাখ্যান করেছেন। যমুনা সম্পাদনায় জীবন সমর্পণ করবেন, এঁর বাসনা। এঁর কাগজে তোমাকে লিখতে হবে।

শরৎচন্দ্র বললেন—আমি লিখবো, তোমরা যদি লেখো—মানে, বুড়ী (নিরুপমা দেবী), স্বরেন, গিরীন, পুঁটু, তুমি, তোমার ছোটদিদি, উপেন—তাহলে আমি লিখবো নিশ্চয়!

তারপর বললেন—একটা চমৎকার জিনিষ লিখেছিলুম—'নারীর ইতিহাস'। প্রায় পাঁচশো পাতা ফুলস্ক্যাপ সাইজের কাগজ। ঘর পুড়ে সে লেখা ছাই হয়ে গিয়েছে। গল্প নয়, কিন্তু সে লেখাটি গল্প-উপন্যাসের চেয়ে ঢের বেগী ইন্টারেস্টিং। অনেক ইতিহাস, পুরাতত্ত্ব ঘেঁটে, অনেক জীবন অহুশীলন করে লেখা। সেটা পুড়ে যাওয়ায় মনে ভারী আঘাত লেগেছে।

সৌরীনবাবু বললেন—তার কিছু মনে নেই? কোন পরয়েট?

শরৎচন্দ্র বললেন—কিছু কিছু আছে।

সৌরীনবাবু বললেন—যতটা মনে আছে, তা থেকে লেখো।

শরৎচন্দ্র বললেন—লিখবো। আর একটা লেখা আছে—গল্প। সেটা প্রকাণ্ড উপন্যাস হবে। সিকি ভাগ লেখা হয়েছে মাত্র, তারপর পড়ে আছে—সে লেখাটাও তোমাদের পড়াবো। সে গল্পটির নাম দিয়েছি 'চরিত্রহীন'। যদি লিখে শেষ করতে পারি, দেখবে, সে এক নতুন জিনিষ হবে।

‘ভারতী’তে শরৎচন্দ্রের বড়দিদি যখন ছাপা হয়, তখন ভারতীর সম্পাদিকা ছিলেন সরলা দেবী। তিনি লাহোরে তাঁর স্বামীর কাছে থাকতেন। সেখান থেকেই ভারতী সম্পাদনা করতেন। অবশ্য মাঝে মাঝে কলকাতায় আসতেন।

দূরে থেকে ভারতী সম্পাদনায় সরলা দেবীর অসুবিধা হতে থাকায় তাঁর মাতা স্বর্ণকুমারী দেবী ১৩১৫ সাল থেকে ভারতী সম্পাদনার ভার নেন। স্বর্ণকুমারী দেবী এর আগেও একবার ভারতীর সম্পাদিকা হয়েছিলেন।

স্বর্ণকুমারী দেবীর সময়ও সৌরীনবাবু ভারতীর সহকারী সম্পাদক ছিলেন।

এই সময় শরৎচন্দ্র একবার রেঙ্গুন থেকে কলকাতায় এলে তাঁর ‘চরিত্রহীন’ উপন্যাসের যতটা লেখা হয়েছিল, প্রায় ৭০৮০ পৃষ্ঠা সৌরীনবাবুকে পড়তে দিয়েছিলেন। দিয়ে বলেছিলেন—এটা বহুদিন আগে লিখতে শুরু করি। প্রকাণ্ড উপন্যাস হবে। পড়ে দেখো, চলে কিনা। তাহলে শেষ করে ফেলবো। যতটা লেখা হয়েছে, তার মধ্যে নায়িকা এখনো দেখা দেয় নি। এ-বইয়ের নায়িকা কিরণময়ী। সে এক নতুন জিনিস হবে।

সৌরীনবাবু প্রথমে ভেবেছিলেন ‘চরিত্রহীন’ নিয়ে ভারতীতে ছাপতে দেবেন। কারণ, সৌরীনবাবু ভেবেছিলেন—ভারতীর দাবী সর্বাগ্রে। তাছাড়া যমুনার অল্পপরিসর পৃষ্ঠায় অত বড় উপন্যাস ছাপতে শুরু করলে বহু বৎসরে তার সমাপ্তি ঘটবে এবং পাঠকের দল খাপ্পা হবেন। তাতে ব্যবসার দিক দিয়েও সুবিধা হবে না।

সৌরীনবাবু চরিত্রহীন পড়লেন। স্বর্ণকুমারী দেবীকেও সৌরীনবাবু পড়তে দিলেন। পড়ে স্বর্ণকুমারী দেবী বললেন—কত বড় উপন্যাস হবে, শেষ না হলে বোঝা যাচ্ছে না। লেখা চমৎকার! শেষ করিয়ে নিয়ে এসো। এর জন্ত আগাম একশো টাকা আমি এখনি দেবো।

এ কথা শরৎচন্দ্রকে বলাতে শরৎচন্দ্র বললেন—এ জিনিস তাড়া দিয়ে শেষ করাবার নয়। তার উপর আমি লিখি খুব ভেবে-চিন্তে—তাতে সময় লাগে। তাছাড়া এর নায়িকা কিরণময়ী এখনো দেখা দেয় নি। তার কথা যা লেখা হবে, সে কথা মহিলা-সম্পাদিত পত্রিকায় ছাপা হয়তো ঠিক উচিত হবে না।

শরৎচন্দ্র ১৯১৪ খ্রীষ্টাব্দে ছ বাসের ছুটি নিয়ে রেডুন থেকে সন্ন্যাস কলকাতায় আসেন। কলকাতায় এসে তিনি চোরবাগানে একটা বাড়ীতে থাকতেন।

ইতিপূর্বে ‘যমুনা’য় তাঁর ‘রামের স্মৃতি’ ‘নারীর লেখা’ প্রভৃতি প্রকাশিত হওয়ায় যমুনা-সম্পাদক ফণীন্দ্রনাথ পাল তাঁর ভক্ত ও অহুগত হয়ে পড়েন।

ফণিবাবু ঐ সময় প্রতিদিন বিকালে শরৎচন্দ্রের বাসায় যেতেন। ফণিবাবু গেলে শরৎচন্দ্র ফণিবাবুর সঙ্গে সৌরীনবাবুর কাছে তাঁর কোর্টে যেতেন। সৌরীনবাবু তখন পুলিশ কোর্টে ওকালতি করতেন।

ঐ সময়ে পুলিশ কোর্টের একটা ভাগ ছিল জোড়াবাগানে। এখন (এই লেখার সময়) যেখানে জোড়াবাগান থান। এবং নর্থ ডিস্ট্রিক্টের অ্যাসিস্ট্যান্ট কমিশনারের কোয়ার্টার প্রভৃতি তখন ঐ স্থানে পুলিশ কোর্টের একটা ভাগ ছিল। পুলিশ কোর্ট হওয়ার আগে ঐ বাড়ীতেই ছিল ডাফ কলেজ।

ফণিবাবু কোর্টের ভিতরে গিয়ে সৌরীনবাবুর সঙ্গে দেখা করতেন। শরৎচন্দ্র ভিতরে না গিয়ে কোর্টের সামনে পায়চারি করতেন।

একদিন প্রায় সন্ধ্যা হয় হয়। সৌরীনবাবু কেস শেষ করে নীচে এলেন। কেসটি ছিল এক দাগী চোরের। হাকিমের হুকুমে তার দু বছর জেল হ’ল। কোর্ট তখন প্রায় জনহীন। কোর্টের কম্পাউণ্ডে জেলের গাড়ী দাঁড়িয়ে। কয়েদীদের সেই গাড়ীতে তোলা হবে তখনি। সৌরীনবাবু লাইব্রেরী ঘরে গাউন রেখে কম্পাউণ্ডে এসে দাঁড়ালেন। তাঁর জেল-গামী মজেলের রক্ষিতা স্ত্রীলোকটি কৈদে তাঁর পায়ের কাছে গিয়ে পড়লো। সে জেল-ভ্যানের কাছে দাঁড়িয়ে তার প্রণয়ীর বিদায় দেখছিল। কৈদে সে সৌরীনবাবুকে বললে—আজই রাত্রে আমি টাকা নিয়ে আপনার কাছে যাবো, আপনি আর্জেন্ট নকল নিয়ে হাইকোর্টে আপীলের ব্যবস্থা করবেন। সব চেয়ে বড় উকিল দেবেন।

সৌরীনবাবু তাকে বোঝালেন—আপীলে কোন ফল হবে না, মিথ্যা টাকাগুলো নষ্ট হবে।

তবু তার জিদ—ফল না হয়, না হবে। তবু সে প্রাণপণ চেষ্টা করবে, তার সমস্ত গহনা বেচেও টাকার জোগাড় করবে, সে চুপচাপ থাকবে না।

বেশ খানিকক্ষণ তার সঙ্গে সৌরীনবাবুর কথা হ'ল। সৌরীনবাবু যুক্তি-পরামর্শ দিলেন।

মেয়েটি কিন্তু সৌরীনবাবুর কোন যুক্তি, কোন কথাই শুনতে চাইল না। বললে, সর্বস্ব খুইয়েও সে হাইকোর্ট করবে।

এই সময় পুলিশ আসামীদের এনে জেল-ভ্যানে এক একজন করে পুরতে লাগলো। মেয়েটির প্রণয়ীকেও ভ্যানে তোলা হ'ল।

ভ্যানের পাশে পড়ে মেয়েটির সে কী কান্না—পুলিশের হাতে সে ছ-চার টাকা গুঁজেও দিয়েছিল। তারা বাধা দেয় নি।

আসামী ভ্যানে ওঠবার সময় বারবার তাকে নিষেধ করলে—হাইকোর্ট কবিস নে, বাবুর কথা শুনিস। অনর্থক টাকা নষ্ট করিস নে, টাকা গেলে তোর চলবে কি করে ছ-ছ বছর!

ভ্যান চলে গেল কয়েদীদের নিয়ে। জীলোকটি তবু সৌরীনবাবুকে ছাড়ে না। বললে, সে রাত্রে সৌরীনবাবুর বাড়ীতে টাকা নিয়ে যাবে। আসামী বারণ করেছে, সে বারণ ও শুনবে না। ওর কর্তব্য আছে, সে কর্তব্য ও করবেই।

শরৎচন্দ্র কে'র্টের ফটকে ঠায় দাঁড়িয়ে ছিলেন। ফণিবাবু ও সৌরীনবাবু ফটকে এলেন। শরৎচন্দ্র বললেন—কি কেস? ও-জীলোকটি কে?

সৌরীনবাবু পরিচয় দিলেন। বললেন—দাগী আসামী, বহুবারের দাগী। কেস বেশ প্রমাণ হয়েছে, তবু ওর জেদ—আপীল করবে।

তাদের ইতিবৃত্ত শুনে শরৎচন্দ্র বললেন—খাশা মেয়েটি! মনের পরিচয় পেলে তো! সমাজের চোখে এরা নোংরা আবর্জনা, অথচ এদের মনের মধ্যে যে মানুষটি বিরাজ করছে—কত মহৎ সে মানুষ! অনেক সাক্ষী জীও তার স্বামীর এমন বিপদে এতখানি বিচলিত হয়ে সর্বস্ব ত্যাগ করতে পারে না। আর এই পতিতা নারী! এদের কথা কবে আমাদের সাহিত্যে স্থান পাবে!

## দেশবন্ধুর সহিত আলোচনা

১৯২১ খ্রীষ্টাব্দে মহাত্মা গান্ধীর অসহযোগ আন্দোলন শুরু হয়। সেই সময়েই শরৎচন্দ্র দেশবন্ধুর আহ্বানে কংগ্রেসে যোগদান করেন।

শরৎচন্দ্র কংগ্রেসে যোগদান করলে, দেশবন্ধু তাঁকে হাওড়া জেলা কংগ্রেস কমিটির সভাপতি করে দেন। শরৎচন্দ্র এই সভাপতি পদে বহু বৎসর ছিলেন। তিনি তখন হাওড়ায় বাজে শিবপুরে থাকতেন।

১৯২২ খ্রীষ্টাব্দে গয়া কংগ্রেসে দেশবন্ধু তাঁর সভাপতির অভিভাষণে বলেছিলেন—অসহযোগকারীদের আইন সভায় প্রবেশ করা প্রয়োজন। অসহযোগকারীরা আইন সভায় প্রবেশ করলে, অসহযোগ প্রতিজ্ঞা ভঙ্গ হবে, এ ধারণা ভুল। তাঁরা যদি আইন সভার সদস্য হতে পারেন, তাতে বরং অসহযোগ কাজেরই বেশী সুবিধা হবে। কারণ তাঁরা তখন ভিতর থেকে গবর্ণমেন্টের প্রত্যেক অঙ্গায় কাজে বাধা দিতে পারবেন।

রাজাগোপালাচারীর নেতৃত্বে কংগ্রেসের অধিকাংশ সদস্যই দেশবন্ধুর এই প্রস্তাবের বিরোধিতা করায় দেশবন্ধুর প্রস্তাব অগ্রাহ্য হয়ে যায়। দেশবন্ধু তখন কংগ্রেসের সভাপতির পদ ত্যাগ করে ১৯২৩ খ্রীষ্টাব্দের ১লা জানুয়ারী থেকে তাঁর সমর্থকদের নিয়ে কংগ্রেসের মধ্যেই 'স্বরাজ্য দল' নামে একটি আলাদা দল গঠন করেন।

কংগ্রেসের বৃহত্তর দল দেশবন্ধুর বিরুদ্ধে। মাত্র অল্প কয়েকজন তাঁর পক্ষে।

গয়া কংগ্রেস থেকে ফিরে আভ্যন্তরীণ মতভেদ ও মনোমালিঙ্গা দেশবন্ধু ও তাঁর সমর্থকদের চারদিক যখন ঘেঁষাচ্ছিল হয়ে উঠল এবং বাঙ্গলা দেশের ইংরাজী, বাঙ্গলা সকল সংবাদপত্রগুলিই যখন সম্মুখে দেশবন্ধুকে আক্রমণ করতে লাগল, তখন একাকী দেশবন্ধুকে তাঁর মত ও যুক্তি নিয়ে ভারতের এক প্রান্ত থেকে অপর প্রান্ত পর্যন্ত যুদ্ধ করে বেড়াতে হয়েছিল।

দেশবন্ধুর এই অবস্থা দেখে তাঁর অন্ততম সমর্থক ও সহকর্মী শরৎচন্দ্র



একদিন তাঁকে বলেছিলেন—সংসারে কোন বিচ্ছিন্ন অবস্থাই কি আপনাকে দমাতে পারে না ?

উত্তরে দেশবন্ধু বলেছিলেন—তা হ'লে আর কি রক্ষা ছিল ? পরাধীনতার যে আগুন এই বুকের মধ্যে অহিনিশি জ্বলছে, সে তো এক মুহূর্তে আমাকে ভষ্মসাৎ করে দিত ।

ঐ সময় দেশবন্ধুর দলে একরূপ লোকই নাই, অর্থ নাই, হাতে একখানা কাগজও নাই । অতি ছোট যারা তারাও গালিগালাজ না করে কথা কয় না, দেশবন্ধুর সে কি অবস্থা !

দেশবন্ধু ও তাঁর মুষ্টিমেয় সমর্থকদল অর্থের অভাবে খুবই অস্থির হয়ে উঠতেন, কিন্তু দেশবন্ধু আদৌ বিচলিত হতেন না ।

একদিনের কথা । রাত্রি তখন ৯।১০টা । বুষ্টি হচ্ছে । দেশবন্ধু শরৎচন্দ্র ও স্বভাষচন্দ্রকে নিয়ে শিয়ালদহের নিকটে এক বড়লোকের বাড়ীতে কিছু অর্থ সাহায্যের জন্ত যান । দেশবন্ধু এক সময় এই বড়লোকটিকে জেলের হাত থেকে বাঁচিয়ে ছিলেন ।

দেশবন্ধু, শরৎচন্দ্র ও স্বভাষচন্দ্র ঐ বড়লোকটির বৈঠকখানায় বহুক্ষণ বসে থেকেও যখন বড়লোকটির কোন সাড়া পেলেন না, তখন শরৎচন্দ্র অসহিষ্ণু হয়ে দেশবন্ধুকে বললেন—গরজ কি একা আপনারই ? দেশের লোক সাহায্য করতে যদি এতটাই বিমুগ্ধ হয়ে ওঠে তো তবে থাক ।

শরৎচন্দ্রের এই মন্তব্য শুনে দেশবন্ধু বললেন—এ ঠিক নয় শরৎবাবু । দোষ আমাদেরই । আমরাই কাজ করতে জানি নে । আমরাই তাঁদের কাছে আমাদের কথাটা বুঝিয়ে বলতে পারি নে । বাঙ্গালী ভাবুকের জাত ! বাঙ্গালী কপণ নয় । একদিন যখন সে বুঝবে, তার সর্বস্ব এনে আমাদের হাতে ঢেলে দেবে ।

দেশবন্ধুর এই কথায় আর কোন উত্তর না দিয়ে শরৎচন্দ্র চুপ করে রইলেন ।

১৯২৪ খ্রীষ্টাব্দে বরিশালে বঙ্গীয় প্রাদেশিক কংগ্রেস কমিটির যে সম্মেলন হয়, তাতে শরৎচন্দ্র দেশবন্ধুর সঙ্গে গিয়ে সেই সম্মেলনে যোগ দিয়েছিলেন ।

যাওয়ার পথে সীমারে রাতে দেশবন্ধুর সঙ্গে শরৎচন্দ্রের দেশের রাজনীতি নিয়ে অনেক আলোচনা হয়েছিল। সেই আলোচনাগুলি এই :—

দেশবন্ধু শরৎচন্দ্রকে জিজ্ঞাসা করলেন—আপনি চরকা বিশ্বাস করেন ?

শরৎচন্দ্র বললেন—আপনি যে বিশ্বাসের ইঙ্গিত করছেন, সে বিশ্বাস করিনে।

—কেন করেন না ?

—বোধ হয়, অনেকদিন অনেক চরকা কেটেছি বলেই।

দেশবন্ধু ক্ষণকাল চুপ করে থেকে বললেন—এই ভারতবর্ষের ত্রিশ কোটি লোকের পাঁচ কোটি লোকও যদি সূতো কাটে তো ষাট কোটি টাকার সূতো হতে পারে।

শরৎচন্দ্র বললেন—পারে। দশ লক্ষ লোক মিলে একটা বাড়ী তৈরিতে হাত লাগালে দেড় সেকেণ্ডে হতে পারে। হয়, আপনি বিশ্বাস করেন ?

—এ দুটো এক বস্তু নয়। কিন্তু আপনার কথা আমি বুঝেছি—সেই দশ মণ তেল পোড়ার গন্ধ। কিন্তু, তবুও আমি বিশ্বাস করি। আমার ভারি ইচ্ছা হয় যে, চরকা কাটা শিখি, কিন্তু কোন রকম হাতের কাজেই আমার কোন পটুতা নেই।

—ভগবান আপনাকে রক্ষা করেছেন।

দেশবন্ধু হাসলেন। তারপর বললেন—আপনি হিন্দু-মুসলিম ইউনিটি বিশ্বাস করেন ?

শরৎচন্দ্র বললেন—না।

—কিন্তু এছাড়া আর কি উপায় আছে বলতে পারেন ? এর মধ্যেই তারা সংখ্যায় পঞ্চাশ লক্ষ বেড়ে গেছে, আর দশ বছর পরে কি হবে বলুন তো ?

—বছর দশেক পরের কথা কল্পনা করে আপনার মুখ যেমন সাদা হয়ে উঠেছে, তাতে আমার নিজের সঙ্গে আপনার খুব বেশী তফাৎ মনে হচ্ছে না। তা সে যাই হোক, কেবলমাত্র সংখ্যাই আমার কাছে মত্ত জিনিস নয়। তাহলে চার কোটি ইংরাজ দেড়শো কোটি লোকের মাথায় পা দিয়ে বেড়াতে পারত না। নমঃশূদ্র, মালা, নট, রাজবংশী, পোদ এদের টেনে নিন। দেশের

মধ্যে, দেশের মধ্যে এদের একটা মর্যাদার স্থান নির্দিষ্ট করে দিয়ে এদের মাহুষ করে তুলুন। মেয়েদের প্রতি যে অত্যাচার নিষ্ঠুর সামাজিক অবিচার চলে আসছে, তার প্রতিবিধান করুন; ওদিকের সংখ্যার জ্ঞান আপনাকে ভাবতে হবে না।

দেশবন্ধু ব্যগ্র হয়ে বলে উঠলেন—আপনারা দয়া করে আমাকে এই পলিটিক্সের বেড়াজাল থেকে উদ্ধার করে দিন। আমি ঐ ওদের মধ্যে থাকিগে। আমি এর কাজ করতে পারব। হিন্দু সমাজ দীর্ঘকাল ধরে এদের উপর কত অত্যাচার করে আসছে। এদের অনেকের ধোপা নাপিত নেই। ঘরামারি ঘর ছেয়ে দেয় না। অথচ এরাই মুসলমান খ্রীষ্টান হয়ে গেলে, আবার তারাই এসে এদের কাজ করে। অর্থাৎ হিন্দুরাই প্রকারান্তরে বলছে, হিন্দুর চেয়ে মুসলমান খ্রীষ্টানই বড়। এ রকম ‘সেন্সলেস’ সমাজ মরবে না তো মরবে কে?

এই বলে বহুক্ষণ স্থির থেকে দেশবন্ধু সংসা শরণচক্রকে প্রশ্ন করলেন—আপনি আমাদের অহিংস অসহযোগ বিশ্বাস করেন তো?

—না, অহিংস সহিংস কোন অসহযোগেই আমার বিশ্বাস নেই।

দেশবন্ধু সহাস্তে বললেন—অর্থাৎ আমাদের মধ্যে দেখছি, কোথাও লেশমাত্র মতভেদ নেই।

শরণচক্র উত্তরে বললেন—একদিন কিন্তু যথার্থই লেশমাত্র মতভেদ থাকবে না, আমি এই আশাতেই আছি। ইতিমধ্যে যতটুকু শক্তি, আপনার কাজ করে দিই। আর শুধু মত নিয়েই বা হবে কি, বসন্ত মজুমদার, শ্রীশ চট্টোপাধ্যায় এঁরা তো দেশের বড় কর্মী, কিন্তু ইংরাজের প্রতি বসন্তর বিঘ্নিত রক্তচক্ষুর অহিংস দৃষ্টিপাত এবং শ্রীশের প্রেমসিক্ত বিদ্রোহবিহীন মেঘগর্জন—এ দুটি বস্তু দেখলে এবং শুনলে আপনারও সন্দেহ থাকবে না যে, মহাত্মাজীর পরে অহিংস অসহযোগ যদি কোথাও স্থিতিলাভ করে থাকে তো, ঐ দুটি বন্ধুর চিত্তে। অথচ এত বেশী কাজই বা কয়জনে করেছে? অসহযোগ আন্দোলনের সার্থকতা তো জনসাধারণ, অর্থাৎ ‘মাস’এর জ্ঞান? কিন্তু এই ‘মাস’ পদার্থটির প্রতি আমার অতিরিক্ত শ্রদ্ধা নেই। একদিনের উত্তেজনায় এরা হঠাৎ কিছু একটা করে ফেলতেও পারে, কিন্তু দীর্ঘদিনের সহিষ্ণুতা এদের নেই। সেবার দলে দলে এরা জেলে গিয়েছিল, কিন্তু দলে দলে ক্ষমা চেয়ে

কিরেও এসেছিল। যারা আসেনি, তারা শিক্ষিত মধ্যবিত্ত গৃহস্থের ছেলেরা। তাই আমার সমস্ত আবেদন, নিবেদন এদের কাছে। ত্যাগের দ্বারা কেউ কোনদিন যদি দেশ স্বাধীন করতে পারে তো, শুধু এরাই পারবে।

কিছুক্ষণ চুপ করে থেকে দেশবন্ধু বললেন—এ ছরাশা আমার কোনদিন নেই যে, দেশ একেবারে এক লাফে পুরো স্বাধীন হয়ে যাবে। কিন্তু আমি চাই স্বরাজের একটা সত্যকার ভিত্তি স্থাপন করতে। আমি তখন জেলের মধ্যে, বাইরে বড়লাট প্রভৃতি এঁরা, ওঁদিকে সবরমতি আশ্রমে মহাত্মাজী—তার কিছুতেই মত হ'ল না। অত বড় স্বযোগ আমাদের নষ্ট হয়ে গেল। আমি বাইরে থাকলে কোন মতেই এত বড় ভুল করতে দিতাম না। অদৃষ্ট! তার নীলা!

এইভাবে দেশবন্ধু ও শরৎচন্দ্রের মধ্যে যখন কথাবার্তা চলছিল, এদিকে তখন রাত্রি শেষ হয়ে আসছিল। তাই শরৎচন্দ্র বললেন—শুতে যাবেন না?

—চলুন।—বলে দেশবন্ধু উঠে দাঁড়ালেন।

শরৎচন্দ্র ঐ সময় দেশবন্ধুকে জিজ্ঞাসা করলেন—মাছা এই রিভলিউশনারীদের সম্বন্ধে আপনার মতামত কি?

সামনের আকাশ তখন ফসাঁ হয়ে আসছিল। দেশবন্ধু রেলিং ধরে কিছুক্ষণ উপরের দিকে চেয়ে থেকে আন্তে আন্তে বললেন—এদের অনেককে আমি অত্যন্ত ভালবাসি। কিন্তু এদের কাজ দেশের পক্ষে একেবারে ভয়ানক নারাত্মক। এই অ্যাক্টিভিটিতে সমস্ত দেশ অন্ততঃ পঁচশ বছর পেছিয়ে যাবে। তাছাড়া এর মস্ত দোষ এই যে, স্বরাজ পাবার পরেও, এ জিনিষ যাবে না। তখন আরও স্পর্ধিত হয়ে উঠবে। সামান্য মতভেদে একেবারে 'সিভিল ওয়ার' বেধে যাবে। খুনোখুনি রক্তারক্তি আমি অন্তরের সহিত ঘৃণা করি শরৎবাবু!

মহাত্মা গান্ধীর অসহযোগ আন্দোলন যখন পুরা দমে চলতে ছিল, তখন এই অহিংস আন্দোলনে যাদের বিশ্বাস ছিল না, এমন সব সহিংস রিভলিউশনারীরা কিন্তু চুপ করে বসে ছিলেন না। তাঁরাও গোপনে গোপনে তাঁদের কাজ চালিয়ে যাচ্ছিলেন।

এই সময় বাঙ্গলা দেশের এই রিভলিউশনারী ও গুপ্তসমিতির অস্তিত্বের জ্ঞাত বাঙ্গলা দেশের অহিংস অসহযোগ আন্দোলনের নেতারা নানা দিক থেকে নিজেদের বিপন্ন মনে করছিলেন। সবচেয়ে বেশী মুশ্বিল হয়েছিল দেশবন্ধুর। স্বাধীনতার জ্ঞাত ধারা বাল স্বরূপ নিজেদের প্রাণ উৎসর্গ করেছেন, তাঁদের একান্তভাবে না ভালবাসাও তাঁর পক্ষে যেমন অসম্ভব ছিল, তাঁদের প্রাণ দেওয়াও তাঁর পক্ষে তেমন অসম্ভব ছিল। তাঁদের চেষ্টাকে দেশের পক্ষে নিরীতিশয় অকল্যাণের হেতু জ্ঞান করে, তিনি অত্যন্ত ভয় করতে আরম্ভ করেছিলেন। এই গুপ্তসমিতিকে উদ্দেশ্য করে দেশবন্ধু শরৎচন্দ্রকে একদিন বাঙ্গলায় একটা ‘অ্যাপীল’ লিখে দিতে বলেছিলেন। ঃ

দেশবন্ধুর কথায় শরৎচন্দ্র লিখেছিলেন—“যদি তোমরা কোথাও কেহ থাকো, যদি তোমাদের মতবাদ সম্পূর্ণ বর্জন করতেও না পারো তো, অন্তত ৫১৭ বৎসরের জ্ঞাত তোমাদের কাযপদ্ধতি স্থগিত রেখে আমাদের প্রকাশ্যে সুস্থচিন্তে কাজ করতে দাও। ইত্যাদি, ইত্যাদি।”

শরৎচন্দ্র এই লেখাটি নিয়ে দেশবন্ধুর কাছে গেলে, দেশবন্ধু পড়ে ‘যদি’ কথাটার ঘোরতর আপত্তি করে বললেন—‘যদি’তে কাজ নেই। সাতাশ বৎসর ধরে ‘অ্যাডহোম্ বাট্ নট্ অ্যাডমিটিং’ করে এসেছি, কিন্তু আর ফাঁক নয়। আমি জানি তারা আছে, ‘যদি’ বাদ দিন।

দেশবন্ধুর কথায় আপত্তি করে শরৎচন্দ্র বললেন—আপনার স্বীকারোক্তির ফল দেশের উপর অত্যন্ত ক্ষতিকর হবে।

দেশবন্ধু জোর করে বললেন—না। সত্য কথা বলার ফল, কখনও মন্দ হয় না।

শরৎচন্দ্র কিন্তু আবেদন থেকে ‘যদি’ তুলতে কিছুতেই রাজী হলেন না। ফলে আবেদনও আর প্রকাশিত হ’ল না।

শরৎচন্দ্র একবার দেশবন্ধুর সঙ্গে কলকাতায় এক সভায় যান। সভা থেকে ফেরার পথে গাড়ীর মধ্যে দেশবন্ধু শরৎচন্দ্রকে বললেন—অনেকে আমাদের আবার প্রত্যেকটি বরে দেশের জ্ঞাত টাকা রোজগার করে দিতে পরামর্শ দিচ্ছেন। আপনি কি বলেন?

উত্তরে শরৎচন্দ্র বলেছিলেন—না। টাকার কাজের শেষ আছে, কিন্তু এই আদর্শের আর অন্ত নেই। আপনার ত্যাগ চিরদিন আমাদের জাতীয় সম্পত্তি হয়েই থাক। এ আমাদের অসংখ্য টাকার চেয়েও ঢের বড়।

শরৎচন্দ্রের সঙ্গে আলোচনা-প্রসঙ্গে দেশবন্ধু আর একদিন শরৎচন্দ্রকে বলেছিলেন—লোকে ভাবে আমি ব্যক্তিবিশেষের প্রভাবে পড়ে ঝাঁকের মাথায় প্র্যাকটিস্ ছেড়েছি। তারা জানে না যে, এ আমার বহুদিনের একটা বাসনা। শুধু ত্যাগের ছল করেই ত্যাগ করেছি। ইচ্ছা ছিল, সাযাআ কিছু টাকা হাতে রাখব, কিন্তু এ যখন ভগবানের ইচ্ছা নয়, তখন এই আমার ভাল।

## শ্রীমাপ্রসাদ মুখোপাধ্যায়ের সহিত আলোচনা

১৩৪১ সালে ভারতবর্ষ-সম্পাদক জলধর সেনের ৭৫তম জন্মদিবস উপলক্ষে দেশবাসী তাঁকে যে সম্বর্ধনা জানিয়েছিল, সেই সভায় সভাপতিত্ব করেছিলেন, শ্রীমাপ্রসাদ মুখোপাধ্যায়। জলধর-সম্বর্ধনা সমিতির সভাপতি ছিলেন শরৎচন্দ্র।

জলধর-সম্বর্ধনা শেষ হওয়ার কয়েক মাস পরে জলধর-সম্বর্ধনার অন্ততম উৎসাহী নলিনীরঞ্জন পণ্ডিত তাঁর বাড়ীতে একদিন শ্রীমাপ্রসাদ মুখোপাধ্যায় ও শরৎচন্দ্রকে নিমন্ত্রণ করেছিলেন।

সেদিন নলিনীরঞ্জন পণ্ডিতের বাড়ীতে কথা-প্রসঙ্গে শ্রীমাপ্রসাদের সঙ্গে শরৎচন্দ্রের যে সব কথা হয়েছিল, সেগুলি হচ্ছে এই :—

শরৎচন্দ্র—বাল্মীকির গৌরব আশুতোষের পুত্র তুমি। তোমার পিতার আকাঙ্ক্ষা তোমার দ্বারা চরিতার্থ হবে। আমরা সকলেই আশা রাখি তুমি বাল্মীকি সাহিত্যের উন্নতিকল্পে অনেক কাজ করতে পারবে।

শ্রীমাপ্রসাদ—আপনারাই তো বাল্মীকি সাহিত্যকে স্বর্ণ সিংহাসনে প্রতিষ্ঠিত করেছেন। সেখানে আমরা কি করতে পারি, আর আমাদের করণীয় কি থাকতে পারে?

শরৎচন্দ্র—অনেক কিছু করার আছে তোমার। বিশ্ববিদ্যালয়ের কর্ণধার হয়েছ তুমি। শিক্ষার ক্ষেত্রে বাল্মীকি সাহিত্যকে নানাভাবে প্রয়োগ করতে পারলে, বাল্মীকি সাহিত্যের উন্নতির পথ আপনাকে প্রশস্ত হবে।

শ্রীমাপ্রসাদ—আমি তো নানাভাবে চেষ্টা করছি। আমাদের বিশ্ববিদ্যালয়ের প্রকাশনা বিভাগের ভারপ্রাপ্ত অমরেন্দ্রনাথ রায়ের সাহায্যে বাল্মীকির অনেক লুপ্তগ্রন্থ গ্রন্থের প্রকাশে অগ্রসর হয়েছি। বাল্মীকি পাঠ্য পুস্তকের সংস্কার ও উন্নতিসাধনেও হাত দিয়েছি। এখন আপনাদের আশীর্বাদ।

শরৎচন্দ্র—ঐশ্বর্য আশীর্বাদ করলেই কি কাজ হবে? চাই সকলের সমবেত চেষ্টা ও সহযোগিতা। কত ভাল বই বাল্মীকি ভাষায় আছে, আরও কত ভাল

বই রচনা হতে পারে। সেইজন্ত দরকার আজ পর্যন্ত যত ভাল বই বাঙ্গলা ভাষায় রচিত হয়েছে, বিষয় অনুসারে ভাল করে তার একটা তালিকা প্রণয়ন। প্রত্যেক গ্রন্থের সঙ্গে সেই গ্রন্থের সংক্ষিপ্ত পরিচয় থাকবে। সেই তালিকাটি পুস্তকের আকারে ছাপিয়ে খুব কম দামে বিক্রয়ের ব্যবস্থা করতে হবে। এতে বাঙ্গলা সাহিত্যের যারা অনুরাগী, গবেষক তাদের খুব উপকার হবে। এ ছাড়া বাঙ্গলা সাহিত্যের অনুশীলনে অনেকে এগিয়ে আসবার পথ খুঁজে পাবে। এরপর যে সব বিষয় বাঙ্গলা ভাষায় লেখা হয় নি, সেই সব বিষয় উপযুক্ত লেখকদের দিয়ে লিখিয়ে প্রকাশের ব্যবস্থা করতে হবে। এর জন্ত অবশ্য পরিভাষার কাজটাও খুব ব্যাপকভাবে চালিয়ে যাওয়া দরকার। আমার মনে হয়, আরও অনেক বিদ্যোৎসাহী সাহিত্যিকমী দলে নিয়ে এ কাজ করলে বাঙ্গলা ভাষা ও বাঙ্গলা সাহিত্যের শ্রীবৃদ্ধি ঘটবে।

শ্রীমাপ্রসাদ—আপনার এই পরিকল্পনার কথা আগেই চিন্তা করেছি। ধর্ম, দর্শন, বিজ্ঞান ও ইতিহাসের অনেক মূল্যবান বাঙ্গলা বই আমরা বিশ্ব-বিদ্যালয় থেকে প্রকাশ করেছি এবং এখনও করছি।

শরৎচন্দ্র হাসতে হাসতে এবার বললেন—সেই সঙ্গে দু' একখানা গল্প উপন্যাসের বইও প্রকাশ ক'রো। তা না হ'লে গল্প-উপন্যাসের লেখকরা খাবে কি ?

শ্রীমাপ্রসাদ—গল্প-উপন্যাসকেও বাদ দোব না। গল্প-উপন্যাসই তো সাহিত্যকে বাঁচিয়ে রেখেছে।

শরৎচন্দ্র—গল্প-উপন্যাসই জাতির প্রাণ। জীবন আর মন যখন নানা সমস্যায় ও তবু আলোচনায় ভুঁকিয়ে আসে, তখন এই গল্প-উপন্যাসই মানুষকে সঞ্জীবনী রস ধারায় তাজা রাখে।

শ্রীমাপ্রসাদ—এ কথা আমি সব সময় স্বীকার করি। বঙ্কিমচন্দ্র, রবীন্দ্রনাথ এবং আপনার লেখা আমার খুবই প্রিয়। মনে যখন বিষাদ আসে, নানারূপ অশান্তিতে যখন শ্রান্ত হয়ে পড়ি, তখন গল্প-উপন্যাসই আমাকে আনন্দময় জগতে নিয়ে যায়। সেইজন্ত গল্প-উপন্যাসকেও সাহিত্যের এক বিশেষ অঙ্গ বলেই মনে করি।

শরৎচন্দ্র—আর একটা বিষয় আমি সব সময় চিন্তা করি। সেটা হচ্ছে বাঙ্গালী সাহিত্যিকদের দুর্ব্যবহার কথা। বাঙ্গলা সাহিত্যের অনুরাগীর সংখ্যা



বাড়লেই তবে দেশের সাহিত্যিকরা ছুটো পয়সা পাবে। বর্তমানে যাওয়া কিছু বই বিক্রি হয়, তার চৌদ্দ আনাই প্রকাশক, প্রেস, আর দপ্তরীর পেটে যায়। লেখক পায় দু আনা। কি খাবে তারা? কি খেয়ে তারা চিন্তা করবে আর লিখবে? এ সব কথা ভেবে সাহিত্য আর সাহিত্যিক ছুটোকেই বাঁচাবার উপায় ঠিক করতে হবে। কলকাতা বিশ্ববিদ্যালয়ের যা শক্তি আছে, আমার মনে হয়, তার পক্ষেই এ সব কাজে হাত দেওয়া সম্ভব। বর্তমানে তুমি হচ্ছে তার উপযুক্ত দিক্‌পাল। সেই জন্তে অনেক আশা রাখি আমরা তোমার উপর।

এই বথায় শ্রীমা প্রসাদ একটু চিন্তামগ্ন হলেন। পরে বললেন—আমার পিতৃদেবের মনেও এই আকাজক্ষাই প্রবল ছিল। এ সম্বন্ধে তিনি একটা পরিকল্পনাও করেছিলেন। কিন্তু কাজ আরম্ভ হওয়ার আগেই তিনি চলে গেলেন। আমার কাছে তাঁর সেই পরিকল্পনার খসড়া আছে, আপনাকে দেখাব একদিন। এখন আশীর্বাদ করুন যাতে সেই পরিকল্পনাকে আমি সফল করে তুলতে পারি।

শরৎচন্দ্র—আমি সর্বাস্তবরূপে তোমাকে আশীর্বাদ করছি এবং সেই সঙ্গে এই বিশ্বাস ও আশা পোষণ করছি, তোমার দ্বারাই এই কাজ একদিন সার্থক হয়ে উঠবে। তুমিই তার উপযুক্ত কর্মী।

এরপর নলিনীবাবুর বাড়ীতে আহাৰ সেরে শরৎচন্দ্র ও শ্রীমা প্রসাদ অনেক রাত্রে যে ঘর বাড়ী ফিরলেন।

## যত্ননাথ সরকারের সহিত আলোচনা

নলিনীরঞ্জন পণ্ডিতের শ্রামবাজারের বাড়ীতে সেবার তাঁর জন্মতিথি উৎসব। সেই উৎসবে শরৎচন্দ্র, আচার্য যত্ননাথ সরকার, হীরেন্দ্রনাথ দত্ত, জলধর সেন, ব্রজেন্দ্রনাথ বন্দ্যোপাধ্যায় প্রভৃতি উপস্থিত। উৎসবান্তে নানা কথাবার্তা হচ্ছে। শরৎচন্দ্র যত্ননাথবাবুর সামনেই বসেছিলেন। যত্ননাথবাবু বললেন—আজ আমার পরম সৌভাগ্য, আপনাব সঙ্গে দেখা হয়ে গেল। আপনার অনেক বই আমি পড়েছি, আর সব সময় ভেবেছি—সাহিত্যের দরবারে উপস্থাস বড়, না ইতিহাস বড়।

শরৎচন্দ্র বললেন—আমিও তো আপনার লেখা পড়ে ঐ একই কথা চিন্তা করেছি। তবে খুব বেশী মাথা ঘামাই নি। তার কারণ, আমি জানি যার যা কাজ, তিনি তাই করবেন। আমি যা পেরেছি, তাই লিখেছি। লিখেছি গল্প-উপস্থাস, কিন্তু সারা জীবন ধরে পড়েছি ইতিহাস আর বিজ্ঞান। বিশেষ করে আপনার বই আমাকে সাহিত্যচর্চায় খুব প্রেরণা দিয়েছে—প্রেরণা দিয়েছে লিখবার। তা উপস্থাস-গল্প হ'লেও একটা কিছু লেখা তো বটে।

যত্ননাথবাবু বললেন—একটা কিছু কেন? অনেক কিছু—গল্প-উপস্থাসও তো ইতিহাস।

দার্শনিক হীরেন্দ্রনাথ প্রশ্ন করলেন—কি রকম? একটু পরিষ্কার করে বলুন। বড়ো বয়সে একটু নতুন করে জ্ঞান লাভ করি।

এই কথায় যত্ননাথবাবু, শরৎচন্দ্র এবং আরও অনেকে হেসে উঠলেন।

যত্ননাথবাবু বললেন—এ কথা আমি একদিন রবীন্দ্রনাথকেও বলেছি। এক এক যুগের সামাজিক অবস্থা ও ব্যবস্থা, আচার ও ব্যবহার, মানুষের মনোবৃত্তি ফুটে ওঠে সেই সেই যুগের গল্প-উপস্থাসে। আর তা এত স্পষ্ট সাবলীল ও সরসভাবে প্রকাশ হয়, যা গ্রহণ করতে পাঠককে মোটেই কষ্ট পেতে হয় না। আগেকার ইঙ্গ-বঙ্গ যুগের লেখকরা যে সব গল্প লিখেছেন, তাতে তখনকার মানুষের বিশ্বাস ও আচার-আচরণ প্রতিফলিত হয়েছে। যুগে যুগে এই যে পরিবর্তন, ভাঙ্গাগড়া সবই তো ভালভাবে এবং অত্যন্ত স্পষ্টভাবে গল্প-

উপস্থানে আঁকা হয়। গল্প-উপস্থান খুব সুন্দর ইতিহাস, কিন্তু খুব স্পষ্ট আর আনন্দদায়ক। আমাদের লেখা ইতিহাসের মত 'ড্রাই' নয়। আমার মুখে এ কথা শুনে খুব খুশী হয়েছিলেন রবীন্দ্রনাথ।

শরৎচন্দ্র বললেন—আমিও খুব খুশী হলাম। অবশ্য এ কথা আমিও আগে ভেবেছি, এমন কি আমার লেখাতেও মাঝে মাঝে তার ইঙ্গিত দিয়েছি। কিন্তু তেমন জোর পাই নি। আজ আপনার মত একজন বিশ্ববিখ্যাত ঐতিহাসিকের কথায় আরও শক্তি পেলাম, সাহসও বেড়ে গেল।

যহ্ননাথবাবু বললেন—আপনার লেখা পড়ে আমার যা ধারণা, তাতে মনে হয়, আপনার সাহস তো কিছু কমতি নেই।

শরৎচন্দ্র বললেন—ছোটবেলা থেকেই আমি দুঃসাহসী। তা কাজেই হোক, আর লেখাতেই হোক।

যহ্ননাথবাবু বললেন—দুঃসাহস নয়, সংসাহস, তা যতই দুর্বীর হোক না কেন। আর একটা কথা এই সঙ্গে বলছি, ভবিষ্যৎ ঐতিহাসিকরা যখন জাতির আর যুগের ইতিহাস লিখবেন, তখন তাঁরা বিভিন্ন যুগের গল্প-উপস্থানকে বাদ দিতে পারবেন না।

এরপরেও কয়েক জায়গায় শরৎচন্দ্রের সঙ্গে যহ্ননাথবাবুর দেখা হয়েছিল।

যহ্ননাথবাবু বলেন—শরৎচন্দ্র একবার আমাদের কাছে তাঁর সাহিত্য-সৃষ্টির রহস্য প্রকাশ করেছিলেন। শরৎচন্দ্র সেদিন বলেছিলেন—আমি গরীবের ছেলে ছিলাম। বই কিনবার সঙ্গতি আমার ছিল না। সহপাঠীদের কাছ থেকে ধার করে বই এনে তাড়াতাড়ি মুখস্থ করে তা ফিরিয়ে দিতাম, যেন সে বই আর চাইতে না হয়। এতে আমার স্মরণ শক্তি অত্যন্ত তীক্ষ্ণ হয়েছিল। তার ফলে যে দৃশ্য একবার পর্দাবেষ্ণণ করতাম, তা মনের ভিতর পুঁজি করে রাখবার ক্ষমতা আমার ছিল।

যহ্ননাথবাবু বলেন—এটাই শরৎচন্দ্রের অপূর্ব সাহিত্য-সৃষ্টির একমাত্র কারণ নয়। ভাষার উপর তাঁর ঈশ্বর-দত্ত ক্ষমতা ছিল।

## রমেশচন্দ্র মজুমদারের সহিত আলোচনা

১৯২৫ খ্রীষ্টাব্দে মুম্বীগঞ্জে বঙ্গীয় সাহিত্য সম্মেলন হয়। এই সম্মেলনে সাহিত্য-শাখার সভাপতি ছিলেন শরৎচন্দ্র, আর ইতিহাস-শাখার সভাপতি ছিলেন ঢাকা বিশ্ববিদ্যালয়ের অধ্যাপক ডাঃ রমেশচন্দ্র মজুমদার।

সম্মেলনের কর্তৃপক্ষ একটি স্থল বাড়ীর একই কক্ষে শরৎচন্দ্র ও রমেশবাবু উভয়ের বাসস্থান ঠিক করেছিলেন।

সভার পর রাত্রে আহারাদি সেরে শরৎচন্দ্র ও রমেশবাবু পাশাপাশি দুই খাটে বিছানার উপর বসে অনেক গল্প করলেন। শেষে রাত্রি ১০টা ১১টার সময় শরৎচন্দ্র রমেশবাবুকে বললেন—চল বাইরে যাই।

উভয়েই বাইরে এলেন। স্থল বাড়ীর প্রাঙ্গণে ঘাসের উপর একটা শুকনো কাঠের গুঁড়ি ছিল। তাতে দুজনে পাশাপাশি বসলেন। পরিস্কার জ্যোৎস্নায় চারিদিক তখন প্রাবিত হাচ্ছিল।

শরৎচন্দ্র সাহিত্য, ইতিহাস প্রভৃতি নানা বিষয়ে কত কথা বলে যেতে লাগলেন। রমেশবাবু মুগ্ধ হয়ে শুনতে লাগলেন।

রমেশবাবু এক সময় শরৎচন্দ্রকে জিজ্ঞাসা করলেন—আপনার উপন্যাস-গুলির মধ্যে কোন্‌খানা আপনি ভাল মনে করেন ?

শরৎচন্দ্র কিছুমাত্র ইতস্ততঃ না করে তৎক্ষণাৎ জবাব দিলেন—গৃহদাহ। আটের দিক থেকে এ একেবারে নিখুঁত।

রমেশবাবুকে চূপ করে থাকতে দেখে শরৎচন্দ্র বললেন—জবাবটা বুঝি মনের মত হয় নি ?

রমেশবাবু বললেন—আপনার অমুমান সত্য।

এরপর এই নিয়ে উভয়ের মধ্যে অনেক আলাপ হ'ল।

রমেশবাবু পরে আবার প্রসঙ্গক্রমে শরৎচন্দ্রকে জিজ্ঞাসা করলেন—অনেকে মনে করে যে, আপনার বিভিন্ন উপন্যাসের চরিত্রগুলি অনেকটা একই ধরণের এবং এই বৈচিত্র্যের অভাব আপনার উপন্যাসের অঙ্গহানি করেছে।

শরৎচন্দ্র একটু চুপ করে থেকে বললেন—সৈন্তরা যখন প্যারেড করে, তখন দূর থেকে সকলকে একই রকম দেখায়, অথচ প্রত্যেকেরই স্বাতন্ত্র্য আছে। সাদৃশ্যের মধ্য দিয়ে সেই স্বাতন্ত্র্য দেখানই আর্টের বৈশিষ্ট্য।

সেদিন মাঠে বসে রাত্রি প্রায় ১টা ২টা পর্যন্ত উভয়ে এইরূপ গল্প করেছিলেন।

মুন্সীগঞ্জে বঙ্গীয় সাহিত্য সম্মেলনের পরে রমেশবাবু শরৎচন্দ্রকে ঢাকা যাওয়ার জ্ঞাত আমন্ত্রণ করেছিলেন। শরৎচন্দ্র ঢাকায় গেলে ঢাকা বিশ্ব-বিদ্যালয়ের অধ্যাপক ও ছাত্রবৃন্দ তাঁকে বিপুল সমারোহ সহকারে অভ্যর্থনা জানিয়েছিলেন।

শরৎচন্দ্র ঢাকায় গিয়ে রমেশবাবুর অতিথি হয়েছিলেন। রাত্রে আহ্বারের পর শরৎচন্দ্র রমেশবাবুর বাড়ীর পুকুরের বাঁধানে ঘাটের উপরে রোদ্দাকে বসে মজলিস জমাতেন। এই মজলিসে শরৎচন্দ্র ছাড়া, রমেশবাবু, রমেশবাবুর স্ত্রী এবং বাড়ীর আরও দু-একজন থাকতেন।

শরৎচন্দ্র তাঁর নিজের জীবনের অনেক গল্প বলতেন। আর মেয়েদের সম্বন্ধে তাঁর অভিজ্ঞতা ও সহানুভূতির কথা বলতেন।

তিনি একদিন বলেছিলেন—রেঙ্গুনে থাকার সময় বহু নারীর জীবনকথা নিয়ে আমি একটি বড় বই লিখেছিলাম। কিন্তু দুর্ভাগ্যবশতঃ সেটি আগুনে পুড়ে যায়।

তারপর শরৎচন্দ্র মেয়েদের সম্বন্ধে কয়েকটি কাহিনী বলে, শেষে রমেশবাবুর স্ত্রীকে বলেছিলেন—দিদি, তোমাদের সম্বন্ধে কোন সমাজই কখনই স্থবিচার করে নি। আমার উপন্যাসের মধ্য দিয়ে আমি জীবনভোর তারই প্রতিবাদ করব।

ঢাকা বিশ্ববিদ্যালয় থেকে শরৎচন্দ্রকে যাতে অনারারী ডিগ্রী—ডি-লিট দেওয়া হয়, সেজন্তু রমেশবাবু বিশেষ চেষ্টা করেছিলেন।

ঢাকা বিশ্ববিদ্যালয় রমেশবাবুর প্রস্তাব গ্রহণ করলে, ঐ উপলক্ষে কনভোকেশনের সময় শরৎচন্দ্র পুনরায় দ্বিতীয়বার ঢাকায় যান।

ঢাকায় গিয়ে শরৎচন্দ্র তাঁর বাল্যবন্ধু ঢাকা বিশ্ববিদ্যালয়ের বাঙ্গলা বিভাগের অধ্যাপক চারুচন্দ্র বন্দ্যোপাধ্যায়ের বাড়ীতে কয়েকদিন এবং রমেশবাবুর বাড়ীতে কয়েকদিন ছিলেন। ঐ সময় একদিন রাত্রে রমেশবাবুর বাড়ীতে আহ্বারের পর নিরলায় বসে শরৎচন্দ্র ও রমেশবাবুর মধ্যে যে সব কথাবার্তা হয়েছিল, সেগুলি এই :—

কথা-প্রসঙ্গে শরৎচন্দ্রের বিজয়া নাটকের কথা উঠলে, রমেশবাবু শরৎচন্দ্রকে জিজ্ঞাসা করলেন—বিজয়া নাটকে বিলাসের চরিত্রের ভাল দিকটা তেমন দেখানো হয় নি কেন ?

উত্তরে শরৎচন্দ্র বললেন—ইচ্ছা করেই এরূপ করেছি। বিলাসের প্রতি দর্শকের মনে সহানুভূতি জাগলে, নাটকের মূল প্রস্তাব থেকে তাদের লক্ষ্যভ্রষ্ট হয়ে নাটকের উদ্দেশ্য বিফল হবার এবং নাটকের মধ্যে যে কেন্দ্রগত ঐক্য থাকা আবশ্যক, তা নষ্ট হবার সম্ভাবনা।

আলোচনা প্রসঙ্গে ‘পথের দাবী’র কথায় শরৎচন্দ্র বললেন—ত্রুদদেশে গোপনে কোকেনের ব্যবসা চালাতো, এরূপ একটি দলের কথা আমি শুনেছিলাম। দলের কত্রী ছিল একটি স্ত্রীলোক। এরা স্ফুমাত্রা ও যবদ্বীপে ব্যবসা চালাত। এ থেকেই ‘পথের দাবী’র স্ফুমাত্রার সৃষ্টি। আর সস্ত্রাসবাদী (টেরোরিস্ট) দলের অনেকের সঙ্গেই আমার পরিচয় ছিল। তাঁদের জীবনের ভিত্তির উপরেই আমার সব্যসাচীর সৃষ্টি।

এরপর শরৎচন্দ্র, রমেশবাবুর কাছে নির্ভীকভাবে মহাত্মা গান্ধীর মতামতের প্রতিবাদ করলেন এবং পূর্ণ স্বাধীনতার স্বপক্ষে কংগ্রেসের বিরুদ্ধে অনেক মন্তব্য করলেন।

## কেদারনাথ বন্দ্যোপাধ্যায়ের সহিত আলোচনা

সাহিত্যিক কেদারনাথ বন্দ্যোপাধ্যায় তখন কাশীতে বাস করছেন। সেই সময় শরৎচন্দ্র একবার কাশী বেড়াতে যান। এই কাশীতেই তখন উভয়ের মধ্যে প্রথম সাক্ষাৎ পরিচয় হয়।

পরিচয়ের পর একদিন উভয়ে কাশীর পথে বেড়াতে বেরোন। শরৎচন্দ্র কথো-প্রসঙ্গে কেদারবাবুকে বললেন—মুক্তির আশায় বুঝি কাশীবাস করছেন?

কেদারবাবু বললেন—সেটা বলা কঠিন, হয়ে গেলে অলাভ নেই তো! তবে ঝগড়াট থেকে কতকটা মুক্তি পাবার জন্যে অনেকেই আসা। ওই সঙ্গে দেশের লোকেও যে কিঞ্চিৎ মুক্তি না পায়, তা-ও নয়।

—এইটি ঠিক বলেছেন।—বলে শরৎচন্দ্র হাসলেন।

ক্রমে কথায় কথায় উভয়ে দশাশ্বমেধ ঘাটের কালীবাড়ীর সামনে এসে পড়লেন।

কেদারবাবু কার্লাকে প্রণাম করলেন। শরৎচন্দ্র কিন্তু তখন তফাতে সরে গিয়ে দাঁড়িয়ে রইলেন।

শরৎচন্দ্র বললেন—আমাকে নাস্তিক বলে অনেকেই জানেন। আপনিও জানেন বোধ হয়?

কেদারবাবু বললেন—অপরাধী করবেন না। আপনার বইয়ের মধ্য দিয়েই আপনার সঙ্গে পরিচয়। তাতে যে ছাপা হয়ে গিয়েছে, আপনি পরম আন্তিক।

—কে বললে? কোথায়? ভুল কথা...

—যা নিয়ে অনেক কথা শুনতে পাই, সেই 'চরিত্রহীনে'ই রয়েছে। দিবাকর গৃহদেবতা নারায়ণের ভোগ না দিয়েই বেরিয়ে গিয়েছিল। তার মন কিন্তু সেই অপরাধের বেদনা এড়াতে পারে নি। ফেরবার পথে গঙ্গাতীরে গিয়ে অপরাধের জন্ত সাত্ত্ব ক্ষমা প্রার্থনা না করে বাড়ী ফিরতে পারে নি। এই সামান্য ঘটনাটা নাস্তিক বাদ দিতেন, বিশেষ ক্ষতিও হ'ত না। আপনি পারেন নি...

—ও কিছু নয় কেদারবাবু, লেখকদের অমন অনেক অবাস্তবের সাহায্য নিতে হয়। ঐ একটাই তো ?...

—বহু আছে। জগতে অবাস্তবও বহু আছে। মন প্রিয়টা ধরেই নেয়। ওই বই থেকেই বলি—আপনার সাধের সৃষ্টি কিরণময়ীকে একটি ‘ইন্টেলেকচুয়েল জায়েন্ট’ বানিয়েছেন, আবার সুরমাকে (পশুটিকে) হিঁদুর ঘরের একটি সরল বিশ্বাসী প্রতিমা গড়েছেন। যার সামনে কিরণময়ী নিশ্চত হয়েই ফিরেছিল। এটা করলেন কেন ?...

—আমার লেখা অমন করে কেউ দেখে বলে জানতাম না। তাহলে সাবধান হতাম।

—অনেকেই দেখেন, যার ভাল লাগে তিনিই। দেখুন, নাস্তিকেরা অতি সাবধানী, তাঁরা মাথার সাহায্যে লেখেন বলেই মনে হয়। সুরমাতে মাধুর্য রয়েছে—ওটা যে প্রাণের জিনিস। দরদে গড়া।

এবার শরৎচন্দ্র আর কোন উত্তর না দিয়ে কেদারবাবুকে বিদায় দিয়ে শুধু বললেন—যান, যান, বেলা হয়েছে, নমস্কার। আবার যেন দেখা পাই।

এই বলে তিনি নিজে দ্রুত চলে গেলেন।

কেদারবাবু সেবার কাশীতে গিয়ে উত্তরা-সম্পাদক সুরেশচন্দ্র চক্রবর্তীর বাড়ীতে উঠেছেন।

শরৎচন্দ্রও ঐ সময় কাশীতে বেড়াতে যান। কেদারবাবুর সঙ্গে শরৎচন্দ্রের আবার সাক্ষাৎ হ'ল।

শরৎচন্দ্র কেদারবাবুর সঙ্গে গল্প করবার লোভে সুরেশবাবুর বাড়ীতে দিনের পর দিন আড্ডা জমান। কাশীর বাঙ্গালী, বিশেষ করে তরুণের দল, দুই সাহিত্যিককে একত্র দেখবার ও তাঁদের কথা শুনবার আশায়, সুরেশবাবুর বাড়ীতে এসে জমত।

একদিন শরৎচন্দ্র কেদারবাবুকে বললেন—আপনি ম্যালেরিয়ায় অনেক দিন ধরে ভুগছেন। আপনাকে নিয়ে একটু বাইরে বেড়ানো দরকার। কাল সকালে বেরোব। এই বলে তিনি টাঙ্কাওয়ালাকে ডেকে বলে দিলেন—কাল ঠিক আটটায় আসা চাই, দেখিস। খবরদার, বিলম্ব না হয়, বুঝত ?



টান্কাওয়ালা সেদিন, ইঁা হুজুর বলে চলে গেল।

পরদিন ঠিক আটটায় হাজির হয়ে সেলাম জানাল।

বেলা ৯টার সময় টান্কাওয়ালা দ্বিতীয় সেলাম জানালো।

তখন সকলের চা খাওয়া চলছে মাত্র। শরৎচন্দ্রের ভৃত্য ভোলা তাওয়া চড়াচ্ছে। শরৎচন্দ্র টান্কাওয়ালাকে বললেন—এই ছাখ্ না চট করে নিচ্ছি—সত্বরই যাতা হায়।

ক্রমে তরুণের দল আসতে লাগল। তাওয়াও ফিকে মারল। শরৎচন্দ্র বললেন—ভোলা করচিস্ কি, বাবুরা এসেছেন—কোন আঙ্কেল নেই।...

এদিকে টান্কাওয়াল। অপেক্ষা করে করে বেলা ১১টার সময় আবার এক সেলাম জানাল।

শরৎচন্দ্র তখন কেদারবাবুকে সম্বোধন করে বললেন—তাই তো কেদারবাবু, এ বেটা যে ছাড়ে না দেখছি। এ বেলা কি যেতে পারবেন?

কেদারবাবু বললেন—এঁরা সব দূর থেকে এসেছেন, এঁদের ফেলে যাওয়া কি ঠিক হবে?

—তাই তো, তা ও-বেটা বোঝে না কেন!—তারপর টান্কাওয়ালাকে ডেকে বললেন—ওহে! এগারটা তো বাজ গিয়া, এখন খাওয়াও গিয়ে। তোমাদের আবার 'পাকাতে' হয়। কালীতে তো কষ্ট দিতে আসতে নেই। যাও—ঠিক চারটে বাজলেই আও কিন্তু...

টান্কাওয়াল। কি বলতে যাচ্ছিল, কিছু বলতে না দিয়েই শরৎচন্দ্র বলে উঠলেন—ইঁা ইঁা বুঝা হায়। তোমার ক্ষতি নেই করে গা—ভাড়া ঠিক পাবে গো।

টান্কাওয়াল। চলে গেলে শরৎচন্দ্র কেদারবাবুকে বললেন—আচ্ছা বলুন তো বড়লোকেরা এত সেলাম সয় কি করে! উঃ তিন সেলামেই মাথা ঘুরিয়ে দিয়েছে। আজ কিন্তু বিকালে দেরি করলে চলবে না কেদারবাবু। কাজ থাকে তো সেরে রাখুন। তখন যেন...দেখুন চা খাওয়াটা একটা মন্ত ঝগাট, ভারি সময় নষ্ট করে দেয়। ও কাজটা ফেলে না রেখে, এ বেলাই সেরে রাখলে কি হয়!

কেদারবাবু শুনে বললেন—সময় বাঁচাবার এমন সহজ উপায় ফন্স করে মাথায় এলো কি করে। আপনি উপন্যাসের দিকে মাথাটা দিলেন

কেন? এই সব শত্রু আবিষ্কারের দিকে লাগালে যে অনেক কিছু পাওয়া যেত।

শরৎচন্দ্র উত্তর না দিয়ে হাসতে লাগলেন।

টান্কাওয়ালা যথাসময়ে বিকালে এল। কিন্তু এবারও যাওয়া হ'ল না। তাকে পরদিন সকালে আবার আসতে বলি হ'ল।

সে সকালে এল। সকালেও বেরোনো হ'ল না। আবার তাকে বিকালে আসতে বলি হ'ল।

সে বিকালেও এল। শরৎচন্দ্র এবার দলবল নিয়ে এমনি আসর জমিয়ে বসলেন যে, উঠবার নামই করলেন না। টান্কাওয়ালাকে আশায় আশায় বসিয়ে রেখে, শেষে রাত্রি ১১টার পর সাত টাকা দিয়ে বিদায় দিলেন।

এই দেখে কেদারবাবু বললেন—শরৎবাবু, কাশীতে এসে কাজটা ভাল হচ্ছে কি? আপনি ধর্মভীরু মানুষ। ঘোড়াটার যে ইহকাল পরকাল গেল। বাতে ধরে মরবে যে।

শরৎচন্দ্র বললেন—না, কাল আর কারো কথা শোনা হচ্ছে না। আপনি সকাল সকাল উঠবেন, পারবেন তো? যার রোগ তার চিন্তা নেই। সেটা ভাল নয়...

তৃতীয় দিনও সকালে বেরোনো হয়ে উঠল না। বৈকালে কেদারবাবুকে নিয়ে মরিয়ার মত হয়ে উঠে পড়লেন। বললেন—আপনি বাইরের হাওয়া লাগান না, ঐ আপনার দোষ। চলুন, হাওয়ায় থানিকটা ঘোরি যাক।

এই ব'লে শরৎচন্দ্র কেদারবাবুকে সঙ্গে নিয়ে বেরোলেন এবং এ-দোকান সে-দোকান ঘুরে কিছু না পেয়ে শেষে বেঙ্গল কেমিকেলের দু'শিশি 'পাইরেক্স' কিনে নিয়ে কেদারবাবুকে বললেন—এইটা খান দিকি, একদম ম্যালেরিয়ার মৃত্যুবান।

## হরিদাস শাস্ত্রীর সহিত আলোচনা

কাশীর কবিরাজ হরিদাস শাস্ত্রী শরৎচন্দ্রের একজন বিশেষ স্নেহভাজন বন্ধু ছিলেন। শরৎচন্দ্র হাওড়ায় বাজে শিবপুরে থাকার সময় একবার কাশী বেড়াতে গেলে, সেই সময়েই কাশীতে উভয়ের মধ্যে পরিচয় হয়েছিল।

হরিদাসবাবু কাশী থেকে কলকাতায় এলেই শরৎচন্দ্রের বাজে শিবপুরের বাড়ীতে গিয়ে তাঁর সঙ্গে দেখা করে আসতেন। এইরূপ একবার গেলে, সেদিন শরৎচন্দ্রের সঙ্গে হরিদাসবাবুর অনেক কথা হয়েছিল। শরৎচন্দ্রের সঙ্গে হরিদাসবাবুর সেদিনের সেই কথাগুলি, হরিদাসবাবু শরৎচন্দ্রের মৃত্যুর পরে এক প্রবন্ধে লিখেছিলেন। হরিদাসবাবুর সেই লেখাটিই এখানে উদ্ধৃত করে দিচ্ছি। হরিদাসবাবু লিখেছিলেন—

একদিন অত্যন্ত দুর্ঘোণের মধ্যে সকালবেলায় দাদার বাজে শিবপুরের বাস। বাড়ীতে হাজির হইয়াছি।...

চা খাইতে খাইতে দাদা বলিলেন—শ্রীরামপুর থেকে সোদন একটি মেয়ে এসেছিল, নাম...। অদ্ভুত মেয়ে—চেন কি ?

—না, কি রকম অদ্ভুত মেয়ে ?

—এসেই আমায় বললে কি না, ‘অনেক দিন থেকে ইচ্ছা করছি আপনার সঙ্গে দেখা করব। আশ্রয় বন্ধু থাকেই বলি, সে-ই বলে—তুমি ভদ্র ঘরের মেয়ে, তুমি যাবে শরৎবাবুর সঙ্গে দেখা করতে—তোমার সাহস তো কম নয়, তা আপনি কি এমনি যে কোনও যুবতী মেয়ে আপনার কাছে আসতে পারে না ?’—শুনে বেশ কোতুক বোধ হ’ল—বলিয়া দাদা হাসিতে লাগিলেন।

আমিও হাসিলাম। বলিলাম—আপনি কি জবাব দিলেন ?

—হ্যাঁ জবাব একটা দিলাম বই কি। বললাম—তাঁরা যদি দশ বছর আগেকার শরৎবাবু সম্বন্ধে এ কথা বলে থাকেন তো আমি কিছু বলতে চাই নে। কারণ তখন আমি দিন রাতের মধ্যে কখনই প্রকৃতত্ব থাকতাম না ; সর্বদাই মদের নেশায় চুর। তবুও বলতে পারি অপ্রকৃতিস্থ অবস্থায়ও কখনও

কোন নারীর অমৰ্ষা করি নি—আর এখন তো আমি তোমাদের বড়দা—  
নিৰ্ভয়ে আসবে।

—খুব বুঝি মদ খেতেন দাদা?

—হাঁ ভাই! কিন্তু একদিনে ছেড়ে দিলাম, অর্থাৎ মাতাল আর হই নি।

—কি করে ছাড়লেন?

—আচ্ছা বলছি শোন। আর এক চাটুজ্জ ও আমি, আর আমাদের  
একটি বর্মী বন্ধু একসঙ্গে মদ খেতাম, বর্মী বন্ধুটির হঠাৎ হ'ল হার্টের অসুখ,  
ডাক্তার একেবারে মদ খাওয়া বন্ধ করে দিলেন। অফিসে ছুটি নিয়ে বাড়ী  
বসে চিকিৎসা করাতে লাগলেন।

একদিন—রাত্রি ১১টা হবে, চাটুজ্জ এসে আমার দরজা ভাঙতে  
লাগলো—ও শরৎবাবু! ও শরৎবাবু! বুঝলাম দোকান বন্ধ হয়ে গেছে,  
পিপাসা বেড়েছে, কিছু মদ চাই। আমার ঘরে যা ছিল, তাতে পিপাসার  
শাস্তি হ'ল না। আরও চাই—চাটুজ্জ বললে, চল বর্মী বন্ধুর বাড়ী।  
প্রথমটা আমি যেতে রাজি হই নি, শেষে যেতেই হ'ল তার সঙ্গে।

রাত্রি তখন ১টা হবে। অনেক ডাকাডাকির পর বন্ধু-গৃহিণী জানালা  
দিয়ে জানালেন—তঁার স্বামী অসুস্থ, আমরা যেন দয়া করে চলে যাই।  
ডাক্তারকে বন্ধুটিও জেগেছিল, এসে তার স্ত্রীকে অহরোধ করতে লাগলো—দাও  
না খুলে, ঘরে তো একটা বোতল রয়েছে। ওরা থাক না—আমি তো আর  
খাচ্ছি না।—আমার কতকটা জ্ঞান ছিল, ফিরে আসতে চাইলাম, কিন্তু  
চাটুজ্জ রাজি হ'ল না। একটা ছোট বেতের টেবিলের পাশে তিন জন  
পাশাপাশি বেতের চেয়ারে বসেছি, সামনে মেটিঙের উপর বন্ধু-পত্নী বসে  
স্বামীকে পাহারা দিচ্ছেন, আমরা মদ খাচ্ছি।

বন্ধু-পত্নীটি দিনের শ্রমে বোধ হয় ক্লান্ত ছিলেন, ক্লান্তিতে লাগলেন দেখে  
চাটুজ্জ বর্মী বন্ধুটিকে ইসারায় এক পেগ নেবার অহরোধ জানাল। আমি  
মানি করলাম, বর্মী বন্ধুটিও পত্নীকে দেখিয়ে অস্বীকার করলো। আরও  
দু-একবার মদ খাবার পরে দেখা গেল বন্ধু-পত্নী মেটিঙের উপর ঘুমিয়ে পড়েছেন।  
চাটুজ্জ আবার অহরোধ জানাল—এবার সে আর অস্বীকার না করে টেনে  
নিলে। দু-বারের পর তৃতীয় বারে নিজ হাতে পাত্র টেনে নিয়ে এক চুমুকে  
যখন নিঃশেষ করেছে, সঙ্গে সঙ্গে আঁ—আঁ—একটা বিকট শব্দ করে ঢলে পড়ল।

ঐ শব্দে স্ত্রী ছেলেপিলে সকলের ঘুম ভেঙ্গে গেছে, সকলেই তার বৃকের উপর লুটোপুটি করে এমনই কলরব তুললো, কোথায় গেল নেশা ছুটে।

সেই রাত্রে থানা পুলিশ করে পরদিন তার শেষ গতি করে বাড়ী এসে প্রতিজ্ঞা করলাম, আর মাতাল হব না। চাটুজ্জও প্রতিজ্ঞা করেছিল, কিন্তু রক্ষা করতে পারে নি।—বল তো হরিদাস, একটি ভদ্রলোক—স্ত্রী-পুত্র নিয়ে স্বখে ঘুমোচ্ছিল, রাত একটায় দুটো মাতাল তাকে টেনে তুলে একেবারে মেরে এল! এর পরও যদি মাতালের বিবেক না আসে, তবে আর কিসে আসবে?—বলিয়া দাদা চুপ করিলেন।

অনেকক্ষণ বাদে আমি বলিলাম—একটা কথা জিজ্ঞাসা করবো দাদা?

—কি বলে!

—অনেক লোকে আপনার চরিত্র সম্বন্ধে অনেক কথা বলে, সব দিকেই আপনি নাকি উচ্ছৃঙ্খল ছিলেন?

দাদা কিছুক্ষণ চুপ করিয়া থাকিয়া বলিলেন—তোমার কি মনে হয়?

—আমার বিশ্বাস হয় না।

—কেন?

—কারণটা ঠিক বলতে পারবো না, মন বিশ্বাস করতে চায় না।

—আমি বলি কারণটা আমায় ভালবাসো বলে তোমার মনের আদর্শ থেকে আমায় খাটো করে দেখতে ইচ্ছা হয় না তোমার। কিন্তু কোন্ সাহসে তুমি আমায় এ কথা জিজ্ঞাসা করলে? এমনও তো হ'তে পারে যে, আমার সম্বন্ধে লোকের যা কিছু ধারণা, সব সত্যি। আমার মুখের স্বীকারোক্তি শুনলে তোমার কিছু শাস্তি হবে কি?

—না। কিন্তু আমার মন বলে সবই মিথ্যা। লোকে ঠিক কথা জানে না বলেই বলে।

দাদা চুপ করিয়া রহিলেন। কতক ক্ষণ বাদে বলিলেন—দেখ হরিদাস, আমি সত্যিই তোমায় ভালবাসি—তার মধ্যে কোন ফাঁক নেই। অত্রে এ কথা জিজ্ঞাসা করলে কোন জবাবই পেত না, তার কারণ সাধারণ লোকের ধারণায় কি আসে যায়? আর সে ধারণা কত দিনের জন্মেই বা। একদিন আমি থাকবো না, তারাও থাকবে না, লোকে হয়ত আমার ব্যক্তিগত জীবনের

পরিচয়ই জানতে চাইবে না। তখনও যদি আমার লেখা বেঁচে থাকে, তা নিয়েই আমার বিচার করবে তারা, আমার চরিত্র নিয়ে নয়। তবুও তোমার যখন জানতে ইচ্ছা হয়েছে, জানাব। বাস্তবিকই তাদের ধারণা মিথ্যা। অর্থাৎ নারীজাতি সম্বন্ধে আমার চরিত্র কোন কালেই উচ্ছৃঙ্খল ছিল না, এখনও নয়। নেশার চূড়ান্ত করেছি, অনেক অস্থানে কুস্থানে গিয়েছি, কিন্তু তুমি সে সব জায়গায় খবর নিয়ে জানতে পার, তারা সকলেই আমায় শ্রদ্ধা করতো। কেউ দাদাঠাকুর, কেউ বাবাঠাকুর বলতো। কারণ অত্যন্ত মাতাল অবস্থায়ও তাদের দেহের উপর আমার কখনও লালসা হয় নি, তার কারণ এ নয় যে আমি অত্যন্ত সংযমী, সাধু, নীতিবাগীশ—কারণ এই যে ওটা চিরদিনই আমার রুচিতে ঠেকেছে। যাকে ভালবাসতে পারি নে, তাকে উপভোগ করবার লালসা আমার দেহে জেগে ওঠে নি কখনও। আরও কিছু—বলিয়া দাদা চুপ করিলেন।

প্রশ্ন করিলাম—আর কিছু, কি ?

—বিশ্বকবির গানটা তোমার মনে আছে কি ?

কখনো কুপথে যদি ভ্রমিতে চাহে এ হুদি

অমনি ও মুখ স্মরি সরমেতে হই সারা।

প্রশ্ন করিলাম—তার মানে ?

—তার মানেও শুনতে চাও ? আচ্ছা শোনো। প্রথম যৌবনে আমি একটি মেয়েকে ভালবেসেছিলাম। ভালবাসা নিফল হ'ল, কিন্তু সমস্ত উচ্ছৃঙ্খলার মধ্যে সে এসে চিরদিন দাঁড়িয়েছে আমার সামনে। নশরীরে যে নয়, সে তোমায় বোঝাতে হবে না বোধ হয়।

—না। তারপর ?

—তারপর, তার পরিচয় চাও তো ? না, তা দেবো না। আজ শুধু আর একটি কথা তোমায় বলবো—এ সব কথা নিয়ে তুমি কখনও কারও সঙ্গে তর্ক করতে যেনো না—এইটি আমার আদেশ রইলো তোমার উপর।

হরিদাসবাবু শেষে লিখেছেন—এমন লোক থাকা অসম্ভব নয়, যিনি মনে করিবেন, আমি গল্প লিখিতেছি। তাঁহাদের বলিতে চাই যে, সত্য বলিয়া বিশ্বাস করিবার কারণ না থাকিলে, পরলোকগত অদ্বৈত ব্যক্তি সম্বন্ধে—তা

ঠাঁর প্রশংসারই হউক, নিন্দারই হউক—আমি কখনই ইহা প্রকাশ করিতাম না। তদ্ব্যবসায়ীগণকে একটি বিষয় স্মরণ করাইয়া দিতে চাই। শরৎচন্দ্রের সঙ্গে যাহারা ঘনিষ্ঠভাবে মিশিয়াছেন, তাঁহারা জানেন, নারীজাতি সম্বন্ধে তাঁহার কোতূহল ছিল সর্বদা জাগ্রত। নারীর কলঙ্ক সম্বন্ধে তিনি সাধারণতঃ বিশ্বাস করিতেন না। এবং তাহাদের ভুলের জন্ত সর্বদাই তিনি হৃদয়ে বেদনা অনুভব করিতেন। (সাহান।—১৩৪৬)

[হরিদাসবাবুর সহিত শরৎচন্দ্রের এই আলাপ-আলোচনার প্রথম দিকে দেখা যাচ্ছে যে, শরৎচন্দ্র শ্রীরামপুর থেকে আগত। যেরেটিকে বলেছিলেন—দশ বছর আগে আমি দিনবাতের মধ্যে কখনই প্রকৃতিস্থ থাকতাম না। সর্বদাই মদের নেশায় চুর হয়ে থাকতাম।

ঐ সময় থেকে দশ বছর আগে রেঙ্গুনে থাকার সময় শরৎচন্দ্র মদ খেলেও, তখন দিনরাতের মধ্যে কখনই প্রকৃতিস্থ থাকতেন না, এ কথা সত্য নয় বলেই মনে হয়। কেননা সর্বদাই মদের নেশায় চুর থাকলে, তিনি অফিসে চাকরি করতেন কি করে?

শরৎচন্দ্র একজন ভাল গল্প বলিয়ে ছিলেন। তিনি ঠাঁর বলা গল্পকে শ্রোতার কাছে বিশ্বাসযোগ্য ও জোরদার করে তুলবার জন্ত নিজেই হেয় করতেও বিদুমাত্র ইতস্ততঃ করতেন না। এখানে ‘সর্বদাই মদের নেশায় চুর থাকতাম’ এই কথাটাও ঐ ধরনেরই একটা কথা বলে মনে হয়।]

## অক্ষয়কুমার সরকারের সহিত আলোচনা

শরৎচন্দ্র যখন হাওড়ায় বাজে শিবপুরে থাকতেন, তখন তাঁর বাসার অদূরবর্তী শিবতলা লেন নিবাসী প্রেসিডেন্সী কলেজের অধ্যাপক অক্ষয়কুমার সরকারের সহিত তাঁর বিশেষ বন্ধুত্ব হয়। অক্ষয়বাবু অত্যন্ত আদর্শবাদী ও নীতিবাগীশ লোক ছিলেন। শরৎচন্দ্র তাঁর ‘শেষপ্রদ্ব’ উপন্যাসে যে অধ্যাপক অক্ষয়ের চিত্র আঁকেছেন, এই অক্ষয়বাবুই নাকি তার মূল। অবশ্য উপন্যাসে মূলের উপর তিনি প্রচুর কল্পনার তুলি বুলিয়েছেন।

যাই হোক, শরৎচন্দ্র বাজে শিবপুরে থাকার সময় এই অক্ষয়বাবু অনেক সময় বন্ধু শরৎচন্দ্রের বাড়ীতে বেড়াতে যেতেন, আবার শরৎচন্দ্রও অনেক সময় অক্ষয়বাবুর বাড়ীতেও আসতেন। উভয়ে মিলিত হ’লে, তখন তাঁদের মধ্যে যে সব আলোচনা হ’ত, অক্ষয়বাবু তাঁর একটি খাতায়, সে সবার অনেক কথা লিখে রেখে গেছেন।

শরৎচন্দ্র সম্বন্ধে তথ্য সংগ্রহকালে এই অক্ষয়বাবুর সঙ্গে আমার বিশেষ পরিচয় হয়েছিল। শরৎচন্দ্র সম্বন্ধে উপকরণ সংগ্রহ এবং আলোচনা করবার জন্ত আমি অনেকদিন তাঁর বাড়ীতে গিয়েছি। অক্ষয়বাবু তাঁর ‘শরৎ-স্মৃতি’র খাতাটি আমাকে দেখতে দিয়েছিলেন। আমি তা থেকে তাঁর লেখাগুলি নকল করে তাঁর খাতাটি তাঁকে ফিরিয়ে দিই।

অক্ষয়বাবুর ‘শরৎ-স্মৃতি’র খাতা থেকে শরৎচন্দ্রের সহিত তাঁর আলোচনা-গুলি এখানে দেওয়া গেল। অক্ষয়বাবু লিখে গেছেন—

“শরৎবাবুর সঙ্গে তাঁহার পুস্তক সম্বন্ধে এবং সাধারণ বঙ্গ-সাহিত্য সম্বন্ধে অনেক আলোচনা হইয়াছে। সব মনে নাই। কিছু কিছু যাহা মনে আছে, লিখিবার চেষ্টা করিতেছি।

বোধ হয়, তাঁহার সহিত প্রথম সাহিত্যের আলাপ হয়, ‘বিরাজ বৌ’ সম্বন্ধে। তাঁহার বইগুলির মধ্যে ঐ খানিই আমি প্রথম পড়ি। উহা পড়িয়া উহার অজ্ঞাতনামা লেখকের কৃতিত্বে মুগ্ধ হইয়া যাই।



এই সকল কথা উঠাতে তিনি বলিলেন, বাস্তবিকই ‘বিরাজ বো’ আমার ভাল বই।

তাহার পর বিরাজের মানসিক বিকৃতির কথা তুলিয়া আমি বলিলাম, ‘সাইকোলজিক্যালি’ ইহা কতট। সম্ভব? যে-বিরাজ স্বামীভক্তি-পরায়ণা, একদিন মুহূর্তের উত্তেজনায় সে যে একট। অঘটন ঘটাইয়া বসিল, তাহা সম্ভব কিনা।—তখন আমার মনে হইয়াছিল, বিরাজের পক্ষে লম্পট জমিদার পুত্রের নোকাই গিয়া উঠ। কোনরূপে সম্ভব নহে।

শরৎবারু বলিলেন—দিনের পর দিন অনাহারে, মনোকষ্টে তাহার শরীর ও মন দুইই বিকল হইয়া গিয়াছিল, তাহার ক্ষণিক উন্নততার অবস্থায় কিছুই অসম্ভব নহে। আমি ওরূপ অবস্থা স্বচক্ষে দেখিয়াছি।

এই কথা আর একদিন পরলোকগত অক্ষয়চন্দ্র সরকার মহাশয়ের সমক্ষে ওঠাতে তিনি বলিয়াছিলেন, ‘সাইকোলজি’র দোহাই দেওয়া চলে না।

অনেকদিন পরে আবার কাল (২৪-১-৩০) হাওড়া ‘সি-এস-পি-সি-এ অফিসে’ শরৎবারুর সঙ্গে দেখা হইল। তিনি এখন ঐ সমিতির সভাপতি। অবোল পণ্ডিত দুঃখে তাঁহাকে অনেক সময় অত্যন্ত ব্যথিত হইতে দেখিয়াছি। হাওড়ার পুলের উপর দিয়া যাইতে যাইতে হঠাৎ তাঁহাকে স্তম্ভভাবে দাঁড়াইয়া পড়িতে দেখিয়া, কারণ অসুস্থ হইয়া দেখি যে, একটি মহিষ দ্বিপ্রহরের রৌদ্রে অতিরিক্ত ভার বহন করিতে না পারিয়া মুখ খুবড়াইয়া পড়িয়া গিয়াছে, তাহার নাক দিয়া বিস্মু বিস্মু রক্ত পড়িতেছে এবং শকটচালক তাহাকে নির্দয়ভাবে নির্ধাতন করিতেছে।

তাঁহার মুখে শুনিয়াছি যে, রেঙ্গুনে তাঁহার একদল বিড়াল ছিল এবং যখন অগ্নিতে তাঁহার পুস্তকাদি মূল্যবান পদার্থ পুড়িতেছিল, তখন সে সকল দিকে তাঁহার মন কিছুমাত্র যায় নাই, কেবল বিড়ালগুলিকে বাঁচাইবার ব্যগ্রতাতেই তিনি পুনঃপুনঃ পতনোন্মুখ দাছমান গৃহমধ্যে প্রবেশ করিয়াছিলেন। ফলে তাঁহার বহু পরিশ্রমে সংগৃহীত সহস্রাধিক পতিতার আত্মকাহিনী পুড়িয়া নষ্ট হইয়া যায় এবং সেই অপূর্ব সংগ্রহের বিনাশের কথা এখনও মাঝে মাঝে তাঁহার মনকে ব্যথিত করে।

পতক্ৰেণ নিবারণী সভার সভাপতি হওয়া তাঁহার পক্ষে খুব স্বাভাবিক এবং উপযুক্ত হইয়াছে।

মুক জীব-প্রীতি তাঁহার অসাধারণ ছিল। বিপ্রহরে শকটবাহী মহিষের ক্ৰেণ দেখিয়া হাওড়ার পুলের উপর তাঁহাকে কাদিতে দেখিয়াছি। বাজে শিবপুর রোডে কালীবাড়ীতে ছাগ বলি হইতেছে, শুনিয়া তাঁহাকে উত্তেজিত হইয়া কটুভাষা ব্যবহার করিতে শুনিয়াছি।

অনেক রকম কথা হইল। একজন আই-বি ইনস্পেক্টর বসিয়াছিলেন। তাঁহার সঙ্গে শরৎবাবুর পরিচয় করাইয়া দিবার পরে আমার এক সহপাঠী সি-আই-ডির (বাবু ভবনাথ চক্রবর্তী) কথা হইল।

আমি বলিলাম—শরৎবাবু, তাঁর সঙ্গে আপনার পরিচয় আছে? আমার মনে হচ্ছে, আপনার দল কিছু কু ভাবিতে পারে।

তিনি বলিলেন—এত সহজে কারও ‘রেপুটেশন’ নষ্ট হয় না।

তিনি উপস্থিত ‘আই-বি’র নিকট হইতে কথা বাহির করিয়া লইবার চেষ্টা করিতে গিয়া বলিলেন—২৬শে তারিখে (ইন্ডিপেনডেন্স ডে) গবর্ণমেন্ট কিরূপ ব্যবস্থা করিয়াছেন?

আমি বলিলাম—আপনি আই-বি হ’লে মন্দ হ’ত না। ঠর উপরও চেষ্টা করছেন।

শরৎবাবু বলিলেন—যদি তেমন কড়া বন্দোবস্ত হয়, তাহলে আমরা কাণা খোঁড়া কতকগুলিকে দিয়ে শোভাবাত্রা বার করব, বেচারিরা জেলে গিয়ে খেয়ে বাঁচত।

আমি বলিলাম—কোথায় যেন শুনেছি এক নারী দলকে সম্মুখে রেখে যুদ্ধযাত্রার মতলব হয়েছিল।

আই-বি বলিলেন—এঁদেরও ক্রটি নেই। ছোট ছেলেদের শুইয়ে দিয়ে...

আমি বলিলাম—বিশুদ্ধানন্দ পাঠশালার ছাত্রপোষ্যদের প্রেসিডেন্সী কলেজ আক্রমণের দৃষ্ট মনে পড়ছে।

হুগলী কলেজ, সিটি কলেজ, প্রেসিডেন্সী কলেজের স্টাইক-এর কথা থেকে সাধারণত ছেলেদের ঔদ্ধত্য, অবিনয় এবং ছাত্র-শিক্ষক সম্বন্ধ ও ছাত্র-সমস্তার কথা উঠিল।...

ঐযুক্ত চিত্তরঞ্জন দাশের ভ্যাগের কথা উঠিল। শরৎবাবু বলিলেন—  
'সেটিমেণ্ট' একটা খুব বড় জিনিস। না হ'লে বড় কাজ হয় না।

আমি বলিলাম—দাশ মহাশয়ের আত্মভ্যাগের মূলে খুব বড় একটা  
'রিজ্‌ন' ছিল মনে হয়। তিনি হয়ত বুঝতে পেরেছিলেন যে, ঐরকম একটা  
ভ্যাগের ফলে একটা খুব বড় দল গড়ে উঠবে। সেইটাই তাঁর 'রিজ্‌ন'।

শরৎবাবু স্বগতভাবে বলিলেন—আশ্চর্য! দারিদ্র্যের কষ্টতেই যে তাঁর  
অকাল মৃত্যু হ'ল, তা কেউ বুঝলো না। একদিন আমাকে তিনি বলেছিলেন  
—শরৎবাবু, মাসে ৩০০ টাকা না হলে আমার চলে না দেখছি। এই  
রকম বাঁধা আয় যদি আমার একটা থাকত।—আমি মনে করেছিলুম বলি,  
আমি নিজেই তো সে রকম ব্যবস্থা করতে পারি, কিন্তু বলতে ভরসা  
করি নি।

শরৎবাবু আবার বলিলেন—কি অপরিমীম ছিল তাঁর বিশ্বাস (ফেথ্)।  
স্বট লেনে কোন উপকৃত বড় লোকের (যাকে তিনি জেল থেকে বাঁচিয়ে ছিলেন)  
কাছ থেকে দেশের জন্ম টাকা আদায় করতে তাঁর সঙ্গে গিয়ে, যখন সে  
লোকটির ব্যবহারে বিরক্ত হয়েছিলুম, তিনি বলেছিলেন—অগ্র প্রদেশে যাই  
হউক, বাঙ্গালী সম্বন্ধে আমি এ বিষয়ে হতাশ নই। তাদের হয়ত ভাল করে  
বুঝতে পারছি না। নিশ্চিত বুঝতে পারলে তারা টাকা ঢেলে দেবে এ  
আমার দৃঢ় বিশ্বাস।

### শরৎবাবুর নারী-চরিত্র

শরৎবাবুর উপন্যাসগুলিতে নারী চরিত্রের যে সব মনোরম বিশ্লেষণ আছে,  
তাহা সাহিত্য-রসিক যাত্রের উপভোগ করিয়াছেন এবং সমালোচকের কঠিন  
কটিপাথরেও নিয়ত পরীক্ষিত হইতেছে। কিন্তু আমি তাঁহার নিজের মুখ  
হইতে নারী-চরিত্রের যে বর্ণনা ও বিশ্লেষণ শুনিয়াছি, তাহাও কম অপূর্ব নয়।

'মোটাই অবলা নয়', একদিন তিনি বলিলেন। নারীকে লোকে এবং  
কাব্য সাহিত্যে অবলা বলে কেন? তাহার অনেক বিষয়ে যাহা করিতে  
পারে, তাহা অনেক হুঃসাহসিক পুরুষের পক্ষেও অসম্ভব। শাস্ত্রকারেরা  
তাদের কাম-প্রবৃত্তি সম্বন্ধে যাহা বলিয়া গিয়াছেন, তাহা ঠিক সত্য না হইতেও

পারে। তবে কোধে উত্তেজিত বা কামনায় উন্নত রমণীকে বাহা করিতে দেখিয়াছি, পুরুষকে কখনও সেরূপ করিতে দেখি নাই।

১৩।১৪ বৎসরের একটি মেয়ে কুপথে আসিবার এক সপ্তাহের মধ্যে চারি পাঁচ জন মাতালের মধ্যে নিরুদ্বেগে রাত্রি কাটাইতে পারে। কিন্তু ঐ বয়সের কোন ছেলে বিদেশে নিরাপদ স্থানে লজ্জায় এবং উদ্বেগে অতি সন্ত্রস্ত হইয়া পড়ে। চিরকালের গৃহস্থ রমণী ঘটনাক্রমে একবার পতিতা বা ধর্মিতা হইলে, অতি অল্পকালের মধ্যেই লজ্জা-সরমের মাথা খাইয়া নূতন জীবনে যেরূপ অভ্যস্ত হইয়া পড়ে, পুরুষ অল্প সময়ের মধ্যে সেরূপ হয় না। এরূপ একজন প্রৌঢ়াকেও এক সপ্তাহের মধ্যে সাধারণ স্থানে, পথে ঘাটে মাতলামি করিতে বা নির্লজ্জ কুকথা বলিতে দেখিলেও আশ্চর্য হইবার কিছুই নাই।

আবার প্রণয়াস্পদের জন্ত ইহাদের অকরণীয় কিছুই নাই। বর্মার কথা। একজন বান্ধালী মেয়ে এক বস্তীতে একজন রুগ্ন, ক্লান্ত, কদাকার পুরুষকে লইয়া থাকিত। সে নানাভাবে……প্রণয় নিবেদন করিল।……তাহার সজ্জলিঙ্গা প্রবল হইয়া উঠিল। কয়েকদিন একত্র কাটাইবার পর সে অসুস্থ হইল। আহা! নিদ্রা পরিত্যাগ করিয়া পাগলের মত ঘুরিতে লাগিলাম। বাড়ীউলি একদিন সহায়ভূতিতে বলিয়া ফেলিল—কাহার জন্ত এমনভাবে শরীরপাত করিতেছ। সে কেমন তোমাকে ঠকাইয়া তাহার বন্ধুর জন্ত টাকা রোজগার করিতেছিল। এখন তাহার সঙ্গে চলিয়া গিয়াছে। তোমার উপর তাহার কখন কিছুমাত্র দরদ ছিল না।—আশ্চর্য! মেয়েটি কিন্তু বাস্তবিকই অত মন্দ নয়। শুধু প্রণয়াস্পদের হিতের জন্তই সে এমন হীন প্রতারণা করিয়াছিল।

তিন চারি ছেলের মা, ভ্রূষরের মেয়ে, লজ্জাসরম ত্যাগ করিয়া সকলের সান্নাতে নিঃসঙ্কোচে পরপুরুষের হাত ধরিয়া বাহির হইয়া গিয়াছে, দেখিয়াছি। (শেষের পরিচয়)

৪-২-৩২

গ্রীষ্মের ছুটির মধ্যে একদিন সামতাবেড় গিয়াছিলাম। কয়েক ঘণ্টা আবার আগের মতই আনন্দে কাটিল।...

রবীন্দ্র-জয়ন্তীর বইখানি দেখাইয়া যেন এই রকম কথা বলিলেন—  
আইনস্টাইন লিখিয়াছেন, যিনি যে কার্য করেন, তাহা পূর্ব হইতে বিধিনির্দিষ্ট।

করিব বলিলেই করা যায় না এবং করিব না মনে করিলেও অদৃষ্ট নির্দেশ লক্ষ্যন করা যায় না।

জুলাই, ১৯৩৫

সেদিন শরৎবাবুর মনোহরপুকুরের বাড়ীতে গিয়াছিলাম। তিনি তখন ইজিচেয়ারে বসিয়া গুড়গুড়ি টানিতেছিলেন। নিকটের তক্তপোষের উপর ফরাসে দুইটি তরুণ।...

কথায় কথায় নারী-প্রগতি সম্বন্ধে আলাপ আরম্ভ হইল, তরুণ দুইটি ও শরৎবাবুর মধ্য। আমি শুনিতে লাগিলাম। শরৎবাবু বলিলেন—এই স্থানে অল্পদিন আসিয়াছি। ইহার মধ্যে নারী-প্রগতি যে কিরূপভাবে অগ্রসর হইতেছে, তাহার কয়েকটি উদাহরণ দিতে পারি—

১। এ অঞ্চলে মহিলাদের এক ক্লাব আছে। সেখানে নাকি স্ত্রী-পুরুষের অসঙ্কোচ আলাপের ব্যবস্থা। আমি একদিন নিমন্ত্রিত হয়ে যাই। দেখলুম, নামে অসঙ্কোচ হলেও সঙ্কোচ অধিকাংশেরই একেবারে কাটে নাই।

২। কোন এক মহিলা এই অঞ্চলে (বালিগঞ্জ) শিক্ষকতা করেন। বয়স প্রায় ৩০ বৎসর। আমায় সেদিন বলিলেন—দাদা আপনাকে একটা কথা জিজ্ঞাসা করি, যদি দৈহিক প্রয়োজনে কেহ গর্ভনিরোধ ব্যবস্থা করিয়া পুরুষ সঙ্গ করে, তাহাতে সামাজিক বা নৈতিক কি দোষ হইতে পারে? আমার এক ভগিনী মফঃস্বলে এক প্রফেসরের স্ত্রী, এখানে প্রসব হইতে আসিয়াছেন। আয় অল্প। দুই চারিটি পুত্রকন্যা হইলে তাহাদের কত অসুবিধা বলুন তো?

সেই মহিলাটি তাঁহার নিজের বিবাহের সম্ভাবনা সম্বন্ধে জিজ্ঞাসিত হইয়া বলেন—বিবাহের বয়স আমার অতিক্রান্ত হইয়া গিয়াছে। বিবাহের বয়স ২০ বৎসরের মধ্যে বা তাহার কাছাকাছি। ৩০।৩২ বৎসর বয়সে বিবাহ বিবাহই নয়। না থাকে রোমান্স না থাকে...

তিনি মিষ্টভাষী ও হ্রস্বসিক ছিলেন। তিনি সকলকে লইয়া রহস্ত করিতেন। কিন্তু কখনও কাহাকেও বিজ্ঞপ্ত করিয়াছেন বলিয়া মনে পড়ে নাই। তাঁহার বন্ধু-বান্ধবের মধ্যে সাধারণ অসাধারণ সকলের উপরই তাঁহার

রহস্যধারা বহিত হইত। রবীন্দ্রনাথ, জলধরবাবু, রামানন্দবাবু প্রভৃতির উপর তাঁহার রহস্যের ধারা যেমন বর্ষিত হইত, এই তুচ্ছতম বন্ধুর উপর তাঁহার স্রোত তেমনই বহিত। তিনি একদিন আমাকে বলিলেন—অনেকে ‘শেষ-প্রশ্নের’ ইতিহাসের অধ্যাপক অক্ষয়কে আপনি বলিয়া মনে করিতেছেন। স্মরণ্য এবারকার সংস্করণে ফুটনোটে লিখে দিতে হবে, ‘ইনি আমার বন্ধু অক্ষয়বাবু নহেন।’

আর একবার তাঁহার বাড়ী যাইতেই তিনি তাঁহার পাচককে ডাকিয়া বলিলেন—ঠাকুর, রামানন্দবাবু তোমার কে হন?

ঠাকুর উত্তর করিল—খুড়া।

শরৎবাবু বলিলেন—রামানন্দবাবু আমার উপর বড় চটা, সেইজন্ত তাঁহার ভাইপোকে রাখুনি রাখিয়াছি। এটি চাটুষ্যে এবং ঝাঁকুড়ায় বাড়ী।

তাঁহার রহস্য অনেকে না বুঝিয়া বিেষম মনে করিত। একদিন সুরেন্দ্রবাবু (ভক্তার দাশগুপ্ত) কিছুক্ষণ আলাপের পর উঠিয়া গেলে বলিলেন—দাশগুপ্তের চেয়ে আপনার রহস্যবোধ বেশী আছে। আমার রহস্য না বুঝিয়া উনি প্রতিবাদ করিলেন। কথাটা ‘সিরিয়াস’ মনে করিলেন, আপনি কিন্তু সেরূপ করেন না।

তাঁহার কতকগুলি রহস্যের কথা মনে হইতেছে। একদিন বলিলেন—আপনি একটু দেরিতে আসিয়াছেন। একটু আগে আসিলে দেখিতেন, কত সহজে আজ একটা সাম্প্রদায়িক সমস্তার মীমাংসা করিয়া দিলাম। আজ কয়েকটি ব্রাহ্ম মহিলা আসিয়াছিলেন। তাঁহারা আমার সাহিত্য-ভক্ত, কিন্তু তাঁহাদের মনে একটু কষ্ট হইয়াছে, ‘অচলা’র চরিত্র অঙ্কণ সম্বন্ধে। আমি নাকি সাম্প্রদায়িক বিবেচনায় অচলার চরিত্র এমনভাবে চিত্রিত করিয়াছি যাহাতে ব্রাহ্ম সম্প্রদায়ের অপমান করা হইয়াছে।

আমি বলিলাম—আপনি আপনার ভক্তগণকে কি কৈফিয়ৎ দিলেন?

তিনি বলিলেন—আমি বলিলাম যে, আমি কোনকালেই সাম্প্রদায়িক বিরোধের পক্ষপাতী নহি। আপত্তিজনক অংশ নূতন সংস্করণে নিশ্চয় পরিবর্তন করিয়া দিব।

আমি বলিলাম—কি রূপ পরিবর্তন?

তিনি বলিলেন—অচলার সম্বন্ধে যেখানে ‘আজীবন ভূষণ’ আছে, সেখানে ‘আজীবন পিপাসা’ লিখিতে হইবে।

বাস্তবিক রামানন্দবাবুর উপর তাঁহার স্থায়ী বিদ্বেষ ছিল কিনা জানি না, তবে একবার শরৎবাবু রামানন্দবাবু সম্বন্ধে একটু অশ্রুযোগ করিয়াছিলেন।

সম্প্রতি (১৩৪৬ আষাঢ়-আশ্বিন মধ্যে) শরৎবাবু সম্বন্ধে রামানন্দবাবু (প্রবাসী-সম্পাদক) ও নরেন্দ্র দেবের (শরৎবাবুর জীবনী-লেখক) মধ্যে বেশ বাক-বিতণ্ডা চলিতেছে। তাহার বিষয় এই যে, শরৎবাবুকে প্রবাসী ও মজারন্ রিভিউতে লিখিবার জন্ত রামানন্দবাবুর পুত্র জামাতা প্রভৃতি সামতাবেড়ে গিয়া অশ্রুরোধ করিয়াছিলেন কি না এবং রামানন্দবাবুর শরৎবাবুর লেখা প্রকাশ করিতে কোনকালে অনিচ্ছা ছিল কিনা।

এ সম্বন্ধে রামানন্দবাবু (.....প্রবাসীতে) যে টিপনী করিয়াছেন, তাহা হইতে মনে হয়, তিনি যেন বলিতে চান যে, কোনকালেই শরৎবাবুর লেখা তাঁহার কাগজে প্রকাশিত হইবার কোনরূপ বাধা ছিল না। কিন্তু আমার কাছে রামানন্দবাবুর স্বহস্ত লিখিত এক পত্রাংশ আছে, যাহা তিনি তাঁহার বন্ধু স্বর্গীয় সবজজ্ঞ জ্ঞানচন্দ্র বন্দ্যোপাধ্যায় মহাশয়কে জানাইয়াছিলেন—“যিনি ব্রাহ্ম মাত্রই বদমাইস বলিয়া থাকেন, তাঁহার লেখা আমার কাগজে ছাপিতে পারি না। ইহাতে যদি আপনার বন্ধু আমাকে অহুদার মনে করেন, আমি অহুদার।”

১৮-১০-৩৯

শরৎবাবুর মূখে একবার শুনিয়াছিলাম, “আপনারা কি এখনও বঙ্কিমবাবুকে ‘সাহিত্য-সম্রাট’ বলিবেন।” বহরমপুর কলেজের লাইব্রেরিয়ান শ্রীযুক্ত অভুল দত্তের সহিত শরৎবাবুর তর্কের পর একবার অতুলবাবু যেন বিরক্তি প্রকাশ করিয়াছিলেন বলিয়া মনে হয়। তাহার পরে বঙ্কিমবাবুর সাহিত্যিক শ্রেষ্ঠতার সম্বন্ধে শরৎবাবুর প্রতিকূল মতের উপর তীব্র আক্রমণ ‘শনিবারের চিঠি’তে দেখিয়াছি।

শরৎবাবু আর একবার অভিমত প্রকাশ করিয়াছিলেন যে, একমাত্র ‘কপালকুণ্ডলা’তেই বঙ্কিমবাবুর শ্রেষ্ঠ সাহিত্যিকতার নিদর্শন পাওয়া যায়। তাই আমরা কপালকুণ্ডলা পড়িতাম।”

[ অক্ষয়বাবুর শরৎচন্দ্রের সহিত আলাপ-আলোচনামূলক এই লেখাটির মধ্যে, এই গ্রন্থের ২১ পৃষ্ঠায় দু'জায়গায় ‘.....’ আছে। অক্ষয়বাবু ঐ দু'জায়গায় শরৎচন্দ্রের নিজের কথা বলে ইচ্ছা করেই, যথাক্রমে ‘আমার কাছে’ ও ‘আমার’ এই কথা দুটি লেখেন নি।

যাই হোক, অক্ষয়বাবুর এই লেখাটি থেকে দেখা যাচ্ছে যে, শরৎচন্দ্র রেজুনে এক সময় একটি ক্লম্ব, ক্লশ ও কদা'কার লোকের প্রণয়িনীর সহিত কিছুদিন একত্রে কাটিয়েছিলেন।

এই কাহিনীটির সত্যতা সন্দেহে অক্ষয়বাবুর কি মত, তা জিজ্ঞাসা করলে তিনি বলেছিলেন—সত্য হ'লেও হতে পারে। তবে কিন্তু মিথ্যা বানানো গল্প বলেই আমার মনে হয়।

এই কাহিনীটি সন্দেহে আমারও বক্তব্য এই যে, ঘটনাটি সত্য হ'লেও হ'তে পারে। তবে ঘটনাটি সত্য নয় বলেই আমারও মনে হয়।

শরৎচন্দ্র একবার এক পত্রে জীবন্ত সাহিত্য-সৃষ্টির কথা বলতে গিয়ে দিলীপকুমার রায়কে লিখেছিলেন—

“সব চেয়ে জ্যাস্ত লেখা সেই, যা পড়লে মনে হবে গ্রন্থকার নিজের অন্তর থেকে সব কিছু ফুলের মত বাইরে ফুটিয়ে তুলেছে। দেখোনি বাঙ্গলা দেশে আমার সব বইগুলোর নায়ক-নায়িকাকেই ভাবে, এই বুঝি গ্রন্থকারের নিজের জীবন, নিজের কথা। তাই সজ্জন সমাজে আমি অপাংক্তেয়। কতই না জনশ্রুতি লোকের মুখে মুখে প্রচারিত।”

শরৎচন্দ্র যেমন জ্যাস্ত লেখা লিখতেন, তেমন গল্পও বলতেন জ্যাস্ত গল্প। তাঁর মুখের গল্প শুনলে, সেই গল্পকে এতটুকুও অবিশ্বাস করবার উপায় থাকত না। আর তিনি তাঁর গল্পকে জীবন্ত করে তুলবার জন্য নিজের অভিজ্ঞতার দোহাই দিয়ে, এমন কি নিজের ব্যক্তিগত জীবনের কথা বলেও চালিয়ে যেতেন। এতে তিনি শ্রোতার কাছে খেলো হবেন কি, ভাল হবেন, সেদিকে খেয়ালই রাখতেন না।

শরৎচন্দ্রের সঙ্গে ধারা পরিচিত ছিলেন, তাঁরা সকলেই জানতেন যে, শরৎচন্দ্রের গল্প বলার বিরূপ অসাধারণ ক্ষমতা ছিল। আর তাঁর কথা বলার ভঙ্গীতেও এমন একটা যাদু ছিল যে, শ্রোতার। তাঁর কথা শুনে অভিজ্ঞত হয়ে যেতেন।



এ সম্বন্ধে বিখ্যাত সমালোচক মোহিতলাল মজুমদার লিখেছেন—গল্প  
 তুলিয়া অভিজ্ঞত হইয়াছিলাম। শুধু গল্প নয়, গল্প বলিবার আশ্চর্য ভঙ্গীতেও।  
 শরৎচন্দ্রের গল্প সকলে পড়িয়াছেন ও মুগ্ধ হইয়াছেন। কিন্তু তাঁহার মুখে বাহা  
 শুনিয়াছি, তাহার অল্পপ্রেরণা আর এক ধরণের, তাহাতে ভাবের সংক্রামতা  
 আরও অব্যর্থ।

শরৎচন্দ্রের স্নেহভাজন সাহিত্যিক প্রেমাস্কর আতর্থীও লিখেছেন—  
 অনেকেই হয়ত জানেন যে, শরৎচন্দ্র একজন ভাল গল্প বলিয়ে ছিলেন। তাঁর  
 লেখার চেয়ে তাঁর গল্প বলার কায়দা ছিল আরো মনোহর।

শরৎচন্দ্র বন্ধুত্বহলে সঙ্গে সঙ্গে বানিয়ে গল্প বলতেও খুব দক্ষ ছিলেন।

তাই মনে হয়, শরৎচন্দ্র অক্ষয়বাবুর কাছে নারী-চরিত্র সম্বন্ধে ব্যাখ্যা  
 করতে গিয়ে, নারী প্রণয়াম্পদের জন্ম কি-না করতে পারে, এই গল্পটিকে জ্যান্ত  
 গল্প করবার জন্ম এভাবে নিজেকে জড়িয়েই হয়ত এই কাহিনীটি বিবৃত  
 করেছিলেন।

২৪ পৃষ্ঠায় উদ্ধৃত ‘রামানন্দবাবুর স্বহস্তলিখিত পত্রাংশ’টির একটি  
 ইতিহাস আছে। তা এই :—

রামানন্দবাবুর বন্ধু সাবজজ্ঞ জ্ঞানচন্দ্র বন্দ্যোপাধ্যায় অক্ষয়বাবুরও বন্ধু  
 ছিলেন। রামানন্দবাবুর সঙ্গে জ্ঞানবাবুর বিশেষ বন্ধুত্ব থাকায়, অক্ষয়বাবু এক  
 সময় জ্ঞানবাবুকে বলেছিলেন—আপনি রামানন্দবাবুকে বলে শরৎবাবুর কিছু  
 লেখা প্রবাসীতে ছাপাবার ব্যবস্থা করুন না!

শরৎচন্দ্র কিন্তু এ ব্যাপারের কিছুই জানতেন না। অক্ষয়বাবু তাঁকে না  
 জানিয়েই জ্ঞানবাবুকে ঐ কথা বলেছিলেন।

অক্ষয়বাবুর কথামত, জ্ঞানবাবু এক সময় রামানন্দবাবুকে প্রবাসীতে  
 শরৎচন্দ্রের লেখা ছাপানোর কথা বললে, তখন রামানন্দবাবু শরৎচন্দ্রের লেখা  
 ছাপাতে কেন অক্ষম তার কারণ জানিয়ে জ্ঞানবাবুকে এক চিঠি দিয়েছিলেন।

জ্ঞানবাবু রামানন্দবাবুর চিঠির মধ্য থেকে, শরৎচন্দ্রের লেখা ছাপাতে  
 রামানন্দবাবুর আপত্তির কারণটুকু কেটে নিয়ে, এক চিঠির সঙ্গে অক্ষয়বাবুর  
 কাছে পাঠিয়ে দিয়েছিলেন।

এইটাই অক্ষয়বাবুর বর্ণিত রামানন্দবাবুর স্বহস্তলিখিত পত্রাংশ।]

## কালিদাস রায়ের সহিত আলোচনা

শরৎচন্দ্রের তখন সবেমাত্র ‘বড়দিদি’, ‘বিরাজ বোঁ’ প্রভৃতি খানকয়েক বই প্রকাশিত হয়েছে।

কবি কালিদাস রায় ঐ সময় কলেজের ছাত্র। কালিদাসবাবু শরৎচন্দ্রের ‘বিরাজ বোঁ’ পড়ে সেই সময় একদিন ‘ঘমুনা’ অধিসে শরৎচন্দ্রের কাছে গিয়ে তাঁকে জিজ্ঞাসা করেছিলেন—স্বামীর উপর অভিমান করে বিরাজ বোঁ-এর আত্মহত্যা করবার কথা। আত্মহত্যা করবার জন্তু জলে সে ঝাঁপও দিতে গিয়েছিল। মাঝ থেকে জমিদার পুত্রের বজরায় তাকে নিয়ে গিয়ে তার সতী-বুদ্ধিকে ক্ষুণ্ণ করলেন কেন? ‘সাইকোলজি’র বিধি অনুসরণ করতে করতে ‘প্যাথোলজিক্যাল কন্ডিশনের সাহায্য নিলেন কেন?

শরৎচন্দ্র কালিদাসবাবুর এই প্রশ্নের উত্তরে সেদিন তাঁকে বলেছিলেন— উপন্যাসের মূল কথাটাই বোঝ নি। পারিবারিক অশান্তির জন্তু হিন্দুনারীর আত্মহত্যার স্ফূর্তি চিত্র-অঙ্কনই আমার উদ্দেশ্য নয়। নারী অভিমানে আত্মহত্যা করে। অতিরিক্ত অভিমানিনী ও অতিবিড়ম্বিতা নারী অভিমানে তারও বেশী করতে পারে। সতীর পক্ষে প্রকৃত আত্মহত্যা তার সতীত্বের হত্যা। আমি তাও তো করাই নি। মুহূর্তের উত্তেজনায় অভিমানিনী লাজিত। সতী ভুল করতে পারে, কিন্তু প্রকৃতিস্থ হওয়া মাত্র তার অন্তর্নিহিত সতীধর্ম তাকে ভ্রান্তি থেকে রক্ষা করে। আমি তাই দেখাতে চেয়েছি। আর তুমি যে ‘প্যাথোলজি’র কথা বললে—তা ‘সাইকোলজি’রই অন্তর্গত। যেমন, হৃদয় অবস্থা আর ব্যাধিত অবস্থা, দুই-ই জীবনের অন্তর্গত। মন যার আছে, মনের ব্যাধিও তার ঘটতে পারে। উপন্যাস গল্পে মনের হৃদয় সজীবতার স্থান আছে, মনের ব্যাধির স্থান নেই, এ আমি মনে করি না। তাছাড়া মানব চরিত্র অত্যন্ত জটিল। ক্রমে বয়োবৃদ্ধির সঙ্গে পরিচয় হলে দেখবে, যা আজ অস্বাভাবিক বলে মনে করছ, যাকে প্যাথোলজিক্যাল কন্ডিশন বলে তোমার মনে হচ্ছে, দেখবে তা সাইকোলজির গভী অতিক্রম করেনি। মানব

সংসারের বা আমি নিজের অভিজ্ঞতায় জানি না, কথা-সাহিত্যে তার ঠাই দিই নি। এইটাই আমার প্রধান সমর্থন।

পরে এই সাহিত্যের সৃষ্টেই শরৎচন্দ্রের সঙ্গে কালিদাসবাবুর বিশেষ পরিচয় হয়েছিল এবং তিনি শরৎচন্দ্রের বিশেষ স্নেহভাজনদেরও একজন হয়েছিলেন।

কালিদাসবাবু পরে শরৎচন্দ্রকে একদিন বলেছিলেন—আমি একটা আবিষ্কার করেছি দাদা। আপনি লিখবার প্রেরণা ও দীক্ষা পেয়েছেন ‘চোখের বালি’ পড়ে।

কালিদাসবাবুর এই কথা শুনে শরৎচন্দ্র বলেছিলেন—তুমি ঠিক ধরেছ ভায়া, আমি ঐ চোখের বালি খানা পড়েছি ২৪ বার। আর রীতিমত ওর ওপর দাগা বুলিয়েছি। তবে আর একখানা বই-এর নাম করলে না কেন? আমি ‘নষ্টনীড়ে’র কথা বলছি। ওখানাও অন্ততঃ ২০ বার পড়েছি। আমার সাহিত্য রচনার দীক্ষা ঐ বই দুখানা থেকে।

এরপর শরৎচন্দ্র তাঁর সমসাময়িক একজন ঔপন্যাসিকের নাম উল্লেখ করে বলেছিলেন—দেখ, অমুক প্রট প্রট করে রবীন্দ্রনাথকে জ্বালাতন করে। সে মনে করে, একটা প্রট পেলেই বুঝি একখানা উপন্যাস লেখা হয়ে গেল। সে প্রটের জন্ত বিলিতি নভেলগুলো পড়েও অনেক সময় নষ্ট করে। আবার শুনেছি, প্রটের জন্ত প্রত্যেক সন্ধ্যায় বায়স্কোপও দেখে। লিখতে জানলে কি প্রটের জন্ত আটকায়? আমি কোন প্রট ভেবে লিখতে বসি না। একটা কোন চোখে দেখা সত্য ঘটনা অথবা একটা ঘর-সংসারের চিত্র নিয়ে স্তব্ব করে দিই—তারপর কলম চলতে থাকে। তাতে যা হোক একটা কাঠামো দাঁড়ায়। তারপর যা স্বাভাবিকভাবে আসবার কথা তাই আসে। কোন একটা বিচিত্র ব্যাপার বা ঘটনা জানি বলেই সেটাকে জোর করে ঢুকোবার চেষ্টা করি না। এতে যদি কোন প্রট না দাঁড়ায় তাতেই বা কি আসে যায়। আর কিছু হোক বা না হোক—বাস্তব জীবনের একটা চিত্র তো ফুটে ওঠে। তা হলেই সাহিত্য হলো। যেখানে বাইরের ঘটনা জোটে, সেখানে ঘটনাকেই অবলম্বন করা যায়। যেখানে জোটে না, সেখানে মুখের কথায়, আচরণে, ব্যবহারে, হাবভাবে, চালচলনে চরিত্র ফোটে—জীবনও ফোটে। চরিত্রগুলি যে আমাদের মতই জীবন্ত। তাদের মননশক্তি আছে, মস্তিষ্ক আছে, হৃদয় আছে।

ভাদের মনের ভিতরে ভিতরে কি মহামারী কাণ্ডই না হচ্ছে ! সেখানে ভায়ের সঙ্গে ভায়ের, আদর্শের সঙ্গে আদর্শের, সত্যের সঙ্গে স্বপ্নের, স্বাধীন চিন্তার সঙ্গে সংস্কারের কি কুরুক্ষেত্রই না হচ্ছে ! মনের ভিতরকার যে ঘটনাগুলো বাইরের ঘটনার চেয়ে ঢের বেশী জীবন্ত, সেগুলোর কথা লিখলেই তো প্লটও হয়—সাহিত্যও হয় ।

শরৎচন্দ্রের এই কথার উত্তরে কালিদাসবাবু বলেছিলেন—তাতে ‘গুড্‌ নভেল’ হয়, ‘গ্রেট নভেল’ হয় না । গ্রেট নভেল লিখতে হলে, একটা সূনিদিষ্ট পরিকল্পনা আগে হতে মনে তৈরি থাকা চাই ।

কালিদাসবাবুর কথার উত্তরে শরৎচন্দ্র বলেছিলেন—তোমাদের ঐ কলেজে পড়া কতগুলো তোতাপাখীর মত বুলি আছে । আমার গ্রেট নভেলে কাজ নেই, রবীন্দ্রনাথ তা লিখুন । (কালিদাসবাবু বলেন—শরৎচন্দ্র ‘রবীন্দ্রনাথ তা লিখুন’ বলে রবীন্দ্রনাথের ‘গোরা’ উপন্যাসের ইঙ্গিত করেছিলেন ।)

শরৎচন্দ্রের ‘শ্রীকান্ত’ উপন্যাসের ৩য় পর্ব প্রকাশিত হ’লে, কালিদাসবাবু একদিন শরৎচন্দ্রকে বললেন—একি হলো দাদা, আপনি শেষে সমাজ-ভীকু গোড়া হিন্দুর মত রাজলক্ষ্মীকে কালীবাসিনী করে গুরুর চরণে সমর্পণ করলেন । তাকে একেবারে থেরী অস্থপালী বানালেন, আর শ্রীকান্তকে দিলেন বিদায় ?

উত্তরে শরৎচন্দ্র বললেন—আমি তোমাদের বর্ণাশ্রমী হিন্দু নই, কিন্তু সমাজের বাইরের লোকও নই । শ্রীকান্তের ভ্রমণ-কাহিনী এটা, তোমরাই তো বলো, এটা মামুলি ধরণের নভেল নয় । ভ্রমণ-কাহিনীই যদি হয়, তবে ভ্রমণ-কাহিনীর শেষ দেখাতে হয় । (অবশ্য যদি বেঁচে থাকি কিছুদিন) শেষ দেখাতে হবে—এখানেই শেষ হলো না । তাতে দেখবে, আমি কোন্‌ জেলীর হিন্দু ।

কালিদাসবাবু বললেন—দাদা, আমার মনে হয়, শ্রীকান্ত নভেলও নয়, ভ্রমণ-কাহিনীও নয় । এটা কাব্য—এটা রীতিমত একটা এপিক কাব্য ! এটা যদি না বুঝে থাকি, তবে শ্রীকান্ত বুঝি নি ।

শরৎচন্দ্র বললেন—হ্যাঁ হে ভায়া, নিজ মুখে সেটা আর বললাম না, সেটা

বল। আমার স্পর্ধার কথাই হতো। কাব্যের শেষ পরিচ্ছেদ এখনও লেখা হয়নি।

শরৎচন্দ্রের বইগুলি সম্বন্ধে কালিদাসবাবু নিজের মন্তব্য মাঝে মাঝে শরৎচন্দ্রকে জানাতেন। অবশ্য, প্রতিকূল মন্তব্য কোনদিন জানানি নি।

শরৎচন্দ্র কালিদাসবাবুকে একদিন বললেন—তোমাকে আমার সম্বন্ধে লিখতে হবে, তবে আমার জীবদ্দশায় নয়। আমার জীবদ্দশায় লিখলে, স্বাধীন অপক্ষপাতভাবে লিখতে পারবে না। বাস্তব হবার দরকার নেই। আমার দিন তো ফুরিয়ে এলো !

শরৎচন্দ্রের এই কথার উত্তরে কালিদাসবাবু বললেন—না-না, আপনার শরীরে কোন রোগ নেই, ডায়াবেটিস নেই, ব্রাডপ্রেসার নেই। চুল পাকা ছাড়া বার্ধক্যের কোন লক্ষণ নেই। কর্মক্ষমতা ও দৈহিক সামর্থ্য অটুট রয়েছে,—দেখবেন, আশি বছর পর্যন্ত বাঁচবেন। তাছাড়া কেউ কি বলতে পারে দাদা, কবে কার দিন ফুরবে ?

শরৎচন্দ্র বললেন—তা ঠিক, তবে তোমার সঙ্গে আমার ব্যেঙ্গের যে তফাৎ তাতে প্রত্যাশা করি, তুমি আমার কথা লিখতে যথেষ্ট সময় পাবে। রোগ রোগ করা আমার অভ্যাস নয়, তাই বুঝতে পার না। আমার শরীরটা ভিতরে ভিতরে ভেঙ্গে গেছে। যাক সে কথা !

কালিদাসবাবু, শরৎচন্দ্রের জীবদ্দশাতে তাঁর সম্বন্ধে লিখতে শুরু করেন নি বটে, তবে তাঁর সঙ্গে আলাপ-আলোচনার কিছু কিছু নোট রাখতেন, একদিন তাঁর সম্বন্ধে লিখবেন এই ভরসায়। কিন্তু কালিদাসবাবুর পক্ষে মুশ্কিল ছিল, তিনি কিছুতেই শরৎচন্দ্রকে সাহিত্যের আলোচনায় নামাতে পারতেন না। কালিদাসবাবু যখনই কোন সাহিত্য-প্রসঙ্গ তুলতেন, তখনই শরৎচন্দ্র বলতেন—ও থাক ভাই, একটা গল্প শোন।

কালিদাসবাবু বলতেন—তা না হয় শুনছি। কিন্তু আমাকে যে আপনার কথা লিখতে হবে, আপনি আপনার সাহিত্যের প্রসঙ্গ উঠলেই থামিয়ে দেন, লিখব কি তবে ?

শরৎচন্দ্র বলতেন—আমার যা কিছু বলবার, তার সবই আমার বই-এ

আছে, এত বেশী আত্মকথা ও অভিজ্ঞতার কথা কারো লেখায় পাবে না। আমার কাছে গল্প ছাড়া, বাজে কথা ছাড়া কিছুই শোনবার নেই ভাই! আমার বই থেকে যদি কেউ আমার অন্তর্জীবনের সব কথা উদ্ধার করতে না পারে, তাহলে সে আমার কথা লিখতে পারবে না। লেখকের জীবন-কথার যা প্রকাশযোগ্য তা কি তার লেখার বাইরে বিশেষ কিছু থাকে? আর সাহিত্যালোচনা মানে তর্ক বা বাদানুবাদ। তর্ক করার ক্লেশটা আমি এড়াতেই চাই।

কলকাতায় শিল্পী ও সাহিত্যিকদের সংস্থা 'রসচক্র'র সভাপতি ছিলেন শরৎচন্দ্র এবং সম্পাদক ছিলেন কালিদাসবাবু। শরৎচন্দ্র কলকাতায় থাকলে রসচক্রের অধিবেশনে যোগ দিতেন। প্রতি রবিবারে তখন এই রসচক্রের অধিবেশন বসত। কালিদাসবাবু 'রসচক্র'র বৈঠকে শরৎচন্দ্রের সঙ্গে সাহিত্য সম্বন্ধে আলোচনা করবার বা তাঁকে প্রশ্ন করবার কোন অবকাশ পেতেন না। কাজেই সপ্তাহে ২৩ দিন অন্ততঃ শরৎচন্দ্রের বাড়ীতে সকাল বেলায় কালিদাসবাবু যেতেন। কালিদাসবাবু গিয়ে দেখতেন, শরৎচন্দ্রকে চটিয়ে দিলে কিছু কিছু কথা বার করা যায়। শ্রীকান্তের ঐর্ঘ্য পর্ব বেরোনোর পর একদিন কালিদাসবাবু বললেন—'শ্রীকান্ত' নিয়ে নানাজন নানাকথা বলছে। 'ভারতবর্ষে' শ্রীকান্ত যখন বেরোতে সুরু করে, তখন এর নাম ছিল 'শ্রীকান্তের ভ্রমণ-কাহিনী'। একজন সাহিত্যিক বলেছিলেন—আপনার উদ্দেশ্য ছিল, আপনার ভবঘুরে জীবনের ভ্রমণ-কাহিনীই লিখবেন। অবশ্য পুরোপুরি তা হ'ল না, তবে বিশেষ করে প্রথম পর্বটা অনেকটা ভ্রমণ-কাহিনীই হয়েছে, ঠিক নভেল হয় নি। পিয়ারী না এসে পড়লে পুরোপুরি ভ্রমণ কাহিনীই হ'ত।

কালিদাসবাবু দেখলেন—এতে শরৎচন্দ্র চটলেন না, হেসে বললেন—কেউ যদি তা বলে থাকে, তবে অত্যাঁক কিছু বলে নি। শ্রীকান্ত ভ্রমণ-কাহিনী ছাড়া আর কি? দেশে দেশে বেড়ানোও ভ্রমণ, মাস্তবের মনে মনে ঘুরে বেড়ানোও ভ্রমণ। বেশ তো, শ্রীকান্ত নানা ভ্রমণের নর-নারীর মনোবাজ্যে ঘুরে বেড়িয়েছে। যা দেখেছে, তাই লিখেছে। ভ্রমণ-কাহিনীই যদি হয়ে থাকে, তাতেই বা ক্ষতি কি?

কালিদাসবাবু বললেন—এ কথাও তো বলতে পারেন শ্রীকান্ত একজন

মুসাফির—দূর জীবন-পথে লক্ষ্যহীন হয়ে এগিয়ে চলেছে। মাঝে মাঝে পথের ধারে এক একটা সরাইখানায় বা মুসাফিরখানায় বিশ্রাম করছে, আর নানা শ্রেণীর লোকের সঙ্গে মেলামেশা করছে। একটি নারী কেবল তার পিছু নিয়েছে, মাঝে মাঝে তার সঙ্গে ছাড়াছাড়ি হচ্ছে। পথে যেতে যেতে ব্যারাম পীড়া হলে সে কোথা থেকে আবার একখানা তালপাতার পাখা আর একটা জলের পাত্র নিয়ে এসে জুটছে। এমনি করে চলতে চলতে তারা ডেরা বাঁধল এক জায়গায় গিয়ে। সেই পথের বৃত্তান্তই ৪র্থ পর্ব শ্রীকান্ত।

শরৎচন্দ্র একটু হাসলেন। হেসে বললেন—তা যা হয় বলো। আর কে কি বলে?

কালিদাসবাবু বললেন—কেউ কেউ বলে—শ্রীকান্ত আপনার স্বতিকথা, ঠিক নভেল নয়। আপনি নিজেই লিখেছেন—এই জীবনের অপরাহ্ন বেলায় একটি অধ্যায়ের কথা বলিতে গিয়া আমার কত-কথাই মনে পড়িতেছে।

শরৎচন্দ্র বললেন—এ কথা কে বলেছে? যখন শ্রীকান্ত প্রথম ভারতবর্ষে বেরোয়, তখন কি আমার জীবনের অপরাহ্ন বেলা? জীবনের অপরাহ্ন বেলা আমার নয়, শ্রীকান্তের।

কালিদাসবাবু বললেন—যাই হোক, সে একই কথা। শ্রীকান্তের মধ্যে আপনি তো অনেকটাই আছেন। তাই তারা এ কথা বলে।

শরৎচন্দ্র বললেন—তারাই বা অগ্ণায় কি বলেছে! সকল উপন্যাসই তো লেখকের স্বতিকথা, ভিন্ন ভিন্ন কল্পিত চরিত্রের মুখে বসানো। সেই সঙ্গে যাদের ঘনিষ্ঠভাবে দেখেছে, জেনেছে তাদের কথাও থাকে। লেখক তার অভিজ্ঞতার বাইরের কথা কি উপন্যাসে ঠাই দেয়? ঠাই দিলে তা রূপকথা হয়, রোমান্স হয়, উপন্যাসের ছদ্মবেশে প্রবন্ধের বই হয়, উপন্যাস হয় না। আমি আমার স্বতিকথা শ্রীকান্তের মারফতে—সবটা নয়, অনেকটা বলেছি বৈকি! এ জগতই সাধারণ পদ্ধতি ত্যাগ করে ‘ফাস্ট’ পারসন্ সিঙ্কুলার নাথার’এর জবানীতে গোটা বই লিখেছি। এতে মাঝে মাঝে মন্তব্য করবার সুবিধা হয়েছে।

গোড়াটা তো আমার ভাগলপুরের কৈশোর জীবনের স্বতিকথা। তোমরা জানো ভাগলপুরে ছোটবেলায় আমার বাড়ীতে থাকতাম।

কালিদাসবাবু বললেন—হ্যাঁ, তাতো জানি। এবং সবাই জানে,

ইন্দ্রনাথ তো হরন্ত জল-জিমন্ত জলন্ত বালকই ছিল। একটু ‘এম্ফাসিস’ দেওয়া আছে হয়ত ঐ চরিত্রে।

শরৎচন্দ্র ঈষৎ কুপিত হয়ে বললেন—একটুকুও এম্ফাসিস দেওয়া নেই। তবে একাধিক রাত্রির গঙ্গাবক্ষে অভিযান হয়ত এক রাত্রিতেই দেখানো হয়েছে। ইন্দ্রনাথ যে কত বড় মানুষ ছিল, তা তোমরা কল্পনা করতে পারবে না—আমি তার চরিত্র পুরাপুরি এঁকে দেখাতে পারি নি, আমি তার আভাষ দিয়েছি মাত্র। তবে নতুনদাতে একটু এম্ফাসিস দেওয়া হয়েছে। নতুনদাও একেবারে কল্লিত যুবক নয়।

কালিদাসবাবু বললেন—ইন্দ্রনাথের মাছ চুরিটা হয়েছে অন্নদা দিদির সঙ্গে ‘কনেক্টিং লিংক’। অন্নদা দিদির সমাগমের অনিবার্ণ হেতু ছিল কি?

শরৎচন্দ্র বললেন—নিশ্চয়ই ছিল। বাপু’র, স্মৃতিকথায় তাঁকে বাদ দিতে পারি? (এই বলে তিনি অন্নদা দিদির উদ্দেশ্যে হাত জোড় করে নমস্কার করলেন।)

কালিদাসবাবু বললেন—অন্নদা দিদি তবে ‘রিয়াল ক্যারেক্টার’? এরূপ চরিত্র তো সচরাচর দেখা যায় না, দাদা!

শরৎচন্দ্র বললেন—আমিও ঐ একটি দেখেছি। কোন অভ্যাস নেই। তোমরা সভা সমাজের বাইরের মানুষের কতটুকু খোঁজ রাখ? সাপের সম্বন্ধে আমার কৌতূহল আর অভিজ্ঞতা অসাধারণ। সাপুড়ের সঙ্গে আমি খুব ঘনিষ্ঠভাবেই মিশেছি। কোন জড়িভূটি বস্ত্র-তন্ত্র ওদের সত্যি আছে কিনা তা জানবার কৌতূহল ছিল আমার খুবই।

কালিদাসবাবু বললেন—‘বিলাসী’ গল্পটাতেও আপনার সাপের সম্বন্ধে অসাধারণ অভিজ্ঞতা দেখা যায়, কি চমৎকার, কি ‘প্যাথটিক’ গল্প!

শরৎচন্দ্র বললেন—সাপের সঙ্গে আমার কতবার যে দেখা, তার ইয়ত্তা নেই। কতবার যে সাপের দাঁত থেকে বেঁচে গেছি, তারও হিসাব নেই। তোমরা আমার যে পুরানে। লাঠিটাকে ফেলে দিতে বলো, ঐ লাঠিটা দিয়ে আমি অনেক সাপ মেরেছি। সেজন্ত ওটাকে ছাড়তে পারি না।

কালিদাসবাবু বললেন—আচ্ছা অন্নদা দিদিকে কোথায় দেখেছিলেন, দেবানন্দপুরে—না ভাগলপুরে?

এই প্রশ্নে শরৎচন্দ্র একটু চটে গেলেন। বললেন—তোমার প্রশ্নের উদ্দেশ্য



আমি বুঝছি। তুমি কি মনে কর, আমি ডায়েরি বা রিপোর্ট লিখছি যে স্থান, কাল, পাত্র সম্বন্ধে কাঁটায় কাঁটায় ঘড়ি ধরে মিলিয়ে লিখব? স্মৃতিকথার সূত্র এক, রিপোর্টের সূত্র আর। খণ্ড খণ্ড স্মৃতি-চিত্রকে কথা-সাহিত্যের সূত্রে 'আর্টিস্টিকেলি' গাঁথতে হয়েছে। বেশী 'ডিটেল'এর দিকে কৌতূহলী দৃষ্টি চালিয়ে না।

কালিদাসবাবু বললেন—অমাবস্তার রাত্রে ঋশানে রাত্রি যাপন—এ-ও কি আপনার নিজের অভিজ্ঞতার বিষয়বস্তু?

শরৎচন্দ্র বললেন—নিশ্চয়ই! মনে রেখো, শ্রীকান্ত ছিল ইন্দ্রনাথের বেপরোয়া চেল। তার অসাধ্য কাজ কিছু ছিল না।

কালিদাসবাবু বললেন—আমি ভেবেছিলাম, আপনার অসাধারণ প্রতিভার সর্বশক্তিমতী কল্পনার সৃষ্টিটাই সত্য বলে প্রতিভাত হয়েছে। ভেবেছিলাম, ঋশানের অঙ্ককার পটট। রাজলক্ষ্মীর সন্তোজাত হৃদয়বেগের একটা পট-ভূমিকা যাত্র।

শরৎচন্দ্র বললেন—সত্য না হলে ঐ চিত্রের গ্রন্থে ঠাই পাবার কোন দাবী ছিল না।

কালিদাসবাবু বললেন—সখের সম্যাসী হয়ে যাওয়ার অভিজ্ঞতা। আপনার আছে, তা জানি। কিন্তু ভবঘুরে জীবনের ওখানেই কি শেষ?

শরৎচন্দ্র বললেন—ভবঘুরে জীবন আমার সম্যাসেই শেষ হয় নি। অনেক দিনই নানা দশা-বিপর্দয়ের মধ্য দিয়ে তা চলেছিল। কিন্তু শ্রীকান্ত বেচারাকে আর ঘুরাই নি। ওয় পর্বে যে অগ্রদানী-বাড়ীর আতিথ্যের কথা আছে, সেটা আমার জীবনে ভবঘুরে অবস্থাতেই ঘটেছিল। পোড়ামাটি গ্রামের ডোমের বাড়ীর ঘটনাটার সঙ্গে পরিচয় হয়েছিল, আমার গ্রামেই ছোট বেলায়। গ্রাম্য জীবনের স্মৃতি সমস্ত বই-এ ছড়ানো আছে, ৪র্থ পর্বেই বেশী।

বেহারে বাঙালী বালিকা বধূর শোচনীয় দৃশ্য সম্যাস অবস্থাতেই স্বচক্ষে দেখা, একটুও অতিরঞ্জিত নয়।

কালিদাসবাবু বললেন—আমি জানতাম পিয়রী সম্পূর্ণ কল্পিত। রমণী। ও-প্রসঙ্গ তোলাও যায় না, তুলবার প্রয়োজনও ছিল না। আমি রাজলক্ষ্মীর প্রসঙ্গ না তুলে সটান সমুদ্রবক্ষে সাইক্লোনের দৃষ্টে চলে গেলাম।

কালিদাসবাবু বললেন—সাইক্লোনের সন্ধ্যার যে আপনি নিজে ভুস্তভোগী, সে বিষয়ে সন্দেহ নেই। ভাঙ্গার কল্লনার পক্ষে সমুদ্রের ঐ দৃশ্য বর্ণনা অসাধ্য। ব্রহ্মদেশে তো আপনি ছিলেনই। ওদেশ সম্বন্ধে অনেক কথাই আপনার তিনখানা বই-এ আছে।

কালিদাসবাবু অভয়ার কথাও না তুলে জিজ্ঞাসা করলেন—ব্রহ্মদেশে বাঙ্গালীদের সম্বন্ধে আপনার অভিজ্ঞতা মোটামুটি কি?—কালিদাসবাবু এই প্রশ্ন করে কৌশলে অভয়ার কথা জানতে চেষ্টা করলেন।

শরৎচন্দ্র বললেন—ব্রহ্মদেশ তখন বাঙ্গালী বেকারদের চাকরি সন্ধানের রাজ্য। বাঙ্গালী পদস্থ লোকেরা বেকারদের চাকরি যোগাড় করে দিত। বাঙ্গালীদের গা-ঢাকা দেওয়ার এমন জায়গা কোথাও ছিল না। বহু অপরাধীই ব্রহ্মদেশে পালাত। বাঙ্গালী যুবকদের চরিত্র রক্ষা করা কঠিন হ'ত সেখানে, কেউ কেউ বর্মী, কেউ কেউ অগ্র জাতির মেয়ে বিয়ে করত। বাঙ্গলা থেকে পরস্ত্রী (সধবা, বিধবা) নিয়ে ঐ দেশে পালাত, নিরুদ্দেশ অথবা পলাতক স্বামীর খোজে কোন কোন কুলবধুও ব্রহ্মদেশে যেত। বাঙ্গালীদের অনেকে ওকালতি, ডাক্তারী ও চাকরি করে ওদেশে গিয়ে বড়লোক হ'ত। নিম্ন শ্রেণীর লোকের মধ্যে বাঙ্গালী কাঠ মিস্ত্রীর সংখ্যা ছিল খুব বেশী। নিম্ন শ্রেণীর মেয়েদের মধ্যে অনেকেই ছিল মুড়িওয়ালী ও ঘুটেওয়ালী। ওদেশে জাত বিচার ছিল না। ধর্মবিচারও ছিল না।

কালিদাসবাবু বললেন—আচ্ছা দাদা, শ্রীকান্তে সম্পূর্ণ কল্পিত চরিত্র কি একেবারে নেই?

শরৎচন্দ্র বললেন—তা আবার নেই! তা না থাকলে অতবড় একখামা বই গড়ে ওঠে? কোন চরিত্রগুলো সম্পূর্ণ কল্পিত, তা তুমি নিজেই বুঝতে পারবে।

কালিদাসবাবু বললেন—পিয়ারী, সুনন্দা, কমল, রোহিণী, বজ্রানন্দ এ সবই কল্পিত। একটি মুসলমান চরিত্র ইচ্ছা করেই বই-এ সন্নিবিষ্ট করেছেন। এর একটা কারণও ছিল।

শরৎচন্দ্র বললেন—যেমন, গহর।

শরৎচন্দ্র পরে বললেন—গহর পুরা কল্পিত নয়—প্রত্যক্ষদৃষ্ট চরিত্রের উপর রঙ চড়ানো ও রসান দেওয়া। কমললতাও তাই। যাক ও প্রসঙ্গ থাকুক। লোকে শ্রীকান্তকে নভেল বলে না?

কালিদাসবাবু বললেন—সবাই একে পুরাপুরি নভেল বলে না।

শরৎচন্দ্র বললেন—কেন ?

কালিদাসবাবু বললেন—বলে—কতকগুলি চমৎকার চিত্র, কতকগুলি অপূর্ব ঘটনা, কতকগুলি জলন্ত দৃশ্য, কতকগুলি চলন্ত চরিত্র শিথিলভাবে গাঁথা। এর ভিতর কোন স্থনিদিষ্ট প্লটের সঙ্গতি নেই। এতে চরিত্রের উন্মেষসাধন করা হয় নি,—ইন্দ্রনাথ, রাজলক্ষ্মী, কমললতা, বজ্রানন্দ, গহর, সুনন্দা ইত্যাদি সবই ‘রেডিমেড ক্যারেক্টার’। উত্তর পুরুষীয় জবানীতে গোটা বইখানা লেখা, সাব-প্লটগুলি মূল আখ্যানের সঙ্গে স্পষ্টভাবে গ্রথিত। অতএব নভেলের যে সব লক্ষণ সে সব এর সঙ্গে মেলে না।

তারা বলে—নভেল না হলেও অপূর্ব সৃষ্টি, এর চিরন্তন মূল্য মর্যাদা আছে। কেউ কেউ বলে—নভেলের জন্ম ৪র্থ পর্বের প্রয়োজন ছিল না, ৩য় পর্বটাকে আর একটু বাড়ালেই চলত।

শরৎচন্দ্র বললেন—তাদের বোলো, খুব প্রয়োজন ছিল—যে বৈচিত্র্যের বনে গল্পের যাত্রাপথের সূত্রপাত—সেই বৈচিত্র্যের বনে ফিরে না এলে তার সমাপ্তি হতে পারে না। তিনপর্ব বাইরে বাইরেই কেটেছে, যে অঞ্চলের জীবনকথা সে অঞ্চলে তাদের ফিরিয়ে আনার দরকার ছিল,—আখড়ার গোসাই ঠাকুরের আশীর্বাদী ফুলেরও দরকার ছিল। আমি তোমাদের ‘নেচার’-এর খুব ভক্ত নই, তবু বইখানাকে সম্পূর্ণ করার জন্ম ওতে বাঙ্গলার নেচারকে স্থান দেওয়ার প্রয়োজন ছিল, যদিও আমি কবি নই।

কালিদাসবাবু বললেন—কবি নন ? ৪র্থ পর্বে কি কবিত্বেরই না ছড়াছড়ি করেছেন। আমার তো মনে হয়, আপনি যে একজন প্রথম শ্রেণীর বড় কবি, তাই জানাবার জন্মই ৪র্থ পর্ব লিখেছেন। ছন্দে না লিখলে কি কবি হওয়া যায় না ? ৪র্থ পর্বে বৈষ্ণবের আখড়ার চিত্রটি তো একখানি অপূর্ব কাব্য। কমললতাকে তো রূপ গোস্বামীর নাটকের চরিত্র বললেই হয়। শুধু গল্পে কবিতা লেখেন নি। একটি কবিকেও আমদানি করেছেন। গহর তো জীবন্ত কবিতা—আর আউশফুলের গন্ধে ভরা যশোদা বৈষ্ণবীর পড়োভিটের কথা ?

শরৎচন্দ্র বললেন—আমি তো সেজন্মই ৪র্থ পর্ব বেরোলে তোমাকে একখানা বই উপহার লিখে দিয়ে বলেছিলাম,—অন্তের কেমন লাগবে জানি না—তোমার ভালো লাগবেই। যাক—আর কে কি বলে বলো—

কালিদাসবাবু বললেন—কেউ কেউ বলে—রাজলক্ষ্মীর সঙ্গে শিকারের শিবিরে শ্রীকান্তের সঙ্গে দেখা হওয়ার পর আসল নভেল শুরু হয়েছে—বই-এর বাকিটা রীতিমতো নভেল।

আবার কেউ কেউ বলে—শ্রীকান্তের রসসৃষ্টিই সকল ঘটনা, সকল দৃশ্যের যোগসূত্র। উত্তরপুরুষীয় জবানীতে লেখা নভেল বিদেশে স্বদেশে আরো আছে। বঙ্কিম, রবীন্দ্রনাথও লিখেছেন। রজনী, ঘরে-বাইরে এই ডকীতেই লেখা। ডিকেন্স-এর ‘ডেভিড কপারফিল্ড’ বই এই ডকীতে লেখা। আপনার ‘স্বামী’ও তাই। এটাই হ’ল সর্বোৎকৃষ্ট ডকী। এই জবানীই বৈচিত্র্যের মধ্যে এক সংহতি, সংগতি ও সামঞ্জস্য দান করেছে। এটা নতুন টেকনিকে লেখা নভেল।

বিবিধ চিত্র ও উপ-কাহিনীগুলি এই নভেলের পরিবেশ ও আবেষ্টনীর সৃষ্টি করে একে সম্পূর্ণতা দান করেছে,—‘ভাইটালিটি’ বাড়িয়ে দিয়েছে। এতে জীবনদর্শনেরও গভীরতা আছে। চরিত্রের উন্মেষ একেবারে নেই তা নয়—শিকার পার্টিতে প্রথম-দেখা রাজলক্ষ্মী আর ঐ র্থ পর্বের শেষে অগ্নিপরীক্ষায় পরিতুষ্ট রাজলক্ষ্মীর মধ্যে ঢের তফাৎ। শ্রীকান্তের চরিত্রেরও কম বদল হয় নি। মেঘে মেঘে অনেকটা বেলা হয়ে গিয়েছে।

শরৎচন্দ্র বললেন—বুঝতে পারছি এটা তোমার অভিমত। নভেল হোক, ভ্রমণ-কাহিনী হোক, স্মৃতিকথাই হোক, কথা-সাহিত্য তো। একটা শ্রেণীতে ভর্তি না করলে পণ্ডিতদের ও মাস্টারদের স্বস্তি নেই, রসজ্ঞ পাঠকদের তাতে কিছু যায় আসে না। কোন শ্রেণীতে না পড়ে ওটা নিজেই একটা শ্রেণী তৈরি করুক না কেন? কোন্ শ্রেণীতে পড়বে, সে কথা না ভেবেই আমি লিখেছি। সকলের পড়তে ভালো লাগলেই হ’ল।

কালিদাসবাবু পরে আর একবার শ্রীকান্ত উপন্যাসে শরৎচন্দ্রের নিজের জীবনের কাহিনী কতটা আছে, এ সম্বন্ধে শরৎচন্দ্রকে প্রশ্ন করেছিলেন।

উত্তরে শরৎচন্দ্র সেদিন কালিদাসবাবুকে বলেছিলেন—তা কিছু আছে বৈকি! তবে উপন্যাসে বর্ণিত কোন একটি সময়ের ঘটনাই যে, আমারও জীবনের সেই একটা সময়েরই ঘটনা তা নয়; জীবনের বিভিন্ন সময়ে, বিভিন্ন ক্ষেত্রে দেখা খণ্ড খণ্ড অনেক ঘটনাকেই, লিখবার সময় এক সময়ের একটি

সম্পূর্ণ ঘটনা করে লিখেছি। কোন কাহিনী বা ঘটনাকে সাহিত্যের পর্যায়ে আনতে গেলে, তাকে হয় কল্পনা দিয়ে, নয়ত অস্বাভাবিক খণ্ড খণ্ড ঘটনা বা কাহিনী দিয়ে পূরণ করে, সম্পূর্ণ করে তুলতে হয়। তোমাকে দিয়েই একটা উদাহরণ দিচ্ছি :—তুমি শিক্ষকতা করছ। ধর, তুমি একটি ছেলেকে তার নিজের গ্রাম সঙ্কে একটি রচনা লিখতে দিলে। মনে কর, ছেলেটির গ্রামে লিখবার মত উল্লেখযোগ্য কিছুই নেই। গ্রামে নদী নেই, এমন কি একটি দেবমন্দির পর্যন্ত নেই। ছেলেটিকে এখন রচনায় নম্বর পেতে হ'লে, তার আশপাশের গ্রামে দেখা নদী, দেবমন্দির প্রভৃতির কথাও তার নিজের গ্রামের সঙ্গে খাপ খাইয়ে লিখতে হবে। তবেই তো তুমি তাকে নম্বর দেবে, নাকি? সাহিত্যের বেলায়ও তাই। একটা পূর্ণাঙ্গ কাহিনী বা চরিত্র সৃষ্টি করতে হ'লে, একুপই করতে হয়।

কালিদাসবাবু তাঁর ছাত্রপাঠ একটি পুস্তক 'রচনাদর্শ' শরৎচন্দ্রকে একবার পড়তে দিলে, শরৎচন্দ্র সেই বইটি পড়ে কয়েকদিন পরে কালিদাসবাবুকে বলেছিলেন—তোমার বই-এ আছে, 'স্বভাব যায় না ম'লে, ইন্দ্রত যায় না ধুলে।' ওটা হবে 'ইন্দ্রত যায় ধুলে, স্বভাব যায় না ম'লে।' 'না'-টা হবে না।

কালিদাসবাবুর বই-এ ছিল—'ঘরের খেয়ে বনের মোষ তাড়ানো।' এটার সঙ্কে শরৎচন্দ্র বলেছিলেন—ওটা হবে—'ঘরের খেয়ে বনের মশা তাড়ানো।'

শরৎচন্দ্র আর বলেছিলেন—খেলাধুলা, ধূমপান ইত্যাদির বানানে 'ধু' লিখবার প্রয়োজন নেই। লক্ষীছাড়া বানানে 'লক্ষ' না লেখাই উচিত। সংস্কৃত লক্ষীর সঙ্গে ছাড়া না লাগিয়ে লক্ষ্মী লক্ষীর সঙ্গেই লাগানো উচিত। ষাদশ বৃহস্পতি—ষাদশে বৃহস্পতি, একুপ ইন্ডিয়াম হবে।

শরৎচন্দ্র আরও বলেছিলেন—ওহে, বাক্যে ঘন ঘন আমি 'ইয়া' লাগাই ব'লে দোষ ধরেছ, তোমার বই-এ।

কালিদাসবাবু রচনাদর্শে বাক্যে ঘন ঘন ইয়া প্রয়োগ দৃশ্যগত এই মন্তব্য করে শরৎচন্দ্রের 'রামের স্মৃতি' থেকে ২টা বাক্য তুলেছিলেন। যথা—

(ক) একদিন ভাত খাইতে বসিয়া উঃ আঃ করিয়া বার দুই জল খাইয়া রাম ভাতের খালাটা টান মারিয়া ফেলিয়া দিয়া দাঁড়াইয়া উঠিয়া নাচিতে লাগিল।

(খ) তারপর নারায়ণী মায়ের হাত ধরিয়৷ টানিয়৷ লইয়৷ গিয়৷ দুই পায়ে জল ঢালিয়৷ আঁচল দিয়৷ মুছাইয়৷ লইয়৷ একটা পিঁড়ির উপর বসাইয়৷ পাখা লইয়৷ তাঁহাকে বাতাস করিতে লাগিলেন।

শরৎচন্দ্র বললেন—দেখ, মার্জিত ভাষায় লিখতে গেলে এ অসুবিধা হবেই। আমি ঘন ঘন ইয়া ব্যবহার এড়াতেই চাই। কিন্তু অনেক স্থলে নিরুপায় হয়ে ব্যবহার করি—অনেক স্থলে অনবধানতাও যে নেই তা নয়—বাক্যগুলি ভেঙে ছোট ছোট করে নিলেই চলে। রবীন্দ্রনাথ এইজন্যই বোধ হয় মার্জিত ভাষা ছেড়ে চল্‌তি ভাষা ধরেছেন। চল্‌তি ভাষাতে কোন অসুবিধা হয় না। রবীন্দ্রনাথ যখন মার্জিত ভাষায় লিখতেন, তাঁরও এ বিপদ হতো। এই বলে তিনি রবীন্দ্রনাথের গল্পগুচ্ছ আনালেন এবং তা থেকে দুটি জায়গা কালিদাস বাবুকে দেখালেন। সেই জায়গা দুটি এই :—

(ক) যে লোক সমস্ত জীবন কঠোর ত্যাগ স্বীকার করিয়া নানা প্রলোভন অতিক্রম করিয়া লোকমুখের তুচ্ছ খ্যাতি অবহেলা করিয়া অজ্ঞান ও সতর্ক কৌশলে সমস্ত প্রতিকূল বাধা প্রতিহত করিয়া এক একটি রোপ্যের স্তরে সম্পদের একটি সমুচ্চ পিরামিড একাকী স্বহস্তে নির্মাণ করিয়া নিয়াছেন, তিনি হাঁটুর নীচে কাপড় পরিতেন বলিয়া যে কম লোক ছিলেন তাহা নয়।

(খ) অম্বুকূলের জ্বী কোন প্রশ্ন কোন বিচার না করিয়া তাহাকে কোলে বসাইয়া তাহাকে স্পর্শ করিয়া তাহার আত্মা লইয়া অতৃপ্ত নয়নে মুখ নিরীক্ষণ করিয়া কাঁদিয়া হাসিয়া ব্যাকুল হইয়া উঠিলেন।

কালিদাসবাবু এ দুটি অংশও নোট করে নিলেন।

শরৎচন্দ্র বললেন—দেখ, তুমি বড় বেশী সর্বনাম ব্যবহার কর। বারবার তিনি, তাঁহার, গুনতেও বিজ্ঞী লাগে। তার চেয়ে নামটাই বারবার ব্যবহার করা ভালো। একাধিক লোকের কথা থাকলে তিনি, তাঁহার, সে ইত্যাদি কাকে বুঝাচ্ছে তা ধরাই কঠিন হয়। আমার মতে—গোড়ায় নামটা করে ‘অন্টারনেটলি’ নাম আর সর্বনাম চালালেই ভালো হয়।

শরৎচন্দ্র আরও বললেন—মার্জিত ভাষায় লেখার জন্ত আর একটা অসুবিধা হয়, বাক্‌লা ইন্ডিয়ম অনেক ছেড়ে দিতে হয়। অনেক সময় বাক্‌লা ইন্ডিয়মকে মার্জিত করে নিতে হয়—তাতে ইন্ডিয়মের ঠিক ‘সেল’টা থাকে না—এ কথাও তুমি বই-এ বলেছ। আমি আমার নিজের বিবৃতিতে তাই ইন্ডিয়ম

বড় চালাই না—পাত্র পাত্রীর মুখের জ্বানে অজস্র ইন্ডিয়ম চালাই, এটা বোধ হয় লক্ষ্য করেছ।

কালিদাসবাবু বলেন—শরৎচন্দ্রের সমাদর দেশে যা হয়েছিল, তা আমাদের দেশে খুব বড় লেখকরাও জীবদ্দশায় পান নি। তাঁর বই বিক্রির আয়ের দ্বারাও তিনি তা বুঝতেন। তাছাড়া দেশের লোক তাঁকে নানাভাবে অভিনন্দিত করেছে। সভাসমিতি তিনি এড়িয়ে চলতেন, কিন্তু যে কোন সাহিত্যিক সভায় সভাপতিত্বের জন্ত লোকে আগে তাঁর কাছেই যেত। কিন্তু তাঁর দুই একটা বিষয়ে ক্ষোভ ছিল। একটা ক্ষোভ দেশের বিদ্ভৎ-প্রতিষ্ঠান তাঁকে সম্মানিত করে নি। এ ক্ষোভ তাঁর মিটেছিল ঢাকা বিশ্ববিদ্যালয়ের ডি-লিট উপাধি পেয়ে।

আর একটা ক্ষোভ ছিল রবীন্দ্রনাথ তাঁর সম্যক সমাদর করেন নি। এ বিষয়ে একদিন তাঁর সঙ্গে কালিদাসবাবুর কথা হয়েছিল। তাতে কালিদাসবাবু বলেছিলেন—তিনি তো আপনাকে একখানা বই উৎসর্গ করেছেন।

শরৎচন্দ্র উত্তর দিয়েছিলেন—যে বই তিনি উৎসর্গ করেছেন—সে বই এতই নগণ্য যে, সে বই-এর নামও লোকে জানে না। একেবারে উৎসর্গ না করলে আরো খুশী হতাম। যাই হোক, সে দান আমি গুরুর আশীর্বাদ বলে মাথায় তুলে নিয়েছি। কিন্তু তাতে আমার অভিমান ঘুচে নি।

কালিদাসবাবু বলেন—তবে শরৎচন্দ্রের শেষ পর্ষন্ত এ অভিমান ছিল না। কেননা রবীন্দ্রনাথ পরে শরৎচন্দ্রকে যে সমাদর করেছিলেন, শরৎচন্দ্র তাতে ধন্য হয়ে গিয়েছিলেন।

শরৎচন্দ্রের আর একটা ক্ষোভ ছিল—দেশের কবিরা তাঁর যে সমাদর করেছেন, কথা-সাহিত্যিকরা সেরূপ সমাদর করেন নি। কেউ কেউ তাঁর বিরুদ্ধে লেখনী চালনাও করেছেন।

শরৎচন্দ্র কালিদাসবাবুকে একদিন বলেছিলেন—সেদিন একজন বিখ্যাত কথা-সাহিত্যিক অল্প একজন সাহিত্যিকের সঙ্গে এসেছিলেন। কথা-সাহিত্যিকটি রাস্তায় মোটরে বসে রইলেন—আমার বাড়ীতে এসে দেখাও করলেন না।

এর উত্তরে কালিদাসবাবু বলেছিলেন—প্রখ্যাত সাহিত্যিকরা প্রকাশ্যভাবে

আপনার সমাদর যা করেছেন তা হৃদয় আশাহীনরূপ নয়, কিন্তু যেন যেন তাঁরা যে সমাদর করেন—তার সিকিও আমরা করতে পারি নি। বর্তমান যুগের কথা-সাহিত্যিকরা রবীন্দ্রনাথের অমূল্য নম্র—তাঁরা আপনারই অমূল্য নম্র। আপনি কথা-সাহিত্যে যে রচনাভঙ্গীর প্রবর্তন করেছেন—তাঁরা সেই রচনাভঙ্গীর অনুসরণ করে। তাঁদের রচনার বিষয়বস্তু অনেক স্থলেই স্বতন্ত্র। কেউ গল্পের আবেষ্টনী গল্পাতীর হ'তে পদ্মাতীরে বা অজয় ময়ূরাক্ষীর তীরে নিয়ে গিয়েছেন—কেউ বা বাঙ্গালীর সাধারণ পারিবারিক ও সামাজিক গণ্ডী অতিক্রম করে বৃহত্তর সমাজে রচনার উপজীব্য খুঁজেছেন—কেউ বা আপনার কল্পিত পাত্রপাত্রী সংগ্রহ করেছেন—কেউ বা সামাজিক ও রাষ্ট্রীয় জীবনের নানা তথ্য ও সমস্যার অবতারণা করেছেন, কিন্তু আপনি যে রচনাভঙ্গীর প্রবর্তন করেছেন, তাঁরা জ্ঞাতসারেই হোক আর অজ্ঞাতসারেই হোক, তারই অনুসরণ করেছে। যে দরদী দৃষ্টি দিয়ে আপনি বাঙ্গলার হৃৎ-হৃৎ নরনারীদের দেখেছেন—এঁরাও সেই দরদী সৃষ্টিরই অনুসরণ করেছেন। সামাজিক ও পারিবারিক জীবনের যে উদার সংস্কারযুক্ত নৈতিক আদর্শের আপনি প্রতিষ্ঠা করেছেন, এঁরাও তারই অনুসরণ করেছেন, কেবল প্রকৃতি সম্বন্ধে 'অ্যাটিচিউড'টা এঁরা পেয়েছেন রবীন্দ্রনাথ হ'তে।

সংস্কৃত ভাষা হতে প্রাকৃত ভাষার সৃষ্টি—তা হতে হয়েছে বাঙ্গলা। বাঙ্গলা ভাষার সঙ্গে সংস্কৃত ভাষার যে সম্বন্ধ, এদের রচনার সঙ্গে রবীন্দ্রনাথের রচনার সেই সম্বন্ধ। আর বাঙ্গলা ভাষার সঙ্গে মাগধী প্রাকৃত ভাষার যে সম্বন্ধ, এঁদের রচনার সঙ্গে আপনার রচনার সেই সম্বন্ধ। রবীন্দ্রনাথ বিশ্বের, আপনি বাঙ্গলার। বর্তমান যুগের কথা-সাহিত্যিকের দৃষ্টি কারো বিশ্বের পানে নয়, বাঙ্গলার পানেই—কাজেই রবীন্দ্রনাথ এঁদের গুরু, আর আপনি এঁদের অগ্রজ। এঁরা যদি সর্বপ্রকারে আপনারই পদাঙ্ক অনুসরণ করে থাকেন—তবে তার চেয়ে সমাদর আর কে করেছে!

শরৎচন্দ্র বললেন—অমূল্য কি শুধু অগ্রজের অনুসরণ করে—তাকে ভালবাসে না, শ্রদ্ধা করে না?

কালিদাসবাবু বললেন—দেখুন, তাঁদের পক্ষ থেকেও তো অভিমানের কিছু থাকতে পারে। এ অভিমানও তো অস্বাভাবিক নয়—এ অভিমান অগ্রজের প্রতি অনুজেরও থাকতে পারে।



শরৎচন্দ্র বললেন—কি অভিমান ?

কালিদাসবাবু বললেন—রবীন্দ্রনাথ আপনার যথাযোগ্য সমাদর করেন নি বলে আপনি অভিমান প্রকাশ করতেন, সেই অভিমান তো এঁরাও আপনার প্রতি পোষণ করতে পারেন ? আপনি তো তাঁদের শক্তি স্বীকার করে তাঁদের বুকের কাছে টেনে নেন নি। আমি যদি বলি অমুক বেশ ভাল গল্প লিখছে—আপনি বলেন, অমুক ছোকরাটি বেশ ভদ্র, বড় অমায়িক। এ তো ‘রেকগনাইজেশন’ নয়। তাঁদের কোন বই পড়েছেন কিনা যদি জিজ্ঞাসা করি, তাতে হয় বলেন—না পড়ি নি, নয়ত বলেন—কই ও বই তো আমাকে দেয় নি। কাজেই তাঁদেরও তো অভিমান হ’তে পারে। কাউকে কাউকে আপনি যে ‘সার্টিফিকেট’ দেন নি তা নয়, কিন্তু তা বই পড়ে দিয়েছেন বলে মনে হয় না। ও রকম ‘সার্টিফিকেট’ আমি নির্বিচারে দিই বলে আমাকে তিরস্কারই করেছেন।

কালিদাসবাবু বলেন—শরৎচন্দ্র সত্যিই সহৃদয় ব্যক্তি ছিলেন। এই কথায় তিনি একটু লজ্জিতই হলেন।

শরৎচন্দ্র বললেন—দেখ, এদের বই নিয়ে আমি পড়তে গিয়ে কিছুদূর পড়েই যখন মনে হয়েছে, এ লেখা আমিও অক্লেশে লিখতে পারতাম, তখনই আর আগাতে পারি নি। শেষ পর্যন্ত আর পড়া হয় নি।

কালিদাসবাবু বললেন—আপনি যদি ধৈর্য ধরে শেষ পর্যন্ত পড়ে দেখতেন, তাহলে এমন জিনিস অনেক পেতেন যাতে মনে হতে পারত—বাঃ, এটা তো নতুন কথা, এটা তো আমার মনে আসে নি, এটা তো আমি লিখতে পারতাম না। তাছাড়া যদি কিছুদূর আগিয়েই মনে হয়ে থাকে—এ লেখা আমিও লিখতে পারতাম, তাহলে সেটা তো উপেক্ষণীয় নয়—প্রশংসনীয়। আপনি যা লিখতে পারতেন, তা-ও যদি কেউ লিখে থাকেন—তাঁকে উৎসাহ দেওয়া কি আপনার কর্তব্য ছিল না ?

কালিদাসবাবু বলেন—মোটকথা নিজের রচনার সময় শরৎচন্দ্রের ধৈর্যের অভাব ছিল না, অধ্যবসায়ের অন্ত ছিল না। একই অংশ কতবার কেটেকটে লিখতেন, সহজে তাঁর মনকষ্ট হত না। অনেক সময় আট দশ পাতা নির্মম ভাবে কেটে ফেলে নতুন করে লিখতেন। কিন্তু অন্তের পুস্তক পাঠে তাঁর

ধৈর্যের অভাব ঘটত। গোড়া হতেই খুব ভাল করে না জমে উঠলে তিনি কোন বই পড়ে উঠতে পারতেন না। ‘আইড্যানহো’র মত বই তিনি যৌবন কালেও পড়তে পারেন নি। তিনি একদিন বলেছিলেন—ওহে, শুনেছি বঙ্কিম বাবু ‘আইড্যানহো’ হতে ‘দুর্গেশ নন্দিনী’র আখ্যানবস্ত্র পেয়েছেন। তাই শুনে আইড্যানহো পড়তে গেলাম। কয়েক পাতা পড়ে মনে হ’ল—এ কথা কখনো সত্য নয়। বঙ্কিমবাবু কখনো আইড্যানহো শেষ করে পড়তে পাবেন নি। (বঙ্কিমচন্দ্র নিজেকে বলেছিলেন, দুর্গেশনন্দিনী লেখার আগে তিনি আইড্যানহো পড়েন নি।)

একদিন কালিদাসবাবু শরৎচন্দ্রকে বললেন—আপনার ডি-লিট পাওয়া উচিত।

উত্তরে শরৎচন্দ্র বললেন—কি হবে ভাই ও-উপাধি পেয়ে! দেশের লোক তেঁা আমাকে তার চেয়ে বেশী সম্মান দিয়েছে।—একটু ভেবে শেষে বললেন—বোধ হয়, সাহিত্য সেবার জন্য কোন উপাধি দেওয়ার প্রথা নেই।

কালিদাসবাবু বললেন—তা নয়। ‘থিসিস সাবমিট’ করলে এরা ‘ডক্টরেট’ দেয়। যারা ‘থিসিস সাবমিট’ করে, তারা এই উপাধির জগ্ৰহী করে। যারা উপাধি পাওয়ার উপলক্ষ না করে স্বাধীনভাবে যে কোন ক্ষেত্রে সারস্বত সাধনা করে, তাদের আমাদের দেশের বিশ্ববিদ্যালয় উপাধি দিয়ে ‘রেকোগনাইজ’ করে না। তা করলে—রাখালদাস বন্দ্যোপাধ্যায়, অক্ষয়কুমার মৈত্রেয়, রামেন্দ্রচন্দ্র ত্রিবেদী, বিজয়চন্দ্র মজুমদার, রমাপ্রসাদ চন্দ, হীরেন্দ্রনাথ দত্ত ইত্যাদি মণীষীরা ডক্টরেট পেতেন। এঁরা জগতের যে কোন দেশের পক্ষে গোরব। যে সব থিসিস-এ লোকে ডক্টরেট পায়—সে সব থিসিস-এর কাজের তুলনায় ঢের বেশী কাজ এঁরা করেছেন।

শরৎচন্দ্র বললেন—গ্রাশনাল ইউনিভার্সিটি যখন হবে, তখন তা দেশের মনীষীদের গোরব দান করবে। আমি আর তখন থাকব না—তোমরা পাবে।

কালিদাসবাবু বলেন—এর অল্পদিন পরেই ঢাকা বিশ্ববিদ্যালয় শরৎচন্দ্রকে ডি-লিট উপাধিতে ভূষিত করলেন। ডাঃ রমেশচন্দ্র মজুমদার এর দু বৎসর আগে আমাকে বলেছিলেন—আমরা শরৎবাবুকে ডি-লিট দেওয়ার চেষ্টা করছি। কোন কোন পক্ষ হতে আপত্তি হচ্ছে। সে আপত্তি কাটিয়ে উঠতে পারা যাবে বলে মনে হচ্ছে।

হয়। সে আমাকে খুব বিশ্বাস করে। আমার ‘বামূনের মেয়ে’তে প্রিয় মুখুজ্যের মায়ের যে চরিত্র, তা আমি এ থেকেই পেয়েছি। অবশ্য, এর ছেলে সরকারী বড় চাকুরে, আর এর আত্মীয়-স্বজনদেরা জানে যে, এ পাগল হয়ে বাড়ী থেকে কোথায় চলে গেছে বা মারা গেছে।”

যাদবপুরের যক্ষা হাসপাতাল চালু করবার সময় ডাঃ কুমুদশঙ্কর রায় বেঙ্গল কেমিকেলের তৈরি কিছু ঔষধ ও যন্ত্রপাতি বিনামূল্যে পাওয়ার আশায়, শরৎচন্দ্রকে সঙ্গে নিয়ে বেঙ্গল কেমিকেলের অগ্রতম ডিরেক্টর সাহিত্যিক রাজশেখর বসুর কাছে গিয়েছিলেন। সেদিন ঔষধাদি নিয়ে চলে আসবার আগে শরৎচন্দ্রের সঙ্গে রাজশেখরবাবুর সাহিত্য নিয়ে কিছু আলোচনা হয়েছিল। শরৎচন্দ্র সেদিন কথায় কথায় তাঁর ‘বামূনের মেয়ে’ রচনার গল্পও রাজশেখরবাবুকে বলেছিলেন। তিনি বলেছিলেন—

ছেলেবেলায় একবার আমি ঘুরতে ঘুরতে ডায়মণ্ডহারবারে গিয়েছিলাম। সেখানে গিয়ে এক বৃদ্ধা বিধবার বাড়ীতে আমি একদিন ছিলাম। বৃদ্ধাটি ব্রাহ্মণের মেয়ে। তাঁর কেউ ছিল না। আমি যে ব্রাহ্মণ, বিধবাটি আমার এই পরিচয় পেয়ে, তাঁর রান্না অন্ন-ব্যঞ্জন আমায় আর দিলেন না। হাঁড়ি কড়া ধুয়ে আমার আলাদা স্ব-পাকের ব্যবস্থা করে দিলেন। তিনি ব্রাহ্মণ কথায় হয়েও কেন আমার আলাদা রান্নার ব্যবস্থা করলেন, এ কথা তাঁকে জিজ্ঞাসা করায়, তিনি বড় দুঃখে তাঁর অতীত জীবনের কথা বলেছিলেন। তাকেই অবলম্বন করে আমি আমার ‘বামূনের মেয়ে’ লিখি।

(পানিহাটিতে বেঙ্গল কেমিকলে এক বৈঠকী সাহিত্য সভায় আমি রাজশেখরবাবুকে বলেছিলাম—রবীন্দ্রনাথ ও শরৎচন্দ্রের সঙ্গে আপনার আলাপ পরিচয়ের কিছু গল্প বলুন শুন।

সেদিন রাজশেখরবাবু রবীন্দ্রনাথ ও শরৎচন্দ্রের সঙ্গে তাঁর পরিচয়ের গল্প বলতে গিয়ে, শরৎচন্দ্রের ‘বামূনের মেয়ে’ রচনার ঐ প্রসঙ্গটিও বলেছিলেন।)

এখানে দেখা যাচ্ছে, শরৎচন্দ্র তাঁর ‘বামূনের মেয়ে’ রচনার ইতিহাস সম্বন্ধে এক এক জনের কাছে এক এক রকম বলেছেন। শরৎচন্দ্র বানিয়ে গল্প বলতে খুবই দক্ষ ছিলেন। তাই ‘বামূনের মেয়ে’র উপাদান সম্বন্ধে সত্যই তাঁর এত অভিজ্ঞতা ছিল, না এগুলো তাঁর বানানো গল্প তা বলা যায় না।]

## চন্দননগরে প্রবর্তক সংঘের কর্মীদের সহিত আলোচনা

১৩৩৭ সালে শরৎচন্দ্র একবার চন্দননগরের প্রবর্তক সংঘে আমন্ত্রিত হয়ে যান। সেদিন প্রবর্তক সংঘের আলাপ সভায় কয়েকজন শরৎচন্দ্রকে তাঁর সাহিত্য-সাধনা প্রভৃতি বিষয়ে কয়েকটি প্রশ্ন করেছিলেন। সেদিন আলাপ-আলোচনা যা হয়েছিল, তা এই :—

শরৎচন্দ্র প্রথমে বললেন—ছেলেবেলায় এখানে একবার আসি। খুব ‘কেষ্ট’ মনে আছে—আমার বয়স তখন চার কি পাঁচ। বোড়াই চণ্ডীতলায়—একতলা বাড়ী, কাছে পুকুর—কুণ্ডুমশাইয়ের বাড়ী—এমনি দু-চারটা কথা ছাড়া আর বিশেষ কিছু মনে নেই। ঠাকুর-মা রাগ করে এখানে চলে আসেন। আমিও তাঁর সঙ্গে আসি। সে অনেক দিনের কথা। এখন আমার বয়স ৫৫ বৎসর। অ্যাবাউট ফিফ্টি ইয়ার্স—প্রায় ৫০ বৎসর আগেকার কথা। এই দিক দিয়ে আপনাদের সঙ্গে আমার একটা আত্মীয়তা থাকার কথা বলা যায়। এখন একেবারে বাইরে গিয়ে পড়েছি।

এই সময় বসন্তকুমার বন্দ্যোপাধ্যায় নামে প্রবর্তক সংঘের একজন কর্মী শরৎচন্দ্রকে বললেন—আপনি আপনার বংশ-পরিচয় ও সাহিত্যিক ক্যারিয়ার-এর ‘ল্যাণ্ডমার্কস্’-এর কথা কিছু আমাদের বলুন।

শরৎচন্দ্র বললেন—গুনলে দুঃখ বোধ হবে—বংশের কোনও গৌরবই আমি রাখি না। ধারা আমাদের প্রাচীন ইতিহাস মাটি খুঁড়ে, পাথর খুঁড়ে বা’র করছেন আর বলছেন—এই মেখ আমাদের এই ছিল, ঐ ছিল—আমি তাঁদের কথায় খুশী হই না। আমার বুক তাতে ফুলে ওঠে না। আমি বলি—আমাদের কিছুই ছিল না। এতে দুঃখ করবার কিছু নেই। নিজের জীবনের পরিচয় দিই না। দু-হাজার বছর আগে আমাদের কি ছিল না-ছিল—তার কথা পাথর মাটি খুঁড়ে আমাদের গুনিবে কাজ নেই। আমার কথা—পুরান জিনিস নিয়ে গৌরব করে কাজ হবে না। নূতন গড়ে তোল। জাত সযত্নেও তাই, মাই বা থাকল জাত—এমন ছেলে দেখা যায়, যার বংশ-পরিচয় দেবার

কিছু নেই—সে নিজের জোরে বড় হয়েছে, ‘সাক্সেসফুল’ হয়েছে—আমারও মনের ভাব তাই। আমার একথানা বই বন্ধ হয়ে আছে—‘শেষ-প্রশ্ন’, তাতে এই সম্বন্ধেই আলোচনা করেছি। যা কিছু বর্তমানে চলছে তার অনেক কিছুর উপর তাতে কটাক্ষ আছে, ‘অ্যাটাক্’ আছে।—মতিবাবু (প্রবর্তক সংখ্যের প্রতিষ্ঠাতা) হয়ত খুবই রাগ করবেন—তিনি তো রেগেই আছেন—বইখানা এখনও শেষ হয় নি—বোধ হয় দু-চার দিনের মধ্যে লেখা শেষ হবে। শেষ হলে, তা পড়ে হয়ত তিনি খুশী হবেন না।

ধর্ম সম্বন্ধে আমাদের বংশের একটা খ্যাতি আছে। আমাদের বংশে আট পুরুষ ধরে একজন করে সন্ন্যাসী হয়ে আসছে। আমার মেজ ভাই সন্ন্যাসী। আমার মাতুল-বংশ ধর্মভীরু বংশ। মাতামহ খুব গোড়া হিন্দু ছিলেন। আমিও খুব...এমন কি চার-পাঁচবার সন্ন্যাসী হয়ে ঘুরে বেড়িয়েছি। ভাল ভাল সন্ন্যাসীরা যা করে থাকেন—অর্থাৎ গজিকা সেবনাদি—তা অনেক করেছি। এখন একেবারে উটো। এই ধর্ম নিয়ে চলার যে একটা পথ—মতিবাবু যা করেন—তিনি যে লাইন নিয়ে চলেছেন—বোধ হয় এ সম্বন্ধে কিছু বলা এখানে শোভন হবে না। ও-পথ আমার মোটেই নয়।

মতিবাবুর বই আমি খুবই পড়ি—ওঁর যা কিছু লেখা খুব মন দিয়েই পড়েছি! এই দেশটাকে তিনি আবার পুরাতন ধর্মের উপর দাঁড় করাতে চান—নতুন জাত গড়তে চান, কিন্তু ‘বেসিস্’ হ’ল ধর্ম—ভগবন্তক্তি—এই সমস্ত। শাস্ত্রে-টাস্ত্রে অনেক সাধনার কথা আছে—আমার ‘অনফরচুনেট্‌লি’ মনটা একেবারে উট। দিকে গেছে—সাধনার আর কোন মূল্য খুঁজে পাই না। শাস্ত্র-সাধনা যা ছিল, সবই যদি এত বড় ছিল, আমরা এত ছোট হলাম কেন? নানা লোকে নানা কথা বলবে। চোখের উপর দেখছি সব জাতিই—যাদের আত্মসম্মান বোধ খুব বেশী—তারা স্বাধীন বলে পৃথিবীতে নিজের পরিচয় দিচ্ছে। আমরা এতবড় হয়েও একবার পাঠান, একবার মোগল, একবার ইংরাজের জুতার তলায় পিষে মরছি! কেন—তার কোন জবাব দিতে পারি না। আমরা বলি—আমাদের আধ্যাত্মিক জীবন খুব বড়—কিন্তু বাইরের লোক সে কথা বিশ্বাস করে না। মনে মনে হাসে কিনা জানি না। এতই যদি বড় তো ছোট হয়ে যাচ্ছি কেন? এই যে দেশটা ত্যাগের মধ্য দিয়ে যাচ্ছে, আমার মনে হয়, ঠিক এর মধ্যে কোথায় একটা গলদ ঢুকে আছে—সেটা

বুঁজেও পাচ্ছি না। কবিতা: অবনতির স্তরে নেবেই বাচ্ছি। আমার  
 বইখানা শেষ হয়ে গেলে দেখবেন, তাতে এই সব স্তরের আলোচনা  
 করেছি। পাঠকজনকে আহ্বান করে বলছি—বলে দিন—এই হাজার বছর  
 ধরে আমাদের দুর্দশা কেন হ'ল? এটা কেমন করে সম্ভব হ'ল—কেউ যদি  
 বা'র করতে পারেন—দেশের মহা উপকার হবে। কোন উপায় চোখের  
 উপর দেখতেও পাই না। নিজের শক্তিকে প্রতিষ্ঠা করতে পারি না, কিছু  
 বিশ্বাস নেই—এটাই যদি বড় জিনিস হয়, কি আশা আছে? আপনারাই  
 বলুন—এর ভিতর কি গলদ আছে? যতিবাবুকেও বলি, এই আলোচনা-  
 সভায় বলুন—কোনখানটায় গলদ আছে—যার জন্ত এত বড় শাস্তিভোগ  
 করছি? আমিও মনে করেছি—পলিটিক্স-এ আর থাকব না। কোনদিনই  
 বেশী সম্বন্ধ ছিল না। আমি এই লাইনই নেব—ধ্বংস করার কাজ নেব।  
 সমস্ত জিনিস ছোট করে দেখব। খুব বড় ছিলাম অথচ 'রেজার্শট নীল'!  
 আমাদের কিছুই ছিল না। তার জন্ত দুঃখও নেই। বড় হয়ে ওঠ, যে পথে  
 আর দশ জনে বড় হয়ে উঠেছে। আমাদের সঙ্গে তাদের মেলে না—তারাই  
 বড়—এ কথা বললেই চলবে না—আমরা যা বলি, তা করি না—মিথ্যাবাদী  
 —এটা বড় অসত্য বটে, তবু এটাই একমাত্র কারণ নয়। এ সম্বন্ধে  
 আলোচনা হোক। আমি এই পন্থাই নেব। আমাদের কিছুই ছিল না।  
 ২০০০ বছর আগে কি ছিল তা নিয়ে গর্ব করব না। যাদের ছিল তাদের সঙ্গে  
 আমাদের কোন যোগ নেই—রক্তেরও যোগ নেই, ধর্মেরও যোগ নেই—তুখু  
 এক দেশে বাস করি, এই মাত্র। তাদের সঙ্গে সম্পর্কের কথা মৌখিক পড়ি,  
 যোগ দেখতে পাই না। যদি কেউ বুঝিয়ে দিতে পারেন—এইটা এই রকমই  
 বটে, তা হ'লে আলাদা কথা। নইলে মনে হতে পারে, আমার লেখার ভিতর  
 দিয়ে ক্ষতি হতে পারে। বছর তের-চৌদ্দ আগে অনেকেই মনে করেছিলেন  
 যে, আমি সাহিত্য নষ্ট করে দিলাম। এমন কি বড় বড় লোকের মনেও  
 ধারণা জন্মেছিল যে, আমি যা লেখা আরম্ভ করেছি, তাতে বুঝি সমস্তই ধ্বংস  
 হয়ে যাবে। এখন সে সত্য নেই—এখন অনেকে বলেন—বিশেষ 'ইয়ং  
 ম্যান'রা—'আপনি ভাল পথই নিয়েছেন—আপনার কথা মেনে নেব।'

যে জিনিসটা বললাম, জানি হয়ত তার প্রতিবাদ উঠবে। স্পষ্টই বললাম—  
 রেখে ঢেকে নয়। যদি আপনারা বলেন—এ পথটা ঠিক নয়—কেন, যদি দেখিয়ে

দিতে পারেন, তাহলে আবার ভেবে দেখব। মতিবাবুকেও এ কথা বলছি। মোট কথা এই, আমি সংস্কারের পক্ষপাতী নই। পুরান জিনিসটার পোষাক বদলে নেওয়া আমি চাই না। ‘পথের দাবী’তে বুঝিয়েছি—সংস্কার জিনিসটার মানে কি। ওটা ভাল কিছু নয়। যেটা খারাপ জিনিস অনেক দিন চলে খড়খড়ে নড়নড়ে হয়ে পড়েছে—সেটা মেরামত করে আবার দাঁড় করানো। যেমন গভর্ণমেন্টের শাসন-সংস্কার—রিফর্মস্—আর এক দল যারা রিভলিউশন চাইছে—রিভলিউশন মানে অস্ত্র কিছু নয়, একটা আমূল পরিবর্তন। আমাদের বুকের দল এটা চান না, তাঁরা চান রিফর্মস্ অর্থাৎ মেরামত করা। আমার মনে হয়—মেরামত করে জিনিসটা ভাল হয় না। যা আছে তারই পরমায়ু বাড়িয়ে তোলা হয়। যেটা অচল হয়ে পড়েছে, যেটা ‘নেগ্লেক্ট’ দ্বারা হ্রাসত আপনি ধ্বংস হয়ে যেত—সেটা শক্ত মজবুত করে আবার খাড়া করা হয়। যেটা খারাপ তাকে মেরামত করে সংস্কার করে আবার দাঁড় করান উচিত নয়। মতিবাবুও মনে করেছেন—আমাদের ধর্মটাকে সংস্কার করে মেরামত করে সেইটাকেই আবার দাঁড় করাবেন। আমি বলি—মেরামত নয়, এটিকেই বাদ দাও। আবার তাকে মেরামত করে খাড়া করার দরকার কি? ছ-সাত-শ’ বছরের পুরান জিনিসটা আবার যদি দাঁড় করাও, আবার সেটা হাজার বছর ধরে চলবে। আচ্ছা, মতিবাবুই বলুন—এ সম্বন্ধে উনি কি মনে করেন।

মতিবাবু—শরৎবাবু আমার কাছ থেকে কিছু শুনতে চেয়েছেন। তবে ধর্ম সম্বন্ধে তিনি যা বললেন, সে সম্বন্ধে ছ-একটা কথা আমি না বলে পারি না। ধর্মকে তিনি নাকচ করতে চেয়েছেন। ফরাসী জাতও ধর্মকে নাকচ করতে চেয়েছিল, তবু তার পরিবর্তে তারা দিয়েছিল সাম্য, মৈত্রী, স্বাধীনতা। নেগেশানের পর একটা পজিটিভ কিছু দেওয়া তো চাই। শরৎবাবু ধর্মকে নাকচ করে তার পরিবর্তে কি দিয়ে যাবেন? এটা জিজ্ঞাসা করার আমার অধিকার আছে। আমি ধর্মকে মেরামত করে, বাড়তি পড়তি বাদ দিয়ে দাঁড় করাতে চাই না। আমার সাহিত্যের মধ্য দিয়ে আমি এইটাই বলেছি—ধর্ম আমরা পাই নি। আমাদের দেশ ধর্মকে ঠিক অধিকার করতে পারে নি—ধর্ম অর্থে মোক্ষবাদেরই পুরোভাগে ধরে রেখেছে। ভারতের ৬০ লক্ষ সন্ন্যাসী এই মোক্ষের আকাঙ্ক্ষী হয়ে বনে-জঙ্গলে গিরি-কন্দরে বাসা নিয়েছে। এই ৬০

লক্ষ সন্ন্যাসীকে বাদ দিয়েও ভারতের বাকি ৩২ কোটি ৪০ লক্ষ ( যদি ৩৩ কোটি মোটামুটি অধিবাসীর সংখ্যা ধরা হয় ) মানুষ বারং সংসারে বাস করছে, তারাও ধর্মের পরিণাম মোক্ষবাদই জানে। কর্মক্ষয় হ'লে মানুষের মোক্ষ প্রাপ্তি হবে—এই ধারণাই বদ্ধমূল হয়ে আছে। ধর্ম বলতে যদি মোক্ষবাদই একমাত্র বুঝায়, জীবনকে বাদ দিয়েই ধর্ম হয়, তবে ধর্ম বস্তু খুব অসার হয়ে যাবে, তাতে সন্দেহ নেই। ধর্মের প্রকৃত স্বরূপ এ নয়। ধর্ম বলতে রিয়েলাইজেশান। যা ক্যাক্ট, যা রিয়েলিটি, তারই উপর দাঁড়াতে হবে। ধ্বংসের কৃত্র হয়ে যদি আপনি এসে থাকেন, আপনি সব ভেঙ্গে যেতে পারেন ; কিন্তু আমার মনে হয়, ধ্বংসের গানের সঙ্গে সঙ্গে প্রতিষ্ঠার চিন্তাও আপনার মধ্যে রয়েছে। উদীয়মান জাতির পক্ষ থেকে, আপনার কাছ থেকে একটা 'পজিটিভ সামুথিং' চাইছি। আপনি আঘাত দিতে পারেন, কিন্তু আমার বিশ্বাসকে 'না' করাতে পারেন না। আপনারও যেমন একটা বিশ্বাস আছে, আপনার 'ই'-কে আমি 'না' করাতে পারব না, তেমনি আমারও একটা বিশ্বাস আছে।

ধর্মকে মেরামত নয়, আমি ধর্মের নূতন রূপ দিতে বলি। ধর্ম মোক্ষবাদ নয়। হিন্দু আজ ধর্ম বলতে ( জীবনকে বাদ দিয়ে ? ) আত্মপ্রতারণা করছে। এত বড় ইন্সিনসিয়ারিটি হিন্দুর মত আর কোথাও নেই। অক্ষমতা যার মূল ভিত্তি, সে জাতি কখনও প্রতিষ্ঠা পায় না। আপনার লেখার মধ্যে যে বাস্তবতার পরিচয় পাই—ধ্বংসনীতিরও মধ্য দিয়ে সেই রকম একটা পজিটিভ কিছুই সন্ধান আপনাকে দিতে হবে। 'শেষ-প্রশ্নের' পরও আপনাকে লেখনী ধরতে হবে। শেষ আলো আপনাকে দিয়ে যেতেই হবে—বলতে হবে—'ধ্বংসের পর কি দিয়ে গেলেন !'

শরৎচন্দ্র—রতিবাবুর কথায় আমার কথার ঠিক উত্তর পেলাম না। আমার কথাটা বোধ হয় ধরতে পারছেন না। আমি এই কথাই বলতে চাই—মেরামত করে কিছু দাঁড় করাচ্ছেন, এটা ভাল নয়।

রতিবাবু—বলেছি, ভারতের ধর্ম মোক্ষ নয়। মুক্তির অর্থ—বাসনা ও অহঙ্কার থেকে মুক্তি—জীবন থেকে মুক্তি নয়। মুক্তি—মুচ্ ধাতু থেকে, অহং ও বাসনা গেলে, এই জীবনেই মুক্তির আশ্বাস পাওয়া যেতে পারে—জীবনকে লয় করে নয়। বাসনা-অহঙ্কার-মুক্ত মানুষ 'ইন্ফাইনাইট পাওয়ার'-এর সঙ্গে যুক্ত হবে—ব্রিস্ এণ্ড লাইট-এর রিফ্লেকশান জীবনকে অধিকার করবে। মুক্তির



আমাদ ইহজীবনেই শান্ত না করতে পারলে ধর্মের উদ্দেশ্য সিদ্ধ হবে না।  
 প্রজ্ঞা-বস্তুর একটা সনাতন রূপ আছে—সে জিনিসটার উপর কোটা কোটা  
 লোকের প্রজ্ঞা আছে, সেটাকে ভাঙবার চেষ্টা না করে, তার যোগ্য ব্যবহার  
 করতে পারলেই আমরা অধিকতর ফললাভ করব। এ সম্বন্ধে বিশেষ  
 আলোচনা পরে হবে। এই সভায় অধিক আলোচনায় প্রবৃত্ত হয়ে আপনার  
 মহামূল্য উপদেশ থেকে বঞ্চিত হতে চাই না।

শরৎচন্দ্র—মহামূল্য উপদেশ কিছু দিতে পারব না। আমি যেটা করব  
 বললাম।

অহংকার ও বাসনা হতে মুক্তির কথা যা বললেন—সেগুলির দরকার।  
 তবে আর আর জাত—যারা আমাদের মাথায় পা দিয়ে বেড়াচ্ছে, তারা সব  
 যে ভাবে বড় হয়েছে, সেই ভাবে আমাদের বড় হতে হবে।

মতিবাবু—তাদেরই মত হতে বলছেন! রোমও একদিন খুব বড় সভ্য  
 জাতি হয়েছিল, কিন্তু তাদের সে সভ্যতার কতটুকু অস্তিত্ব আছে!

শরৎচন্দ্র—দেখুন এ কথায় আমি সাঙ্ঘনা পাই না! তাদের মত করেও  
 যদি আমরা বড় হতে পারি তাতে ক্ষতি কি?

মতিবাবু—তাতে নিশ্চিহ্ন হবার আশঙ্কা আছে।

শরৎচন্দ্র—পৃথিবীর সমস্ত জাতি নিজের পায়ে ভর করে দাঁড়াচ্ছে—বড়  
 হয়ে উঠছে। আমরা পারি না, নিতান্ত নিরুপায়। সেই অবস্থায় আরও ৫০০  
 বছর পরে কি হবে, ভাবতে যাব না। রোমের মত ধ্বংস হয়ে গেলেও এখন  
 কি ভাবে উন্নতি হবে, তাই ভাবতে চাই। আমার বলবার উদ্দেশ্য—আমি  
 বড় চিন্তায় পড়েছি। পলিটিক্স-এ যোগ দিয়েছিলাম। এখন তা থেকে অবসর  
 নিয়েছি। ও-হাঙ্গামায় স্থবিধা করতে পারি নি! অনেক সময় নষ্ট হ'ল।  
 এতটা সময় নষ্ট না করলেও হ'ত। যা গেছে তা গেছে—থানিকটা অভিজ্ঞতা  
 জমা হয়ে রইল। এখন থেকে আমি আবার লেখা নিয়েই থাকব।

এই সময় ব্রজেন্দ্রনাথ গোস্বামী নামে এক ব্যক্তি প্রবেশ তুললেন—আমাদের  
 যে কিছু ছিল না, তার প্রমাণ কি?

শরৎচন্দ্র—প্রমাণ আমাদের অবস্থা।

গোস্বামী—কি প্রকর প্রমাণ! আচ্ছা ধরুন—আমার বাপ পিতামহ  
 বড়লোক ছিলেন, খুব ঘটা করে দৌল-দুর্গোৎসব করে গেছেন। আমি আজ

গরীব হয়েছি বলেই কি বলব, আমার বাপ পিতামহ দোল-দুর্গোৎসব করেন নি ? সেটা কি সত্য হবে ?

শরৎচন্দ্র—আমি তা বলব না। কিন্তু এ কথা বলব যে, তাঁরা তাঁদের ঐ দোল-দুর্গোৎসবের মধ্য দিয়েই আমাকে এই দুর্দশায় এনে ফেলেছেন।

এবার সভার একজন শরৎচন্দ্রকে বললেন—আপনি এবার আপনার সাহিত্যিক জীবন সম্বন্ধে আমাদের কিছু বলুন।

উত্তরে শরৎচন্দ্র রহস্য করে বললেন—আপনারা ভুল করেছেন। আমি সাহিত্যিক নই—পেটের দায়ে সাহিত্যিক।

প্রশ্নকর্তা বললেন—আপনার এ কথা আমরা বিশ্বাস করব না। আপনার সাহিত্য-জীবনের স্মৃতিটা কি করে ক্রমবিকাশের ফলে উচ্চ শিখরে এসে দাঁড়িয়েছে, সেইটা বলুন।

শরৎচন্দ্র বলতে আরম্ভ করলেন—সাহিত্যের গোড়ার কথা হ'ল সহিত থেকে—অর্থাৎ সকলের সহিত সহানুভূতি দরকার। এইটাই মূলকথা।

আমার কি রকমে কি হ'ল তা জানি না। ছেলেবেলা থেকেই লেখাপড়ার একটা ঝোঁক ছিল। মনের ভিতর থেকে একটা বাসনা হ'ত—যা বাইরে পাঁচ রকম দেখছি শুনছি, তার একটা রূপ দেওয়া যায় না ? হঠাৎ একদিন লিখতে শুরু করে দিলাম। প্রথমটায় অবশ্য এর ওর চুরি করেই অধিকাংশ লিখতাম। অভিজ্ঞতা না থাকলে ভাল কিছুই লেখা যায় না। অভিজ্ঞতা লাভের জন্য অনেক কিছুই করতে হয়। অতি ভদ্র, শাস্তিশিষ্ট জীবন হবে, আর সমস্ত অভিজ্ঞতা লাভ হবে—তা হয় না।

ঐ সময় খানকতক বই লিখে ফেললাম। দেবদাস প্রভৃতি ঐ সময়ের লেখা। তারপর গান বাজনা শিখতে লাগলাম। পাঁচ বছর ঐতে গেল। তারপর পেটের দায়ে চলে গেলাম নানা দিকে। প্রচণ্ড অভিজ্ঞতা হ'ল তাই থেকে। তখন এমন অনেক কিছু করতে হ'ত, যাকে ঠিক ভাল বলা যায় না। তবে স্বকৃতি ছিল, ওর মধ্যে একেবারে ডুবে পড়ি নি। দেখতে থাকতাম। সমস্ত খুঁটিনাটি খুঁজে বেড়াতাম। অভিজ্ঞতা জমা হ'ত।

বর্ষা, জাভা, বোনিয়ো সমস্ত দ্বীপগুলো ঘুরে বেড়াতাম। সেখানকার লোক অধিকাংশই ভাল নয়—স্বাগ্‌লার। এই সব অভিজ্ঞতার ফল—‘পথের দাবী’।

বাড়ীতে বসে, আর্থ-চেয়ারে বসে সাহিত্য সৃষ্টি হয় না, অল্পকরণ করা যেতে পারে; কিন্তু সত্যিকার মাহুষ না দেখলে সাহিত্য হয় না। অনেক সাহিত্যিকই করেন কি—বই থেকে একটা ‘ক্যারেক্টার’ নিয়ে তাকেই একটু অদল বদল করে আর একটা ক্যারেক্টার সৃষ্টি করেন। মাহুষ কি, তা মাহুষ না দেখলে বুঝা যায় না। অতি কুংসিং নোংরামির ভিতরও এত মনুষ্যত্ব দেখেছি, যা কল্পনা করা যায় না। সে সব অভিজ্ঞতা আমার মনের ভিতর থাকতে লাগলো।

আমার স্মৃতিশক্তিটা বড় ভাল। ছেলেবেলা থেকে ‘ইন্ট্যাক্ট’ আছে, নষ্ট হয় নি। জানবার ইচ্ছা আমার বরাবর আছে। মাহুষের ভিতরকার সত্তাটা ‘রিয়েলাইজ’ করাই আমার উদ্দেশ্য। যার একটা খলন হ’ল, মাহুষ তাকে একেবারে বাদ দেবে—এ কেমন কথা?

আমি মাহুষের ভেতরটা বরাবর দেখি। এ বললে, সে বললে, পরের মুখে ঝাল খাওয়া, পরের অভিজ্ঞতাকে নিজের করে নেওয়া—এ আমার কোন দিন ছিল না। অতি বড় দুর্ভাগাই এ করবে। সত্যিকারের জীবন দেখতে গেলে শুচিবাইগ্রস্ত হ’লে চলবে না। ‘কংক্রিট’ রচনা করতে গেলে কল্পনা চলে না, নিজের অভিজ্ঞতা চাই।

পরের লেখা সাহিত্য আমি খুব কম পড়েছি। ও আমার ভাল লাগে না। আমার বাড়ীতে যে বই আছে, তার অধিকাংশই সায়েন্সের বই। সেই জগুই আমার বইয়ে যুক্তির অবতারণা বা ‘সিঙ্গেটিক রেজান্ট’ বেশী। রূপের বর্ণনা, স্বভাবের বর্ণনা বইয়ের মধ্যে প্রায় নেই। ও আমি দু-এক কথায় সেরে দিই, বেশী নজর দিই না।

অনেকে বলে থাকেন এবং ‘রাইটলি’ বলে থাকেন—‘আপনার সৃষ্ট চরিত্রগুলি পড়লে মনে হয়, যেন এরা কল্পনার বস্তু নয়।’

আমার চরিত্রগুলির ‘নাইন্টি পারসেন্ট বেসিস’ সত্য। তবে এটাও মনে রাখতে হবে যে, সত্য মাত্রই সাহিত্য নয়। এমন অনেক সত্য আছে, যা সাহিত্য হতে পারে না। কিন্তু সত্যের উপর বনেন না খাড়া করলে চরিত্র জীবন্ত হয় না। বনেন নিরৈট হ’লে আর ভয় নেই—যাই বললে অস্বাভাবিক, অমনি বদলে ফেলতে হয় না। আমি যে চরিত্র দেখেছি, পারিপার্শ্বিক অবস্থার ঘাত প্রতিঘাতের মধ্য দিয়ে তার যে পরিণতি দেখেছি, তাই লিখেছি। তাই

আমার ভয়ের কারণ নেই। লোকে শেগলোকে অস্বাভাবিক বললেই আমি মানবো না। এই করে আমার সাহিত্য-জীবন গড়ে উঠেছে।

এই সময় একজন প্রশ্ন করলেন—আপনার যেটা গভীরতর সাহিত্যিক বস্তু, সেটা কেমন করে গড়ে উঠল? ভাবকে আপনি রূপ দেন কি করে? বলবার যে ভঙ্গী, যে গড়ন, আগাগোড়া যে রস, যে লালিত্য—এ ভাষা কোথায় পেলেন? আপনার মূখের ভাষার সঙ্গে আপনার বইএর ভাষার কোন মিল নেই—না এ ‘পথের দাবী’র ভাষা, না অল্প কোন বইএর ভাষা।

উত্তরে শরৎচন্দ্র বললেন—সেটা বলতে পারি না। ভাষাটা আপনিই আসে। যার আসে না, তার বড় মুস্থিল। কি করে কথা যোগায়, তা বলাও মুস্থিল। আর স্টাইল, ওটা নিজেরই হয়—অনুকরণ করে হয় না।

আমার লেখার ধরণটা সাধারণ থেকে আলাদা। প্রথমে চরিত্রগুলি আমি ঠিক করে নিই—এক দুই তিন করে। গল্পের আরম্ভ করা বা চরিত্র গুলিকে ফোটানো আমার পক্ষে অতি সহজ। অনেকে বলে—‘আমরা প্রট পাই না বলে লিখি না।’ আমি অবাক হই, এত বড় প্রকাণ্ড পৃথিবীটা পড়ে রয়েছে, এত বৈচিত্র্য—আর এরা প্রট খুঁজে পায় না। তার কারণ, তারা মানুষটাকে খোঁজে না, গল্প নিয়েই ব্যস্ত থাকে।

আমি ভাষা ভাল জানি না—‘ভোকাবুলারি’ খুব কম। তবু আমার লেখা লোকের কেন ভাল লাগে জানি না।

লেখা অনেক ঘষাঝুজা করতে হয়। স্বতঃ উৎসের মত বেরায় না। যারা বলে—যা লিখে যাব, তাই ভাল—তারা প্রকাণ্ড ভুল করে। মানুষের বলার মতন লেখাতেও অনেক ‘ইন্টেলিভেন্ট’ কথা থাকে। সেদিকে নজর রাখতে হয়। আমি যা-তা করে কোন কাজ করি না। সেইজন্য ভুলিকা করে আমার মত বুঝাতে হয় না। আমার কোন বইয়ে ভুলিকা নাই। চারশ’ পাতা বই পড়ে যে বুঝলে না, সে চার পাতা ভুলিকা পড়ে বুঝবে? আমি বইয়ের মধ্যেই বুঝাবার চেষ্টা করি—কোন কথা দ্ব্যর্থক না হয়, সেদিকে নজর রাখি। আমার সঙ্গে মতের মিল না হতে পারে, কিন্তু কেউ বলবে না যে, আপনার লেখা বুঝতে পারলাম না।

আর একটা জিনিস বরাবর দেখেছি—সাহিত্য রচনার গোটাকতক নিয়ম

কাহ্ননও আছে। দেখতে হয়, রসবস্ত অঙ্গীলতা পর্দায়ে না এসে পড়ে। অঙ্গীলতা অঙ্গীলতার মধ্যে এমন একটি স্তম্ভরেখা আছে, যার এক ইঞ্চি ওদিকে পা পড়লেই সব ‘ভাল্গার’—নষ্ট হয়ে যায়। একটু পা টলেছে তো আর রক্ষা নেই। অবশ্য আমি রসিক লোকের কথাই বলছি। ‘ভাল্গার’ সাহিত্য সর্বদা বর্জনীয়। মনোরঞ্জনর জন্ত আমি কখন মিথ্যা বলব না, এ জিনিসটা আমি পারতপক্ষে করি না। কঠোর সমালোচনা আমি খুবই পেয়েছি। গালাগালির বন্তা বয়ে গেছে। দেশ বুঝে না, গ্রন্থকার, কবি, চিত্রকর এঁদের জীবন সাধারণ থেকে ভিন্ন। এখানকার লোকে তা জানে না। জানে না যে, এঁদের স্নেহের প্রশ্রয় দিয়েই বাঁচিয়ে রাখতে হয়। মানুষ চায়—এঁদের অভিজ্ঞতালাভও হোক, আর আমাদের মত শাস্তিশিষ্ট ভদ্রজীবনও যাপন করুক। তা হয় না। আর ব্যথার বিষয়, আমাদের দেশের সমালোচনার মধ্যে ব্যক্তিগত ইজ্জিতটাই থাকে বারো আনা। এ সব সমালোচনা হয় মাহুঘটার, বইটার নয়। এই জন্তে অনেকে ভয় পেয়ে যায়। ‘বামুনের মেয়ে’ ব’লে আমার একখানা বই আছে। অনেকে হয়ত পড়েন নি। লেখবার সময়ে রবীন্দ্রনাথের সঙ্গে কথাবার্তা হয়, তাঁকে বলি, এই রকম একখানা বই লিখতে ইচ্ছা হয়, এ সম্বন্ধে আমার অনেক ব্যক্তিগত ‘এক্সপিরিয়েন্স’ আছে। তিনি বললেন—‘এখন তো আর কৌলিন্য় নেই, একজনের ১০০টা বিয়ে নেই, প্লটের তো ভাবনা নেই—তবে আর এটাকে ষেঁটে কি হবে? তবে যদি সাহস থাকে, লেখো, কিন্তু কিছু মিছে কল্পনা ক’রো না।

পুরানো ছাই ঘাঁটা আমারও উদ্দেশ্য নয়। কৌলিন্য় প্রথাটা আমার বড় লেগেছিল। ধারা ব্রাহ্মণ বলে নিজেকে ভাঙ্গি গোরববোধ করেন, আর ভাবেন—ব্রাহ্মণের রক্ত অবিশিষ্টভাবে বয়ে এসেছে, তাঁদের সেটা মস্ত ভুল ধারণা। ইংরাজীতে যাকে ‘ব্লু-ব্লাড’ বলে তা আর নেই। কৌলিন্য় নিয়ে গোলমাল নিজের চোখে কত দেখেছি। ইতিহাসের কথা নয়—নিজে যা দেখেছি, তাই লিখেছি। এক আঘটা নয়, অনেক। এমন এক বাড়ীতে নেহেন্দ্র পর্ষদ খেয়ে এসেছি। কৌলিন্য় ভাল কি মন্দ সে বিচার আমার নয়, ও আমি বলিও না। আমি এ কথা বলি না যে, বৈষ্ণবের সঙ্গে কায়োতের বিয়ে দাও। তবে কেউ যদি দেয়, কালচার (শিক্ষাদীক্ষা) মেলে, তাহলে এটা বলি—‘তাকে বাধা দিও না।’ সে ভাল করলে কি মন্দ করলে, সে

আমার কথা নয়। অন্ততঃ সে মিথ্যাচারী নয়, এটা তো বলবো। সে যেটা ভাল বুঝেছে, করেছে—সামাজিক তর্ক তুলে তাকে বাধা দেওয়া উচিত নয়। অনেকে মুখে বলেন, মেয়ের বিধবা বিবাহ দাও, কিন্তু যেহিঁনি নিজের মেয়ে বিধবা হ'ল, অমনি বলতে শুরু করেন—দেখুন, ও আমি পারব না, আমার আর পাঁচটা মেয়ের বিয়ে দিতে হবে ইত্যাদি ইত্যাদি। এ রকম মিথ্যাচার ভাল বলি না। রবীন্দ্রনাথ, যার মত অতবড় প্রতিভা পৃথিবীতে আর জন্মাবে কিনা সন্দেহ—উনিও তাই বলেন—লেখো, কিন্তু মিথ্যার আশ্রয় নিও না—কুলীন ব্রাহ্মণ আমি, আমারও লাগবে, ও-রকম করো না।

মিথ্যা করে চরিত্র গড়াও যায় না, যেখানে গড়া হয়, সেইটাই মিথ্যা হয়, অস্বাভাবিক হয়ে পড়ে। বইখানা বেরুলে, উঃ সে কি আক্রমণ! চারদিক থেকে বেয়্যারিং চিঠি আসতে লাগলো!

এরপর নিজের লেখা প্রসঙ্গে শরৎচন্দ্র বললেন—

লেখার সময়ে যেন 'ট্রান্সপোর্টেড' হয়ে যাই। বাড়ীতে বলে রেখে দিয়েছি—যখন লিখব, কেউ কিছু জিজ্ঞাসা করো না। করলে যা উত্তর পাবে, তা বিশ্বাস করো না।

এই সময় শ্রোতাদের মধ্যে একজন শরৎচন্দ্রের 'চরিত্রহীন' উপস্থাসের কথা তুলে বললেন—আপনি মুখে যাই বলুন, আপনার লেখা পড়ে আমার মনে হয়, আপনি সনাতন ধর্মের মর্দাদা হানি করতে চান নি। যখন দেখি 'চরিত্রহীন' বইখানার সেই মেয়েটি সীমারের উপর একটি বালকের সহিত এক বিছানায় থেকেও নিজের দেহকে নষ্ট হতে দিলে না, তখনো কি আমরা বলবো—আপনি সনাতন ধর্মটা মানেন নি? আপনার অন্তরের অলৌকিক ধর্মবিশ্বাসটাই কি ঐ মেয়েটির চরিত্র রক্ষার কারণ নয়?

উত্তরে শরৎচন্দ্র বললেন—আপনি আমার উদ্বেগটা ঠিক ধরতে পারেন নি। আপনি যা বলছেন, ও-ভাবে আমি কিছুই করি নি। মেয়েটি যদি দেহ নষ্টই করতো, তাতেও আমার কিছু ক্ষতি ছিল না। কিন্তু ঐ চরিত্রটা অসত্য হয়ে যেত। অমন লেখাপড়া জানা অশিক্ষিতা মেয়ে, আর যে বালকের সঙ্গে সে কেবল একটা জিদের বশে পালিয়ে এল, সে একটা অপোগণ্ড শিশু বললেই হয়, যাকে সে কোন দিক দিয়েই নিজের সমকক্ষ মনে করে না, তাকে দিয়েই যদি সে নিজের দেহটা নষ্ট হতে দিত, তাহলে ও চরিত্রটাই যাঁটি হয়ে যেত।

এরপরে শরৎচন্দ্র বললেন—আজকের এই আলোচনার আশ্রয় পেলাম। শুধু আবেদনের জন্ত নয়, এ রকম আলোচনার একটা সত্যিকার প্রয়োজনও আছে। দেশটাকে কিভাবে বড় করে তোলা যায়, নানা লোকের নানা মত রয়েছে। মাঝে মাঝে এই রকম পাঠক ও লেখক জড় হয়ে বিভিন্ন চেষ্টার একটা সামঞ্জস্য করা দরকার। এতে লাভ আছে। আজকাল অনেকেই লিখছে। কিন্তু তাদের অনেককেই লেখক বলা চলে না। তাদের লেখায় সংযম দেখা যায় না। যৌন সম্বন্ধ নিয়ে তারা এমন একটা গোলমাল করছে যে, তাদের লেখা সাহিত্য-পদবাচ্য কিনা সন্দেহ। এ-সমস্ত লেখার অধিকাংশই বাইরে থেকে আমদানি করা। নিজেদের অভিজ্ঞতা নেই, তাই পরের ধার করা জিনিস চালাতে গিয়ে একটা বিস্তীর্ণ কাণ্ড করে তুলেছে। কেউ কিছু বললে, তারা জ্বিদের বশে বলে—‘খুব করব, লিখব, বলব।’ কিন্তু সেটা ঠিক নয়। এই রকম সভা-সমিতি করে যদি তাদের সঙ্গে আলোচনার ব্যবস্থা করা হয়, তাহলে তা থেকে ভাল ফল পাওয়া যেতে পারে।

সব শেষে শরৎচন্দ্র বললেন—আমি মানুষকে খুব বড় বলে মনে করি। তাকে ছোট করে আমি মনে করতে পারি না।

## ହାସ୍ୟ-ପରିହାସ





## ভাত খেয়েছেন তো ?

শরৎচন্দ্র অত্যন্ত সভা-ভীকু মানুষ ছিলেন। সভায় যেতে হবে এবং বক্তৃতা করতে হবে, সুনলেই তিনি সর্বদাই পাশ কাটাবার চেষ্টা করতেন।

তিনি বলতেন—সভায় গিয়ে বক্তৃতা করতে হবে মনে হলেই আমার হৃৎকম্প উপস্থিত হয়।

শরৎচন্দ্র সভা-ভীকু হলেও লোকে কিন্তু তাঁকে সভায় দেখবার জ্ঞান এবং তাঁর মুখের বাণী শুনবার জ্ঞান উদ্গ্রীব হয়ে থাকত। তাই তারা বিভিন্ন সভা-সমিতিতে তাঁকে ডাকাডাকি করত।

শরৎচন্দ্র একান্ত যেখানে যেখানে এড়াতে পারতেন না, অনিচ্ছাসত্ত্বেই সেই সেই সভায় যোগ দিতেন।

এইরূপ একবার তিনি ১৩৪১ সালের ১০ই আশ্বিন তারিখে কৃষ্ণনগরে বঙ্গীয় সাহিত্য পরিষদের নদীয়া শাখার বার্ষিক অধিবেশনে সভাপতি হয়ে গিয়েছিলেন।

বিখ্যাত কবি ও নাট্যকার দ্বিজেন্দ্রলাল রায়ের জন্মভূমি এই কৃষ্ণনগর। তাই শরৎচন্দ্র কৃষ্ণনগর যাওয়ার সময় দ্বিজেন্দ্রলালের পুত্র তাঁর স্নেহভাজন দিলীপকুমার রায়কেও সঙ্গে করে নিয়ে গেলেন।

দ্বিজেন্দ্রলালের দাদা সুরেন্দ্রলাল রায় ঐ সময় কৃষ্ণনগরে তাঁদের পৈতৃক বাসভবনে বাস করছিলেন।

শরৎচন্দ্র কৃষ্ণনগরে গিয়ে দিলীপবাবুদের বাড়ীতে বেড়াতে গেলেন।

সেখানে গেলে দিলীপবাবু তাঁর জ্যেষ্ঠামশায়ের সঙ্গে শরৎচন্দ্রের পরিচয় করিয়ে দিলেন।

দিলীপবাবুর পরিচয় করিয়ে দেবার পালা শেষ হ'লে, শরৎচন্দ্র সুরেন বাবুকে নমস্কার করে হাত জোড় করেই বললেন—আপনি প্রাতঃস্মরণীয় দ্বিজেন্দ্রলালের দাদা! আপনাকে দেখলেও পুণ্য হয়! তা আপনি ভাত খেয়েছেন তো ?

কোথাও কিছু নেই, হঠাৎ ভাত খেয়েছেন তো?—শরৎচন্দ্রের এই ধরণের অদ্ভুত প্রশ্ন শুনে সুরেনবাবু তো অবাক!

তারপর বিশ্বয়ের ভাব কিছুটা কাটিয়ে সুরেনবাবু শরৎচন্দ্রকে জিজ্ঞাসা করলেন—হঠাৎ এ ধরণের প্রশ্ন করলেন যে?

শরৎচন্দ্র এবার বললেন—কি জানি মশায়! আমাকে এখানে এনে দাস্তার ধারে একটা বাড়ীতে থাকতে দিয়েছে। তা ঘরে বসে বসেই দেখছিলাম—পথ দিয়ে যত লোক যাতায়াত করে, তাদের মধ্যে কেউ তার পরিচিত কাউকে দেখলেই জিজ্ঞাসা করে—ভাত খেয়েছ তো?—এই দেখে আমিও ভাবলাম—প্রথম সাক্ষাতে এই রকম প্রশ্ন করাই বুদ্ধি এখানকার রীতি! তাই আপনার সঙ্গে পরিচয় হ'লে, আমিও আপনাকে ঐ কথাই জিজ্ঞাসা করলাম।

এরপর শরৎচন্দ্র হাসতে হাসতে বললেন—এই ধরণের প্রশ্নের কারণটা অবশ্য আমি পরে জেনে নিয়েছি। আপনাদের দেশে যা ম্যালেরিয়া মশায়! এখানকার লোকে তো কেবল জরেই ভুগছে শুনলাম। ভাত খেতে পাওয়াটা তাদের কাছে একটা মস্ত বড় ব্যাপার। তাই কেউ তার পরিচিত কাউকে দেখলেই প্রথমেই খোঁজ নেয়—ভাত খেয়েছ তো?

শরৎচন্দ্রের এই কথা শুনে সুরেনবাবু ও দিলীপবাবু দুজনেই হাসতে লাগলেন।

## ব্যাসকাশী

শরৎচন্দ্র তখন হাওড়ায় বাজে শিবপুরে থাকেন। সেই সময় তিনি একবার কাশী-বেড়াতে যান।

কাশী যাওয়ার সময় শরৎচন্দ্রের বাজে শিবপুরের প্রতিবেশী অহরূপনারায়ণ চট্টোপাধ্যায় এবং আরও দু-একজন তাঁর সঙ্গী হন।

কাশী গিয়ে একটি বাড়ী ভাড়া করে সকলেই একত্রে থাকেন। কয়েকদিন যাবার পর শরৎচন্দ্র একদিন তাঁর সঙ্গীদের বললেন—চল আজ বিকালে কাশীর অপর পারে রামনগর অর্থাৎ ব্যাসকাশী বেড়িয়ে আসি।

শরৎচন্দ্রের কথামত বিকালে একটা নৌকায় করে সকলে ব্যাসকাশী রওনা হলেন।

ব্যাসকাশী সম্বন্ধে একটা প্রবাদ আছে যে, কেউ যদি সেখানে মরে, তাহলে পরের জন্মে সে গাধা হয়ে জন্মাবে।

শরৎচন্দ্র বিকালে সদলে নৌকায় করে ব্যাসকাশী চলেছেন, এমন সময় হঠাৎ দেখতে পেলেন—ব্যাসকাশীতে গঙ্গার তীরে কয়েকজন লোক একটা মড়া পোড়াচ্ছে। আর যেখানে মড়া পোড়ান হচ্ছে, তার অদূরেই একটা বাচ্ছা গাধা চরে বেড়াচ্ছে।

এই দেখেই শরৎচন্দ্র তাঁর সঙ্গীদের বলে উঠলেন—দেখ, দেখ! ব্যাসকাশী সম্বন্ধে যে প্রবাদ প্রচলিত আছে, তা কত সত্য! লোকটা মরতে না মরতেই গাধা হয়ে গেছে!

শরৎচন্দ্রের কথা শুনে সকলেই হেসে উঠলেন।

## দেখা হয় নি

গোলকনাথ, প্রিয়নাথ ও অনাথনাথ তিন ভাই। তিন জনেই পৃথক অন্ন। গোলকনাথের মৃত্যুর পর তার নিঃসন্তান স্ত্রী স্বর্ণমঞ্জরী অনাথনাথের সংসারে আশ্রয় নেয়। কিছুদিন পরে আবার প্রিয়নাথের মৃত্যু হ'লে প্রিয়নাথের স্ত্রী দুর্গামণিও কুরুপা অরক্ষণীয়া কন্যা জ্ঞানদাকে নিয়ে অনাথনাথের সংসারে আশ্রয় নিল।

ছোট দেওরের সংসারে দুর্গামণির বড় কণ্ঠেই দিন কাটত। কষ্ট দিত। প্রধানতঃ বড় বৌ স্বর্ণমঞ্জরীই।

স্বর্ণমঞ্জরীর এক প্রতিবেশী বোন-পো অতুল ছেলেবেলা থেকেই এ-বাড়ীতে যাতায়াত করত। জ্ঞানদার সঙ্গে অতুলের একটা প্রীতির সম্পর্কও গড়ে উঠেছিল। এমন কি, অতুল জ্ঞানদার ভার নেবে, এ কথা প্রিয়নাথের মৃত্যুর সময়ও অতুল প্রিয়নাথকে বলেছিল। কিন্তু জ্ঞানদা কুরুপা বলেই অতুল পরে তার কথা রাখে নি।

এই সময় দুঃখে কষ্টে জ্ঞানদার মা দুর্গামণির মৃত্যু হয়। অনাথনাথের আশ্রানে অতুল মৃতদেহ দাহ করতে আশ্রানে গেল।

ইহ জগতে একমাত্র আশ্রয়স্থল মায়ের মৃত্যু হওয়ার অভাগী জ্ঞানদা আশ্রানের নিকটে বর্ষার ঝরা গঙ্গায় ডুবে আত্মহত্যা করবে মনস্থ করে। এই সময় অতুল অমৃতপ্ত হয়ে জ্ঞানদার কাছে গিয়ে বলে—আমি যত অপরাধই করি না কেন, আমাকে তোমায় ফিরে নিতেই হবে। আমাকে ত্যাগ করে শাস্তি দেবে, এ-সাধ্য তোমার কিছুতেই নেই।—এই বলে অতুল জ্ঞানদাকে বুঝিয়ে আশ্রান থেকে ফিরিয়ে আনে।

সংক্ষেপে এই হ'ল শরৎচন্দ্রের 'অরক্ষণীয়া' গ্রন্থের কাহিনী। এই অরক্ষণীয়া পুস্তকাকারে প্রকাশিত হওয়ার আগে, 'ভারতবর্ষ' পত্রিকায় মুদ্রিত হয়েছিল। শরৎচন্দ্র লেখাটি ভারতবর্ষে পাঠাবার সময় জ্ঞানদাকে না বাঁচিয়ে গঙ্গার জলে ডুবিয়ে মেরেছিলেন।

‘অরক্ষণীয়া’ ভারতবর্ষে প্রকাশিত হবার ঐকান্ত এলে ভারতবর্ষের অন্ততম স্বাধিকারী হরিদাস চট্টোপাধ্যায় গল্পটি পড়ে শরৎচন্দ্রকে বলেছিলেন—দাদা, যেভাবে বিয়োগান্ত করে বই শেষ করছেন, ঐভাবে না করে, জ্ঞানদাকে বাঁচিয়ে অতুলকে দিয়ে ফিরিয়ে নিয়ে গেলে কেমন হয় ?

হরিদাসবাবুর এই নির্দেশটি শরৎচন্দ্রের মনোমত হওয়ায় তিনি বইয়ের উপসংহারটি বদলে দেন। এবং পরে ঐভাবেই ছাপা হয়। অরক্ষণীয়া বইও প্রকাশ করেন হরিদাসবাবুদেরই প্রতিষ্ঠান গুরুদাস চট্টোপাধ্যায় এণ্ড সন্স।

অরক্ষণীয়া পুস্তকাকারে প্রকাশিত হওয়ার কিছুদিন পরের ঘটনা।

একদিন মফঃস্বলের এক ক্লাব থেকে হরিদাসবাবুর কাছে একটি চিঠি আসে। চিঠিতে তারা লেখে—অরক্ষণীয়ার উপসংহার নিয়ে আমাদের ক্লাবে সেদিন এক তুমুল তর্ক। এমন কি বাজি রাখা পর্যন্ত হয়েছে। আমাদের মধ্যে একদলের মত—জ্ঞানদাকে শ্রশান থেকে নিয়ে যাওয়ার পর অতুল তাকে বিয়ে করবে, শরৎবাবু এই ইঙ্গিতই দিয়েছেন। অপর দল বলছে—না, তা কখনই নয়।—আপনি যদি দয়া করে শরৎবাবুর কাছ থেকে তাঁর নিজের অভিমতটি জেনে দেন তো বড় ভাল হয়।

হরিদাসবাবু শরৎচন্দ্রকে এই চিঠির কথা শোনাতে শরৎচন্দ্র হাসতে হাসতে বললেন—আপনার কথা শুনেই তো এই বিপদ। বেশ তো জ্ঞানদাকে জলে ডুবিয়ে মেরে ছিলাম। তাতে অতুলটা কালো মেয়ের হাত থেকে বাঁচত, আর লেখক ও প্রকাশকও বাঁচত। এখন কি জবাব দিই বলুন তো। এই ভাবে আরো চিঠি এলেই তো গেছি আর কি !

পরে একটু ভেবে বললেন—আচ্ছা, ওরা তো জানতে চেয়েছে, জ্ঞানদা আর অতুল শ্রশান থেকে যাবার পর কি হ’ল? আপনি লিখে দিন—শরৎবাবুকে জিজ্ঞাসা করায় তিনি বললেন—তারপর অতুল কি জ্ঞানদা কারো সঙ্গেই আর তাঁর দেখা হয় নি। স্বতরাং তাদের কি হ’ল তিনি আর বলতে পারেন না।

## আফিং

শরৎচন্দ্র সেদিন 'ভারতবর্ষ' পত্রিকা অফিসে এসেছেন। এসে অফিসের কর্মচারীদের সঙ্গে বসে বসে গল্প করছেন। তখন বিকাল বেলা। শরৎচন্দ্রের আফিং খাওয়ার সময়। তাই তিনি পকেট থেকে আফিং-এর কৌটা বার করে একটা আফিং-এর পাকানো বড়ি মুখে ফেলে দিলেন।

অফিসের কর্মচারীরা তাঁর আফিং খাওয়া দেখছেন দেখে শরৎচন্দ্র তাঁদের বললেন—কি আফিং দেখে বুঝি সবার লোভ হচ্ছে ?

তারপর তিনি পাশের একজনকে বললেন—দেখ, তুমি একটু আফিং খাও, তাহলে দেখবে, তুমি আমার মতই সাহিত্যিক হয়ে গেছ।—এই বলে শরৎচন্দ্র শুধু তাঁকেই নয়, নানাভাবে বুঝিয়ে এবং আফিং-এর অশেষ গুণ-মহিমা বর্ণনা করে অফিসস্থ সকলকেই একটু একটু করে আফিং খাইয়ে দিলেন।

ঐ সময় ভারতবর্ষের স্বাধিকারীদের মধ্যে কি হরিদাস চট্টোপাধ্যায়, আর কি তাঁর ছোট ভাই সূধ্যাংশুশেখর চট্টোপাধ্যায়, উভয়ের কেউই অফিসে ছিলেন না। তাঁরা তখন বাড়ী চলে গিয়েছিলেন।

এই দেখে শরৎচন্দ্র আরো মজা করবার জন্ত হরিদাসবাবুকে এক চিঠি লিখে অফিসের দরোয়ানের হাত দিয়ে তখনই পাঠিয়ে দিলেন। চিঠিতে লিখলেন—ভায়া, আফিং-এর রূপের মোহে, আর কেউ কেউ আফিং ধরে আমার মত সাহিত্যিক হবার লোভে, আপনার অফিসস্থ সমস্ত লোকই আমার কাছ থেকে জোর করে আফিং কেড়ে নিয়ে খেয়ে বসে আছে। এখন তারা আফিং-এর নেশায় ঝিমোচ্ছে। এখনই যদি না তাদের ঝিটি খাওয়ার ব্যবস্থা করেন, ঝিমুনি কাটবে না। তাহলে কি হবে বুঝতেই পারছেন! আপনার হাতে পুলিশের হাতকড়া পড়বে। অতএব পত্রপাঠ কিছু পাঠিয়ে দিন।

হরিদাসবাবু শরৎচন্দ্রের পত্র পেয়ে তাঁর আসল উদ্দেশ্য বুঝতে পারলেন। এবং দরোয়ানের হাতে তখনই দশটা টাকা পাঠিয়ে দিলেন।

শরৎচন্দ্র টাকা দশটা নিয়ে অফিসের কর্মচারীদের দিলেন। তাঁরা সংখ্যায় অল্পই ছিলেন, তাই বিকালের জলযোগটা তাঁদের সেদিন মন্দ হ'ল না।

## দাড়ি

শরৎচন্দ্র রেজুন থেকে ফিরে আসার পর অনেকদিন পর্যন্ত দাড়ি রেখে ছিলেন। তারপর কেন যে দাড়ি ফেলে দিলেন, সে সম্বন্ধে ডক্টর হুনীতিকুমার চট্টোপাধ্যায়ের কাছে তিনি একদিন একটা গল্প বলেছিলেন। সেই গল্পটা এই :—

আমি তখন হাওড়ায় বাজে শিবপুরে থাকি। সেই সময় একবার সেখান থেকে হাওড়া জেলার এক গ্রামে আমার দিদিদের বাড়ীতে বেড়াতে গিয়েছিলাম। সেখানে দু-একদিন থেকে আমার বাজে শিবপুরের বাড়ীতে ফিরে আসবার সময়, ট্রেনে একজন মুসলমান আমার পাশেই বসে আসছিল। সে আমার দাড়ি দেখে তো আমাকে মুসলমান ভাবে। এই ভেবে সে আমাকে আর কিছু না বলেই—ভাই সাহেব, পান নিন—বলে এক খিলি পান দিতে আসে।

এই ঘটনার পর বাড়ী এসেই আমি সঙ্গে সঙ্গেই দাড়ি কামিয়ে ফেলি।

শরৎচন্দ্র কখনো কখনো একই কথাকে বানিয়ে বানিয়ে বিভিন্ন জনের কাছে বিভিন্ন রকমের গল্প করতেন। তাঁর এই দাড়ি ফেলার গল্প কংগ্রেসকর্মী হেমন্তকুমার সরকারের কাছে আবার অল্পভাবে বলেছিলেন। তা এই—

হাওড়ায় একবার হিন্দু-মুসলমানের দাঙ্গা হয়। সেই সময় হাওড়ার জেলা ম্যাজিস্ট্রেট তো অনেকের সঙ্গে আমাকেও তলব করলেন।

আমার দাড়ি দেখে ম্যাজিস্ট্রেট ভাবলেন, আমি মুসলমান।

আমি তখন ম্যাজিস্ট্রেটকে বললাম—হজুর, হাওড়ায় মুসলমানের অভাব কি? আপনার যত ইচ্ছা গ্রেপ্তার করতে পারেন। কিন্তু এ ব্রাহ্মণ সন্তানকে নিয়ে টানাটানি কেন?

এরপর কোর্ট থেকে ফিরেই আমার বহুদিনের পোষা দাড়িটাকে কামিয়ে ফেললাম।



## দাড়ি সাদৃশ্য

‘রসচক্রে’র আড্ডায় একদিন রবীন্দ্রনাথের দাড়ির কথা উঠলে, শরৎচন্দ্র সঙ্গে সঙ্গেই বানিয়ে এই গল্পটি বলেছিলেন—

রবীন্দ্রনাথের এক বিশিষ্ট বন্ধু ( তাঁরও পাকা দাড়ি ছিল ) একবার বিলেত গেলে, সেখানে অনেকে তাঁকেই রবীন্দ্রনাথ বলে ভ্রম করেন। রবীন্দ্রনাথ কার মুখে এই কথাটা শুনে, বন্ধুটি ফিরে এলে তাঁকে ডাকিয়ে বললেন—দেখুন, আপনি বিলেত গেলে অনেকে যে আপনাকে রবীন্দ্রনাথ বলে ভুল করেছিল, তার মূলে আপনার ঐ দাড়ি। অতএব লোকে যাতে আর না ভুল করে, সেজন্য আপনি অমুগ্রহ করে দাড়িটি এবার কামান।

বন্ধুটি বললেন—তা কি করে হয়! আমার এতদিনের সযত্ন-বর্ধিত দাড়ি, কামাই কি করে!

তখন রবীন্দ্রনাথ বললেন—তাহলে এক কাজ করুন, কামাতে যদি সত্যিই মায়া হয়, তবে অন্ততঃ মেহেদি দিয়ে দাড়িটা ছোপান।

বন্ধুটি এই কথা শুনে রেগে গিয়ে বললেন—জ্যা, আমি কি মুসলমান যে, দাড়ি ছোপাতে যাব?

রবীন্দ্রনাথ যখন দেখলেন যে, বন্ধুটি দাড়ি না কামাতে, না ছোপাতে কিছুই চাইছেন না, তখন তিনি রেগে গিয়ে তাঁর সঙ্গে আড়ি করে বাক্যালাপই বন্ধ করে দিলেন।

## হিন্দু-মুসলমান মিলন

কংগ্রেস একদিকে যেমন স্বাধীনতার জন্ত ইংরাজের বিরুদ্ধে সংগ্রাম করেছিল, তেমনি সে বরাবরই তার অনেকখানি শক্তি নিয়োগ করেছিল হিন্দু-মুসলমান মিলনের মধ্য দিয়ে মুসলমানদেরও স্বাধীনতা আন্দোলনে নিয়ে আসার। এজন্ত হিন্দু-প্রধান কংগ্রেস মুসলমানদের সঙ্গে মিলনের আশায় তার অনেক স্বার্থ ত্যাগ করেছে এবং কোন কোন ক্ষেত্রে মুসলমানদের অগ্রায় দাবীও মেনে নিয়েছে।

শরৎচন্দ্র বরাবরই কংগ্রেসের মুসলমানদের সঙ্গে মিলনের জন্ত এই তোষণ কবে হাত বাড়ানোটাতে আদৌ প্রীতির চোখে দেখতেন না।

এমন কি মুসলমানদের দলে আনবার জন্ত কংগ্রেসের হিন্দু নেতারা যখন খিলাফৎ আন্দোলনের মুসলমান নেতাদের সঙ্গে চুক্তি করেন, শরৎচন্দ্র তখন কংগ্রেসের ঐ চেষ্টাকে একটা ঘুষের ব্যাপার ও গোঁজামিল বলেছিলেন।

একবার কংগ্রেস তখন হিন্দু-মুসলমান মিলন নিয়ে খুব মাথা ঘামাচ্ছে।

সেই সময় শরৎচন্দ্র একদিন দেশবন্ধুকে বললেন—আপনারা এত চেষ্টা করেও তো হিন্দু-মুসলমানের প্রকৃত মিলনের পথ খুঁজে পাচ্ছেন না। আমি কিন্তু একটা পথ বাৎলে দিতে পারি। একবার চেষ্টা করে দেখুন দেখি।

দেশবন্ধু আগ্রহ সহকারে বললেন—কি বলুন শুনি!

শরৎচন্দ্র গম্ভীরভাবে বলে যেতে লাগলেন—যেখানে মুসলমানের সংখ্যা বেশী, সেখানে একটা করে ইংরাজি স্কুল খুলে দিন। ইংরাজির ছাত্রশিটি অক্ষর ও বানান সমস্তা ডিসপেন্সিয়া এসে মুসলমানদের এমন কাবু করবে যে, হাতের লাঠি আপনি খসে পড়বে এবং বার্লি খাওয়া নাড়ীতে গরু আর হজর হবে না। তখন গো-বধ আপনিই বন্ধ হবে। আর গো-বধ বন্ধ হলেই হিন্দু-মুসলমান বিবাদ আপন। হতেই মিটে যাবে।

শরৎচন্দ্রের প্রস্তাব শুনে দেশবন্ধু হো হো করে হেসে উঠলেন।

## সূতাকাটা

অসহযোগ আন্দোলনের সময় শরৎচন্দ্র কংগ্রেসে যোগ দিয়ে কংগ্রেসের সকল প্রকার গঠনমূলক কাজেই আত্মনিয়োগ করেছিলেন।

কংগ্রেসের একটা নির্দেশ ছিল চরকা কাটা ও খন্দর পরা।

শরৎচন্দ্র নির্ধারিত সহিত চরকা কাটলে এবং খন্দর পরলেও কংগ্রেসের চরকা-খন্দরের প্রোগ্রামে কিন্তু তিনি আদৌ বিশ্বাসী ছিলেন না।

চরকা কাটলে যে স্বরাজ্জ্বলিত হবে, এ বিশ্বাস তাঁর ছিল না। তবুও তিনি খন্দর পরতেন এবং যত্ন করে চরকা কাটাও শিখেছিলেন। তার কারণ কংগ্রেস চরকা-খন্দরের প্রোগ্রাম নিয়েছিল বলে।

শরৎচন্দ্র হাওড়া জেলা কংগ্রেস কমিটির প্রেসিডেন্ট হয়েও চরকায় যে অবিশ্বাসী, এ কথা মহাত্মা গান্ধীও জানতেন।

মহাত্মা গান্ধী একবার কলকাতায় এসে তখনকার অগ্রতম জাতীয়তাবাদী দৈনিক ‘সার্ভেণ্টে’র কার্যালয় দেখতে যান।

সার্ভেণ্টের সম্পাদক শ্রীমহেন্দ্র চক্রবর্তী ছিলেন তখন বঙ্গীয় প্রাদেশিক কংগ্রেস কমিটির প্রেসিডেন্ট।

মহাত্মাজী কলকাতায় এসে দেশবন্ধুর বাড়ীতে উঠেছিলেন। দেশবন্ধুর বাড়ী থেকে সার্ভেণ্ট অফিসে যাওয়ার সময় অনেকেই মহাত্মাজীর সঙ্গে গেলেন। শরৎচন্দ্রও গেলেন।

সার্ভেণ্ট কার্যালয়ে গিয়ে মহাত্মাজী সকলকে নিয়ে সেখানে বসে চরকা কাটতে চাইলেন।

অমনি সঙ্গে সঙ্গেই কতকগুলো চরকা আনা হ’ল।

অনেকেই মহাত্মাজীর সঙ্গে চরকা কাটতে বসলেন। শরৎচন্দ্রও চরকা কাটায় যোগ দিলেন।

শরৎচন্দ্রের সূতো খুব মিহি হচ্ছিল। শ্রীমহেন্দ্রবাবুর সূতো কিন্তু মোটা হচ্ছিল।

মহাস্বামী গান্ধী শ্রামহম্মদবাবুকে দেখিয়ে পরিহাস করে বললেন—লুক লুক, দি প্রেসিডেন্ট অফ্ দি বি-পি-সি-সি ইজ স্পিনিং রোপ্।

মহাস্বামীর এই কথা শুনে সকলেই হেসে উঠলেন।

শরৎচন্দ্র হেসে বললেন—নিয়ারার দি চার্চ, রিমোটার ক্রম্ গড্।

এবার মহাস্বামী, শরৎচন্দ্র চরকায় বিশ্বাস করেন কিনা তাঁকে জিজ্ঞাসা করলেন।

উত্তরে শরৎচন্দ্র জানালেন যে, চরকায় তাঁর একবিন্দুও বিশ্বাস নেই।

মহাস্বামী তখন শরৎচন্দ্রকে বললেন—বাট্ ইউ স্পিন্ বেটার ছান্ ম্যানি লাভারস্ অফ্ চরকা।

শরৎচন্দ্র বললেন—আই ছাভ্ লার্নট স্পিনিং, বিকজ্ আই ছাভ্ লাভ্ ফর ইউ।

মহাস্বামী মুহূ হেসে বললেন—বাট্ হোয়াই ডোণ্ট্ ইউ বিলিভ্ ছাট্ দি অ্যাটেন্শ্যাপ্ট অফ্ স্বরাজ উইল্ বি হেল্পড বাই স্পিনিং।

উত্তরে শরৎচন্দ্র হেসে বললেন—নো, আই ডোণ্ট্ বিলিভ্। আই থিংক্ অ্যাটেন্শ্যাপ্ট অফ্ স্বরাজ ক্যান বি ওনলি বি হেল্পড বাই সোল্জারস্ এণ্ড নট্ বাই স্পাইডারস্।

শরৎচন্দ্রের কথা শুনে মহাস্বামী হাসতে লাগলেন।

## খন্দর

অসহযোগ আন্দোলনের সময়কার কথা।

সারা ভারতে তখন মহাত্মা গান্ধীর নেতৃত্বে অসহযোগ আন্দোলনের প্রবল ঢেউ।

ঘরে ঘরে লোকে চরকা-খন্দর নিয়ে যেতে উঠেছে।

হাওড়া জেলা কংগ্রেসের সভাপতি হিসাবে শরৎচন্দ্রও তখন খুব চরকা কাটছেন এবং খন্দর পরছেন।

ঐ সময় দিলীপকুমার রায় একদিন শরৎচন্দ্রের সঙ্গে দেখা করতে হাওড়ায় বাজে শিবপুরে তাঁর বাড়ীতে যান।

শরৎচন্দ্র তখন বৈঠকখানায় বসে গড়গড়ায় তামাক খাচ্ছিলেন। ঘরের মধ্যে আরও দু-একজন ছিলেন। দিলীপবাবু গেলে শরৎচন্দ্র তাঁকে আদর করে বসালেন।

নানা রকমের কথা হচ্ছিল। কথায় কথায় রাজনীতির কথা উঠল। রাজনীতি থেকে এল খন্দরে।

খন্দরের কথা উঠলে শরৎচন্দ্র দিলীপবাবুকে বললেন—দেখ মণ্টু, খন্দর আর পরা চলে না দেখছি!

—কেন বলুন তো?

—আরে বাড়ীতে চাকর-বাকর আদৌ থাকতে চায় না। তারা বলে, কাপড় ধুতে গিয়ে ভোবাই বেশ, কিন্তু তুলবার সময় আর তুলতে পারি না।

চাকর-বাকরের কথা তো গেল। আর আমিও দেখেছি—তোমাদের ঐ চর্টের মত মোটা খন্দরের ঘর্ষণে কোমরটা আমার একেবারে ক্ষতবিক্ষত হয়ে গেল হে!

## খন্দরে বৈচিত্র্য

বঙ্গীয় প্রাদেশিক কংগ্রেস কমিটির অফিসে সেদিন কংগ্রেসেরই কিসের একটা সভা। সভা আরম্ভ হতে তখনও কিছুটা দেরি আছে। ইতিমধ্যে অনেকেই এসে গেছেন। শরৎচন্দ্র বসু এবং অনিলবরণ রায়ও এসেছেন।

শরৎচন্দ্র বঙ্গীয় প্রাদেশিক কংগ্রেস কমিটির সদস্য ছিলেন। তাই তিনিও এসেছেন।

চরকা কাটা এবং খন্দর পরা প্রত্যেক কংগ্রেস কর্মীরই অবশ্য কর্তব্য বলে কংগ্রেস কর্মীরা সকলেই খন্দর পরে এসেছেন।

অনিলবরণ রায় এই সময় খুব মোটা খন্দরের খাটো বহরের আর লম্বাতেও ছোট, এমন কাপড় পরতেন। তাঁর কাপড়ের বহর তাঁর হাঁটুর উপর থাকত।

একবারে অনিলবাবুর মত না হ'লেও অধিকাংশ কংগ্রেস কর্মীই তখন খুব মোটা খন্দরের কাপড় পরতেন।

শরৎচন্দ্র বসুর ছিল কিন্তু এর বিপরীত। তিনি পরতেন মিহি খন্দরের ধুতি ও পাঞ্জাবী। আর পাঞ্জাবীর উপর নিতেন তেমনি মিহি চাদর। তাঁর ধুতির বহর পড়ত পায়ের গোড়ালি পর্যন্ত লুটিয়ে, পাঞ্জাবীর ঝুল ছিল খুব লম্বা, আর চাদরে থাকত মুগার পাড়।

সেদিন সভায় আগত কংগ্রেস কর্মীদের মধ্যে একজন অনিলবরণ রায়ের ও শরৎচন্দ্র বসুর এই পোষাকের তুলনা করে শরৎচন্দ্র বসুকে একটু ঠাট্টার স্বরেই বললেন—শরৎবাবু, আপনার এ মিহি খন্দরটি কোথাকার তৈরি?

তখন শরৎবাবু একটু উদ্বার সঙ্গেই উত্তর দিলেন—ভাগলপুরের।

এই বিজ্ঞপের ফলে একটু অপ্রীতিকর ঘটনা ঘটবার প্রায় উপক্রম হ'ল।

এই দেখে শরৎচন্দ্র বলে উঠলেন—ওহে, আমাদের এখানে সব রকম আছে। একটু বৈচিত্র্য থাকা ভাল। অনিলবরণ হচ্ছে খন্দরের মাদার টিংচার, আর শরৎ হচ্ছে টু-হান্ডেড ভাইলুশন, বুঝলে?

শরৎচন্দ্রের কথা শুনে সকলেই হেসে উঠলেন এবং যে অপ্রীতিকর আবহাওয়ার সৃষ্টি হতে যাচ্ছিল, সকলের হাসির চোটে তা কেটে গেল।

## বাঙ্গলা কংগ্রেসের গদি

দিলীপকুমার রায়ের বাড়ীতে সেদিন সুভাষচন্দ্র বসু, কীরণশঙ্কর রায় প্রভৃতি কংগ্রেস নেতারা এসেছেন। শরৎচন্দ্রও উপস্থিত আছেন। হাঙ্গা আলাপ হচ্ছে।

এমন সময় দিলীপবাবু সুভাষচন্দ্রকে লক্ষ্য করে বললেন—সুভাষ, তোমার শরীর এখনও তো দুর্বল। তা একটু বিশ্রাম নিলে ভাল হয় না? বিশেষতঃ ডাক্তার যখন বলেছেন।

উত্তরে সুভাষচন্দ্র বললেন—উপায় কি ভাই, কংগ্রেস প্রভৃতির কাজে লোক তেমন আর কই?—বলেই একটু হেসে শরৎচন্দ্রের দিকে তাকিয়ে বললেন—তবে শরৎবাবু যদি বাঙ্গলা কংগ্রেসের ভার নিতে রাজী হন তো, আমি একটু বিশ্রাম নিতে পারি।

শুনে শরৎচন্দ্র হেসে বললেন—দেখ সুভাষ, আমি দেখতে বোকা বটে, কিন্তু আসলে আদৌ বোকা নই। তুমি ভেবেছ, বি-পি-সি-সি-র গদিতে আমাকে বসিয়ে তোমার বদলে জেলে পাঠাবে। আরে, তাতে কি আমি রাজী হই!

সুভাষচন্দ্র হেসে উঠে বললেন—আপনাকে জেলে যেতে হবে কেন? আপনাকে কেউ ধরবে না তা বলে দচ্ছি।

শরৎচন্দ্র বললেন—আরে তুমি তো বলেই খালাস। তারপর? যখন হাতে হাতকড়া দিয়ে নিয়ে যাবে, তখন তুমি দলবল নিয়ে এসে বড় জোর গলায় একগাছি মালা পরিয়ে দিয়ে বলবে ‘বন্দে মাতরম্ শরৎবাবু’। তোমার সুধামুখে একবার বন্দে মাতরম্ শোনবার জন্ত, আর তোমাদের ঐ অশ্রুনিষিক্ত একগাছি মালা পাবার লোভে, আমি কিন্তু পাঁচ-পাঁচটা বছর জেল খাটতে আদৌ রাজী নই।

## জেলে যাওয়া

অসহযোগ আন্দোলনের সূত্র থেকেই শরৎচন্দ্র কংগ্রেসে যোগ দিয়েছিলেন এবং সেই থেকে একটানা বহু বৎসর ধরে হাওড়া জেলা কংগ্রেস কমিটির সভাপতি ছিলেন।

কিন্তু কখনো তিনি জেলে যান নি।

কংগ্রেস-কর্মীরা আইন অমান্য ঘোষণা করে যখন দলে দলে জেলে যাচ্ছিলেন, সেই সময় স্ত্রীভাষচন্দ্র বসু একদিন শরৎচন্দ্রকে বললেন—শরৎবাবু, আপনাকে একবার জেলে যেতেই হবে।

শুন শরৎচন্দ্র বললেন—আরে স্ত্রীভাষ, আমারও তো খুবই ইচ্ছে। আর জেলে যেতে সব সময়েই প্রস্তুত আছি। কিন্তু মুশ্কিল হয়েছে কি জানো—সেখানে যে আফিং দেবে না! আফিং ছাড়া যে আমি বাঁচব না!

স্ত্রীভাষচন্দ্র বললেন—সে আমি যোগাড় করে দেবার ব্যবস্থা করব। আপনাকে সেজন্ত কিছু ভাবতে হবে না।

উত্তরে শরৎচন্দ্র বললেন—তুমি যে আমার সঙ্গে সব সময়েই জেলে থাকবে তার কি মানে আছে? তুমি যদি আগে জেল থেকে বেরিয়ে এস, তাহলে কি হবে? না! ওতে স্ত্রীবিধা হবে না হে! দেখ দেখি! আমার সম্পূর্ণ ইচ্ছা থাকা সত্ত্বেও শুধু ঐ আফিংএর জন্তই জেলে যাওয়া হচ্ছে না। এ কি কম দুঃখ!

শরৎচন্দ্র দেশবন্ধুকেও একবার বলেছিলেন—শুনি জেলে গেলে নাকি আফিং দেয় না, তামাকও দেয় না। তাই আমার জেলে যাওয়া হ'ল না। না, দেখছি জেলখানাটা আদৌ ভদ্রলোকের জায়গা নয়।



## মুসলমান ও শিখ বন্ধুদের প্রতি

ভারতের স্বাধীনতা আন্দোলনকে প্রতিহত করবার জন্য ইংরাজ গভর্নমেন্ট সকল রকম দমন-নীতিই অবলম্বন করেছিল। এমন কি মুসলমানদের হাত করে ভেদনীতিরও অম্লসরণ করেছিল।

তার ফলে অধিকাংশ মুসলমানই তখন কংগ্রেসের স্বাধীনতা আন্দোলনে যোগ দেয় নি।

শরৎচন্দ্র তাই তাঁর মুসলমান বন্ধুদের পরিহাস করে তখন বলতেন—  
তোমাদের গায়ে এত জোর, তোমরাই স্বরাজের জন্য ঘানি ঘোরাবার ও গুলি খাবার ভার নাও না কেন? তোমরা বাদশা ছিলে, তোমরাই আবার না হয় বাদশা হবে। আমরা যেমন কেরাণী ছিলাম, তাই থাকব।

মহাত্মা গান্ধীর নেতৃত্বে সত্যাগ্রহ আন্দোলন করে লোকে তখন দলে দলে জেলে যাচ্ছে।

সেই সময় কংগ্রেসকর্মী হেমন্তকুমার সরকার একদিন গ্রেপ্তার হওয়ার জন্য বঙ্গীয় প্রাদেশিক কংগ্রেস কমিটির তদানীন্তন কার্যালয় ফরবেশ ম্যানসন থেকে বেরোবেন কি, এমন সময় শরৎচন্দ্র সেখানে গিয়ে হাজির হলেন।

ঐ সময় সুভাষচন্দ্র বহুও সেখানে উপস্থিত ছিলেন।

হেমন্তবাবু জেলে যাওয়ার জন্য প্রস্তুত হচ্ছেন দেখে, শরৎচন্দ্র সুভাষচন্দ্রকে বললেন—আচ্ছা সুভাষ, এই ভদ্রলোকের সন্তানকে তুমি কোথায় পাঠাচ্ছ? এত জোয়ান জোয়ান দাড়িওয়ালা শিখ মুসলমান থাকতে একে কেন? ওদের চেহারা দেখে বুঝ না, ভগবান যেন ঘানি ঘোরাবার জন্যই ওদের এত-বল দিয়েছেন।

## দেশবন্ধুর ত্যাগ ও দুঃখ

১৯২২ খ্রীষ্টাব্দে গয়া কংগ্রেসে সভাপতি ছিলেন দেশবন্ধু।

এই গয়া কংগ্রেসে আইন সভায় প্রবেশের নীতি নিয়ে অধিকাংশ কংগ্রেস নেতার সহিত দেশবন্ধুর মতবিরোধ হয়।

তখন দেশবন্ধু কংগ্রেসের সভাপতির পদ ত্যাগ করেন এবং কংগ্রেসের মধ্য থেকেই তাঁর সমর্থকদের নিয়ে ‘স্বরাজ্যদল’ নাম দিয়ে আলাদা একটা দল গঠন করেন।

এর জন্ত তখন বাঙলা দেশের ইংরাজী বাঙলা সব ক’খানা সংবাদপত্রই মিলিতকর্তে দেশবন্ধুকে আক্রমণ করেছিল।

লোক নাই, অর্থ নাই, হাতে একখানা কাগজ নাই, অতি ছোট ঘারা তারাপ গালিগালাজ না করে কথা কয় না, দেশবন্ধুর সে কি অবস্থা!

সেই সময় শরৎচন্দ্র একদিন দেশবন্ধুর বাড়ীতে যান। গিয়ে বলেন—  
ত্যাগ ও দুঃখ বরণ ব্যতীত যখন স্বরাজ লাভ হবেই না, আর সবই যখন ত্যাগ করেছেন এবং দুঃখেরও যখন চরম হয়েছে, তখন এইবার একখানা পা কেটে ফেলুন। তার ফলে আপনার যে ত্যাগ ও দুঃখ তাতে স্বরাজ নিশ্চয়ই এগিয়ে আসবে।

এই বলে শরৎচন্দ্র মোটা টাকার একখানা চেক দেশবন্ধুর হাতে দিলেন।

## শিক্ষক

দেশবন্ধুর বাড়ীতে সেদিন মহাত্মা গান্ধীর সঙ্গে কংগ্রেস-কর্মীদের গল্প হচ্ছিল।

সেই বৈঠকে দেশবন্ধু, শরৎচন্দ্র, কিরণশঙ্কর রায় প্রভৃতি অনেকেই উপস্থিত ছিলেন।

হঠাৎ কথা উঠল, কোন্‌ বাঙ্গালীর সঙ্গে কবে মহাত্মাজীর প্রথম আলাপ হয়।

তুনে কিরণশঙ্কর রায় বলে উঠলেন—ও গৌরবটা আমার পাওনা। প্রথম মহাত্মাদের সময় ব্যারিস্টারী পড়বার জন্ত আমি যখন বিলেতে ছিলাম, মহাত্মাজী তখন বুয়র যুদ্ধে এ্যাম্বুলেন্স কোরের কার্ধোপলক্ষে বিলেতে এসেছিলেন। মহাত্মাজীর তখন খেয়াল হয়েছিল বাঙ্গলা শেখবার। উনি তখন আমাকে মাস্টার রেখেছিলেন।

দেশবন্ধু সহাস্তে জিজ্ঞাসা করলেন—তাই নাকি? তা ছাত্রটিকে কতখানি বাঙ্গলা শিখিয়েছিলে কিরণ?

কিরণবাবু হাসতে হাসতে বললেন—ছাত্রটি যে তেমন ধারালো ছিল না, তাই তো শিক্ষা তেমন হ'ল না।

শরৎচন্দ্র এবার এ সম্বন্ধে মহাত্মাজীকে প্রশ্ন করলেন—মহাত্মাজী! ইংলণ্ডে কিরণ কি আপনার গুরু ছিল?

মহাত্মাজী ঈষৎ হেসে বললেন—হ্যাঁ, ওর কাছে আমি বাঙ্গলা শিখতাম।

শরৎচন্দ্র গম্ভীরভাবে এবার বললেন—ঐ জন্তই আপনি বাঙ্গলা শিখতে পারেন নি।

## বন্ধু-বিচ্ছেদ

শরৎচন্দ্র ১৯২৩ খ্রীষ্টাব্দের সেপ্টেম্বর মাসে দিল্লী কংগ্রেসে যোগ দিতে গিয়ে ফিরবার সময় দিল্লী থেকে বৃন্দাবনে যান।

দিলীপকুমার রায় এবং কাশীর উত্তরা-সম্পাদক সুরেশচন্দ্র চক্রবর্তী এঁরাও শরৎচন্দ্রের সঙ্গী হন।

শরৎচন্দ্রের মেজভাই প্রভাসচন্দ্র চট্টোপাধ্যায় যৌবনেই রামকৃষ্ণ মিশনে যোগ দিয়েছিলেন। সম্মানসূচী হয়ে তাঁর নাম হয় স্বামী বেদানন্দ। ঐ সময় তিনি বৃন্দাবনে রামকৃষ্ণ মিশন আশ্রমের অধ্যক্ষ ছিলেন।

শরৎচন্দ্র সঙ্গীদের নিয়ে মেজভাইয়ের আশ্রমে গিয়েই উঠলেন।

একদিন শরৎচন্দ্র তাঁর সঙ্গী দুজনকে নিয়ে বৃন্দাবনে রাখাকুণ্ড দেখতে গেলেন। তিনজন পাণ্ডা তাঁদের কুণ্ড দেখাল।

ফিরবার সময় পাণ্ডারা তাঁদের টাকা ঘিরে, এক আনা দিজিয়ে, দো আনা, নেহি নেহি তিন আনা, করতে লাগল।

পাণ্ডাদের যে কত দেওয়া যায়, দিলীপবাবু বা সুরেশবাবু কিছুই ঠিক করতে পারলেন না। এমন সময় শরৎচন্দ্র পকেট থেকে দুটো টাকা বের করে তাদের কারো হাতে না দিয়ে ছুঁড়ে দিলেন।

একেবারে দুটো টাকা! নেবার জন্ত পাণ্ডারা হড়াহড়ি ফেলে দিল। এদিকে টাকা ততক্ষণে পাণ্ডাদের আক্রমণ থেকে মুক্তি পেয়ে আরোহীদের নিয়ে ছুটে চলল।

দিলীপবাবু শরৎচন্দ্রকে বললেন—হু-এক মিনিট ঘুরিয়ে একটা কুণ্ড দেখানোর জন্ত একেবারে হু-দুটো টাকা দিলেন।

উত্তরে শরৎচন্দ্র বললেন—ওরা যেমন, ওদের মধ্যে তাই বন্ধু-বিচ্ছেদ ঘটিয়ে দিলাম অনন্তকালের জন্ত। এতক্ষণে কার টাকা, এই নিয়ে ওরা নিশ্চয়ই হাঙ্গামা জুড়ে দিয়েছে।

## ওস্তাদী গান

শরৎচন্দ্র ছেলেবেলার ভাগলপুরে থাকার সময় কিছুদিন গান-বাজনার চর্চা করেছিলেন। পরে তিনি রেঙ্গুনে থাকাকালেও অনেকদিন গানের চর্চা করেন।

গানের মধ্যে কীর্তন, শ্রামাসঙ্গীত ও রবীন্দ্র-সঙ্গীতই ছিল তাঁর প্রিয়। এ সব গান তিনি ভালই গাইতেন। তাঁর কণ্ঠস্বরও ছিল সুমিষ্ট।

শরৎচন্দ্র রেঙ্গুন থেকে ফিরে এসে গান একেবারে ছেড়ে দিয়েছিলেন। তবে বন্ধুবান্ধবদের অনুরোধে কোন কোন গানের আসরে মাঝে মাঝে যেতেন। কিন্তু ওস্তাদী গান বা উচ্চাঙ্গ সঙ্গীতের আসরে তিনি যেতে চাইতেন না।

দিলীপকুমার রায়ের কলকাতার বাড়ীতে একবার সঙ্গীত-সম্মেলন। বিখ্যাত গায়ক আব্দুল করিম সাহেব সেদিন সম্মেলনে গান করবার কথা।

সঙ্গীত-সভায় যোগ দেবার জন্য দিলীপবাবু তাঁর সঙ্গীত-পিপাসু বন্ধুদের অনেককেই নিমন্ত্রণ করলেন। দিলীপবাবু ঐ সঙ্গে শরৎচন্দ্রকেও নিমন্ত্রণ করা স্থির করলেন।

সঙ্গীত-সম্মেলনের দিন সকালে দিলীপবাবু নিজেই শরৎচন্দ্রের বাড়ীতে গেলেন।

গিয়ে বললেন—আজ আমাদের বাড়ীতে একটা গানের আসর আছে। এখনকার ভারতের সর্বশ্রেষ্ঠ গায়ক আব্দুল করিম সাহেব তাতে গান করবেন। আপনাকে যেতেই হবে, তাই নিমন্ত্রণ করতে এলাম।

শরৎচন্দ্র শুনে একটু গম্ভীর হয়ে বললেন—তুমি যদি একটা ভরসা দাও তো যেতে পারি।

দিলীপবাবু বিস্মিত হয়ে শরৎচন্দ্রের মুখের দিকে তাকিয়ে জিজ্ঞাসা করলেন—কিসের ভরসা বলুন তো?

শরৎচন্দ্র বললেন—দেখ, শুনেছি আব্দুল করিম সাহেবের ওস্তাদী গান নাকি খুব চমৎকার! ভক্তলোক খুবই ভাল গান করেন। তা আমি তোমার কাছে জানতে চাইছি, গান করেন তো ভাল, কিন্তু থামতে জানেন তো?

## অজুতো বল

১২১৭ খ্রীষ্টাব্দের কথা। জোড়াসাঁকোয় ঠাকুর বাড়ীতে তখন প্রতি সপ্তাহে সাহিত্য ও শিল্পের আসর 'বিচিত্রা'র অস্থান হ'ত। রবীন্দ্রনাথ ও অবনীন্দ্রনাথের উপস্থিতিই ঐ আসরের প্রধান আকর্ষণ ছিল।

বিচিত্রার আসরে বাঙ্গলা দেশের তৎকালীন প্রায় সকল সাহিত্যিক ও শিল্পীই যোগদান করতেন। শরৎচন্দ্রও সেই আসরে যেতেন।

ঘরের মেঝেয় ঢালা ফরাসের উপর বিচিত্রার আসর বসত। তাই সকলেই ঘরের বাইরে জুতো খুলে ফরাসে এসে বসতেন।

সভাভঙ্গের পর প্রত্যেকবারই খবর পাওয়া যেত, কারও না কারও জুতো হারিয়েছে। এইভাবে প্রতিবারেই দু-একজনের করে জুতো হারাতে থাকলে, সকলেই জুতো-সমস্যায় পড়লেন।

কবি সত্যেন দত্ত তো ছেঁড়া জুতোই পায়ে দিয়ে আসতে লাগলেন।

সেদিন বিচিত্রার অধিবেশনে শরৎচন্দ্রও এসেছেন। তিনি সেদিন তাঁর সখের নতুন জুতো জোড়াটি পায়ে দিয়ে এসেছেন। তিনি জুতো চুরির কথা শুনে, বারান্দার একদিকে গিয়ে হাতে যে কাগজটা ছিল, তাই দিয়ে জুতো জোড়াটি মুড়লেন। তারপর মোড়কটি হাতে নিয়ে রবীন্দ্রনাথের সামনে এবং অধ্যাপক ক্ষিতিমোহন সেনের পাশে গিয়ে বসলেন।

ক্ষিতিমোহনবাবু শরৎচন্দ্রের পূর্ব-পরিচিত ছিলেন। তিনি ক্ষিতিমোহন বাবুর খবর নিয়ে, তাঁকে চুপে চুপে বললেন—আজ মনে অজুতো বল নিয়ে গুরুদেবের কথা শুনবো।

ক্ষিতিমোহনবাবু শরৎচন্দ্রের 'অজুতো'কে 'অমৃত' শুনেছিলেন। তাই তিনি বললেন—হঠাৎ অমৃত বল কেন?

ক্ষিতিমোহনবাবু কথাটা ধরতে পারেন নি দেখে, শরৎচন্দ্র ইঙ্গিতে হাতের মোড়কটি দেখিয়ে চুপে চুপে সভায় জুতো চুরির কথাটা বললেন।

ক্ষিতিমোহনবাবু এবার শরৎচন্দ্রের 'অজুতো বল'ের কথা বুঝতে পেরে হেসে উঠলেন।

## ছাতাটা আনতে ভুলে গেছি

শরৎচন্দ্র তাঁর ‘দেনা-পাওনা’ উপন্যাসের শেষে লিখেছেন—

“(ষোড়শী) জীবানন্দের যে হাতটা ঝলিত হইয়া বিছানায় পড়িয়াছিল, তাহা নিজের মুঠার মধ্যে গ্রহণ করিয়া তাহার কানের কাছে মুখ আনিয়া কহিল—নৌকা প্রস্তুত, কোন মতে তোমাকে নিয়ে পালাতে পারলেই আমার এই সকল কাজের বড় কাজটা সারা হয়।

শুনিয়া জীবানন্দ কহিল—আমাকে কোথায় নিয়ে যাবে?

ষোড়শী কহিল—যেখানে আমার ছুঁচোখ যাবে।

—কখন যেতে হবে?

—এখনই। সাহেব এসে পড়ার আগেই।

...জীবানন্দ ষোড়শীর হাত ধরিয়া অগ্রসর হইল।”

শরৎচন্দ্র তাঁর এই ‘দেনা-পাওনা’ উপন্যাসের নাট্যরূপ দিয়ে ‘ষোড়শী’ নাটক লেখেন।

শরৎচন্দ্র ষোড়শী নাটকের শেষটাও দেনা-পাওনা উপন্যাসের শেষের মতই রাখেন।

এই ‘ষোড়শী’ নাটক প্রথম মঞ্চস্থ করেন শিশিরকুমার ভাট্টা তাঁর নাট্য মন্দিরে।

শিশিরবাবু শরৎচন্দ্রের অত্যন্ত স্নেহভাজন ছিলেন। এই শিশিরবাবুই সর্বপ্রথম শরৎচন্দ্রের ‘আধারে আলো’ গল্পকে ছায়াচিত্রে রূপায়িত করেছিলেন।

ষোড়শী মঞ্চস্থ হওয়ার কিছুদিন আগের কথা।

শিশিরবাবু শরৎচন্দ্রের কাছ থেকে ষোড়শী নাটকের পাণ্ডুলিপি নিয়ে পড়ে শরৎচন্দ্রের বাড়ীতে একদিন গিয়ে তাঁকে বলেন—শরৎদা, নাটকের শেষটা একটু বদলাতে হবে। জীবানন্দকে মেরে ফেলতে হবে। তা না হ’লে নাটক জমবে না।

শরৎচন্দ্র বদলানোর কথা শুনেই বলে উঠলেন—কিছু বদলানো চলবে না।

উপসংহার কেন, একটা ডায়ালগ পৰ্বন্তও বদলাতে দেব না। আমার দেওয়া ডায়ালগ মাছুষের মুখে কেন, কুকুরের মুখ দিয়ে বেরোলেও লোকে শুনবে।

শরৎচন্দ্রের এই কথায় শিশিরবাবুও উত্তেজিত হয়ে বললেন—না, শরৎদা তা নয়। ডায়ালগ যত ভালই হোক, ভাল অভিনয় করতে না পারলে, লোকে তা শুনবে না। ভাল অভিনেতা চাই। এই শিশির ভাদুড়ী রাস্তায় দাঁড়িয়ে কোন ডায়ালগ না বলে, যদি শুধু এ, বি, সি, ডি, বলেও যায়, তাহলেও লোকে মন দিয়ে শুনবে। যাক্গে, ডায়ালগের কথা নয়, কিন্তু উপসংহার বদলাতেই হবে। না হ'লে আমার স্বারা হবে না।

শরৎচন্দ্র বললেন—বেশ, তোমাকে নিতে হবে না। আমি এ বই স্টার থিয়েটারকে দোব।

শিশিরবাবু বললেন—শরৎদা, আপনি যতই বলুন স্টার থিয়েটারকে দেবেন, কিন্তু আপনাকে আমি বলে যাচ্ছি—এই নাটক হাতে নিয়ে ছাতা বগলে করে একদিন আপনাকে আমার কাছে যেতেই হবে। যাক্, আমি চললাম।—এই বলে শিশিরবাবু চলে এলেন।

শরৎচন্দ্র কয়েকদিন পরে ষোড়শী নাটক নিয়ে স্টার থিয়েটারে গেলেন। স্টার থিয়েটারের কর্তৃপক্ষ কোন কারণে তখন কিন্তু ঐ নাটকটি নিতে পারলেন না।

অগত্যা শরৎচন্দ্র নাটকটি নিয়ে নাট্য মন্দিরে শিশিরবাবুর কাছেই গেলেন। গিয়ে শিশিরবাবুকে ডেকে বললেন—শিশির, নাটকটা নিয়ে আমি এসেছি। তবে ছাতাটা আনতে ভুলে গেছি।

শিশিরবাবু শরৎচন্দ্রের এই কথায় হেসে শরৎচন্দ্রকে সাদর অভ্যর্থনা করে ঘরে নিয়ে গিয়ে বসালেন।



## হাতদেখা।

শ্রার আশুতোষ মুখোপাধ্যায়ের পুত্র। তাঁদের বাড়ী থেকে ‘বঙ্গবাণী’ নামে একটি মাসিক পত্রিকা বার করেছিলেন। শ্রার আশুতোষের জ্যেষ্ঠপুত্র রমাপ্রসাদবাবুই এই পত্রিকার সমস্ত ব্যয়ভার বহন করতেন।

এই বঙ্গবাণীতে শরৎচন্দ্রের ‘পথের দাবী’ উপন্যাস তখন ধারাবাহিকভাবে প্রকাশিত হচ্ছে। সেই সময় একদিন ছপুরের দিকে শরৎচন্দ্র হঠাৎ বঙ্গবাণী অফিসে এসে উপস্থিত হলেন।

বঙ্গবাণী অফিসে তখন রমাপ্রসাদবাবুর তৃতীয় ভ্রাতা উমাপ্রসাদবাবু এবং উমাপ্রসাদবাবুর এক বন্ধু, দুজনে মিলে হাত দেখার আলোচনা করছিলেন।

শরৎচন্দ্রও এসে তাঁদের এই আলোচনায় যোগ দিলেন।

এই সময় উমাপ্রসাদবাবু বললেন—তবে এক কাজ করা যাক। নির্মলকে ডেকে পাঠাই। সে আমার এক বন্ধু, এই কাছেই থাকে। সে ভাল হাত দেখতে জানে। কোন্ এক সাধুর কাছে নাকি সে হাত দেখা শিখেছে।

উমাপ্রসাদবাবু তখনি একটি চিঠি লিখে বঙ্গবাণী অফিসের একজন কর্মচারীর হাতে দিয়ে নির্মলবাবুকে ডেকে পাঠালেন।

কিছুক্ষণ পরেই নির্মলবাবু এসে, ঘরে উপস্থিত সকলের দিকে একবার তাকিয়ে উমাপ্রসাদবাবুকে বললেন—কি ব্যাপার, হঠাৎ এই ছপুরে ডেকে পাঠিয়েছ?

উমাপ্রসাদবাবু বুঝলেন, নির্মলবাবু শরৎচন্দ্রকে চেনেন না।

তখন তিনি নির্মলবাবুকে বললেন—তোমাকে একবার এই ভদ্রলোকের হাতটা দেখতে হবে। তাই তোমাকে এখনই ডাকা।

—এই জন্ত। তা আমি কি তেমন হাত দেখতে জানি!

—যা জানো, তাই দেখ।

এবার শরৎচন্দ্র নির্মলবাবুর দিকে হাত বাড়িয়ে দিলেন। হাত বাড়িয়ে দিয়ে একটু মজা করবার জন্ত গম্ভীর হয়ে বললেন—দেখ তো, একটা চাকরির জন্ত খুব চেষ্টা করছি। সেই চাকরিটা হবে কিনা!

নির্মলবাবু বললেন—চাকরি ? না, না, চাকরি নয়, ওসব কোন সস্তাবনা নেই ; কিন্তু এই রেখাটা—

শুন শরৎচন্দ্র হুঃখ প্রকাশের ভান করে বললেন—সে কি ! চাকরির সস্তাবনা নেই ! ওটা হবে বলে যে খুব আশা করে আছি। না হ'লে, আমার চলবে কি করে ?—বলে দীর্ঘশ্বাস ফেললেন।

উমাপ্রসাদবাবুও শরৎচন্দ্রের কথায় যোগ দিয়ে বললেন—নির্মল, ভুল করছ বোধ হয় তুমি। চাকরিটা পাওয়া তো প্রায় ঠিক হয়ে গেছে। ভালো করে দেখ দিকি।

নির্মলবাবু তখনও একমনে দেখেন। একটু জোর দিয়েই বললেন—চাকরি এ'র হবে না। সে রেখা নেই। চাকরির যোগ বছরদিন আগে ছিল, সে হয়ে গেছে। এখন আর হবার নেই।

তারপর গম্ভীরভাবে শরৎচন্দ্রকে জানালেন—চাকরি না হলেও আপনার অভাব থাকার কথা তো নয়। কিন্তু, আপনার হাতের এই রেখাটা অতি অদ্ভুত ! আপনি কিছু লেখেন-টেকেন নাকি ?

শরৎচন্দ্র হেসে বললেন—বেশ বল্ছো তুমি ! চাকরি হলে তবে তো কলম পিসবো। বল্ছো চাকরি নেই, তো লিখবো কোথা থেকে ?

নির্মলবাবু বললেন—আপনার লেখা থেকেই টাকা পাবার কথা। শুধু অর্থ নয়, বিপুল যশও। আপনি সত্যিই লেখেন না ? লিখুন না কেন ! দেখবেন, আমার কথা সত্যি কি না। এই যে রেখাটা—অদ্ভুত,—এমন রেখা আমি কখনো দেখি নি। অবশ্য রবীন্দ্রনাথ-শরৎচন্দ্রের হাতে কি আছে জানি না।

এই সময় উমাপ্রসাদবাবু বললেন—আরে নির্মল, ইনিই তো শরৎবাবু। আগে তোমাকে বলি নি। না বলেই হাত দেখানোর ব্যবস্থা করেছিলাম।

এই কথা শুনেই নির্মলবাবু চম্কে উঠে শরৎচন্দ্রের হাত ছেড়ে দিলেন এবং সঙ্গে সঙ্গে শরৎচন্দ্রের পায়ের ধূলো মাথায় নিয়ে সম্মুখ-চোখে বললেন—আমায় ক্ষমা করুন। আমি সব কি বলেছি। আপনাকে দেখার সৌভাগ্য কখনো হয় নি।

শরৎচন্দ্র হাসতে হাসতে বললেন—আরে, তুমি তো বেশ ভালই হাত দেখতে আনো দেখছি। কোথা থেকে শিখলে এ সব। আমায় শিখিয়ে দেবে ?

## খেলেই আনন্দ

শরৎচন্দ্র কবি বসন্তকুমার চট্টোপাধ্যায়ের বাড়ীতে একদিন বেড়াতে যান। গিয়ে কথায় কথায় যখন জানতে পারলেন যে, বসন্তবাবু দাবা খেলা জানেন এবং তাঁর বাড়ীতে দাবা খেলার সাজ-সরঞ্জাম আছে, তখন তিনি বসন্তবাবুর সঙ্গে এক হাত দাবা খেলায় বসে গেলেন।

খেলতে বসেই বসন্তবাবু শরৎচন্দ্রের একটা নৌকা মেরে দিলে, শরৎচন্দ্র বলে উঠলেন—নিয়ে যাও, নিয়ে যাও, ওটা আমার একটা ফুটো নৌকো ছিল। ভালই হ'ল।

একটু পরেই বসন্তবাবু আবার যখন একটা ঘোড়া জিতলেন, তখন শরৎচন্দ্র বললেন—ওটা একটা বেতো ঘোড়া ছিল। যাক্, আস্তাবল ফাঁকা হ'ল, বাঁচা গেল।

শরৎচন্দ্রের এই ধরনের কথা শুনে বসন্তবাবু হাসতে থাকেন।

খেলতে খেলতে বেলা হয়ে যাওয়ায়, বসন্তবাবু শরৎচন্দ্রকে কিছু খাওয়ার কথা বললেন। খাওয়ার কথা শুনেই শরৎচন্দ্র বললেন—তুমি তো জানো যে, আমার খেলেই আনন্দ।

বসন্তবাবু এবার বললেন—না দাদা, আমি ঠিক জানি না। আপনি পরিকার করে বলুন, 'খেলেই' বলতে আপনি কি বলতে চান। খেলা করে না খেয়ে।

শরৎচন্দ্র বললেন—হুয়েই।

—ঠিক আছে।—বলে বসন্তবাবু খেলা চালাতে লাগলেন এবং খাবারও আনালেন।

## পাখা

শরৎচন্দ্রের কলকাতার বাড়ী সেই সবেমাত্র শেষ হয়েছে ।

কলকাতায় বাড়ী হ'লে শরৎচন্দ্র সামতাবেড় থেকে সপরিবারে এসে কলকাতায় তখন বাস করছেন ।

কলকাতায় এলে তাঁর কলকাতার বন্ধু ও ভক্তরা একরূপ প্রতিদিনই দলে দলে তাঁর সঙ্গে দেখা করতে আসছেন ।

শরৎচন্দ্রের কয়েকজন স্নেহভাজন বন্ধু তাঁরা প্রায় রোজই সন্ধ্যার সময় আসছেন ।

তখন সময়টা ছিল গ্রীষ্মকাল । শরৎচন্দ্রের বৈঠকখানায় তখন পাখা না থাকায় তাঁরা শরৎচন্দ্রকে প্রায়ই বলতেন—বাড়ী হ'ল, লাইট এল, কিন্তু পাখা আনছেন না কেন ? বৈঠকখানায় কবে পাখা লাগাবেন বলুন ?

শরৎচন্দ্র বন্ধুদের এই কথায় একরূপ নির্বিকার থাকতেন ।

একদিন বন্ধুরা পাখার জন্ত জোর তাগাদা দিলে, শরৎচন্দ্র মুখ থেকে গড়গড়ার নলটা নামিয়ে গম্ভীরভাবে বললেন—দেখ, পাখা সম্বন্ধে একটা কাজ করব স্থির করেছি ।

সকলেই আশা ও উৎসাহ নিয়ে শরৎচন্দ্রের মুখের দিকে তাকালেন ।

শরৎচন্দ্র গম্ভীরভাবে তাঁর এক বিশিষ্ট বন্ধুর নাম করে—যাঁকে উপস্থিত ব্যক্তির সকলেই চিনতেন—বললেন—ঠিক করেছি, এ বছর গ্রীষ্মটা ওর মত পাখার দর করে করেই কাটিয়ে দেব ।

শরৎচন্দ্রের এই কথা শুনে সকলেই হাসতে লাগলেন ।

## জানালা

শরৎচন্দ্র শেষ বয়সে কলকাতায় যে বাড়ী করেছিলেন, সেই বাড়ীর জানালা, কপাট সরবরাহ করেছিলেন, কলকাতার প্রখ্যাত কাঠের আসবাব-পত্র ব্যবসায়ী ‘প্রবর্তক ফার্নিশাস’। এই প্রতিষ্ঠানটি ‘প্রবর্তক সংঘের’ একটি শাখা প্রতিষ্ঠান।

প্রবর্তক সংঘের প্রতিষ্ঠাতা মতিলাল রায় মশায় ছিলেন শরৎচন্দ্রের একজন অঙ্কেয় বন্ধু। তাই শরৎচন্দ্র মতিবাবুদের প্রতিষ্ঠান থেকেই জানালা, কপাট আনিয়েছিলেন।

শরৎচন্দ্র তখন কলকাতায় নতুন বাড়ী করে, সেই বাড়ীতে সপরিবারে বাস করছেন।

সেই সময় শ্রাবণ-ভাদ্র মাসে একদিন রবিবার সকালে কলকাতার কয়েকটি সাময়িক পত্রের সম্পাদক নিজ নিজ কাগজের পূজা সংখ্যার জন্ত শরৎচন্দ্রের কাছে লেখা চাইতে আসেন।

শরৎচন্দ্র তাঁদের কাছে নিজের অক্ষমতার কথা বলছিলেন।

এমন সময় আকাশে মেঘের ফলে ঘরের ভিতরটা অন্ধকার দেখালে শরৎচন্দ্র একজন সম্পাদককে একদিকের একটা বন্ধ জানালা খুলে দিতে বললেন।

যিনি জানালা খুলতে গেলেন, তিনি জোরে টেনেও জানালা খুলতে পারলেন না। বর্ষার জলে ভিজেই হোক বা নতুন রং করার ফলেই হোক, জানালার পাল্লাটা শক্ত হয়ে আটকে ছিল।

এই দেখে শরৎচন্দ্র বললেন—ওহে, আরও জোর দাও, তবে খুলবে। এ হচ্ছে ‘প্রবর্তক সংঘের’ জানালা।

## টিকি

শরৎচন্দ্র কলকাতায় বালীগঞ্জে বাড়ী করে, তখন সপরিবারে কলকাতায় বাস করছেন।

সেই সময় তিনি একদিন নিজের মোটরে করে তাঁর এক বন্ধুর বাড়ীতে নিমন্ত্রণ রক্ষা করতে যাচ্ছিলেন।

বন্ধুর এক পুত্র এবং এই বন্ধুপুত্রটির আর এক বন্ধু, এঁরা এসে শরৎচন্দ্রকে সঙ্গে করে নিয়ে যাচ্ছেন।

পথে ট্রাফিকের ভীড়ে এক জায়গায় শরৎচন্দ্রের গাড়ী দাঁড়িয়ে পড়ল। শরৎচন্দ্র তখন গাড়ীর একপাশে হেলান দিয়ে পথের দিকে তাকিয়ে চোখে-মুখে বিস্ময়ের ভাব এনে হঠাৎ বলে উঠলেন—একি ব্যাপার!

শরৎচন্দ্রের গাড়ীর সঙ্গীরা সকলেই কিছু বুঝতে না পেয়ে তাঁর মুখের দিকে তাকালেন।

শরৎচন্দ্র তেমনি বিস্মিতভাবেই কয়েকটি পথচারীর মাথার পিছন দিকটা ইঙ্গিতে দেখিয়ে বললেন—ওরা হঠাৎ টিকি অত ছোট করে ফেলেছে কেন বলো তো?

শরৎচন্দ্রের সঙ্গীরা হেসে বললেন—কি জানি।

শরৎচন্দ্র বললেন—টিকির ভিতর দিয়ে মগজে যে ইলেক্ট্রিসিটি পাস করে না, এটা বোধ করি এতদিন পরে বুঝতে পেরে এখন উইথ্ ডেন্‌জেন্স ওর ওপর কাঁচি চালিয়েছে।

শরৎচন্দ্রের কথা শুনে গাড়ীর মধ্যে সকলেই হেসে উঠলেন।

## মুদিখানা

শিল্পী সতীশ সিংহের বাড়ীতে তখন প্রতি সপ্তাহেই ‘রসচক্র’র বৈঠক বসছে।

শরৎচন্দ্রের কলকাতার বাড়ীর কাছেই ছিল সতীশবাবুর বাড়ী। তাই শরৎচন্দ্র রসচক্রের বৈঠকে প্রায়ই যোগ দিতেন।

শরৎচন্দ্র একদিন রসচক্রের বৈঠকে গেলে একজন নতুন সভ্য হঠাৎ তাঁকে প্রশ্ন করে বসলেন—আপনি কেন এবং কিভাবে সাহিত্য করতে নামলেন?

শরৎচন্দ্র বললেন—সে শুনে কি হবে?

—জানতে আমার বড় ইচ্ছা হয়েছে।

—শুনবে, তবে শোন,—বলেই শরৎচন্দ্র গম্ভীর হয়ে বলে গেলেন—রেজুনে থাকার সময় শুধু চাকরিতে কুলোচ্ছিল না বলে, ঐ সঙ্গে আরও কিছু একটা করা ঠিক করি। প্রথমে আমি ঠিক করেছিলাম, একটা মুদিখানা দোকান করব। কিন্তু আমার স্ত্রী বললেন, আমার দ্বারা নাকি দোকান হবে না। তিনি আমাকে পরখ করবার জন্তু কত টাকা করে মণ হ’লে কত জিনিসের যেন একটা দাম জিজ্ঞাসা করলেন। আমি বলতে পারলাম না। তাই আর দোকান হ’ল না। তখন আর কি করি, অবশেষে বাধ্য হয়ে সাহিত্য করতেই নামলাম।

শরৎচন্দ্রের এই উত্তর শুনে প্রশ্নকর্তা শরৎচন্দ্রের মুখের দিকে চেয়ে রইলেন।

অল্প সকলে কিন্তু তখন হাসছেন।

## একটু মজা।

কলকাতায় বাড়ী করে শরৎচন্দ্র তখন কলকাতাতেই বাস করছেন।

শরৎচন্দ্রের বাড়ীর অদূরে কানাইবাবু নামে এক ভদ্রলোক থাকতেন। কানাইবাবু কোন এক কলেজের অধ্যাপক ছিলেন। তিনি মাঝে মাঝে শরৎচন্দ্রের কাছে যেতেন। শরৎচন্দ্রও তাঁকে বেশ স্নেহ করতেন।

এই কলকাতায় থাকার সময় শরৎচন্দ্র সন্ধ্যার দিকে প্রায়ই কবি নরেন্দ্র দেবের বাড়ীতে বেড়াতে যেতেন। কানাইবাবু, নরেনবাবু ও তাঁর স্ত্রী কবি রাধারাণী দেবীর সঙ্গে পরিচিত হতে চাইলে, শরৎচন্দ্র একদিন কানাইবাবুকে সঙ্গে নিয়ে নরেনবাবুদের বাড়ীতে যান।

শরৎচন্দ্র কবি-দম্পতির সঙ্গে কানাইবাবুর পরিচয় করিয়ে দিলেন।

এরপর কথায় কথায় রবীন্দ্রনাথের কবিতার প্রশংসা উঠল। রবীন্দ্রনাথের কবিতার প্রশংসা উঠলে কবি-দম্পতি তো রবীন্দ্রনাথের প্রশংসায় একেবারে পঞ্চমুখ হয়ে উঠলেন।

রবীন্দ্রনাথের কবিতার এত উচ্চ প্রশংসা শুনে কানাইবাবু কিন্তু কিছু কিছু বাধা দিতে লাগলেন।

তিনি বললেন—রবীন্দ্রনাথের কবিতায় নিম্নবিত্ত ও শোষিত জনগণের চিত্র তেমন কই? তাঁর মত অতবড় একজন বিশ্বকবির কাব্যে এদের চিত্র তুলনায় কোথায়?

এই সময় শরৎচন্দ্র কানাইবাবুকে সমর্থন করতে থাকায় তিনি তো আরও রবীন্দ্রনাথের বিরুদ্ধে বলতে লাগলেন।

এদিকে কবি-দম্পতিও কানাইবাবুর যুক্তির অসারতা প্রমাণ করার জন্য চেষ্টা করতে লাগলেন।

যাই হোক, সেদিন এই নিয়ে শেষ পর্বস্তু একটা। তর্কাতর্কির ব্যাপার হয়ে দাঁড়িয়েছিল।

নরেনবাবুদের বাড়ী থেকে ফেরার পথে শরৎচন্দ্র কানাইবাবুকে বললেন—



দেখ কানাই, তুমি একটা কাজ বড় ভুল করে ফেললে ! আর আমারও তখন  
অত খেয়াল ছিল না।

—কি ভুল করেছি দাদা ?

—আরে নরেন আর রাধু ওরা যে রবি ঠাকুরের গৌড়া ভক্ত। রবীন্দ্রনাথ  
ওদের গুরুদেব। ওদের গুরুদেবের বিরুদ্ধে অমন করে বলে এলে ! ওরা কি  
আজ আর ঘুমোতে পারবে, না আজ আর কিছু খাবে।

—তা তো জানতাম না ! তাহলে কি হবে দাদা ?

—এখন আর কি করবে ? এখনি ফিরে যাওয়াটাও তোমার পক্ষে কেমন  
দেখাবে ! তার চেয়ে কাল সকালে গিয়ে আবার রবীন্দ্রনাথের খানিকটা  
প্রশংসা করে বরং ওদের খুশী করে এসো। আর তেমন যদি বোঝ তো  
একটু ক্ষমা-টমা চেয়ো।

পরের দিন সকালেই কানাইবাবু নরেন দেবের বাড়ীতে গিয়ে হাজির  
হলেন এবং গত রাত্রির আলোচনার কথা উল্লেখ করে নরেনবাবু ও রাধারাণী  
দেবীর কাছে ক্ষমা চাইলেন।

বললেন—আমার কথায় আপনারা যে এতখানি আঘাত পাবেন তা আমি  
জানতাম না।

—আঘাত আর কি ? আপনি যেমন বুঝেছেন, তেমন বলেছেন। তাতে  
আর মনে করবার কি আছে ?

—শরৎদা বলছিলেন, সারা রাত হয়ত আপনারা...

—ও ! এবার বুঝেছি, শরৎদাই বুঝি আপনাকে পাঠিয়েছেন ?

—হ্যাঁ, কাল ফেরার পথে তিনি বললেন—তুমি রবি ঠাকুরের বিরুদ্ধে  
অমন করে বলে এলে, রবীন্দ্রনাথ যে ওদের গুরুদেব। ওরা আজ আর খাবে  
না, সারারাত ঘুমোতেও পারবে না।

নরেনবাবু বললেন—এই জন্তাই বুঝি আপনি ছুটে এসেছেন ? শরৎদা  
আপনাকে নিয়ে একটু মজা করেছেন। তাই আমাদের কাছে আপনাকে  
আবার পাঠিয়ে দিয়েছেন।

সব শুনে কানাইবাবু বললেন—তাই নাকি ! শরৎদার এরকম মজা  
করার স্বভাব আছে, তা তো জানতাম না !

## বই উৎসর্গ

১৩৭১ সালে কলকাতার ‘ছ’য়ের পল্লী সার্বজনীন ছুর্গোৎসব’ কমিটির পক্ষ থেকে প্রকাশিত একটি পত্রিকায় সাগরময় ঘোষের ‘সম্পাদকের বৈঠকে’ নামে একটি লেখা ছিল। সাগরময়বাবুর এই লেখাটি তাঁর ‘সম্পাদকের বৈঠকে’ নামক বইয়েও কিছুটা বিস্তৃতভাবে আছে। সাগরময়বাবুর পত্রিকার সেই লেখাটি এই :—

“আমি যে গল্প বলতে যাচ্ছি তা নিছক গল্পই, বাস্তব সাহিত্যের দুই দিকপাল চরিত্রকে নিয়ে। একজন জলধরদা, সম্পাদক জলধর সেন। অপরজন শরৎচন্দ্র। শরৎচন্দ্র জলধরদাকে নিয়ে একবার মারাত্মক রসিকতা করেছিলেন, যার ফলে বেশ কিছুকাল দুজনের মধ্যে মুখ দেখাদেখি বন্ধ হয়ে গিয়েছিল।

কিন্তু গল্প বলার আগে গল্পের ভূমিকাটি বলে নিই। বর্ষা স্ট্রীটে ‘দেশ’ পত্রিকার দপ্তরটি ছিল একেবারে নিরিবিলা জায়গায়। নিত্য শনিবার সমবেত সাহিত্যিক বন্ধুরা সমবেত হতেন। জোড়া দেওয়া টেবিলের উপর খবরের কাগজ পেতে সের খানেক মুড়ি ঢেলে নারকেল-বাতাসা-ছোলা-চিনেবাদাম সহযোগে আড্ডা বসতো। গল্পটা শুনেছিলাম সেই বৈঠকের এক গাল্পিক সাহিত্যিকের মুখে। আমি শুধু পুনরাবৃত্তি করছি।

একদিন ছুপুরে জলধরদা বিষমুখে ‘ভারতবর্ষ’ অফিসে চুপচাপ বসে আছেন। টেবিলের উপর তাঁর সত্ত লেখা উপগ্রাস ‘উৎস’র ছাপা ফর্মার উপর স্করণ দৃষ্টি নিবদ্ধ। এমন সময় শরৎচন্দ্র নিঃশব্দে ঘরে ঢুকেই জলধরদার এমন মুখে পড়া চেহারা দেখে শক্তি হয়ে পড়লেন। সভয়ে অথচ স্বভাবগত ফকড়ি করে জিজ্ঞাসা করলেন—একি জলধরদা! কেন আজি হেরি তব মলিন বদন? কিবা প্রয়োজনে মাগিয়াছ—

রাগতন্ত্ররে জলধরদা বললেন—দেখ শরৎ, সব সময় তোমার এই ঠাট্টা ইয়াকি ভাল লাগে না। আমি মরছি নিজের জালায়। তোমায় ভেবে

পাঠিয়েছিলাম কোথায় আমাকে একটা সংপ্ৰসাদ দেবে, তা নয় ঘরে ঢুকেই খ্যাটারি শুরু করে দিলে !

জলধরদার সঙ্গে শরৎচন্দ্রের পরিচয় অনেক দিনের। যেদিন থেকে জলধরদা ‘ভারতবর্ষ’র সম্পাদনার ভার নিলেন, সেদিন থেকে শরৎচন্দ্র এই পত্রিকার নিয়মিত লেখক। লেখক-সম্পাদক পরিচয় ক্রমশঃ নিবিড় বন্ধুত্বে পরিণত হয়ে এতদিনে মধুর ইয়াকির সম্পর্কে এসে দাঁড়িয়েছে। জলধরদাকে শরৎচন্দ্র বরাবরই অন্তরের সঙ্গে শ্রদ্ধা করেন। শুধু বয়ঃজ্যেষ্ঠ বলেই নয়, সাহিত্যিক জলধর সেন শরৎচন্দ্রের অগ্রণী। তাছাড়া এই আত্মভোলা মাহুটির চারিত্রিক মাধুর্য সব সময়েই শরৎচন্দ্রকে আকৃষ্ট করেছে। শরৎচন্দ্র অল্পমান করলেন নিশ্চয় সত্ত্বাচাপা উপস্থাস নিয়েই জলধরদার এই হুচিস্তা। ঠর চোখের দৃষ্টিই তার সাক্ষ্য দিচ্ছে। এ যেন অরক্ষণীয় কথার প্রতি পিতার ব্যাখ্যাতুর দৃষ্টি।

জলধরদা ক্ষোভের সঙ্গে বললেন—জানো শরৎ, এইটিই আমার শেষ উপস্থাস। আমার যা-কিছু সঞ্চয় ছিল সেই টাকা দিয়েই উপস্থাসটি ছাপলাম। এখনও প্রেসকে কিছু টাকা দেওয়া বাকি, কিন্তু বাইণ্ডার বলছে কিছু টাকা আগাম না পেলে ছাপাখানা থেকে আর ফর্ম ও ডেলিভারি নেবে না। এখন কি করি বলতো ?

শরৎচন্দ্র অবাক ! এই বৃদ্ধ বয়সে নিজের সামান্য সঞ্চয় এভাবে নিঃশেষ করলেন !

জলধরদা বলেই চললেন—তুমি ভাবছ নিজে খরচ করে কেন এ-বই ছাপলাম। কিন্তু এছাড়া উপায় কি ছিল ! প্রকাশকরা আমার বই নিতে চায় না, বলে কি না আমার বইয়ের বিক্রি নেই। আমার আগে যে-সব বই প্রকাশকদের কাছে আছে, তার বাবদ কি পাওনা হয়েছে, তার কোন হিসেব পত্তর নেই। অন্ততঃ অধিকাংশের কাছে হিসেব চাইতে গিয়ে ‘আমার বই বিক্রি হয় না’, এই কথা শুনে লজ্জায় ফিরে এসেছি। তাই ভাবলাম, আমার জীবনের এই শেষ উপস্থাস আমার যথাসর্ব্ব দিয়ে নিজের খরচেই প্রকাশ করব। কিন্তু এখন দেখছি, তরী ভীরের কাছে এসেই বুঝি ভোবে ভোবে।

—এই জগৎ আপনার এত হুচিস্তা ? কিছু ভাববেন না। আমি আপনাকে সোজা উপায় বাৎলে দিচ্ছি।—কথাটা শরৎচন্দ্র বললেন একটু

জোরের সঙ্গেই, যাতে জলধরদার মনের বোঝা নিমেষেই নেমে যায়। সত্যি সত্যি হ'লও তাই। ক্ষীণ আশার আলোক সন্ধারে জলধরদার মুখ উদ্ভাসিত হয়ে উঠল।

টেবিলের উপর থেকে উপস্থাসের ছাপা ফর্মাগুলি হাতে নিয়ে নাড়াচাড়া করতে করতে শরৎচন্দ্র বললেন—টাইটেল পেজ তো ছাপা হয় নি দেখছি। বইটা উৎসর্গ কাকে করবেন কিছু ভেবেছেন কি ?

জলধরদার মুখে সলজ্জ হাসি ফুটে উঠল। বললেন—ঠিক করেছি বইটা আমার প্রথম পত্নীকেই উৎসর্গ করব—তিনি ছিলেন আমার প্রথম যৌবনের সাহিত্য প্রেরণার উৎস।

শরৎচন্দ্র মাথা চুলকে বললেন—প্রথম পত্নীকে আপনি যে প্রাণাধিক ভালবাসতেন, এই বৃদ্ধ বয়সে সে-কথা হুনিয়াসুদ্ধ লোককে জানিয়ে আর লাভ কি ! তাছাড়া তিনিও তো আর স্বর্গ থেকে নেমে এসে আপনার বই প্রকাশের যাবতীয় ব্যবস্থা করে দিতে পারছেন না। এক্ষেত্রে যাকে উৎসর্গ করলে কাজ হবে, তার কথাই ভাবুন।

এতক্ষণে জলধরদা যেন একটু আশার আলো দেখলেন। বললেন—তুমিই বল না কাকে উৎসর্গ করা যায়।

—কেন, লালগোলার রাজা যোগেন্দ্রনারায়ণ রায় তো আছেন। একেবারে সাক্ষাৎ গৌরী সেন। তাঁর নামে উৎসর্গ করে সশরীরে বইটা তাঁর হাতে তুলে দিন, দু-চার হাজার তো নির্ঘাত এসে যাবে।

শিশুর মত একগাল সরল হাসি হেসে জলধরদা বললেন—এই জগুই তো তোমাকে ডেকে পাঠিয়েছিলাম শরৎ ! তুমি ছাড়া এ সব বুদ্ধি আর কার মাথায় খুলত বল ? তোমার পরামর্শ তো ভালই বোধ করছি, তবু এর মধ্যে একটা 'কিন্তু' থেকে যাচ্ছে।

সঙ্গে সঙ্গে শরৎদা বলে উঠলেন—সে কথা আমিও যে ভাবি নি তা মনে করবেন না। উৎসর্গ করা সত্ত্বেও যদি টাকাটা না পান তাহলে এক-কূল ও-কূল দুকূল যাবে। এই তো আপনার আশঙ্কা ?

—ঠিকই বলেছ। জাতও দেব, পেটও ভরবে না, এ রকমটা যেন না হয়।

শরৎচন্দ্র বললেন—তাহলে এক কাজ করুন। উৎসর্গ পত্রটি এখন আর ছেপে কাজ নেই। ঐ পাতাটা কস্পোজ করিয়ে ভাল করে একটা প্রফ টানিয়ে

ছাপা ফর্মার সঙ্গে জুড়ে দিলেই হবে। হুতরাং আর কালক্ষেপ না করে দু-চার দিনের মধ্যেই লালগোলায় চলে যান। যাবার আগে একটা চিঠি দিয়ে আপনার যাবার কারণটা না জানিয়ে শুধু খবরটা জানিয়ে রাখবেন।

শরৎচন্দ্র তো মোক্ষম পরামর্শ দিয়ে চলে এলেন।

তিন-চারদিন পর জলধরদা শিয়ালদায় দুপুরের লালগোলা প্যাসেঞ্জারে চেপে বসলেন। সন্ধ্যার সময় স্টেশনে লালগোলায় সরকার মশাই এসে উপস্থিত। যথারীতি স্বর্ধনা জ্ঞাপন করে তিনি জলধরদাকে নিয়ে গেলেন রাজবাড়ীতে। শুভ কাজটা সর্বাগ্রে সেয়ে নিয়ে নিশ্চিন্ত হওয়াই ছিল জলধরদার ইচ্ছে। কিন্তু সরকার মশাই জলধরদাকে নিয়ে তুললেন অতিথি-শালায়। জলযোগের ভূরি আয়োজন ছিল। কিন্তু জলধরদা রাজ-সন্দর্শনের জন্ত অস্থির। তিনি প্রশ্ন করলেন—রাজা যোগেন্দ্রনারায়ণের সঙ্গে কখন সাক্ষাৎ হতে পারে?

সরকার মশাই বিনয়ের অবতারণা করলেন—পৃথগ্নমে আজ আপনি ক্লান্ত, জলযোগাদি সেয়ে বিশ্রাম করুন। আপনার সেবার যাতে কোন রকম ত্রুটি না হয়, সে কথা বার বার করে আমাকে বলে দিয়েছেন। আর বলেছেন, রাজ্যে আহাের সময় আপনার সঙ্গে দেখা করবেন। ততক্ষণ নদীর ধারটা একবার আপনাকে বেড়িয়ে নিয়ে আসতে বলেছেন, অবশ্য শারীরিক ক্লেশ যদি বোধ না করেন।

জলধরদা বললেন—বিলক্ষণ। লালগোলায় আমি আগে কখনও আসি নি। দেশটা ভাল করে দেখে যাওয়াই তো আমার অগ্রতম উদ্দেশ্য। প্রধান উদ্দেশ্য হচ্ছে এ-দেশের মহানুভব রাজার সাক্ষাৎ পরিচয় লাভ করা।

সরকার মশাই দু-হাত কচলে বললেন—সে তো নিশ্চয়, রাজাও আপনার মত দেশবরেণ্য সাহিত্যিকের দর্শনলাভের জন্ত উৎসুক হয়ে আছেন। তাছাড়া তিনি জানতে চেয়েছেন, রাজ্যে আপনার আহােরাদির কি রকম ব্যবস্থা করা হবে।

জলধরদা বললেন—জলযোগের যা বিরাট আয়োজন করেছেন, রাজ্যে আর কিছু খেতে পারব বলে তো মনেই হয় না। তাছাড়া রাজ্যে আমি খাই যৎসামান্যই। বিশেষ কিছু করবেন না, দেখতেই তো পাচ্ছেন ব্যয় হয়েছে,

তাই রাজ্জিন্নাওয়া একেবারে কমিয়ে দিয়েছি। নইলে ঘুম হয় না, হজমেরও কষ্ট হয়।

হৃৎকেননিভ শয্যায় গা এলিয়ে দিয়ে জলধরদা বললেন—আজ আর বেড়াতে যাবার ইচ্ছে নেই, শরীরটা খুবই ক্লান্ত। আপনি বরং রাত্রে খাবার সময় আমার ডেকে নিয়ে যাবেন।

সরকার মশাইকে বিদায় দিয়ে জলধরদা শুয়ে শুয়ে ভাবতে লাগলেন। ভাবনা আর কিছুই নয়, রাত্রে রাজার সঙ্গে দেখা হলে কথাটা কিভাবে পাড়বেন, মনে মনে তারই রিহাসল দেওয়া।

যথা সময়ে সরকার মশাই এসে জানালেন খাবার সময় হয়েছে—রাজা অপেক্ষা করছেন। জলধরদার সেই রাজকীয় পোষাক। গলাবন্ধ কোট আর কাঁধের উপর তাঁজ করা চাদর। চাদরের আড়ালে বগলের নীচে কাগজে মোড়া বইয়ের বাঙালিটা নিতে ভোলেন নি।

ঝাড় লঠন আলোকিত রাজবাড়ীর প্রশস্ত প্রকোষ্ঠ পার হয়ে ‘ডাইনিং রুম’ ঢুকে দেখেন, একটা লম্বা টেবিলের একপ্রান্তে সৌম্যদর্শন রাজা তাঁই অপেক্ষায় বসে আছেন। চেয়ার থেকে উঠে স্থিতহাস্তে অভ্যর্থনা জানিয়ে টেবিলের অপর প্রান্তে বসবার জন্ত আহ্বান জানিয়েই ভোজ্যবস্ত্র পরিবেশনের জন্ত সরকার মশাইকে আদেশ জানালেন। তারপর বললেন—কাল সকালে ঠুকে একবার নদীর ধার এবং তার পাশের গ্রামগুলি বেড়িয়ে নিয়ে আসবেন।

জলধরদা খেতে খেতে বললেন—আপনি ব্যস্ত হবেন না, গ্রাম দেখতেই তো আমার আসা। শৈশব, কৈশোর আমার গ্রামেই কেটেছে, তাই গ্রামের টান আমার প্রাণের টান।

আহারান্তে লালগোলাধিপতি বিদায় চেয়ে জানালেন, পরদিন সকালে যেন জলধরদা তাঁর সঙ্গে চা-পান করেন।

প্রয়োজনের কথাটা বলতে গিয়েও সঙ্কোচবশতঃ বলা হয়ে উঠল না, স্বযোগই বা পেলেন কোথায়। আহারান্তে বিষণ্ণচিত্তেই শয্যা গ্রহণ করলেন। রাত আর কাটে না। কর্তন সকাল হবে, জলধরদা তারই প্রতীক্ষায় মূর্ত্ত গুণছেন।

অবশেষে দুঃখের রাজ্জিন্নাওয়া অবসান হ’ল। সরকার মশাই এসে ডেকে নিয়ে

গেলেন চায়ের আসরে। জলধরদার সেই এক বেশ। গলাবন্ধ কোট, কাঁধে চাদর, বগলের তলায় উপম্রাসের বাঙিল।

লালগোলায় রাজ। তাঁরই প্রতীক্ষায় বসেছিলেন। পাশে বসিয়ে জিজ্ঞাসা করলেন—রাজে ঘুমের ব্যাঘাত হয় নি তো?

—কিছুমাত্র না।—এ কথা বলেই আর কালক্ষেপ না করে বগলের তলা থেকে বাঙিলটা বার করে রাজার দিকে এগিয়ে ধরে বললেন—আমি তো যেতেই বসেছি, এই আমার শেষ কাজ। আপনার নামেই—

—আহা-হা-হা-হা, সে পরে হবে। এখন চা খান।—শশব্যস্ত হয়ে জলধরদার কথার উপর ছমড়ি খেয়ে পড়লেন লালগোলায় যোগেন্দ্রনারায়ণ।

সরকার মশাইকে বললেন গ্রামটা একবার ঘুরিয়ে দেখাতে এবং সেই সঙ্গে বললেন—জলধরবাবু দুপুরে এবং রাজে কি কি খেতে ভালবাসেন সব তাঁর কাছ থেকে জেনে নিয়ে সেই রকম ব্যবস্থা করবেন।—আচ্ছা জলধরবাবু, আমি তাহলে এখন উঠি। দুপুরে খাবার সময় আপনার সঙ্গে আবার দেখা হবে।

বইয়ের বাঙিলটা চাদরের তলায় ঢুকিয়ে রাখতে রাখতে জলধরদা হতাশ কর্তে বললেন—তাই চলুন সরকার মশাই, গ্রামটা তাহলে ঘুরে দেখে আসি।

গ্রাম প্রদক্ষিণ করে দুপুরে খাবার সময় যোগেন্দ্রনারায়ণের সঙ্গে দেখা। এবার মরিয়া হয়ে জলধরদা চাদরের তলা থেকে বইটা বার করেই একেবারে উৎসর্গের পাতাটা খুলে ধরে বলে উঠলেন—আমি তো যেতেই বসেছি—

জলধরদাকে খামিয়ে দিয়ে যোগেন্দ্রনারায়ণ বললেন—আপনি এত ব্যস্ত হচ্ছেন কেন? আহা-হা-হা করে বিশ্রাম করুন। আপনি যখন আজ বিকালে চলে যাবেন স্থির করেছেন, সরকারকে বলে দিয়েছি সে নিজে গিয়ে আপনাকে স্টেশনে তুলে দিয়ে আসবে। আপনি ওর জন্ত কিছু ভাববেন না।

খানিকটা নিশ্চিন্ত হলেন জলধরদা। আশার আলোক যেন একটু দেখতে পেলেন। অতবড় মাহুষ অথচ কি লজ্জা, কি বিনয়। একেবারে হাতে হাতে দিতে সংকোচ বোধ করছেন বলেই বোধ হয় সরকারের হাতে স্টেশনেই পাঠিয়ে দেবেন।

যথাসময়ে জলধরদা স্টেশনে এসে ঘন ঘন পায়চারি করছেন। ট্রেন আসতে তখনও মিনিট দশ দেয়ি। সরকার মশাই নীরবে একপাশে দাঁড়িয়ে।

একটু রূঢ় কর্কশস্বরেই জলধরদা সরকার মশাইকে বললেন—রাজা কি সত্যিই কিছু আপনার হাতে দিয়ে পাঠান নি? কোন চেক বা চিঠিপত্র?

—কই না। কিছুই তো দেন নি।

—আমার কথা আপনার কাছে কিছু কি বলেছেন?—উৎকণ্ঠিত চিত্তে জলধরদা জিজ্ঞাসা করলেন।

—আপনার কোনরকম অসুবিধা হয়েছে কিনা তাই শুধু জিজ্ঞাসা করেছিলেন। আর তো কিছুই বলেন নি।

ট্রেন ততক্ষণে এসে গিয়েছে। ট্রেনের কামরায় বসেও জলধরদার স্বস্তি নেই। বারবার রাস্তার দিকে তাকাচ্ছেন, আর সরকার মশাইকে বলছেন—দেখুন তো রাজবাড়ী থেকে কোন লোক ছুটতে ছুটতে আসছে কিনা।

সরকার মশাই ভাল করে নিরীক্ষণ করে জানালেন, কোন লোককেই এদিকে ছুটে আসতে দেখেন না।

ট্রেন ছাড়ার হুইসিল বেজে উঠল।

এমন সময় দূরে দেখা গেল, একজন লোক সাইকেল চালিয়ে স্টেশনের দিকে আসছে। আর যায় কোথা। জলধরদা চীৎকার করে বলে উঠলেন—সরকার মশাই, গার্ডকে শিগ্গির বলুন যেন গাড়ি এক্ষুনি ছেড়ে না দেয়। রাজবাড়ী থেকে আমার কাছে লোক আসছে। আপনি ছুটে গার্ডের কাছে চলে যান।

সাইকেল চালক ততক্ষণে অনেকখানি এগিয়ে এসেছে। সরকার মশাই পরামাণিককে দেখেই চিনলেন। স্টেশন মাস্টারের দাড়ি কামাবার জন্তু আসছে। জলধরদাকে সে কথা জানাতেই তিনি দুঃখে ক্ষোভে অভিমানে এবং ক্রোধে ফেটে পড়লেন—পরামাণিক কি আর সোনারমাণিক হতে পারত না? ইচ্ছে করলেই পারত। ইচ্ছে না থাকলে আর কোথেকে হবে। বুঝলেন সরকার মশাই, এই শরৎই যত নষ্টের মূল। সে-ই আমাকে জোর করে পাঠিয়েছিল। কলকাতায় ফিরেই ওর সঙ্গে বোঝাপড়া করতে হবে।

সরকার মশাই জলধরদার দিকে ফ্যাল ফ্যাল করে তাকিয়ে রইলেন।

পরদিন সকালে ঘুম থেকে উঠেই একখানা ট্যাক্সি নিয়ে জলধরদা সোজা গিয়ে হাজির হলেন শরৎচন্দ্রের সামতাবেড়ের বাড়ীতে। ট্যাক্সি থেকে নামা নয়, ভিতরে বসেই খবর পাঠালেন।



—কি হ'ল জলধরদা, কি হ'ল?—বলতে বলতে হস্তদন্ত হয়ে শরৎচন্দ্র বেরিয়ে এলেন।

শরৎচন্দ্র বেরিয়ে আসতেই জলধরদা গর্জন করে উঠলেন—হবে আবার কি? কিছুই হ'ল না, মাঝখান থেকে তোমার কথায় বেল্লিক বনে এলাম। লালগোলা যাওয়া আসার পরিশ্রমই সার হ'ল।

শরৎদা বিস্মিত কণ্ঠে চোখ বড় বড় করে বললেন—সে কি! কিছু দিলেন না?

—না, কিছুই না।

গম্ভীর গলায় দৃঢ়তা এনে শরৎদা বললেন—মামলা ঠুকে দিন।

—মামলা!—জলধরদা তো অবাক।

বাঁ হাতের তেলোয় ডান হাতের ঘুসি ঠুকে শরৎদা বললেন—ই্যা, ই্যা মামলা। প্রিসিডেন্স আছে। এর আগে অনেক লেখকই বই উৎসর্গ করে ঠুন্ন কাছ থেকে টাকা পেয়েছে। আপনিই বা পাবেন না কেন?

রোষকষায়িত চক্ষে শরৎচন্দ্রের দিকে জলধরদা কিছুক্ষণ স্তব্ধ হয়ে তাবিয়ে রইলেন। চোখ দিয়ে যেন আগুন ঝরছে। জলদ গম্ভীর কণ্ঠে জলধরদা ট্যান্ডি ড্রাইভারকে বললেন—ড্রাইভার, যেখান থেকে এসেছিলাম, সেখানেই ফিরে চল।

এই ঘটনার পর বহুদিন শরৎচন্দ্রের সঙ্গে জলধরদার বাক্যালাপ বন্ধ হয়ে গিয়েছিল। আবার ভাব হয়েছিল জলধরদার এক সম্বর্ধনা উপলক্ষে আহত এক সভায়।”

‘দেশ’ পত্রিকা অফিসে ‘গাল্লিক সাহিত্যিকের’ বলা এই গল্পটির মধ্যে সামান্য তুল আছে। যেমন—(১) কলকাতা থেকে ট্যান্ডি করে রূপনারায়ণ নদের তীরে শরৎচন্দ্রের সামতাবেড়ের গ্রামের বাড়ী পর্যন্ত যাওয়া যায় না। (২) জলধর সেনের সঙ্গে শরৎচন্দ্রের কখনই কোন উপলক্ষ নিয়ে বাক্যালাপ বন্ধ হয় নি।

যাই হোক, সাগরময়বাবুর ‘গাল্লিক সাহিত্যিক’ বন্ধুর বলা এই গল্পটি সত্য বলেই মনে হয়। কারণ শরৎচন্দ্রের অত্যন্ত স্নেহভাজন এবং ঘনিষ্ঠ বন্ধুর কাছে আমিও এই কাহিনীটি শুনেছি।

## জলধর-সম্বর্ধনা

১৩৩১ সালে ‘ভারতবর্ষ’ মাসিক পত্রিকার সম্পাদক, সাহিত্যিক জলধর সেনের ৭৫তম জন্মতিথিতে দেশবাসীর পক্ষ থেকে তাঁকে অভিনন্দন জানানো হয়েছিল।

জলধর-সম্বর্ধনা সমিতির সভাপতি ছিলেন শরৎচন্দ্র নিজে এবং সম্পাদক ছিলেন হাওড়ার ব্রজমোহন দাশ।

ঐ সময় শরৎচন্দ্র ব্রজমোহনবাবুকে সঙ্গে নিয়ে নিজে গিয়ে জলধর-সম্বর্ধনার জন্ত কলকাতা বিশ্ববিদ্যালয়ের তৎকালীন ভাইস-চ্যান্সেলার শ্রীমা প্রসাদ মুখোপাধ্যায়কে সভাপতি স্থির করেছিলেন।

শ্রীমা প্রসাদবাবুর নির্দেশে ইউনিভার্সিটির আশুতোষ হলে তখন ঐ জলধর-সম্বর্ধনা সভা হয়েছিল।

এই উপলক্ষে ঐ সময় বাঙ্গলার বিখ্যাত লেখক লেখিকাদের রচনা নিয়ে ‘জলধর-কথা’ নামে একটি পুস্তকও প্রকাশিত হয়েছিল। এই পুস্তক সম্পাদনার ভার পড়েছিল ব্রজমোহন দাসের উপর। এ কাজে কয়েকজন অবশ্য ব্রজমোহনবাবুর সাহায্যকারী ছিলেন।

‘জলধর-কথা’ গ্রন্থের লেখা সংগ্রহের সময় শরৎচন্দ্রের একটি লেখার জন্ত ব্রজমোহনবাবু একদিন তাঁর অগ্রতম সহকারী সারদারঞ্জন পণ্ডিতকে সঙ্গে নিয়ে শরৎচন্দ্রের সামতাবেড়ের বাড়ীতে গেলেন।

শরৎচন্দ্র তখন বারান্দায় ইজিচেয়ারে বসে গড়গড়ায় তামাক খাচ্ছিলেন।

ব্রজমোহনবাবু ও সারদাবাবু শরৎচন্দ্রের কাছে তাঁদের আবেদন পেশ করলে, শরৎচন্দ্র হঠাৎ গম্ভীর হয়ে বলে উঠলেন—কার কথা বলছ তোমরা? জলধরদার কথা? তিনি তো মারা গেছেন!

ব্রজমোহনবাবু বিস্মিত হয়ে বললেন—আমরা কাল রাতে যে তাঁর সঙ্গে দেখা করে এলাম। রাত্রি প্রায় ন’টা পর্যন্ত ছিলাম!

—তোমরা চলে আসার পরেই দাদার শরীরটা কেমন করতে থাকে।

তারপর ভোরের দিকে হার্টফেল করে যারা যান। দাদা ব্লাড প্রেসারের রোগী ছিলেন, আর বয়সও তো হয়েছিল অনেক।

—তা আমরা তো কিছুই শুনি নি। আপনি এরই মধ্যে এখানে কি করে খবর পেলেন?

—দাদার বাড়ী থেকে আজ সকালে আমার এখানে টেলিগ্রাম করেছিল। শরীরটা ভাল নয়, তাই যেতে পারলাম না। না হ'লে দাদার মৃতদেহটাও একবার শেষ দেখার বড় ইচ্ছা ছিল।

জলধরবাবুর মৃত্যু সংবাদ শুনে ব্রজমোহনবাবু ও সারদাবাবু অত্যন্ত বিমর্ষ হয়ে পড়লেন।

এমন সময় ভৃত্য চা নিয়ে এলে শরৎচন্দ্র বললেন—নাও চা খাও। তোমাদের ভয় নেই আমি লেখা দেব।

—তবে যে বললেন, যারা গেছেন।

—না, না, মরেন নি। অমনি তোমাদের বলে দেখছিলাম, দেখি তোমরা কি বল!

ব্রজমোহনবাবু ও সারদাবাবু এতক্ষণে স্বস্তির নিঃশ্বাস ফেললেন।

## মানপত্র

সাগরময়বাবু তাঁর ‘সম্পাদকের বৈঠকে’ বইয়ে শরৎচন্দ্রের আর একটি মারাত্মক রসিকতার গল্প বলেছেন। সে গল্পটি কলকাতার সদানন্দ রোডের বিশ্বনাথ মুখোপাধ্যায় ‘দেশ’ পত্রিকা অফিসের বৈঠকে বলেছিলেন। সাগরময়বাবু লিখেছেন—

“রসচক্রের আড্ডায় তা-বড় সাহিত্যিকদের সম্বন্ধে বিগুদা ( বিশ্বনাথ মুখোপাধ্যায় ) প্রায়ই আমাদের বৈঠকে রসিয়ে গল্প জমাতেন। যেন এইমাত্র আড্ডা থেকে উঠে এসেছেন। বিগুদা বললেন—একদিন ঠিক হ’ল ‘রসচক্রের’ তরফ থেকে কবি গিরিজাকুমার বসুকে মানপত্র দেওয়া হবে।……প্রস্তাবটা উত্থাপন করলেন শরৎবাবু নিজেই। আমরা কয়েকজন আপত্তি জানিয়ে বললাম—তা হয় না শরৎদা! কালীদা, যতীনদা, নরেনদা থাকতে আগেই গিরিজাদাকে দেওয়াটা একটু দৃষ্টিকটু হয় না কি?

আমাদের আপত্তি শয়ৎদা কানেই তুললেন না! শুধু বললেন—ওরা মানপত্রের জন্ম ব্যস্ত নয়। তাছাড়া ওদের মানপত্র দেবে দেশবাসী। কিন্তু গিরিজার কথা স্বতন্ত্র। বেচারী সারা জীবন ধরে ওর বোকে উপলক্ষ করে কয়েক হাজার প্রেমের কবিতা লিখল, অথচ তোমরা কেউ আমলই দিলে না। তাই ওর মনে একটা ক্ষোভ আছে!

এ কথার পর আর আপত্তি করা চলে না। সবাই মেনে নিলুম। বিশ্বপতি চৌধুরী মানপত্র দেবেন, পরামর্শটা শরৎবাবুই দিলেন।

…রবিবার বেলা নয়টার মধ্যে রসচক্রের সভারা একে একে যতীন বাগচীর বাড়ীতে জমায়েত হয়েছেন। শরৎদাও যথাসময়ে উপস্থিত। কিন্তু মানপত্র আনার ভার যার উপরে, সেই বিশ্বপতি চৌধুরীর দেখা নেই।

এদিকে গিলে-হাতা আন্দির পাঞ্জাবী আর ধাক্কা-দেওয়া শান্তিপূরী কোঁচানো ধুতি পরে ষাট বছরের যুবা কবি গিরিজাকুমার বসু ঘর আলো করে বসে আছেন।

শরৎদা বললেন—মানপত্র যখন আসতে দেরি হচ্ছে, ততক্ষণে মালা-চন্দন ওকে পরিয়ে দাও ।

ছুটি মেয়ে এসে গোড়ে মালা আর স্নেহচন্দন পরিয়ে দিতেই শরৎদা বললেন—ই্যা, এতক্ষণে গিরিজাকে বর-বর দেখাচ্ছে ।

বিশ্বদার কথায় বাধা দিয়ে লেখক সব্যাসাচী বলে উঠলেন—শরৎবাবু গিরিজাবাবুকে বর্বর বলে গাল দিলেন, আর গিরিজাবাবু তা বিনা প্রতিবাদে হজম করলেন ।

বিশ্বদা বললেন—রসচক্রের সভারা রসিকতা বুঝতেন । আপনার মত বেরসিক ছিলেন না । যাক্ যে কথা বলছিলাম । এদিকে বেলা বাড়ছে । বিশ্বপতিবাবুর দেখা নেই । সবাই ব্যস্ত আর উদ্গ্রীব, কখন বিশ্বপতিবাবু আসবেন । শরৎদা কিন্তু নির্বিকার । শুধু বললেন—বিশ্বপতির জন্ত ব্যস্ত হবার কিছু নেই । ওর আসতে একটু দেরি হবেই ।

...বিশ্বপতিবাবু এসে ট্যাক্সি থেকে ব্যস্ত-সমস্ত হয়ে নামলেন । হাতে খবরের কাগজে রোল করা একটা বিরাট জিনিস । অহুমান করলাম মানপত্রই হবে ।

শরৎদা বললেন—কি হে বিশ্বপতি, এত দেরি করলে যে ?

বিশ্বপতিবাবু বললেন—আপনি যে ধরণের মানপত্রের কথা বলেছিলেন, কলকাতার কোথাও খুঁজে পাই না । এদিকে বেলা হয়ে যাচ্ছে, আপনারা সবাই আমার জন্ত অপেক্ষা করছেন, তাও বুঝতে পারছি । শেষ কালে খালি হাতে ফিরব ? তাই মরিয়া হয়ে একটা ট্যাক্সি নিয়ে ছুটলাম ধাপার মাঠে । তাই দেরি হয়ে গেল ।

আমরা সবাই এ ওর মুখের দিকে তাকাছি, আর ভাবছি, একটা মানপত্রের জন্ত ধাপার মাঠ পর্যন্ত ছোট্টার কি সম্পর্ক !

শরৎদা বললেন—তাহলে আর অপেক্ষা করা নয়, বেলা অনেক হ'ল । ফটোগ্রাফারও সেই ন'টা থেকে বসে আছে ফটো তুলবার জন্ত । বিশ্বপতি, মানপত্রটা তুমিই গিরিজার হাতে তুলে দাও ।

বিশ্বপতিবাবু একটু কিন্তু কিন্তু করে বললেন—আপনি উপস্থিত থাকতে আমি দেব ?

শরৎদা বললেন—একই কথা । তাছাড়া রসচক্রের তরফ থেকে তোমাকেই তো এ ভার দেওয়া হয়েছে ।

গিরিজাকুমার বহু গলায় মালা দিয়ে বসে আছেন, আর প্রবল উত্তেজনার শীতকালেই কপালে কালো কালো ঘাম দেখা দিয়েছে। বিশ্বপতিবাবু গিরিজাবাবুর সামনে জোড়হস্তে নিবেদনের ভঙ্গীতে খবরের কাগজে মোড়া শূতো দিয়ে বাঁধা মানপত্রটি রাখলেন।

শরৎদা বললেন—ওহে বিশ্বপতি, কাগজের মোড়কটা খুলে ওর হাতে তুলে দাও।

একটু ইতস্ততঃ করে বিশ্বপতিবাবু কাগজের মোড়কটা খুলে ফেললেন। বেরিয়ে পড়ল দুহাত মাপের একটা মানকচুর পাতা।

গিরিজাবাবু এক লাফে আসন ছেড়ে উঠে পড়লেন। গলার মালা ছিঁড়ে ফেললেন। শরৎবাবুর দিকে বিস্ময়কর দৃষ্টি হেনে বললেন—বুঝতে পেরেছি শরৎদা! আমাকে নিয়ে এই যে ধ্যাষ্টামোটা হ'ল, তার মূলে রয়েছেন আপনি।

শরৎদা চোখেমুখে বিস্ময়ের ভাব এনে বললেন—আমি কি করে জানব! বিশ্বপতির উপর ভার ছিল মানপত্র আনবার, কথাটা ও রেখেছে।

—আপনার সঙ্গে এই আমার শেষ দেখা। আমি চললুম।

শরৎদা বললেন—তার আগে তোমার সঙ্গে অন্ততঃ ফটোগ্রাফটা তুলে রাখা যাক। ফটোগ্রাফারকে তাই সকাল থেকে বসিয়ে রাখা হয়েছে।

শরৎদার এই কথায় কাজ হ'ল। শরৎবাবুর ওপর যতই রাগ হোক না কেন, গুঁর সঙ্গে একটা ছবি তুলে রাখার লোভ কার না আছে। গিরিজাবাবু রাজি হতেই গুঁকে মাঝখানে রেখে সবাই মিলে ছবি তোলা হ'ল। গিরিজাবাবুর মাথার পিছনে অতি সন্তর্পণে যে মানকচুর পাতাটা তুলে ধরা হয়েছিল, গিরিজাবাবু তা জানতে পেরেও না জানার ভান করেছিলেন।

...কবি-পত্নী তমাললতা বহু গিরিজাবাবুর কাছে সব বৃত্তান্ত শুনে হকুম দিলেন—যত টাকা লাগে এফুনি গিয়ে ফটোগ্রাফারের কাছ থেকে নেগেটিভ্‌টা কিনে আনতে এবং গিরিজাবাবু তা করেও ছিলেন। পরে সে নেগেটিভ্‌টির আর কোন পাত্তা পাওয়া গেল না।

প্রশ্ন দেখা দিল, শরৎচন্দ্র গিরিজাবাবুকে নিয়ে এরকম রসিকতা করলেন কেন?

বিভ্রা বললেন—আমরা শরৎদাকে এই প্রশ্নই করেছিলাম।

শরৎদা বললেন—গিরিজা রোজ সকালে তাড়া তাড়া কবিতা এনে আমাদের শোনাতে লাগল ঘণ্টার পর ঘণ্টা। সারা সকালটাই মাটি।”

রসচক্রের তরফ থেকে কবি গিরিজাকুমার বসুকে মানপত্র দেবার নাম করে মানকচুর পাতা দেওয়া হয়েছিল—এ কথাটা সত্য কিনা জানবার জন্ত আমি একদিন রসচক্রের প্রতিষ্ঠাতা-সম্পাদক কবি কালিদাস রায়কে জিজ্ঞাসা করেছিলাম।

উত্তরে কালিদাসবাবু বলেছিলেন—“রসচক্রের বৈঠকে মানপত্র দেওয়ার নাম করে মানকচুর পাতা একবার একজনকে দেওয়া হয়েছিল সত্য। তবে সেটা গিরিজা বসুকে নয়, ...সিংহকে (এই লোকটি আজও জীবিত আছেন বলে, কালিদাসবাবুর বলা নামটা আর উল্লেখ করলাম না)। ...সিংহ প্রায়ই কবিতা লিখে এনে রসচক্রের বৈঠকে পড়ত। সে নিজেকে একজন মস্ত বড় কবি বলে মনে করত। তাই তাকে জম্ম করবার জন্তই রসচক্রের অন্ততম সদস্য বিশ্বপতি চৌধুরী একদিন ঐ কাণ্ডটি করেছিল। শরৎদাও সে সভায় উপস্থিত ছিলেন। ...সিংহ ক্ষেপে গেলে, শরৎদা তাঁকে বুঝিয়ে শাস্ত করেন এবং তাঁকে নিয়ে একটা গ্রুপ ফটো তোলার প্রস্তাব করেন। শরৎদার সঙ্গে ফটো তোলার লোভে সে তার ক্ষোভ ভুলে যায় এবং ফটো তুলতে রাজি হয়। ফটো তোলার সময় আবার বিশ্বপতি ...সিংহের মাথার উপরে কৌশলে ঐ মানকচুর পাতাটা তুলে ধরেছিল।”

এই ঘটনাটি আমি রসচক্রের আর একজন সদস্যের কাছেও শুনেছি। তিনিও বলেছিলেন—...সিংহের কবিতায় বিরক্ত হয়ে বিশ্বপতিবাবু তাঁকে মানপত্রের নামে মানকচুর পাতা দিয়েছিলেন।

এখানে দেখা যাচ্ছে, ‘দেশ’ পত্রিকা অফিসের বৈঠকে বিশ্বনাথ মুখোপাধ্যায় একজনের কাহিনী আর একজনের নাম দিয়ে চালিয়ে ছিলেন।

যাই হোক, তবে শরৎচন্দ্র যে গিরিজাকুমার বসুকে নিয়ে মজা করতেন, তারও অনেক প্রমাণ আছে।

শরৎচন্দ্র ঢাকা বিশ্ববিদ্যালয় থেকে ডি-লিট উপাধি নেবার জন্ত যখন

ঢাকায় যান, তখন গিরিজাকুমার বসুও শরৎচন্দ্রের সঙ্গে ঢাকায় গিয়েছিলেন। শরৎচন্দ্র ঢাকায় গিয়ে তাঁর বাল্যবন্ধু ঢাকা বিশ্ববিদ্যালয়ের অধ্যাপক ঔপন্যাসিক চারুচন্দ্র বন্দ্যোপাধ্যায়ের বাড়ীতে কয়েকদিন ছিলেন। গিরিজাবাবুও শরৎচন্দ্রের সঙ্গে চারুবাবুর বাড়ীতে ছিলেন। ঐ সময় গিরিজাবাবুকে নিয়ে শরৎচন্দ্রের একটা মজা করার কাহিনী চারুবাবুর লেখা থেকে এখানে উদ্ধৃত করছি। চারুবাবু লিখেছেন—

“...ঢাকায় আমার বাড়ীতে থাকিবার সময়ে শ্রীমান গিরিজাকুমার বসু আমার অতিথি ছিলেন। তাঁর একদিন দাড়ি কামাইবার প্রয়োজন হইল, অথচ তিনি নিজে দাড়ি কামাইতে জানেন না। অনেক অহুসঙ্কানেও নাপিত পাওয়া গেল না। তখন শরৎ হস্তমুখে বলিল—এস চারু, আমরাই এই ঘাস ক্ষেতটা নিড়িয়ে ফেলি। এঁঃ হতভাগা গাধা, এত বড় দাড়ি হয়েছেন, অথচ দাড়ি কামাতে শেখেন নি। তখন গিরিজার দাড়ি কামানো পর্ব আরম্ভ হইল। শেষকালে আমাকে শরৎ বলিল—‘চারু, তুমি গিরিজার এই কানটা টেনে ধরো তো, নইলে আমি আবার কেটে দেবো।’ এই লইয়া যে আমরা সেদিন কত হাসিই হাসিয়াছিলাম, তাহার ইয়ত্তা নেই।” শরৎ-স্মৃতি—প্রবাসী—কাতিক, ১৩৪৫।

গিরিজাবাবুকে নিয়ে শরৎচন্দ্রের একটা পরিহাস সাহিত্যিক মহলে প্রায় প্রবাদের মত হয়েই চলে আসছে। শরৎচন্দ্র বিভিন্ন সময়ে বিভিন্ন বন্ধুর কাছে এ গল্প বলেছিলেন। শরৎচন্দ্রের সেই পরিহাসের গল্পটি হ’ল—রবীন্দ্রনাথের সঙ্গে গিরিজা বসুর পরিচয় করিয়ে দেওয়ার গল্প।



## রবীন্দ্রনাথের ক্ষতি

১৩৩৪ সালের শ্রাবণ মাস। ‘ভারতবর্ষ’ পত্রিকার অফিস। সম্পাদকীয় বিভাগের কর্মীরা বসে আলাপ-আলোচনা করছেন। কয়েকজন সাহিত্যিকও এসেছেন সেই বৈঠকে।

শ্রাবণ সংখ্যা। ‘বিচিত্রা’ পত্রিকায় রবীন্দ্রনাথের ‘সাহিত্য ধর্ম’ নামে যে প্রবন্ধটি প্রকাশিত হয়েছে, সেইটি নিয়েই আলোচনা চলছে।

এমন সময় শরৎচন্দ্র ‘ভারতবর্ষ’ অফিসে এলেন। আলোচনা খুব জমে উঠল।

একজন বললেন—শরৎদা, কবি তাঁর প্রবন্ধে যদিও কারও নাম করেন নি, তবুও ঘাঁদের সম্বন্ধে বলেছেন, আমার মনে হয় তাঁদের মধ্যে আপনিও একজন। এই লেখায় কবি যে সব অভিযোগ করেছেন, দেখেছেন তো? তিনি বলেছেন—সম্প্রতি আমাদের সাহিত্যে বিদেশের আমদানি যে-একটা বে-আক্রান্ত এসেছে, সেটাকেও এখানকার কেউ কেউ মনে করছেন নিত্য পদার্থ। ভুলে যান, যা নিত্য তা অতীতকে সম্পূর্ণ প্রতিবাদ করে না। মাহুয়ের রসবোধে যে-আক্র আছে সেইটেই নিত্য, যে-আভিজাত্য আছে, রসের ক্ষেত্রে সেইটেই নিত্য। এখানকার বিজ্ঞান-মদমত্ত ডিমোক্রাসি তাল হুঁকে বলছে, ঐ আক্রটাই দৌর্বল্য, নির্বিচার অলঙ্কৃতাই আর্টের পৌরুষ।

শুনে শরৎচন্দ্র গম্ভীর হয়ে বললেন—কবি, ঐ বলে আমার কি ক্ষতি করবেন শুনি? আমি তাঁর যে ক্ষতি করে দিয়েছি, তার তুলনায় ও কিছুই নয়।

শরৎচন্দ্রের এই কথায় সকলেই খুব বিস্মিত হলেন। একজন প্রশ্ন করলেন—শরৎদা, আপনি গুরুদেবের ক্ষতি করেছেন?

—করেছিই তো।

—সে কি? কি ক্ষতিটা করলেন শুনি?

—সে আর তোমরা শুনে কি করবে?

—তবু শুনিই না।

—না, থাক ।

সকলে মিলে খুব পীড়াপীড়ি শুরু করলেন ।

তখন শরৎচন্দ্র বললেন—কি ক্ষতি করেছি শুনবে? রবীন্দ্রনাথের সঙ্গে গিরিজা বোসের আলাপ করিয়ে দিয়েছি ।

—তাতে রবীন্দ্রনাথের ক্ষতি হতে যাবে কেন ?

—ক্ষতি হবে না? সে তোমরা কি বুঝবে! ধীর ক্ষতি হবে তিনিই টের পাবেন ।

শরৎচন্দ্র এবার আরো গম্ভীর হয়ে বললেন—জানো তো গিরিজা কি রকম গল্পে লোক । তার ওপর আবার কবিতা লেখার ব্যারাম আছে । রবীন্দ্রনাথের সঙ্গে আলাপ হয়েছে, এখন থেকে সে ছুঁবেলা রবীন্দ্রনাথের কাছে যাবে । গিয়ে ঘণ্টার পর ঘণ্টা গল্প করবে । রবীন্দ্রনাথের স্বভাব তো জানই, নিজের শত অসুবিধা হলেও তিনি লোককে মুখের ওপর শক্ত কথা বলতে পারেন না । দেখা করতে গেলে তিনি দেখা না দিয়েও পারবেন না । গিরিজা এখন থেকে অনবরত যেতে থাকবে, তার ফল এই হবে যে, রবীন্দ্রনাথকে আর একটি লাইনও লিখতে হবে না ।

শরৎচন্দ্র হাত নেড়ে এমনভাবে ‘একটি লাইনও আর লিখতে হবে না’ বললেন যে, উপস্থিত সকলেই হো হো করে হেসে উঠলেন ।

শরৎচন্দ্র তেমনি গম্ভীরভাবেই বললেন—কেমন? কবি আমার যে ক্ষতি করেছেন, সে তুলনায় আমি তাঁর বেশী ক্ষতি করি নি ?

## চরিত্রহীন

শরৎচন্দ্রের জীবনের তখন শেষ দিক ।

সেই সময় বাঙ্গলার সাহিত্যক্ষেত্রে শরৎচন্দ্র চট্টোপাধ্যায় নামে আরও একজন সাহিত্যিকের আবির্ভাব হয়েছিল । সেই শরৎচন্দ্র ‘গল্প-লহরী’ পত্রিকার সম্পাদক ছিলেন এবং ‘চাঁদমুখ’, ‘হীরের ফুল’ নামে ক’থানা বইও লিখেছিলেন ।

ঐ সময়েই একদিন বিকালে শরৎচন্দ্র তাঁর কলকাতার বাড়ী থেকে বেয়িয়ে রাসবিহারী এভিনিউ ধরে হেঁটে এক বন্ধুর বাড়ী বেড়াতে যাচ্ছিলেন ।

এমন সময় শরৎচন্দ্র পথে হঠাৎ তাঁর এক সাহিত্য-রসিক বাল্যবন্ধুকে দেখতে পেলেন ।

বহুকাল পরে এই দেখা ।

শরৎচন্দ্র বন্ধুটিকে দেখতে পেয়েই ডেকে বললেন—কি হে ! চিনতে পারছ না ? আমার নাম শরৎচন্দ্র চট্টোপাধ্যায় ।

বন্ধুটি শরৎচন্দ্রকে চিনতে পারলেও একটু মজা করবার জন্মই বললেন—  
আজকাল বাঙ্গলার আকাশে দুজন শরৎচন্দ্রের উদয় হয়েছে । আপনি তার মধ্যে কোন্ জন বলুন তো ?

শরৎচন্দ্র বন্ধুটির পরিহাস বুঝলেন । তাই নিজেও সহাস্তে বললেন—  
‘চরিত্রহীন’ ।

বন্ধুটিও শরৎচন্দ্রের কথা বুঝতে পেরে হাসতে লাগলেন ।

ବୈଷକୀ ଗନ୍ଧ



## গুরুদেবের জাহাজ ভাঙণ

বহু বৎসর পরে সেবার শরৎচন্দ্র ভাগলপুরে গেছেন। তখন দিকে দিকে তাঁর প্রশস্তি ও বন্দনাগীতি। আর যখনই তিনি যেখানে যান, সেখানেই তাঁর দর্শনার্থীরও তেমনি সমাবেশ।

শরৎচন্দ্র ভাগলপুরে গিয়ে মামার বাড়ীতেই উঠেছেন। পরিচিত অপরিচিত অনেকেই দেখা করতে এলেন।

দিন কয়েক পরে লোকের ভিড় একটু কমলে একদিন বিকালে বনফুল (বলাইচাঁদ মুখোপাধ্যায়) এলেন শরৎচন্দ্রের সঙ্গে সাক্ষাৎ করতে।

বনফুল বহুদিন থেকেই ভাগলপুর শহরে বাস করছেন। তবে সাহিত্যক্ষেত্রে যখন তাঁর আগমন, তার অনেক আগেই শরৎচন্দ্র ভাগলপুর ছেড়ে চলে গিয়েছিলেন। তাই পরস্পরের মধ্যে কোন সাক্ষাতের সুযোগ হয় নি।

বনফুল এসে দেখেন, শরৎচন্দ্র বৈঠকখানায় একটা ইজিচেয়ারে বসে লোহার শিক দিয়ে গড়গড়ার নল পরীক্ষার করছেন।

বনফুল প্রণাম করে নিজের পরিচয় দিলেন।

শরৎচন্দ্র বললেন—আরে, এসো এসো! দেখ তো এতদিন পরে আজ কিনা তোমার সঙ্গে আমার আলাপ হ'ল। তুমি যে এখানে থাক তা জানতাম না, জানলে আগেই ডেকে পাঠাতাম। তোমার অনেক লেখা আমি পড়েছি, পড়ে আনন্দও পেয়েছি যথেষ্ট।

বৈঠকখানায় ঢালা ফরাস। তার উপর বনফুল আসন গ্রহণ করে বললেন—আপনি আমার লেখা পড়েছেন, সে আমার পরম সৌভাগ্য। কি আর এমন লিখি!

—না, না, এ তোমার বিনয়ের কথা ভাই। সত্যিই তুমি ভাল লেখ।

বনফুল বললেন—আমার কথা থাক দাদা। আপনি বরং আপনার কথা কিছু বলুন শুনি।

—নিজের কথা নিজে বলব, সেটা কি রকম শোনাবে! তার চেয়ে অল্প কিছু বরং বলতে বলো, বলছি।

—দাদা, আগনি খুব ভাল বৈঠকী গল্প বলতে পারেন শুনেছি, তাই একটা বলুন।

—কি গল্প তোমাকে শোনাই বলা তো! তুমি আবার সাহিত্যিক যাহুর। তা বেশ, তবে একটা সত্যি গল্পই শোনাই তোমাকে। আমাদের ছেলেবেলাকার গল্প। এই ভাগলপুরেই আদমপুরের গঙ্গার ঘাটে ঘটেছিল ব্যাপারটা।

শরৎচন্দ্র গল্প বলবেন শুনে ঐ ঘরে উপস্থিত অগ্রাঙ্গ সকলে নিজেদের কথা বন্ধ করে এগিয়ে এলেন। একে শরৎচন্দ্রের মুখের গল্প, তার উপরে ঘটনা এই ভাগলপুরেরই, তাও আবার সত্যি ঘটনা।

শরৎচন্দ্রের গড়গড়ার নল ততক্ষণে পরিষ্কার হয়ে গেছে। তামাক সেজে কলকে দিয়ে গেছে ভূত। নলটি মুখে দিয়ে সুগন্ধ তামাক সেবন করতে করতে শরৎচন্দ্র গল্প শুরু করলেন—

আমরা তখন ছেলেমাছুষ। স্কুলে পড়ি। সেই সময় একবার ভাগলপুরময় একটা খবর ছড়িয়ে পড়ল যে, আদমপুরের ঘাটে এক অত্যাশ্চর্য সাধু এসেছে। গেরুয়া কিম্বা জটাভূটের দিক থেকে আর পাঁচজন সাধুর মতো হলেও, এর গুণ আর শক্তি নাকি অসাধারণ। কদিনের মধ্যেই নাকি সে ভাগলপুরেরই কত লোকের কত হুরারোগ্য ব্যাধি সারিয়ে দিয়েছে। আর শুধু কি তাই! কত অদ্ভুত আঙ্গব কাণ্ডও নাকি দেখাচ্ছে। আমের সময় তখন নয়, অথচ কেউ হয়তো বললে—সাধুজী আমার একটা পাকা আম খাওয়ার বাসনা। সাধুজী অমনি তার ঝোলার মধ্যে হাত পুরে দিবি পাকা একটা আম তুলে আনলে। লোকে এই সব অলৌকিক কাণ্ড দেখে তো একেবারে তাজ্জব বনে যাচ্ছে। অল্প সময়ের মধ্যেই শহরময় হৈঁচৈ পড়ে গেল। ফলে হ'ল কি জানো? সাধুকে শুধু দেখবার জন্তই আদমপুর ঘাটে রোজই লোকে লোকারণ্য। অনেকে একান্ত ভক্তও হয়ে পড়ল, কি সব দীক্ষাটিক্স দিয়ে তাদের শিষ্টও করে ফেললে।

একদিন সাধু তার শিষ্যদের বললে—হাম গঙ্গামায়ী কো পূজা দেগা।

ভক্তরা শুনে গদগদ।—সে আর কথা কি গুরুদেব! পূজার যা কিছু

নৈবেদ্য উপকরণ সবই আমরা কাল হাজির করব এখানে। আপনি পূজার ব্যবস্থা করুন।

পরদিন শিশুবৃন্দ গঙ্গামায়ে পূজার জন্ত প্রচুর উপকরণ এনে হাজির করল আদমপুর ঘাটে। গঙ্গাতীরে বালুর উপর একেবারে জলের কাছ ঘেঁসে থিয়ে থিয়ে সব কিছু সাজানো হ'ল। পূজার সময় প্রায় হয় হয়। সাধু পূজায় বসবে—এমন সময় নিদারুণ এক কাণ্ড ঘটে গেল। কার্ কোম্পানীর বড় স্টামার খানা তখন রোজই ঐরকম সময় আদমপুর ঘাট পাস করে যেত। জাহাজের যেমন ছিল গর্জন, তেমনি ঢেউও তুলত প্রকাণ্ড প্রকাণ্ড। সেই ঢেউ এসে করল কি জানো, গঙ্গামায়িকীর পূজার নৈবেদ্য ফলমূল সব নিয়ে গেল ভাসিয়ে! শিশুরা তো হায় হায় করে উঠল। কিন্তু সাধু গেল একেবারে ক্ষেপে। চীৎকার করে শাপ-শাপান্ত করতে লাগল—এত বড় স্পর্ধা জাহাজের! আমার গঙ্গামায়িকীর পূজা ভাসিয়ে দিয়ে যায়! আচ্ছা কাল আয় তুই বেটা জাহাজ! এসে ছাখ, কাল তোকে আমি আন্ত গিলে খাব। কাল আর তোকে পালাতে দিচ্ছি, আয় একবার!

শিশুরা তো অবাক! বলে কি গুরুদেব! অত বড় একটা জাহাজ—তাকে আন্ত গিলে খাবে সাধুবাবা!

একজন শিশু বলেই ফেলল—গুরুদেব, এ যে জাহাজ...

গুরুদেব তার মুখ থেকে কথা কেড়ে নিয়ে বললে—ই্যা, ই্যা, ও আমার এক কথা। কাল ঐ জাহাজ আমি গিলে খাবই, ওর আর নিস্তার নেই। এত বড় স্পর্ধা! আমার পূজা ভাসিয়ে দিয়ে যায়!

শিশুরা চোখ-কানকে তবুও যেন ঠিক বিশ্বাস করে উঠতে পারছিল না। মাহুষ জাহাজ গিলে খাবে এ কি কখনো সম্ভব? অবশেষে তাদেরই একজন বললে—গুরুদেবের কাছে অসম্ভব বলে কিছুই নেই। সাধনার বলে কি না করতে পারেন তিনি। জাহাজ ভক্ষণ তো তুচ্ছ। মহাপুরুষদের লীলাখেলাই আলাদা রে ভাই!

এদিকে এই বার্তা তো রটে গেল শহরময়। সকলে শুনল—কাল বেলা বারোটায় কার্ কোম্পানীর বড় জাহাজখানা যখন আদমপুর ঘাটের কাছ দিয়ে যাবে, তখন সাধুজী সেই জাহাজখানাকে আন্ত গিলে খাবে।

শহর ছাড়িয়ে শহরের আশেপাশেও ঝুঁকুড় ছড়িয়ে পড়ল এই কথা।



পরদিন সকাল থেকেই আদমপুর ঘাটে লোক জমতে শুরু হয়ে গেল। দল বেঁধে আমরাও গেলাম। গিয়ে দেখি বেলা যত বাড়ছে, লোকও তত ঝাঁকে ঝাঁকে আসছে। ঘাট, ঘাটের আশেপাশে যত জায়গা সবই লোকে-লোকারণ্য।

দেখতে দেখতে বড় বড় গাছগুলো পর্যন্ত লোকে ভরতি হয়ে গেল। কোথাও জায়গা না পেয়ে শেষে গঙ্গায় নেমে দাঁড়িয়ে রইল অনেকে।

সাধুজীর জাহাজ ভক্ষণ দেখতে এটুকু কুচ্ছ সাধন কে না করবে বলা!

এগারোটা বেজে গেল। বারোটাও প্রায় বাজে বাজে। তখনো কিন্তু সাধুজীর কোন সাড়াশব্দ নেই। সে তখন তীরে ধূনি জ্বালিয়ে গভীর ধ্যানে মগ্ন। এদিকে লোকের ভক্তি-ভয়-উৎকর্ষা যেন ফেটে পড়ছে গঙ্গাতীরে।

এমন সময় দূরে আসামীর টিকি দেখা গেল। হৈ হৈ করে উঠল সকলে—  
ঐ যে জাহাজ আসছে, ঐ যে জাহাজ আসছে।

চীৎকার শুনে সাধুবাবার ধ্যান ভাঙ্গল, চোখ মেলে সে তাকাল। তারপর গভীর মুখে ধীর পদক্ষেপে নামল গিয়ে গঙ্গায়। রবি বর্মার গঙ্গাবতরণ ছবিখানা দেখেছ তো? সেই শিবের মতো, কোমরে দুহাত রেখে কোমর জলে সে দাঁড়াল গিয়ে স্থির হয়ে। তারপর হঠাৎ চীৎকার করে বলতে লাগল জাহাজকে—আর তোর নিস্তার নাই আজ! আয় তুই! তোকে আজ খাই।

বলে আর গলা চড়ে। এদিকে টিপটিপ করতে থাকে লোকের বুক। না জানি কি অঘটনই ঘটে আজ!

গঙ্গাতীরে হৈ-হল্লা ঠিক এই সময়টায় একেবারে থেমে গিয়েছিল। নিঃশ্বাস বন্ধ করে সকলে ভাবছিল—তাই তো, এত বড় জাহাজটাকে গিলে খাবে কি করে!

ভীমগর্জনে এসে পড়ল জাহাজ। ঢেউ আছড়াতে লাগল আদমপুরের ঘাটে।

সাধু হুকার দিয়ে বলে উঠল—এসেছিঁ? আয় তবে!—বলেই বিরাট এক হাঁ করে জাহাজের দিকে এগিয়ে যেতে লাগল।

ঠিক এমনি সময় হ'ল কি জানো! তীর থেকে দশ-পনেরোজন লোক হঠাৎ হাউ-মাউ করে কেঁদে উঠে হুড়মুড় করে জলের মধ্যে নেবে সাধুর পা

জড়িয়ে ধরল। বললে—রক্ষা করুন, রক্ষা করুন গুরুদেব! নিজীব অচেতন  
তুচ্ছ একটা পদার্থ এই জাহাজ, একটা অপরাধ করে ফেলেছে, তার কি মার্জনা  
নেই গুরুদেব? তার উপর রাগ করা কি আপনার সাজে! তাছাড়া,  
জাহাজের মধ্যে নরনারী, শিশু অগন্তি কত যাত্রী রয়েছে, ওরা তো কোন  
অপরাধ করে নি গুরুদেব! তবে কোন্ অপরাধে ওদের আপনি খাবেন?

শুনে সাধুর ক্র কুঞ্চিত হয়ে উঠল। মুখ গম্ভীর করে খানিকক্ষণ কি ভাবল।  
তারপর দীর্ঘ এক নিঃশ্বাস ছেড়ে বললে—তা বটে! আচ্ছা, ছোড় দেও।  
তুমহারা বাত রহা বেটা।

তারপর জাহাজের দিকে তাকিয়ে হাত নেড়ে বললে—যা বেটা, খুব  
বেঁচে গেলি আজ। তোর পুনর্জন্ম হয়ে গেল।

জাহাজ ততক্ষণে সাধুকে ছেড়ে অনেক দূরে চলে গেছে।

স্বস্তির নিঃশ্বাস ফেলল সমস্ত আদমপুর ঘাট।

এই গল্প শুনে বনফুল বললেন—এতদিন লোকমুখেই শুনে আসছিলাম  
আপনি খুব ভাল বৈঠকী গল্প বলেন, আজ নিজের কানে শুনলাম—সত্যিই,  
চমৎকার!

## কামিনী

কলকাতায় একসময় কর-মজুমদার কোম্পানী নামে একটি পুস্তক-ব্যবসায়ের প্রতিষ্ঠান ছিল। এই প্রতিষ্ঠান একবার দীনবন্ধু মিত্রের ‘নীলদর্পণ’ নাটকের একটি শোভন সংস্করণ প্রকাশ করতে মনস্থ করেন। এঁদের ইচ্ছা ছিল শরৎচন্দ্র একটি ভূমিকা লিখে দেন।

এঁদের পক্ষ থেকে কবি সাবিত্রীপ্রসন্ন চট্টোপাধ্যায় ও অধ্যাপক নরেন্দ্র কুমার মজুমদার একদিন শরৎচন্দ্রের বালাবন্ধু বিভূতিভূষণ ভট্টকে সঙ্গে নিয়ে শরৎচন্দ্রের বাজে শিবপুরের বাড়ীতে গিয়ে উপস্থিত হলেন। শরৎচন্দ্র তখন বাড়ীতে ছিলেন না, পাড়ায় রোগী দেখতে গিয়েছিলেন। কিছুক্ষণ পরেই হোমিওপ্যাথি ওষুধের বাস্ক হাতে ফিরে এলেন।

সাবিত্রীবাবুর সঙ্গে তখন শরৎচন্দ্রের পরিচয় ছিল না। বিভূতিবাবু পরিচয় করিয়ে দিলেন।

শরৎচন্দ্র বললেন—হ্যাঁ, ওর লেখা পড়েছি বটে। তুমি উপাসনা পত্রিকার মোড়ল গোছের কেউ একজন, তাই না?

সাবিত্রীবাবু বললেন—আমি উপাসনার সহকারী-সম্পাদক।

শরৎচন্দ্র বললেন—তোমাদের সম্পাদক রাধাকমল মুখোজ্যে নিজের কাগজে আমার ‘চরিত্রহীন’ সম্বন্ধে কি সব সমালোচনা আরম্ভ করেছেন বলে তো? বলি, রাধাকমলবাবু উপাসনা এডিট করা ছাড়া আর কিছু করেন কি?

সাবিত্রীবাবু বললেন—রাধাকমলবাবু কলেজের অধ্যাপক।

—অধ্যাপক? বয়স কত? নিশ্চয় আমার চেয়ে বেশী নয়? তা না হয় হ’ল, কিন্তু নারীচরিত্র সম্বন্ধে ওঁর অভিজ্ঞতা কতটুকু শুনি? আমার চাইতে যে অনেক কম, এ কথা আমি জোর করেই বলতে পারি। রেজুনে যখন থাকতাম, পাড়ার বস্তীর বহু নারীর জীবন-বৃত্তান্ত আমি সংগ্রহ করেছিলাম। তখনই জেনেছিলাম, কি বিচিত্র ও আশ্চর্য জীবন এদের। কামিনী বলে একটি মেয়েকে জানতাম। এর কথা যদি শোনো, তোমরা অবাক হয়ে যাবে।

সকলেই তখন গল্পটি শুনতে চাইলে, শরৎচন্দ্র বলতে শুরু করলেন—

কাঁচড়াপাড়ার রেল কারখানায় শীতলচাঁদ নামে একটি লোক কামারের কাজ করত। হঠাৎ রেক্সনে একটা ভাল কাজ যোগাড় করে সে রেক্সনে চলে আসে। আসবার সময় শীতলচাঁদ একা আসেনি, কামিনী নামে অপরের একটি বৌকেও ফুসলিয়ে নিয়ে এসেছিল। কামিনীর বয়স বোধ করি তখন চব্বিশের বেশী হবে না। কিন্তু এমনি অটুট স্বাস্থ্য যে, দেখলে মনে হ'ত, প্রথম যৌবনের সব জোয়ারটাই বুঝি সে তার দেহে বেঁধে রেখেছে।

এই শীতলচাঁদ আর কামিনী রেক্সনে এসে বাসা বাঁধল, আমাদেরই মেসের কাছাকাছি এক বস্তীতে।

রেক্সনের ছোট-বড় বহু বাঙ্গালীর সঙ্গে আমার বিশেষ পরিচয় ছিল। তার কারণ শুধু প্রবাসী বলে নয়, হোমিওপ্যাথি চিকিৎসা করতাম বলে অনেকেই আমাকে জানতেন। তোমরা যাদের ছোটলোক বলো, তাদের মধ্যে ভালো ডাক্তার বলে মিথ্যে একটা সুনামও আমার ছিল।

কিছুদিনের মধ্যেই শীতলচাঁদ আর কামিনীর সঙ্গে আমার পরিচয় হ'ল। তাদের বাসা ছিল আমার অফিস যাওয়া-আসার পথে। দেখতাম স্ব্থে-স্বচ্ছন্দেই তারা ঘরকন্না করছে। এমনও শুনেছিলাম যে কামিনীর সেবা-যত্নে পাঁড়-মাতাল শীতলচাঁদ মদ পর্যন্ত নাকি ছেড়ে দিয়েছিল।

একদিন অফিস থেকে ফিরছি, দেখি, কার পথ চেয়ে যেন কামিনী দরজা ধরে দাঁড়িয়ে আছে। আমি তার কাছে আসতেই সে কঁদে বললে— দাদাঠাকুর, আমার কপাল পুড়েছে। ওনার আজ চারদিন হ'ল মায়ের দয়া হয়েছে। ভেবেছিলাম, এমনি-এমনিই সেরে যাবে। আপনাকে আর এই রোগের মধ্যে টানব না। কিন্তু কাল রাত থেকে ঘোর জ্বর, গা-ময় এত বেরিয়েছে যে, আর চেনা যায় না। যন্ত্রণায় বড় ছটফট করছে, আমি আর চোখে দেখতে পারি নে। আপনি দয়া করে একটু ওষুধ দেবে দাদাঠাকুর? বলেই কামিনী আমার পা দুটো জড়িয়ে ধরতে এল।

আমি একটু দূরে সরে দাঁড়িয়ে বললাম—ভূমি বাড়ী যাও কামিনী। আমি হেস থেকে এখনি আসছি।

ঘুরে এসে শীতলচাঁদের অবস্থা যা দেখলাম, বর্ণনা করা যায় না। কয়েক

দিনের রোগে যাহ্নবের চেহারা। যে এত বিভৎস হতে পারে ধারণা ছিল না। সত্যিই আর চেনা যায় না লোকটাকে। যন্ত্রণায় সে এপাশ-ওপাশ করে কাতরাচ্ছে, চোখ চাইতে পারছে না।

তার বিকৃত মুখের কাছে কামিনী নিজের মুখ নিয়ে বললে—ওগো শুনছ! দাদাঠাকুর এসেছে। আর কোন ভয় নেই, ঠুঁর একফোঁটা ওষুধ খেলেই তোমার সব যন্ত্রণা সেরে যাবে।

কামিনী তো আমার ওষুধের খুব প্রশংসা করলে, কিন্তু আমার দৌড় কতটুকু সে তো আমি জানতাম। ভরসা বলতে তেমন কিছুই পেলাম না। তবু আমার সাধ্যমতো ওষুধ যাহোক দিলাম। সকাল বিকেল রোজই তাকে দেখতে যেতাম। পরে বড় ডাক্তারও আনানো হ'ল, কিন্তু শীতলচাঁদকে আর বাঁচানো গেল না।

শীতলচাঁদ মারা গেল। কামিনীর সে কি কান্না, শোকে মেয়েটা যেন একেবারে পাগল হয়ে গেল! শীতলের রোগের সময় দেখেছি, আহা-নিজ্জা ত্যাগ করে দিনের পর দিন কি সেবাটাই না সে করেছে। কোন সতী-সাক্ষীর চেয়ে কোন অংশে কম নয়।

শীতলচাঁদের মৃত্যুর পরদিন যখন অফিস যাচ্ছি, দেখি কামিনীর বাড়ীর দরজায় তাল ঝুলছে। শুনলাম, বাড়ী সে ছেড়ে দিয়েছে, কোথায় গেছে কেউ জানে না।

বছর দুই পরে আমার পুরনো মেস ছেড়ে অফিসের কাছাকাছি এক বন্ধুর মেসে গিয়ে উঠি। যেদিন যাই, সেদিনকারই ঘটনা। মেসে বহাল হয়ে বিকেলের দিকে বেড়াতে বেরিয়েছি। পকেটে চুপট ছিল, কিন্তু দেশলাই ছিল না। তাই বড় রাস্তার উপর একটা মুদির দোকান দেখতে পেয়ে দেশলাই কিনতে চুকলাম। চুকেই দেখি, শীতলচাঁদের সেই কামিনী খন্দেরদের সওদা ওজন করে দিচ্ছে। গা-ভরা গহনা, সেই হাসিমুখ, সেই নিখুঁত স্বাস্থ্য।

আমাকে দেখেই কামিনী লশবাস্ত হয়ে মাথার কাপড়টা একটু টেনে দিয়ে উঠে দাঁড়াল। তারপর সিধে আমার পায়ের কাছে এসে টিপ করে এক প্রশ্নাম। হাসিমুখে জিজ্ঞাসা করল—দাদাঠাকুর, ভালো আছ তো?

আমি বললাম—তা তোমার খবর কি কামিনী? তুমি কেমন আছ বলো? দেখে তো মনে হচ্ছে দিবি ভালো, না কি?

কামিনী বললে—আপনার আশীর্বাদে ভালোই আছি দাদাঠাকুর! তারপর একটু থেমে, বোধ করি পূর্বস্মৃতি স্মরণ করে একটু লজ্জা-লজ্জা করে বলতে লাগল—যমে টানলে কার সাধ্য তাকে রাখে দাদাঠাকুর! আপনিও তো চিকিৎসকের কম কর নি।—বলে, কামিনী আঁচলে চোখ মুছল।

একটু পরে শান্ত হয়ে বললে—ইনি তাঁরই মামাতো ভাই। অনেকদিন থেকে রেক্সুনেই আছে। দুঃসময়ে ইনিই খোঁজখবর নিত। আপনি হয়তো দেখেছ দাদাঠাকুর! ওঁর অসুখের সময় প্রায়ই সে আসত। এঁরই দয়ায় এখন ছুবেলা দুমুঠো খেতে পাচ্ছি। এঁর দুটি ছোট-ছোট ছেলে, ছেলে দুটি মা-মরা। আহা! ওদের কচিমুখ দেখেই তো নতুন করে আমাকে সংসার পাততে হ'ল। তা না হ'লে, আমার একটা পেট, সে তো কোন রকমে দুঃখ ধাক্কা করেই চলে যেত। তবে মাহুঘটা বড় ভালো। দাদাঠাকুর, ঠিক তারই মতন। খুব আদর যত্ন করে, বড় ভালবাসে।

মোটকথা বুঝলাম, কামিনী আবার এই নতুন মাহুঘটিকে ভালবেসেছে। এর সঙ্গে ঘর বেঁধেছে এবং খুব স্নেহই আছে।

শীতলচাঁদের অসুখের সময় একটি লোককে প্রায়ই আনাগোনা করতে দেখতাম বটে। জিজ্ঞাসা করলাম—হ্যারে কামিনী, একি তাহলে সেই নিবারণ? তার নাম নিবারণই তো ছিল, তাই না?

কামিনী ফিক করে হেসে ফেলল। তারপর মাথার কাপড়টা সামান্য একটু টেনে বললে—হ্যাঁ দাদাঠাকুর! আপনি তো সবই জানেন।

শীতলচাঁদের সংসারে কামিনীকে দেখেছি। সেখানে কি স্নেহই না সে ছিল। তারপর শীতলচাঁদের যখন বসন্ত হয়েছে, তার পাশেও কামিনীকে দেখেছি। অনাহারে, অনিদ্রায়, দুর্ভাবনায় সে শুকিয়ে একেবারে পোড়াকারিটি হয়ে গিয়েছিল। আবার সেই কামিনীকে নিবারণের ঘরেও দেখলাম। সে পোড়াকারি কামিনী আর নেই, তার সারা অঙ্গে তখন বসন্তের হাওয়া, অসাধারণ লাভণ্যে তার চোখমুখ ভরা।

দেখলাম, কামিনীর জীবনে একদিকে যেমন শীতলচাঁদ সত্য, তেমনি আর একদিকে নিবারণও সত্য। কাঁচড়াপাড়ায় প্রথম যে স্বামীটিকে সে ছেড়ে এসেছিল, তাকেও কি কামিনী কম ভালোবাসতো?

## বিধবা বিবাহ

‘বঙ্গবাণী’তে শরৎচন্দ্রের ‘পথের দাবী’ ছাপা শেষ হয় ১৩৩৩ সালের বৈশাখ মাসে। ঐ সময় গ্রন্থাকারে ‘পথের দাবী’ প্রকাশের ব্যবস্থা করতে শরৎচন্দ্র সামন্তাবেড় থেকে একদিন কলকাতায় আসেন।

কলকাতায় তখনো তাঁর বাড়ী তৈরি হয় নি, তাই এসে ওঠেন উমাপ্রসাদ মুখোপাধ্যায়দের বাড়ীতে। উমাপ্রসাদবাবুই ‘পথের দাবী’ প্রথম প্রকাশ করেন।

পরদিন সকালে বঙ্গবাণীর প্রধান সচিব কুমুদচন্দ্র রায়চৌধুরী শরৎচন্দ্রের সঙ্গে দেখা করতে এলেন। একে-একে আরো অনেকে এলেন, বেশ জমাটি এক বৈঠক জমে উঠল।

কথা-প্রসঙ্গে কুমুদবাবু বললেন—‘পথের দাবী’ তো শেষ হ’ল। পাঠকরা কিন্তু সন্তুষ্ট হ’ল না। তারা বলছে, অপূর্বর সঙ্গে ভারতীর বিয়ে হ’ল না—এটা শরৎবাবু কি করলেন ?

শরৎচন্দ্র কিছুক্ষণ চুপ করে রইলেন। তারপর হাসতে হাসতে বললেন—দেখ, অনেকে বলে আমি কন্জারভেটিভ্‌। খুব যে অগ্নায় বলে তা নয়। আমি ভেবে দেখেছি, আমার মনের কোণে সত্যিই এক গোঁড়া কন্জারভেটিভ্‌ লুকিয়ে আছে। তোমার বোধ হয় মনে আছে, অপূর্ব এক জায়গায় তার মা-কে বলছে—মা, তুমি আজ ইহলোকে আছ, কিন্তু একদিন তোমার স্বর্গবাসের ডাক এসে পৌঁছবে। সেদিন তোমার অপূর্বকে ফেলে যেতে হবে জানি, কিন্তু একটি দিনের জন্তও যদি তোমাকে চিনতে পেরে থাকি মা, তাহলে সেখানে বসেও কখনো এ ছেলের জন্ত তোমার চোখের জল ফেলতে হবে না।

অপূর্বর এই মাতৃভক্তি কৌনদিক থেকে ক্ষুণ্ণ হতে আমি দিই নি। এই জন্তই অপূর্বর সঙ্গে ভারতীর বিয়ে দেওয়া আমার পক্ষে সম্ভব হয় নি।

কুমুদবাবু বললেন—অপূর্ব ও-কথা বলেছিল বলেই তার যে আর বিয়ে দেওয়া চলবে না, এ কি সব সময়েই খাটে ? আপনার ভারতীও তো অপূর্বকে

বলেছিল, তার মা বর্মায় এলে সে নিজে তার দেখাশুনা করবে। ভারতী ঘরে ঢুকলে তিনি যদি হাঁড়ি ফেলে দেন, তাহলেও সে জোর করে ঢুকবে। কিন্তু কই, আপনি তো ভারতীকে এ কথা রাখতে দেন নি। অপূর্বর মা বর্মায় এলে আপনি তাঁর সঙ্গে ভারতীর দেখাই করালেন না।

শরৎচন্দ্র বললেন—কুমুদ, কথার কতকগুলো রকম-ফের আছে। অপূর্বর কথা তার মজ্জাগত সংস্কারের ফল, সম্পূর্ণ আন্তরিক। কিন্তু ভারতীর কথা কেবল কথার পিঠে কথা, আলাপের অংশ মাত্র। এর ওপর অতটা জোর দেওয়া চলে না। দেখ, আমি যখন সংস্কার বা প্রথার বিরুদ্ধে যুক্তি দিই, তা যে কেবল যুক্তি দেবার জগুই দিই, তা কিন্তু নয়। আমাদের সংস্কার বা আচার-বিচারের ওপর আমি একেবারে খড়গহস্ত, বিরুদ্ধে যখন যুক্তি দিই মনেপ্রাণে বিশ্বাস করেই দিই। কিন্তু কার্ষক্ষেত্রে দেখেছি, যখনই আমার মনের কোণে সেই কন্জারভেটিভ্‌টি মাথা চাড়া দিয়ে ওঠে, তখনি আমি দুর্বল হয়ে পড়ি। এই যেমন ধর না, বিধবা বিবাহ। আমার দৃঢ় বিশ্বাস যে, বিধবাদের পুনর্বিবাহে অহুমতি না দেওয়া জীজাতির প্রতি পুরুষজাতির অগ্রায়ের জঘন্ত দৃষ্টান্ত। সংসারে অনেক পাপতাপের এও একটা কারণ। কিন্তু, আশ্চর্যের কথা এই যে, বিধবা বিবাহ দেবার অহুমতির দায়িত্ব যখন আমার উপর আসে, তখন অন্তর থেকে সে অহুমতি আমি কিছুতেই দিতে পারি নে। এ সম্বন্ধে কথা উঠলে, আমার এক বন্ধুর কথা মনে পড়ে। তার কথা শোনাই তোমাদের।

বর্মায় তখন আমি চাকরি করি। সেখানে আমার এক গোয়ানিজ বন্ধু ছিল। বিয়ের পরই সে বেচারী বর্মায় আসে, তারপর বহুকাল আর দেশে যেতে পারে নি। একদিন কথায় কথায় জানতে পারলাম, সে তার সামান্য বেতন থেকে পয়সা জমাচ্ছে দেশ থেকে স্ত্রীকে আনবে বলে। ইতিমধ্যেই সে দু'শ' টাকা জমিয়েছে, আর তিনশ' টাকা জমাতে পারলেই গোয়া থেকে স্ত্রীকে সে নিয়ে আসতে পারবে।

পরে একদিন দেখা হতে সে আমাকে বললে—চ্যাটার্জি, তোমাকে একটা কথা বলব? তুমি আমাকে শ'তিনেক টাকা ধার দেবে? বৌকে তাহলে দেশ থেকে নিয়ে আসি। আমি আন্তে আন্তে তোমার টাকাটা শোধ করে দেব।



লোকটি বড় ভালো ছিল। আমি টাকাটা দিতেই, সে ছুটি নিয়ে সোজা দেশে চলে গেল এবং কিছুদিন পরেই মহা উৎসাহে স্ত্রীকে সঙ্গে নিয়ে ফিরে এল। ফিরে এসেই ভালো পাড়ায় একটি ফ্ল্যাট ভাড়া করল। তার পুরো ভাড়া দেওয়া তার সাধের বাইরে। তাই সে তার দুটি বেড-রুমের একটি তার প্রিয়বন্ধু লরেন্সকে ভাড়া দিয়ে দিলে। লরেন্স তার সংসারেই রইল, খাওয়া-দাওয়া এক সঙ্গেই হ'ত। ফ্ল্যাটভাড়া আর খাওয়া-দাওয়ার খরচ লরেন্স অর্ধেক দিত।

কিছুদিন পরে দেখি, গোয়ানিজ বন্ধুটির যন্ত্রা হয়েছে। মাঝে মাঝে গিয়ে তাকে দেখে আসতাম। নানারকম গল্প-সল্প করতাম। সাধুনা যা দেবার দিতাম, যদিও জানতাম এ রোগ থেকে মুক্তি পাবার আশা তার খুবই কম।

কিন্তু অত তাড়াতাড়ি তার দিন যে শেষ হয়ে আসবে, তা বুঝতে পারি নি। মৃত্যুর আগের দিন হঠাৎ সে আমাকে বললে—চ্যাটার্জি, এ জীবনে তোমার ঋণ আর আমি শোধ করে যেতে পারলাম না। হাজার দুই টাকার লাইফ ইনসিওরেন্স আছে, স্ত্রীকে বলে গেলাম, সেই টাকা থেকে তোমার পাওনা সে শোধ করে দেবে।

আমি বললাম—কি যে ছাইভস্ম তুমি বলছ! ওসব কথা থাক। এজ্ঞ তুমি কিছুমাত্র ভেব না। ও-টাকা আমি চাই নে। ভগবান না করুন, তোমার স্ত্রীর যদি সেই কপালই হয়, ও-সামান্য টাকাটা তাঁর কাজে লাগতে পারে।

বন্ধুটি আমার দিকে একদৃষ্টে কিছুক্ষণ তাকিয়ে রইল। তারপর ছলছল চোখে বললে—চ্যাটার্জি, আমার মৃত্যুতে আমার স্ত্রীর কিছুই আসবে যাবে না। আমি মরলে তো ও হাঁফ ছেড়ে বাঁচবে, পরদিনই লরেন্সকে বিয়ে করতে পারবে। ওরা দুজনে প্রতি মুহূর্তে আমার মৃত্যু কামনা করছে। বিশ্বাস কর, এই যে আমি মরছি, এর জন্ত দায়ী আমার স্ত্রী। অন্ততঃ এটুকু সত্য যে, ও-ই আমার মৃত্যু এগিয়ে দিয়েছে। যেদিন থেকে ওকে লরেন্সের সঙ্গে ব্যভিচার করতে দেখেছি, সেদিন থেকে আর আমি ওকে বিশ্বাস করতে পারি নি। সেদিন থেকেই জানি, আমি আর বাঁচব না। ওর হাতে ওষুধ খেতেও আমার ইচ্ছে করে না। ওষুধ দেয় না কি দেয়, কে জানে?

তার এই কথা শুনে, আমি কি আর বলব, বলো! এটা ওটা বলে বৃথা কিছু সাধুনা দেবার চেষ্টা করলাম মাত্র। কিন্তু ও-কিছুতেই মানল না, হুঁপিয়ে হুঁপিয়ে কাঁদতে লাগল।

এই তো গেল আমার গোয়ানিজ বন্ধুটির কথা। এখন আর একটি মেয়ের কথা শোনো। এই মেয়েটি আবার দুটি সন্তানের মা।

আমাদের ওখানে এক ছুঁলে বৌ থাকত, গঙ্গার মা বলে আমরা তাকে জানতাম। স্বামী, আর দুটি সন্তান—মৃত্যুঞ্জয় এবং গঙ্গাকে নিয়ে সে স্থখে ঘর-সংসার করত। মৃত্যুঞ্জয়ের বয়স বছর দশেক হবে, গঙ্গা ছিল তার চেয়ে অনেক ছোট। বেশ দিন কাটছিল, হঠাৎ তার স্বামীটি মারা যায়। গঙ্গার মায়ের যেন তর সইছিল না। একজনকে নিকে করে বসল। গঙ্গা তার সঙ্গে গেল বটে, কিন্তু মৃত্যুঞ্জয়ের কি হ'ল, সে কিছুতেই তার সঙ্গে যেতে চাইল না। গঙ্গার মা মৃত্যুঞ্জয়কে নিয়ে মাথা ঘামানোর কোন প্রয়োজন মনে করল না। দিব্যি তাকে ফেলে তার নতুন বরের সঙ্গে চলে গেল। এখন ভাব ঐ মৃত্যুঞ্জয়ের দুর্গতিটা!

দেখ, এই সব ঘটনা যখন মনে পড়ে, তখন ভাবি হিন্দু সমাজে বিধবা বিবাহের রীতিটা যে ছিল না, তা হয়তো ভালোর জঞ্জাই ছিল না। হিন্দু সমাজে একটি নারীর একমাত্র পতির বিধিতে, দ্বী অন্ততঃ স্বামীর মৃত্যু কামনা করতে পারত না। স্বামীর মৃত্যুর পর সন্তানদেরও জঞ্জাল ভাববার স্বযোগ পেত না। আর পাপতাপ, সে তো বিধবারও আছে, সধবারও আছে। তাই আমার কন্জারভেটিভ্ মন যখন বলে হিন্দুর এই প্রাচীন নিয়মই ভালো, তখন সমর্থন না করে পারি নে। কিন্তু আবার যখন বিধবা বিবাহের বিরুদ্ধে বক্তৃতা শুনি, তাতেও আবার মন সায় দিতে চায় না। মনে হয়, বিধবা বিবাহ নিরোধ করবার অধিকার কোন পুরুষেরই নেই।

কুমুদবাবু বললেন—অনেকে আবার এই বিধবা বিবাহে বয়স বেঁধে দেওয়ার পক্ষপাতী।

শরৎচন্দ্র বললেন—না, তা হয় না। বয়স দিয়ে এ সব ব্যাপারের সীমা নির্দেশ করা চলে না। এ বিষয়ে অনেক ভাববার কথা আছে। ধারা সমাজ-সংস্কারক, তাঁরা এ নিয়ে চিন্তা করবেন। আমার তাঁদের যা জানানাবার, আমার অভিজ্ঞতায় যা ঘটেছে, খানকতক বইয়ে তা লিখে জানিয়েছি। নিয়ম জারি করা তাঁদের কাজ, সংস্কারকের ভূমিকায় কাজ করব, এমন স্পর্ধা আমার নেই। তবে বিধবা বিবাহ যে সমাজের পক্ষে সর্বক্ষেত্রে মঙ্গলকর—এ কথা আমি মানতে পারি নে।

[ শরৎচন্দ্র হাওড়া শহর ছেড়ে হাওড়া জেলাতেই রূপনারায়ণ নদের তীরে সামতা গ্রামে গিয়ে বাড়ী করে বাস করেছিলেন। শরৎচন্দ্রের বাড়ীটা ছিল সামতার এক প্রান্তে বা বেড়ে। সেইজন্য শরৎচন্দ্র ঐ অঞ্চলটার নাম দিয়েছিলেন—সামতাবেড়।

এই সামতাবেড়ের পাশেই হ'ল গোবিন্দপুর গ্রাম। গোবিন্দপুরেই শরৎচন্দ্রের দিদি অনিলা দেবীদের বাড়ী।

১৩৫৯, ৬০ ও ৬১ সালে যখন আমি 'ভারতবর্ষ' মাসিক পত্রিকায় একটানা শরৎচন্দ্রের বিষয়ে লিখছিলাম, তখন শরৎচন্দ্র সম্বন্ধে তথ্য সংগ্রহের জন্য সামতাবেড়ে শরৎচন্দ্রের স্ত্রী হিরণ্ময়ী দেবীর কাছে, গোবিন্দপুরে শরৎচন্দ্রের দিদিদের বাড়ীতে এবং ঐ অঞ্চলে শরৎচন্দ্রের বন্ধু-বান্ধবদের কাছে বহুবার গিয়েছি।

সেই সময়েই আমি, কুমুদবাবুদের কাছে বলা শরৎচন্দ্রের ছুঁলে-বৌ গঙ্গার মায়ের গল্পের গঙ্গার মাকে শরৎচন্দ্রের দিদিদের বাড়ীতে ঝি থাকতে দেখেছি। গঙ্গার মা তখন অবশ্য বুড়ি। গঙ্গার মায়ের, বড় ছেলে মৃত্যুঞ্জয়কে ফেলে রেখে নিকে করে চলে যাওয়ার কথাও তাঁদের বাড়ীতে আমি শুনেছি।

এ থেকে বলা যেতে পারে যে, শরৎচন্দ্র অনেক সময় তাঁর চোখে দেখা ঘটনা বা বাস্তব অভিজ্ঞতা থেকেও গল্প বলে শোনাতেন। ]

## নিরুদ্দি

ঢাকা বিশ্ববিদ্যালয় থেকে ডি-লিট উপাধি নিতে শরৎচন্দ্র ঢাকায় গেছেন। ঢাকায় শরৎচন্দ্রের বহু বন্ধুবান্ধব। অনেকেরই বাড়ীতে দু-একদিন করে থাকছেন। যে দিনের কথা বলছি, সেদিন তিনি অধ্যাপক চারুচন্দ্র বন্দ্যোপাধ্যায়ের বাড়ীতে অতিথি।

মোহিতলাল মজুমদারও সে সময়ে ঢাকা বিশ্ববিদ্যালয়ের বাঙলা সাহিত্যের অধ্যাপক। ঐদিন সকালবেলা মোহিতবাবু তাঁর একখানি সত্তাপ্রকাশিত সমালোচনার বই নিয়ে শরৎচন্দ্রকে উপহার দিতে গেলেন।

বইখানি হাতে নিয়ে শরৎচন্দ্র পাতা ওলটাতে লাগলেন। মোহিতবাবু যেখানে শরৎচন্দ্র সন্ধক্ষে লিখেছেন, তার দু-একটা লাইন পড়েই শরৎচন্দ্র বলে উঠলেন—দেখ মোহিত, লোকে বলে আমি নাকি বঙ্কিমচন্দ্রের অমুরাগী নই। আমার নাকি বঙ্কিমচন্দ্রের প্রতি একটা ব্যক্তিগত বিদ্বেষ আছে।

মোহিতবাবু বললেন—বঙ্কিমচন্দ্রের উপস্থাপন সন্ধক্ষে আপনার ব্যক্তিগত ধারণাটা আমিও জানতে চাই। অকুণ্ঠভাবে আপনার স্বাধীন মতামত আপনি বলুন। অবশ্য আমি জানি, বঙ্কিমচন্দ্রের উপস্থাপনে নারীচরিত্র সৃষ্টিতে কবি-কল্পনার যে ধর্মভ্রষ্টতা আছে, তার একটা বড় উদাহরণস্বরূপ আপনি কৃষ্ণকান্তের উইলে বঙ্কিমচন্দ্র রোহিণীর পরিণাম যেভাবে চিত্রিত করেছেন, তার উল্লেখ করে থাকেন।

শরৎচন্দ্র উত্তর দিলেন—দেখ, জীবনের সত্যকে যিনি যত বড় কবিই হোন, লঙ্ঘন করতে পারেন না। নারীর সন্ধক্ষে যে ধারণা আমাদের সমাজে, সংস্কারের মতো বদ্ধমূল হয়ে আছে, সে যে কত বড় মিথ্যা, আমি তা জানি বলেই কোন কবির লেখায় দায়িত্বহীন কল্পনার অবিচার আমি সইতে পারি নে। ধর্ম ও নীতিশাস্ত্রের অমুরোধে মানুষের প্রাণকে ছোট করে দেখতে হবে, নারীর জীবনের যেটা সবচেয়ে বড় ট্রাজেডি, তাকেই একটা কুংসিং কলঙ্ক-রূপে প্রকাশ করতে হবে, এতে কবি-প্রাণের মহত্ব বা কবি-কল্পনার গৌরব কোথায়? আমাদের সমাজে যে নিদারুণ অবিচার প্রতিনিয়ত ঘটছে,

সাহিত্যেও যদি তারই পুনরাবৃত্তি দেখি, তবে মাহুস হিসাবে মাহুসের মূল্য স্বীকার করা সম্বন্ধে হতাশ হতে হয়। বন্ধিমচন্দ্রের হাতে রোহিণীর দুর্গতির কথা যখন ভাবি, তখন আমার নিরুদীর কথা মনে পড়ে।

নিরুদি ছিলেন ব্রাহ্মণের মেয়ে, বাল-বিধবা। বত্রিশ বছর বয়স পর্যন্ত তাঁর চরিত্রে কোন কলঙ্ক স্পর্শ করে নি। স্বশীলা, পরোপকারিণী, ধর্মশীলা ও কর্মিষ্ঠা বলে যথেষ্ট সুনাম ছিল। রোগে সেবা, দুঃখে সাহসনা, অভাবে সাহায্য—এমন কি প্রয়োজন হ'লে দাসীর মতো পরিচর্যা তাঁর কাছে পায় নি, এমন পরিবার বোধ করি গ্রামে একটিও ছিল না। আমি তখন ছেলেমাহুস। কিন্তু তবুও সেই বয়সেই নিরুদির মধ্যে একটা বড় হৃদয়ের পরিচয় পেয়ে মুগ্ধ হয়েছিলাম।

সেই নিরুদির বত্রিশ বছর বয়সে হঠাৎ একবার পদস্থলন হ'ল। গ্রামের স্টেশনের বিদেশী মাস্টার, নিরুদিকে কলঙ্কের মধ্যে নামিয়ে পাষণ্ডের মতো পালাল।

এ সব ব্যাপারে সমাজে নিয়মিত যা ঘটে থাকে, নিরুদির ভাগ্যেও তার অন্তর্ভুক্ত হয় নি। পূর্বেকার যত উপকার, সেবা-যত্ন, সব কিছু ভুলে গিয়ে গ্রামের সকলেই তাঁকে নির্মমভাবে বর্জন করল। এমন কি তাঁর সঙ্গে বাক্যালাপ পর্যন্ত বন্ধ করে দিল।

লজ্জায়, অপমানে, আত্ম-গ্লানিতে কদিনেই নিরুদির স্বাস্থ্য একেবারে ভেঙ্গে পড়ল। ক্রমে তিনি মরণাপন্ন হয়ে শয্যাশায়ী হলেন। তাঁর সেই মুমূর্ষু অবস্থাতেও তাঁর মুখে জল দিতে কেউ এগিয়ে এল না। তাঁর দুয়ার পর্যন্ত, কেউ মাড়াল না।

আমাদের বাড়ীতেও কড়া হুকুম ছিল। নিরুদির কাছে যাবার ঘোঁ ছিল না। আমি কিন্তু রাত্রিতে লুকিয়ে নিরুদিকে দেখতে যেতাম। গিয়ে তাঁর মাথায় পায়ে হাত বুলিয়ে দিতাম। দু-একটা ফল সংগ্রহ করে নিয়ে তাঁকে খাইয়ে আসতাম। তখন দেখেছি, সে অবস্থাতেও গ্রামের লোকের কাছে এই পৈশাচিক শাস্তি পেয়েও, নিরুদি কোনদিন কারো বিরুদ্ধে কোন অভিযোগ করেন নি। তাঁর নিজেরই লজ্জার সীমা ছিল না। যে অপরাধ তিনি করেছেন, এ শাস্তি যেন তার তুলনায় অতিরিক্ত হয় নি। তখন অবাক ঠেকত,

পরে বুঝেছি। নিজের অপরাধের শাস্তি তিনি নিজেই দিয়েছিলেন নিজেকে, গ্রামের লোক ছিল উপলক্ষ মাত্র। গ্রামের লোকদের তিনি ক্ষমা করেছিলেন, কিন্তু নিজেকে ক্ষমা করেন নি।

এইখানেই তাঁর শাস্তির শেষ হয় নি। যখন মারা গেলেন, গ্রামের কেউ তাঁর মৃতদেহ স্পর্শ পর্যন্ত করল না। ভোম দিয়ে সেই মৃতদেহ নদীর তীরে জঙ্গলে ফেলে দেওয়া হ'ল। শেয়াল-কুকুরে ছিঁড়ে ছিঁড়ে খেল সেই দেহ।

এরপর শরৎচন্দ্র বললেন—মাস্তুরের মধ্যে যে দেবতা আছে, এমনি করেই আমরা তার অপমান করি। রোহিণীর কলঙ্ক আর শাস্তি এই ধরণেরই। এমন একটা নারী-চরিত্রের কি দুর্গতিই না বঙ্কিমচন্দ্র করেছেন!

[‘রোহিণী’ চরিত্রের পরিণতি সম্বন্ধে শরৎচন্দ্র অগ্ন্যত্রণ্ড বলেছেন—

“(রোহিণীর) মৃত্যুর জন্ত আক্ষেপ করিনে, কিন্তু করি তার অকারণ, অহেতুক জ্বরদস্তির অপমৃত্যুতে।...উপন্যাসের চরিত্র শুধু উপন্যাসের আইনেই মরতে পারে, নীতির চোখ রাঙানিতে তার মরা চলে না।”—সাহিত্য ও নীতি

রোহিণী চরিত্রের পরিণতি সম্বন্ধে শরৎচন্দ্রের এই যে মত, এ কিন্তু অনেকে স্বীকার করেন না। যেমন—

ডক্টর সুনীলকুমার দে লিখেছেন—“বঙ্কিমচন্দ্রকে অনেকে কঠোর নীতিদর্শী বলিয়াছেন, কিন্তু রোহিণীর দুর্ভাগ্যকে কেবল পাপের শাস্তি বলিয়া ব্যাখ্যা করিলে সঙ্গত হইবে না। তাহা যদি হয়, তবে নিষ্পাপ ভ্রমরও কেন শাস্তি-ভোগ করিয়াছে? বিভিন্ন প্রকারে উভয়েরই ভাগ্যে অবশেষে মৃত্যুদণ্ড আসিয়াছে। রোহিণীর পাপ স্বীকার করিয়া লইলেও, অনভিজ্ঞা বালিকার অভিমান ও অবিমুগ্ধকারিতা তাহার সহিত কি সমান দণ্ডে দণ্ডিত হইবে?...”

ডক্টর শশিভূষণ দাসগুপ্ত লিখেছেন—“একটি প্রকাণ্ড মতভেদ রহিয়াছে ‘কৃষ্ণকান্তের উইল’র রোহিণীকে লইয়া। আমার মনে হয়, রোহিণীর উপরে বঙ্কিমচন্দ্র তেমন কোন অবিচার করেন নাই।...”—বান্দলা সাহিত্যের নবযুগ

বঙ্কিমচন্দ্রের ‘কৃষ্ণকান্তের উইল’ পুস্তকাকারে প্রকাশিত হওয়ার আগে ‘বঙ্গদর্শন’ পত্রিকায় ধারাবাহিকভাবে প্রকাশিত হয়েছিল। সেই সময়েই বঙ্গদর্শনের পাঠকরা বঙ্কিমচন্দ্রকে প্রশংসা করেছিলেন—রোহিণীকে মারলেন কেন?

বক্সিমচন্দ্র তখন বঙ্গদর্শনে উপন্যাসের শেষাংশ প্রকাশের সময় রোহিণীর মৃত্যু সম্পর্কে একটা কৈফিয়ৎ দিয়েছিলেন। তা এই—

“গোবিন্দলাল দুইজন স্ত্রীলোককে ভালবাসিয়াছিলেন—ভ্রমরকে আর রোহিণীকে। রোহিণী মরিল, ভ্রমর মরিল। রোহিণীর রূপে আকৃষ্ট হইয়াছিলেন—যৌবনের অতৃপ্ত রূপতৃষা শাস্ত করিতে পারেন নাই। ভ্রমরকে ত্যাগ করিয়া রোহিণীকে গ্রহণ করিলেন। রোহিণীকে গ্রহণ করিয়াই জানিলেন, এ যে রোহিণী, ভ্রমর নয়। এ রূপতৃষা, এ স্নেহ নহে—এ ভোগ, এ স্তম্ভ নহে।...বুঝিতে পারিলেন যে, এ হৃদয়সাগর মন্বনের উপর মন্বন করিয়া যে হলাহল তুলিয়াছি, তাহা অপরিহার্য, অবশ্য পান করিতে হইবে—নীলকণ্ঠের জ্ঞায় গোবিন্দলাল সে বিষ পান করিলেন। নীলকণ্ঠের কণ্ঠস্থ বিষের মত সে বিষ তাঁহার কণ্ঠে লাগিয়া রহিল। সে বিষ জীর্ণ হইবার নহে—সে বিষ উদ্‌গীরণ করিবার নহে। কিন্তু তখন সেই পূর্বপরিজ্ঞাত স্বাদবিশুদ্ধ ভ্রমর-প্রণয়স্বধা, স্বর্গীয় গন্ধযুক্ত চিত্তপুষ্টিকর সর্বরোগের ঔষধ স্বরূপ দিবারাত্র স্মৃতিপথে জাগিতে লাগিল। যখন প্রসাদপুরে গোবিন্দলাল রোহিণীর সন্ধীতশ্রোতে ভাসমান, তখনই ভ্রমর তাঁহার চিত্তে প্রবলপ্রতাপযুক্তা অধিশ্বরী—ভ্রমর অন্তরে, রোহিণী বাহিরে। তখন ভ্রমর অপ্রাপণীয়া, রোহিণী অত্যাঙ্গা—তবু ভ্রমর অন্তরে, রোহিণী বাহিরে। তাই রোহিণী অত শীঘ্র মরিল। যদি কেহ সেকথা না বুঝিয়া থাকেন, তবে বৃথা এ উপন্যাস লিখিলাম।”

বক্সিমচন্দ্র এই কথা কয়টির শেষে তারকা চিহ্ন দিয়ে পাদটীকায় আবার লিখেছিলেন—“অগ্রহায়ণ মাসের বঙ্গদর্শন বাহির হইবার পরে অনেক পাঠক আমাকে জিজ্ঞাসা করিয়াছেন—‘রোহিণীকে মারিলেন কেন?’ অনেক সময়ই উত্তর করিতে বাধ্য হইয়াছি, ‘আমার ঘাট হইয়াছে’। কাব্যগ্রন্থ মনুজ্যজ্ঞীবনের কঠিন সমস্তা সকলের ব্যাখ্যা মাত্র, এ কথা যিনি না বুঝিয়া, এ কথা বিশ্বস্ত হইয়া কেবল গল্পের অহুরোধে উপন্যাস পাঠে নিযুক্ত হইলেন, তিনি এ সকল উপন্যাস পাঠ না করিলেই বাধ্য হই।”

বক্সিমচন্দ্র স্ত্রীত্বের আদর্শে অকারণ জ্বরদস্তিতে রোহিণীর অপমৃত্যু ঘটিয়েছিলেন—এ কথা আমিও স্বীকার করি না। এ সম্বন্ধে আমার ‘বক্সিমচন্দ্র ও শরৎচন্দ্র’ গ্রন্থে আমি বিস্তৃত আলোচনা করেছি।]

## সতীহ ও নারীহ

মেদিনীপুর শহরের রাজনারায়ণ বহু স্মৃতি পাঠাগারের উদ্যোগে তখন প্রতি বছর 'মেদিনীপুর পাঠাগার সম্মেলন' হ'ত। জেলার প্রায় সকল পাঠাগারের প্রতিনিধিই এই সম্মেলনে যোগদান করতেন।

১৩৩২ সালের ১২ই ফাস্তুন ঐ সম্মেলনের দ্বিতীয় অধিবেশনে সভাপতি হয়েছিলেন শরৎচন্দ্র। অভ্যর্থনা সমিতির সভাপতি ছিলেন নাড়াঙ্গোলের ছোট কুমার বিজয়কৃষ্ণ খাঁ। এঁর বাড়ীতেই শরৎচন্দ্র অতিথি হয়েছিলেন।

সম্মেলন শেষ হবার পরদিন সকালে একটি ছোটখাট সাহিত্য-সভার ব্যবস্থা হয়েছিল বিজয়কৃষ্ণ খাঁর বাড়ীতে। মেদিনীপুর শহরের বহু গণ্যমান্ত ব্যক্তি ঐ সভায় উপস্থিত ছিলেন। আলোচনার বিষয় ছিল, সাধারণভাবে সাহিত্য আর বিশেষ করে শরৎ-সাহিত্য।

একজন প্রশ্ন করলেন—আচ্ছা শরৎবাবু, সতীহই তো নারীহ। আপনি আবার ও-দুটোকে আলাদা করলেন কেন?

শরৎচন্দ্র বললেন—এ প্রশ্নের উত্তরে তাহলে একটা গল্প বলি শুধুন—

আমাদের পাড়ায় এক বাল-বিধবা বাস করতেন। গ্রাম সম্পর্কে তিনি আমার দিদি হতেন। বিয়ের অল্পদিনের মধ্যেই তাঁর স্বামী মারা যান। বিধবার বেশে দিদি বাপের বাড়ীতে ফিরে আসেন। সংসারে তাঁর ভাইবোন কেউ ছিল না, শুধু বাপ-মা। তাও আবার দিদি বিধবা হবার পর ছুটি বছর ঘুরতে না ঘুরতেই তাঁর বাপটিও হঠাৎ মারা গেলেন। তারপর দিদির বয়স যখন তিরিশ কি বত্রিশ, সেই সময়ে তাঁর মায়েরও মৃত্যু হ'ল। সেই থেকে বাড়ীতে তিনি একাই থাকতেন।

বাড়ী বলতে একখানা মাত্র মাটির ঘর, চারদিকে উঁচু দেয়াল দিয়ে ঘেরা। যাতায়াতের জন্য উঠানের একদিকে একটি মাত্র দরজা। সন্ধ্যা হলেই দিদির এই বাইরের দরজায় খিল পড়ে যেত।

গ্রামের এমন পরিবার ছিল না, যেখানে দিদির খাতির ভালোবাসার



অভাব ছিল। তার কারণ ছিল। লোকের অস্থ-বিস্থে আহার নিহ্রা ত্যাগ করে প্রাণ দিয়ে দিদি সেবা করতেন। কাজকর্মের বাড়ীতে দিনরাত তাঁর চেয়ে বেশী খাটতে কাউকে কখনো দেখা যায় নি। গ্রামে এমন বাড়ী একটিও ছিল না যে, কোন না কোন কারণে, দিদির কাছ থেকে অতিরিক্ত উপকার বা সাহায্য না পেয়েছে।

আমি তখন ছেলেমানুষ, নানা রকম ছুঁমি করে দিন কাটত। আমার মাথায় হঠাৎ একদিন খেয়াল চাপল—দিদিকে ভয় দেখাতে হবে। বাড়ীতে উনি একা মানুষ, ভয় দেখাবার এমন সুযোগ আর কোথায় পাব!

যেমন ভাবা তেমনি কাজ, এবং সেই রাত্রেই। ঠিক করলাম, দিদির বাড়ীর পাঁচিল লাগাও বাইরের দিকে যে বড় জামগাছটা আছে, সন্ধ্যার পর অন্ধকারে সেই গাছটায় উঠে ভূতের অঙ্করণে শব্দ করে দিদিকে এমন ভয় পাইয়ে দেব যে, তিনি সারা জীবনে ভুলতে পারবেন না।

যথাসময়ে নিঃশব্দে গাছে গিয়ে তো উঠলাম।

ঘরে আলো জ্বলে, গাছের উপর থেকে দিদির ঘরটা পরিষ্কার দেখা যায়। সুযোগ বুঝে, খোনা গলায় যেমনি ডেকেছি—দি'-দি'—অমনি দেখি একটা লোক তড়াক করে দিদির খাট থেকে নেমে, খাটের তলায় লুকিয়ে পড়ল।

এই যে দৃশ্যটা দেখলাম—এরপর দিদির সম্পর্কে কি ধারণা হবে?

দিদির হয়তো সতীত্ব বলে কিছু নেই। তা না হয় মেনে নিলাম। কিন্তু তাই বলে, তাঁর নারীত্বও কি সেই সঙ্গে লোপ পেয়ে গেল নাকি? মানুষের রোগে-শোকে দিবারাত্রি সেবা করে, দীন-হঃখীকে অকাতরে দান করে, যে মহত্বের পরিচয় তিনি সারা জীবনে দিয়েছেন, তার স্বতন্ত্র কোন মূল্য কি নির্ধারিত হবে না? নারীর দেহটাই কি সব, অন্তরটা কি কিছুই নয়? এই বাল-বিধবা, যৌবনের হঃসহ ভাগিদে যদি তাঁর দেহটাকে পবিত্র না রাখতেই পেরে থাকেন, তাই বলে কি তাঁর অন্তরের অন্ত সব গুণগুলিই মিথ্যে হয়ে যাবে? আমাদের কাছে কোন শ্রদ্ধাই কি তিনি পাবেন না? মানুষের প্রকৃত রূপ আমরা পাই কোথেকে? তার দেহের আবরণ থেকে, না তার অন্তরের আচরণ থেকে—আপনারাই বলুন?

এই কারণেই আমি সতীত্ব ও নারীত্বকে পৃথক করে দেখাতে বাধ্য হয়েছি।

## চন্দ্রমুখীর উপাদান

এক পত্রিকায় শরৎচন্দ্রকে আক্রমণ করে একটি লেখা বেরোয়।

শরৎচন্দ্র তাঁর বন্ধুদের সঙ্গে সেদিন ঐ প্রসঙ্গ নিয়েই আলোচনা করছিলেন।

শরৎচন্দ্র বললেন—

আমার বিরুদ্ধে এদের সব চাইতে বড় অভিযোগ, পাপীর চিত্রকে কেন আমি অমন মনোহর করে এঁকেছি। ওদের ধারণা, পতিতাদের আমি নাকি সমর্থন করি। অথচ সত্য কথাটা এই, সমর্থন আমি করিনে। শুধু তাদের অপমান করতে আমার মন চায় না। বলি, তারাও তো মানুষ, তাদেরও তো নালিশ জানাবার অধিকার আছে। মহাকালের দরবারে তাদের বিচারের দাবী একদিন তোলা রইল। সংস্কারের মূঢ়তায় একথাটা কেউ স্বীকার করতেই চায় না। আর তাছাড়া, পরিপূর্ণ মনুষ্যত্ব—সে তো সত্যীত্বের চাইতেও বড়। অত্যন্ত সত্যী নারীকে চুরি, জাল-জুয়োচুরি ও মিথ্যে সাক্ষ্য দিতে আমি দেখেছি। আবার উটোটা দেখবার ভাগ্যও আমার হয়েছে।

একটা গল্প বলি শোনো। নিজের চোখে দেখি নি, তবে সত্য ঘটনা। এ ঘটনার সঙ্গে যে দুটি পুরুষ জড়িত, তারা আমার পরিচিত। তারা আমার কাছে অকপটেই তাদের সমস্ত কথা খুলে বলেছিল। যাদের কথা বলছি, তারা পরস্পর খুব বন্ধু। হরিহর আত্মা যাকে বলে আর কি!

ফুটি করবার জন্তু দুই বন্ধু মিলে একদিন এক পতিতালয়ে গিয়ে হাজির। খালি চোখে ফুটি তেমন জমবে না ভেবে দামী কিছু মদও সঙ্গে নিয়েছে।

যেখানে গেছে, মেয়েটি বেশ নাচগান করতে জানে। নাচগান চলতে লাগল। আর দুই বন্ধুতে মিলে একটু একটু করে মত্তপানের মাত্রাও বাড়তে লাগল।

একটু পরেই তাদের খুব নেশা হয়েছে। কে যে কোনদিকে গড়িয়ে পড়েছে তার ঠিক নেই। কোথায় জামা, কোথায় কাপড়! তারপর যা অনিবার্ধ—একেবারে অচৈতন্য।

পরদিন সকালে নেশার ঘোর কেটে গিয়ে তারা সম্পূর্ণ স্বাভাবিক মাহুষ। একজন নড়েচড়ে উঠে বসে কোমর হাতড়িয়ে একেবারে হাউমাউ করে চেঁচিয়ে উঠল—হায়! হায়! আমার কি হ'ল! আমার সর্বনাশ হয়েছে।

চীংকারের চোটে দ্বিতীয় বন্ধুরও ঘুম ছুটে গেল। চোখ রগড়াতে রগড়াতে জিজ্ঞাসা করল—কি হয়েছে? এমন করে চেঁচাচ্ছিস কেন?

—আর কেন! আমার ট্যাকে যে তিন হাজার টাকার নোটের তোড়াটি ছিল, সেটি পাচ্ছি না। দুই লুকিয়ে রাখিস নি তো?

—বাঃ! আমি কেন লুকোতে যাব? কাল রাত থেকে আমি তো একদম বেছ'স, তোর চীংকারে এই তো সব উঠেছি।

—তবেই সেরেছে রে, সর্বনাশ হয়েছে আমার! এ যে মহাজনের টাকা। তার টাকা তাকে বুঝিয়ে না দিলে আমার চাকরি তো যাবেই, তারপরে জেলেও যেতে হবে। হাতে এমন পয়সাও নেই যে কোনগতিকে মিটিয়ে দেব। একটি দুটি টাকা তো নয়, তিন-তিনটি হাজার টাকা। এত টাকা এখন আমার কে দেবে। হায়, হায়! এখন আমি কি করি।—বলে লোকটি ভেউ ভেউ করে কাঁদতে আরম্ভ করল।

কাঁদলে তো আর টাকা ফিরে আসবে না। বন্ধুর পরামর্শে ঘরের চারদিকে তন্নতন্ন করে খুঁজে দেখা গেল, কিন্তু কোথাও কিছু পাওয়া গেল না। তারপর এমন অবস্থায় যা স্বাভাবিক, দুই বন্ধুর মনে পড়ল সেই মেয়েটির কথা। তাই তো, কালকের সেই মেয়েটি গেল কোথায়? তাকে তো কই দেখছি না। কাল রাত্রে নেশায় যখন আমরা বেছ'স, সেই মেয়েটি টাকাগুলি সরায় নি তো? মনে হচ্ছে, সে-ই নিয়েছে। তা না হ'লে এই ঘর থেকে টাকাগুলি যাবে কোথায়?

এমন সময়, যাকে নিয়ে কথা হচ্ছিল, সেই মেয়েটি ঘরে এসে ঢুকল। যার টাকা হারিয়েছিল, সে তো তাকে দেখে কঁদে-কেটে অস্থির। টাকার বিশাল অঙ্কের কথা, মহাজনের কথা এবং চাকরি যাওয়া ও শ্রীঘর বাসের সম্ভাবনার কথা সবিস্তারে তাকে বললে।

সব শুনে ধীর গলায় মেয়েটি বললে—নেশার ঝোঁকে গড়াগড়ি দিতে দিতে এই ঢালা ফরাসের বাইরে চলে গিয়েছিলেন আপনারা। সেখান থেকে ভুলে এনে আপনাদের মাথায় বালিশ দিতে গেলাম, আপনারা আমাকে কত যে

কটুক্তি করলেন, তা আর বলতে চাই না। এ আমাদের নিত্যকার পাওনা, এসব আমাদের সঙ্গে গেছে। যাকগে, কোন রকমে আপনাদের শুইয়ে দিয়ে উঠতে গিয়ে দেখি মেঝেতে লুটোচ্ছে একটা টাকার খলি। তুলে দেখি এক কাড়ি টাকা। সেই টাকার খলি পাহারা দিয়ে সারারাত জেগে বসে আছি।

এ পাড়াটি বেজায় খারাপ নিশ্চয় জানেন। কত রকমের লোক আসছে যাচ্ছে, গুণ্ডারা সব সময়েই ছোকছোক করে ঘুরে বেড়াচ্ছে। আমার মনে হয়, আপনাদের কাছে টাকা আছে সন্দেহ করে জনকয়েক গুণ্ডা আপনাদের পিছু নিয়েছিল। আমার চেনা কজন গুণ্ডাকে এই ঘরের পাশ দিয়ে বারে বারে যেতে আসতে দেখেছি। সাহস করে আর ঢুকতে পারে নি। হয়তো ভেবেছিল, আপনারা এখান থেকে বেরোলেই টাকাগুলো কেড়ে নেবে। গোটাকয়েক টাকার জন্ম খুন তো ওরা হামেশাই করছে।

এদিকে আমার অবস্থাটা তখন ভাবুন। আমার হাতে আপনাদের টাকা, আর বাইরে গুণ্ডাদের আনাগোনা। দেখে শুনে আমি তো খুবই ভয় পেয়ে গিয়েছিলাম। ঘরে খিল দিয়ে, ঝিকে নিয়ে সারারাত এই টাকা আগলে জেগে কাটিয়েছি। সকাল হতে, এই তো সব আমরা ঘর থেকে বেরিয়েছি।

এই বলে মেয়েটি তার পেট-কাপড় থেকে টাকার খলিটি বার করে দিল।

গল্প শেষ করে শরৎচন্দ্র বললেন—তোমরা একবার ভেবে দেখ, এই মেয়েটির মহত্ব কতখানি। যে নারী সামান্য কয়েকটা টাকার জন্ম নিজে কপণ করে খোরাক যোগাচ্ছে, সেই কিনা তিন-তিনটি হাজার টাকার লোভ অমন করে সামলে নিল! এঁকি কম কথা! অথচ দেখ, যদি অস্বীকার করত, কারও সাধ্য ছিল না যে আদায় করে।

তাই বলছিলাম, বাইরের রূপটাই এদের আসল পরিচয় নয়। এরাও মানুষ, এদেরও হৃদয় আছে এবং হৃদয়ের যে সব সংগ্রবৃত্তি, তাও এদের মরে যায় নি। আর, কেন যে এরা এ পথে আসতে বাধ্য হয়েছে, সেজন্ম দায়ী তো এরা নয়, দায়ী আমাদের সমাজ। এই হৃদয়ের দিক থেকে দেখতে গেলে, আমাদের সংসারের সতী-সাক্ষীদের চাইতে এরা কোন অংশে কম নয়।

এই মেয়েটির কাহিনী শোনার পরই আমার চোখ খুলে যায়। আমি তো ‘দেবদাসে’ চন্দ্রমুখীকে আঁকতে পেরেছি, তা এরই জন্ত। এই মেয়েটিই আমার চন্দ্রমুখীর উপাদান জুগিয়েছে।

[ শরৎচন্দ্র বানিয়ে গল্প বলতে খুব দক্ষ ছিলেন। এবং তাঁর উপস্থিত বুদ্ধি এত তীক্ষ্ণ ছিল যে, বন্ধুমহলে কোন প্রশঙ্গ উঠলে তিনি সঙ্গে সঙ্গে সেই প্রশঙ্গ উপযোগী গল্প বানিয়ে বলতে পারতেন। আর তিনি তাঁর গল্পকে শ্রোতার বিশ্বাসের চরম সীমায় নিয়ে যাওয়ার জন্ত, নিজের অভিজ্ঞতার নাম করে অনেক ক্ষেত্রে নিজের জীবনের ঘটনা বলেও চালিয়ে যেতেন। আরও একটা কথা, তিনি একই গল্পকে এক এক সময়ে বিভিন্ন ব্যক্তির কাছে বিভিন্নভাবেও বলতেন।

এখানের এই গল্পটিও শরৎচন্দ্র নানা জনের কাছে ভিন্ন ভিন্ন ভাবে বলেছিলেন। তিনি অনেকের কাছে বলেছিলেন, তাঁর ছুটি বন্ধু একবার এক পতিতালয়ে গিয়ে তাদের অভিজ্ঞতার ঐ কাহিনীটি তাঁকে শুনিয়েছিলেন।

আবার তিনি কারো কারো কাছে এমনও বলেছিলেন যে, তিনি নিজেই তাঁর এক ধনী বন্ধুর সঙ্গে কোন পতিতালয়ে গিয়ে ঐ অভিজ্ঞতা লাভ করেছিলেন।

শরৎচন্দ্র তাঁর স্নেহভাজন বাতায়ন-সম্পাদক অবিনাশচন্দ্র ঘোষালের কাছে বন্ধুর সঙ্গে নিজে পতিতালয়ে যাওয়ার কথা বলেছিলেন। তাই অবিনাশবাবু তাঁর ‘শরৎচন্দ্রের টুকরো কথা’ বইয়ে লিখেছেন—

“শরৎচন্দ্র একটু হাসলেন।...তারপর বললেন—একটা ঘটনা বলি। তুমি বোধ হয় জান, আমি রেঙ্গুনে যাবার আগে কিছুদিন উপীনের (উপেন্দ্রনাথ গঙ্গোপাধ্যায়) দাদার বাসায় ভবানীপুরে থাকতুম।

এটা সেই সময়ের কথা। ইঠাৎ একদিন সন্ধ্যার সময় কোথা থেকে আমার ঠিকানা যোগাড় করে, আমার এক পুরোনো বিহারী-বন্ধু এসে হাজির। সে হচ্ছে কি একটা স্টেটের ম্যানেজার। হাতে তার এক বিরাট গ্লাভস্টোন ব্যাগ। সে এসেছে কেনাকাটা করতে। রাতটা কোন রকমে কাটিয়ে পয়ের দিন কাজ সেরে আবার ফিরে যাবে।

পরের বাড়ীতে থাকি, তাই রাত কাটাবার ব্যবস্থা শুনে প্রথমটা আমি রাজী হই নি। কিন্তু সে নাছোড়বান্দা। অগত্যা তার সঙ্গী হলাম।

হাওড়ার ঘোলাভাঙ্গায় একটি বাড়ীতে গিয়ে ওঠা হ'ল। মেয়েছেলেটা পাচটি টাকাতেই হাসিমুখে রাজী হ'ল।

হঠাৎ ভোরের দিকে—ওরে বাবারে, সর্বনাশ হয়ে গেছে—ব্যাগ নেই, এই বলে বন্ধুটি চেঁচাচ্ছে আর মাথা চাপড়াচ্ছে।

অনেক কষ্টে চোখ রগড়াতে রগড়াতে চোখ দুটো তো খুললুম। বললুম—চেঁচাচ্ছ কেন, কি হয়েছে বল না?

সে বললে—ব্যাগে পাঁচ হাজার টাকার নোট ছিল—ব্যাগটা নেই, আর মেয়েছেলেটিও নেই।

সত্যিই তাই! দরজাটা দেখলুম ভিতরে খিল দেওয়া নেই। মনে করলুম ভেজান আছে, খুলতে গিয়ে দেখি, বাইরে থেকে বন্ধ করা। সত্যিই ভয় হ'ল। জায়গাটা ভাল নয়, ওখানে খুনখারাপি লেগেই থাকতো। দরজা বন্ধ দেখে আমাদের স্থির বিশ্বাস হ'ল—টাকা তো গেলই, এমন কি আরও কি বিপদই না ঘটে। সে যে আমাদের কি অবস্থা, আজ ভাবলেও গা শিউরে উঠে।

এমন সময়ে হঠাৎ দরজা খোলার সংবাদ হ'ল। দেখি সেই মেয়েছেলেটি ভিজে কাপড়ে ঘরে ঢুকল। জিজ্ঞাসা করলুম—হাঁ বাপু, আমাদের ব্যাগ কি হ'ল? তুমিই বা আমাদের এভাবে বন্ধ করে চলে গিয়েছিলে কেন?

সে বললে—রাত্রে বাইরে খুব একটা চেঁচামেচি হচ্ছিল। জায়গাটা তো ভাল নয়, গুণ্ডাদের আড্ডা। তাই গঙ্গান্নান করতে যাবার আগে ব্যাগটা আমি ঐ ভাঙ্গা আলমারিটার পিছনে ছেঁড়া কাপড় দিয়ে ঢেকে রেখেছি।—এই বলে সে ব্যাগটি বার করে দিলে। আসবার সময় তাকে পাঁচটি টাকা আরও বেশী দিয়ে বাড়ী ফিরি।

বলতো, এ ঘটনাটি কি একেবারে মন থেকে মুছে গেছে? তা যেতে পারে না। একটা নর্দমার মেয়ে বই তো নয়? তার দায়িত্ব বোধটা কতখানি বলতো? আর শুধুই কি তাই, কতখানি সততা তার মধ্যে আছে বলতো? ঐ যে বাস্তব সাহিত্য বলো, এমনি ঘটনাই তো অভিজ্ঞতার ফাঁকে প্রকাশ পায় বলেই সাহিত্য বাস্তব হয়। তবে এর রূপ যায় বদলে—অহুভূতির নানান রঙে রঙীন হয়ে এগুলো প্রকাশ পায়।

এই গল্পটি আবার শরৎচন্দ্র তাঁর আর এক স্নেহ-ভাজন বন্ধু শৈলেশ বিহারী কাছেও বলেছিলেন। শৈলেশবাবু শরৎচন্দ্রের কাছে শুনে তাঁর ‘বিপ্লবী শরৎচন্দ্রের জীবন প্রবন্ধ’ গ্রন্থে লিখেছেন—

“কিভাবে ঘটনাধীন কোন বন্ধুর মুখ থেকে শুনে তাঁর ( শরৎচন্দ্রের ) মনে এই চরিত্রের ( চন্দ্রমুখীর ) আভাষ এসেছিল, তাঁর নিজের মুখে যা শুনেছি, সেই কথাই বলবো।...কোন দুই বন্ধুতে উত্তর কলিকাতার এক পল্লীতে পান ভোজন করতে গিয়েছিলেন।...

খুব পুরো দমে পান ভোজন চলছে, নাচগানও চলছে। সুর ও সুরার নেশায় তখন তাদের চিত্ত মগ্ন। বন্ধুর কাছে নগদ তিন হাজার টাকা আছে, তাঁর সে খেয়াল নেই। গুণ্ডারা কেমন করে এই টাকার সন্ধান পায়— আর যায় কোথায়? চারিদিক থেকে বাড়ী ঘিরে,—ঘরে ঢুকে টাকা লুট করার মতলব করল তারা। মেয়েটি তাই বুঝতে পেরে—দোর বন্ধ করে দিলে। বন্ধু দুটি তখন নেশায় অচেতন। সকালে যখন ঘুম ভাঙলো,—ঘাঁর টাকা তিনি বললেন—আমার টাকা কি হলো?

মেয়েটি বললে—আমি কি জানি? তোমরা ঘুমুলে গুণ্ডারা বাড়ী ঘেরাও করে টাকা লুটে নিয়ে গেছে।

সেই ভদ্রলোক মাথায় হাত দিয়ে বসলেন—টাকা তাঁর নিজের নয়, কোন মহাজনের। এ টাকা দিতে না পারলে তাঁর জেল হবে।...শেষে তিনি কান্দতে শুরু করে দিলেন।

মেয়েটি তখন করে কি? নিজের কোমর থেকে টাকার থলিটি খুলে দিল—সারারাত মেয়েটি টাকা কোমরে বেঁধে বালিশ চাপা দিয়ে শুয়েছিল।

দাদাকে ( শরৎচন্দ্রকে ) বলতে শুনেছি, এই ঘটনায় আমার একটা নতুন দৃষ্টিভঙ্গী খুলে গেল।”

একটা কথা—শরৎচন্দ্র অবিনাশচন্দ্র ঘোষালের কাছে কি বলেছিলেন জানি না। তবে, কলকাতায় উপেন্দ্রনাথ গঙ্গোপাধ্যায়দের বাসায় থাকার সময় তিনি নিজে এক বন্ধুর সঙ্গে পতিতালয়ে গিয়ে একটি লোভহীন পতিতাকে দেখে, দেবদাসের চন্দ্রমুখী লিখেছিলেন—যদি এই হয়, তাহলে এ কথা সত্য নয়। কেন না, তিনি কলকাতায় উপেনবাবুদের বাসায় আসার কয়েক বছর আগেই দেবদাস লিখে শেষ করেছিলেন। ]

## ‘টগরে’র প্রসঙ্গ

শরৎচন্দ্র তাঁর স্নেহ-ভাজন বন্ধু শৈলেশ বিশীকে যেমন একদিন তাঁর ‘দেবদাস’ উপন্যাসের চন্দ্রমুখী চরিত্রের পরিকল্পনা সম্বন্ধে গল্প শুনিয়েছিলেন, তেমনি আর একদিন শৈলেশবাবুর সঙ্গে ‘শ্রীকান্ত’ উপন্যাসের ‘টগর’-এর প্রসঙ্গ নিয়ে আলোচনা করবার সময়ও তাঁকে একটি গল্প শুনিয়েছিলেন।

সে গল্পটিও একটি পতিতালয়েরই গল্প। তবে সে পতিতাটি ছিল অল্প ধরণের।

শরৎচন্দ্রের বলা সেই গল্পটি শৈলেশবাবু তাঁর ‘বিপ্লবী শরৎচন্দ্রের জীবন প্রবন্ধ’ গ্রন্থে লিখেছেন। শৈলেশবাবুর লেখাটিই এখানে উদ্ধৃত করলাম।

“টগর মুখরা, ঝগড়ার সময় কেবল তার মুখ চলে না, সমানে হাতও চলে। এই শ্রেণীর নারী সম্বন্ধে শিল্পী (শরৎচন্দ্র) বেশী কথা বলেন নি—তিনি জানতেন, এরা কুশিক্ষা ও কু-পরিবেশের ফল। এদের নিয়ে অস্ত্র রাখলে এরা শোধরাতে পারে। এই শ্রেণীর নারী সম্বন্ধে দাদার (শরৎচন্দ্রের) মুখে যে গল্প শুনেছি—সেটা তাঁরও অন্তের কাছে শোনা কথা বলে মনে হয়।

আবার কোন দুই বন্ধুর গল্প আসছে—তাঁরা গেছেন পান ভোজন করতে। একটি মেয়ে তাঁদের অভ্যর্থনা করে বসিয়ে বাইরে চলে গেল—আসছি বলে। কিছুক্ষণ পরে তাঁরা দেখেন, ঘরে বিছানায় কে একজন শুয়ে আছে, চাদর ঢাকা। চাদর তুলতেই দেখা গেল—একটি লোকের গলা কাটা, বিছানা রক্তে ভেসে যাচ্ছে, দোরে বাহির হতে শেকল বন্ধ।

এখন উপায় ?

সেই বন্ধু দুটি জানালার গরাদে দুহাতে বাঁকিয়ে বিছানার চাদর গরাদে বেঁধে দোতলার জানালা গলে নেমে প্রাণ বাঁচান।”



## ‘অভয়া’ চরিত্রের পরিকল্পনা

শরৎচন্দ্রের ‘শ্রীকান্ত’ উপন্যাসের ‘অভয়া’ চরিত্রে আমরা দেখি—

অভয়া তাদের পাড়ার রোহিণী নামক এক দূর সম্পর্কের আত্মীয় যুবকের সঙ্গে রেলুনে গিয়েছিল তার স্বামীকে খুঁজতে। রোহিণী তখন রেলুনে যাচ্ছিল চাকরির সন্ধানে। অভয়া জানত, তার স্বামী রেলুনে রেলওয়েতে কাজ করে।

অভয়া রেলুনে তার স্বামীর সন্ধান পেয়ে দেখল, তার স্বামী তাকে ভুলে গিয়ে, এক বর্মী মেয়ে বিয়ে করে নিশ্চিন্তে জীবনযাপন করছে।

অভয়া তার বর্মী সপত্নীর দাসীত্ব করেও স্বামীর পদাশ্রয়ে থাকতে চাইল। কিন্তু তার স্বামী তার পরিবর্তে তাকে দিল পদাঘাত ও বেত্রাঘাত। অভয়ার স্বামী অভয়াকে বাড়ীতে নিয়ে গিয়ে বেদম গ্রহণ করে রাত্রে বাড়ীর বার করে দিল।

অভয়া তখন নিরুপায় হয়ে, তার রোহিণী দাদার কাছে ফিরে গেল, এবং তাকেই অবলম্বন করে স্বামী-স্ত্রী হিসাবে বাস করতে লাগল। কারণ, অভয়ার রোহিণীদাদা, অভয়াকে রেলুনে নিয়ে যাওয়ার পর থেকে তাকে পাওয়ার জন্ত ব্যগ্র হয়ে উঠেছিল।

শরৎচন্দ্র একদিন শৈলেশ বিশীর্ণ কাছে, অভয়ার পাষণ্ড স্বামীর প্রতি অভয়ার অতটা প্রেম ও নিষ্ঠার প্রসঙ্গ নিয়ে আলোচনা করতে গিয়ে, শৈলেশ বাবুকে অভয়ারই মত একটি নারীর গল্প বলেছিলেন।

শৈলেশবাবু তাঁর ‘বিপ্লবী শরৎচন্দ্রের জীবন প্রবন্ধ’ গ্রন্থে শরৎচন্দ্রের বলা সেই গল্পটি লিখেছেন। এখানে শৈলেশবাবুর লেখা থেকেই সেই গল্পটি ভুলে দিচ্ছি—

“নারীর এই একনিষ্ঠ প্রেম আসে কোথা হতে? আর এই প্রেমই বা তাদের হয় কাদের জন্ত—যারা মাতাল, বদমায়েস ও নারীর মর্দাদা কোন দিন দেয় নি!...

অভয়া চরিত্রের পরিকল্পনা দাদার ( শরৎচন্দ্রের ) মনে কিভাবে এসেছিল, তাঁর নিজের মুখে যা শুনেছি, সেটা এই রকমের—

ঐ রকমই মিস্ত্রী শ্রেণীর একজনের স্ত্রী ছিল অভয়ার মতই—সেই রকম হৃন্দরী ও মার্জিত রুচি। লোকটি ছিল মাতাল, অগ্র রমণীতে আসক্ত ও স্ত্রীকে ধরে মারত। এই রকম মেয়ের চাহিদা আছে। জুটে গেল তার একজন পুজারী। সে তাকে ভালবাসতো ও এই দুশ্চরিত্র ও অত্যাচারী স্বামীর হাত থেকে সব সময়ই বাঁচাবার চেষ্টা করতো।

তার স্বামী যখন মদ খাবার টাকার জন্য তার স্ত্রীকে মারধোর করতো, এই লোকটি তার বন্ধুকে টাকা দিয়ে মার থেকে বাঁচাতো। সেই মেয়েটির সর্বদা নিষ্ঠুর মারের স্মৃতিচিহ্ন। শতগ্রন্থি ছিন্ন মলিন বসন, এই ছিল তার আজীবন রূপসজ্জার প্রসাধন। হাতে দু'গাছি শাঁখা, কপালে সিঁহুরের রক্ত তিলক।

তার স্বামীর এত অত্যাচার উৎপীড়নেও, তার বন্ধুর শত অল্পনয়, বিনয়, মান, অভিমান, চোখের জল কিছুতেই সে ঐ স্বামী ছেড়ে তার সাথে স্বামী-স্ত্রীর মত বসবাসের জন্য রাজী হয় নি।

তাদের দুজনের মধ্যে সত্যিকার ভালবাসা ছিল। দুঃখের নিকষে তাদের ভালবাসা পরখ দুজনের মনেই হয়েছিল। সেটা তারা খাটি সোনা বলেই জানতো। কারণ পুরুষের পক্ষে ত্যাগ ছিল, দুঃখ বরণ ছিল, শুধু টাকা গহনা দিয়ে প্রলুব্ধ করবার মতলব ছিল না। এইভাবে তারা অনেকদিন দুজনে দুজনের মুখ চেয়ে ছিল। শেষে অনিয়ম, অত্যাচারে ঐ স্বামী মহাশয়ের ক্যানসার বা গ্রাংগীরেনের মতই একটা কিছু হয়।

দাদাকে ( শরৎচন্দ্রকে ) বলতে শুনেছি, রুগীর ঘরে মাহুষ ঢুকতে পারে না দুর্গন্ধে। সর্বাঙ্গ খসে পড়ছে তার নিদারুণ ক্ষততে, কিন্তু ঐ নারী কি নিষ্ঠার সাথে তার সেবাসুশ্রবা করল। পরে সে মারা গেলে, এলো তার প্রণয়ীর কাছে—যে এতদিন তার আশাপথ চেয়ে বসেছিল।

অভয়াও ঠিক এই ছাঁচে ঢালা।”

## ডাক্তারী

হোমিওপ্যাথি ডাক্তার হিসাবে শরৎচন্দ্রের হাতযশ ছিল। সাধারণ, অসাধারণ কত রকম রোগ, কতবার তিনি সারিয়ে তুলেছেন, তার ইয়ত্তা নেই। কিভাবে তিনি এই ডাক্তারী শুরু করেন, সে গল্প একবার তিনি তাঁর এক বন্ধুর কাছে বলেছিলেন—

গরীব দুঃখীর যদি কিছু উপকার করতে পারি, এই উদ্দেশ্যে হোমিওপ্যাথি চিকিৎসা বিছাটা আয়ত্ত করতে একবার আমার খুব ঝোঁক হয়। কিছু টাকা খরচ করে বিস্তর বইপত্র কিনলাম। পড়াশুনাও করলাম রীতিমত কষ্ট করে। শেষে একদিন মনে হ'ল—বিছাটা তো কিঞ্চিৎ আয়ত্ত করা গেল, এবার এটা প্রয়োগ করে দেখা যাক।

বিছা প্রয়োগে মনস্থির তো করলাম, কিন্তু এখন রোগী পাই কোথায়? আমার ঐ ঘরোয়া বিছার উপর বিশ্বাস করে কে আর আমার কাছে চিকিৎসা করতে আসবে বেলো! কি আর করি, নিজেই শেষে রোগী খুঁজতে বেরোলাম। বাড়ীতে যারা আসে-যায়, খুঁচিয়ে খুঁচিয়ে তাদের জিজ্ঞাসা করি, কারো অস্থখ-বিস্থখ করেছে কিনা। বদহজম? মাথাব্যথা? চোঁয়া ঢেঁকুর? অম্বল? কান কটকট?—এই সব।

সবাই বলে—না, কারো কোন অস্থখ করে নি, সকলেই দিব্যি সুস্থ আছে। আমি তো বেজায় দমে গেলাম। বিনি পয়সায় দেখব, ওষুধের দাম নেনব না, তবু রোগী জুটবে না! এ আর কদিন সহ্য হয়? রোগীর অভাবে আমার এই এত কষ্টের বিছাটা শেষে কি মাঠেই মারা যাবে? তাকে-তাকে আছি। এমন সময় একদিন সত্যিই এক রোগী এসে জুটল।

আমার বাড়ীর পিছন দিকে একটা বাড়ী ছিল। ভাগ্যক্রমে সেই বাড়ীর এক বুড়ির অস্থখ করল। বুড়ি তো সরাসরি আমার কাছে ওষুধ নিতে উপস্থিত।

সেদিনটা আজও আমার পরিষ্কার মনে আছে। খুব খুশী মনে, খুব ভালো

করে বুড়িকে দেখলাম। অনেক ভেবেচিন্তে বুড়িকে ওষুধ দিলাম। আর বললাম—দেখ বাছা, এই যে তোমাকে ওষুধ দিচ্ছি, এ তোমার আজকের ওষুধ। কাল সকালে আবার এসো। কাল সকালে কি রকম থাক, আবার দেখতে হবে।

পরের দিন সকালে মহা উৎসাহে বুড়ির জন্ত অপেক্ষা করছি। বেলা বেড়ে চলে। আমি হাঁ করে বসে আছি, বুড়ির দেখা নেই। বড় নিরাশ হয়ে পড়লাম। সঙ্গে সঙ্গে ভয়ও হতে লাগল—তাই তো, বুড়িকে এক ওষুধ দিতে অল্প ওষুধ দিয়ে বসি নি তো? এই ভেবে ভয়ে তাদের বাড়ীতেও যেতে পারলাম না যে, একটা খবর নেব।

কয়েকদিন কেটে গেল। বুড়ি কিন্তু আর আসে নি। আমার দুশ্চিন্তাও কমে নি, কেবল মনে হচ্ছে—নাঃ, এ বিছাটা আমার ঘারা হ'ল না দেখছি।

ঘরের পিছন দিকের জানালাটা বন্ধ ছিল, কি মনে করে সেটা খুলতে গিয়ে দেখি, দেয়ালের ওধারে যে ফাঁকা মাঠটা, সেখানে সেই বুড়ি পরম নিশ্চিন্তে গরুর ঘাস খাওয়াচ্ছে।

ভয়ে ভয়ে তাকে ডাকলাম—হ্যাঁগা বাছা, তোমার সেই যে অসুখ করেছিল, তা তুমি মোটে একদিন ওষুধ নিয়ে গেলে, আর এলে না কেন?

বুড়ি বলল—তোমার ওষুধ একেবারে ধমন্তুরি বাবা! সেই একটবার খেয়েই আমি ভালো হয়ে গেছি। আর দরকার হয় নি বলেই আসি নি।

শুনে স্বস্তির নিঃশ্বাস ফেললাম। বুকটা হাল্কা হয়ে গেল। খানিকটা ধাতস্থ হয়ে নিয়ে বললাম—তা বাছা, একটা খবরও তো অন্ততঃ দিতে হয়। যাক, সেরে গেছ যখন, ভালোই।

কি অশ্রায় ভাবো দেখি! কোথায় একটু জাঁকিয়ে চিকিৎসা করব, ওষুধ দেব—তা নয়। প্রথমে তো রোগীই জুটে না। যদিও বা একটি জুটল, একটি বার ওষুধ খেয়েই সে নিশ্চিন্ত। বলে কিনা ধমন্তুরী! দ্বিতীয় দিন যে ডাক্তারী করব, তার আর উপায় নেই।

## ইংরাজি বিত্তা

শরৎচন্দ্রের রেজুনের বন্ধু গিরীন্দ্রনাথ সরকার তাঁর 'ব্রহ্মদেশে শরৎচন্দ্র গ্রন্থে লিখেছেন—

“শহর হইতে দুই মাইল দূরে শরৎচন্দ্র যেখানে থাকিতেন, সে স্থানগুলির নাম বোর্টাটং ও পোজোন ডং। রেজুন শহরে যতগুলি ধানের কল, কাঠের কল, ডক্ ইয়ার্ড ও টালাইয়ের কারখানা প্রভৃতি আছে, তাহাতে ফিটার, বাইশ্ম্যান ও টালাই মিস্ত্রীর সমস্ত কাজ বান্ধালী মিস্ত্রীদের ছিল একচেটিয়া। অনেক অশিক্ষিত ব্রাহ্মণ, কায়স্থ-সন্তানও এই কাজ শিখিয়া এখানে দৈনিক ৩৪ টাকা রোজগার করে। ঐ সকল মিস্ত্রী একত্র দলবদ্ধ হইয়া এ অঞ্চলে সপরিবারে বাস করিত। ইহাদের জন্ত এখানে সারি সারি কাঠের ব্যারাক বাড়ী এখনও আছে। শরৎচন্দ্র স্বল্প ভাড়ায় ঐরূপ একটি বাড়ীতে বহুকাল বাস করিয়াছিলেন।...এ পল্লীতে শরৎচন্দ্রের মত শিক্ষিত ও বুদ্ধিমান কেহই ছিল না। শরৎচন্দ্রের কোনরূপ আত্মাভিমান না থাকায় তিনি মিস্ত্রীদের সহিত অবোধে মেলামেশা করিতেন। তাহাদের চাকরির দরখাস্ত লিখিয়া দিতেন, বিবাদ-বিসংবাদের সালিশ হইতেন, রোগে হোমিওপ্যাথি ঔষধ দিতেন, সেবা-শুশ্রূষা করিতেন এবং বিপদে পরম আত্মীয়ের স্থায় সাহায্য করিতেন। এই সকল সদৃশ্যের জন্ত ওখানকার স্ত্রী-পুরুষ সকলেই শরৎচন্দ্রকে যথেষ্ট শ্রদ্ধাভক্তি করিত।”

শরৎচন্দ্র প্রথম যখন এই মিস্ত্রী পল্লীতে গিয়ে বাস করতে আরম্ভ করেন, তখন তিনি নিজেকে শিক্ষিত বা তাদের চেয়ে পদস্থ বলে পরিচয় দেন নি। তাদেরই মতন একজন হয়ে তাদের সঙ্গে মিশে বাস করেছিলেন।

সেই সময়কারই একদিনের গল্প শরৎচন্দ্র তার এক বন্ধুর কাছে একবার বলেছিলেন—

রেজুনে আমি যখন মিস্ত্রী পল্লীতে থাকতাম, তখন প্রথম দিকে, আমি যে একটু আধটু লেখাপড়া জানি, সেখানকার লোকে তা আদৌ জানত না।

একদিনের কথা। সকালে তখন একটু বেলাও হয়েছে। আমি রাস্তার ধারে আমার বাড়ীর বারান্দায় বসে আছি। দেখি, আমাদের পাড়ারই একটা বুড়ি, মণি অর্ডারের একটা ফর্ম হাতে নিয়ে আমার সামনে দিয়ে যাচ্ছে।

তার হাতে মণি অর্ডারের ফর্ম দেখে বুঝলাম, কাউকে দিয়ে লিখিয়ে আনতে যাচ্ছে। এবং এও বুঝলাম, এই ফর্ম লেখাতে তাকে বেশ দূরে অল্প এক পাড়ায় যেতে হবে। তাই বুড়ির কষ্ট লাঘব করবার জন্তই আমি তাকে বললাম—কোথায় যাচ্ছ বুড়ি মা?

সে বললে—বাবা, যাচ্ছি এই কাগজটা ও পাড়া থেকে লিখিয়ে আনতে। একজনকে কিছু টাকা পাঠিয়ে দিতে হবে।

—তা তোমার ছেলে কোথায়?

—সে কাজে গেছে। আমাকে লিখিয়ে এনে রাখতে বলে গেছে।

—তা এই রোদে কষ্ট করে অতদূরে যাবে কেন, আমাকে দাও আমিই লিখে দিচ্ছি।

—তুমি কি লিখতে পারবে বাবা? এ যে ইঞ্জিরিতে লিখতে হবে! তুমি কি ইঞ্জিরি জান?

—তা তোমার ওটা লিখে দেবার মত একটু আধটু জানি।

আমার এই কথা শুনে, বুড়ি বোধ করি তার পথশ্রম এড়াবার জন্তই শুধু ফর্মটা লেখাতে আমার হাতে দিল। কিন্তু তখন তার মুখের চেহারাটা যা দেখলাম, তাতে মনে হ'ল, সে তখন নিশ্চয়ই ভাবছিল—এ কি লিখতে পারবে? এর লেখায় কি টাকা যাবে?

বলা বাহুল্য, আমার লেখায় তাদের পাঠানো টাকা যথাস্থানে গিয়ে পৌঁছেছিল।

এরপর থেকেই পাড়ার সকলে ক্রমে জানতে পারল যে, আমার ইংরাজি বিত্তা একটু আধটু আছে।

## পাঁচুর মা

‘রসচক্রে’র বৈঠকে শরৎচন্দ্র প্রায়ই তাঁর জীবনের বিচিত্র অভিজ্ঞতার কথা বলতেন, আর সদস্তরা মুগ্ধ হয়ে শুনতেন।

একদিন বললেন—

আমি রেজুন থেকে ফিরে এসে তখন বাজে শিবপুরে আস্তানা পেতেছি। দু-এক বছর কেটে গেছে। একদিন সকালে রবীন্দ্রনাথের আদেশ পেয়ে তাঁর সঙ্গে জোড়াসাঁকোর বাড়ীতে দেখা করতে গেছি। অনেকক্ষণ কথাবার্তার পর রবীন্দ্রনাথকে প্রণাম করে বাড়ী ফিরবার জন্ত উঠেছি, ঠিক সেই সময় ঠাকুর বাড়ীরই কে একজন, নামটা এখন মনে নেই, তবে গণ্যমাত্র একজন হবেন সন্দেহ নেই—এসে সেই ঘরে ঢুকলেন। কবি তাঁকে বললেন—যাও, শরৎকে পথ পর্যন্ত এগিয়ে দিয়ে এস।

কবির কাছে অনেকক্ষণ বসে থাকতে হয়েছিল। চিংপুর রোডে এসে তাই ভাবলাম, এখনি ট্রামে কিংবা বাসে উঠে কাজ নেই, বরং খানিকটা হেঁটে গা-হাত-পায়ের খিল ছাড়িয়ে নিই।

যিনি আমাকে এগিয়ে দিতে এসেছিলেন, আমার হাঁটবার কথা শুনে বললেন—চলুন তবে, আপনাকে আরো খানিকটা এগিয়ে দিয়ে আসি।

কথাবার্তায় কত দূর এসে পড়েছি খেয়াল নেই। হঠাৎ দেখি একটা চেনা বস্তির পাশ দিয়ে চলেছি। একটি মেয়েলি কণ্ঠও কানে এল। আমাকে ডাকছে—দাদাঠাকুর, ও দাদাঠাকুর!

দেখি, একটি আধবয়সী মেয়ে আমার দিকে ছুটে ছুটে আসছে। কাছে এলে দেখলাম, পাঁচুর মা।

পাঁচুর মা এসেই আমাকে টিপ করে প্রণাম করে বলতে শুরু করল—আজ আমার কি নৌভাগ্যি যে, দাদাঠাকুরের দেখা পেছ। আচ্ছা নোক আপনি দাদাঠাকুর! আমাদের কি একেবারেই ভুলে গেছ। কতদিন এসনি বলো তো? আজ যখন একবার পেয়েছি, কিছতেই আর ছাড়ছি নি। আমার ঘরে আপনার একবার পায়ের ধুলো দিতেই হবে।

পাঁচুর মায়ের হাত থেকে নিস্তার নেই বুঝতে পারলাম। তাই বললাম—  
আচ্ছা, তুমি বাও, আমি যাচ্ছি।

ঠাকুরবাড়ীর সেই সন্ধ্যা তখনো আমার সঙ্গে আছেন। আমাদের আচরণ  
ও কথাবার্তা দেখে ও শুনে তিনি একেবারে অবাক। পাঁচুর মা বিদায় নেবার  
পর তিনি বললেন—শরৎবাবু, এরা কি আপনার পরিচিত? এই সব বস্তীতে  
কি আপনার যাওয়া-আসা আছে নাকি?

আমি বললাম—কি আর করি বলুন! এদের সঙ্গে না মিশে আমার  
উপায় নেই। এদের নিয়েই যে আমার কারবার। এদের কথাই তো,—থাক  
সে কথা আর একদিন বলব এখন। আজ বরং আপনি আসুন। ধরা যখন  
পড়ে গেছি, আজ আর রেহাই নেই। হয়তো এ বেলা না খাইয়ে ছাড়বে না।

—আপনি এদের এখানে থাকবেন?

—আজ কি আর নতুন খাচ্ছি রে ভাই!

তারপর তিনি ফিরলেন তাঁর বাড়ীর দিকে, আর আমিও পাঁচুর মায়ের  
বাড়ীমুখে হলাম।

বস্তীর ভিতরে ঢুকতেই, জানাশোনা সব ছেলেমেয়েরা—দাদাঠাকুর এসেছে,  
দাদাঠাকুর এসেছে—বলে আমাকে একেবারে ঘিরে ফেলল। তাদের সকলের  
অভিযোগ—পুরো এক বছর কেন তাদের ওখানে যাই নি, কেন তাদের ত্যাগ  
করেছি, কেন তাদের ভুলে গেছি, ইত্যাদি।

পাঁচুর মায়ের বাড়ী গিয়ে দেখি, তার সাত বছরের পাঁচু বিজ্ঞানাগর  
মশায়ের প্রথম ভাগখানা খুলে মুখ ভার করে দাওয়ায় বসে আছে।

পাঁচুর মুখ দেখে বড় মায়া হ'ল। তার মাকে ডেকে বললাম—ও পাঁচুর  
মা, তোমার ছেলে অমন করে বসে আছে কেন? পড়তে হচ্ছে বলেই বুঝি?

পাঁচুর মা বলল—ত্যাখ না দাদাঠাকুর, কখন থেকে বলছি ইস্কুলে কাল যা  
পড়েছিল, তা আজ ভাল করে পড়ে নে বাড়ীতে। তবে তো মাস্টারের  
কাছে গিয়ে পড়া দিতে পারবি। তা মুখপোড়া ছেলে কিছুতেই শুনবে না।  
এদিকে পয়সাকড়িও নেই যে ঘরেতে মাস্টার রেখে পড়াব।

আমি বললাম—আচ্ছা, তুমি এখন তামাক সেজে আনো দেখি। আমিই  
তোমার পাঁচুকে পড়াচ্ছি।—বলে পাঁচুকে পড়াতে বসে গেলাম।

তামাক সেজে এনে হ'কোট আমার হাতে দিয়ে পাঁচুর মা বলতে লাগল



—দাদাঠাকুর, আপনিই বলো তো! মুখপোড়া ছেলেকে কত বুঝি যে বেশী না পড়িস, পেরথম ভাগ আর দ্বিতীয় ভাগটাই পড়। তা নয়। আপনার কথা কত যে শোনাই। বলি, ঐ যে দাদাঠাকুর, শুনি নাকি বই নেকে। তা তুইও হতভাগা ছেলে, আর কিছু যদি না পারিস, পেরথম ভাগ দ্বিতীয় ভাগ পড়ে দাদাঠাকুরের মতো দুটো বই নিকেও তো খেতে পারবি। তা মুখপোড়া ছেলে, কিছুতেই পড়বে নে। এখন বায়না ধরেছে ইস্কুলেও আর যাবে নে। আপনি কিয়পা করে ওকে একটু বুঝিয়ে দাও না দাদাঠাকুর! আপনার কথা শুনে ওর যদি একটু বুদ্ধি হয়। আমি ততক্ষণে আপনার খাওয়া-দাওয়ার একটু বেবস্তা করে আসি, কেমন?

আমি বললাম—তা না হয় তোমার পাঁচুকে আমি বুঝিয়ে বলছি, কিন্তু আবার খাওয়া-দাওয়ার হাল্লামা কেন? ওসব আজ থাক।

পাঁচুর মা বলল—ও-সব হবে না দাদাঠাকুর! আজ আপনি কতদিন পরে এয়েছ, আজ কি আর দুটি না খাইয়ে ছাড়ি।

সেদিন দুপুরের আহারটা পাঁচুর মায়ের ওখানেই সারতে হ'ল। তারপর পাড়ার মধ্যে এর বাড়ীতে ওর বাড়ীতে একবার করে 'পায়ের ধূলা' দিতে দিতেই দিন কাবার। বাড়ী যখন ফিরলাম, তখন সন্ধ্য।

## শান্তী ও বধু

শরৎচন্দ্র তাঁর সামতাবেড়ের বাড়ীতে থাকার সময় প্রতিদিনই বিকালে তাঁর দিদির বাড়ীতে বেড়াতে যেতেন। সেখানে নানা রকম গল্প-সল্প করে রাত্রি চাটটা নাগাদ বাড়ী ফিরতেন।

শরৎচন্দ্র তাঁর দিদির বাড়ীতে বিকালে বেড়াতে গিয়ে সেখানে বৈঠকখানায় বসে বাড়ীর ও পাড়ার পুরুষদের সঙ্গে যেমন গল্প করতেন, তেমন বাড়ীর ভিতরে গিয়েও বাড়ীর ও পাড়ার মেয়েদেরও গল্প শোনাতেন।

যেমন রোজ হয়, সেদিনও শরৎচন্দ্র তেমন বিকালে তাঁর দিদির বাড়ীতে বেড়াতে গেছেন।

তাঁর মুখে গল্প শোনার লোভে সেদিন পাড়ার মেয়েরা একটু আগেই অনিলা দেবীর বাড়ীতে এসে জড়ো হয়েছেন। মেয়েদের মধ্যে যেমন কিশোরী ও কুমারী আছে, তেমনি বধু ও শান্তীরাও আছেন।

গল্পের আসরে বাড়ীর দু-একজন পুরুষও আছেন। তাঁরা একটু তফাতে বসেছেন।

কিঞ্চিৎ মুখরা এক বধু হঠাৎ সেদিন ফরমাস করে বসলেন—আপনি তো মেয়েদের সম্বন্ধে কত কথাই কত দরদ দিয়ে লিখেছেন। কিন্তু নিরীহ বোঁ বেচারীরা জাহাঁবাজ শান্তীদের হাতে কিভাবে যে নির্ধাতীতা হন, কই সে সম্বন্ধে তেমন কিছু লেখেন নি তো! এ রকম ঘটনা বাঙ্গালীর ঘরে তো রোজই ঘটছে। বোঁদের ওপরে নির্ধাতন কি এতই উপেক্ষার বিষয়? আজ আপনাকে এ সম্বন্ধে কিছু বলতে হবে।

বধুটির এ কথা শুনে আসরে শান্তীশ্রেণীর ঘারা উপস্থিত ছিলেন, তাঁরা পরস্পরের মুখ চাওয়া-চাওয়ি করতে লাগলেন।

শরৎচন্দ্র বললেন—এ রকম ঝগড়াটে শান্তী আমার চোখে কম পড়ে নি। তা' বেশ, আজ তাহলে তোমাদের কুঁহুলে শান্তীদের গল্পই শোনাই।

বলা বাহুল্য, শান্তী ঠাকরনরা এ কথা শুনে খুশী হলেন না। মুখ ব্যাজার করে বসে রইলেন। অনুচা ও বধুর দল সাগ্রহে এগিয়ে এসে বসলেন।

শরৎচন্দ্র বললেন—একটা সত্যি ঘটনাই বলি। এ আমার চোখে দেখা।

আমি তখন বাজে শিবপুরে থাকি। আমার উঠোনের এক পাশে উঁচু একটা দেয়াল ছিল। সেই দেয়ালের ওপাশে, আমার এক প্রতিবেশীর বাড়ীতে ছিলেন, এমনি একটা শাশুড়ী। সকাল নেই, সন্ধ্যা নেই, সব সময়েই—ওলো ভালোখাকীর ঝি, ওলো সন্মনাশীর বেটি ইত্যাদি অজস্র সঙ্ঘোদনবাণী সেই বাড়ী থেকে শোনা যেত। আশ্চর্যের ব্যাপার এই যে, শাশুড়ীর এত গলা শুনতাম বটে, কিন্তু বোঁয়ের গলা কোনদিনই শুনতে পেতাম না।

এক একদিন বসে ভাবতাম, আহা, এমন নিরীহ বোঁটাকে এমন করেও কেউ অথবা গালাগালি পাড়ে! বোঁটির স্বামী লোকটাই বা কি, মাকে একটু নিষেধ করলেও দিতে পারে না! আবার ভাবতাম, এ হেন যে মা, সে কি আর তার ছেলের কথা শুনবে! ছেলে কিছু বলতে গেলে উণ্টে তাকেই হয়তো শুনিয়ে দেবে পাঁচ কথা।

যাই হোক, বোঁটির জন্তে যেমন আমার মায়া হ'ত, তেমনি তার ওপরে আমার শ্রদ্ধাও বেড়ে যাচ্ছিল দিনে দিনে। মনে হ'ত, এমন গৃহলক্ষ্মী মেয়ে বোধ করি আজকাল লাখেও একটি মেলে না। অবিরাম গালাগালি মেনে নিচ্ছে, মুখে রা-টি নেই, অথচ ঠিক সংসারের কাজ করে যাচ্ছে। এমন কি, ঐ ঝগড়াটে শাশুড়ীটিকে পর্বস্ত রোঁধেবেড়ে থাইয়ে সেবায়ত্ত করছে। বোঁটিকে দেখলেও পুণ্য হয়।

শরৎচন্দ্র যখন এই নিরীহ বোঁটির প্রতি তার শাশুড়ীর নির্ধাতনের গল্প বলছিলেন, তখন আসরের শাশুড়ী আর বধূদের মুখের ভাব লক্ষ্য করার মত। শাশুড়ীদের মুখ যেমন বিষন্ন, বধূদের মুখ তেমনি হাসিতে উজ্জ্বল।

শরৎচন্দ্র বলতে লাগলেন—

একদিন, তখন খুব সকাল। আমি উঠোনে পায়চারি করছি। এমন সময় পাশের বাড়ীর সেই শাশুড়ীটির গলা বেজে উঠল—ওলো সন্মনাশীর বেটি, ভালোখাকীর ঝি ইত্যাদি।

মনটা ধারাপ হয়ে গেল। এই সকালে উঠেই আবার জুড়লো রে! আবার অহেতুক সেই গালাগালি! সেদিন তাদের দেখবার জন্তে আমার বড়

কোঁতুহল হ'ল। তাই পাঁচিলের কাছে এগিয়ে, খানকতক ইট সাজিয়ে, তার ওপরে উঠে ও-বাড়ীর দিকে মুখ বাড়ালাম। মুখ বাড়িয়ে সে যা দেখলাম, তাতে আমার এতাবৎ কালের সমস্ত ধারণাই এক নিমেষেই উবে গেল। দেখলাম, বাড়ীতে তখনো আর কেউ বোধ হয় ওঠে নি, শুধু শান্তড়ী আর বৌটি। বৃদ্ধা বসে আছে দাওয়ায়, আর বৌ পাশেই ঝাঁট দিচ্ছে। বৌটি মুখে কোন কথা বলছে না বটে, কিন্তু মাঝে মাঝে শান্তড়ীর দিকে সেই ঝাঁটখানা তুলে, হাত, মুখ আর চোখের সাহায্যে, তাকে আচ্ছা করে ঝাঁটাপেটা করবে বলে শাসাচ্ছে। কত ভাবে, কত ভঙ্গীতে যে শাসাচ্ছে তা আর কি বলব! শান্তড়ী আর কি করবে, থেকে থেকে তেলে-বেগুনে জলে উঠছে।

বৌটির এই কাণ্ড দেখে আমি কি আর সেখানে দাঁড়াই।

শরৎচন্দ্রের গল্প শেষ হ'ল।

আমরে যত বধু ছিলেন, তাঁদের মুখ কালো হয়ে উঠল। এদিকে হাসিমুখে পান গালে দিলেন শান্তড়ীরা।

[ শরৎচন্দ্রের বলা এই ‘শান্তড়ী ও বধু’ গল্পটি আমি প্রথমে কবি দিনেশ দাসের কাছে শুনে আমার ‘শরৎচন্দ্রের বৈঠকী গল্প’ বইয়ে লিখেছিলাম। পরে ‘শরৎচন্দ্র’ (১ম খণ্ড, জীবনী) ছাপাবার সময় যখন আমি প্রায়ই বাজে শিবপুরে যেতাম, সেই সময়, শরৎচন্দ্র বাজে শিবপুরে যে বাড়ীতে বাস করতেন, তার পাশের বাড়ীর দীপক মুখোপাধ্যায় একদিন আমাকে বলেছিলেন— আপনার ‘শরৎচন্দ্রের বৈঠকী গল্প’ বইটা পড়েছি। তার মধ্যে ‘শান্তড়ী ও বধু’ গল্পটি আমাদের এক পাশের বাড়ীর শান্তড়ী ও বধুরই গল্প। শুনেছি ঐরূপ শান্তড়ী ও বধু তখন ঐ বাড়ীতে ছিল।

পরে, শরৎচন্দ্রের বাজে শিবপুরের প্রতিবেশী ও তাঁর স্নেহভাজন অধ্যাপক অমরেন্দ্রনাথ মজুমদারকে জিজ্ঞাসা করায় তিনি বলেছিলেন—আমাদের পাড়ায় ঐরূপ যে শান্তড়ী ও বধু ছিল, আমি তাদের দেখেছি। তবে শরৎচন্দ্র তাঁর গল্পে বৌটাকে যতটা মন্দ বলেছেন, সে ততটা মন্দ ছিল না। ]

## চরিত্রহীন

‘উপাসনা’ পত্রিকায় শরৎচন্দ্রের ‘চরিত্রহীন’ উপন্যাসের যখন কিছুটা বিরূপ সমালোচনা বেরোয়, তখন সাবিত্রীপ্রসন্ন চট্টোপাধ্যায় ঐ কাগজের সহকারী সম্পাদক ছিলেন।

এই সাবিত্রীবাবু শরৎচন্দ্রের সঙ্গে পরিচিত হওয়ার পরে আবার একদিন শরৎচন্দ্রের বাড়ীতে গেলে, সেদিন শরৎচন্দ্র তাঁকে ‘চরিত্রহীনে’র প্রসঙ্গ তুলে বলেছিলেন—দেখ সাবিত্রী, আমার ‘চরিত্রহীন’ নিয়ে একবার এক মজার কাণ্ড ঘটেছিল। এবার কাশীতে গিয়ে শুনে এলাম। সেই ঘটনাটা তোমাকে বলি শোনো—

এবার কাশীতে গিয়ে উত্তরা-সম্পাদক স্বরেশ চক্রবর্তীর বাড়ীতে উঠি। একদিন সকালে কয়েকজন বাঙালী এসে আমায় বললেন, ওখানকার বাঙালীরা আমায় দেখতে চান। তাই তাঁরা এক সভার আয়োজন করেছেন, আমাকে সেখানে যেতে হবে। তাঁরা জানতেন, কিছু বলতে বললে আমি হয়তো যাব না, তাই শুধু আমার উপস্থিতির আশ্রয়ই জানিয়ে গেলেন।

তাঁদের অত্নরোধ আমি উপেক্ষা করতে পারলাম না। যাব বলে কথাও দিয়ে দিলাম।

সভায় মালাচন্দন, ধূপধূনো কিছুই অভাব ছিল না। তাঁদের অভ্যর্থনার মধ্যে সত্যিকারের আন্তরিকতাও ছিল। গিয়ে বেশ আনন্দ পেলাম।

সভার শেষে সকলেই তখন প্রায় চলে গেছেন। আমিও উঠে উঠে করছি, এমন সময় দুটি বিধবা আমার সামনে এসে দাঁড়াল। একজন বৃদ্ধা, আর একজনের বয়স কম, বিশ-বাইশ বছর হবে। অল্পবয়সী বিধবাটি কাছে এসে প্রশ্ন করে আমার মুখের দিকে এমনভাবে চাইল, যেন আমি তার খুব চেনা। যত্নসহে আমাকে বললে—আপনি আমাকে ঝাঁচিয়েছেন। আপনি আমার গুরু। আমি আপনার কাছে বিশেষভাবে কৃতজ্ঞ।

যেয়েটির কথা শুনে আমি খুব অবাক হয়ে গেলাম। একটু সামলে নিয়ে

বললাম—আমি তোমায় ঝাঁটিয়েছি! কই কোথায়, কিছু তো মনে পড়ছে না। তাছাড়া, আমি তোমাকে আগে কোথাও দেখেছি বলেও তো মনে পড়ছে না।

মেয়েটি খুবই হুন্দরী। যেমনি তার রঙ, তেমনি মুখশ্রী। একপাশে আমাকে ডেকে নিয়ে, তার নিজের কাহিনী যা বললে, তা এই—

আমার বাবা বাঙ্গলার বাইরে কোন এক কলেজের অধ্যাপক। চিরকালই বাবার কাছে আমি থেকেছি। আমি যখন দু বছরের, মা তখন মারা যান। সেই থেকে বাবাই আমাকে মানুষ করেছেন। আমার বিয়ে হয় সতেরো বছর বয়সে। কিন্তু ছ মাস যেতে না যেতেই মাত্র তিনদিনের জরে এই কান্নাতেই স্বামীর মৃত্যু হয়। স্বামীর মৃত্যুর পর বাবার কাছেই আবার ফিরে গেলাম। আমি তাঁর একমাত্র মেয়ে। আমাকে ভুলিয়ে রাখবার জন্য তিনি আবার আমাকে লেখাপড়া শেখাতে আরম্ভ করলেন।

বাবার এক ছাত্র ছিল, আমাদের বাড়ীতেই থাকত। বাবা তাকে খুব স্নেহ করতেন। অনেকে নিজের ছেলেকেও অতখানি স্নেহ করেন না। কলেজে কোন্ দিন কোন্ লেকচার হবে, সেই সব হিসেব রাখত। প্রয়োজনীয় যত বই ও নোটের খাতা, তারও ঠিক রাখত ঐ ছেলেটি। আমি তার কাছে পড়তাম। এমন করে প্রায় বছর দেড়েক কাটল।

এই মেশামিশির ফলে আমাদের দুজনের মধ্যেই বেশ একটা পরিবর্তন এসে গেল। ছেলেটি তা লক্ষ্য করে একদিন বাবাকে বললে, আমাকে সে পড়াবে না। বাবাও যেন আমার উপর বিরক্ত হয়েই কিছুদিনের জন্য আমাকে বরানগরে আমার বাড়ীতে পাঠিয়ে দিলেন।

বরানগরে এলাম বটে, কিন্তু আমার মন পড়ে রইল সেইখানে। কিছুদিন যেতে না যেতেই আমাদের দুজনের মধ্যে চিঠি লেখালেখি চলতে লাগল। একদিন ছেলেটি হঠাৎ কলকাতায় এসে উপস্থিত হ'ল।

তখন আমাদের নিয়মিত দেখাশোনার আর কোন বাধা রইল না। অবশেষে একদিন আমরা ঠিক করলাম, যা থাকে বরাতে, দুজনে কোথাও পাליয়ে চিরকালের মতো মিলিত হব।

ঠিক হ'ল, সে রাত্রে আমি জেগে থাকব। দুটোর সময় সে গাড়ী নিয়ে

আসবে। এসে আমি নীচের যে ঘরে শুই, সেই ঘরের জানালায় টোকা দেবে, আর আমিও বেরিয়ে আসব।

সেদিনের কথা আমি সহজে ভুলব না। সমস্তকণ কেমন একটা অস্বস্তি, উদ্বেগ ও উত্তেজনার মধ্যে কেটে গেল। সন্ধ্যার সময় আমি আমার মামাতো ভাইকে তাদের লাইব্রেরী থেকে একটা উপন্যাস এনে দিতে বললাম। পাছে ঘুমিয়ে পড়ি, তাই বইটা পড়ে রাত জাগব স্থির করেছিলাম।

আমার মামাতো ভাই মোটা যে উপন্যাসটি আমার হাতে এনে দিল, মলাটের উপরে তার নাম দেখলাম, ‘চরিত্রহীন’। দেখেই আমার বুকটা কেমন যেন ধড়াস করে উঠল। ভাবলাম, প্রকৃতির একি পরিহাস!

খাওয়া-দাওয়ার পর সবাই যে ঘার শুতে গেল। আমিও বই হাতে নিয়ে ঘরে গিয়ে খিল দিলাম।

কোন রকমে বই যখন শেষ হ’ল, রাত তখন পৌনে দুটো। ততক্ষণে আমার কর্তব্য আমি স্থির করে ফেলেছি। আপনার কিরণময়ী আমাকে বাঁচিয়ে দিয়ে গেল।

যথাসময়ে জানালায় টোকা পড়ল। বুঝলাম, সে এসেছে। জানালা খুলে মিনিতি করে তাকে বললাম—আমায় ক্ষমা কর, আমি যেতে পারব না।

এ কথা শুনেই, তখন তার মুখের যে চেহারা হয়েছিল, তা আমার চিরকাল মনে থাকবে। মনে হ’ল, আমি যেন তার পায়ের তলা থেকে মাটি সরিয়ে নিয়েছি।

সব ব্যবস্থা ঠিকঠাক, মায় ট্রেনের টিকিট পৰ্ব্বস্ত কেনা হয়ে গেছে। এখন পিছু হঠলে সে মানবে কেন?

আমি হাত জোড় করে বললাম—অন্ডায় করেছি, তুমি আমায় ক্ষমা কর!

ছেলেটি কিছুক্ষণ অসহায়ভাবে দাঁড়িয়ে রইল। শেষে একটা দীর্ঘনিশ্বাস ফেলে চলে গেল।

তারপরই আমি আমার এই দিদিমার সঙ্গে কানী চলে আসি। সেও আজ বছরখানেক হয়ে গেল। আজও ভাবি, আপনার কিরণময়ীই সেই রাজে আমাকে বাঁচিয়েছিল।

‘চরিত্রহীন’ পড়ে আপনাকে ~~দেখার~~ আমার বড় ইচ্ছা হয়েছিল। বাবা বিশ্বনাথ যে এত শীগ্গির সে ইচ্ছা পূরণ করবেন, তা কখনো ভাবি নি।

সেদিন যদি আপনার চরিত্রহীন না পড়তাম, তাহলে আজ আমি কোথায় যে যেতাম, আমার কি দশা হ’ত, তা ভাবতেও পারি নে। তাই আপনাকেই আমি গুরু বলে মেনেছি। আপনিই আমাকে রক্ষা করেছেন। আপনার কাছে আমি চিরকৃতজ্ঞ।

গল্প শেষ করে শরৎচন্দ্র বললেন—দেখ সাবিত্রী, আমার ‘চরিত্রহীন’ প্রথম যখন বেরোয়, তখন এই বই নিয়ে গালাগালি কম হয় নি। আমার উপর দিয়ে তখন নিন্দা, বিদ্রূপ ও আক্রমণের একটা ঝড় বয়ে গিয়েছিল। এখনো সে ঝড় মাঝে মাঝে ওঠে। কিন্তু তবু ভাবি, সমালোচকরা আমার চরিত্রহীন নিয়ে যাই বলুক না কেন, সে যে এমনি ভাবে অন্ততঃ একটি মেয়েকেও রক্ষা করতে পেরেছে, সেইখানেই আমার বড় সান্ত্বনা।



## ভালোবাসার গভীরতা

শরৎচন্দ্র কলকাতায় বালিগঞ্জে নিজের বাড়ীতে থাকার সময় নিকটেই কবি নরেন্দ্র দেবের বাড়ীতে প্রায়ই বেড়াতে যতেন।

একদিন নরেনবাবুর বাড়ীতে একটা গল্পের আসরে এক স্ত্রীর্ণ ভদ্রলোকের গভীর ভালোবাসার কথা উঠতেই শরৎচন্দ্র বললেন—আরে, রাখ, রাখ, তোমাদের যত গভীর ভালোবাসার কথা! ওসব আর বোলো না! অনেককেই তো দেখলাম। ওসব গভীর জলের মাপ আমার জানা আছে। শোনো তবে বলি এক মহাপ্রেমিকের গল্প—

রেজুনে আমার এক বিশেষ বন্ধু আমার বাসার কাছেই বাসা করে থাকত। বন্ধুটি বিবাহিত ছিল। স্ত্রী বেশ সুন্দরী। তাছাড়া দুজনেরই ছিল অল্প বয়স। অতএব যৌবনের অভাব ছিল না। মহাশুখে তাদের দিন কাটত, কেউ কাউকে বেশীক্ষণ ছেড়ে থাকতে পারত না—অভিন্ন-হৃদয় যাকে বলে আর কি।

এমনি করে তো বৈশ কিছুদিন কাটল। তারপর একদিন বন্ধু-পত্নীটি হঠাৎ অসুখে পড়ল। কঠিন অসুখ, তাই স্ত্রীর সেবা-শুশ্রূষার জন্য বন্ধুটিকে অফিস থেকে ছুটি নিতে হ'ল।

কাছাকাছি কোন আত্মীয়-স্বজন না থাকায়, খানিকটা সেবার ভার আমার উপরেও পড়েছিল। অনেকদিন আমাকে রাতটা ওদের বাড়ীতেই কাটাতে হয়েছে।

বড় ভাক্তার ডাকানো হ'ল, বড় কবরেজ এলেন, কিন্তু সারবার নাম নেই। অসুখ ক্রমেই খারাপ থেকে আরো খারাপের দিকে যেতে লাগল।

আমার বন্ধু আমার কাছে এ নিয়ে রোজ কান্নাকাটি করতো। ছ হাত ধরে বলতো—ভাই ওকে তোমরা যে করে হোক বাঁচাও। ওকে ছেড়ে আমি এক দণ্ডও বাঁচতে পারব না। ও চোখ বুজলে আমার যে সব অঙ্ককার। ও যদি যায়, আমাকেও যেতে হবে—এ তুমি জেনে রাখ।

এ রকম খেদের কথা রোজই আমায় শুনতে হ'ত। আমিও যথাসাধ্য

প্রবোধ দিতে চেষ্টা করতাম। কিন্তু কিছুতেই কিছু হ'ল না। একদিন রাত প্রায় এগারোটার সময়, বন্ধু-পত্নী প্রাণত্যাগ করে অন্ত্রলোকে যাত্রা করল।

আমার সমূহ বিপদ উপস্থিত হ'ল। বন্ধুটিকে আর কিছুতেই সামাল দিতে পারি নে। মৃত্যু স্ত্রীকে জড়িয়ে কি আকুল কান্নাটাই না সে কান্দলে। শোকে সে প্রায় উন্মাদ হয়ে যাবার যোগাড়।

এ সব দেখে শুনে আমি ভাললাম—হাজার রাত হলেও, আজই মৃতদেহ এখান থেকে সরিয়ে ফেলতে হবে। তা না হ'লে ওকে ছাড়ানো তো যাবেই না, কান্নাও থামানো যাবে না।

বন্ধুকে ডেকে বললাম—দেখ, আমি একটু ঘুরে আসছি। জন কয়েক ব্লক লাগবে বুঝতেই তো পারছ, তাদের গিয়ে ডেকে আনি।

এ কথা শুনেই বন্ধু একেবারে চূপ। তার চেহারা কেমন বদলে যেতে লাগল। যে-মুখে একটু আগে এক শোকের চিহ্ন ছাড়া আর কিছুই ছিল না, সে-মুখ এখন ভয়ে বিবর্ণ হয়ে উঠতে লাগল।

ছুটে এসে সে আমার দুটি হাত জড়িয়ে ধরে বললে—ভাই, দোহাই তোমার! এই নিশ্চিন্তি রাতে এই মড়ার কাছে আমাকে একলাটি ফেলে তুমি যেও না। আমি তাহলে নিশ্চয়ই হার্টফেল করে মরে যাব।

আমার পক্ষে আর বিরক্তি চেপে রাখা সম্ভব হ'ল না। বললাম—একটু আগেই না ওঁকে কিছুতেই ছাড়তে চাইছিলে না! বলতে না, ওঁকে ছেড়ে তুমি এক দণ্ডও বাঁচবে না? ওঁকে কত না তুমি ভালোবাসতে? এরই মধ্যে সব উবে গেল? আমি না থাকলে অন্ত্রক্ষণের জন্ত পাশে বসে থাকতেও তোমার এত ভয়?

কে শোনে কার কথা! বন্ধু খালি ব্যাকুলভাবে বলতে লাগল—সে হবে না ভাই, তুমি আমাকে কিছুতেই একা ফেলে যেতে পারবে না। যাও তো ফিরে এসে দেখবে, বন্ধু আর বেঁচে নেই। আমি অজ্ঞান হয়ে পড়ে আছি, ইত্যাদি।

একটু থেমে শরৎচন্দ্র বললেন—এখানেই এই কাহিনীর শেষ নয়। মনে আছে, মাস দুই পরে একখানা রঙীন চিঠি পেয়েছিলাম—বন্ধুবরের দ্বিতীয়বার বিবাহের নিমন্ত্রণপত্র।

## বরষাজী

সৌরীন্দ্রমোহন মুখোপাধ্যায় তাঁর ‘শরৎচন্দ্রের জীবন-রহস্য’ গ্রন্থে লিখেছেন—

“১৩২২ সালে বন্ধুবর মণিলাল (গঙ্গোপাধ্যায়) এবং আমি ‘ভারতী’র সম্পাদনা ভার গ্রহণ করি। ২০ নম্বর স্ক্রিমা স্ট্রীটে (এখন কৈলাস বহু স্ট্রীট) ছিল ভারতীর কার্যালয় এবং নীচের তলায় কাস্তিক প্রেস। তখন শরৎচন্দ্র প্রায় আসতেন ভারতী অফিসে এবং সকলের সঙ্গে যে ব্যবহার করতেন, তা যেমন অমায়িক, তেমনই স্নেহশীল। সকলের প্রীতি-শ্রদ্ধা তিনি নিজের স্বভাবের গুণে পরিপূর্ণ ভোগ করতেন।”

সৌরীনবাবুদের আমলে ‘ভারতী’ অফিসে তখন সত্যেন্দ্রনাথ দত্ত, চারুচন্দ্র বন্দ্যোপাধ্যায়, প্রেমচাঁদ আতর্ষী, হেমেন্দ্রকুমার রায় প্রভৃতি সাহিত্যিকরা প্রায় প্রতিদিনই এসে জমতেন। সৌরীনবাবু আর মণিবাবু তো থাকতেনই। তাই তখন ভারতীর আড্ডা এক রকম রোজই জমজমাট থাকত।

এই ভারতীর আসরের একদিনকার কথা সম্বন্ধে সৌরীনবাবু তাঁর ‘শরৎচন্দ্রের জীবন-রহস্য’ গ্রন্থে লিখেছেন—

“আমাদের ভারতীর আসর একদিন বেশ সরগরম। শরৎচন্দ্রও সে আসরে আছেন। আমি বলছি গল্প—ক’দিন আগে আমরা (পারিবারিক গোষ্ঠীভুক্ত ক’ডাই—তখন আমার বয়স ছায়াশ-সাতাশ বছর) হাওড়া-শিয়াখালা লাইনের শিয়াখালা গ্রামে বরষাজীর নিমন্ত্রণে গিয়েছিলুম।

বরগন্ধ বেশ বনেদী এবং ধনী। বরষাজীর সংখ্যাও ছিল বেশ ভারী। বরের জ্যেষ্ঠভ্রাতা ছিলেন বরকর্তা। আমাদের নিয়ে তিনি ও লাইনের ছোট গাড়ীতে উঠলেন। আমরা একটি দল একখানা ইন্টার-কামরা দখল করে বসলুম। ট্রেন চললো ঘর বাগান ফুঁড়ে, এর পাঁচিল বেঁসে, তার ডোবার পাড় দিয়ে, কোথাও বারোয়ারিতলা, হাট কি মন্দিরের গা বেঁসে। ভারী মজা লাগছিল। তারপর শিয়াখালা স্টেশনে নেমে হাটতে হাটতে আমাদের

প্রায় দশ-বারোজনকে নিয়ে বরকর্তা চললেন পল্লীর পথে, পুতুরপাড় দিয়ে বনবাগাড় ঘুরে। বাকি বরযাত্রীদের চার্জ নিলেন তাঁর এক আশ্রয়ী।

শিয়ালখালার একটি বাড়ীতে আমাদের নিয়ে গিয়ে বসাবার ব্যবস্থা। প্রায় বিশ-পঁচিশ মিনিট হেঁটে, এর ছাঁচতলা, তার গাছতলা দিয়ে আমরা যে বাড়ীতে এসে পৌঁছলুম, সেটি বেশ বড় বাড়ী। দু-মহল বাড়ী, বাহিরের মহল একতলা। গুল-বসানো সদর দরজা দিয়ে ঢুকে প্যাসেজ। প্যাসেজের দু-দিকে বড় বড় দুটি ঘর। একটি ঘরে আমরা বসলুম। প্যাসেজ দিয়ে এগিয়ে উঠান। উঠানের মাঝ-মধ্যখানে উঁচু ফ্লোরের উপর প্রকাণ্ড দালান। পূজাদি হয় দালানে। দরজা-জানালা নেই, শুধু ক'টা খিলান।

আমাদের জন্তু এলো মুখ-হাত ধোবার জল, সাবান-তোয়ালে। মুখ-হাত ধুয়ে ঘরে বসা হলো। তখন বৈশাখ মাস, মুখ-হাত ধুয়ে বসবার পর এলো ডাব, চা এবং বড় খালাভরা প্রচুর মিষ্টান্ন, পান, সিগারেট। যথারীতি সে সবের সম্ব্যবহার করতে সক্ষ্য হয়ে গেল।

এসেটিলিন বাতি জ্বললো ক'টা। তারপর দেখি, ফুল দিয়ে সাজানো চতুর্দোলা এলো। একদল ব্যাণ্ডের বাজনা, কতকগুলো খাসগেলাস এবং মশাল এলো। রাত প্রায় ন'টা বাজে, বর বেরোলো। আমরা চললুম হাঁটতে হাঁটতে বরের চতুর্দোলার পিছনে বরযাত্রীর দল।

বনের মধ্য দিয়ে বর চলেছে প্রোসেশন করে। বরের আগে আগে মশাল, খাসগেলাস, ব্যাণ্ডের বাজনা, বরের পিছনে আমরা বরযাত্রীর দল। যে পথে চলেছি, তাকে পথ বলা চলে না। থিয়েটারের সীনে 'বনপথ' বলে যে ছবি খাটানো থাকে স্টেজে, ঠাসাঠাসি গাছের নীচে দিয়ে পায়ে-চলা পথ, তেমনি পথ। আলো আমরা পাচ্ছি কতটুকুন! সেই আবছা-আলোয় ভেড়ার পাল যেমন চলে তাদের লীডারের পিছু পিছু, তেমনিভাবে চলেছি আমরা। গাছের ডালে খোঁচা খাচ্ছি, কাঁটা ঝোপের আঁচড় খাচ্ছি। এমনভাবে চলতে চলতে প্রায় ষষ্ঠা দেড়েক হাঁটবার পর হঠাৎ সামনে দেখি আলোর ছটা। মনে পড়লো, থিয়েটারের লাস্ট সীনে উজ্জ্বল দৃশ্যপটের কথা।

পৌঁছলুম কস্তাপক্ষের গৃহে এবং সেখানে ষষ্ঠা দুই আমাদের বসিয়ে রাখবার পর, আমাদের তাড়ায় ছাদে পড়লো আসন। আমরা নিজেরা কলাপাতা বিছিয়ে, ভাঁড়-খুরি নিয়ে নিজেরাই জল পরিবেশন করে চাঁচাতে

লাগলুম—লুচি আনো, লুচি। চ্যাঁচায়েচিতে লুচি এলো, কিন্তু তারপর আর কিছু আসে না। না আলু-বেগুন ভাজা, শাক ভাজা, না ডাল। আবার চ্যাঁচায়েচি চীৎকার। এমনি চ্যাঁচাতে চ্যাঁচাতে হু ঘণ্টা পরে খাওয়ার পালা চুকলে। তারপর মুখ-হাত ধুয়ে সেই আশ্রয়-নীড়ে ফেরা। কিন্তু কি করে ফিরবো, অন্ধকারে জলল ঠেলে? আলো নেই। কণ্ঠ্যপক্ষের বাড়ী থেকে একটা বাতি সংগ্রহ করে সেই বাতি জ্বলে বেরবো, বরকর্তা বললেন—পাগল হয়েছে! অনেকখানি পথ, বাতির আলোয় চলবে না। অপেক্ষা কর। আমি মশালের ব্যবস্থা করি।

কণ্ঠ্যকর্তাকে ধরে তিনি দুজন মশালধারী গাইড দিলেন। আমরা সেই মশাল-গাইডের সাহায্যে ঘণ্টাখানেক হেঁটে আশ্রয়-নীড়ে ফিরলুম। আমাদের শোবার জগ্ৰ জায়গা হয়েছে সেই ঠাকুর দালানে। লম্বা জাজিম পাতা, জাজিমের উপর চাদর পাতা এবং আট-দশটা তাকিয়া।

আমরা ঘর্ষাক্ত কলেবরে দালানের সিঁড়িতে বসে হাওয়া খাচ্ছি। একজনের কি খেয়াল হলো, তিনি দালানে পায়চারি করতে লাগলেন। হঠাৎ তাঁর পা পড়লো জাজিমের নীচে একটা গর্তয়। তখনি জাজিম তুলে দেখেন, বেশ বড় গর্ত। তিনি সতয়ে চীৎকার করে উঠলেন—সাপের গর্ত, বাবারে!\*

আমরা দেখলুম গর্ত। দালানে আমাদের জগ্ৰ ছিল দুটো এসেটিলিন বাতি এবং একজন ভৃত্য। গর্ত দেখে সাপের ভয়ে সে স্থান শুধু ত্যাগ নয়, সে গৃহও ত্যাগ করলুম। বাড়ীর সামনে মস্ত পুকুর। পুকুর ঘিরে চারিদিকে বড় বড় তালগাছ, বাঁধানো ঘাট, চাতাল, রোয়াক। আমরা একটা জাজিম টেনে নিয়ে চাতালে বসে বসে গল্প করে রাত কাটালুম। একজন ভয় দেখিয়ে বললেন—এখানটাও খুব নিরাপদ নয়।

—কেন?

তিনি বললেন—অনেক সময় তালগাছের মাথায় সাপ থাকে। তালপাতা শুকো বাতাসে খড়খড় করে ছলছে, ওখান থেকে কুণ্ডলীপাকানো এক ঝাঁক সাপ পড়তে পারে।

\*সর্বনাশ! এমন ভয় থাকলে মানুষ ঘুমোবে কি, সে জায়গায় থাকতে পারে কখনো? কিন্তু উপায় নেই, কোথায় যাবো? পথ যা, তাকে খিয়েটারের বনপথ বলে, রাজপথ নয়—দুধারে ঝোপঝাপ গাছ।

পরম কালের রাতে সাপগুলো গর্ত ছেড়ে চরতে বেরায়। আমাদের অবস্থা—সেই রামায়ণের যারীচ কুরঙ্গের মতো! কোনমতে তালগাছের মাথার দিকে নজর রেখে রাতটুকু কাটানো হলো এবং ভোরের আলো ফোটবার সঙ্গে সঙ্গে সেই বাড়ীতে ফিরে ভৃত্যকে ডেকে জল আনিতে মুখ-হাত ধোওয়া।

আর এক মিনিট সেখানে নয়! সোজা স্টেশনে এলুম। স্টেশনে এসে শুনি, প্রায় দেড়ঘণ্টা পরে ফাস্ট ট্রেন ছাড়বে। ট্রেনের কামরায় উঠে বেঞ্চে শুয়ে পড়লুম—শোবামাত্র ঘুম। সে ঘুম ভাললো বেশ একটু বেলায়, মানে তখন ট্রেন ছাড়তে বিশ-পঁচিশ মিনিট দেরি। যাত্রীরা আসছে দলে দলে, এ দলে কজন বরযাত্রীও ছিলেন।

এ কাহিনী শেষ করে আমি মন্তব্য জানিয়েছিলুম—এমন বরযাত্রী কেউ গিয়েছো কখনো?

শরৎচন্দ্র শুধু বললেন—হঁঃ! তাহলে বলি শোনো, আমার বরযাত্রী যাওয়ার কাহিনী।

এই কথা বলে তিনি শুরু করলেন তাঁর কাহিনী।

শরৎচন্দ্র বললেন—অনেক বছর আগেকার কথা। তখন কলকাতার একটা অফিসে চাকরি করছি, থাকি বোবাজার অঞ্চলে একটা মেসে।

এই পর্বন্ত বলতেই আমি তুললুম প্রতিবাদ—যাও, বানানো গল্প শুরু করলে। তুমি চিরকাল পশ্চিমে কাটিয়েছ। তারপর কিছুকাল ভবানীপুরে, তারপর বরষায়। কলকাতার অফিসে চাকরি করতে জুটলে কবে?

গভীরমুখে শরৎচন্দ্র বললেন—তোমার কথাতেই অমনি আমি চাকরি করিনি, মেনে নেবো? তাছাড়া তোমার গল্পের সময় আমরা কেউ একটি কথাও বলি নি, নিঃশব্দে বসে শুনেছি। তুমি কেন আমার গল্পের মধ্যে কথা কও! গল্প শুনে হ'লে চুপচাপ থাকতে হয়, এটুকু শিক্ষাও হয় নি তোমার?

আমরা সকলে হেসে উঠলুম। আমি বললুম—না, না, তুমি বলো। একটি কথাও বলবো না আর।

শরৎচন্দ্র বললেন—না, কথা বলবে না, শুধু শুনবে। তবে বানানো গল্প নয়। সত্য ঘটনা বলছি আমি। বিশ্বাস করো।

শরৎচন্দ্র হুক করলেন তাঁর কাহিনী।\*

শরৎচন্দ্র সেদিন ভারতীর আসরে যে বরযাত্রী যাওয়ার গল্পটি বলেছিলেন, তা হচ্ছে এই :—

আমি তখন কলকাতায় কয়েক মাস ধরে এক ঘেসে আছি। সেখানে কয়েকজন ছিল আমার সমবয়সী। বেশ বন্ধুত্ব হয়েছিল আমাদের মধ্যে। একজনের বাড়ী ছিল মগরার দিকে। সে তার বিয়েতে আমাদের নিমন্ত্রণ করলে—বরযাত্রী যেতে হবে।

কনের বাড়ী ছিল শ্রীরামপুর। বরের সঙ্গে মগরা থেকে শ্রীরামপুর যাওয়া আমাদের সকলের পক্ষে সম্ভব হ'ল না। তাই ঠিক হ'ল, আমরা যে যার কাজ সেরে হাওড়া থেকে ট্রেন ধরে সিধে শ্রীরামপুর যাব। বন্ধুটি আমাদের চারজনের যাওয়া-আসার ইন্টার ক্লাস রিটার্ন টিকিটের দাম দিয়ে দুদিন আগেই বাড়ী চলে গেল। যাবার আগে গোলাপী কাগজে ছাপা বিয়ের চিঠি দিয়ে বারবার করে বলে গেল, আমরা যেন সময় মতো যাই।

বিয়ের দিন আমরা কাজকর্ম সেরে, যত্ন-সহকারে সাজসজ্জা করে, সন্ধ্যার আগেই বেরিয়ে পড়লাম।

শ্রীরামপুর স্টেশনে গিয়ে যখন নামলাম, তখন বেশ অন্ধকার হয়ে গেছে। চেকারকে টিকিটের আধখানা দিয়ে স্টেশনের বাইরে এসে আমাদের খেয়াল হ'ল, তাই তো, শ্রীরামপুর তো এলাম, এখন যাব কোন্ ঠিকানায়? বিয়ের সেই গোলাপী চিঠি সঙ্গে আনতে আমরা সকলেই ভুলে গেছি। এমন কি মেয়ের বাপের নামও কারো মনে নেই। আমাদের অবস্থাটা তখন ভাবো একবার!

অগত্যা ঠিক করা গেল—বিয়ে তো আর সব বাড়ীতেই হচ্ছে না। অভাব পথ ধরে এগিয়ে যাওয়া যাক। যেতে যেতে যে বাড়ীতেই দেখব, ছাদে সামিয়ানা বা রোশনচৌকি, অমনি ঢুকে খোজ নিলেই ঠিক মিলে যাবে কনের বাড়ী।

\* এই মতলব মতো আমরা চার বন্ধুতে তো পথ চলা শুরু করলাম। চলছি তো চলছিই, বিয়ে বাড়ী আর চোখে পড়ে না। মনে হতে লাগল শ্রীরামপুরের বাপ-মায়েরা কি ক্ষমহীন! বিয়ের দিনে মেয়ের বিয়ে দাও না গা!

হঠাৎ গলির মধ্যে এক বাড়ী থেকে শাঁখের শব্দ কানে এল। ভাবলাম, নিশ্চয়ই ঐ আমাদের কনের বাড়ী। তাড়াতাড়ি শাঁখের শব্দ লক্ষ্য করে গিয়ে বাড়ীটা আবিষ্কার করলাম। দেখলাম, সামনেই একটা দালান, সেই দালানেই আসর। বরের জন্ত জরিদার লাল ভেলভেটের আসন পাতা, কিন্তু বর নেই। ভাবলাম, সন্ধ্যার পরই বিয়ের লগ্ন, বর হয়তো বাড়ীর ভেতর।

বাড়ীতে লোক গিস্গিস্ করছে। কাকেও চিনি না। আর আমাদেরও কেউ চেনে না। চিনবেই বা কি করে? আমরা তো শুধু বরেরই পরিচিত। যাকগে, চেনাচিনিরই বা দরকার কি? আমরা গেছি বরযাত্রী, আমাদের চর্যাচোত্র হলেই হ'ল। আসরের একধারে আমরা গিয়ে জাঁকিয়ে বসলাম।

নিজেরাই বসে গল্প করছি। কিছুক্ষণ পর একটি ছেলেকে দেখলাম বিয়ের পন্থ বিলোতে এল। আমাদেরও হাতে একখানা করে দিল। পন্থ পড়েই তো আমাদের চক্ষুস্থির! বরের নাম দেখি কি এক পাল! আমাদের বন্ধুবরের উপাধি চক্রবর্তী, অর্থাৎ ব্রাহ্মণ। অতএব, আর এখানে বসানয়, সবার অলক্ষ্যে আস্তে আস্তে সরে পড়লাম।

পথে তখন বেশ অন্ধকার। আমাদের মনও তখন ভাবনায় অন্ধকার। পথে যাকেই দেখি জিজ্ঞাসা করি—মশায়, এখানে বামুন বাড়ীতে বিয়ে হচ্ছে কোথায় বলতে পারেন? আমাদের কথা শুনে কেউ হাসে, কেউ একটু বিরক্ত হয়, কেউ আবার মুখের দিকে কেমন যেন সন্দেহভরে তাকায়। এ তো ভালো বিপদে পড়া গেল দেখি! কেউ কথা বলে না কেন?

অবশেষে একজনের কি দয়া হ'ল। সে আমাদের সব কথা শুনে বললে—কোথাকার বর বলুন তো?

আমরা বললাম—মগরার।

মগরার?—ভদ্রলোকের কথা শুনে মনে হ'ল, এ সম্বন্ধে তিনি কিছু জানেন। কাছাকাছি একটা বাড়ীর খোজও দিলেন। আমরা তাঁর নির্দেশ মতো এ-গলি ও-গলি খানিক ঘুরে একটা বিয়েবাড়ীর সামনে এসে উপস্থিত হলাম। সন্ধান নিয়ে জানা গেল, ই্যা এ বাড়ীতে বর চক্রবর্তীই বটে।

বাড়ীর সামনেই মন্ত উঠান। পথ থেকে হৃন্দর রাঙচিত্তের বেড়া পেরিয়ে তবে ঢুকতে হয়। উঠানেই আসরের ব্যবস্থা হয়েছে। বিয়ের আসর লোকজনে গমগম করবে, তা নয়। সব কেমন খালি খালি, কেমন যেন থমথমে ভাব।



মনে কেমন একটু খটকা লাগল। দু-একজনকে জিজ্ঞাসা করে জানলাম, বিয়ের আগে বৌভূক নিয়ে বরপক্ষে আর কস্তাপক্ষে খুব গোলমাল হয়ে গেছে। সোনার ওজনে ঘাটতি পড়ায় বরকর্তা বর প্রায় তুলে নিয়ে খাওয়ার ব্যবস্থা করেছিলেন। শেষে পাড়ার সকলে ধরাধরি করে অপোষে এই মীমাংসা হয়েছে যে, কস্তাপক্ষ এই রাত্রে মধ্যেই ঘাটতি পূরণ স্বরূপ নগদ আড়াই-শ টাকা বরকর্তার হাতে ধরে দেবেন। কনের মায়া গহনা বন্ধক রেখে টাকা সংগ্রহের জন্ত বেরিয়ে গেছেন। যাবার আগে বন্ধকের গহনাগুলি বরকর্তাকে দেখিয়ে গেছেন। এদিকে লম্বা যাতে না বয়ে যায়, সেজন্ত বিয়ে আরম্ভ হয়ে গেছে।

বরপক্ষের এই আচরণে আমরা তো ক্ষেপে আগুন। ঘটনার সময় উপস্থিত থাকলে, কি করতাম জানি না। যাই হোক, গোলমাল যখন এক রকম মিটেই গেছে, তখন আর এ নিয়ে মাথা ঘামানো উচিত মনে হ'ল না।

জুতো ছেড়ে আসরের এক কোণে বসে রইলাম। ঘুরে ঘুরে সকলেই বেশ ক্রান্ত বোধ করছিলাম। আর খিদেও যা পেয়েছিল, সে আর কি বলব!

ওদিকে বাড়ীর ভেতর ঘন ঘন শাঁখ বাজতে লাগল। কিছুক্ষণ পরে শাঁখের ডাক আর শুনি না, উলুধ্বনিও বন্ধ হ'ল—বুঝলাম বিবাহপর্ব শেষ হয়েছে। ভিতর থেকে বরপক্ষের দু-চারজন হোমড়া-চোমড়া বেরিয়ে এলেন। তাঁদের মুখ বেশ গম্ভীর। কস্তাপক্ষের একজনকে দেখতে পেয়ে জিজ্ঞাসা করলেন—টাকাটা এবার পাওয়া যাবে তো?

—নিশ্চয় পাবেন। কনের মায়া গহনা নিয়ে গেছেন, এসে পড়লেন বলে। আপনারা বহন। আমি এবার খাওয়ানোর ব্যবস্থাটা একটু দেখি,—এই বলে ভদ্রলোকটি বাড়ীর ভিতরে চলে গেল।

এখনি খাওয়ানোর ব্যবস্থা হবে শুনে আমরা তো পরম তৃপ্তিবোধ করলাম। খিদে তখন যা পেয়েছে!

কখন এই কাজের লোকটির পুনরাগমন হবে, এই আশায় সকলে বসে রইলাম।

হঠাৎ যেন বাজ পড়ল! বাড়ীর ভিতর থেকে গর্জন শোনা গেল—খাওয়াব বইকি! খাওয়াব! রেখে দাও ওসব কুটুমপনা! বিয়ে তো হয়ে গেছে। বর তো এখন আমাদের হাতে! খাওয়াচ্ছি দেখ না! ওরে বারীন, কানাই,

নবীন, ষেটু আয় তো তোর। এখানে। ঐ রাঙচিতের বেড়া ভেঙে বেত বানা। তারপর আচ্ছা করে পেটা তো ঐ যত বেটা বরযান্ত্রিক—

তুন আমরা তো চমকে উঠলাম! খিদে-তেটা কোথায় গেল! তাহাশা নাকি ভাবছি! এমন সময় দেখি, সত্যি সত্যিই পাঁচ-ছয়জন জোয়ান ছোকরা ভেতর থেকে বেরিয়ে রাঙচিতের বেড়া ধুলতে শুরু করলে। সর্বনাশ! করে কি এরা!

আর করে কি! চক্ষের নিমেষে লঙ্কাকাণ্ড বেধে গেল। হাতের কাছে যাকে পাচ্ছে, মারছে। সে কি বেদম মার! আমরা চার বন্ধুতে মিলে পালাতে পথ পাই না। মুহূর্তমাত্র জুতোর জন্ত একটু ইতস্ততঃ করেছিলাম বটে, কিন্তু তার বেশী নয়। মারের ভয়ে জুতোর মায়া কোন্ ছার! মুক্তকচ্ছ হয়ে যেদিকে দুচোখ যায় উল্কাবাহু ছুট লাগলাম।

ছাত্রাবস্থা পার হবার পর এমন ছোট্ট আর ছুটি নি! একে ত্রীরাশপুরী কৃষ্ণ রাত, তার ওপর তীর্থযাত্রীর মতো খালি পা! ছুটছি, পথের ওপর নজর রাখা সম্ভব হচ্ছে না। বেশ বুঝতে পারছি, পা একেবারে ক্ষতবিক্ষত হয়ে যাচ্ছে। কোথায় চোট লাগল, দাঁড়িয়ে যে একদণ্ড দেখব, তার উপায় নেই, কয়েকটা হতভাগা আবার পিছু নিয়েছিল। পায়ের দ্রুত সঞ্চালনের সঙ্গে সঙ্গে মাথা ফিরিয়ে বারে বারে দেখতে হচ্ছিল—হতভাগারা কতদূরে!

এমনি করে ছুটতে ছুটতে গঙ্গার ধারে পৌঁছে, তবে নিজেদের নিরাপদ মনে করলাম। কারো মুখে কোন কথা নেই, সকলে হাত-পা ছড়িয়ে বসে প্রাণভরে খুব হাঁপাচ্ছি। ঘামের চোটে যাকে বলে ভিজ্জে-কাক ব'নে গেছি। পায়ের দিকে তাকিয়ে নতুন করে সকলের শোক উথলে উঠল। সে যা পায়ের অবস্থা! কত জায়গায় যে কেটে গেছে, তার ঠিক-ঠিকানা নেই। কতগুলি কাটা জায়গায় ধুলো জমে বেশ ফুলে উঠেছে। ভাবলাম, এর চেয়ে দাঁড়িয়ে দাঁড়িয়ে রাঙচিতের প্রহার খাওয়া যে ছিল অনেক ভালো।

গঙ্গায় নেমে ভাল করে পা ধুয়ে নিলাম, চোখে-মুখেও জল দিলাম। এতে কিছুটা স্বস্থবোধ করলাম বটে, কিন্তু এক নতুন উপসর্গ এসে উপস্থিত হ'ল, সেই পুরোণো খিদে। প্রাণরক্ষার তাড়নায় পেটের জ্বালা যে ভীষণ জ্বালা, তা এতক্ষণ ভুলেই ছিলাম—সেই খিদে আবার নতুন করে মাথা চাড়া দিয়ে উঠল। খিদেয়ই বা দোষ কি বলো! রাত তো কম হয় নি, তার ওপর সন্ধ্যা থেকে

বা ব্যাঘ্রের ঘটা! বজ্রিশ নাড়ির টান, সে তো কম কথা নয়! সেই টানে আবার সচল হতে হ'ল। লক্ষ্য—কোন দোকানপাট বা হাট-বাজার, আহা! বলে কোন বস্তু যেখানে মেলে।

ঘুরতে ঘুরতে ছোট্ট একটা দোকানের সামনে এসে পড়া গেল। বাঁপ তখনো খোলা, তবে দোকানীকে দেখলাম, মাহুর বালিশ নিয়ে শোবার ঘোগাড় করছে। আমরা গিয়ে তাকে বললাম—একটু সবুর কর বাপু! তোমার দোকানে খাবার আছে?

সে বললে—আজ্ঞে তা আছে। সিঙাড়া, নিমকি, গজা আর পাকুয়া।

আমরা বললাম—বেশ, বেশ, তাতেই হবে। আমরা চারজন আছি, ভয়ানক খিদে পেয়েছে, বেশ ভাল করে খাওয়াও দেখি।

অত রাজে চারজন শাঁসালো খন্দের পেয়ে দোকানী তো মহা খুশী। তাড়াতাড়ি আমাদের হাত-মুখ ধোবার জল এনে দিল। তারপর শালপাতার ঠোঙা বানিয়ে, পরম উৎসাহে খাবার পরিবেশন করতে লাগল।

তার মজুত মাল আমরা কয়েক পলকেই সাফ করে দিলাম। তারপর প্রচুর জলপানে তৃষ্ণা নিবারণ করে জিজ্ঞাসা করলাম—দাম কত হ'ল হে, বলো এবার!

লোকটা বেশ হিসেবি দেখলাম। চটপট কাগজে ফর্দ বানিয়ে বললে—আজ্ঞে, সাড়ে-সাতটাকা।

আমাদের সকলের পকেট ঝেড়েঝুড়ে টাকা তিনেকের বেশী পাওয়া গেল না। শেষে মরিয়া হয়ে ঐ টাকা ক'টাই দোকানীর হাতে দিয়ে বললাম—দেখ, মেরেই ফেল আর কেটেই ফেল, এর বেশী আর একটি পয়সাও আমাদের কাছে নেই।

দোকানী তো টাকার অঙ্ক দেখে 'ঈ্যা' করে চোখ কপালে তুলে দাঁড়িয়ে রইল।

আমরা বললাম—কি করব বলো! কলকাতা থেকে বরষাজী হয়ে তোমাদের দেশে এসেছিলাম। তা একটি দানাও দিলে না যে দাঁতে কাটব। উটে রাঙচিতের বেড়া খুলে এসে মারতে। ঘোরাঘুরি ছোট্টাছুটিতে খিদেয় প্রায় মারা যাচ্ছিলাম, তোমার দোকানের খাবার খেয়ে তবে বাঁচলাম। এমন হবে তা কি জানি? তাহলে কি সঙ্গে বেশী পয়সা না নিয়ে বেরোই?

আর আগেই পয়সার হিসেব করে খেতে বাই কি করে বলো! খিদে কি তাতে মানতো? এখন এই চারখানা হাক টিকিট ছাড়া আর কিছু আমাদের কাছে নেই। ইচ্ছে করলে এগুলি তুমি নিতে পারো, আমরা না হয় দুর্গা বলে হেঁটেই কলকাতা পাড়ি দেব।

দোকানী বললে—ও টিকিট নিয়ে আমি কি করব? ও আমার চাই না।

আমরা বললাম—থাক তবে। তারপর হুড়হুড় করে দোকান থেকে নেমে পড়লাম।

কিছু দূরে গিয়ে পিছন ফিরে দেখি দোকানী তখনো হাঁ করে আমাদের দিকে তাকিয়ে আছে।

সৌরীনবাবু লিখেছেন—“গল্প শেষ হলো, আমরা হেসে খুন।

চারুচন্দ্র বললেন—শ্রেফ বানানো গল্প।

শরৎচন্দ্র তুললেন প্রতিবাদ। বললেন—এই জ্বাখো, তবু বলে বানানো গল্প! যথার্থ ঘটনা হে! বিশ্বাস না হয়, বেশ দলের আর তিনজনের মধ্যে একজন এখন থাকে চাঁপাতলায়, তাকে এনে ভজিয়ে দেবো।”

সৌরীনবাবু বলেন—ভারতীর আসরে শরৎচন্দ্র সেদিন আর একটি বরষাজীর গল্প বলেছিলেন।

সে গল্পটি সম্বন্ধে সৌরীনবাবু লিখেছেন—

“বরষাজীর আর একটি গল্প শরৎচন্দ্র বলেছিলেন। সে গল্প আরো মজার।

তিনি বললেন—বহু বৎসর পূর্বে একবার বরষাজী গিয়েছিলুম। হালিশহর স্টেশনে নেমে আট-দশ মাইল যেতে হবে কল্লাপক্ষের বাড়ী। স্টেশনে নেমে দেখি, আমাদের নিয়ে যাবার জন্ত গাড়ী মোতায়ন। গাড়ী মানে, একটা পালকিতে চারখানা চাকা লাগানো, আর সামনে জোতা ঘোড়ার দুটি ককাল। আমরা চারজন বরষাজী যাবো সেই গাড়ীতে চড়ে।

চড়বার আগে গাড়োয়ানকে বললুম—তোর ঘোড়া জ্যান্ত, না টিনের পাতের তৈরি ঘোড়া?

সে চমকে উঠলো। বললে—বলেন কি বাবু! জ্যান্ত ঘোড়া।

যাই হোক, গাড়ীতে উঠে বসলুম। গাড়ী চললো। গাড়োয়ান ক্রমাগত ছিপটি হাঁকড়াচ্ছে, আর ‘হিয়ো-হিয়ো’ করছে। আমরা কজনে গল্প-গুজবে মত্ত।

সকল রাস্তা। রাস্তার দুধারে মাঠ আর ঝোপ-ঝাড়-জলা। আধ ঘণ্টা যাবার পর গাড়ী থামলো। তারপর গাড়ী আর চলে না। ঘোড়াকে গাড়োয়ান যা-তা অকথা গালাগাল দিচ্ছে আর দুহাতে ছিপটি দিয়ে পিটছে। শেষে গাড়ী থেকে নামলো গাড়োয়ান। নেমে ছিপটির ঝাঁট দিয়ে ঘোড়াকে প্রহার।

আমরা গাড়ী থেকে নামলুম। বললুম—করছিস্ কি রে? ঘোড়া যে মরে যাবে!

গলদঘর্ম গাড়োয়ান শেষে ছিপটি ফেলে দিয়ে বললে—না বাবু, গাড়ী যাবে না।

—কেন?

গাড়োয়ান বললে—আজ্ঞে, একটা ঘোড়ার এখনি বাচ্ছা হবে।

এ গল্প শুনে আমরা হেসে খুন।

শরৎচন্দ্র বললেন—তোমরা হাসছো, কিন্তু আমাদের দুর্গতির কথাটা ভাবো! সেই অজ্ঞানা পাড়াগায়ে বন-বাদাড়ের ধারে আমরা তখন যাকে সাহিত্যে বলে—কিংকর্তব্যবিমূঢ়!”

[সৌরীনবাবু শরৎচন্দ্রকে ঠিকই বলেছিলেন—“কলকাতায় অফিসে চাকরি করতে জুটলে কবে?”—কেননা শরৎচন্দ্র কলকাতায় কোন অফিসে কোনদিনই চাকরি করেন নি। তাই তাঁর জীবনপুর্বে বরযাত্রী যাওয়ার ব্যাপারে কিছুও সত্য আছে কিনা, তা বলা যায় না। এ গল্পটা যাই হোক, দ্বিতীয় গল্পটাও কিন্তু একটা বানানো গল্প বলেই মনে হয়। কেননা শরৎচন্দ্রের দরদী স্বভাবের সঙ্গে ধারা পরিচিত, তাঁরা সকলেই স্বীকার করবেন যে, রোগা ঘোড়াকে গাড়োয়ান একটানা দুহাতে ছিপটি দিয়ে পিটছে দেখলে, শরৎচন্দ্র কখনই সে

গাড়ীতে বসে নিশ্চিন্তে গল্প-গুজবে মত্ত থাকতে পারতেন না। তিনি গাড়োয়ানকে তখনই বাধা দিতেন এবং সে গাড়ীতে আর চাপতেনও না।

ঘোড়ার গাড়ীর গাড়োয়ানরা গাড়ীতে যাত্রী নিয়ে ঘোড়াকে চাবুক মারে বলে, শরৎচন্দ্র সাধারণতঃ ঘোড়ার গাড়ীতে চাপতেন না। ঘোড়ার প্রতি শরৎচন্দ্রের এইরূপ দরদের প্রসঙ্গে সৌরীনবাবু তাঁর ‘শরৎচন্দ্রের জীবন-রহস্য’ গ্রন্থেই অল্পত্র লিখেছেন—

“১৯২০-২১ সালের কথা। শিশির-সম্পাদক শিশিরকুমার মিত্র তখন শিশির পাবলিশিং হাউস খুলেছেন। কলেজ স্ট্রীট মার্কেটের দোতলায় বড় হলঘরে তাঁর অফিস। তিনি প্রকাশ করলেন রবীন্দ্রনাথের ‘পয়লা নম্বর’। শরৎচন্দ্র উপস্থাপন দেবেন ‘বামুনের মেয়ে’—কথাবার্তা পাকা।

শরৎচন্দ্র তখন থাকেন শিবপুরে। শিশিরকুমার মাঝে মাঝে সন্ধ্যার সময় যান তাঁর কাছে শিবপুরে তাগাদ দিতে এবং আরো নানা কথা আলোচনা করতে। গল্পাদি করে ফিরতে রাত এগারোটা বেজে যায়। তিনি ঘোড়ার গাড়ীতে যাতায়াত করতেন।

শরৎচন্দ্রের বাড়ী ছিল গলির মধ্যে। তিনি প্রায়ই গলি থেকে বেরিয়ে বড় রাস্তার উপর এসে বিদায়-সম্ভাষণ জানাতেন। ঘোড়ার গাড়ী দেখে শরৎচন্দ্র খুঁৎখুঁৎ করতেন। বলতেন—ঘোড়ার গাড়ীতে চড়, আমার মনে ব্যথা লাগে। গাড়োয়ানরা চাবুক মারে ঘোড়াকে, আমি কেমন সহ্য করতে পারি না।

শিশিরকুমার বললেন—ঘোড়ার গাড়ী ছাড়া আসবো-যাবো কি করে? অত রাজে ট্রামও পাওয়া যায় না এবং হেঁটে যাওয়াও নিরাপদ নয়।

তিনি যতবার ঘোড়ার গাড়ী দেখেছেন, ততবারই কাতরভাবে অভিযোগ করেছেন।” ]

## কাশীর ভূত

সৌরীন্দ্রমোহন মুখোপাধ্যায় একবার শরৎচন্দ্রকে প্রেম করেছিলেন—ভূমি ভূত মানো ?

শরৎচন্দ্র বলেছিলেন—ওরে বাবা খুব মানি ! ভূত দেখেছি। তাছাড়া আমার বাবার মুখে একটি কাহিনী যা শুনেছি, তা ভুলবার নয়।

শরৎচন্দ্র তখন তাঁর বাবার দেখা বা প্রত্যক্ষ করা ভূতের গল্পটি সৌরীন-বাবুকে শুনিয়েছিলেন। সে গল্পের ঘটনা কাশীধামের।

শরৎচন্দ্র বলেছিলেন—

বাবা কাশীতে কিছুদিন বাস করেছিলেন। পূজার্তনায় তাঁর বেশ মন ছিল। নিত্য অন্নপূর্ণা-বিশ্বনাথের মন্দিরে যাওয়া এবং অল্প মঠ-মন্দিরে ঘোরা বাদ দিতেন না।

একদিন তিনি এক মন্দিরে গুলেন, এক ভদ্রলোকের দুঃখের কাহিনী।

ভদ্রলোক বললেন—তাঁর বাড়ীতে তিনি নিত্য পূজা করেন—শালগ্রাম শিলা পূজা। তিনি নিজে পূজা করেন, রাত্রে ঠাকুরের আরতি করেন এবং রাত্রে আরতির পর ঠাকুরঘরটি বেশ গুছিয়ে রেখে আসেন। ঠাকুরঘরে তালা লাগানো থাকে রাত্রে। কেন না, বিগ্রহের সঙ্গে সোনার গহনা আছে, পাছে চুরি যায়।

ভদ্রলোক বললেন—রাত এগারোটা বারোটা নাগাদ তালাবন্ধ ঠাকুরঘরে তিনি আরতির ঘট্টা শোনেন। তালা খুলে ঘরে ঢুকে দেখেন, কোথাও কেউ নেই, অথচ ঠাকুরের সামনে আসন পাতা। আসনের কাছে থালায় ফুল, তুলসীপাতা প্রভৃতি উপকরণ। সেগুলো বেশ সাজানো-গুছানো নয়—পাছ থেকে ফুল প্রভৃতি নিয়ে পূজা করা হয়েছে যেন—কোষাকুষ্টিতে জল পৰ্বন্ত !

অথচ ভদ্রলোক নিজে আরতি শেষ করে কোষাকুষ্টি, পুষ্পপাত্র প্রভৃতি সাজিয়ে গুছিয়ে যথাস্থানে রেখে, বেরিয়ে এসে ঘরে তালা বন্ধ করেছেন। তার উপর শালগ্রাম শিলাকে ঠাকুরের বিছানায় শুইয়ে ভদ্রলোক ঠাকুরের

খাটে মশারি পৰ্বন্ত ফেলে এসেছিলেন—ঠাকুর ঘুমোবেন। কিন্তু তালা খুলে অত রাতে ঠাকুরঘরে গিয়ে দেখেন, ঠাকুরের খাটের ছোট মশারি তোলা। ঠাকুরকে বিছানা থেকে নাশিয়ে আসনের সামনে তামার টাটে রাখা এবং শালগ্রাম শিলার গায়ে চন্দনলেপন, ফুল, তুলসীপাতা। তিনি আরতির পর ঠাকুরঘর থেকে বেরিয়ে আসবার পর এ চন্দন, এ ফুল কোথা থেকে কে নিয়ে এলো? আশ্চর্য কথা! শুধু এক রাত্রি নয়—প্রতি রাতে এ ব্যাপার।

এ কাহিনী শুনে বাবার কোঁতুহল হলো। তিনি বললেন—আমাকে স্মরণ দেবেন, এ রহস্যের যদি মীমাংসা করতে পারি।

ভদ্রলোক বললেন—ভূতের কাণ্ড মশায়! তবে মজা এই, বাড়ীতে আজ পৰ্বন্ত কেউ ভয় পায় নি। এ ভূত ভয় দেখায় না, শুধু ঠাকুরঘরে ঐ আরতি-পূজা করা তার কাজ। টাইম একেবারে বাঁধা—রাত বারোটা নাগাদ এ ব্যাপার ঘটে। তার আগেও নয়, পরেও নয়।

যাই হোক, সে ভদ্রলোক রাজী হলেন এবং বাবাকে সেই রাতেই তাঁর বাড়ীতে আসবার জন্ত অহরোধ করলেন।

বাবা সেদিন সন্ধ্যার পর আহালাদি করলেন না। গঙ্গাস্নান করে শুদ্ধাচারে ভদ্রলোকের বাড়ীতে উপস্থিত হলেন। পূজারতি দেখলেন এবং পূজারতির পর যথারীতি ঠাকুরঘর যখন তালাবদ্ধ হবে, তিনি তখন গৃহস্বামীকে বললেন—রাতে তালাবদ্ধ করবেন না, আমি ঠাকুরঘরে থাকবো রাত বারোটা পৰ্বন্ত। তবে আমি একলা থাকবো, আপনারা কেউ ঠাকুরঘরে থাকবেন না।

ভদ্রলোক রাজী হলেন এবং বাবা ঠাকুরঘরে রইলেন। ঘরে প্রদীপ জ্বলতে লাগলো।

তারপর দশটা বাজলো, এগারোটা বাজলো এবং বারোটা বাজে-বাজে, তখন বাবা দেখলেন—গরদের থান পরা, গায়ে নামাবলী জড়ানো এক বৃদ্ধ ব্রাহ্মণ ঘরে! কোথা দিয়ে এলেন, তা নজরে পড়ে নি। তিনি ব্রাহ্মণের পানে ঠায় চেয়ে আছেন।

ব্রাহ্মণ আসন পাতলেন, কোষাকুশি নিয়ে তাতে ঘড়া থেকে গঙ্গাজল ঢাললেন। তামার টাট নাশিয়ে আসনের সামনে রাখলেন, শালগ্রামকে শয্যা থেকে বার করে সেই তামার টাটে রাখলেন।

বাবা অতি নিকটে বসে আছেন, তাঁর দিকে বৃদ্ধ ব্রাহ্মণের দৃকপাত নেই।



বাবা নিঃশব্দে দেখছেন। ব্রাহ্মণ পূজায় বসলেন—কোষার জল নিয়ে আচমন, আসনশুদ্ধি, তারপর পূজা। সচন্দন ফুল পড়তে লাগলো শালগ্রামের গায়ে—যথারীতি পূজা। বাবা কাঠ হয়ে বসে সে পূজা দেখছেন। তারপর আরাত। ঘটা বাজিয়ে, পঞ্চপ্রদীপ জ্বলে যথারীতি আরতি। তারপর বৃদ্ধ ব্রাহ্মণ হঠাৎ অদৃশ্য হলেন।

বাবা ঠাকুরঘরের দরজা খুললেন। ঘরের বাইরে ভদ্রলোক এবং তাঁর বাড়ীর কজন পরিজন। বাবা তাঁদের সমস্ত ব্যাপার বললেন। বৃদ্ধ ব্রাহ্মণের চেহারার যে বর্ণনা দিলেন, শুনে ভদ্রলোকের গায়ে রোমাঞ্চ! তিনি বললেন—এ চেহারা আমার স্বর্গগত বাবার। তিনি নিজে পূজাদি করতেন।

বাবা বললেন—কাল রাত্রেও আমি এ ঘরে থাকবো এবং চেষ্টা করে দেখবো যদি কোন কথা জানতে পারি।

পরের দিন রাত্রে বাবা কি করলেন জানো? সে রাত্রে ভদ্রলোককে পূজারতি করতে দিলেন না। বললেন—আমিই পূজারতি করবো এবং পূজায় বসবো রাত পৌণে বারোটায়।

কথামতো কাজ। ঠাকুরঘরে বাবা পূজায় বসেছেন। তিনি আরতি করবেন, হঠাৎ পাশে সেই বৃদ্ধ ব্রাহ্মণ!

বাবা বললেন—আমায় অমুখতি দিন, আমি আরতি করি।

বৃদ্ধ ব্রাহ্মণ বললেন—করো, আমি দেখবো।

বাবা আরতি করলেন। আরতির পর বৃদ্ধকে বাবা বললেন—আপনি কেন এত কষ্ট করে ইহলোকে আসেন?

বৃদ্ধ উত্তর দিলেন—ছেলে পূজারতি করে, কিন্তু শুদ্ধাচারে করে না। তার চায়ের নেশা, সন্ধ্যায় চা খেয়ে তারপর আরতি করে।

—আমি তাঁকে মানা করে দেবো।

—হ্যাঁ, তাকে বুঝিয়ে বলবে—ঠাকুর-দেবতার পূজায় ফাঁকি চলে না। পূজা যদি করতে হয় তো আচার রক্ষা করে পূজা করা চাই, না হ'লে শুধু ফুল ফেলা আর ঘটা নাড়াতেই ঠাকুরের পূজা হয় না। বহুকাল থেকে আমি ওর এ অনাচার লক্ষ্য করছি। পূজারতি অনেক কাল থেকেই আমি রাত্রে এসে করি। সকালে যারা ঠাকুরঘর ধুয়ে মুছে-সাক করতে আসে, তাদের খেয়াল থাকে না, ঘরে এত ফুল পড়ে আছে কেন! তাই ওদের যাতে টনক নড়ে

সেজ্ঞা ঘণ্টা বাজানো শুরু করেছি আরতির সময়। আগে আমার ঘণ্টা নাড়ায় শব্দ করতাম না। এখন করি শুধু এদিকে ওদের মনোযোগ আকর্ষণের জন্ত।

এমনি উপদেশ দিয়ে ব্রাহ্মণ আরো বলেছিলেন—পূজায় যদি মন বা বিশ্বাস না থাকে, তাকে বেলো, ভড়ং করবার প্রয়োজন নেই—শালগ্রামকে যেন গঙ্গায় দিয়ে আসে। কিন্তু বহু পুরুষ ধরে এ শিলা ঘরে আছেন, এঁর থাকার জন্ত বহু অকল্যাণ রোধ হয়েছে। শিলা হলেন রক্ষক। গঙ্গায় দিলে ঘর-সংসার অরক্ষিত থাকবে, তার ফলে বহু অকল্যাণ হবার আশঙ্কা আছে।

শরৎচন্দ্র বললেন—বাবা তারপর প্রশ্ন করেন—আপনার আর কিছু বলবার আছে ?

তিনি বললেন—হ্যাঁ, গয়ায় গিয়ে মরা বাপের পিণ্ডিটা দিয়ে আসতে বেলো। এ তেঁ শক্ত কাজ নয়।

সৌরীনবাবু একাগ্রমনে এ কাহিনী শুনছিলেন।

শরৎচন্দ্র বললেন—বাবা সেই ভদ্রলোককে পরে সমস্ত কথা বললে, সেই ভদ্রলোক গয়ায় গিয়ে তাঁর মৃত পিতার আত্মার শান্তির জন্ত পিণ্ড দিয়ে এসেছিলেন এবং তিনি পরে আচারনিষ্ঠ হয়ে পূজা করতেন।

## অপারেশন

১৩৬০ সালের 'দৈনিক বসুমতী'র শারদীয়া সংখ্যায় প্রেমাস্কুর আতর্ষীর শরৎচন্দ্র সম্বন্ধে একটি লেখা প্রকাশিত হয়েছিল। প্রেমাস্কুরবাবুর সেই লেখাটি এখানে উদ্ধৃত করা গেল—

“হয়তো অনেকেই জানেন না যে, শরৎচন্দ্র খুব ভালো গল্প-বলিয়ে ছিলেন। এদিক দিয়েও তিনি ছিলেন একজন উচুদরের আর্টিস্ট। তাঁর লেখার চেয়ে গল্প বলার কায়দা ছিল আরো মনোহর। এ কথা এই জন্ত বলছি যে, ছাপা হয়ে যাবার পর সে গল্প বা কাহিনীর অন্ত কোন রূপ কল্পনা করা পাঠকের পক্ষে সম্ভব নয়। কিন্তু একই ঘটনা বা কাহিনীকে শরৎচন্দ্র দিনের পর দিন ভিন্ন ভিন্ন রঙে রাঙিয়ে তুলতেন—একদিনের বর্ণনার সঙ্গে অল্পদিনের এত তফাৎ থাকত যে, একই ঘটনাকে ভিন্ন বলে মনে হ’ত।

প্রতিভার লক্ষণই হচ্ছে—‘মুড়’। তিনি যেদিন যে রকম ভাবের খেয়ালে মশগুল থাকতেন, বর্ণনাও সেদিন সেই ভাবে রঙিয়ে উঠত।

শরৎচন্দ্র আমাদের আড্ডার নিয়মিত আড্ডাধারী ছিলেন। যখন শিবপুরে থাকতেন, তখন তো প্রায়ই আসতেন। এমন কি কলকাতা থেকে পানিত্রাস (শরৎচন্দ্রের গ্রামের নাম সামতাবেড়। সামতাবেড়ের পাশেই পানিত্রাস। পানিত্রাস সামতাবেড়ের ডাকঘর।) চলে যাবার পরও তিনি ঘন ঘন আসতেন আমাদের আড্ডায়, আর আমরাও মাঝে মাঝে সেখানে যেতুম।

শরৎচন্দ্র আমাদের সবাইকে ‘তুমি’ বলে সম্বোধন করতেন। এক সত্যেন-বাবুকে (সত্যেন দত্ত) ‘আপনি’ বলতেন। আমাদের আড্ডার চার বক্ষ্যো-পাধ্যায় ও সৌরীন মুখোপাধ্যায় তাঁর পুরাতন বন্ধু ছিলেন। অপেক্ষাকৃত অল্প বয়সে ভাগলপুরে থাকতে গুঁদের জানাশোনা হয়েছিল।

শরৎচন্দ্রকে আমরা শরৎদা বলতুম। বয়সে ছোট সব পরিচিত লোকই তাঁকে শরৎদা বলে ডাকত। শরৎদা যেদিন আসতেন, সেদিন তিনিই হতেন আমাদের গোষ্ঠীমঞ্চের প্রধান নট। নানা রকমের গল্প ও আলোচনায় তিনি

একাই আসর এমন জমিয়ে তুলতেন যে, আড্ডা ছেড়ে লোক আর উঠতেই চাইত না। আমাদের আড্ডায় তাঁর জন্ত একটি ইঞ্জিনের নির্দিষ্ট ছিল। তিনি এলেই সেই আসন তাঁকে ছেড়ে দেওয়া হ'ত। আসন গ্রহণ করবার পাঁচ-সাত মিনিট যেতে না যেতেই স্বক হ'ত কথার বরণা—

গল্প বলতে বলতে শরৎদা ক্রমেই উত্তেজিত হয়ে উঠতেন, আর সেই সঙ্গে বাড়ত অস্থিরতা। সিগারেটের পর সিগারেট উড়ছে, কাপের পর কাপ চা উড়ছে, তার সঙ্গে ছুটেছে অবিরাম গল্পের ফোয়ারা। থেকে থেকে তিনি আসন ছেড়ে উঠে ঘরের মধ্যে পায়চারি স্বক করে দিতেন—অস্থিরতা একটু কমে গেলে আবার এসে বসে স্বক করতেন কথা।

এই সময় শরৎদা আমাদের কাছে এমন অনেক গল্প করেছেন, যা পরে সাহিত্যে রূপ পেয়ে অমর হয়ে গিয়েছে। কিন্তু তাঁর গল্প বলবার অপূর্ব ভঙ্গি ও অভিনয়, কণ্ঠস্বর কখনো উঠছে, কখনো নামছে—ধ্বনির মধ্যেই হান্ত-রক্ত-করণ রসের প্রস্রবণ,—তা হারিয়ে গিয়েছে চিরকালের জন্ত।

শরৎদার বর্ণিত অনেক গল্পের মধ্যে একটা গল্প এখনো সাহিত্যে রূপ পায় নি বলে মনে হচ্ছে। সেটি হচ্ছে তাঁর হাণিয়া অপারেশনের কাহিনী। দীর্ঘদিনের ব্যবধানে তাঁর সেই বর্ণনার অপূর্ব জৌলুব অনেকখানি ম্লান হয়ে গেলেও, যতটুকু এখনো মনে আছে তাও উপভোগ্য হবে বলে মনে করে প্রকাশ করছি। শরৎদার জবানিতেই আরম্ভ করা যাক :—

একবার ছেলেবেলার ঘোড়া থেকে পড়ে গিয়ে হয়ে গেল হাণিয়া। মহা মুন্সিল, চলতে ফিরতে পারি নে, যন্ত্রনায় অস্থির! গেলুম ডাক্তারের কাছে।

ডাক্তার মানে আমাদের গায়ের ডাক্তার। ডাক্তার তো অবস্থা দেখে নিজেই ভড়কে গেল। সে বললে—এ তো এমনিতে যাবে না, অস্ত্র করতে হবে। ট্রাস পরে থাকলে যন্ত্রণার অবসান হবে, কাজকর্ম অল্পাধিক করতে পারবে। নইলে অবিলম্বে মারা যাবার সম্ভাবনা আছে।

বলে কি রে বাবা! কোমরে সেই ট্রাস এঁটে আমি বেড়াতে পারব না। এতে ঘাই হোক!

বললাম—হ্যাঁ ডাক্তারবাবু, অস্ত্র করলে ভালো হতে পারি না?

ডাক্তার গম্ভীরভাবে বললে—হ্যাঁ, তা ভালো হতে পার, আবার—

—আবার কি মশায়?

—আবার না-ও হতে পার। হার্ণিয়া অপারেশন করে শতকরা পঞ্চাশটি লোক মারা যায়। তাছাড়া অপারেশনের পরেও আবার হতে পারে।

—তবে উপায়! আমি তো মশায় ট্রাস পরে ঘুরে বেড়াতে পারব না—তাতে মারা যাই যাবো।

ডাক্তার এমন করে একটা ঢোঁক গিললেন, যাতে মনে হ'ল অনেক কথাই বলবার ছিল, কিন্তু তা না বলাই ভালো। যাই হোক, ঢোঁকের পর কিছু উদ্দগারের আশায় অপেক্ষা করতে লাগলুম। কিন্তু সে উদ্দগার উঠছে না দেখে, জিজ্ঞাসা করে ফেললুম—ডাক্তারবাবু, আমি অপারেশন করাব স্থির করেছি, আপনি করবেন?

ডাক্তার বললেন—ও সব বড় বড় অপারেশন কি আর বাড়ীতে হয় হে! কাটাতে যদি চাও তো হাসপাতালে যেতে হবে।

হাসপাতালের নাম শুনে দস্তুর মতো ভড়কে গেলুম। ছুনিয়ায় যার কেউ নেই, সে ব্যক্তিও নেহাৎ জীবন-মরণের ব্যাপার না হ'লে সেকালে হাসপাতালে যেত না। সাধারণের বিশ্বাস ছিল যে, হাসপাতালে ঢুকলে তাকে একেবারে খার্টে চড়ে বেরোতে হয়। আগের দিনে যেমন লোকে উইল করে তীর্থ করতে যেত, সে সময়ে হাসপাতালে যেতে হ'লেও বিষয়ী লোক উইলের কথাটা ভেবে নিত।

যাই হোক, বাড়ীতে হাসপাতালের নাম করতেই তো সেখানে মড়া কান্না উঠে গেল।

গুরুজনেরা বললেন—ডাক্তারের ত্রি-সীমানায় যেও না, বাঘে ছুঁলেই আঁঠার ঘা।

জোরসে জড়ি-বুটি, মস্তপুত তৈল, কবচ ইত্যাদি চলতে লাগল, কিন্তু কিছুতেই কিছু হয় না। শেষকালে যন্ত্রণায় অস্থির হয়ে ঠিক করলুম—যা থাকে কপালে, হাসপাতালে গিয়ে অস্ত্রই করাব। সেয়ে যদি যাই তো বেঁচে গেলুম, আর যদি মরে যাই তো এ যন্ত্রণা থেকে রক্ষা পেয়ে যাব। এই মনে করে কিছু টাকা সংগ্রহ করে, একদিন কাউকে না জানিয়ে বাড়ী থেকে পালিয়ে কলকাতা আসা গেল।

মেডিক্যাল কলেজে ঢোকা হবে না, তাহলে বাড়ীর লোক টের পেয়ে গিয়ে

বাধা দিতে পারে মনে করে, ভাবলুম অল্প কোথাও চেষ্টা করে দেখা যাক। কিন্তু অল্প কোথায় বা চেষ্টা করি! এখন যেমন অলিতে গলিতে হাসপাতালের ছড়াছড়ি, তখন তা ছিল না। খোঁজ করতে করতে শেষকালে হৃদিশ একটা লেগে গেল।

কলকাতার একজন উৎসাহী চিকিৎসক, ডাক্তার চৌধুরী তাঁর নাম। তিনি একটি বেসরকারী হাসপাতাল প্রতিষ্ঠা করেছিলেন সেই যুগে। ভদ্রলোক জীবন-মরণ পণ করে সেই হাসপাতাল ও তৎসংলগ্ন মেডিক্যাল স্কুলে নিজেকে নিযুক্ত করেছিলেন। তখনকার দিনে শহরের উপান্তে শৃগাল-নেকড়ে অধ্যুষিত খানিকটা জমিতে চালাঘরে ছিল সেই হাসপাতাল। যে রুগীকে সব হাসপাতাল থেকে তাড়িয়ে দেওয়া হ'ত, তারা গিয়ে জুটত সেই চৌধুরীর হাসপাতালে। ঠিক করা গেল, এইখানে গিয়ে ভর্তি হ'লে কোন খোঁজ পাওয়া বাড়ীর লোকের পক্ষে সম্ভব হবে না।

পরের দিন সকালবেলা তো ভাই তাদের আউটডোরে গিয়ে বললুম—  
আমি হার্মিয়া কাটাতে চাই।

—আরে এস এস।—তারা শুনে তো আমায় মহাসমাদর করে ভতি করে নিলে। বললে—বড় ভাল সময়ে এসে গেছ তুমি। কাল আমাদের বড় সার্জেনের অপারেশন করবার দিন। একটু পরেই তিনি আসবেন, তোমায় দেখে শুনে যাবেন।

ভতি হয়ে গেলুম। বড় সার্জেন এসে দেখে গেলেন। সঙ্গে ডাক্তার চৌধুরীও এলেন। তিনি বললেন—আজ আর তোমায় খেতে-টেতে কিছু দেওয়া হবে না। জোলাপ খেয়ে শুয়ে পড়।

আমাকে একটা আলাদা ঘরে থাকতে দেওয়া হ'ল। ভাবলুম, ভালই হ'ল। অল্প রুগীদের সঙ্গে থাকতে হ'লে তারা সব চ'্যা-ভ্যা করবে দিনরাত, এ বেশ নিরালায় থাকা যাবে।

শুয়ে আছি আর ভাবছি। বেলা প্রায় বারোটা নাগাদ এক ভদ্রলোক একটি আউল-গ্রাস ভতি করে জোলাপ এনে বললে—নাও, খেয়ে ফেল। এটা জোলাপ।

বললুম—বশাই, জোলাপ তো খাওয়াছেন—তার আগে দয়া করে পাখানাটা দেখিয়ে দেবেন কি ?

লোকটা তিরিক্সি হয়ে বললে—বাক্যি-টাক্যি তো বেশ বেয়োয় দেখছি—  
ঐ যে পায়খানা।

পায়খানাটা দেখিয়ে দিয়ে লোকটি বললে—যাও, আজকের মত উঠে হেঁটে  
যাও, আর তো উঠতে হবে না—

আউন্স-গেলাসটা শেষ করে তার হাতে দিয়ে বললুম—কেন মশাই?

বেশ চটে গিয়ে সে বললে—কেন মশাই! এখানে মরতে এসেছ কেন?  
সম্মানে কি কেউ এখানে আসে!

—বলেন কি!

—ই্যা কেউ রাস্তায় গাড়ী চাপা পড়ল—কেউ বিষ খেয়ে শেষ অবস্থায়  
পৌছল—যার তিন কুলে কেউ নেই, রাস্তায় পড়ে মরছে, রাস্তার লোকে তুলে  
এইখানে পৌছে দিয়ে গেল—লাশটা মড়া কাটার কাজে লাগল—

লোকটা আরো কি সব গজ-গজ করতে করতে বেরিয়ে গেল।

ভাবলুম, আর কেন, এবার লম্বা দেওয়া যাক। শেষকালে কি বেঘোরে  
প্রাণটা খোয়াব! গুটি গুটি করে ঘর থেকে বেরিয়ে এদিক-ওদিক দেখছি,  
একটু ফাঁকা পেলেই সরে পড়ব। কিন্তু লোক লোক লোক—লোক চলার  
আর বিরাম নেই। সবাই ইঁ করে আমার মুখের দিকে চায়। এই রকম  
করতে করতে প্রায় দু ঘণ্টা কেটে যাবার পর একটু নিরিবিলি হতেই, পালাব  
মনে করে কয়েক পা এগিয়েছি—এমন সময় পেটের ভেতর, বুঝলে কিনা, ডাক  
ছাড়লে—কোন ছায়?—

দরজার দিকে না গিয়ে ছুটতে হ'ল পায়খানায়। এক পায়খানাতেই  
হাত-পা ঝিমঝিম করতে লাগল। কিন্তু রেহাই নেই—বার কয়েক যাতায়াত  
করে একেবারে নিঃশ্বাস হয়ে এসে বিছানায় শুয়ে পড়লুম।

সন্ধ্যা হবার একটু আগে ডাক্তার চৌধুরী এসে একবার দেখে গেলেন।  
বললেন—ঘর ঠিক আছে তো?

বললুম—ঠিক আছে কি মশায়? খিদের চোটে মারা গেলুম যে। হয়  
আমাকে কিছু খেতে দিন, নইলে আমি বাইরে গিয়ে খাবার-দাবার খেয়ে  
আসি।

ডাক্তার চৌধুরী খিঁচিয়ে উঠলেন—বাইরে খাবার খেয়ে এসে একেবারে  
আমায় উদ্ধার করবে—জানো, তোমার পেট থেকে বদহজম খাবার বের করতে

আমার কত খরচ হয়েছে? আজ আর কিছু খেতে পাবে না—কাল অপারেশন হবে, চূপ করে শুয়ে থাক।

দেখলুম, এখানকার সবার মেজাজ তেরিয়া। যাক, পড়েছি মোগলের পাল্লায় মনে করে চূপ করে পড়ে রইলুম। সারারাত অন্ধকারে পড়ে পড়ে নানান ভাবনায় ঘুমই এল না।

‘কালনিশি পোহাইল!’

ভোর হতে না-হতেই দুই ঘমের দূত ঝোলা নিয়ে এসে হাজির।

বললে—চল।

—কে বাপু তোমরা? কোথায় যেতে হবে?

ছ—একজন লোক—খুব সম্ভব হাসপাতালেরই পুরোনো রুগী তারা, সকাল বেলা এদিক-ওদিক করে বেড়াচ্ছিল। এগিয়ে এসে বললে—ঝোলায় উঠে পড়—উচ্চুগু হবার আগে ঝোলায় চড়তে হয়।

বুঝলুম, অপারেশন রুমে নিয়ে যাবার জন্ত ঝোলা এসেছে। বললুম—চল, আমি হেঁটেই যাচ্ছি, ঝোলায় চড়বার দরকার নেই।

যমদুতেরা কিছুতেই শুনলে না। তারা একরকম জোর করে আমায় পেড়ে ফেলে নিয়ে চলল অপারেশন-রুমে।

অপারেশন-রুমে পৌঁছে দেখি, সেখানে অনেক লোক আমার জন্ত অপেক্ষা করছেন। ডাক্তার চৌধুরীও রয়েছেন তাঁদের মধ্যে। দেখলুম, তিনিই সর্বসর্বা।

আমায় নিয়ে যাওয়া মাত্র ডাক্তার চৌধুরী বললেন—এস এস ছোকরা, তাড়াতাড়ি এই টেবিলে শুয়ে পড়। ভয় কি—ভয় নেই—কিছু ভয় নেই—মুখ দিয়ে কস করে বেরিয়ে গেল—ভরসাও তো কিছু পাচ্ছি নে।

আমার কথা শুনে ডাক্তার চৌধুরী চটে লাল—ভরসা পাচ্ছ না তো এখানে এসেছ কি করতে—শোবার হয়তো শুয়ে পড়, নয়তো চলে যাও—

অন্ত যারা সেখানে উপস্থিত ছিলেন তাঁরা মাঝে পড়ে বললেন—যাক যাক, শুয়ে পড়, তোমার কোন ভাবনা নেই।

ভয়ে ভয়ে জিজ্ঞাসা করলুম—মশায়, অজ্ঞান করা হবে তো?

চৌধুরী মশায় খিঁচিয়ে উঠলেন—না, তোমায় মুরগী জবাই করা হবে—এখন শুয়ে পড় তো।



ইষ্টনাম জপতে জপতে তো শুয়ে পড়া গেল। শুতে না শুতে মুখের ওপর  
কি একটা বাটির মত চাপা দিয়ে ভোস ভোস করে ছাড়তে লাগল ক্লোরোফর্ম।

বাপরে বাপ। একি দম বন্ধ করে দিয়ে অজ্ঞান করবে নাকি! কিন্তু  
প্রথমটা তাই মনে হলেও, পরে বেড়ে লাগতে লাগল হে! ক্লোরোফর্ম বেশ  
উঁচুদরের নেশা হে! হ'ল মন্দ নয়। শুয়ে শুয়ে বেড়ে নেশা উপভোগ করতে  
লাগলুম। কিন্তু স্নেহের পথে পদে পদে কণ্টক। একবার শুনলুম কে যেন  
বললে—হয়ে গিয়েছে।

—ওরে বাবা। হই নি—হই নি—এখনো অজ্ঞান হই নি। ডাক্তারবাবু  
এখনো আমার জ্ঞান আছে।

ডাক্তার চৌধুরীর গলা পেলুম—হও নি তো আমায় কেতাত্থ করেছ—  
শীগ্গির অজ্ঞান হও বলছি, নইলে সজ্ঞানেই অস্ত্র করে দেব।

নাকের ওপর ভোস ভোস করে নজোরে ক্লোরোফর্ম এসে পড়তে লাগল।  
নেশায় বুদ্ধ হয়ে গেলুম, কত রকমের মজার কল্পনা এসে জুটতে লাগল।  
ডাক্তার চৌধুরীকে নিয়ে মনে মনে একটা মজার গানও তৈরি করে ফেললুম।  
সেটা গাইব কিনা ভাবছি, এমন সময় চৌধুরীর গলা পেলুম—ছোকরা!

—আজ্ঞে।

—এখনো তুমি অজ্ঞান হও নি! হায় হায়, বদমাইস আমার চার আউন্স  
ক্লোরোফর্ম মেরে দিলে। লোকের কাছে ভিক্ষে করে আমি হাসপাতাল  
চালাই—এ রকম আর দুটি জুটলে তো হাসপাতাল তুলে দিতে হবে।

বললুম—আজ্ঞে মনে হচ্ছে এইবার অজ্ঞান হয়ে যাব।

বেশ কড়া গলায় ডাক্তার চৌধুরী বললেন—কত রকম নেশা করা হয়  
শুনি?

খাজে প্রশ্নের জবাব দিয়ে আর কি হবে! চূপ করে শুয়ে ক্লোরোফর্ম  
টানতে লাগলুম। ওরি মধ্যে কখন যে ভাই ঘুমিয়ে পড়লুম তা মনেও নেই।  
ক্লোরোফর্ম যে এমন উঁচুদরের নেশা হয়, হাসপাতালে না গেলে তা জানতেও  
পারতুম না।

জ্ঞান হয়ে মনে হ'ল, এ কোথায় যেন এসে পড়েছি। চারদিক অন্ধকার  
হয়ে গিয়েছে, ঘরের মধ্যে আবছা আবছা আলো, দেখলুম—সেই আলো-  
আধারির মধ্যে কারা যেন সব ঘুরে বেড়াচ্ছে। একটা লোক, তার এক পা

রাইট-এঙ্গেলের মত হাঁটু থেকে পেছন দিকে চলে গিয়েছে—লাঠি ধরে পাখীর মত এক পায়ে লাফাতে লাফাতে আমার কাছে এল। একটি জ্বীলোক, ব্যাণ্ডেজ-করা একথানা হাত তার গলায় বুলছে—আর একজন তার মাথায় ব্যাণ্ডেজ, একটা চোখ যেন ঠিকরে বেরিয়ে আসছে—আরো এই রকম দু'এক জন আমার খাটের কাছে এগিয়ে এসে আমায় দেখতে লাগল। অন্ধকারে তাদের মুখও ভাল করে দেখতে পাচ্ছিলুম না।

হঠাৎ মনে পড়ে গেল, আমি হার্শিয়া অপারেশন করাতে হাসপাতালে এসেছিলাম, অস্ত্র করবার পর বোধ হয় মরে গেছি। এই সব ল্যাংড়া খোঁড়ারাও হাসপাতালে মরেছে—ভূত হয়ে এখন চারদিকে ঘুরে বেড়াচ্ছে। ভাবতে ভাবতে কোমরে সাংঘাতিক জ্বালাবোধ হতে লাগল। প্রাণান্তকর জল তেষ্টায় গলা শুকিয়ে উঠতে লাগল। কোন রকমে গলা দিয়ে একটু স্বর বার করলুম—জল।

রাইট-এঙ্গেল-পায়া লোকটি বললে—এই যে জ্ঞান হয়েছে, আমরা তো মনে করলুম অজ্ঞানেই তোমার গঙ্গালাভ হ'ল—যাক, তোমার জ্ঞান হয়েছে।

—আমায় একটু জল দিতে পারেন?

একজন বললে—জল তো তোমায় দেওয়া হবে না বাপু!

জ্বীলোকটি বলতে লাগল—পোড়ারমুখো হাসপাতালে মরবার সময় মুখে একটু জল দেয় না গা!

লোকটি বললে—জল দেবে কি—পেট কাটা হয়েছে যে।

পেটে অসহ্য যন্ত্রণা হতে লাগল। যন্ত্রণায় গোড়াতে লাগলুম—বাবা গো, আর যে পারি না—

মাথায় ব্যাণ্ডেজওলা একচক্ষু লোকটি এগিয়ে এসে সহানুভূতির স্বরে বললে—বড় যন্ত্রণা হচ্ছে?

তারপর বিজ্ঞের মত ঘাড় নেড়ে বলতে লাগল—আঃ—এত যন্ত্রণা হবার কথা তো নয়!

বললুম—অসহ্য যন্ত্রণা হচ্ছে, আর সহ্য করতে পারছি না!

—তাহলে বাপু ওরা তোমার পেটে কোন যন্ত্রণাতি ভুলে রেখে দিয়েছে—আবার কাটতে হবে।

—অ্যা! আবার কাটতে হবে!—

মাথা ঘুরতে লাগল! চার আউল ক্লোরোফর্মের ঘাঁ করতে পারে নি, লোকটার এক কথায় তা হয়ে গেল—অর্থাৎ তখনই আবার অজ্ঞান হয়ে পড়লুম।”

[ শরৎচন্দ্র ছেলেবেলায় ঘোড়া থেকে পড়ে গিয়ে হার্মিয়ায় ভুগেছিলেন এবং তাঁর সেই হার্মিয়া অপারেশন করতে হয়েছিল—শরৎচন্দ্রের জীবনী আলোচনা করে এমন কোন ঘটনার কথা জানা যায় না। তবে তিনি রেজুনে থাকার সময় ১৯০৭ খ্রীষ্টাব্দের নভেম্বর মাসে তিন মাসের ছুটি নিয়ে একবার কলকাতায় এসেছিলেন এবং এসে হাইড্রোসল (?) অপারেশন করিয়েছিলেন, এ কথা জানা যায়।

শরৎচন্দ্র ছেলেবেলায় ভাগলপুরে থাকার সময় সেখানে তাঁর মামার বাড়ীতে একটা ঘোড়া ছিল। সেই ঘোড়াটি ছিল তাঁর মাতামহ কেদারনাথ গঙ্গোপাধ্যায়ের ছোটভাই অঘোরনাথের। শরৎচন্দ্র সেই ঘোড়ায় তখন খুব চাপতেন। এ সম্বন্ধে হরেন্দ্রনাথ গঙ্গোপাধ্যায় লিখেছেন—

“শ্রামবাবুর বাগানটি ছিল একটি অরক্ষিত পোড়ো বাগান—ছেলেদের এবং তাদের সর্দারের অর্থাৎ শরৎচন্দ্রের লীলাভূমি।

এই বাগানে ছোটকর্তার সফরের তৈজস-পত্রাদি বইবার জন্ত একটি ঘোটকী আর তার বাচ্চা নিত্য বিচরণ করত।...এই লাদনা-ঘোড়াটির পিঠে দাঁড়িয়ে তার গতির সঙ্গে শরীরের ভারটির সমতা অর্থাৎ ব্যালান্স রাখার কসরৎ দেখতে দেখতে বিশ্বয়ে, ভয়ে, আশায়, আনন্দে আমাদের দিনগুলি কত শীগগির কেটে যেত, তা মনে করলে আজও ভারি ভালো লাগে। এই খেলাটি বল বাহুল্য সার্কাসের অহুকরণেই প্রবর্তিত হয়েছিল। পরে রিং এবং বল-লোফা আর ঘোড়ার পিঠ থেকে ডিগবাজী খেয়ে নীচে এসে হুপায়ে সোজা হয়ে দাঁড়ান পর্যন্ত চমৎকার অভ্যাস হয়ে গিয়েছিল।”—‘শরৎ-পরিচয়’।

শরৎচন্দ্র তাঁর ছেলেবেলার ঘোড়ার চড়ার কাহিনীর সঙ্গে পরবর্তীকালের তাঁর অপারেশনের কাহিনীটি মিলিয়ে এবং তাতে হাসপাতালের ঘটনাটিতে কল্পনা জুড়ে, রসাল করে, এই গল্পটি বলেছিলেন বলে মনে হয়। ]

## কুকুরকে খাওয়ানো

শরৎচন্দ্র রেজুন থেকে ফিরে এসে হাওড়া শহরে থাকার সময়, মাঝে মাঝে তাঁর ছেলেবেলার স্মৃতি-বিজড়িত ভাগলপুরে বেড়াতে যেতেন। ভাগলপুরে গিয়ে তিনি তাঁর মামাদের বাড়ীতেই থাকতেন।

শরৎচন্দ্র এইরূপ একবার পূজার ছুটির সময় ভাগলপুরে বেড়াতে গিয়েছিলেন। সেবার গিয়ে তিনি তাঁর দুই সম্পর্কীয় মাতুল স্বরেন্দ্রনাথ গঙ্গোপাধ্যায় ও গিরীন্দ্রনাথ গঙ্গোপাধ্যায়কে সঙ্গে নিয়ে স্টীমারে করে কলকাতায় ফিরে এসেছিলেন।

ঐ সময় পাটনা থেকে কলকাতা পর্যন্ত একটা স্টীমার সাভিস ছিল। স্টীমার পাটনা থেকে ছেড়ে ভাগলপুর হয়ে শেষে পদ্মা দিয়ে গোয়ালন্দ আসত। তারপর স্বন্দরবন হয়ে ডায়মণ্ডহারবার দিয়ে কলকাতায় খিদিরপুরে আসত। আবার ঠিক এমনি বিপরীতভাবেই কলকাতা থেকে পাটনা যেত।

শরৎচন্দ্র তাঁর মাতুলদের নিয়ে স্টীমারে গোয়ালন্দ ও স্বন্দরবন হয়েই সেবার কলকাতায় ফিরছিলেন।

শরৎচন্দ্র তাঁর দুই মাতুলসহ ভাগলপুর থেকে যাত্রা করেছিলেন মধ্যাহ্ন-ভোজনের পরেই।

বিকালে তাঁদের স্টীমার কাহালগাঁয়ে এসে পৌঁছল। কাহালগাঁ একটা স্টীমার স্টেশন। এখানে স্টীমার কিছুক্ষণের জন্ত থামে। তাই শরৎচন্দ্র স্টীমার থেকে নেমে গেলেন।

এদিকে স্টীমার ছাড়বার সময় হয়ে গেল, তবুও শরৎচন্দ্র আসছেন না দেখে, তাঁর মামারা তাঁকে খুঁজতে গেলেন। তাঁরা গিয়ে দেখেন, স্টীমার ঘাটের অদূরে যাত্রীদের নিকট বিক্রয়ের জন্ত যে ছোট দোকানটি আছে, তার সামনের মাঠে শরৎচন্দ্র বসে আছেন। তাঁর চারদিকে পনের-কুড়িটি কুকুর ‘দহি-চুড়ার’ ভোজে রত। একটি বছর বার-তের বয়সের ছেলে শরৎচন্দ্রের পাশে দাঁড়িয়ে—তার দু হাতে দই চিড়ে মাখা। ঐ ছেলেটিই পরিবেশক।

শরৎচন্দ্রের মামারা গিয়ে বললেন—একি! স্টীমার যে ওদিকে ছাড়ে।

—না, সেদিকে আমার হ'স আছে। এখনও ভেঁ দেয় নি তো!

শরৎচন্দ্র এবার উঠে দোকানীকে টাকা দিলেন।

ছেলেটির মজুরি দিয়েও, কিছু খুচরা পয়সা দোকানীর কাছ থেকে তাঁর পাওনা হ'ল।

দোকানী সেই পয়সা ফেরৎ দিতে এলে, শরৎচন্দ্র বললেন—দেনে নেহি হোগা, উহা তুমহারা নাকামে গিয়া।

স্টীমারে ফিরে আসতে আসতে শরৎচন্দ্র তাঁর মামাদের বললেন—  
একদিনের একটা ঘটনা মনে পড়ে গেল। চল, স্টীমারে গিয়ে সেই ঘটনা বলছি।

শরৎচন্দ্র স্টীমারে এসে বসে তাঁর মামাদের সেই ঘটনাটা বললেন।

স্বরেনবাবু তাঁর ‘শরৎচন্দ্রের জীবনের একদিক’ নামক বইয়ে সেই ঘটনাটি সম্বন্ধে এইরূপ লিখেছেন—

“স্টীমারে ফিরিয়া সে গল্পটি আরম্ভ করিল—

তাঁদের অবস্থা খুবই ভাল। বাড়ীর মেয়েরা আমার বই পড়েই বোধ হয় আমার উপর মহা খুশী। একদিন আমার নিমন্ত্রণ হ'ল।

প্রকাণ্ড বাড়ী তাঁদের। মার্বেল পাথরের মেঝে; সেই মেঝের ওপর জুতসই একটা গালচের আসন পাতা—ক্রটি নেই কিছুই। আর যা খাবার দিয়েছে—তা দেখেই মনে হয়, আমি যেন একটা রাক্ষস।

দেখেই আমার মনে মনে রাগ হ'ল। খাচ্ছি আর ভাবছি, কি করি; হঠাৎ দেখি দূরে একদল কুকুর—বেজায় রোগা চেহারা। কোন জন্মে ভাল করে খেতে পায় নি তারা।

গৃহস্থামীকে বললাম—মশাই, একটা বড় গামলা-টামলা গোছের কিছু দিতে পারেন?

তিনি তো অবাক! জিজ্ঞাসা করলেন—হাত ধোবেন বুঝি?

বললাম—আমুন তো!

গামলাতে ভাত-ডাল, মাছ-তরকারি, মাংস-মিষ্টি, ক্ষীর-সর বা কিছু ছিল—সব মেখে, দুহাতে গামলা নিয়ে ছুট—একেবারে কুকুরগুলোর কাছে।

উ, কুকুরগুলো সত্যিই খেয়ে বাঁচল।

আমরা জিজ্ঞাসা করলাম—তারপর ?

শরৎ বললে—বাড়ীর লোকদের মুখে আর কথা ফোটে না। কর্তা শেষ পর্যন্ত আর থাকতে না পেরে বলেই ফেললেন—ছেলেপুলেরাও তো খেতে পারতো !

বললাম—মশাই তাদের জন্তু ভাবনা কি ? তারা তো রোজই খায়, কিন্তু কুকুরগুলো আজ খেয়ে বাঁচল।

আমাদের চুপ করে থাকতে দেখে শরৎ একটা দীর্ঘশ্বাস ফেলে বললে—  
যারা সত্যি খেতে পায় না, তারা খেলেই হয় অপব্যয় !

আমরা হাসতে লাগলাম।

শরৎ বললে—এখানেও ঠিক তাই। অত্যন্ত সোজা কথা, শুধু একবার চেয়ে দেখ ভাল করে। স্টীমার থামলে দেখি কিনা একদল কুকুর ছুটে আসছে। দেখেই বুঝেছি কতদিন হয়ত পেটে তাদের অন্ন পড়ে নি। এমন দেখলে কারই বা না ইচ্ছা হয়, ওই ক্ষুধার্ত কুকুরগুলোকে কিছু খাওয়াতে ?

সারেও বললে—মাল অনেক আছে ওঠা-নামার, দেরি হবে।

ব্যস নেমে পড়লাম। যদি কিছু ব্যবস্থা করতে পারি। দেখি দোকানে দই, চিড়ে, শালপাতা—আর কি ? শুভ্র শীতল ! এই তো ছোট ব্যাপার। সব মাহুষের মনে ও ইচ্ছাটুকু আছে—শুধু হুচোখ মেলে, সমস্ত মন দিয়ে দেখা আর বোঝা !”

[ প্রবাসী-সম্পাদক কেদারনাথ চট্টোপাধ্যায়ের একটি লেখা পড়ে দেখছি, হরেন্দ্রনাথ গঙ্গোপাধ্যায় ও গিরীন্দ্রনাথ গঙ্গোপাধ্যায়ের কাছে বলা শরৎচন্দ্রের এই কুকুরকে খাওয়ানোর গল্পটি, শরৎচন্দ্রের জীবনের একটি সত্যকারই ঘটনা। তবে শরৎচন্দ্র হরেনবাবুদের কাছে বলবার সময় সামান্য অদল-বদল করে বলেছিলেন। ঘটনাটি ঘটেছিল, দিল্লীতে ১৯২৩ খ্রীষ্টাব্দে।

১৩৭০ সালের চৈত্র সংখ্যা ‘কথা-সাহিত্য’ পত্রিকায় ‘পুরণো দিনের নানাকথা’ নামক একটি প্রবন্ধে কেদারবাবু এক জায়গায় শরৎচন্দ্রের ঐ কুকুরকে খাওয়ানোর প্রসঙ্গে লিখেছেন—

“সেটা ১৯২৩ সালের সেপ্টেম্বরের (কংগ্রেসের) স্পেশাল সেশন।...এই কংগ্রেস সেশনে বাঙ্গলার ডেলিগেটদের মধ্যে ছিলেন বিখ্যাত শরৎচন্দ্র চট্টোপাধ্যায়। তিনি ও অল্প কয়েকজন ডেলিগেট—যাদের মধ্যে দিলীপকুমার রায়ও ছিলেন—অতিথি হিসাবে সাদরে স্থান পেয়েছিলেন এইচ. সি. সেন এণ্ড কোং-এর বিশাল অট্টালিকার উপরতলায়।...সম্মুখের পর গেলাম এইচ. সি. সেন এণ্ড কোং-এর অতিথিশালায় থবর নিতে। অনেককণ অপেক্ষার পরও দেখা হ’ল না। আমি আশ্রয় পেয়েছিলাম, গাজিয়াবাদে এক বন্ধুর কাছে।...

সেদিন সন্ধ্যার নিয়ে শরৎবাবু অতিথিশালায় ফেরেন রাত্রি ন’টারও পরে।...তিনি সব খেতে বসেছেন, এমন সময় এক রাস্তার জীর্ণশীর্ণ নেড়িকুত্তা সদর দোর খোলা পেয়ে, কি মনে করে সিঁড়ি বেয়ে সেই তেতলার ঘরে ঢুকে সোজা শরৎবাবুর সামনে দাঁড়িয়ে লেজ নাড়তে আরম্ভ করল।

‘যাদের বাড়ীর কুকুরের এই অবস্থা, তারা আবার ভ্রলোক’—এই বলে সন্ধ্যা ও চাকর-বাকরদের ধমক দিয়ে থামিয়ে শরৎচন্দ্র নিজের থালার লুচি, মাংস ইত্যাদি সবই সেই সেই কুকুরকে খাওয়ালেন।

পরে শুনেছি, এই ব্যাপার নিয়ে হাসাহাসিও হয়েছিল।”

কেদারবাবুর লেখায় দেখা যাচ্ছে, শরৎচন্দ্র জীর্ণশীর্ণ রাস্তার কুকুরকে রাস্তার কুকুর বলে চিনতে না পেয়ে, বাড়ীর মালিকের কুকুর বলে ভুল করেছিলেন। ]

## যাত্রা।

শরৎচন্দ্র যখন বাজে শিবপুরে থাকতেন, তখন অমরেন্দ্রনাথ মজুমদার নামে সেখানে তাঁর একজন অত্যন্ত স্নেহভাজন প্রতিবেশী ছিলেন। (এই অমরবাবু বর্তমানে এই বই লেখার সময়, হাওড়ায় নরসিংহ দত্ত কলেজের ভাইস-প্রিন্সিপ্যাল।)

অমরবাবুদের গ্রামের বাড়ী শরৎচন্দ্রের সামতাবেড়ের বাড়ীর নিকটেই দেউলগ্রামে।

শরৎচন্দ্র তখন হাওড়া শহর ছেড়ে তাঁর সামতাবেড়ের গ্রামের বাড়ীতে গিয়ে বাস করছেন।

ঐ সময় অমরবাবুর বিয়ে হয়। অমরবাবুর বিয়ে তাঁদের গ্রামের বাড়ী থেকেই হয়েছিল।

অমরবাবু তাঁর বিয়েতে শরৎচন্দ্রকে নিমন্ত্রণ করেছিলেন।

শরৎচন্দ্র বৌ-ভাতের দিন দুপুরের একটু আগেই যথাসময়ে অমরবাবুদের বাড়ীতে গেলেন।

দুপুরে বৌ-ভাতের খাওয়া-দাওয়ার খানিকটা আগের কথা।

নিমন্ত্রিত বহু লোক এসেছেন। নিমন্ত্রিতদের মধ্যে বয়স্ক ব্যক্তিরা অমরবাবুদের বৈঠকখানায় সকলে মিলে শরৎচন্দ্রকে ঘিরে তাঁর মুখের কথা শুনছেন।

শরৎচন্দ্র তাকিয়া ঠেসান দিয়ে গড়গড়ায় তামাক খেতে খেতে নানা রকমের গল্প বলে যাচ্ছেন। এমন সময় কথায় কথায় গ্রামের যাত্রার দলের কথা উঠল। শরৎচন্দ্র বললেন—

আমি তখন ছেলেমানুষ! সেই সময় আমাদের দেশে একটা গ্রামে একবার আমি যাত্রা শুনতে গিয়েছিলাম। সে রাতে যাত্রার পালা ছিল—সাবিজী-সত্যবান।

পাড়াগাঁয়ে যেমন সাধারণতঃ হয়, রাত্রি ১০টা বেজে গেল যাত্রা শুরু হতে।



ইতিমধ্যে আসরে লোকে লোকারণ্য। যাই হোক, যাত্রা শুরু হ'ল। যাত্রাওয়ালারা ভালই অভিনয় করছিল। তাই দর্শকরা মুগ্ধ হয়ে অভিনয় দেখছিল।

যাত্রা বেশ জমে উঠল, যখন সত্যবান মারা গেলে সাবিত্রী তার মৃত স্বামীকে ফিরে পাবার জন্য যমের কাছে খুব কান্নাকাটি করতে লাগল।

যম মৃত সত্যবানকে নিয়ে যেতে চায়। কিন্তু সাবিত্রী সত্যবানকে ছাড়তে চায় না। সে যমের পায়ে ধরে কাঁদে। মেয়েটির সে কি কান্না! সে যে অভিনয় করছে, দেখলে তা কিছুতেই মনে হয় না। এত জীবন্ত অভিনয়!

কিন্তু নাট্যকার করেছিলেন কি জানেন, ঐ নাটকীয় চরম মুহূর্তে এনে তাঁর নাটকের একটা অঙ্ক শেষ করেছিলেন। তাই, একটা অঙ্কের শেষে আর একটা অঙ্ক আরম্ভ হওয়ার আগে পর্যন্ত সময়টার মধ্যে যে ঐকতান বাদন হয়, ঐ জম্যাটি সময়টায় সেই ঐকতান বাদন আরম্ভ হয়ে গেল।

এদিকে অভিনেতা যমরাজ তখন দর্শকদের মধ্য দিয়ে যাতায়াতের জন্য তাদের যে পথ ছিল, সেই পথ দিয়ে সত্যবানকে নিয়ে চলেছে। আর সাবিত্রী আকুলি-বিকুলি করে কাঁদতে কাঁদতে তার পিছু পিছু যাচ্ছে।

ঠিক ঐ সময় দর্শকদের ভিতর থেকে প্রোট গোছের একটি লোক উঠে দাঁড়িয়ে চীৎকার করে যমরাজকে ডেকে বললে—ওহে যমরাজ! শোনো, শোনো, যেও না। তুমি এক কাজ কর। ঐ ছুঁড়িটা অনেক কান্নাকাটি করেছে। ওর স্বামীটাকে ছেড়ে দাও। ওর স্বামীটাকে ছেড়ে দিয়ে বরং ঐ বাজনদারগুলোকে ধরে নিয়ে যাও। ওরা অনেকগুলো আছে। ব্যাটারা যাত্রাটাকে একেবারে মাটি করে দিলে গা! যখন যাত্রাটা জমে উঠেছে, তখনই কিনা বাজনা শুরু করে দিলে! তাও আবার একটা আধটা বাজনা নয়, একসঙ্গে একেবারে সব ক'টা।

শরৎচন্দ্রের গল্প শুনে শ্রোতারা খুব হাসতে লাগলেন।

## চরকা

১৯৩২ খ্রীষ্টাব্দে রামমোহন লাইব্রেরী হলে ভারতবর্ষ-সম্পাদক জলধর সেনের এক সম্বর্ধনা-সভায় শরৎচন্দ্র সভাপতি হন।

সভায় প্রবীণ-নবীন বহু সাহিত্যিক এবং গণ্যমান্য বহু ব্যক্তি উপস্থিত ছিলেন। শরৎচন্দ্রের আহ্বানে গুরুসদয় দত্ত ঐ সভায় এক মনোজ্ঞ বক্তৃতা করেছিলেন।

সভার শেষে শরৎচন্দ্র সেদিন আর তাঁর সামতাবেড়ের বাড়ীতে ফিরলেন না। বেহালায় মণীন্দ্রনাথ রায়ের বাড়ীতে আতিথ্য গ্রহণ করলেন। কলকাতায় তখনও শরৎচন্দ্রের বাড়ী হয় নি।

পরদিন সকালে শরৎচন্দ্রকে কেন্দ্র করে রায়বাড়ীতে বিরাট এক বৈঠক বসেছে। আগের দিন জলধর সম্বর্ধনা-সভায় যারা ছিলেন, তাঁদের অনেকেই এসেছেন। চা সহযোগে গতকালের জলধর সম্বর্ধনা-সভার কথাই আলোচনা হচ্ছে। শরৎচন্দ্র গুরুসদয়ের বক্তৃতার খুব প্রশংসা করলেন। গুরুসদয়ের কথা থেকে পল্লী-সংস্কার, পল্লী-সংস্কার থেকে আলোচনা শেষে চরকায় এসে দাঁড়াল।

একজন প্রশ্ন করলেন—শরৎবাবু, আপনি নিজে কি কখনো চরকা কেটেছেন?

শরৎচন্দ্র বললেন—আরে, আমার চরকাকাটা সে এক ইতিহাস। সে গল্প শুনবে? তবে বলি শোন—

চরকা আমি শুধু একাই কাটি নি, বাড়ীস্থল সবাই কেটেছি, মায় চাকরগুলো পর্যন্ত।

চাকরগুলোর চরকাকাটা শিখে তো খুব মজা, কাজে দেদার ফাঁকি দিতে লাগল। যদি জিজ্ঞাসা করি, হ্যারে তোরা অনুক কাজটা করিস নি কেন? তখুনি জবাব পাই, বাবু চরকা কাটছিলাম যে! চরকার নাম করলে আর কিছু বলাও যায় না, কেননা ভৃত্যরা আমার দেশোদ্ধারের কাজে লেগেছেন।

তা লাগুন, কিন্তু সত্যিকারের স্ত্রী তো যদি কিছু কাটত, তাহলেও না হয় বুঝতাম।

নিজের উপরই কি কম ধাকাটা গেছে! দেশবন্ধুর পাল্লায় পড়ে পচা তেলের ফুলুরি, কচুরি, নিমকি মাংস ছোলাভাজা পর্যন্ত খেয়ে গ্রামে গ্রামে চরকা চরকা করেই কি কম ঘুরেছি? অনেক দিন আবার তাও জোটে নি। চরকা চরকা করে এতটা অত্যাচার না করলে শরীরটা বোধ করি আজ এতটা খারাপ হতো না।

কত কাণ্ডই না করেছি! এই চরকা থেকেই শেষে তাঁতও বসানো হয়েছিল। স্বরেনমামা (স্বরেন্দ্রনাথ গঙ্গোপাধ্যায়) একদিন এসে বললেন— শরৎ, শুধু চরকায় তো হবে না, তাঁতও বসাতে হবে।

বললাম—ঠিক বলেছ।

অমনি লেগে গেলাম তাঁত বসানোর কাজে। ভাগলপুরে স্বরেনমামাদের ওখানে গিয়ে পাঁচ-সাতটা তাঁত বসালাম। বাঙ্গলা দেশ থেকে ভালো ভালো তাঁতি অগ্রিম টাকা দিয়ে নিয়ে গেলাম। কিন্তু কিছুদিন যেতে না যেতেই, এমন কি তাদের দাদনের টাকাটা শোধ না হতেই, তাদের বাড়ী থেকে চিঠি যেতে লাগল—কারো ছেলের অসুখ, কারো জ্বর অসুখ, টাকার অভাবে তাদের নাকি চিকিৎসা পর্যন্ত চলছে না। অতএব, দাও টাকা। দিলাম টাকা।

আবার চিঠি গেল—লোক অভাবে পাকা ধান মাঠে নষ্ট হচ্ছে, কার্টবার লোক নেই, অতএব পত্রপাঠ চলে এস। কারো চিঠি গেল—অমুকে নালিশ করেছে। মামলার তদ্বির করতে হবে চলে এস, না হ'লে সব যাবে। তাঁতিরা এ হেন সব চিঠি নিয়ে হাজির হয়, আর আমরা বাধ্য হয়ে রাহা খরচ আর ছুটি দিয়ে তাদের বাড়ী পাঠাই। কিন্তু ছুটি ফুরিয়ে গেলেও তারা আর ফেরে না। এদিকে তাঁতশালায় উইপোকারণও উৎপাত—ওদের তো আর দেশাস্ববোধ নেই!

হতাশ হয়ে স্বরেনমামা বললেন—দূর ছাই, পরের উপর নির্ভর করে আর কাজ চলবে না। তার চেয়ে এস, দেশলাইয়ের কারখানা করা যাক। দেশের কাজও হবে, পয়সাও হবে। তবে এবার কিন্তু আর লোক লাগানো নয়। নিজেরাই শিখব, নিজেরাই সব করব, কিছু অল্পগত ছেলেকেও কাজ শিখিয়ে নেওয়া যাবে।

স্বরেনমামার উপদেশ মতো তাঁত শিকেয় তুলে দেশলাইয়ের কল পাতা হ'ল। কিন্তু হিন্দুর ছেলেরা কেউ কাজ শিখতে এল না। শেষে পাওয়া গেল ক'টি মুসলমান ছেলে। তারা বললে—আমরা কাজ শিখব, কিন্তু আমাদের মজুরি দিতে হবে। স্বরেনমামা অনেক বলে-কয়ে দৈনিক চার আনাতে একটা রফা করে নিলেন।

স্বরেনমামা আমাকে বললেন—দেশে শিক্ষার অভাব। তা'নহিলে কি আর দেশের এমন দুঃবস্থা হয়!

যাই হোক, কাজ তো খুব জোরে চলতে লাগল। এমন সময় ইঠাৎ একদিন বাকুদে আগুন লেগে গেল। কারো হাত পুড়ল, কারো পা পুড়ল, কারো গা পুড়ল, আর সেই সঙ্গে পুড়ল আমাদের মুখ। এইখানেই আমাদের দেশলাই কারখানার ইতি। স্বরেনমামা বাইরে মুখ দেখানোর লজ্জায় ভাগলপুরেই লুকিয়ে রইলেন, আর আমি চলে এলাম সামতাবেড়ে।

হাতে কলমে দেশোদ্ধার পর্ব শেষ হ'ল।

## সংস্কারের শিকড়

কলকাতায় বালীগঞ্জে শরৎচন্দ্রের বাড়ীর নিকটেই ডক্টর সুনীতিকুমার চট্টোপাধ্যায়ের বাড়ী।

সুনীতিবাবু পণ্ডিত ব্যক্তি বলে শরৎচন্দ্র তাঁকে অত্যন্ত স্নেহ করতেন।

শরৎচন্দ্র কলকাতার বাড়ীতে থাকলে, সুনীতিবাবু মাঝে মাঝে শরৎচন্দ্রের সঙ্গে দেখা করতে যেতেন।

সুনীতিবাবু এইরূপ একবার শরৎচন্দ্রের সঙ্গে তাঁর বাড়ীতে দেখা করতে গেছেন। সেদিন একথা সে-কথার পর শরৎচন্দ্র সুনীতিবাবুকে প্রশ্ন করলেন— তোমার কি মনে হয়, সুনীতি, মানুষের আচরণ নির্ভর করে কার উপর বেশী? সমাজের কাছে শিক্ষা পেয়ে যা আমরা মনের মধ্যে গড়ে তুলি সেই সংস্কার? না, মানুষের আদিম প্রকৃতি, যার আধার হচ্ছে তার দেহের তাড়না? কোনটা?

সুনীতিবাবু হেসে বললেন—হঠাৎ এ প্রশ্ন কেন?

—কি জানি, আজ বারেরবারেই একটা পুরনো ঘটনা মনে পড়ছে। ঘটনাটা বর্মার। বলি তোমাকে, প্রশ্নটা তাহলে বুঝতে পারবে।—

আমি তখন রেজুনে থাকি। একদিন আমার জানাশোনা এক ভদ্রলোক এসে বললেন, তাঁর পরিচিত একটি বামুনের ছেলে চাকরির আশায় দেশ ছেড়ে এখানে এসেছে। চাটগাঁয়ে বাড়ী, বড্ড গরীব। আমি যদি দয়া করে তার কিছু ব্যবস্থা করে দিই, তাহলে বেচারার বড় উপকার হয়। ছেলেটি কিছু বাঙ্গলা লেখাপড়া জানে, অল্পস্বল্প হিসেবের কাজও করতে পারে।

আমার এক বাঙ্গালী বন্ধু ছিলেন, রেজুনে তাঁর সেগুন কাঠের চালানী ব্যবসা ছিল। তাঁকে বলে-কয়ে ঐ বামুন ছেলেটির একটা কেরাগীর কাজ যোগাড় করে দিলাম। দোকানেই সে থাকত, মনিবই তাকে খেতে দিতেন। এ ছাড়া দশ-পনেরো টাকার একটা মাইনের ব্যবস্থাও হয়েছিল।

মাই হোক, একটা উপায় হয়ে গেল ছেলেটির।

বেশ কিছুদিন পরে হঠাৎ তাকে একদিন অস্ত্র বেশে দেখলাম। দেখি পথ দিয়ে চলেছে, খালি গা, নাযাবলী জড়ানো, মাথায় টিকি, টিকিতে ফুল গোঁজা, কপালে চন্দনের ফোঁটা, হাতে গামছায় বাঁধা ছোট একটা পুঁটলি—মনে হ'ল চালকলা বেঁধেছে। ভাবলাম চক্রবর্তী-সন্তান, দেশের পৈত্রিক পেশা পুরুত-গিরিটা বোধ করি এখানে এসে নতুন করে ধরেছে।

ডেকে জিজ্ঞাসা করলাম—কি হে, কাঠের দোকানের কাজটা ছেড়ে দিলে নাকি ?

সে বললে—কি করি বলুন ! বাবুরা যা দিচ্ছিলেন, তাতে কুলোচ্ছিল না। তাই ভাবলাম, এই পাড়ায় তো অনেক ঘর বাঙ্গালী আর হিন্দু মিস্ত্রী আছে। তাদের বাড়ীর মেয়েরা বারব্রত পূজাপার্বণ করতে চায়, কিন্তু বামুন পুরুত পায় না। তাছাড়া সরস্বতী পূজো, বারোয়ারী কালীপূজো—এ সবতেও হু পয়সা আছে। বামুনের ছেলে, বাঙ্গলাটা কিছু জানি, পৈতেও হয়েছে। গুপ্তপ্রেস পাঁজি দেখে যা জানবার সব জেনে নিলাম। এখন বেশ কাজ চালিয়ে নিতে পারি। আর এদেশে ওদের মধ্যে খুঁটিনাটি ধরছেই বা কে ! তা আপনার আশীর্বাদে মন্দ হচ্ছে না। আর এইটাই তো আমাদের জাত-ব্যবসা।

আমি বললাম—বেশ, বেশ, ভালো থাকলেই ভালো।

তারপর কয়েক বছর ছেলোটর আর দেখা নেই। তার কথা এক রকম ভুলেই গিয়েছিলাম।

কতদিন বাদে একবার কি কাজে রেজুন ছেড়ে আমাকে উত্তর বর্মায় যেতে হয়েছিল। সেখানে গিয়ে মোমিয়ো শহরে কিছুদিন ছিলাম। চমৎকার জায়গা—চারদিকে পাহাড়, গাছপালা, স্বরণ। এই মোমিয়োতে সাধারণের বেড়াবার জন্ত হুন্দের একটি বাগান আছে। একদিন আমি একা সেই বাগানে বেড়াছি। এমন সময় পিছন থেকে কে যেন আমায় ডাকলে—শরৎবাবু, ও-শরৎবাবু!—ফিরে তাকিয়ে দেখি একটি মুসলমান আমার দিকে এগিয়ে আসছে। পরণে চেককাটা লুঙ্গি, গায়ে গেঞ্জি, মাথায় শাদা কাপড়ের টুপি। কিছুতেই চিনতে পারলাম না।

লোকটি কাছে এসে বললে—আমায় চিনতে পারছেন না শরৎবাবু ?

তার মুখের দিকে তাকিয়ে অনেক চেষ্টা করলাম, কিছুই মনে পড়ল না।

বললাম—না বাপু, তোমায় তো চিনতে পারছি নে! তোমার নাম কি বলো তো? কি করা হয়? কোথায় থাক?

একমুখ দাড়ি নেড়ে হেসে সে বললে—আমি সেই চক্রবর্তী। যাকে আপনি সেই কাঠুদামে চাকরি করে দিয়েছিলেন।

এইবার তার মুখ ভাল করে পরীক্ষা করে তাকে চিনতে পারলাম। বললাম—তোমায় তো ক'বছর দেখি নি। কোথায় ছিলে এতদিন? তাছাড়া, মুখে আবার ঐ অত বড় বড় দাড়ি গজিয়েছে! তা চক্রবর্তীর পো, তোমার এই অপরূপ বেশ কেন?

মুখ একটু কাঁচুমাচু করে চক্রবর্তীর পো বললে—আজ্ঞে, আমি এখানে এসে এই ক'বছর হ'ল মুসলমান হয়েছি।

শুনে আমি তো একেবারে থ! বলে কি! বামুনের ছেলে, পুরুতের পেশা ছিল, সে অমনি জাত বদলে ফেললে! কিন্তু এর পরে তার নিজের মুখ থেকে যে কাহিনী শুনলাম, তা আরো বিস্ময়কর।

সে বললে—মশায়, রেজুনে পুরুতের কাজ দিন কতক তো করলাম। চলছিল মন্দ না, তবে ঠিক পোষাচ্ছিল না। আয়ের একটা মাত্রা ছিল, আমার আরো রোজগার চাই। তাই ও ব্যবসা ছেড়ে দিয়ে রেজুন থেকে উত্তরে চলে এলাম। অনেক জায়গা ঘুরে কোথাও তেমন সুবিধা করতে পারলাম না। শেষে এলাম এই মোমিয়োতে। এখানে এক বাঙালী মুসলমানের সঙ্গে পরিচয় হওয়ায় তার বাড়ীতেই আশ্রয় নিলাম বাধ্য হয়ে।

মুসলমানটির ব্যবসা ছিল কসাইয়ের। মোমিয়োতেই তার মাংসের দোকান। আর এই দোকান থেকেই সে বেশ দু পয়সা রোজগার করত। দিনকতক পরে হঠাৎ মুসলমান বন্ধুটি কঠিন অসুখে একেবারে শয্যাশায়ী হয়ে পড়ল। তার স্ত্রী একদিন আমায় ডেকে বললে, তার স্বামীর তো ঐ অবস্থা, তা আমি যদি তার দোকান চালাবার ভার নিই তো আমাকে কিছু লাভের বথরা দেবে।

এদিকে আমারও তখন কোন কাজকর্ম নেই। ভাবলাম, মন্দ কি, দেখাই যাক না। তা হিন্দু থেকে তো কসাইয়ের ব্যবসা করা যায় না। একদিন তাই মসজিদে গিয়ে কলমা পড়ে রীতিমতো মুসলমান হয়ে এলাম। ইতিমধ্যে আল্লার মর্জি, বন্ধুটি মারা গেল। তখন বন্ধুর স্ত্রীর কথায় তাকে আমি

নিকেও করলাম। বর্তমানে দোকানের মালিক হয়ে বসে, এখানে বেশ দু'গয়লা জমিয়ে নিয়েছি শরৎবাবু!

লোকটা আমাকে তার পূর্বকার একজন হিতৈষী ভেবেই বোধ করি অকপটে সব কথা আমার কাছে বলে গেল। কি ভাবে ব্যবসা চালায় সে কথায় চক্রবর্তীর পো' বললে—আগে এরা জানোয়ারগুলোকে সরকারী কসাই খানায় নিয়ে যেত। তাতে খামোখা কতগুলো টাকা খরচ হ'ত বেশী। প্রথম, যে লোকগুলো জানোয়ার তাড়িয়ে নিয়ে যেত, তাদের মজুরি দিতে হ'ত। তারপর, সেখানে কাটা হ'লে, আবার গরুর গাড়ী করে সেগুলোকে নিয়ে আসতে হ'ত। এতেও একটা মোটা টাকা বেরিয়ে যেত। দোকানের মালিক হয়ে আমি এসব বাজে খরচ একদম তুলে দিয়েছি। জবাইয়ের কাজটা এখন আমি নিজেই করি।

তার কথা শুনে আমার মুখে তো কথা নেই! একটু সামলে নিয়ে কৌতূহলবশে জিজ্ঞাসা করলাম—ছোট বড় সব জাতের জানোয়ার নিয়েই তো তোমার কারবার, কি বলো?

উত্তরে সে বললে—আজ্ঞে হ্যাঁ। খন্দের তো সব আর হিন্দু নয়। মুসলমান, খ্রীষ্টান সব জাতেরই আছে। তাই, ভেড়া, ছাগল, গরু—এই তিনেরই কারবার।

—তুমি নিজের হাতে সব জবাই কর?

—তা ব্যবসা চালাবার জন্তু করি বৈকি! ও এমন আর কি শক্ত কাজ শরৎবাবু! কেবল গরুর বেলায় যা দু-তিনজন লোকের দরকার হয়। নিজের হাতে করি বলেই তো ওদিকটায় আমার কিছু সাশ্রয় হয়।

ভাবতে লাগলাম—তাই তো, বামুনের ঘরের ছেলে, মনে একটা সংস্কারও তো ছিল। সে করে কিনা গরু জবাই! আবার বলে—এ আর এমন কি শক্ত কাজ শরৎবাবু! নিজের জন্মগত সংস্কারকে অবস্থার ফেরে কি অবলীলাক্রমে সে ঝেড়ে ফেল দিলে, আশ্চর্য!

সে আবার বলতে লাগল—চলতি কারবারটা পেয়ে গেলাম। তার ওপর ঐ মেয়েটিও আমাকে নিকে করে বসল। একেবারে যাকে বলে পাতা সংসার!

আমি বললাম—এ যে তুমি অর্ধেক রাজকন্যা—অর্ধেকই বা কেন, পুরো রাজকন্যা—আর সেই সঙ্গে একটি রাজকন্যা পেয়ে গেলে হে!



আমার কথায় সে আনন্দে অথচ একটু লজ্জিতকণ্ঠেই বললে—পুরো রাজস্ব আর কই, শরৎবাবু? ঐ মেয়েটির তো একটা ভাগ আছে।

গল্প শেষ করে শরৎচন্দ্র বললেন—তাই আমি ভাবছি স্থনীতি, শিক্ষা থেকে, সমাজ থেকে, পিতৃপুরুষের কাছ থেকে যে সংস্কারকে আমরা গড়ে তুলি, তার শিকড় কি এমনই অগভীর যে, মানুষ তার জীবনধারণের আদিম তাড়নায়, এত সহজেই তাকে উপড়ে ফেলতে পারে? তোমার কি মনে হয়?

স্থনীতিবাবু বললেন—এ বিষয়ে সঠিক কিছু বলা মুশ্কিল। কেননা, অসুবিধায় পড়ে মানুষ সারা জীবনের বিশ্বাস আচরণ ছেড়ে দিতে পারে এ যেমন আছে, তেমনি আবার হাসতে হাসতে প্রাণ দেবে, তবু তার সংস্কার বা বিশ্বাস ছাড়বে না, এমন মানুষও কম নেই। মনে হয় সংস্কারকে কে কতটা মূল্য দেয় এবং কে কতখানি গভীরভাবে জীবনের অচ্ছেদ্য অংশ হিসেবে গ্রহণ করে, তার ওপরেই সব নির্ভর করছে।

শরৎচন্দ্র বললেন—তুমি ঠিকই বলেছ স্থনীতি। এ বিষয়ে সঠিক মত নির্ণয় করা কঠিন। মানুষের ভিতরকার প্রকৃতির ওপরেই তার সব নির্ভর করে। কিন্তু তবুও আমার মনে হয়, সংস্কারটা যেন উপরকারই জিনিস। আদিম বা মৌলিক প্রয়োজনের তাড়নায় নিজের প্রকৃত স্বরূপে মানুষ বেরিয়ে আসে, তখন সংস্কার তার কিছুই করতে পারে না। তবে, কেউ যদি একটা বিরাট কিছু পেয়েছে বলে মনে করে তাকে আঁকড়ে থাকে, আর সব কিছুই উপেক্ষা করা চলে, তাহলে সে আলাদা কথা।

## বৈষ্ণব নন্দীগ্রাম

শীতের সকাল। শরৎচন্দ্র সেদিন তাঁর কলকাতার বাড়ীর বৈঠকখানায় বসে গড়গড়ায় তামাক খাচ্ছেন। সামনে বসে মাতুল স্বরেন্দ্রনাথ গন্ধোপাধ্যায়। দুজনে লঘু আলাপ-আলোচনা করছেন।

এমন সময়ে একটি যুবক সেই বৈঠকখানা ঘরের ভিতর এসে শরৎচন্দ্রকে প্রণাম করে দাঁড়াল।

শরৎচন্দ্র যুবকটির মুখের দিকে তাকিয়ে বললেন—হঠাৎ প্রণাম, কে তুমি? তোমায় তো চিনি বলে মনে হচ্ছে না!

যুবকটি বললে—আমার নাম রবীন্দ্রনাথ পাণ্ডা। আমি আপনার একজন একান্ত ভক্ত। আপনাকে চাক্ষুস কখনো দেখি নি। তাই ভাবলাম, এবার কলকাতায় যখন এসেছি, আপনাকে শ্রদ্ধা জানিয়ে প্রণাম করে যাই।

শরৎচন্দ্র যুবকটিকে একটি চেয়ার দেখিয়ে বললেন—বসো। বলছ কলকাতায় এসেছ, তা তোমার বাড়ী কোথায়?

—মেদিনীপুর।

—মেদিনীপুর? কোন্ জায়গায়?

—নন্দীগ্রাম।

নন্দীগ্রাম নাম শুনেই শরৎচন্দ্র দুহাত জোড় করে কপালে ঠেকিয়ে বললেন—ওরে বাবা, নন্দীগ্রাম! নমস্কার! নমস্কার! নমস্কার! সে যে একেবারে পরম বৈষ্ণবের দেশ!

স্বরেনবাবু এতক্ষণ চুপ করে ছিলেন। নন্দীগ্রামের নামে শরৎচন্দ্রকে ভক্তিভরে নমস্কার করতে দেখে এবং তাকে পরম বৈষ্ণবের দেশ বলতে শুনে জিজ্ঞাসা করলেন—ব্যাপার কি, শরৎ?

—সে এক মজার ঘটনা মায়া! শুনবে সে গল্প?

অনেকদিন আগেকার কথা। তখন নন্দীগ্রামে শীতকালটায় খুব বড় একটা মেলা বসত। দেশ-বিদেশ থেকে লোকে সেই মেলা দেখতে আসত।

আর মেলাও চলত পুরো একটি মাস ধরে। অসংখ্য দোকান-পসার যেমন খুলত, তেমনি খেলাও রসত নানা রকমের। স্থানীয় মোড়লরা থানার দারোগার সঙ্গে একটি চুক্তি করে জুয়াখেলাও বসাত মেলায়। চুক্তিটা হ'ত এই রকম—জুয়াওয়ালারা খেলার অহুমতি পাওয়ার জন্তু যা টাকা দেবে, তার অর্ধেক নেবে দারোগা, আর বাকি অর্ধেক ঐ মোড়লরা। মোড়লরা টাকাটা নিজেরা না নিয়ে দেশের কাছেই খরচ করত।

একবার হলো কি জানো? নতুন এক দারোগা এসে মোড়লদের সঙ্গে চুক্তি হওয়া সত্ত্বেও, জুয়াওয়ালাদের কাছ থেকে পুরো টাকাটা আদায় করে নিজেই সবটা মেরে দিলে। মোড়লদের একটি পয়সা দেওয়া দূরে থাক—দেখালেও না।

মোড়লরা গিয়ে জুয়াওয়ালাদের ধরল।

জুয়াওয়ালারা বললে—প্রতি বছরের মত সব টাকাটাই তো আমরা দারোগার হাতে দিয়েছি। কিন্তু এ দারোগা যে এমন লোক, তা জানব কি করে বলুন? আপনারাও তো আগে কিছু বলেন নি!

মোড়লরা দারোগার কাছে দিন কতক যাতায়াত করে বুঝতে পারল—ফল হবে না কিছু। শেষে তারা টাকার আশা ছেড়ে দিয়ে থানায় যাওয়া বন্ধ করে দিল।

বেশ কয়েক মাস কেটে গেল। জুয়ার টাকার কথাও একেবারে চাপা পড়ে গেছে। এমন সময় একদিন নন্দীগ্রামের দক্ষিণপাড়া থেকে ভীষণ এক মারামারি-কাটাকাটির খবর থানায় গেল।

দারোগা লোকটা ছিল এক নম্বরের ঘুষখোর। কোন দাঙ্গা-হাঙ্গামার খবর পেলে নিজেই সেখানে যেত। আর গিয়ে করত কি জানো, দু'পক্ষ থেকেই ঘুষ নিত। এজন্তু একাই সে যেত, সঙ্গে কাউকে নিত না, পাছে তাকেও আবার ভাগ দিতে হয়।

যাই হোক, নন্দীগ্রামের দক্ষিণপাড়ায় খুনোখুনির খবর শুনে দারোগা তো মহা খুশী। একাই সে গেল তদন্ত করতে।

এই মারামারি-কাটাকাটির খবরটা কিন্তু একেবারেই মিথ্যে। গ্রামের মোড়লরা এতদিন পরে দারোগার কাছ থেকে সেই জুয়ার টাকার শোধ নেবার ব্যবস্থা করেছে।

দারোগা সেখানে যেতেই ঝোড়লরা তাকে চারদিক থেকে ঘিরে ধরল। তারপর তার হাতে আর পায়ে দড়ি দিয়ে আচ্ছা করে বাঁধল। কিন্তু আশ্চর্য! এক ঘা মারল না কেউ। পাছে রক্তপাত হয়, এই ভয়ে কেউ হাতই দিল না তার গায়ে। পরম বৈষ্ণবের দেশ কিনা!

রক্তপাতের ভয়ে গায়ে হাত দিল না বটে, কিন্তু করলে কি জানো! পরম বৈষ্ণবেরা মিলে দারোগাকে নিয়ে একটা পোলখড়ের গাদার ভিতর ঢুকিয়ে দিলে। তারপর তাতে একটা দেশলাই কাঠি জ্বলে ধরিয়ে দিলে। দারোগা বেচারী যতক্ষণ না শ্রীহরির পদে বিলীন হ'ল, ততক্ষণ কয়েকজন মিলে বড়-বড় বাঁশ দিয়ে গাদাটা চেপে রইল।

পরম বৈষ্ণবের দেশ কিনা, তাই রক্তপাতের ভয়ে কেউই আদৌ মার লাগালে না।

এই হ'ল একেবারে নিখুঁত বৈষ্ণবীয় ব্যবস্থা, বুঝলে?

শরৎচন্দ্রের কথা শুনে সুরেনবাবু হাসতে লাগলেন।

যুবকটিও না হেসে থাকতে পারল না।

## রয়াল বেঙ্গল টাইগার

নন্দীগ্রামের সেই যুবকটি দিন দুই পরে আবার এসে শরৎচন্দ্রকে প্রণাম করে বললে—আজ বাড়ী যাব। যাবার আগে তাই প্রণাম করতে এসেছি।

—বাড়ী মানে, তোমার সেই নন্দীগ্রামে?

—আজ্ঞে ই্যা।

—আচ্ছা, নন্দীগ্রাম তো মেদিনীপুর জেলার তমলুক মহকুমায় তাই না?

—আজ্ঞে ই্যা।

—তোমাদের বাড়ী থেকে সুন্দরবন কত দূরে?

—তা অনেক দূর হবে।

—রাত্রে বাঘের গর্জন-টর্জন শুনেতে পাও না?

—আজ্ঞে না।

—বাঘ-টাঘ বন থেকে ছিটকে তোমাদের ওদিকে আসে না কখনো?

—কই না। তবে ছেলেবেলায় শুনেছি, একবার নাকি এসেছিল। তা গ্রামের অনেকে মিলে তাকে ঘিরে গুলি করে মেরে ফেলে।

—রয়াল বেঙ্গল তো?

—না, নেহাতই ছোট একটা চিতা।

—দেখ, তোমার এই বাঘের কথায় আমার ছেলেবেলায় এক বাঘ দেখার গল্প মনে পড়ল। ভারি মজার গল্প, শোনাই তোমাকে—

আমি তখন দেবানন্দপুরে থাকি, আর প্যারি-পণ্ডিতের পাঠশালায় পড়ি। আমাদের সহপাঠী কালীনাথ একদিন এসে বললে—এই, বাঘ দেখতে যাবি? রয়াল বেঙ্গল টাইগার! মাত্র এক পয়সা নিয়ে দেখাচ্ছে।

সবেমাত্র তখন সুন্দরবন, আর তার রয়াল বেঙ্গল টাইগারের কথা বইয়ে পড়েছি। বাঘ দেখার লোভটা তাই সামলাতে না পেরে বললাম—কোথায় রে? নিশ্চয় যাব।

কাশীনাথ বললে—আমার মামাদের গ্রামে। সেখানে এক সপ্তাহ ধরে  
রথের যে মেলা বসেছে, সেই মেলায় বাঘ দেখাচ্ছে। আজ কিরতি রথ,  
আজই শেষদিন। চল না, যাবি? গণ্শা, কেটা ওরাও যাবে বলেছে।

—তা এতদিন বলিস্ নি কেন? আজ শেষদিন বলতে এসেছিস্?

যাই হোক, মাঘের কাছ থেকে পয়সা নিয়ে চার বন্ধুতে তো বাঘ দেখতে  
রওনা হলাম। সময় সংক্ষেপ করার জন্ত মাঠ ভেঙ্গে হেঁটেই চললাম।  
ঘণ্টাখানেক পর মেলায় পৌঁছে দেখি, একটা ফাঁকা জায়গা খানিকটা ত্রিপল  
দিয়ে ঘেরা, একপাশে একটা গেট। গেটের সামনে টুলের ওপর একটা লোক  
চীৎকার করে বলছে—এক এক পয়সায় বাঘ দেখে যান বাবু, এক এক পয়সা—  
দি রয়াল বেঙ্গল টাইগার।

দেখলাম, লোকের বেশ বড় একটা লাইন পড়ে গেছে বাঘ দেখবার জন্ত।  
এক পয়সা দিয়ে একজন করে ঢুকছে ভিতরে, সে দেখে ফিরে এলে তবে আর  
একজনকে ঢুকতে দিচ্ছে। আমরাও লাইনে গিয়ে দাঁড়ালাম। কাশী, কেটা,  
গণ্শা সবাই আমাকে বললে—তুই-ই আগে যা।

তাই গেলাম। গেটে পয়সা দিয়ে ঢুকবার সময় যে লোকটা বাঘ দেখে  
বেরিয়ে আসছিল, তাকে জিজ্ঞাসা করলাম—কি মশায়, কেমন দেখলেন বাঘ?  
লোকটা কোন উত্তর দিলে না, চুপ করে চলে গেল। ভাবলাম, আমি  
ছেলেমানুষ বলেই হয়তো অতবড় লোকটা আমার কথায় কান দিলে না।  
আবার ভাবলাম, যাক্গে, নাই বলুক, এখনি তো ভিতরে গিয়ে দেখতে পাব।

গিয়ে দেখি, আরে রাম, বাঘের নামগন্ধ কোথাও নেই। চারদিক ফাঁকা।  
আর সেই ফাঁকার মধ্যে এক জায়গায় হাঁড়ির ভিতরে মুখ ঢুকিয়ে একটা লোক  
মাঝে মাঝে গর্জন করছে। এই হাঁড়িমুখো লোকটার পাশেই একটা ছোট  
তারের খাঁচা, তার মধ্যে বিরাজ করছেন এক বিড়াল। গায়ে হলদে হলদে  
ভোরাকাটা দাগ, একেবারে স্বহস্তে প্রস্তুত।

দেখে তো মেজাজ বিগড়ে গেল। ভাবলাম, হলামই বা ছেলেমানুষ,  
দিই দুটো কথা শুনিযে। এমন সময় যে লোকটা বাঘ ডাকের নকল করছিল,  
সে দেখি হাঁড়ি ফেলে উঠে এল। এসে হঠাৎ আমার পা দুটো জড়িয়ে ভেউ  
ভেউ করে কাঁদতে লাগল।

আমি তো অপ্রস্তুত। এ আবার কাঁদে কেন রে বাপু! কাঁদতে কাঁদতে

সে কি বললে জানো! বললে—বাবু, দয়া করে বাইরে গিয়ে কাউকে কিছু বলবেন না। দুই ডাইয়ে করে-কন্মে খাচ্ছি। চাকরি-বাকরি কারো নেই, অথচ বাড়ীতে খেতে-পরতে ছেলেপুলে নিয়ে পনেরো ঘোলাটি। কোন রকমে আধ-পেটা খেয়েই কাটছে। তার ওপর যদি ধরিয়ে দেন তো না খেয়েই সকলে শুকিয়ে মরব। আমি বামুনের ছেলে, এই দেখুন আমার পৈতে। একটুও মিথ্যা বলছি না বাবু। যদি ধরিয়ে দেন, অনাহারে এতগুলো ব্রহ্মহত্যা হবে।

আমি বললাম—আঃ, কি কর, পা ছেড়ে কথা বল না।

লোকটা তবু কৈদে বলতে থাকে—আপনি আগে বলুন, বাইরে গিয়ে কাউকে কিছু বলবেন না। অন্ততঃ আজকের দিনটা বাবু! আজই আমাদের শেষ খেলা। আপনি কথা না দিলে, আমি কিছুতেই পা ছাড়ছি নে।

এ তো দেখি মহা বিপদ! আর কিছুর জ্ঞান না হোক, পা ছাড়াবার জন্য বাধ্য হয়ে বলতে হ'ল—আচ্ছা কথা দিচ্ছি, বাইরে গিয়ে আজ আর কাউকে কিছু বলব না।

বেরিয়ে আসবার সময় দেখি আমার পরেই আমাদের গণ্ণা ঢুকছে। গণ্ণা আমাকে জিজ্ঞাসা করলে—কি রে, কেমন দেখলি?

আমি কোন উত্তর দিলাম না, চুপ করে চলে এলাম।

বেরোবার সময় গেটের লোকটা আমাকে বললে—বাবু, আপনার তো দেখা হয়েছে, এখন দয়া করে একটু পাশে সরে যান। লাইনের মুখে ভিড় কববেন না।

## রাজুর গল্প

শরৎচন্দ্র বন্ধুদের কাছে এবং মেয়েদের মহলে যেমন গল্প বলতেন, তেমন ছোট ছোট ছেলেমেয়েদেরও তাদের মনের মতন করে মজার মজার গল্প শোনাতেন।

শরৎচন্দ্রের নিজের কোন সন্তান ছিল না। তাঁর প্রথমা স্ত্রী শান্তি দেবীর গর্ভে তাঁর একটি পুত্র হয়েছিল। সে ১ বৎসর বয়সের সময় মারা যায়। শরৎচন্দ্র তাঁর ছোটভাই প্রকাশচন্দ্রের পুত্র-কন্যাদের অপত্য-স্নেহে মাহুষ\* করতেন। পাড়ার এবং প্রতিবেশীর ছেলেমেয়েদেরও তিনি খুব আদর করতেন।

পাড়ার ছেলেমেয়েদের তিনি আদর করে সময়ে অসময়ে নানা রকম খাওয়াতেন, আর তাদের গল্প শোনাতেন।

শরৎচন্দ্র যখন হাওড়ায় বাজে শিবপুরে থাকতেন, তখন তিনি পাড়ার ছেলেদের সঙ্গে কিভাবে মিশতেন ও তাদের কিরূপ গল্প শোনাতেন, সে সম্বন্ধে সেই সময়কার তাঁর গল্পের আসরের শ্রোতা বলাইচন্দ্র বন্দ্যোপাধ্যায় (ইনি বর্তমানে, এই প্রবন্ধ লেখার সময়, হাওড়া কোর্টের গবর্নমেন্ট মাদ্রাসার) লিখেছেন—

“সেদিনের কথা আজও মনে পড়ে। স্কুলের ছুটির পর আমরা মার্বেল খেলিতেছিলাম। এমন সময় একটি শীর্ণকায় ভদ্রলোক আমাদের খেলা দেখিতে দেখিতে বলিলেন—কিরে ফস্কে গেলি, চেয়ে দেখ আমার কত টিপ্।

সেদিন কয়েকটি বালকের সহিত মার্বেল খেলায় যে কুতিজ দেখাইয়াছিলেন, তাহাতে অনেকেই মনে করিয়াছিলাম, আহা, আমাদের যদি এমনই টিপ্ থাকিত।

ইহাই পরিচয়ের নূত্নপাত। পরে শুনিয়াছিলাম, ভদ্রলোকটি আমাদের পাশের বাড়ীতে ভাড়াটে আনিয়াছেন। সাদাসিধা ধরণের মাহুষ, আড়ম্বরহীন বেশভূষা। প্রত্যহই তাঁহাকে আমাদের খেলার দর্শক হিসাবে অথবা তাঁহার



গল্পের খোঁজা হিসাবে কাছে পাইয়াছি। গল্প শুনিতে শুনিতে আশ্রয় ভাঙিয়া যাইতাম। সেদিনের কথা বেশ মনে পড়ে—যেদিন তিনি আমাদের কাছে ‘মহাশ্মশানের গল্প’ বলিয়াছিলেন। বড় হইয়া সেই গল্পটি হুবহু শ্রীকান্তের ১ম পর্বে পাঠ করিবার পর অনেক প্রশ্নই মনে উদ্ভূত হইয়াছিল। একদিন কৌতূহলবশে জিজ্ঞাসা করিয়া বসিলাম—তবে যে সেদিন বললেন, আপনাদের মধ্যে তর্ক হওয়ায় আপনি নিজে বন্ধুক নিয়ে মহাশ্মশানে গেছিলেন। শকুন-শিশুরা কচি ছেলের মত কাঁদে, কিন্তু বই লিখলেন অগ্র নাম দিয়ে ?

শরৎচন্দ্র মুখ হাসিয়া বলিলেন—কি শুনেচে চাম, শ্রীকান্ত আর কি না এই ত ? কিন্তু এর উত্তর আজ না পাস, একদিন হয়ত পাবি।”—মাসিক বঙ্গমতী, মাঘ, ১৩৪৪।

শরৎচন্দ্র যখন সামতাবেড়ে তাঁর দিদির বাড়ীর কাছে ছিলেন, তখনও তিনি পাড়ার ছেলেমেয়েদের খাওয়াতেন ও গল্প শোনাতে। সেখানে বিকালের দিকটায় তিনি সাধারণতঃ পাড়ার ছেলেরা যেখানে খেলা করত, সেখানে গিয়ে বসতেন। আর প্রায়ই বিকালে সের ছুয়েক করে ছোলা কড়াই কিনে নিয়ে তাঁর দিদির মেজ ভা স্কুমারী দেবীর কাছে গিয়ে বলতেন—মেজদি, এই ছোলাগুলো ভেজে দিন।

ছোলা ভাজা হ’লে, শরৎচন্দ্র একটা পাত্রে করে ছোলাভাজা নিয়ে, ছেলেরা যেখানে খেলা করত, সেখানে গিয়ে ছেলেমেয়েদের মুঠো মুঠো করে ছোলাভাজা দিতেন।

তিনি এদের যে শুধু ছোলাভাজাই খাওয়াতেন তা নয়, সপ্তাহে দুদিন করে বিস্কুট খাওয়াতেন। একজন বিস্কুট ফেরিওয়ালার সঙ্গে তিনি চুক্তি করে রেখেছিলেন। সে সপ্তাহে দুদিন—মঙ্গলবার ও শনিবার বিকালে ঐ ছেলেদের খেলার জায়গায় বিস্কুট নিয়ে আসত। সে এলে তার কাছ থেকে সমস্ত বিস্কুট কিনে নিয়ে তিনি ছেলেমেয়েদের খাওয়াতেন।

শরৎচন্দ্র এই যেমন ছেলেমেয়েদের খাওয়াতেন, তেমনি তিনি তাদের মজার মজার গল্পও শোনাতে।

শরৎচন্দ্র যাকে শিবপুরে একদিন যেমন বলাইবাবুদের ‘শ্রীকান্ত’ থেকে মহাশ্মশানের গল্প শুনিয়েছিলেন, তেমনি তিনি সামতাবেড়ের ছেলেমেয়েদেরও

শ্রীকান্ত উপজ্ঞানের ইঙ্গিতাথের অর্থাৎ বাস্তব রাজুর ( রাজেন্দ্রনাথ বঙ্কিমদার ) গল্প শোনাতেন ।

শরৎচন্দ্র বলাইবাবুদের যেমন লেখা বই ‘শ্রীকান্ত’ থেকে গল্প বলেছিলেন, তেমনি সাম্রতাবেড়ের ছেলেমেয়েদের কাছে বলা রাজুর গল্প, পরে শেষ বয়সে ছোটদের জন্য লিখেছিলেন ।

শরৎচন্দ্র বলাইবাবুদের কাছে যেমন গল্প বলার সময় শ্রীকান্ত না বলে ‘আমি’ ‘আমি’ বলেছিলেন, রাজুর গল্পগুলি লিখবার সময়ও তেমনি তিনি রাজুর নাম উল্লেখ না করে ‘লালু’ লিখে গেছেন ।

শরৎচন্দ্রের ‘ছেলেবেলার গল্প’ বই-এর অন্তর্গত ‘লালু’র তিনটি গল্প সম্বন্ধেই শরৎচন্দ্রের মাতুল স্বরেন্দ্রনাথ গঙ্গোপাধ্যায় তাঁর ‘শরৎ-পরিচয়’ গ্রন্থে লিখেছেন—‘ইঙ্গিতাথের ( রাজুর ) কাহিনী ফলিয়ে সাহিত্য করে লেখা ।’

শরৎচন্দ্র তাঁর ‘ছেলেবেলার গল্প’ বই-এর ভূমিকায় নিজেও লিখেছেন—‘মনে পড়লো এক বাল্যবন্ধুর কথা । ভাবলাম, আজ তারই দু-একটা গল্প বলি । শুনে খুশী হও ভালই ।’

শরৎচন্দ্রের ঐ বাল্যবন্ধুই ছিল রাজু ।

যাই হোক, সাম্রতাবেড়ের ছেলেমেয়েদের কাছে বলা, শরৎচন্দ্রের সেই রাজুর গল্প এখানে বলছি—

ছেলেবেলায় আমার এক বন্ধু ছিল, তার নাম রাজু । পঞ্চাশ বছর আগে অর্থাৎ, সে এতকাল আগে যে তোমরা ঠিক মতো ধারণা করতে পারবে না । আমরা একটি ছোট বাড়লা স্কুলের এক ক্লাসে পড়তাম । আমাদের বয়স তখন দশ এগারো । মাহুষকে ভয় দেখাবার, জঙ্ক করবার মত কত কৌশলই যে রাজুর মাথায় ছিল তার ঠিকানা নেই । রাজু তার মাকে রবারের সাপ দেখিয়ে একবার এমন বিপদে কেলছিল যে, তিনি পা মচকে প্রায় সাত-আট দিন খুঁড়িয়ে চলেছিলেন । তিনি রাগ করে বলেছিলেন—ওর একজন মাস্টার ঠিক করে দিতে । মাস্টার সন্ধ্যাবেলায় এসে পড়াতে বসবেন, তাহলে ও আর উপদ্রব করবার সময় পাবে না ।

শুনে রাজুর বাবা বললেন—না । আমার নিজের কখনো মাস্টার ছিল না, নিজের চেষ্টায় অনেক দুঃখ সয়ে লেখাপড়া করে এখন আমি একজন বড়

উকিল হয়েছি। আমার ইচ্ছা রাজুও যেন তেমনি করেই বিজ্ঞা লাভ করে। তবে যে বার রাজু ক্লাসের পরীক্ষার প্রথম হতে না পারবে, তখন থেকে ওর জন্ম বাড়ীতে পড়ানোর টিউটর থাকবে।

সে যাত্রা রাজু পরিভ্রাণ পেল, কিন্তু মনে মনে সে তার মায়ের উপর চটে রইল। কারণ, উনি তার ঘাড়ে মাস্টার চাপানোর চেষ্টায় ছিলেন। সে জানতো বাড়ীতে মাস্টার ডেকে আনা আর পুলিশ ডেকে আনা সমান।

রাজুর বাবা ধনী গৃহস্থ। বছর কয়েক হ'ল পুরানো বাড়ী ভেঙ্গে তেতলা বাড়ী করেছেন। রাজুর মায়ের আশা গুরুদেবকে একবার এ বাড়ীতে এনে তাঁর পায়ের ধুলো নেন। কিন্তু তিনি বৃদ্ধ, আর দূরেও থাকেন। তাই আসতে রাজী হন না। কিন্তু এইবার সে স্বযোগ ঘটেছে।

গুরুদেব স্মৃতিরত্নমশায় কানী গেছেন, সেখান থেকে লিখে পাঠিয়েছেন— ফেরবার পথে রাজুর মা নন্দরাণীকে আশীর্বাদ করে যাবেন।

রাজুর মার আনন্দ আর ধরে না। তিনি উদ্যোগ আয়োজনে ব্যস্ত— এতদিনে তাঁর মনস্কামনা সিদ্ধ হবে। গুরুদেবের পায়ের ধুলো পড়বে। বাড়ীটা পরিষ্কার হয়ে যাবে।

নীচের বড় ঘরটা থেকে আসবাবপত্র সরানো হ'ল। নতুন ফিতের খাট, নতুন শয্যা তৈরী হয়ে এলো—গুরুদেব শোবেন। এই ঘরেই এক কোণে তাঁর পূজো-আছিকের জায়গা হ'ল, কারণ তেতলার ঠাকুরঘরে উঠতে নামতে কষ্ট হবে।

দিন কয়েক পরে গুরুদেব এসে উপস্থিত হলেন। কিন্তু কি দুর্ভোগ! আকাশ ছেয়ে কালো মেঘের ঘটা, যেমন বড়, তেমনি বৃষ্টি—তার আর বিয়াশ নেই।

এদিকে মিষ্টান্নাদি তৈরী করতে, ফল-মূল সাজাতে রাজুর মা নিঃশ্বাস নেবার সময় পান না। তারই মধ্যে স্বহস্তে ঝেড়েঝুড়ে মশারি গুঁজে দিয়ে বিছানা করে গেলেন। নানা কথাবার্তায় রাত হয়ে গেল, পথজমে ক্লাস্ত গুরুদেব আহাঁরাদি সেরে শয্যাগ্রহণ করলেন। চাকর-বাকর ছুটি পেল। স্বকোমল শয্যার পারিপাট্যে প্রসন্ন গুরুদেব মনে মনে নন্দরাণীকে আশীর্বাদ করলেন।

কিন্তু গভীর রাতে অকস্মাৎ তাঁর ঘুম ভেঙে গেল। ছাদ চুঁইয়ে মশারি হুঁড়ে তাঁর স্বপরিপুষ্ট পেটের উপর জল পড়ছে। উঃ, কি ঠাণ্ডা সে জল!

শশবাস্তে বিছানার বাইরে এসে পেটটা মুছে ফেললেন। তারপর নিজের মনেই বলতে লাগলেন—নতুন বাড়ী করলে মন্দরাগী, কিন্তু পশ্চিমের কড়া রোদে ছাটটা এর মধ্যেই ফেটেছে দেখছি!

ফিতের খাট, ভারী নয়, মশারিস্বচ্ছ সেটা ঘরের আর একধারে টেনে নিয়ে গিয়ে আবার শুয়ে পড়লেন। কিন্তু আধ মিনিটের বেশী নয়, চোখ দুটি সবে বুজেছেন, অমনি দু-চার ফোঁটা তেমনি ঠাণ্ডা জল টপ্ টপ্ টপ্ টপ্ করে পেটের ঠিক সেই স্থানটির উপরেই ঝরে পড়ল। স্মৃতিরঙ্গ আবার উঠলেন। উঠে খাট টেনে অল্প ধারে নিয়ে গেলেন। এবং বলতে লাগলেন—ইঃ, ছাটটা দেখছি একোণ থেকে ও-কোণ পর্যন্ত ফেটে গেছে!

গুরুদেব আবার শুলেন। শুতেই আবার পেটের উপর জল ঝরে পড়ল। আবার উঠে পেটের জল মুছে খাটটা টেনে আর একধারে নিয়ে গেলেন, কিন্তু শোবারামাত্রই তেমনি জলের ফোঁটা। আবার টেনে নিয়ে আর একধারে গেলেন, কিন্তু সেখানেও তেমনি। এবার দেখলেন—বিছানাটাও ভিজছে, শোবার জো নেই।

স্মৃতিরঙ্গ বিপদে পড়লেন। বুড়ো মানুষ, অজানা জায়গায় দোর খুলে বাইরে যেতেও ভয় করে, আবার থাকাও বিপজ্জনক। কি জানি ফাটা ছাত ভেঙ্গে হঠাৎ মাথায় যদি পড়ে! ভয়ে ভয়ে দোর খুলে বারান্দায় এলেন। সেখানে লণ্ঠন একটা জলছে বটে, কিন্তু কেউ কোথাও নেই—ঘোর অন্ধকার।

যেমন বৃষ্টি, তেমনি ঝোড়ো হাওয়া। দাঁড়াবার জো নেই! কোথায় চাকর-বাকর, কোন্ ঘরে শোয় তারা—কিছুই জানেন না তিনি। চৌচিরে ডাকলেন, কিন্তু কারও সাড়া মিললো না।

একধারে একটা বেঞ্চি ছিল। রাজুর বাবার গরীব মজেল যারা, তারাই এসে তাতে বসে। গুরুদেব অগত্যা তাতেই বসলেন। এতে তাঁর আত্মমৰ্যাদা যথেষ্ট লাঘব হ'ল বলে অন্তরে অস্থবল করলেন, কিন্তু উপায় কি!

উত্তরে বাতাসে আর বৃষ্টির ছাঁটে গুরুদেবের শীত পাচ্ছিল। তাই তিনি কৌচার খুঁটটি গায়ে জড়িয়ে নিয়ে, পা দুটি বেঞ্চির উপরে তুলে যথাসম্ভব আরাম পাবার আয়োজন করে নিলেন। নানাবিধ শ্রান্তি ও দুর্বিপাকে তাঁর দেহ অবশ, মন তিক্ত, খুঁমে চোখের পাতা ভারাত্মক, অনভ্যস্ত গুরুভোজন ও রাজি জাপরণে দু-একটা অল্প-উদগারের আভাস মিল—উষের আর অবধি রইল না।

এরূপ সময় আবার এক নতুন উপদ্রব দেখা দিল। পশ্চিমের বড় বড় মশা দুই কানের পাশে গান জুড়ে দিল। চোখের পাতা প্রথমে সাড়া দিতে চায় না, কিন্তু মন শঙ্কায় পরিপূর্ণ হয়ে গেল—কি জানি এরা সংখ্যায় কত! মাত্র মিনিট দুই—অনিশ্চিত নিশ্চিত হ'ল। গুরুদেব বুঝলেন, সংখ্যায় এরা অগণিত। সে বাহিনীকে উপেক্ষা করে বিধে এমন বীরপুরুষ কেউ নেই। যেমন তার জলুনি, তেমনি তার চুলকুনি।

গুরুদেব দ্রুত স্থান ত্যাগ করলেন, কিন্তু তারা সঙ্গ নিল। ঘরের মধ্যে জলের জন্তু যেমন, ঘরের বাইরে মশার জন্তু তেমনি। হাত-পায়ের নিরন্তর আক্ষেপে, গামছার সঘন সঞ্চালনে কিছুতেই তাদের আক্রমণ প্রতিহত করা যায় না। স্থতিরত্ন এ-পাশ থেকে ও-পাশে ছুটে বেড়াতে লাগলেন। শীতের মধ্যেও তাঁর গায়ে ঘাম দেখা দিল। ইচ্ছে হ'ল ডাক ছেড়ে চোঁচান, কিন্তু নিতান্ত বালকোচিত হবে ভেবে বিরত রইলেন।

কল্পনায় দেখলেন, নন্দরাণী স্নকোমল শয্যায় মশারির মধ্যে আরামে নিদ্রিত, বাড়ীর যে যেমন আছে পরম নিশ্চিন্তে স্থপ্ত—শুধু তাঁর ছুটাছুটির বিরাম নেই।

কোথাকার ঘড়িতে চারটে বাজলে।

গুরুদেব কঁাদ কঁাদ হয়ে বললেন—কামড়া ব্যাটারা যত পারিস কামড়া—আমি আর পারি নে!—বলেই বারান্দার একটা কোণে পিঠের দিকটা যতটা সম্ভব ঝাঁচিয়ে ঠেস দিয়ে বসে পড়লেন।

তারপর বললেন—সকাল পর্যন্ত যদি প্রাণটা থাকে, তো এ দুর্ভাগা দেশে আর না। যে গাড়ী প্রথমে পাবো সেই গাড়ীতেই দেশে পালাবো। কেন যে এখানে আসতে মন চাইত না, তার হেতু বোঝা গেল।

দেখতে দেখতে সর্বসম্প্রাপহর নিজায় তাঁর সারা রাজির সকল ছুখ মুছে দিলে। গুরুদেব অচেতন-প্রায় ঘুমিয়ে পড়লেন।

এদিকে নন্দরাণী ভোর হতে না হতেই উঠেছেন—গুরুদেবের পরিচর্যায় লাগতে হবে। রাজ্যে গুরুদেব জলযোগ মাত্র করেছেন—যদিচ তা গুরুতর, তবু স্বপ্নের মধ্যে কোড ছিল, খাওয়া তেমন ভাল হয় নি। আজ দিনের বেলা নানা উপচারে তা ভরিয়ে তুলতে হবে।

নীচে নেমে এলেন, দেখেন দোর খোলা। গুরুদেব তাঁর আগে উঠেছেন,

ভেবে একটু লজ্জাবোধ হ'ল। ঘরের মধ্যে মুখ বাড়িয়ে দেখেন, তিনি নেই। কিন্তু একি ব্যাপার! দক্ষিণ দিকের খাট উত্তর দিকে, তাঁর ক্যামিসের ব্যাগটা জানালা ছেড়ে মাঝখানে নেমেছে, কোশাকুশি, আসন প্রভৃতি পূজা-আকিকের জিনিসপত্রগুলো সব এলোবেলো স্থানজট—কারণ কিছুই বুঝলেন না। বাইরে এসে চাকরদের ডাকলেন, তারা কেউ তখনও ওঠে নি। তবে গুরুদেব গেলেন কোথায়? হঠাৎ দৃষ্টি পড়লো—ওটা কি? এক কোণে আলো-অন্ধকারে মাহুষের মত কি একটা বসে না? সাহসে ভর করে একটু কাছে গিয়ে ঝুঁকে দেখেন, তাঁর গুরুদেব। অব্যক্ত আশঙ্কায় চেঁচিয়ে উঠলেন—ঠাকুর মশাই।

ঘুম ভেঙে স্মৃতিরত্ন চোখ মেলে চাইলেন, তারপর ধীরে ধীরে সোজা হয়ে বসলেন। নন্দরাণী ভয়ে, ভাবনায়, লজ্জায় কঁদে ফেলে জিজ্ঞাসা করলেন—ঠাকুর মশাই, আপনি এখানে কেন?

স্মৃতিরত্ন উঠে দাঁড়িয়ে বললেন—সারারাত দুঃখের আর পার ছিল না মা।

—কেন বাবা?

—নতুন বাড়ী করেছ বটে মা, কিন্তু ছাত কোথাও আর আস্ত নেই। সারারাতের বৃষ্টি-বাদল বাইরে তো পড়ে নি, পড়েছে আমার গায়ের উপর। খাট টেনে যেখানে নিয়ে যাই, সেখানেই পড়ে জল। পাছে ছাত ভেঙে মাথায় পড়ে, পালিয়ে এলাম বাইরে। কিন্তু তাতেও কি রক্ষে আছে মা, পদ্মপালের মতো ডাঁশ-মশা ঝাঁকে ঝাঁকে সমস্ত রাত্রি যেন ছুবলে খেয়েছে—এ-ধার থেকে ও-ধারে যাই, আবার ও-ধার থেকে ছুটে এ-ধারে আসি। গায়ের অর্ধেক রক্ত বোধ করি আর নেই মা।

বহু প্রয়াস, বহু সাধ্য-সাধনায় ঘরে আনা বৃদ্ধ গুরুদেবের অবস্থা দেখে নন্দরাণীর দু-চোখ অশ্রুসজল হয়ে উঠল। বললেন—কিন্তু বাবা, বাড়ীটা যে তেতলা। আপনার ঘরের ছাতের উপর আরও যে দুটো ঘর আছে, বৃষ্টির জল তিন-তিনটে ছাত ফুঁড়ে নামবে কি করে?

তিনি বলতে বলতেই তাঁর সহসা মনে হ'ল, এ হয়তো ঐ শরতান রাজুর কোন রকম শয়তানি বুদ্ধি! ছুটে গিয়ে বিছানা হাতড়ে দেখেন, মাঝখানের চাদর অনেকখানি ভিজ়ে এবং মশারি বেয়ে ফোঁটা ফোঁটা জল বরষছে। তাড়াতাড়ি নামিয়ে নিয়ে দেখতে পেলেন, স্নাকডায় বাঁধা এক চাউড় বস্ক, সবটা পলে নি তখনো, এক টুকরো বাকি আছে। পাগলের মতো ছুটে বাইরে

গিয়ে চাকরদের যাকে হুঁথুখে পেলেন, চোঁচিয়ে ছুঁছুঁ দিলেন—হারাশজাদা রেজো কোথায় ? কাজকর্ম চুলোয় থাক্গে, বজ্জাতটাকে যেখানে পাবি মারতে মারতে ধরে আন ।

রাজুর বাবা সেইমাত্র নীচে নামছিলেন । জীর কাণ্ড দেখে হতবুদ্ধি হয়ে গেলেন । বললেন—কি কাণ্ড করছো ? হ'ল কি ?

নন্দরাণী কৈদে ফেলে বললেন—হয় তোমার ঐ রেজোকে বাড়ী থেকে তাড়াও, না হয় আজই আমি গঙ্গায় ডুবে এ মহাপাতকের প্রায়শ্চিত্ত করবো ।

—কি করলে সে ?

—বিনা দোষে গুরুদেবের দশা কি করেছে চোখে দেখে এস ।

তখনই সবাই গেলেন ঘরে । নন্দরাণী সব বললেন, সব দেখালেন । স্বামীকে বললেন—এ দস্তি ছেলেকে নিয়ে ঘর করবো কি করে তুমি বলো ?

গুরুদেব ব্যাপারটা সমস্ত বুঝলেন । নিজের নিবুঁদ্ধিতায় বুদ্ধ হাঃ হাঃ করে হেসে ফেললেন ।

রাজুর বাবা আর একদিকে মুখ ফিরিয়ে দাঁড়িয়ে রইলেন ।

চাকররা এসে বললে—রাজুবাবু কোঠি যে নেহি ছায় ।

আর একজন এসে জানালে সে মাসিমার বাড়ীতে বসে খাবার খাচ্ছে । মাসিমা তাকে আসতে দিলেন না ।

মাসিমা মানে নন্দরাণীর ছোট বোন । তার স্বামীও উকিল, সে অস্ত্র পাড়ায় থাকে ।

এর পরে রাজু দিন পনেরো আর এ বাড়ীর ত্রি-সীমানায় পা দিলে না ।

ছুল ছেড়ে আমরা কলেজে ভর্তি হলাম । রাজু বললে সে ব্যবসা করবে । মায়ের কাছে দশ টাকা চেয়ে নিয়ে সে ঠিকেনারি স্কুল করে দিলে । আমরা বললাম—রাজু তোমার পুঁজি তো দশ টাকা ।

সে হেসে বললে—আর কত চাই, এই তো ঢের ।

সবাই তাকে ভালবাসতো ; তার কাজ জুটে গেল । তারপর কলেজের

পথে প্রায়ই দেখতে পেতাম, রাজু ছাতি মাথায় জনকয়েক কুলি-বজুর নিয়ে রাস্তার ছোটখাটো মেরামতির কাজে লেগেছে। আমাদের দেখে হেসে তামাসা করে বলতো—যা যা দৌড়ো—পারসেন্টেজের খাতায় এখনি ঢায়া পড়ে যাবে।

তারও ছোটকালে যখন আমরা বাঙ্গলা স্কুলে পড়তাম, তখন সে ছিল সকলের মিত্রী। তার বইয়ের খলির মধ্যে সর্বদাই মজুত থাকত, একটা হামান্দিস্তার ডাঁটি, একটা নক্ষণ, একটা ভাঙা ছুরি, ফুটো করবার একটা পুরণো তুরপুণের ফলা, একটা ঘোড়ার নাল—কি জানি কোথা থেকে সে এসব সংগ্রহ করেছিল। কিন্তু এ দিয়ে পারতো না সে এমন কাজ নেই। স্কুল স্বচ্ছ সকলের ভাঙা ছাতি সারানো, প্লেটের ফ্রেম আঁটা, খেলতে খেলতে ছিঁড়ে গেলে তখনি জামা-কাপড় সেলাই করে দেওয়া—এমনি কত কি। কোন কাজে কখনো না বলতো না। আর করতোও চমৎকার।

একবার ‘ছট’ পরবের দিন কয়েক পয়সার রঙিন কাগজ আর গোলা কিনে কি একটা নতুন জিনিস তৈরী করে, সে গন্ধার ঘাটে বসে প্রায় আড়াই টাকার খেলনা বিক্রি করে ফেললে। তা থেকে আমাদের পেট ভরে চিনাবাদাম ভাজা খাইয়ে দিলে।

বছরের পর বছর যায়, সকলে বড় হয়ে উঠলাম। জিমনাস্টিকের আখড়ায় রাজুর সমকক্ষ কেউ ছিল না। তার গায়ের জোর ছিল যেমন অসাধারণ, সাহসও ছিল তেমন অপরিসীম। ভয় কাকে বলে সে বোধ করি জানতো না। সকলের ডাকেই সে প্রস্তুত, সবাব বিপদেই সে সকলের আগে এসে উপস্থিত। কেবল তার একটা মারাত্মক দোষ ছিল, কাউকে ভয় দেখাবার স্বযোগ পেলে সে কিছুতে নিজেকে সামলাতে পারতো না। এতে ছেলে-বুড়ো-গুরুজন সবাই তার কাছে সমান। আমরা কেউ ভেবে পেতুম না, ভয় দেখাবার এমন সব অভূত ফন্দি তার মাথায় এক নিমিষে কোথা থেকে আসে। একটা ঘটনা বলি—

পাড়ার মনোহর চাটুজের বাড়ী কালীপুজো। দুপুর রাতে বলির সময় বয়ে যায়, কিন্তু কামার অল্পস্থিত। লোক ছুটলো ধরে আনতে, কিন্তু গিয়ে দেখে সে পেটের ব্যথায় অচেতন। ফিরে এসে সংবাদ দিতেই সবাই মাথায়



হাত দিয়ে বললো—উপায়? এত রাতে ছাত্তক মিলবে কোথায়? দেবীর পূজো পণ্ড হয়ে যায় যে!

কে একজন বললে—পাঁঠা কাটতে পারে রাজু। এমন অনেক সে কেটেছে।

লোক নৌড়ল তার কাছে। ডাকাতাকিতে রাজু ঘুম থেকে উঠে বললো, বললে—না।

—না কি গো? দেবীর পূজায় ব্যাঘাত ঘটলে সর্বনাশ হবে যে!

রাজু বললে—হয় হোক গো। ছোটবেলায় ও-কাজ করেছি, কিন্তু এখন আর করবো না।

যারা ডাকতে এসেছিল, তারা মাথা কুটতে লাগলো। বললে—আর দশ-পনেরো মিনিট মাত্র সময় আছে। তারপরই সব নষ্ট, সব শেষ! তখন মহাকালীর কোপে কেউ বাঁচবে না।

রাজুর বাবা এসে আদেশ দিলেন যেতে। বললেন—ওঁরা নিরুপায় হয়েই এসেছেন, না গেলে অন্ডায় হবে। তুমি যাও!

সে আদেশ অমান্য করার সাধ্য রাজুর নেই।

রাজু এলে তাকে দেখে চাটুজ্জ মশায়ের ভাবনা ঘুচলো।

সময় নেই, তাড়াতাড়ি পাঁঠা উৎসর্গিত হয়ে কপালে সিঁদুর, গলায় জবার মালা পরে হাড়িকাঠে পড়লো।

বাড়ীস্থল সকলের ‘মা’ ‘মা’ রবের প্রচণ্ড চীৎকারে নিরুপায় নিরীহ জীবের শেষ আর্তকণ্ঠ কোথায় ডুবে গেল।

রাজুর হাতের খড়া নিমেষে উন্মোচিত হয়েই সজোরে নামলো, তারপরে বলির ছিন্ন কণ্ঠ থেকে রক্তের ফোয়ারা কালো মাটি রাঙা করে দিল।

রাজু ক্ষণকাল চোখ বুজে রইল। ঢাক ঢোল কঁাসির সংমিশ্রণে বলির বিরাট বাজনা থেমে এলো।

এবার যে পাঁঠাটা অদূরে দাঁড়িয়ে কাঁপছিল তার কপালে চড়লো সিঁদুর, গলায় ছুললো রাঙা মালা। আবার সেই হাড়িকাঠ, সেই ভয়ঙ্কর অস্ত্রম আবেদন, সেই বহুকণ্ঠের সম্মিলিত ‘মা’ ‘মা’ ধ্বনি।

আবার রাজুর রক্তমাখা খাঁড়া উপরে উঠে চক্ষের পলকে নীচে নেমে এলো—পশুর বিধগুণিত দেহটা ভূমিতলে বার কয়েক হাত-পা আছড়ে কি

জানি কাকে শেষ নালিশ জানিয়ে স্থির হলো। তার কাটা-গলায় রক্তধারা রাঙাঘাট আরো খানিকটা রাঙিয়ে দিল।

চুলিয়া উন্নাদের মতো ঢোল বাজাচ্ছে। উঠানে ভিড় করে দাঁড়িয়ে বহু লোকের বহু প্রকারের কোলাহল। স্রমুখের বারান্দায় কার্পেটের আসনে বসে মনোহর চাটুজে মুদিত-নেত্রে ইষ্টনাম জপে রত। অকস্মাৎ রাজু ভয়ঙ্কর একটা হুকার দিয়ে উঠলো।

সমস্ত সাড়াশব্দ গেল থেমে। সবাই বিষ্ময়ে শুক—এ আবার কি! রাজুর অসম্ভব বিস্ফারিত চোখের তারা দুটো যেন ঘুরছে। চেঁচিয়ে বললে—পাঠা কই?

বাড়ীর কে একজন ভয়ে ভয়ে জবাব দিলে—আর তো পাঠা নেই! আমাদের শুধু দুটো করেই বলি হয়।

রাজু তার হাতের রক্তমাখা খাঁড়াটা মাথার উপরে বার দুই ঘুরিয়ে ভীষণ কর্কশ কণ্ঠে গর্জন করে উঠলো—নেই পাঠা, সে হবে না। আমার খুন চেপে গেছে—নাও পাঠা, নইলে আজ আমি যাকে পাবো ধরে নরবলি দেব—মা, মা জয়মা কালী!—বলেই একটা মস্ত লাফ দিয়ে সে হাড়িকাঠের এদিক থেকে ওদিকে গিয়ে পড়ল। আবার ওদিক থেকে লাফিয়ে এদিকে এল। তার হাতের খাঁড়া তখন বন্বন্ব করে ঘুরছে।

তখন যে কাণ্ড ঘটলো তা ভাষায় বর্ণনা করা যায় না। সবাই এক সঙ্গে ছুটলো সদর দরজার দিকে, পাছে রাজু ধরে ফেলে। পালাবার চেষ্টায় বিষম ঠেলাঠেলি ছড়োমুড়িতে সেখানে দক্ষযজ্ঞ ব্যাপার বেধে গেল। কেউ পড়ছে গড়িয়ে, কেউ হামাগুড়ি দিয়ে কারও পায়ের ফাঁকের মধ্যে মাথা গলিয়ে বেরোবার চেষ্টা করছে, কারও গলা কারও বগলের চাপের মধ্যে পড়ে দম আটকাবার মতো হয়েছে। একজন আর একজনের ঘাড়ের উপর দিয়ে পালাবার চেষ্টায় ভিড়ের মধ্যে মুখ খুবড়ে পড়েছে—কিন্তু এসব মুহূর্তের জ্ঞান। তারপরেই সমস্ত ফাঁকা।

রাজু গর্জে উঠলো—মনোহর চাটুজে কই? পুরুত গেল কোথায়? গুরুদেব কোথায়?

পুরুত রোগা লোক, সে গুণ্ডপোলের স্রবোণে আগেই গিয়ে লুকিয়েছে প্রতিমার আড়ালে। গুরুদেব কুশাসনে বসে চণ্ডীপাঠ করছিলেন, তাড়াতাড়ি

উঠে ঠাকুর দালানের একটা মোটা খামের পিছনে গা-ঢাকা দিয়েছেন। কিন্তু বিপ্লবায়তন মেহ নিয়ে মনোহরের পক্ষে ছুটাছুটি করা কঠিন। রাজু এগিয়ে বাঁ হাতে তার একটা হাত চেপে ধরলে, বললে—চলো, হাড়িকাঠে গিয়ে গলা দেবে।

একে তার বজ্রমুষ্টি, তাতে ডান হাতে খাঁড়া, ভয়ে চাটুজ্জের প্রাণ উড়ে গেল। কঁাদ-কঁাদ গলায় মিনতি করতে লাগলেন—রাজু! বাবা! স্থির হয়ে চেয়ে দেখ—আমি পাঠা নই, মাহুষ। আমি সম্পর্কে তোমার জ্যাঠা-মশাই হই বাবা, তোমার বাবা আমার ছোট ভাইয়ের মতো।

—সে জানি নে! আমার খুন চেপেছে—চল তোমাকে বলি দেব! মায়ের আদেশ!

চাটুজ্জ ডুকরে কঁাদে উঠলেন—না বাবা, মায়ের আদেশ নয়, কথখনো নয়—মা যে জগজ্জননী!

রাজু বললে—জগজ্জননী! সে জ্ঞান আছে তোমার? আর দেবে পাঠা বলি? ডেকে পাঠাবে আমাকে পাঠা কাটতে, বলো?

চাটুজ্জ কঁাদতে কঁাদতে বললেন—কোনদিন নয় বাবা, আর কোনদিন নয়। মায়ের স্মৃতি তিন-সত্যি করছি, আজ থেকে আমার বাড়ীতে বলি বন্ধ।

—ঠিক তো?

—ঠিক বাবা, ঠিক। আর কখনও না। আমার হাতটা ছেড়ে দাও বাবা, একবার পায়খানায় যাবো।

রাজু হাত ছেড়ে দিয়ে বললে—আচ্ছা যাও, তোমাকে ছেড়ে দিলাম। কিন্তু পুরুত পালালো কোথা দিয়ে? গুরুদেব? সে কই? এই বলে সে পুনশ্চ একটা ছকার দিয়ে লাফ মেরে ঠাকুর দালানের দিকে অগ্রসর হতেই প্রতিমার পিছন ও খামের আড়াল হতে দুই বিভিন্ন গলায় ভয়ার্ত ক্রন্দন উঠলো। সৰু ও মোটায় মিলিয়ে সে শব্দ এমন অদ্ভুত ও হাস্তকর যে রাজু নিজেকে আর সামলাতে পারলে না। হাঃ হাঃ হাঃ—করে হেসে উঠে ছম করে মাটিতে খাঁড়াটা ফেলে দিয়ে এক দৌড়ে বাড়ী ছেড়ে পালালো।

তখন কারো বুকেতে বাকি রইল না খুন চাপা-টাপা সব মিথ্যে, সব তার

চালাকি। রাজু শরতানি করে এককণ সবাইকে ভয় দেখাচ্ছিল। মিনিট পাঁচেকের মধ্যে যে যেখানে পালিয়েছিল, ফিরে এসে জুটলো। ঠাকুরের পূজো তখনো বাকি, তাতে যথেষ্ট বিঘ্ন ঘটেছে এবং মহা হৈ চৈ কলরবের মধ্যে চাটুজ্জেশ্বরাই সকলের সম্মুখে বারবার প্রতিজ্ঞা করতে লাগলেন—ঐ বজ্জাত ছোড়াটাকে যদি না কাল সকালেই ওর বাপকে দিয়ে পঞ্চাশ ঘা জুতো খাওয়াই ত আমার নামই মনোহর চাটুজ্জেশ্বর নয়।

কিন্তু জুতো তাকে খেতে হয় নি। ভোরে উঠেই সে যে কোথায় পালালো সাত-আট দিন কেউ তার খোঁজ পেলো না।

দিন সাতেক পরে একদিন অন্ধকারে লুকিয়ে মনোহর চাটুজ্জেশ্বর বাড়ীতে ঢুকে তাঁর ক্ষমা এবং পায়ের ধুলো নিয়ে সে যাত্রা রাজু বাপের ক্রোধ থেকে নিস্তার পেল।

কিন্তু সে যাই হোক, দেবতার সামনে সত্য করেছিলেন বলে, চাটুজ্জেশ্বর বাড়ীর কালীপূজোয় তখন থেকে পাঠা বলি উঠে গেল।

[ রাজু শরৎচন্দ্রের সঙ্গে এক ক্লাসে পড়তো না। রাজু ছিল শরৎচন্দ্রের চেয়ে বছর তিনেকের বড়।

রাজুর বাবা রামরতন মজুমদার উকিল ছিলেন না। তিনি ছিলেন একজন বড় ইঞ্জিনিয়ার।

দ্বিতীয় গল্পটিতে শরৎচন্দ্র যে বলেছেন—রাজু স্কুল ছেড়ে ব্যবসা করেছিল এবং মিস্ত্রীর কাজ জানত, এ কথা সত্য। কেননা রাজু স্কুল ছেড়ে কাঠের গোলা করেছিল এবং নিজেও মিস্ত্রীর কাজ জানত। রাজু একবার নিজের হাতে একটি চেয়ার তৈরি করে শরৎচন্দ্রকে উপহার দিয়েছিল।

সেই চেয়ারটি সম্বন্ধে শরৎচন্দ্রের মাতুল হরেন্দ্রনাথ গঙ্গোপাধ্যায় তাঁর ‘শরৎচন্দ্রের জীবনের এক দিক’ গ্রন্থে লিখেছেন—‘একটি তেপায়া চেয়ার। শরৎ বললেন—এটি রাজুর নিজের হাতে তৈরি—তুন কাঠের।’ ]

স্বরেন্দ্রনাথ গঙ্গোপাধ্যায় শরৎচন্দ্রের চেয়ে কয়েক বছরের ছোট ছিলেন। শরৎচন্দ্র যখন কলেজে পড়তেন, স্বরেনবাবু তখন স্কুলের নীচের ক্লাসের ছাত্র। শরৎচন্দ্র কলেজে পড়ার সময় স্বরেনবাবুকে পড়াতে, এর বিনিময়ে স্বরেনবাবুর পিতা শরৎচন্দ্রের কলেজের মাহিনা দিতেন।

স্বরেনবাবু পরে তাঁর পিতার কর্মস্থল মালদহ জেলার চাঁচলে চলে যান। স্বরেনবাবুর পিতা চাঁচল রাজ্য এস্টেটের ম্যানেজার ছিলেন। স্বরেনবাবু চাঁচল থেকেই এন্ট্রান্স পাস করেন।

স্বরেনবাবু ভাগলপুরে থাকার সময় দূর থেকে রাজুকে দেখে থাকলেও, তার সঙ্গে মিশবার সুযোগ তাঁর ছিল না। স্বরেনবাবু রাজুর সম্বন্ধে বেশীর ভাগ গল্পই শুনেতেন শরৎচন্দ্রের কাছ থেকে।

ভাগলপুরের বাঙ্গলা স্কুলের দ্বিতীয় পণ্ডিতের স্ত্রী মারা গেলে, রাজুর, সেই মৃতদেহ সংকার ঘাওয়ার গল্পটাও স্বরেনবাবু শরৎচন্দ্রের কাছে শুনেছিলেন।

শরৎচন্দ্র মড়া পোড়ানোর ব্যাপারে রাজুর দক্ষিণহস্ত স্বরূপ ছিলেন। কিন্তু ঐ মড়া পোড়ানোর সময় সম্ভবতঃ তিনি নিজে ছিলেন না। কারণ রাজুই তখন অপরের নেতৃত্বে মড়া পোড়াতে।

রাজুর ঐ মড়া পোড়ানোর গল্পটি শরৎচন্দ্র তাঁর ‘ছেলেবেলার গল্প’ বইয়ে রাজুর বদলে ‘লালু’ নাম দিয়ে এবং দু-একটা অঙ্ক নামও অদল-বদল করে লিখেছেন। ঐ গল্পটি তিনি সামতাবেড়ের ছেলেমেয়েদের এবং স্বরেনবাবুকেও বলেছিলেন।

শরৎচন্দ্রের কাছে শুনে স্বরেনবাবু রাজুর ঐ গল্পটি তাঁর ‘শরৎ-পরিচয়’ বইয়ে আবার সরস করে লিখেছেন। এখানে স্বরেনবাবুর সেই লেখাটিই তুলে দিচ্ছি—

“হাঃ হাঃ ভাগলপুরে দারুণ শীত হয়! সেই দুর্বিষহ শীতের রাতে বাঙ্গলা স্কুলের পণ্ডিতমশায়ের স্ত্রীবিয়োগ ঘটল। তিনি নিজে অসুস্থ এবং কোলের ছেলেটি নিতান্ত শিশু। সে ক্ষেত্রে মৃত-সংকারে তাঁর যোগ দেওয়া সম্ভবপর নয়। তাতেও বড় কিছু আসে যায় না।

ব্রজেন্দ্রনাথ পীড়িতজননের ছিলেন অভিভাবক। খবর মিলে কি না মিলে, তিনি সে বাড়ীতে হামেহাল হাজির। আবার কণী না বাঁচলে নাকি কর্তব্যের

তিনিই ছিলেন সে বাড়ীর অধ্যক্ষ ! তাঁর কর্তৃত্বে বাড়ালীর মড়া বাসি হওয়ার চেয়ে বড় অপরাধ কি আছে ? সূর্যদেব গাফিলি করে হয়তো একদিন পশ্চিমে উঠতে পারেন, কিন্তু ব্রজেন্দ্রনাথ বেঁচে থাকতে এ অসম্ভবেরও অসম্ভব ! কিন্তু এ সংসারে এতোবড় নিষ্ঠাও সকলের থাকে না ।

ব্রজেন্দ্রনাথ অধিকন্তু হিসেবে একটি স্থলের হেড মাস্টার—অতএব ছাত্র সম্মুখায় তাঁর মূর্তির মধ্যে ।

রাজুর দল কোমর বেঁধে অগ্রসর হ'ল । তাদের মাষেও শীত নেই, মেঘেও ঝর নেই । একে অমানিশা, তায় আকাশ মেঘাচ্ছন্ন ! যেতে হবে মটের ঘাটে—ক্লোশ দুই-এর ধাক্কা—অতএব ব্রজেন্দ্রনাথ আর সবুর সহিতে পারলেন না । চারজন হতেই নৈশ আকাশে প্রকম্পিত হয়ে উঠলো—বলো হরি, হরি বোলের নিদারুণ ধ্বনি ।

হাস্ত-রসিক বিধাতা এতেও তৃপ্ত হলেন না । গোদের উপর বিষ-ফোড়া ! টিপি টিপি বৃষ্টিও শুরু হ'ল !

সেকালে হারিকেন লগ্নন প্রবর্তিত হয় নি । কিন্তু মাহুয়ের যাকে বলে উদ্ভাবনী শক্তি, তা চিরকালই অপরায়েয় ! একটি হাঁড়ির মধ্যে ভেরেণ্ডার তেলের প্রদীপ জালিয়ে একটা চাকরের মাথায় চাপিয়ে দিয়ে অভিযান শুরু হয়ে গেল । ব্রজেন্দ্রনাথ চলেছেন অশ্বগতিতে । পিছন থেকে বামাচরণ মামা ডাকেন—ওহে শুনছ,—আস্তে, আস্তে ! ছেলেদের পা মচকে যাবে যে ! সন্টার তো তোমার মত ঠ্যাং লম্বা নয়, বোজেন্দ্র !

—গেলে, আপনি তো আছেন !—ছেলেদের মধ্যে থেকে কে একজন বললে ।

—বাপ সকল আমি আর বহন পট্টু নই ! তোমাদের সম্বন্ধানই বর্ডমানে আগমনের উদ্দেশ্য ।

ব্রজেন্দ্র বললেন—বৃষ্টি গুঁড়ি গুঁড়ি হচ্ছে, ঝামাঝাম্ হ'তে আর দেয়ি কি ?

...অবিলম্বে আশঙ্কা বাস্তবে পরিণত হ'ল । পা অসাড় হয়ে গেছে । জলে ভিজে স-শয্যা মড়া ফুলে ঢোল ! ছেলেদের কচি কাঁধ বাঁশের ঘসড়ানিতে নোনচা পড়ে জালা করতে লেগেছে ।

—মাস্টার মশাই, একটু রাখলে হয় না !

—তবে রাখ এই তেঁতুল-তলায় !

গাছটা যেন এক বনস্পতি। বামাচরণ বসে বললেন—কিন্তু জায়গাটা  
আমার পছন্দসই নয়।

—কেন, ঠাকুরদা?

—এংবারি বেটা এখানেই থাকে কিনা।

—কে এংবারি? ডাকাত?

—হ্যাঁ, সে তো তিলক মাঝি।

—তবে?

বামাচরণ বললেন—সে একটা মন্ত ইতিহাস। বলি শোন—আমাদের  
ঐ ইঞ্জিনিয়ার সাহেবের মেমকে দেখেছি? নীল গাউন পরা?

—ধোপানী?

—ধোপানী হ'লে কি হয়, মাঝুঘটা ভালো। ও সায়েবের ছোয়া খায় না।  
বাবুটির রান্না ছুঁয়ে গল্পান্নান করে আসে।

ব্রজেন বললেন—এতও তুমি জান মাঝা।

—ঠেকলেই জানতে হয়, বাবাজীবন।

—তারপর ঠাকুরদা?

—ঐ যে দেখছো—ঐ ছোট কুঁড়ে, সাহেবের ফটকের লাগাও—ঐতে  
থাকতো এংবারি ধোপা। হঠাৎ এংবারি মারা গেল। তারপর ধোপানীর  
উন্নতি হ'ল; সে নীল গাউন পরলে। কিন্তু তার বেশী আর সে কিছুতেই  
এগোতে চায় না। সাহেব অনেক বোঝালে, কিন্তু ধোপানীর সেই এক কথা  
—সাহেব তোমায় সব দিতে পারি, কিন্তু জাত দেব কেমন করে?

—কেন?—সাহেব জিজ্ঞাসা করে।

—জাত তো আমার নয়, জাত যে বাপ-দাদার।

এই অকাটা যুক্তির পর আর তর্ক চলে না। তবুও লোকে ছাড়ে না,  
বলে—তুই সায়েবকে সাদি করিস নি?

—সাদি নয় তো, নিকা করেছি। নৈলে বেটাবোট হ'ল কি করে?

—ধোপানী দৈহিক সংস্কারে নীল গাউন পৰ্বন্ত এগিয়েছিল, কিন্তু মানসিক  
সংস্কারে যে তিমিরে সেই তিমিরেই রয়ে গেল। অতএব তার এংবারি মরে  
ভূত ছাড়া আর কি হ'তে পারে?

ধোপানীর মন দিয়ে মেম সায়েব সেই ভূতকে মোটেই পরিত্যাজ্য মনে

করে নি। সে দিনে-রাত্রে এই ঠেঁতুলতলায় এংবারির সঙ্গে কথা কয়ে নিজেকে অপাপ-বিন্ধ রেখেছিল। এংবারিও এমন মেয়েকে ছেড়ে যায় নি। সে এই গাছেই বিরাজ করে—অবশ্য কুলীন ভূত নয় বলে কথা কইতে পারে না, কিন্তু গাছের ডাল নাড়িয়ে খোপানীর সমস্তার সমাধান করে দেয়। অতএব, তাই বলছিলাম বোজেন্দর,—এই গাছটার ওপর লোকে একটু ভয়চকিত কটাক্ষ কলে, একটু তফাৎ রেখেই আনাগোনা করে থাকে।

এই কথা ক'টি বলে মামা সেঁতানো টিকে ধরাবার জন্য গাল ফুলিয়ে কলকেয় ছুঁ পাড়তে লাগলেন।

—তারপর ঠাকুরদা ?

—হুঁ, তাই বলছিলাম—আজ তিথিটাও স্তব্ধের নয়—আর এই জায়গাটা গিয়ে কি বলে, আমার মনঃপুত নয়।

ব্রজেননাথ ভূতে অবিশ্বাস করতেন না। কিন্তু ঠিক এই সময়ে তা স্বীকার করা উচিত হবে না মনে করেই বোধ হয় বললেন—ও সব কিছু না। আচ্ছা দেখাই যাক না—সত্যি মিথ্যে—আমরা তো আর একা নই !

—কি দেখবে ? দেখা আমার ভাল করেই আছে।

—কি রকম সে ?—কে একজন পিছন থেকে প্রহ্ন করে বসলো।

তাকে চাপা দিয়ে ব্রজেননাথ বললেন—থাক মামা, থাক ওসব এখন ! ছেলেরা ভয় পেয়ে যাবে।

কিন্তু মাহুঘের স্বভাব ভালো নয়। ভয় পায় তবুও সে আবার ভয়ংকরকৈ চায়, বিশেষ করে এই অর্বাচীনের দল ! তারা সমস্তরে বললে—না ঠাকুরদা, বলুন। আপনাকে বলতেই হবে।

—দেখছো হে ব্রোজেন, এদের আবদারটা !

—বলুন তবে, সময়টা তো কাটবে।

খেলো হুঁকাটায় বার কতক কলকে-ফাটান টান মেয়ে, খুব কতকগুলো কেশে নিয়ে বামাচরণ তাঁর প্রত্যক্ষ অভিজ্ঞতার গল্প শুরু করে দিলেন।

—ভূমি বোধ হয় দেখে থাকবে ব্রোজেন, আমার পিসে রত্নলাল মুখুজ্যে মশাইকে ? তিনি ঐ ঠাকুরদের এস্টেটে ওভারসিয়ার ছিলেন।

—দেখেছি মনে হয়। উদ্বিগ্নে যারা গেলেন তো ? তাঁকেও ঐ মন্টের



ঘাটের পূবে পুড়িয়েছি।—বলে ব্রজেননাথ বেশ একটু দ্বাধা অমৃতব করলেন।

—এমন ভালো মানুষ কালে-ভাঙ্গে দেখা যায়। পুকুরের পাঁক যেন। আর আমার পিসিমাটি। বাপ্! যেন পর্বতো বহিমান্ ধুমাং—

—ধুমটা কি, মাঝা?

—বচন হে, ক্ষুরধার! রাগে দুর্বাসা মুনিটি! নিত্য উদ্দীপনাময়ী, রণচণ্ডিকা।

বামাচরণ আফিং সেবা করতেন এবং তার সহকারী ছিল তাম্রকুট। নিত্য-উৎসারিত ধূমকুণ্ডলীতে অতিপুষ্ট গৌড়জোড়া, চোখের উপর ঝুলে পড়া জয়গল, আর চুলগুলি পেকে তাম্রবর্ণ ধারণ করেছিল। কথার বাঁধুনি ছিল, কিন্তু তা চিবিয়ে চিবিয়ে। যেন মনটি, বসে রোমন্থন করছে। কথার গতি যম্মাক্রান্ত।

বামাচরণ বললেন—আমি থাকি কোথায় সেই বাঙ্গালীটোলায় আর তিনি এই বারারিতে। পিসিমার ছকুম হ'ল, বোশেখী পূর্ণিমার সত্যনারায়ণের সিনি থেয়ে যেতে হবে তাঁর বাড়ীতে। 'না' বললে রক্ষা আছে! এলুম সকাল সকাল। আশা যে লীগ্‌গির লীগ্‌গির ফেরা যাবে। কিন্তু পিসিমার রোগটাও জানা ছিল। লক্ষ্মীপূজোর বরাতে শেষ পর্বন্ত ফেঁদে বসবেন, মহামায়ার সাড়ম্বর পূজো!—আমিই করেছেন সাতাশ রকমের—মায় সেই জরদালু থেকে আরম্ভ করে, বোম্বাই, ল্যাংড়া,—ভরতভোগ, বিষণভোগ, ফজলি, গঙ্গাসাগর—শেষে গিয়ে ঠেকেছে পান্থকায়—

—পান্থকাটা কি দাদামশাই?

—সেই যে কালো কালো ছোট ছোট আমগুলো,—

—আর কাগ্‌ দেশান্তরি?

—তার অঞ্চল হয়েছিল।

—তারপর?

—ক্ষীরের সঙ্গে—যে সে ক্ষীর নয় গো! ভঁয়সার ক্ষীর। তার সঙ্গে বোম্বাই—বুঝেছ, বোজেন্দর—সে একেবারে, রুড্—রুড্।

—হানে?

—গায়ে রক্ত গজিয়ে উঠবে। শেষ করতে পাঁজা আড়াই ঘণ্টা কাবার

হয়ে গেল। ঠিক সাড়ে বারোটায় সময় একটা কেঁদে লাঠি হাতে করে—  
অগন্ত বাত্মা স্তব্ধ হ'ল।

পুলিস সায়েবের বাংলা পেরিয়ে এই তেঁতুলগাছের মগ্‌ভালটায় নজর  
পড়লো। নির্বেশ আকাশ, ফুটফুটে জোছনা। কোথাও কিছু নেই, কিন্তু  
হঠাৎ হাঁৎ করে মনটা কেমন খারাপ হয়ে গেল! দূরে সায়েবের কুকুরগুলো  
ঝাঁউ ঝাঁউ করে ডাকছে। পেঁচার ডাক! আকাশে মারওয়াড়ির দোকানে  
কাপড়-ফাড়ার আওয়াজ! গায়ে কাঁটা দেবেই। কিন্তু বামাচরণ ভয় পাবার  
বান্ধা নয়! বামাচরণ ভীত নয়, আবার হোংকাও নয়! অবশি, লাঠিটা  
বাগিয়ে ধরলুম—হাত থেকে না ফস্কে খসে যায়।

চলছি আর বলছি, হে বাবা রজকনন্দন! তুমি যে ঐ তেঁতুলগাছে আছ,  
তা আজকালকার ইংরিজি পড়া আহম্মকেরা অস্বীকার করতে পারে, কিন্তু...

—তারপর, আপনার রজকনন্দন কি বললে?

—কিছু না। সাধি কি কথা কয় চক্কোত্তি বামুনের সামনে এসে।  
ন' খেই স্মৃতি কি বুখায় ঝোলে বামুনের গলায়? চলছি আর বলছি, লোকে  
বলে, এংবারি তুই আছিস ঐ তেঁতুল গাছের ডগাটায়। কিন্তু প্রত্যয় হয় না,  
একটা কারসাজি না দেখালে! বলি, পারিস দেখাতে?

একশো হাত দূর থেকে বড়ো আঙ্গুলে পৈতে জড়িয়ে জপছি, ব্রহ্মমন্তর  
গায়ত্রী। উঃ, কি তেজ মন্তরের—গা চপ্ চপ্ ঘামে—যেন স্বরধুনী বইছে  
গায়ে। আর বৃকের মধ্যে—যেন বালাপোষের তুলো ধুনচে আমাদের গোমদা  
মিঞা। ব্রহ্মতেজ কি অসাধারণ মাইরি! থামি নি, চলছি গুড়ি গুড়ি!  
জিভ জড়িয়ে আসে—ওঁ বলতে বেরোয় বাৎ।

অন্ধকারে হাসির খুক খুক শব্দ শুনে বামাচরণ বললেন—হাসছো এখন?  
পড়তে যদি সে পান্নায় বাছাধনরা, সাতদিন দাঁতকপাটি লেগে থাকতো, এই  
গাছতলায়। রোজা ডেকে হলুদ পুড়িয়ে জ্ঞান করাতে হ'ত, তা তোমায়  
আমি বলে দিচ্ছি, বোজেন্দর!

—তারপর, তারপর?

গাছতলায় এসেছি কি না এসেছি, সমস্ত গাছটাই উঠলো ছড়মুড়িয়ে হুলে  
আর মগ্‌ভাল থেকে পড়লো ঝাড়া দশ ইঞ্চি চোপল খান ইট। পড়ে শব্দ হ'ল  
ঠং—আনকোরা মিনুটের টাকার মতো। ঠিক সামনে! বেঁচে গেল পৈত্রিক

মাথাটি আমার। মাথাটি যে একটু ঘোরে নি, আর চোখে সরষে ফুল দেখি নি, বললে সত্যের উপক্ষয় হবে। কিন্তু বামাচরণের ভুল হয় নি, অবস্থা দেখে ব্যবস্থা! গায়ত্রী ছেড়ে—সোজা ধরেছি রামনাম!

বললুম—কেয়াবাং, এংবারি হাতের তারিফ তোর! সামনে ইটখানা পড়ে আছে টাটকা—মাকে বলে গরমাগরম, একটা কোণার এতটুকু বালি পর্বস্ত খসে নি! ভৌতিক, একদম ভৌতিক! আমরা তোমরা ফেললে, ইটখানা চৌ-চাকলা হয়ে ভাঙতো, না বাবাজীবন?

—নিশ্চয়!

—তারপর?

—ধোপানী তখনো ফেরে নি কুঠিতে। দৌড়ে এসে বললে—কেয়া ছয়া বাবাজি?

—কুছ নেহি, যেমজি। এক লোটা পানি তো মাংগাও!

সবুর সময় না। ছুটলাম সোজা বাবলা বনের পাশ দিয়ে।

বাড়ী ফেরার পথে দেখি, তখনও দফাদার ডাক্তার পড়ছে তার সেই মোটা মোটা বইগুলো।

বললুম—একটা পেট কামড়ানির ওষুধ দাও। সে দিলে কি না জেলসু।

বললুম—ডাক্তার, একজুরির ওষুধ দিচ্ছ কেন? সে আমার বিত্তে দেখে হাসে। জানে কিনা বামাচরণ গজপতি বিত্তাদিগ্গজ!

—তাহলে আপনি ভূত মানেন?

—নিশ্চয়! আমি ভেবে দেখেছি যে, ভূত অস্বীকার করলে ভগবান অস্বীকার করতে হয়। তবে এলো কোথেকে এই বামাচরণ চক্কোস্তী, গুনি!

বৃষ্টির সঙ্গে শিল পড়তে আরম্ভ হ'ল।

রাজেন্দ্র বললেন—কাছাকাছি আশ্রয় পাওয়া যেতে পারে, কিন্তু মড়া কেলে তো আর যাওয়া যায় না।

রাজেন্দ্র বললে—আপনারা যান, আমি তো আছি।

—কে রে তুই? সাবাস!

—ও রাজু!

—ডা ছাড়া আর কে হবে? বলে বামাচরণ বললেন—চলো চলো,

আমাদের নিমোনিয়া হবে বোজেন্দর, আমরা ছা-পোখা রাইব ! ওহের কি ?  
টাস্লে তো একাই টাস্বে ।

—তাই তো ! ভাবছি !

—আরে ! মাথা দিয়ে ভাববে তো ! যদি শিলে মাথাই ভেঙ্গে চূর হয়  
তো ভাববে কি দিয়ে ? শুভ্র নীলম !

—বাবু হাম্ভি...

—আবার চাকরটা যেতে চায় যে, মায়া !

—কাহে রে ?

—ডর !

—ডর কোন্ বাং কা ?

জোরে চেপে ঝড় আর শিলাবৃষ্টি আসাতে সবাই ছুটে চলে গেল আশ্রয়ের  
সন্ধানে ।

রইল একা রাজু ।

শেষ রাতে আকাশ পরিষ্কার হয়ে আলো দেখা দিতেই, সবাই ফিরে এসে  
দেখলো, মড়া পড়ে আছে, আর কেউ নেই !

—ও আমি আগেই জানতুম, বোজেন্দর !

—কিন্তু কাজটা কি ভাল হ'ল ? ভারি অকল্যাণ, মায়া !

—দাঁড়াও, অকল্যাণ—লাশটা যে উঠে চলে যায় নি, এই আমাদের  
ভাগ্যি !

—রেজোর উপর আমার ধারণাটা কিন্তু ভালোই ছিল ।

—ভুলে গেলে, এটা কোন্ কাল ?

—তা ঠিক ।

—সরে এসো, সবাই সরে এসো ! সন্ধ্যাই শোন, বামাচরণ চক্ৰোত্তির  
কথা—নৈলে প্রাণ খোঁয়াবে, বলে দিলুম ।

সকলে দূরে সরে গিয়ে দাঁড়াল । ব্রজেন্দ্র বললেন—ব্যাপার কি মায়া ?

—ব্যাপার গুরুচরণ !

—সে কি ?

—দেখছো না, মড়া নড়তে শুরু করেছে ।

—তাই তো !

—পেটটা ফুলে ঢাক হয়ে গেছে।

—এ সব এংবারি বেটার খেলা !...বোজেন্দর যা বলি শোন।

—কি মায়া !

—আমরা সবাই বামুনের ছেলে আছি। ডান হাতের বুড়ো আঙুলে  
পৈতে জড়িয়ে চীংকার করে বলবে, রাম, রাম, রাম। দেখবে একতার জোর,  
ভয় আমার ঐ চাকরটাকে নিয়ে, ওকে না ভর করে বসে বেটা।

—এই কেয়া নাম তুমিরা ?

—গরভু—

—হট যাও গরভু, তফাৎ যাও। বল সবাই এক সঙ্গে।

—রাম, রাম, রাম।

—বাস্,—নড়ছে, ফের বল।

—রাম, রাম, রাম।

—ওই দেখ উঠছে। আরো চেঁচিয়ে বল—

—রাম, রাম, রাম।

—ঐ আসছে, পেছ হটে—সবাই পেছিয়ে—

হাসতে হাসতে মড়া-ঢাকা লেপের ভিতর থেকে রাজু এলো বেরিয়ে।

—সাবাস বাচ্ছা ! জীত রহো—এই তো মরদের সাহস।”

শরৎক্স সেদিন তাঁর কলকাতার বাড়ীতে কয়েকজন সাহিত্যিক বন্ধুর  
কাছে ছেলেবেলাকার গল্প বলছিলেন। মাতুল ও বাল্যবন্ধু স্বরেন্দ্রনাথ  
গঙ্গোপাধ্যায়ও সেখানে উপস্থিত ছিলেন।

শ্রীকান্ত প্রসঙ্গে ইন্দ্রনাথের কথা উঠল।

একজন প্রশ্ন করলেন—আচ্ছা, ইন্দ্রনাথের মতো বাস্তবজীবনে সত্যিই কেউ  
ছিল কি ? না, চরিত্রটি আপনার মনগড়া ?

শব্দচন্দ্র বললেন—না, মনগড়া নয়। ইন্দ্রনাথ সম্পূর্ণ একটি বাস্তব চরিত্র। ভাগলপুরে আমাদের বাড়ীর কাছে নামকরা ইঞ্জিনিয়ার ছিলেন, রামরতন মজুমদার। রামরতনবাবুর একটি ছেলের নাম ছিল রাজেন। আমরা ডাকতাম রাজু বলে। এই রাজুই আমার শ্রীকান্তের ইন্দ্রনাথ। রাজুর বড়দা রায় বাহাদুর স্বরেন মজুমদার ছিলেন ডেপুটি ম্যাজিস্ট্রেট। তিনি সাহিত্যিক এবং একজন উচুদরের গায়ক ছিলেন।

রাজু বেশী লেখাপড়া করে নি বটে, কিন্তু গুণ ছিল অশেষ। ঐ বয়সে ঐ ধরণের অতবড় একটা আদর্শ মানুষ, আমি জীবনে দেখি নি। শ্রীকান্ত উপন্যাসে ইন্দ্রনাথের চরিত্র আঁকতে গিয়ে আমাকে কোন কল্পনার আশ্রয় নিতে হয় নি। রাজু মানুষটাই ছিল ঐ রকম। তার কথা মনে পড়লে আজও আমার মনটা ব্যাকুল হয়ে ওঠে। আজ তারই কথা যখন উঠেছে, তার গল্প দু-একটা শোনাই তোমাদের—

রাজুদের বাড়ীর অদূরেই ছিল গঙ্গা। তার তীরে বিরাট একটা বটগাছ ছিল। জায়গাটা অত্যন্ত নির্জন। সেই বটগাছের বড় একটা ডাল গঙ্গার দিকে ঝুঁকে পড়েছিল। সেই ডালে বাঁশের একটা মাচা করে, ক্যানেষ্টারার টিন দিয়ে ঘিরে, রাজু ছোট্ট একটা ঘরের মতো তৈরি করেছিল। রোজ ভোরে তার কাজ ছিল, সেই ঘরে গিয়ে ঘণ্টাখানেক ভগবানের ধ্যান করা। সকলেই ঘরটাকে রাজুর ধ্যানঘর বলে জানত। কিন্তু কারো সাধ্য ছিল না, সেই ঘরে ঢোকে। ডাল বেয়ে সেই ঘরে ওঠাও ছিল এক দুঃসাধ্য ব্যাপার। আমি অবশ্য রাজুর ধ্যানঘর দেখতে সেই ঘরে দু-একবার গিয়েছিলাম।

একদিন সকালে ধ্যান শেষ করে নদীর ধার দিয়ে রাজু বাড়ী ফিরছে। বাঁকালীটোলা ঘাটের কাছাকাছি এসে থমকে দাঁড়াল। হয়েছে কি, একটি আধবয়েসী মেয়ে ঘাটের একপাশে স্নান করছিল। সেখানে মাঝবয়েসী একটি হিন্দুস্থানী সঁাতার শেখবার ভান করে হাত-পা ছুঁড়ে মেয়েটির গায়ে মাখায় খুব জল ছিটিয়ে দিচ্ছিল। মেয়েটি অসহায়, মুখ ফুটে কিছু বলতে পারছিল না। রাজু তাই না দেখে তড়াক করে জলের মধ্যে লাফিয়ে পড়ল। তারপর কৌচাচর খুঁটি খুলে রসিকপ্রবরের গলায় আলগা ফাঁসের মতো পরিয়ে দিয়ে, এক হ্যাঁচকায় তাকে জলের তলায় টেনে ধরল।

লোকটা জলের নীচে হাঁসকাঁস করছে, আর রাজু গুণে চলেছে, ওয়ান, টু, থ্রি, ফোর...। নিশ্বাস না নিতে পেরে লোকটা তো ছটফট করতে লাগল, কিন্তু রাজুর সেদিকে আঁক্ষেপ নেই। বেশ খানিকটা পরে লোকটা ছাড়া পেয়ে খুব এক চোট হাঁফাতে লাগল। তখন রাজু জিজ্ঞাসা করল—আউর কভি ?

লোকটা দম নেবার ফাঁকে বললে—কভি নেহি হজুর। কহুর মাফ কিজিয়ে।

তব্ ভাগো আভি—বলে রাজু জল থেকে উঠে এল।

\* লোকটি আর কোন কথা না বলে, ভয়ে ভয়ে জল থেকে উঠে চলে গেল।

আর একদিনের ঘটনা।

সেদিন সন্ধ্যার পর রাজু বেড়াতে বেরিয়েছে। এমন সময় বারারী স্টেট হাইস্কুলের হেডপণ্ডিত রাজুকে দেখতে পেয়েই এসে কঁেদে পড়লেন—বাবা রাজু, আমি তোমাকেই খুঁজতে বেরিয়েছিলাম, বাবা !

রাজু ব্যস্ত হয়ে বললে—কি হয়েছে পণ্ডিতমশায় ? আপনি অমন করে কাঁদছেন কেন ?

উত্তরে পণ্ডিতমশায় তাঁর পিঠ দেখিয়ে বললেন—এই দেখ না বাবা, কথা নেই বার্তা নেই, পুলিশ সাহেব আমাকে কি মারটাই না মারলে ! জমিদার বাড়ী টিউশনিতে যাচ্ছিলাম, পথে পুলিশসাহেবের সঙ্গে দেখা। সাহেব আসছে ঘোড়ায় চড়ে, আমি তাই না দেখে তাড়াতাড়ি পথ ছেড়ে একপাশে সরে দাঁড়িয়েছি। তবু সাহেবের মেজাজ গরম, গালি দিয়ে বললে—রাস্তা ছেড়ে দাঁড়াতে পার নি ?—বলেই আমাকে সপাং সপাং করে মার সেই ঘোড়ার চাবুক দিয়ে। তারপরই সাহেব ঘোড়া ছুটিয়ে নিজের পথে চলে গেল।

রাজু বললে—আচ্ছা দেখাচ্ছি মজা ! ঘোড়ায় চড়ে সাহেব গেছে ক্লাবে বিলিয়ার্ড খেলতে। ফেরার সময়েই টেরটি পাবে। আপনি এখন বাড়ী যান পণ্ডিতমশায় ! কালই শুনতে পাবেন, কি করেছি সাহেবকে।

এই বলে পণ্ডিতমশায়ের কাছ থেকে বিদায় নিয়ে, রাজু সিধে আমার কাঁছে এসে হাজির। দেখলাম, মুখখানা তার চাপা রাগে থমথম করছে। আমাকে সব কথা বলে, তারপর বললে—শরৎ, তুই শিগু'গির আয় আমার সঙ্গে।

সেই ডাক অবহেলা করতে পারি, এমন বুকের পাটা আমার ছিল না।

তবু ভয়ে ভয়ে বললাম—তুমি সাহেবকে মারবে রাজু? তার কোষরবন্ধে সব সময়েই রিভলভার, আর আমাদের খালি হাত, মনে থাকে যেন।

রাজু বললে—তুই আয় না। কি করি সে দেখবি তখন।

বাস, আর কথা চলে না। চললাম রাজুর সঙ্গে। প্রথমে আমরা গেলাম আদমপুরের ঘাটে। আদমপুরের ঘাট তখন গমগমে জাহাজঘাট। গোটা কয়েক স্টীমার আর বড় বড় নৌকা সব সময়েই বাঁধা থাকত। অঙ্ককারে চুপেচুপে একটা বড় নৌকায় উঠে, মাঝিদের অলক্ষ্যে রাজু মোটা একটা কাছির বাঙিল মাথায় করে তুলে নিয়ে এল।

আমি ঘাটের একপাশে আঁধারে গা-ঢাকা দিয়ে দাঁড়িয়ে ছিলাম। রাজু এসে বললে—চল এবার।

পুলিশসাহেবের বাংলো থেকে ক্লাব প্রায় মাইলখানেকের পথ। সাহেব এই পথটা ঘোড়ায় চড়ে যাতায়াত করত। আর তার একটা ব্যারাম ছিল, কিছুতেই সে আস্তে ঘোড়া চালাতে পারত না। সব সময়েই জোরে ঘোড়া ছোটানো ছিল তার বাতিক।

সাহেবের বাংলো আর ক্লাবের মাঝামাঝি এক জায়গায় আমরা অঙ্ককারে লুকিয়ে রইলাম। তারপর অনেক রাতে যখন মনে হ'ল সাহেবের ফিরবার সময় হয়ে এসেছে, তখন রাজুর হুকুমে কাছিটাকে হাত দুই উঁচু করে রাস্তার দুধারে দুই আমগাছে বেশ টান করে বাঁধা হ'ল।

আগেই বলেছি, রাত তখন অনেক, রাস্তার লোক চলাচল বন্ধ হয়ে এসেছে। আমরা দড়ি টাঙিয়ে নিশ্চক্ষে একটা গাছের আড়ালে লুকিয়ে আছি। এমনি করে খানিকটা সময় কাটবার পর, ঘোড়ার খরের খটাখট শব্দ শুনে বুঝতে পারলাম, সাহেবের বিলিয়ার্ড খেলা শেষ হয়েছে। যেমন বাতিক খুব জোরেই সাহেব ঘোড়া ছুটিয়ে আসছিল। যেমনি আমাদের কাছির কাছে আসা, এমনি তো ঘোড়া হোঁচট খেয়ে একেবারে সওয়ারহুক্ক উটে পড়ল। সাহেব ছিটকে পড়ল রাস্তায়।

সাহেব বেদম নেশা করেছিল। এমনিতেই দাঁড়াতে পারত কিনা সন্দেহ, তার উপর আবার আচমকা আছাড়। বুঝতেই পারছি পুলিশসাহেবের অবস্থা, মাটিতে পড়ে বেটা মুখ খুবড়ে গোড়াতে লাগল।

রাজু একটা হিংস্র বাঘের মতো সাহেবের ওপরে লাফিয়ে পড়ল। তারপর



সে কি মার! মারের চোটে সাহেবের নেশা ছুটে যাবার ষোগাড়! রাজু  
কিন্তু মুখে একটি কথাও বললে না। নিঃশব্দে কাজ সেরে, সাহেবের কোমর  
থেকে রিভলভারটা খুলে নিয়ে উঠে পড়ল।

আমাকে ইশারা করলে—চল।

ক্ষিপ্ৰহাতে কাছিগাছটা খুলে নিয়ে দুজনে সরে পড়লাম। আদমপুর ঘাটে  
এসে রাজু ষখান্ধানে কাছিটা রেখে এল। তারপর সাহেবের রিভলভারটা ফেলে  
দিল গঙ্গায়। বললে—চল, বাড়ী ফিরি এবার। সাহেবকে যথেষ্ট শিক্ষা  
দেওয়া হয়েছে, কি বলিস্।

এই আমার রাজু, আমার ইন্দ্রনাথ। অস্ত্রায়ের বিরুদ্ধে এমন বুক চিতিয়ে  
দাঁড়াতে, অস্ত্রের জন্তু নিজেকে এমন বিলিয়ে দিতে, আমি দ্বিতীয় ব্যক্তি  
দেখি নি।

কবি নরেন দেবের বাড়ীতে একদিন শরৎচন্দ্র চা পান করছিলেন। নানা  
রকম গল্প হচ্ছিল। কথায় কথায় শ্রীকান্তের ইন্দ্রনাথের সাহসের কথা উঠল।

শরৎচন্দ্র বললেন—ইন্দ্রনাথ অর্থাৎ রাজু, সে যে কি পরিমাণে সাহসী ছিল,  
তার সঙ্গে যে না মিশেছে, সে ঠিক বুঝতে পারবে না। আমরা যেখানে ভয়ে  
পালাতাম, সে সেখানে এগিয়ে যেত। ভয় জিনিসটা সে জানতই না। তার  
সাহসের একটা গল্প বলি শোনো—

আমি তখন স্থলে পড়ি। রাজু লেখাপড়া ছেড়ে দিয়ে লোকের সেবা করে  
বেড়ায়। কে কোথায় কি বিপদে পড়েছে, তাকে উদ্ধার করা। কার অস্থখে  
লোক নেই, তার সেবা করা। কে কোথায় মরছে, সেই মৃতদেহ দাহ করতে  
যাওয়া—এই সব হ'ল তার কাজ।

আমি আবার ছিলাম রাজুর ডান হাত। দরকার হলেই রাজু আমাকে ডাকত। বিশেষ করে শব্দাহের কাজ একা হ'ত না বলে এ কাজে আমাকে প্রায়ই যেতে হ'ত রাজুর সঙ্গে।

ভাগলপুরে আমাদের বাড়ীতে জগদ্ধাত্রী পূজা হ'ত খুব জাঁক করে। সেবার জগদ্ধাত্রী পূজোর ঠিক পরের দিন, আমাদের বাড়ীতে যাত্রা হচ্ছে। কলকাতা থেকে নামকরা দল এসেছে। পাড়ার এবং প্রতিবেশী অঞ্চলের লোক সব কোঁটিয়ে এসেছে যাত্রা শুনতে। আমিও আসরের এক কোণে বসে তন্ময় হয়ে যাত্রা শুনছি। এমন সময় রাজু কোথা থেকে এসে কানে কানে বললে—উঠে আয়।

উঠে বাইরে এলাম। রাজু বললে—ও-পাড়ার তারাপদর ছেলেটা এইমাত্র কলেরায় মারা গেল। ছোট ছেলে, মাত্র বছর তিনেক বয়স। অনেক চেষ্টা করলাম, কিছুতেই বাঁচানো গেল না। একমাত্র ছেলে! কলেরায় মড়া, সেই তাকে নিয়েই তারাপদ আর তার জ্বী পাগলের মতো কান্নাকাটি করছে। ঐ রোগের মড়া ঐভাবে ওদের কাছে ফেলে রাখাটা ঠিক নয়। তাই ভাবছি, এখনি মড়া নিয়ে ঋশানে যাব। ও-পাড়ার সবাই তো যাত্রা শুনতে এসেছে, পাড়া খালি। তা তুই আয় আমার সঙ্গে।

আমি আর বাক্যব্যয় না করে স্ফুস্ফু করে রাজুর সঙ্গী হলাম। যাত্রা শোনার ঐখানেই ইতি।

তারাপদ আর তার জ্বীকে নানারকম প্রবোধ দিয়ে, মৃত শিশুটিকে কোন প্রকারে তাদের কাছ থেকে ছিনিয়ে নিয়ে, আমরা যখন ঋশানে রওনা হলাম, রাজি তখন বোধ করি ১টা হবে।

পথে বেরিয়ে রাজুকে বললাম—সঙ্গে বাতি-টাতি কিছু একটা নিলে হ'ত না?

রাজু বললে—তা তো হ'ত! কিন্তু এখন পাই কোথা? দেবে কে? চল, আমার সঙ্গে দেশলাই আছে। প্রয়োজন হ'লে তাই জ্বালানো যাবে এখন।

আর কোন কথা বললাম না। তারাপদর ছেলেকে কোলে নিয়ে রাজু চলেছে আগে, আমি তার পিছনে।

গঙ্গার ধারে ঋশান। যেমন বিরাট, তেমনি বিভীষিকাময়! দিনের বেলাতেও সেই ঋশানের ধারে যেতে লোক ভয় করে। চারদিকে বহুদূর

পর্বন্ত লোকালয়ের নামগন্ধ নেই। শুধু বাবু, আর মাঝে মাঝে কোথাও দু-একটা খেজুর বা কাঁটাগাছের যোপ।

ঋশানের ঠিক মাঝখানে ছিল একটা চালাঘর। লোকে মড়া পোড়াতে এসে জলঝড়ে পড়লে, নদ্যতো বিশ্বাসের প্রয়োজন হ'লে, সেই চালায় এসে আশ্রয় নিত। এইদিক থেকে ঐ চালাঘরটি সকলের বিশেষ কাজে লাগলেও, লোকে কিন্তু ঋশানের চেয়েও বেশী ভয় করতো ঐ চালাঘরটিকেই। বলতো ওটা নাকি ছুতের একটা আড্ডাখানা। রাত্রে তো দূরের কথা, দিনের বেলাতেও কেউ সঙ্গে অনেক লোকজন না থাকলে, ওর ধারে কাছেও ঘেঁসতে চাইত না।

রাজু এসব নিয়ে মাথা ঘামাত না। সে সোজা গিয়ে উঠল প্রথমই ঐ চালাঘরটিতে। পিছু পিছু আমিও গিয়ে উঠলাম বটে, তবে ঠিক স্বাভাবিক অবস্থায় নয়। বুঝছিলাম, হাতে-পায়ে কেমন খিল ধরে যাচ্ছে। তবে সঙ্গে আছে রাজু—এই যা একমাত্র ভরসা।

মেঝেতে মৃতদেহ নামিয়ে রেখে রাজু বললে—অনেকক্ষণ বিড়ি খাওয়া হয় নি। আগে একটা বিড়ি খেয়ে নিই, কি বলিস ?

রাজুর কথায় আমি সায় দিতে যাচ্ছিলাম, কিন্তু তার আগেই স্পষ্ট কানে এল, অন্ধকার থেকে কে যেন বললে—আমায় একটা দেবে ?

আমার অবস্থা তখন বুঝতেই তো পারছ! মাথার চুল তারের মত খাড়া, গা দিয়ে শ্বেক ঠাণ্ডা ঘাম বরছে।

রাজু কিন্তু গলা ঝাড়া দিয়ে জিজ্ঞাসা করলে—কে ?

উত্তর এল—আমি।

আমি কে ?—বলেই রাজু ফস্ করে একটা দেশলাইয়ের কাঠি ধরাল।

আলোতে দেখলাম, আমাদের পাশেই ময়লা একটা বিছানা। সেই বিছানায় মানুষের মতো কি একটা লম্বা হয়ে শুয়ে রয়েছে, আপাদ-মস্তক কাঁথা দিয়ে ঢাকা।

রাজু ভাল করে দেখে বললে—এ আর একটা মড়া রে! কারা পোড়াতে এসে ফেলে রেখে গেছে। কাঠকুটো আনতে গেছে বোধ হয়।

তখন আবার শোনা গেল, কে যেন বললে—না গো আমি মড়া নই।

এবার আমি রাজুর হাত ছুটো চেপে ধরলাম। কিছু একটা বলতে গেলাম, কিন্তু পারলাম না। দাঁতে দাঁত লেগে গেছে।

বলিহারি ঘাই রাজুর সাহসে—সে নির্ভয়ে আবার জিজ্ঞাসা করলে—  
তাহলে কে তুমি ?

প্রথম কাঠিটা শেষ হয়ে গিয়েছিল, রাজু আর একটা কাঠি ধরাল। এবার দেখলাম, কাঁথার ভিতর থেকে শব্দ এল—আমি গঙ্গাযাত্রী।

রাজু এগিয়ে গিয়ে কাঁথার একটা ধার তুলে ধরল। দেখি, প্রায় আশি বছরের এক বুড়ো, কটমট করে দিব্যি তাকিয়ে আছে। মুখে মৃত্যুর লেশমাত্র চিহ্ন নেই।

রাজু আমাকে সাহস দিয়ে বললে—ভয় নেই রে! এ মড়া নয়, গঙ্গাযাত্রীই।

তারপর সে একটা বিড়ি ধরিয়ে বুড়োর মুখে পুরে দিলে। পরম আরামে বিড়িতে এক টান দিয়ে বুড়ো বললে—আঃ, বাঁচালে বাবা! কদিন হ'ল এসেছি, চাইলে একটা বিড়িও দেয় না। যত সব হতচ্ছাড়া!

রাজু এবার বুড়োকে প্রশ্ন করতে লাগল—কদিন এসেছ? তোমার সঙ্গে কে কে এসেছে? তারা সব কোথায়?

বুড়ো বললে—এসেছি বাবা আজ তিনদিন হ'ল। মরণ আর হচ্ছে না। আমার দুই নাতি, আর পাড়ার একটা লোক আমাকে নিয়ে এসেছে। তারাও এ কদিন রয়েছে আমার সঙ্গে। কোথায় নাকি আজ কলকাতা থেকে ভালো যাত্রার দল গাওনা করতে এসেছে, তারা খানিক আগে গেছে সেখানে। আমার মরতে দেরি হচ্ছে বলে, তারা আমার উপর বিষম চটে যাচ্ছে বাবা। বলছে, মরবে ভেবে বুড়োকে বাঁর করলাম, আর এখানে এসে গঙ্গার হাওয়া খেয়ে বুড়ো দিব্যি সেরে উঠছে, মরবার নামটি নেই। কি জানি বাবা, কি হবে আমার! একবার গঙ্গাযাত্রী হয়ে এলে আর নাকি ঘরে ফিরতে নেই!

রাজু বললে—কে বললে ফিরতে নেই? তোমাকে দেখে তো মনে হচ্ছে, তুমি এখন মরবে না, এ যাত্রা সেরে উঠলে। তা তোমার বাড়ী কোথায়? চল, বাড়ী ফিরে যাবে চল। আমরা তোমাকে নিয়ে যাব। না হ'লে, ঐ বাড়ী ফিরতে নেই বলে যারা তোমাকে নিয়ে এসেছে, তারাই হয়ত তোমাকে গলা টিপে মেরে ফেলবে।

বুড়ো বললে—তুমি ঠিক বলছ বাবা! কদিন ধরেই তো ওরা এই বলে আমাকে শাসাচ্ছে। এখন কবে না জানি গলা টিপে ধরে।

রাজু বললে—ঠিক আছে, তোমার আর ভয় নেই। আমরা আমাদের কাজটা সেয়ে নিই, তারপর তোমাকে এখান থেকে নিয়ে যাব। আজ রাতে তুমি আমাদের বাড়ীতে থাকবে। কাল বেলা হ'লে তোমাকে তোমার বাড়ীতে রেখে আসব।

তারাপদর ছেলোটিকে মাটি চাপা দেওয়া হ'ল। তারপর রাজু গঙ্গায় ডুব দিয়ে এসে একাই বুড়োকে কাঁধে তুলে নিলে। আমাকে বললে—তুই ওর কাঁথা বিছানা সব বগলদাবা করে নে।

আসবার সময় যেমন, ফেরবার সময়ও তেমনি—সামনে চলেছে রাজু, আর পিছনে চলেছি আমি। তার কাঁধে এবার বুড়ো, আমার বগলে বুড়োর ময়লা কাঁথা বিছানা।

মামারবাড়ীর কাছে এসে গুনলাম, যাত্রা তখনো চলছে।

এই আমার বন্ধু রাজু, অর্থাৎ আমার শ্রীকান্তের ইন্দ্রনাথ।

এই রাজু একদিন কাউকে কিছু না বলে, কোথায় যে নিরুদ্দেশ হয়ে চলে গেল, আজও কেউ তার সন্ধান পেলো না। তার মুখ, তার কথা মনে পড়লে আজও আমার বুকটা কেমন করতে থাকে। সে যে কত বড় বন্ধু ছিল আমার! সেই ছেলেবেলা থেকে আজ অবধি কত দেশ-বিদেশ তো ঘুরলাম, কত মানুষই তো দেখলাম, কিন্তু কই, রাজুর মতো অমন মানুষ আর একটিও চোখে পড়ল না!

## মৃত্যুর পর

শরৎচন্দ্র একদিন সন্ধ্যার সময় বালীগঞ্জের বাড়ীতে অমূল্যচরণ বিজ্ঞানভূষণ আর নরেন্দ্রনাথ বসুর সঙ্গে প্রেততত্ত্ব নিয়ে আলোচনা করছিলেন। শরৎচন্দ্র বলছিলেন— শুনেছি মানুষ মরে গিয়েও আবার দেখা দেয়। কি করে যে এ সম্ভব তা তো বুঝতে পারি নে।

বিজ্ঞানভূষণমশায় বললেন—আমার জীবনে এ রকম একটি ঘটনা ঘটেছিল। বহুদিন মৃত আমার এক গুরুজনকে আমি একবার দেখেছিলাম, এমন কি তিনি আমাকে তখন যে নির্দেশ দিয়েছিলেন, সেই নির্দেশ অমূল্যচরণ কাজ করে পরে আমি বিশেষ উপকৃত হয়েছিলাম।

শরৎচন্দ্র বললেন—আমার নিজের জীবনে এ রকম কোন ঘটনা ঘটে নি বটে, তবে আমার মামার বাড়ীতে একবার এই ধরনের একটা আশ্চর্য ব্যাপার ঘটেছিল। বাবার মুখে সে গল্প শুনেছি, আত্মীয় স্বজনদের মুখেও শুনেছি। ঘটনাটা শুনেই সব বুঝতে পারবে—

ভাগলপুরে আমার মামাদের যে পাকা বাড়ী, তার পিছনদিকে তখন একটা দোতলা মাঠকোঠা ছিল। এই মাঠকোঠার একতলায় তিনটি ঘর থাকলেও, উপরে কিন্তু সবটা জুড়ে মাত্র একটা বড় ঘর ছিল। নীচের তিনটি ঘরই ব্যবহার করা হ'ত, কিন্তু উপরের ঘরটা ছিল গুদামঘরের মতো, একরাশ হাড়িভুঁড়ি ও নানারকম জিনিসপত্রে বোঝাই হয়ে থাকত। একটি অল্পবয়েসী বউ, ঐ দোতলার ঘরে গলায় দড়ি দিয়ে মরেছিল বলে, ঘরটা কেউ আর ব্যবহার করত না।

মামাদের বাড়ীতে জগদ্ধাত্রী পূজায় প্রতি বছর খুব ধুমধাম হ'ত। আত্মীয়-সুত্ৰ আসত অনেক, দিনকতক বাড়ীঘর লোকে একেবারে গিসগিস করত। একবার পূজায় এত লোক হ'ল যে, শোবার আর জায়গা নেই। জগদ্ধাত্রী পূজার সময়টা পড়ে একেবারে অজ্ঞানের কাছাকাছি, হিমে ঠাণ্ডায় খোলা দালানেও শোয়া চলে না। বাবা আর ছোট দাদামশায়, অর্থাৎ

আমার মায়ের ছোটকাটা, এঁরা ছিলেন একবয়েসী। এঁরা ঠিক কল্পলেন, মাঠকোঠার ঐ দোতলার ঘরেই শোবেন। জিনিসপত্র সরিয়ে ঘরের খানিকটা জায়গা পরিষ্কার করা হ'ল। ছুটো খাটিয়া পেতে বিছানা করা হ'ল। রাত্রে খাওয়া-দাওয়ার পর ওঁরা গিয়ে দুজনে সেই ঘরে শুলেন।

রাজি তখন প্রায় একটা। হঠাৎ বাবা চীৎকার করে উঠলেন—ওরে বাবারে! ওখানে কে রে?

চীৎকারে ছোট দাদামশায়ের ঘুম ভেঙে গেল, ধড়মড় করে তিনি উঠে পড়লেন। বাড়ীর আরো অনেকে তাড়াতাড়ি ছুটে এলেন। সকলের প্রশ্নের উত্তরে বাবা বললেন—জানালার ধারে কে একজন এসে দাঁড়িয়েছিল। দীর্ঘাকৃতি, সুন্দর তার চেহারা, গলায় পৈতে আর বড় রুদ্রাক্ষের মালা, মাথায় মোটা শিখা। হঠাৎ এত কাছে ঐ মূর্তি দেখেই ভয়ে আমি চোঁচিয়ে উঠেছিলাম।

বাবার কথা শুনে সকলে তো হেসেই অস্থির।

কেউ কেউ বললেন—স্বপ্ন দেখেছ। মেয়েমানুষের মূর্তি দেখলেও না হয় বুঝতাম, একটা কারণ রয়েছে।

বাবা বাড়ীর জামাই মানুষ, খুব অপ্রতিভ হয়ে পড়লেন। ভাবলেন—হবেও বা, হয়তো স্বপ্নই দেখেছি।

পরের দিন রাত্রে বাবা আর ছোট দাদামশায় দুজনে আবার ঐ ঘরে শুয়েছেন। গতরাত্রে ভালো ঘুম না হওয়ায় বাবা শুয়েই ঘুমিয়ে পড়েছিলেন। সেদিনও মাঝরাত্রে, আবার একটা বিকট চীৎকার শোনা গেল। সেদিন আর বাবা নয়, ছোট দাদামশায়। বাবার ঘুম ভেঙে গেল। সকলে আবার ছুটে এলেন। ছোট দাদামশায়ের গা দিয়ে তখন ঘাম ঝরছে। কি হয়েছে জিজ্ঞাসা করায় ছোট দাদামশায় বললেন—কে একজন জানালার কাছে এসে আমার দিকে একদৃষ্টে তাকিয়ে ছিল। জামাই যাকে কাল দেখেছে, ঠিক সেই। সেই লম্বা-চওড়া চেহারা, গলায় মোটা পৈতে, রুদ্রাক্ষের মালা—

ছোট দাদামশায়ের কথাও কেউ বিশ্বাস করলেন না। বললেন—ও কিছু নয়। জামাইয়ের কাছে শোনা কথা তোমার মনে ছিল, তাই ঐ স্বপ্ন দেখেছ।

ছোট দাদামশায় বললেন—তোমরা যাই বল, আমি কিন্তু স্পষ্ট দেখেছি। সত্যিই হোক আর স্বপ্নই হোক, এ ঘরে আর শোওয়া নয়।

আমার দাদামশায়দের অবস্থা ছিল ভালো।, অতিথি, আত্মীয়-স্বজন প্রায়ই এসে তাঁদের বাড়ীতে আশ্রয় নিত, আর তাঁরা অতিথিবৎসলও ছিলেন খুব। যে ঘটনার কথা বললাম, তার প্রায় বারো-তের বছর আগে একদিন এক ব্রাহ্মণ এসে বাড়ীতে আশ্রয় নেন। সেই থেকে আর কোথাও তিনি যান নি, এঁদের বাড়ীতেই থেকে গিয়েছিলেন। সকলেই তাঁকে ভট্টাচার্য্যমশাই বলে ডাকত। ভট্টাচার্য্যমশায় খুব নিষ্ঠাবান ব্রাহ্মণ ছিলেন। শাস্ত্রপাঠ, পূজার্চনা এ সব নিয়েই দিন কাটাতেন।

বাবা আর ছোট দাদামশায়ের মুখে পরদিন রুজ্রাক্ষের মালা পরা সেই মূর্তির কথা শুনে ভট্টাচার্য্যমশায় বললেন—আজ রাত্রে আমি ঐ ঘরে শোব। দিনে ঘরে তুলসী ধূনা দেব, আর রাত্রে সিংহাসনস্থদ্ধ নারায়ণ নিয়ে গিয়ে বসাব। দেখি কি হয়!

ভট্টাচার্য্যমশায় যথারীতি শাস্তি-স্বস্ত্যয়ন করে রাত্রে গিয়ে একা ঐ ঘরে শুলেন। কিন্তু রাত্রি দুটো নাগাদ সেদিন যে কাণ্ড ঘটল সে আরও সাংঘাতিক! ভয়ে বিকট চীৎকার করে একেবারে তিনি অজ্ঞান হয়ে পড়লেন।

ঘর ভিতর থেকে বন্ধ ছিল। তখনকার দিনে দরজায় এখনকার মতো কজা দেওয়া থাকতো না, হাঁসকল থাকত। বাইরে থেকে অনেক চেষ্টায় কোন রকমে সেই হাঁসকল তুলে দরজা খোলা হ'ল। মুখে-চোখে জল ছিটিয়ে অনেকক্ষণ বাতাস করবার পর তাঁর জ্ঞান ফিরে এল। সবাই উন্মিষ্ট হয়ে প্রশ্ন করলে—কি ব্যাপার?

তিনি শুধু বললেন—আমায় কিছু জিজ্ঞাসা করো না। আমি কিছু বলতে পারব না।

পরদিন সকাল থেকে ভট্টাচার্য্যমশায়ের জ্বর এল। এমন জ্বর যে, ডাক্তার ডাকা হ'ল। তাঁর চিকিৎসায় কিছুদিন কাটল, কিন্তু জ্বর আর কিছুতেই ছাড়ে না। বারো-তের দিন পরে তিনি আমার দাদামশায়কে ডেকে বললেন—শুভ্রন, এ জ্বর থেকে আমার নিস্তার নেই। আমার হাড়টা বাতে কালীর মণিকর্ণিকায় পড়ে, সে ব্যবস্থা যদি দয়া করে করেন তো সুখে মরতে পারি।

ভট্টাচার্য্যমশায়কে নিয়ে কে এখন কালী যায়—এই হ'ল তখন সমস্তা। আগেই বলেছি, ছোট দাদামশায় আর বাবা এক বয়সী ছিলেন, আর ছুজনের



ভাবও ছিল খুব। শেষে ওঁরাই তাঁকে নিয়ে যেতে রাজী হলেন। দিনকয়েক পরেই একজন চাকর সঙ্গে করে ভট্টচার্য্যমশায়কে নিয়ে তাঁরা কাশী যাত্রা করলেন।

কাশীতে ভাড়া বাড়ীর এক ভেতলার ঘরে ভট্টচার্য্যমশায়কে রাখা হয়েছিল। ছোট দাদামশায় আর বাবাও ঐ ঘরেই থাকতেন। ক’দিন কেটে গেল। ভট্টচার্য্যমশায়ের অবস্থা ক্রমে খারাপের দিকেই যেতে লাগল। তিনদিন ক্রমাগত তাঁর শ্বাস চলছে, এমনি সময়ে একদিন মাঝরাতে হঠাৎ ছোট দাদামশায় দেখতে পেলেন—একটা লোক জানালার বাইরে থেকে ঘরের ভিতরে কেবলই উঁকি মারছে। ছোট দাদামশায় তখন জেগেছিলেন, বাবা ঘুমিয়ে ছিলেন। কে? কে? করে তিনি চেঁচিয়ে উঠতেই বাবাও উঠে পড়লেন। জেগে বাবাও স্পষ্ট দেখতে গেলেন—কে একটা লোক যেন জানালা দিয়ে মুখ বাড়িয়ে ভট্টচার্য্যমশায়ের দিকে তাকিয়ে আছে।

বাবা তাড়াতাড়ি বাইরে বেরিয়ে এলেন, কিন্তু কাউকে কোথাও দেখা গেল না। ঘরে এসে বাবা বললেন—ছোটকাঁকা, মুখটা কেমন যেন চেনা-চেনা মনে হ’ল না?

ছোট দাদামশায় বললেন—ঠিক বলেছ, আমিও তাই ভাবছিলাম।

পরদিন সকালেই ভট্টচার্য্যমশায় মারা গেলেন।

কাশীতে কিছু লোক আছে শবদাহই তাদের কাজ। খবর পেয়ে একে-একে ছয় সাতজন লোক জুটে গেল। তাদের মধ্যে একজন ছোট দাদামশায়ের কাছে গিয়ে বললে—দেখুন, উনি যখন আপনাদের নিজের কেউ নন বলছেন, তখন এক কাজ করুন, আমি সদব্রাহ্মণের সন্তান, আমাকেই ওঁর মুখায়ির কাজটা করতে দিন।

বাবা আর ছোট দাদামশায় ভাবলেন—তাও তো বটে, আমরাই বা ওঁর মুখায়ি করতে বাই কেন। তাঁরা রাজী হয়ে বললেন—বেশ তাই হবে, আপনিই মুখায়ি করুন।

লোকটি বেশ আগ্রহের সঙ্গেই মুখায়ি করল। শুধু তাই নয়, খশানের বাবতীয় কাজও সে প্রায় একাই করল।

যেমন কাজকর্মে, চেহারাতেও লোকটি তেমন সুন্দর ও বলিষ্ঠ। বাবা ও ছোট দাদামশায় দুজনেই মনে মনে ভাবছেন—একে কোথায় যেন দেখেছি,

মুখটা যেন চেনা-চেনা মনে হচ্ছে। দুজনেই একই কথা ভাবছেন বটে, কিন্তু মুখে কেউ কিছু বলছেন না।

সন্ধ্যা নাগাদ সকলেই বাসায় ফিরলেন। অগ্রিম্পর্শ করবার পর, সঙ্গে বারী গিয়েছিল, তাদের প্রত্যেককেই জলখাবার এবং আর্ট আনা করে পরশা দেওয়া হ'ল। কেবল মুখান্নি যে করেছিল, তাকেই খুঁজে পাওয়া গেল না।

ছোট দাদামশায় জিজ্ঞাসা করলেন—আপনাদের আর একজন কোথায় গেলেন? তাঁকে দেখছি না যে?

তারা বললে—সে তো মশায় আপনাদেরই লোক। আমাদের দলের কেউ নয়। ওকে তো আগে আমরা কখনো দেখি নি।

বাবা আর ছোট দাদামশায় তখন কিছুই প্রকাশ করলেন না। তারা চলে গেলে বাবা বললেন—ছোটকাকা, একটা কথা বলবে? আমরা দেশে যাকে দেখেছিলাম, এ সে-ই কিনা ঠিক করে বলো তো?

ছোট দাদামশায় বললেন—হ্যাঁ, এ সেই লোকই, তাতে আর সন্দেহ নেই। ও যখন আমার কাছে এসে মুখান্নির কথা বললে, তখন থেকেই আমার মনে হচ্ছে, একে যেন আগে কোথায় দেখেছি। আশ্চর্য ব্যাপার! দাহ পর্বন্ত করে গেল, কিছু বুঝতে দিলে না!

দেশে ফিরে এসে তাঁরা সকলকে সমস্ত কথা খুলে বললেন। শুনে সকলেই বিস্মিত হলেন, কিন্তু সেই রহস্যের কোন কিনারা কেউই করতে পারলেন না।

বাড়ীতে ভট্টাচার্য্যমশায়ের একটা ক্যান্ডিসের ব্যাগ ছিল। ব্যাগটি খুলে দেখা গেল, তাতে ক'খানা গরদের জোড়, দানে পাওয়া সাত আটটা সোনার নখ, পাঁচটা কি ছটা সোনার আংটি, আর খানকতক চিঠি রয়েছে। একটি চিঠির মধ্যে ভট্টাচার্য্যমশায়ের বাড়ীর ঠিকানা ছিল।

দাদামশায় বললেন—ভট্টাচার্য্যমশায়ের দেশের পোর্টমাস্টারের নামে একখানা চিঠি লিখে দাও, তিনি যেন অনুগ্রহ করে যত্ন-সংবাদটা আত্মীয়দের জানান। আর এখানে ভট্টাচার্য্যমশায়ের বা জিনিসপত্র রয়েছে, তাঁর আপনার কোন লোক এলেই সেগুলি তাঁকে দিয়ে দেওয়া হবে।

লেখা হ'ল চিঠি। অনেকদিন পরে মধ্যবয়সী এক বিধবা স্ত্রীলোক একদিন মামাদের বাড়ীতে এসে পরিচয় দিলেন, তিনি ভট্টাচার্য্যমশায়ের এক জ্ঞাতি

ভাইপোর জী। তাঁর গ্রামের কয়েকজন ভ্রাতৃলোকের চিঠি, আর পোস্ট মাস্টারকে লেখা সেই চিঠিখানিও সঙ্গে এনেছেন।

তাঁর কাছে জানা গেল—ভট্টাচার্য্যমশায় সংসার ত্যাগ করে সন্ন্যাস নিয়েছিলেন। তাঁর জী আগেই মারা যান। এক ছেলে ছিল, সে টোলের উপাধি পেয়েছিল। একদিন কি কারণে বাপ-ছেলের মধ্যে খুব ঝগড়া হয়। সেইদিনই দেখা গেল, ছেলে বাগানের একটা গাছে গলায় দড়ি দিয়ে আত্মহত্যা করেছে। ভট্টাচার্য্যমশায় বাড়ীতে আর টিকতে পারেন নি। গুর বা কিছু ছিল আত্মীয়দের দান করে, সন্ন্যাসী হয়ে বেরিয়ে পড়েন।

ভট্টাচার্য্যমশায়ের ছেলের চেহারাটা ছিল খুব সুন্দর। বেশ বলিষ্ঠ, লম্বা-চওড়া, মাথায় মোটা টিকি। তার একটা শখ ছিল—সাত-আট দণ্ডী মোটা পৈতে খুব করে মেজে-ঘষে গলায় পরতে ভালবাসত।

চেহারার বর্ণনা শুনে বাবা আর ছোট দাদামশায় দুজনেই বললেন—একেবারে ছব্ব মিলে যাচ্ছে। আমরা যাকে দেখেছি সে এই ছেলেটিই।

বোঝা গেল, ভট্টাচার্য্যমশায় তাহলে মাঠকোঠার ঘরে তাঁর মৃত ছেলের চেহারা দেখেই অজ্ঞান হয়ে গিয়েছিলেন এবং সেইজন্তাই এ বিষয়ে কোন কথা বলতে অস্বীকার করেছিলেন। আত্মঘাতী ছেলে বোধ হয়, অসুস্থতায় হয়ে মৃত্যুর পরও বাপের সঙ্গে সঙ্গে ঘুরে বেড়িয়েছে, আর শেষ পর্যন্ত একটা মূর্তি ধরে পুত্রের কর্তব্য তাঁর মুখানিও করে গেছে।

## পিশাচ

সেদিন সন্ধ্যাবেলা ‘ঘমুন’ পত্রিকার কার্যালয়ে শরৎচন্দ্র বেড়াতে এসেছেন। সম্পাদক ফণীন্দ্রনাথ পাল, কর্মকর্তা হেমেন্দ্রকুমার রায় উপস্থিত তো আছেনই, তাছাড়া আছেন, সুধীরচন্দ্র সরকার এবং আরো অনেকে। শরৎচন্দ্র একাই আসর মাত করে রেখেছেন।

ক্রমে সন্ধ্যা ঘনিয়ে রাত হ’ল। অনেকে বিদায় নেবার আয়োজন করছেন, এমন সময় এক ভদ্রলোক অসুস্থ হয়ে জ্ঞানালেন—শরৎচন্দ্র, একটা ভুতের গল্প হোক। এই রাত্রে জন্মবে ভালো।

শরৎচন্দ্র সানন্দে রাজী হলেন। শ্রোতার কান খাড়া করে বসলেন। শরৎচন্দ্র গল্প আরম্ভ করলেন—

দেখ, যে গাঁয়ে আমাদের বাড়ী, গঙ্গা সেখান থেকে অনেক দূর। ইটা-পথে মাইল পাঁচেক তো হবেই। এই গঙ্গার ধারেই ছিল চার-পাঁচ গাঁয়ের একমাত্র শ্মশান। অদূরে নদীর তীর ধরে বেশ গভীর একটা জঙ্গলও ছিল। শ্মশানের কাছে এই জঙ্গলটা থাকতে সকলের বড় অসুবিধে হ’ত। কাঠের জন্তু আর ভাবতে হ’ত না, গিয়ে দরকার মতো কেটে আনলেই হ’ল।

গাঁয়েদেশে কেউ মারা গেলে, এই কাঠের ভাবনাই একটা বড় ভাবনা। গাঁ থেকে শ্মশান—অতটা পথ কাঠ বয়ে নিয়ে যাওয়া তো সোজা কথা নয়। শহুরে শ্মশানের কথা আলাদা, পয়সা ফেললেই চিতার কাছে একেবারে শুকনো কাঠ ফেলে দিয়ে যাবে। জলন্ত এক গোছা প্যাঁকাঠি ধরাও, বাস, চোখের পলকে যেদিনী-তাতানো আগুন ধরে যাবে। সস্তকাটা জংলী কাঠের ঐ আর একটা অসুবিধে, আগুন ধরাতে দস্তুরমতো তোয়াজ করতে হয়।

আমাদের দলে একটি ছেলে ছিল, তার নাম ভোলা। খুব ভানপিটে, সাহসী আর গায়ের জোরও ছিল কম নয়। কিছুদিন ধরে আড্ডায় ভোলার আর দেখা পাই না, শুনলাম তার দিদিমার খুব অসুখ।

একদিন রাত্রে আমরা যে যার ঘুমোবার জন্তু শুতে গেছি, হঠাৎ শুকনো

মুখে ভোলা এসে উপস্থিত। তখন বুঝতে পারলাম, তার দিদিমা মারা গেছেন।

ভোলা বললে—পাড়ার সকলে বলছেন, বুড়ীকে আর বানি মড়া করে কাজ নেই। আজ রাজ্জেই দাহ করবার ব্যবস্থা করতে হবে।

পাড়ার লোকেরা তো বলেই খালাস। এখন ঐ রাতে, ঐ পাঁচ মাইল পথ পাড়ি দিয়ে শ্মশানে যাবার লোক মিলবে কোথায়।

আমাদের দলের লোকেরই শরণাপন্ন হতে হ'ল। বাড়ী বাড়ী গিয়ে জুটল তিনজন, আমি আর ভোলা। এই পাঁচজনে মিলে তো গভীর রাত্রে রওনা হওয়া গেল। তখন গুরুপক্ষ, যদিও আকাশে মেঘ ছিল, পথে মাঠে দিবা আলো। গাঁয়ের রাস্তায় গভীর রাত্রে, অন্ধকার মাথায় করে যাচ্ছি না—এ বড় কম কথা নয়।

শ্মশানে যাত্রীদের বিশ্রামের জন্য একটা ঘর ছিল। ঘরটি মাঝারি গোছের। ঘরে যাওয়া আসার একটা মাত্র দরজা। দরজা বললাম বটে, তবে তাতে পাল্লার কোন বালাই ছিল না—কোন কালে ছিল হয়তো, প্রয়োজনে কেউ সেই পাল্লা চিরেই কাজ সেরে থাকবে। দাহর স্থানে দাহ দরজার এরকম পরিণতি অস্বাভাবিক নয়, বুঝতেই পারছ।

মৃতদেহ সেই ঘরে রেখে ঠিক করা হ'ল, আমরা তিনজনে যাব কাট কেটে আনতে, আর ভোলার সঙ্গে পাহারা দেবার জন্য থাকবে আর একজন।

ভোলা বললে—আমার সঙ্গে কেউ থাকবার দরকার নেই। আমি একাই আগলে থাকতে পারব। কাঠ আনতে তোরা চারজনেই যা। তাতে তাড়াতাড়ি হবে, আর তোদের বইতেও হবে কম।

দলের একজন বললে—কিন্তু, শুনেছি যে শ্মশানে নাকি একা থাকতে নেই।

ভোলা বললে—রাখ তোর শোনা। এখন যা পালা, আমার জন্য কিছু ভাবিস নি।

ভোলাটার ঐ রকমই ছিল বুকের পাটা। ওর সাহসের তারিফ করতে করতে আমরা কুড়ুল হাতে চারজন তো জঙ্গলে গিয়ে ঢুকলাম। বিরাট বিরাট জড়ুন, শিরীষ আর বাবলা গাছে জঙ্গলটা ভর্তি। কোন রকম সময় নষ্ট না করে আমরা খপাখপ কোপ লাগাতে শুরু করে দিলাম।

একজন মানুষকে দাহ করতে খুব কম করেও তিন মণ কাঠ লাগে।

এতখানি কাঠ চারজন মিলে কাটলেও, চিরে ফালা ফালা করতে ছ'ঘণ্টা সময় তো লাগলই। ছ'ঘণ্টা কেন, তার কিছু বেশীই হবে।

চার ভাগে কাঠ নিয়ে আমরা ফিরছি। একটু ফাঁকায় এসে চাঁদের আলোর ঋশান ঘরটা চোখে পড়তেই থমকে দাঁড়িয়ে গেলাম। একি কাণ্ড! দেখি ঘরের মধ্যে দাউ দাউ করে আগুন জ্বলছে!

ঘরটার কাছাকাছি এসে দেখি, পথের মধ্যে কে যেন একজন উপুড় হয়ে পড়ে আছে।

মাথার কাঠ ফেলে লোকটার গায়ে হাত দিয়ে বুঝলাম, তার জ্ঞান নেই, কাঠের মতো শক্ত। তুলে ধরে দেখলাম—সে আর কেউ নয়, আমাদের ভোলা। একেবারে বেহুঁস, মুখ দিয়ে ফেনা উঠছে।

ভোলাটা ঘরে না থেকে বাইরে এমনভাবে পড়ে কেন? আর ঘরের ভিতর দাউ দাউ করে আগুনই বা জ্বলছে কেন? ব্যাপার কি কিছুই বুঝতে না পেয়ে হতভম্ব হয়ে গেলাম। ভয় যা করতে লাগল, কি আর বলব!

ঘরের দিকে ছুটে গেলাম, গিয়ে আর ঢুকতে পারি না—ঢুকবার পথ বন্ধ। দরজার সামনে মস্ত এক মাটির টিপি খাড়া। টিপিটা গঙ্গা মাটির, প্রায় মাহুশপ্রমাণ উঁচু। অল্পের জন্তু মাথার চোকাঠ ঠেকে নি। এতখানি মাটি এখানে এল কি করে, আর আনলই বা কে?

উপর দিকে যেটুকু ফাঁক ছিল, সেখান দিয়ে উকি মেরে দেখি—এক কোণে একরাশ কাঠ, তখনো বেশ গনগন করে জ্বলছে। পাশেই যে খাটে আমরা মৃতদেহটি বয়ে এনেছিলাম, সেই খাটখানা দেখলাম শূন্য। হুহুড়ি খেয়ে আনাচ-কানাচ ভালো করে খুঁজলাম। কাঠের আগুনে সবই বেশ পরিষ্কার দেখা যাচ্ছিল, কিন্তু কোথাও শবদেহের চিহ্ন পর্যন্ত পেলাম না। আর, বেশীক্ষণ যে দেখব তারও উপায় ছিল না, ঘর থেকে যা উৎকট মাংস পোড়ার গন্ধ বেরোচ্ছিল তাতে টেকাই দায়!

নাকে কাপড় দিয়ে ভোলার কাছে ফিরে এলাম। তাড়াতাড়ি তাকে ধরাধরি করে নদীর ধারে নিয়ে এসে, চোখেমুখে জল দেবার পর তার জ্ঞান হ'ল। একটু হুহু হয়ে সে যে কাহিনী বললে, তা এই :—

তোরা কাঠ আনতে চলে গেলি, আমি ঘরের মধ্যে বসে থাকতে থাকতে

কখন যে ঘুমিয়ে পড়েছি জানি না। হঠাৎ কিসের একটা শব্দে, চমকে আমি জেগে উঠলাম। শব্দটা অনেকটা থপ্-এর মতন, যেন ভারী কিছু একটা পড়ল। চারদিকে ভালো করে তাকিয়ে দেখলাম, কোথাও কাউকে বা কিছু দেখতে পেলাম না। তবু সজাগ দৃষ্টি রেখে বসে রইলাম। একটু পরে তন্দ্রার মতন এসেছিল। আবার শুনলাম—থপ্।

তারপর সমানে কিছুক্ষণ থপ্ থপ্ শব্দ চলতে লাগল।

সাহস সঞ্চয় করে উঠে পড়লাম। ভাবলাম, ঘুরে দেখে আসি শব্দের কারণটা কি। বেরোতে গিয়ে দেখি, একি কাণ্ড! দরজার সামনে এত ভাল ভাল মাটি এনে ফেললে কে? উদ্দেশ্য যে অসং, বুঝতে আর বাকি রইল না। উদ্দেশ্য দরজার পথ বন্ধ করা।

মাটির তালগুলো টপকে তো বাইরে এলাম। চাঁদের আলোয় চারদিক পরিষ্কার দেখা যাচ্ছে। নদীর ধারে তাকিয়ে দেখি, একটা কালো লম্বা-চওড়া লোক, মাথায় তার ঝাঁকড়া ঝাঁকড়া চুল, দুহাতে খুব বড় একটা মাটির তাল বয়ে আনছে। মনে হ'ল লোকটা নিশ্চয়ই পাগল, তা না হ'লে এমন সৃষ্টিছাড়া কাজ কেউ করে? এই ভেবে তার সামনে গিয়ে দাঁড়লাম। গম্ভীর গলায় জিজ্ঞাসা করলাম—এ সব হচ্ছে কি, শুনি?

জবাবে লোকটা আমার দিকে ফিরে তাকাল। ওরে বাবা, সে কি চোখ, সে কি দৃষ্টি! চোখ নয় তো, দু'টুকরো বড় বড় জলন্ত কয়লা! আর দৃষ্টি মাহুষের তো নয়ই, পশুরও নয়, বরং উন্মাদ প্রেতের বলা যেতে পারে। তারপর চুলের একটা ঝাঁকুনি দিয়ে, সে এমন একটা বিকট চীৎকার করে উঠল যে, ভয়ে আমার বুকের রক্ত হিম হয়ে গেল। চীৎকারের সময় আমি ওর দাঁত দেখতে পেয়েছিলাম, নেকড়ের যেমন দাঁত, ঠিক সেই রকম।

আমি প্রাণভয়ে সেখান থেকে ছুট লাগলাম, কিছুদূর যেতে না যেতেই হঠাৎ হৌচট খেয়ে পড়ে বাই। তারপর আর কিছু জানি না।

এই বিবরণ শুনে আমাদের বিন্দুমাত্র সন্দেহ রইল না যে, ভোলা পিশাচের পান্নায় পড়েছিল। বরাত জোরে খুব বেঁচে গেছে। শুনেছি, অসং প্রেতাচার নাকি মুক্তি নেই, তাদের দুই প্রকৃতি ক্রমশঃ ভয়ঙ্কর হয়ে উঠে। উপযুক্ত স্বযোগ পেলেই তারা নাকি মৃতদেহে প্রবেশ করে মাহুষের রূপ ধরে আশানে

নির্জনে বাস করে। আর তারা শবাহারী। যানে, শবদেহই তাদের প্রধান খাদ্য। আহারের সময় দৃষ্টি করে নেওয়াই নাকি রীতি! ভোলায় দিদিমার মৃতদেহ অন্তর্ধানের কারণ এতক্ষণে আমরা বুঝতে পারলাম।

সেদিনকার সেই সংকার করতে যাওয়ার ভয়ঙ্কর পরিণতি আমি জীবনে ভুলব না।

গল্প শেষ করে শরৎচন্দ্র একটা চুপ্‌চুপ ধরালেন। শ্রোতারা সব চুপ করে বসেই আছেন, কেউ উঠবার নাশ করছেন না।

শরৎচন্দ্র বললেন—চল হে, এবার ওঠা যাক। রাত যে অনেক হ'ল!

শ্রোতাদের মধ্যে একজন বললেন—তাই তো শরৎদা, এমন গল্প বললেন যে, এখন পথে বেরোতেই ভয় করছে। ধরুন, যদি কোন পিশাচের সঙ্গে দেখা হয়ে যায়!

শরৎচন্দ্র হেসে বললেন—দূর পাগল, শহরে ওসব ভয়ের কোন কারণ নেই। নাও, চল এবার।



## কালীসাধক হরিপদ

সাহিত্যিক সৌরীন্দ্রমোহন মুখোপাধ্যায় মহাশয়ের বৈঠকখানায় সেদিন তাঁর বহু পুরাতন বন্ধু-বান্ধবের সমাগম। শরৎচন্দ্রও এসেছেন। শরৎচন্দ্রের বাল্যবন্ধু সৌরীনবাবু। নানা বিষয়ে হাক্কা আলোচনা চলছে। এক পাশে কয়েকজন মিলে দৈব ওষুধ নিয়ে তর্ক করছিলেন। কেউ স্বপক্ষে, কেউ বিপক্ষে।

একজন বললেন—এই যে শ্মশানকালীর দৈব ওষুধ নিয়ে কত রকম কথা শুনি, এর সবই কি মিথ্যে? অমাবস্তার গভীর রাত্রে, একা গিয়ে যদি কোন চিতায় হত্যা দেওয়া যায়, শুনেছি প্রায়ই আশ্চর্য ফল পাওয়া যায়। ওষুধ তো মিলেই, মাঝে মাঝে মা কালীর দর্শনও নাকি মিলে শুনেছি।

শরৎচন্দ্র চুপ করে এতক্ষণ এঁদের তর্ক শুনছিলেন। শ্মশানকালীর কথা শুণায় তিনি বললেন—তোমার কথায় আমাদের কালীসাধক হরিপদের কথা মনে পড়ল।

অনেকেই জানতে চাইলেন—এই কালীসাধক হরিপদটি কে?

তখন শরৎচন্দ্র বললেন—তবে বলছি শোন—

হরিপদ আমাদের গ্রামের লোক। মাথায় তার ঝাঁকড়া ঝাঁকড়া চুল, পরণে শাক্তদের রক্তাশ্রয়, গলায় জবাকুসুমের মালা, কপালে আধুলি আকারের টকটকে লাল সিঁড়রের ফোঁটা। মুখের কথার আগে চোখের দেখাতেই সে বুঝিয়ে দিত—সে কালীসাধক। হেনস্তা করবার মতো নয়, বেশ উচুদরের কালীসাধক হিসেবে আমাদের গাঁয়ে তো বটেই, আশপাশে আরো চার-পাঁচটা গাঁয়ে হরিপদ বেশ জাঁকাল পসার জমিয়েছিল।

কারো কঠিন বা সরল অসুখ করলে, ভাবনা-চিন্তার কোন দরকারই ছিল না। শুধু গতর খাটিয়ে একটু হরিপদের কাছে যাওয়া, আর নৈবেদ্যের জন্তু আনা কয়েক পরস দেওয়া। সরল অসুখ হ'লে রাজিটার জন্তু, আর কঠিন অসুখ হ'লে অমাবস্তার জন্তু বা একটু অপেক্ষা করা।

পরদিনই অমোঘ আরোগ্যের মতো দোরে দেখবে হরিপদ ঠাড়িয়ে।  
হাতে তার ওষুধ—যে ওষুধ নিজের হাতে মা তাকে দিয়েছেন বা নিজের মুখে  
আদেশ করেছেন—কোন পাতা, কোন শিকড়, কিসের অহুপানে খেতে  
হবে।

হরিপদের মা কে, নিশ্চয় তোমরা বুঝতে পারছ! হরিপদের মা ঋশান-  
বাসিনী, মৃণ্ডালিনী স্বয়ং শ্রামা। গভীর রাত্রে ঋশানে গিয়ে, কোন এক  
চিতায় বসে, হরিপদ কয়েকবার ‘মা, মা’ বলে ডাকলে আর রক্ষে ছিল না।  
ভক্তের ডাকে ভয়ঙ্করী মন তখনই ছ-ছ করে উঠত। তিনি সোজা ছুটে  
আসতেন হরিপদের কাছে। এসে হরিপদের সঙ্গে কত কথা কহিতেন তিনি।  
কারো অস্থখ থাকলে, ঐ সময়েই ওষুধের জন্ত আবদার করে বসত হরিপদ।  
মা আত্মোপান্ত অবস্থা শুনে, তবে ওষুধের ব্যবস্থা দিতেন।

হরিপদ বড়াই করে বলত—মা-কালীর দেখা পাওয়া না হয় ছেড়েই দাও,  
অমাবস্তার রাতে কেউ ঋশানে গিয়ে চিতার ওপর খানিক বসুক দিকি, তবেই  
বুঝব বুকের পাটা! কে আছে এই গাঁয়ে বা পাশের গাঁয়ে, বা তার পাশের  
গাঁয়ে? আশুক দিকি!

হরিপদের এই বড়াই করা সাজত। কারণ এই আমন্ত্রণ কেউ কোনদিন  
গ্রহণ করে নি। গাঁয়ের অনেক লোকের মুখে শুনেছি, তারা হরিপদের এই  
কালীসাধনার কথা রীতিমতো পরখ করে দেখেছে। কয়েকজন মিলে  
একাধিকবার তাকে অহুসরণ করে দেখেছে, ঋশানে গিয়ে সত্যিই সে চিতায়  
বসে। তারপর ‘মা, মা’ বলে ব্যাকুলভাবে ডাকেও।

এ পর্যন্ত ঠিক আছে এবং বিশ্বাস করতে রাজী ছিলাম। কিন্তু তার পরের  
যে সমস্ত ঘটনা হরিপদ ফলাও করে বলত, তাতেই ছিল আমাদের আপত্তি।

আমাদের তখন বয়স কম, মস্তিকে ছুটু সরস্বতীর প্রভাব খুব বেগী।  
হরিপদের বড়াই আর ভাল লাগছিল না। আমাদের দলের কেউ বললে—  
ছাখ্, হরিপদের সঙ্গে মা কালীর কথোপকথন ও ওষুধ প্রদান—এই দুটো  
স্বচক্ষে দেখে জীবন ধন্য করতে হবে। আসছে অমাবস্তার চল, সকলে মিলে  
বাই।

করবার মত একটা কাজ পেয়ে আমরা রাজী হয়ে গেলাম।

অমাবস্তার রাত একটু বেগী হ’লে দল বেঁধে ঋশানে গিয়ে তো সবাই

উপস্থিত হলাম। একে শ্রাশান, তার আবার অমাবস্তা। সে যে কি অন্ধকার, চোখে না দেখলে বোঝা যায় না। পাশাপাশি চলেছে, কিন্তু পাশের লোককে সহজে চিনতে পারবে না।

শ্রাশানের মাঝামাঝি একটা অশথগাছ, সেই গাছে উঠে আমরা হরিপদর জন্ত অপেক্ষা করতে লাগলাম। আজ অমাবস্তা, কালীসাধকের কাছে মন্ত বড় জিনিস এটা। অতএব হরিপদ যে আসবেই, এ বিষয়ে কোন সন্দেহ ছিল না। কিন্তু কখন যে আসবে সেইটা ছিল চিন্তার বিষয়।

বসে আছি তো আছিই, হাতে-পায়ে খিল ধরে যাবার উপক্রম, কিন্তু হরিপদ আর আসে না। বেলী নড়াচড়া করতেও পারছি না, পাছে হরিপদর কোন রকমে সন্দেহ হয়। সকলেই তখন ভাবছি—তাই তো রে, সেটা আজ আর আসবে না নাকি!

এমন সময় কে একজন গুন্‌গুন্ করে গান গাইতে গাইতে এই পথেই আসছে বুঝতে পারলাম। গলা শুনে সন্দেহ রইল না, এ-ই আমাদের হরিপদ।

আমরা তখন গাছ থেকে নেমে হরিপদর গলা অম্লসরণ করে তার কাছাকাছি হবার জন্ত এগিয়ে যেতে লাগলাম। আগে আগে চলল আমাদের দলপতি কেঁটা।

হরিপদ নিজের জন্ত একটা জায়গা বেছে নিল। জায়গাটা বোধ করি কারো চিতাই হবে, অন্ধকারে ঠাণ্ডা হচ্ছিল না। তারপর শ্রাশান কাঁপিয়ে আরম্ভ হ'ল তার 'মা, মা' ডাক।

হরিপদ চেঁচিয়েই যাচ্ছে—মা, ও মা, মাগো!

হঠাৎ কেঁটার মাথায় কি বুদ্ধি চাপলো, সে পায়ে পায়ে হরিপদর কাছে গিয়ে প্রায় তার কাছে মুখ নিয়ে, মেয়েলি গলায় চেঁচিয়ে উঠল—কি বাবা, ডাকছে কেন?

যেমনি এ-কথা বলা অমনি এক কাণ্ড ঘটল। আমরা কোথায় অপেক্ষা করে আছি, এবার হরিপদর স্তোত্রপাঠ শুনব, তা নয়, শুনলাম দড়াম করে এক আছাড় খাওয়ার শব্দ! বুঝলাম, সবচেয়ে হরিপদর মুছা ও পতন।

কেঁটার কাছে দেশলাই ছিল, সে ফস করে একটা কাঠি ধরিয়ে বললে—এই সেরেছে রে! কালীসাধক দেখি একেবারে অজ্ঞান!

তখন সকলে মিলে ধরাধরি করে তাকে পুকুরপাড়ে এনে ফেললাম।  
হরিপদ তখনো গৌ-গৌ করছে। বেশ কিছুক্ষণ চোখে-মুখে মাথায় জলের  
ঝাপটা দেবার পর মনে হ'ল তার জ্ঞান ফিরেছে। তারপর সে একটু নড়তে-  
চড়তেই আর কি আমরা সেখানে দাঁড়াই! তাড়াতাড়ি দৌড়!

পরদিন থেকে হরিপদের আশ্চর্য পরিবর্তন! বাড়ী বাড়ী গিয়ে বড়াই করা  
তার থেমে গেল, ঋশানকালীর গুণ্ড বিতরণও সে বন্ধ করে দিল। কেউ  
এ-বিষয়ে কিছু জিজ্ঞাসা করলে, তার কাছ থেকে কোন জবাব পাওয়া যেত না,  
অন্যদিকে মুখ ফিরিয়ে চুপ করে থাকত।

## সাপধরার গল্প

সাহিত্যিক শৈলজানন্দ মুখোপাধ্যায় একবার ৩১শে ভাদ্র তারিখে শরৎচন্দ্রের জন্মদিনে কলিকাতা বেতার প্রতিষ্ঠানে শরৎচন্দ্র সম্বন্ধে একটি বক্তৃতা দিয়েছিলেন। বক্তৃতাটি ‘বেতার জগৎ’ পত্রিকায় প্রকাশিতও হয়েছিল। সেই বক্তৃতায় শৈলজানন্দবাবু শরৎচন্দ্রের মুখে শোনা শরৎচন্দ্রের পিতার সাপ ধরার একটি গল্পও বলেছিলেন।

শৈলজানন্দবাবুর লেখা থেকে শরৎচন্দ্রের বলা সেই গল্পটি এখানে উদ্ধৃত করছি। শৈলজানন্দবাবু লিখেছেন—

“ভূতের গল্প বলতে পারতেন শরৎচন্দ্র চমৎকার।

দত্ত বেকারীর বাগান-বাড়ীতে রসচক্রের এক বার্ষিক উৎসবে বিস্তর সাহিত্যিক জড়ো হয়েছিলেন একসঙ্গে। শরৎচন্দ্র ছিলেন আমাদের পুরোধা। খাবার দেরি আছে, কি করা যায়? ধরে বসলাম শরৎদাকে। ব্যস, এমন ভূতের গল্প আরম্ভ করলেন যে, খাবার তৈরি, তবু কেউ উঠতে চায় না। গল্পটা শেষ হোক আগে। গল্প যখন শেষ হলো, খাবার তখন জুড়িয়ে গেছে।

আর একদিনের কথা মনে আছে আমার।

আমার বাবা সাপ ধরতে পারেন শুনে, তিনি আরম্ভ করলেন তাঁর বাবার কথা। তিনিও নাকি সাপ ধরতে পারতেন।

একদিন হয়েছে কি, তাঁর বাবা কোথায় যেন দূরের একটা গ্রামে গেছেন কি একটা কাজে। সন্ধ্যাবেলা গুনলেন, পাশের বাড়ীর বোঁ নাকি লক্ষ্মীর ঘরে সন্ধ্যা দিতে গিয়ে দেখেছে, লক্ষ্মীর বেদীর কাছে প্রকাণ্ড একটা গোথরো সাপ ফণা তুলে দাঁড়িয়ে আছে। কি সর্বনাশ, ছেলেপুলের ঘর, সাপের ভয়ে বাড়ী ছেড়ে সবাই পালিয়ে এসেছে। ভয়ে আর বাড়ীতে ঢুকতে পারছে না।

বাধ্য হয়ে তাঁকে যেতে হলো। গিয়ে আর সাপ দেখতে পান না কোথাও।

খুঁজে খুঁজে সাপটা তিনি বের করলেন। সাপ তখন গিয়ে ঢুকেছে মাটির

একটা হাড়ির ভেতর। ঘরের একটা দিক মাটির হাড়িতে কলসীতে ঠাণা। হুমুখের হাড়িগুলো না সরালে সেখানে ঘাবার জো নেই। অখচ বাড়ীর গিল্লি হাঁ হাঁ করে উঠলেন। ও হাড়ি-কলসী বাইরের কাউকে তিনি ছুঁতে দেবেন না।

—বেশ, তবে তোমরাই কেউ হাড়ি-কলসী সরিয়ে দাও।

গিল্লি অল্লানবদনে হুকুম দিলেন তাঁর বৌকে—ঘাও তো বৌমা, হাড়িগুলো সরিয়ে দাও।

একদিকে শাশুড়ীর হুকুম, আর একদিকে প্রাণের ভয়। বৌ তখন ঠক্ ঠক্ করে কাঁপছে, কিছুতেই আর এগিয়ে আসে না।

এদিকে রাজি হয়ে যাচ্ছে। অমাবস্তার ঘোর অন্ধকার রাজি। বর্ষার মাঠ পেরিয়ে যেতে হবে অনেকখানি পথ। তার ওপর ছোট একটা মাঠের ওপর মস্ত ঝাশান। আট-দশখানা গ্রামের যত মানুষ মরে সব সেইখানে পোড়ানো হয়। সেখানে ভয় পায় নি, সে রকম মানুষ সে তল্লাটে বিরল।

শরৎচন্দ্র বললেন—বাবা তখন আর দেরি করতে পারছেন না। দেখলেন, বৌকে ঠেলে ঘরে ঢুকিয়ে দিয়ে শাশুড়ী সটান্ রান্নাঘরে গিয়ে উঠেছে। ভয়ে এ-ঘরের দ্বিসীমানা মাড়াচ্ছে না। নাতিপুতিকে জড়িয়ে ধরে ঘন ঘন মামনসাকে প্রণাম করছে আর বলছে—মুখপোড়া সাপ আর ঢোকবার জায়গা পেলে না!

বাবা বললেন—তাহলে কি করবো আমিই সরাই হাড়িগুলো।

ভয়ে বৌটা সিঁটিয়ে উঠলো।

—তাহলে মিছে কথা বোলো শাশুড়ীকে। বোলো ভূমিই সরিয়েছ।

বাবা নিজেই সরালেন হাড়ি-কলসীগুলো। কিন্তু মুকিল হলো, হাড়ির মুখটা খোলা। ঢাকা দেবার মত একটা সরি চাই। সরি না পেয়ে পেতলের একটা রেকাবি পেলেন হাতের কাছে। সেই রেকাবি ঢাকা দিয়ে হাড়িহুক সাপটাকে বাবা যখন উঠানে এনে ফেললেন, শাশুড়ী চেঁচাতে লাগলো—আচ্ছা, কি রকম আকেল তোমার বৌমা, লক্ষ্মীর ভোগের ঐ রেকাবিটা ভূমি দিলে কি বলে?

—উনি নিজেই নিলেন।

—ভূমি বারণ করতে পারলে না?

পায়ের একজন মুক্খি-হাতকর পোছের লোক তখন সাপের একজন যোদ্ধা  
ডেকে এনেছিলেন। সাপ ধরা, সাপ খেলানো, সাপে-কাটা কপীর চিকিৎসা  
করা তার পেশা। নাম রাজেন বাড়রী।

রাজেন আসতেই বাবা বেঁচে গেলেন। বললেন—নাও রাজেন, এবার  
তোমার কাজ তুমি কর।

রাজেন তখন গিন্নিমাাকে বললে—পাঁচটা টাকা বের করুন মা-ঠাকরুণ,  
সাপটা আমি নিয়ে যাই।

গিন্নিমা বললেন—ছেলেরা কেউ বাড়ীতে নেই, টাকা আমি কোথায়  
পাব?

রাজেন বেশ রসিক লোক। বললে—তাহলে সাপটাকে আমি ছেড়ে  
দিয়ে যাই মা, যেখানকার সাপ সেইখানে চলে যাক।

—আ মর মুখপোড়া! তা দিবি বই কি! ওই নে, ওই পেতলের  
ফুলকাটা রেকাবটা দিচ্ছি, হাড়িতে সের তিনেক সরু চাল আছে। সব তুই  
নিয়ে যা।

রাজেন বললে—রেকাব নিয়ে আমি কি করবো মা। আর ও চাল আমি  
আপনাকে দিয়ে যাচ্ছি।

—তা দিবি বই-কি! ওই চালের ভাত খেয়ে শেষে গুটিস্বদ্ধ মরি! যা  
বাবা যা, ওটা সরা শিগ্গির। ঘরের কাজকর্ম সব বন্ধ!

রাজেনও সরাবে না, গিন্নিও টাকা দেবে না। মজাটা শেষ পর্যন্ত না দেখে  
বাবাও আসতে পারছেন না। গ্রামের সেই ভক্তলোকের সঙ্গে দোরের কাছে  
অন্ধকারে দাঁড়িয়ে আছেন গা-টাকা দিয়ে।

শেষে রাজেনেরই হলো জিৎ। হবে তা সে জানে।

গিন্নি উঠলেন।—স্বাবধে পেয়েছে, ও ছাড়ে কখনও!—মা-মনসার পূজো  
দিতে হবে রাজেন, একটি টাকা নিয়ে যাও বাবা!

রাজেন সেইখানে গড় হয়ে একটি প্রণাম করে বললে—তাহলে চলি মা,  
প্রণাম। সাপ থাক।

গিন্নি রেগে টং হয়ে গেলেন।—দাঁড়া মুখপোড়া, আহুক আমার ছেলে।  
বৌমা দাঁড়িয়ে দেখছে কি ই। করে। আলোটা ধর, চল আগে আগে।  
আবার ওই ঘরে ঢুকতে হবে তো!

হুঁপা এগিয়ে আবার পিছিয়ে এলেন গিন্নিমা।—বলি হাঁরে রাজেন, জোড়ায় জোড়ায় ঢোকে নি তো? কাচ্চা-বাচ্চা নেই তো ওর?

—না মা, আপনি লিভ্‌ভয়ে যেতে পারেন। ইঁদুরের বড় বড় গর্ত আছে কিনা আপনার ঘরে। থাকে যদি তো তেনারা তারই ভেতর চুপটি করে ঘুমুচ্ছেন।

—ঘুমোচ্ছে কি রে?—গিন্নিমা থমকে থামলেন।

রাজেন দেখলে আর ভয় দেখানো উচিত নয়। বললে—না মা, ওটা এমনিই বললাম। আমি রয়েছি গাঁয়ে, আপনার ভয় কি? আকামা সাপ পড়ে রয়েছে উঠোনে, ফোঁস করে বেরিয়ে পড়লে আর সামলাতে পারবো না। একটু চটপট করুন।

হুঁহাতে তালি বাজাতে বাজাতে গিন্নিমা ভয়ে ভয়ে ঘরে ঢুকেই চট করে পাঁচ টাকার একটি নোট এনে রাজেনের গায়ের উপর ছুঁড়ে ফেলে দিয়ে বললেন—পাঁচটা টাকাই নিলি বাবা! কাল দিনের বেলায় একবার আসিস, ঘরটা দেখে যাবি।

—আসবো মা।

রাজেন হাঁড়িটা হুঁহাত দিয়ে তুললে।

গিন্নিমা বললেন—আসবার সময় বেশ করে ঘষে-মেজে রেকাবিটা হাতে করে আনিস বাবা। ওটা আমার লক্ষ্মীর রেকাবি, ওতে ছেলেপুলেরা হাত দেয় না।

মুখে মুখে তৈরি করে গল্প তিনি বলতে পারতেন চমৎকার। তেমনি করে বানিয়ে এই গল্পটি বলেছিলেন কিনা তাই বা কে জানে।”

[ ‘রসচক্রে’র বার্ষিক উৎসবে বলা শরৎচন্দ্রের সেই ভূতের গল্পটি সম্বন্ধে শৈলজানন্দবাবুকে জিজ্ঞাসা করায় তিনি বলেছিলেন—সে গল্পটা আজ আর



মনে নেই। সব ভুলে গেছি। শুধু এইটুকু মনে আছে যে, সেদিন আমরা গল্পটা খুবই উপভোগ করেছিলাম।

শৈলজানন্দবাবু অল্পকাল তাঁর পিতার সাপ ধরা বা সাপ খেলানোর সম্বন্ধে বলেছেন—“বাবা ছিলেন উদাসীন প্রকৃতির, সাপ খেলাতেন, ম্যাজিক দেখাতেন।”—অমৃত, ২রা ভাদ্র ১৩৭২

শরৎচন্দ্রের পিতা সাপ ধরতে পারতেন কিনা জানি না। শরৎচন্দ্রের ঘনিষ্ঠ আত্মীয়দের কাছে এ সম্বন্ধে কিছুই শুনি নি। তবে শরৎচন্দ্র নিজের সাপ ধরতে পারতেন এবং তার প্রমাণও আছে। যেমন, বাজে শিবপুরে থাকার সময় শরৎচন্দ্রের একবার একটি গোয়রা সাপ ধরা সম্বন্ধে তাঁর বাজে শিবপুরের প্রতিবেশী বলাইচন্দ্র বন্দ্যোপাধ্যায় লিখেছেন—‘নিজের চোখে তাঁহাকে (শরৎচন্দ্রকে) গোয়রা সাপ ধরিতে দেখিয়া ইন্দ্রনাথের সাপ খেলাইবার কথা মনে পড়িয়াছে।’—মাসিক বহুমতী, মাঘ ১৩৪৪

শৈলজানন্দবাবুর মুখে তাঁর বাবা সাপ ধরতে পারেন এই কথা শুনেই, খুব সম্ভব শরৎচন্দ্র তাঁর বাবাও সাপ ধরতে জানতেন বলে সঙ্গে সঙ্গে বানিয়ে এই গল্পটি বলেছিলেন।]

## অষ্টম এডওয়ার্ডের সিংহাসন ত্যাগ

মিসেস সিমসনকে বিয়ে করার জন্য ইংলণ্ডের সম্রাট অষ্টম এডওয়ার্ডের সিংহাসন ত্যাগের কাহিনীটি সংক্ষেপে এই :-

এডওয়ার্ড তখন যুবরাজ। সেই সময় ১৯০১ খ্রীষ্টাব্দে শীতকালে একদিন যুবরাজ লিস্টারশায়ারে এক বন্ধুর বাড়ী বেড়াতে গিয়ে সেখানে মিসেস সিমসনকে প্রথম দেখলেন। আমেরিকার সিমসন-দম্পতি তখন যুবরাজের ঐ বন্ধুর বাড়ীতে অবস্থান করছিলেন। মিসেস সিমসনের নাম ছিল—ওয়ালিস।

বন্ধুর বাড়ীতে ওয়ালিসের সঙ্গে যুবরাজের আলাপ হয়। ওয়ালিস কথাবার্তায়, আলাপ-আলোচনায় এবং পরিহাস-রসিকতায় অত্যন্ত নিপুণা ছিলেন। যুবরাজ এই মহিলাটির সঙ্গে কথা বলে মোহিত হলেন। এডওয়ার্ড পরে তাঁর আত্ম-কাহিনীতেও তাই লিখেছিলেন—ওয়ালিসের এই চারিত্রিক বৈশিষ্ট্যই আমাকে মুগ্ধ করেছিল।

ওয়ালিসের সঙ্গে যুবরাজের এই পরিচয় ক্রমে ঘনিষ্ঠ হয়ে দাঁড়াল এবং শেষ পর্যন্ত যুবরাজ ওয়ালিসকে বিয়ে করবেন বলে মনস্থ করলেন।

যুবরাজ এরূপ মনস্থ করলেও কিন্তু ভাবলেন—যে পাত্রী বিবাহ-বিচ্ছেদের দ্বারা তার পূর্ব স্বামীকে ত্যাগ করে আসবে, সেই পাত্রীকে বিয়ে করলে রাজঅন্তঃপুরের এবং পার্লামেন্টের সমর্থন পাব কি ?

যুবরাজ অনেক চিন্তা করে স্থির করলেন, তিনি তাঁর মনের কথা পিতাকে জানাবেন। কিন্তু সে স্বেযোগ হ'ল না। কেন না, সম্রাট পঞ্চম জর্জ দীর্ঘ রোগভোগের পর ১৯০৬ খ্রীষ্টাব্দের ৬শে জানুয়ারী শেষ নিশ্বাস ত্যাগ করলেন।

পিতার মৃত্যুর পর যুবরাজ হলেন ইংলণ্ডের সম্রাট।

ইংলণ্ডের রাজ-পরিবারের নিয়ম অনুসারে কালাশৌচের প্রথম ছ-বাস এডওয়ার্ড বাইরের জগতের সঙ্গে সকল সংস্রব বর্জন করে লণ্ডন থেকে ২৫ মাইল দূরে ফোর্ট বেলভেডিয়ার গ্রামাদে বাস করতে লাগলেন। ঐ সময়

ওয়ালিসের সঙ্গে এডওয়ার্ডের ঘন ঘন দেখা-সাক্ষাৎ হ'ত। এর পর আগস্ট মাসে এডওয়ার্ড যখন আবার সমুদ্র-ভ্রমণে বেরোলেন, তখন তাঁর অনেক সঙ্গী-সঙ্গিনীদের মধ্যে ওয়ালিসও একজন হলেন। জাহাজের মধ্যে পরস্পর কাছাকাছি থাকবার খুবই সুযোগ পেলেন।

এই সময় আমেরিকার সংবাদপত্রগুলিতে ওয়ালিসের সঙ্গে এডওয়ার্ডের ঘনিষ্ঠতা নিয়ে নানা রকমের সংবাদ বেরোতে লাগল। ইংলণ্ডের সংবাদপত্র জগতের দুজন প্রভাবশালী ব্যক্তি এডওয়ার্ডের বন্ধু ছিলেন বলে, ইংলণ্ডের কাগজে এ সংবাদ তেমন বেরোল না।

সমুদ্র-ভ্রমণ শেষ করে এডওয়ার্ড বাকিংহাম প্রাসাদে ফিরে এলেন।

ওদিকে ওয়ালিসও তখন তাঁর বিবাহ-বিচ্ছেদের মামলা শুরু করলেন। মামলায় ওয়ালিসই জিতলেন। তবে সর্ব রইল, ছ-মাসের আগে তিনি পুনরায় বিয়ে করতে পারবেন না।

এই সময় ইংলণ্ডের প্রধান মন্ত্রী মিঃ বলডুইন পার্লামেন্টের এক অধিবেশনে স্পষ্ট ঘোষণা করলেন—সম্রাটের ঈপ্সিত ঐ বিবাহে পার্লামেন্ট কিছুতেই সম্মতি দেবে না। তা সত্ত্বেও সম্রাট যদি জেদের বশে বিবাহ করেন, তাহলে আমি আমার সহকর্মীদের নিয়ে পদত্যাগ করব। আর এও ঠিক যে, সম্রাট পরে অল্প কোন মন্ত্রীসভা গঠন করতে পারবেন না।

ইংলণ্ডের রাজতন্ত্র এইরূপ বিপন্ন দেখে, সম্রাটের বন্ধু 'ডেইলি মেল' ও 'ইভ'নিং নিউজ' পত্রিকার মালিক এসমগু হার্মসওয়ার্থ একদিন এডওয়ার্ড ও ওয়ালিসকে নিজের বাড়ীতে মধ্যাহ্ন ভোজে আমন্ত্রণ করে বললেন—আমি অনেক ভেবে দেখলাম, আপনারা যদি 'মর্গ্যানাটিক' বিবাহে রাজী হন, তাহলে এই সমস্যার একটা সমাধান হতে পারে। এই বিবাহ-পদ্ধতিটি আইনভঃ সিদ্ধ। এতে কেবল সম্রাটের স্ত্রী সম্রাজ্ঞীর আসন পাবেন না। আর আপনাদের ছেলেমেয়ে হ'লে, তারা অল্প সকল সুযোগ-সুবিধা পেলেও, কেউ সিংহাসনের অধিকারী হতে পারবে না।

এই বিবাহ ওয়ালিসের কাছে কতকটা বিচিত্র ও অমাহুষিক বলে বোধ হলেও, তিনি এতে মত দিলেন।

অনেক বছর আগে ইংলণ্ডের রাজ-পরিবারে এইরূপ একটা বিয়ে হয়েছিল বলে, সম্রাটও এই বিবাহে অমত করলেন না।

এডওয়ার্ড একদিন প্রধান মন্ত্রীকে ডেকে তাঁর ‘মর্গ্যানাটিক’ বিবাহ করার কথা বললেন।

উত্তরে প্রধান মন্ত্রী সম্রাটকে পরিষ্কার জানিয়ে দিলেন—মর্গ্যানাটিক বিবাহ পার্লামেন্টের সদস্যরা পছন্দ করেন না। সম্রাটের পত্নীই সম্রাজ্ঞী হবেন, এই হ’ল আমাদের কথা। অতএব মর্গ্যানাটিক বিবাহ করলেও আপনার সিংহাসন ত্যাগ করা ছাড়া উপায় নেই।

সম্রাট প্রধান মন্ত্রীকে বললেন—এ বিবাহ আমি করবই। এ সম্বন্ধে আমার সঙ্কল্প অটুট। এরজন্তু আমি সিংহাসন ত্যাগ করতে প্রস্তুত।

অবশেষে সম্রাট সিংহাসন ত্যাগ করে পার্লামেন্টের কবল থেকে বেরিয়ে এসে স্বাধীন হয়ে নিঃশ্বাস ফেলে যেন ঝাঁচলেন।

ইতিপূর্বে সম্রাট, ওয়ালিসকে ফ্রান্সে পাঠিয়ে দিয়েছিলেন। এবার তিনিও মা ও ভাইদের কাছ থেকে বিদায় নিয়ে ১৯৩৬ খ্রীষ্টাব্দের ১২ই ডিসেম্বর শেষ রাজ্যে ইংলণ্ড ত্যাগ করে ফ্রান্সে চললেন ওয়ালিসের কাছে। সেখানে তাঁদের বিয়ে হ’ল এবং তাঁরা পরমানন্দে বাস করতে লাগলেন।

১৯৩৬ খ্রীষ্টাব্দে ঢাকা ইউনিভার্সিটি প্রদত্ত ডি-লিট উপাধি নিতে শরৎচন্দ্র যখন ঢাকায় যান, তখন সম্রাট অষ্টম এডওয়ার্ড সিংহাসন ত্যাগ না করলেও, মিসেস সিমসন লাভের জন্তু তাঁর সিংহাসন ত্যাগ একরূপ ঠিক।

এই ব্যাপারটি নিয়ে তখন কিছুদিন ধরে শুধু ইংলণ্ড, আমেরিকাতেই নয়, সারা পৃথিবীময় একটা মহা আলোড়নের সৃষ্টি হয়েছিল।

শরৎচন্দ্র ডি-লিট উপাধি নিতে গিয়ে ঢাকায় কয়েকদিন ছিলেন।

সেদিন তিনি তাঁর পুরাতন বন্ধু ঢাকা বিশ্ববিদ্যালয়ের অধ্যাপক ঐতিহাসিক রমেশচন্দ্র মজুমদারের বাড়ীতে অতিথি।

শরৎচন্দ্রকে কেন্দ্র করে রমেশবাবুর বাড়ীতে সেদিন একটা ছোটখাট সভা বসেছে। উপস্থিত স্বামীশুণীর মধ্য থেকে একজন শরৎচন্দ্রকে প্রায়

করলেন—দেখুন শরৎবারু, আপনাকে আমরা একজন নারী-দরদী লেখক ও মনস্তত্ত্ববিদ ঔপন্যাসিক বলে জানি। নর-নারীর প্রেম ও তাদের মনস্তত্ত্ব নিয়েই আপনার কারবার। এই যে সন্ড্রাট এডওয়ার্ড ও মিসেস সিমসনের ব্যাপারটা নিয়ে বিশ্বজোড়া এত আলোড়ন, এটার সম্বন্ধে আপনার কি মত বলুন, আমরা শুনি।

এই প্রশ্ন শুনে শরৎচন্দ্র বললেন—দেখুন, এই অষ্টম এডওয়ার্ডের সিংহাসন ত্যাগের কথায় আমার একটা গল্প মনে পড়ে গেল। এর জন্তু একবার আমি মহা বিপদে পড়েছিলাম। সে কাহিনীটা বলছি শুনুন—

প্রতিদিন অনেক চিঠি আমার কাছে আসে। একদিন একটি নতুন ধরণের চিঠি পেলাম। রাজসাহী জেলার কোন এক জায়গা থেকে এক ভদ্রমহিলা লিখেছেন।

তিনি বলেছেন, আমার বই নাকি তাঁর খুব ভাল লাগে। বিশেষ করে মেয়েদের সম্বন্ধে আমার উদার মতবাদের জন্তুই নাকি আমার উপর তাঁর খুব শ্রদ্ধা। আমার বই বারবার করে পড়েও তাঁর তৃপ্তি হয় নে। তিনি এত মুগ্ধ হয়েছেন যে, আমাকে একটবার তিনি চোখে দেখতে চান। এই দেখা কবে, কোথায় এবং বিভাবে হবে, সেকথা জানতে চেয়েই তিনি চিঠি লিখেছেন। মত পেলে তিনি সেই দূর দেশ থেকেই কলকাতায় আমাকে দেখতে আসবেন। আমার উত্তরের জন্তু তিনি উদ্বিগ্নচিত্তে অপেক্ষা করছেন।

চিঠিখানা পেয়ে একটু খুশী যে না হলাম, তা নয়। বই পড়ে লোকে প্রশংসা করলে কে না খুশী হয় বলা? যাই হোক, ধন্যবাদ দিয়ে ভদ্রমহিলাকে একটা উত্তর লিখে দিলাম। এ কথাও লিখে দিলাম যে, আমাকে দেখবার কিছুই নেই, বরং না দেখাই ভাল। কেন না, আমার উপর যেটুকু শ্রদ্ধা এখনো রয়েছে, চেহারার দেখলে তা উবে যাওয়ার সমূহ সম্ভাবনা।

দিনকতক পরে ভদ্রমহিলার আর একটি চিঠি এসে উপস্থিত। খামের চিঠি, দিব্যি এক প্রেমপত্র।

প্রেমপত্র মানে আমার কাছে তিনি একেবারে আত্ম-নিবেদন করেছেন। লিখেছেন—আপনার প্রতি আমার এই স্নগভীর প্রেমের কোন প্রতিদানই কি পাব না? আপনি কি এতই নিষ্ঠুর হবেন? এই তো সামান্য এক নারীর

প্রেমের জন্য সম্রাট অষ্টম এডওয়ার্ড তাঁর পৃথিবীজোড়া সাম্রাজ্য পরিত্যাগ করছেন। আর নারী-দরদী হয়ে, নারীর অন্তরের বেদনার কথা এমন গভীর-ভাবে জেনে, আপনি কি আশায় উপেক্ষা করবেন ?

নারী-দরদী হওয়ার বিপদখানা একবার বোঝ !

শ্রোতাদের মধ্যে একজন জিজ্ঞাসা করলেন—তারপর ?

—তারপর আর কি ! ভাগ্যিস চিঠিটার কথা বড়বৌ জানতে পারে নি ! জানলে কি মনে করতো কে জানে !

একজন ঠাট্টা করে বললেন—মত দিলেই তো পারতেন। কুলীন ব্রাহ্মণদের তো অমন একাধিক বিয়ে হয়েই থাকে। এতে আর দোষ কি !

শরৎচন্দ্র বললেন—বয়েস কি আর আছে রে ভায়া ! আরো কিছুদিন আগে এ-ধরণের চিঠি এলেও না হয় দেখা যেত।

—ভদ্রমহিলার চিঠির একটা উত্তর দিতে হলো তো ?

—উত্তর আর কি দেব, চূপ করে গেলাম। শুনে আশস্ত হব, শেষ পর্যন্ত তিনি সত্যি সত্যি কলকাতায় চলে আসেন নি।

[ এখানে দেখা যাচ্ছে, নারী-দরদী ও মনস্তত্ত্ববিদ বলে শরৎচন্দ্রকে এডওয়ার্ড-ওয়ালিস সম্পর্কীয় যে প্রশ্নটি করা হয়েছিল, তিনি তার ধার দিয়েই গেলেন না। তিনি আসল প্রশ্নের কোন উত্তর না দিয়ে খুব সম্ভব বানিয়েই অল্প একটা গল্প বললেন।

শরৎচন্দ্র যখন উত্তর দেবার মত মনের অবস্থায় থাকতেন না, তখন এই ভাবেই প্রশ্ন এড়িয়ে যেতেন। উদাহরণ হিসাবে এই গ্রন্থেরই ২৮ ও ১৬০ পৃষ্ঠায় ‘ব্যাকরণ’ ও ‘মুদিখানা’ গল্প দুটির কথা বলা যেতে পারে।

জানা যায়, বঙ্কিমচন্দ্রও এইরূপ উত্তর দেবার মত মনের অবস্থায় না থাকলে বা প্রয়োজনবোধ না করলে প্রশ্ন এড়িয়ে যেতেন। দীনেশচন্দ্র সেন ( পরবর্তী

কালের ‘বঙ্গভাষা ও সাহিত্যে’র লেখক। দীনেশবাবু তখন কুমিল্লার ভিক্টোরিয়া হাই স্কুলের হেডমাস্টার ছিলেন।) একবার কলকাতায় বঙ্কিমচন্দ্রের সঙ্গে তাঁর কলকাতার বাড়ীতে দেখা করতে গিয়েছিলেন। সেদিন বঙ্কিমচন্দ্র দীনেশবাবুর প্রশ্ন কিভাবে এড়িয়ে গিয়েছিলেন, সে সম্বন্ধে দীনেশবাবু তাঁর ‘ঘরের কথা ও যুগ-সাহিত্য’ গ্রন্থে লিখেছেন—

“কুমিল্লার জলবায়ু, ধান-চালের অবস্থা, লোকসংখ্যা, স্কুল-কলেজের কথা প্রভৃতি সমস্ত বিষয়েই আলাপ চলিল। যতবার আমি সাহিত্য সম্বন্ধে আলাপ করিতে চেষ্টা করিলাম, ততবার তিনি সে-কথা এড়াইয়া ধানাদি সম্বন্ধে প্রশ্নের অবতারণা করিতে লাগিলেন।...আমার বড় ইচ্ছা হইয়াছিল, সাহিত্য-প্রসঙ্গে ইহার সঙ্গে কিছুকাল আলাপ করি। কিন্তু...তিনি যেন মনে করিলেন, আমি একটি কৃষক যুবক। অতএব লাক্কল, ফাল ও চাষাবাদের কথা ছাড়া আর কিছু বলিবার উপযুক্ত নহি। বিষবৃক্ষ ও কপালকুণ্ডলার লেখক আমার নিকট এইরূপে দেখা দিলেন। আমি ভাবিয়াছিলাম, যদি একবার সাহিত্যের কথা আমার সঙ্গে পাড়িতেন, তাহা হইলে মারলোর ফর্ট ও শিলারের এপিসিকাইডন হইতে কবিতা আওড়াইয়া তাঁহাকে আমি আমার বিক্রম দেখাইয়া দিতাম। চণ্ডীদাস, বিদ্যাপতি, গোবিন্দদাস যে গীতি-কবিতার রাজা তাহা বুঝাইয়া দিয়া তাঁহার নিকট হইতে বিষম ও প্রীতির স্তোকবাক্য আদায় করিয়া লইতাম। কিন্তু তিনি আমাকে সে সুযোগ দিলেন না।”

শরৎচন্দ্রের স্নেহভাজন বন্ধু শৈলেশ বিশীর একটি লেখায় দেখছি, শরৎচন্দ্রের বই পড়ে আকৃষ্ট হয়ে একটি মেয়ে একবার শরৎচন্দ্রকে চিঠি লিখেছিলেন এবং পরে সেই মেয়েটির সঙ্গে শরৎচন্দ্রের বিশেষ আলাপ পরিচয়ও হয়েছিল।

শৈলেশবাবুর সেই লেখাটি এখানে উদ্ধৃত করছি—

“একবার দাদার ( শরৎচন্দ্রের ) সাথে নবদ্বীপ যাই। সাল তারিখ মনে নেই। তবে জ্যৈষ্ঠ মাস মনে আছে। কারণ আম খেয়েছিলাম। এই নবদ্বীপ যাওয়ার একটা ইতিহাস আছে। দাদার লেখা পড়ে খুব আকৃষ্ট হয়ে, দিল্লী থেকে এক মহিলা তাঁকে চিঠি লেখেন—‘দাদা, একবার দেখা করতে এসো।’

মহিলাটি তখন অস্থস্থ। দাদা করলেন কি, দিল্লীতে কই, মাগুর মাছ পাওয়া যায় না—একেবারে কলকাতা উজাড় করে, কৈ, মাগুর মাছ জালায় ভরে দিল্লী চললেন।

তার পরের ঘটনা। কি স্মৃত্তে জানিনা মহিলাটির স্বামী বদলি হয়ে নবদ্বীপ এসেছেন—দাদা যাচ্ছেন সেখানে, আমি তল্লী-বাহক।

আমরা বোধ হয় দশটার সময় নবদ্বীপ গিয়ে পৌঁছলাম। স্টেশনে মহিলাটির স্বামী আমাদের অভ্যর্থনা করতে এসেছেন। তিনি ভাড়াটে গাড়ী করে আমাদের নিয়ে গেলেন। বাড়ী পৌঁছেই আমি হলুম—দাদার ভাই, মহিলাটির ঠাকুরপো। আর আমাকে পায় কে!

মহিলার চেহারায় কোন বৈশিষ্ট্যের ছাপ ছিল না, কিন্তু এত স্নেহশীল যে তাঁর আদর-মত্নের কথা কোন দিনই ভুলি নি।

শরৎদা নবদ্বীপ এসেছেন—সে এক রৈ রৈ ব্যাপার! কোথায় বুড়ো শিবতলা, পোড়া মা তলা, কোথায় সোনার গোরাক্স, সকলের বাড়ীতে চা পান, খাবার খাওয়া, গল্প আর আড্ডা দিতে দিতে রাত ন'টা বেজে গেল। দাদাকে কেউ ছাড়তে চায় না। কি করি, নতুন বৌদিকে কথা দিয়েছি, যে করেই পারি, দাদাকে সকাল সকাল বাড়ী নিয়ে আসবো। তারপর সকলের অমুরোধ ঠেলে দাদাকে এক রকম জোর করেই গ্রহরথানেক রাতে বাড়ী আনা গেল।

বৌদি রান্না-বান্না সেবে ঘর-বার করছেন। বাড়ীতে আর দ্বিতীয় পুরুষ নেই। তাঁর স্বামীও আমাদের সাথী। ছুটি ছোট ছেলেমেয়ে তারা ঘুমিয়ে পড়েছে। মহিলাটি একা রাতের খাবারের কি বিরাত আয়োজনই না করেছেন!

আমাদের পরিতোষ করে খাইয়ে, তিনি নিজের হাতে আমার ও দাদার পাশাপাশি বিছানা করে মশারি খাটিয়ে দিলেন ঘরের মধ্যে। একতলা বাড়ী, বারান্দা আছে। পাশের ঘরে তাঁরা ছেলেমেয়ে নিয়ে থাকেন। বড্ড গরম—দাদা আমাকে শুতে বলে নিজেই এসে তাল পাখা দিয়ে বাতাস করতে লাগলেন—কিছুতেই শুনবেন না। শেষে নতুন বৌদি তাঁর হাত থেকে পাখা কেড়ে নিয়ে বাতাস করতে লাগলেন। রাত তখন দুপুর গড়িয়ে গেছে।

আমি কখন ঘুমিয়েছি জানি না। ভোরে উঠে দেখি তাঁরা দুজন বারান্দার



বেষ্টিতে বসে গল্প করছেন। বিছানা দেখে মনে হলো—দাদা শুতে আসেন নি, সারারাত গল্প করেই কাটিয়েছেন। এই দেখে আমার ভবভূতির একটা লাইন মনে পড়লো—

তরুণ রাম সীতাকে সবে বিয়ে করে নিয়ে এসেছেন—কপোলে কপোল ঠেকিয়ে তাঁরা সারারাত গল্পই করছেন। কথা আর শেষ হয় না, কিন্তু রাত ভোর হয়ে গেল। আমার শেষ লাইনটা মনে আছে—‘রাত্রিমেষ ব্যরণীত’—রাতই কেটে গেল। যদিও ঐ গল্পের টেকনিকের সাথে প্রথম অংশের কোন মিল নেই, কিন্তু শেষটায় ছবছ মিল দেখে প্রদ্বায় আমার মন ভরে গেল।

আমি উঠে গিয়ে তাঁদের প্রণাম করলাম। বৌদি হেসে বললেন—‘কি ভাই, তোমার কেমন ঘুম হলো? তুমি জাননা—উনি আরো দুবার উঠে গিয়ে তোমাকে বাতাস করেছেন। কাল যা গুমোট গেছে।

তারপর বিদায়ের পালা। যেমন বিদায় বেলা মামুলী মনের ভাব যা হয়ে থাকে—মন ভারাক্রান্ত, বার বার আসার প্রতিশ্রুতি কিন্তু আসা আর হয় না। বৌদি দ্বারপ্রান্তে দাঁড়িয়ে আঁচল দিয়ে চোখ মুছছেন, দাদা গাড়ী থেকে তাই দেখে মুখ ফিরিয়ে জোরসে একটা সিগারেট ধরালেন। গাড়োয়ানকে হুকুম দিলেন—‘ইঁাকাও জলদি স্টেশন।’

শৈলেশবাবুর লেখা এই কাহিনীটি সত্য হ’লে বলা যেতে পারে যে, শরৎচন্দ্র সেদিন এডওয়ার্ড-ওয়েলিস সম্পর্কে প্রেমের উত্তরে, তাঁর জীবনের এই ঘটনাকেই হয়ত ঘুরিয়ে অল্পভাবে গল্প করে বলেছিলেন। ]

## প্রেমপড়া

শরৎচন্দ্র তাঁর সম্পর্কীয় মাতুল স্বরেন্দ্রনাথ গঙ্গোপাধ্যায়ের চেয়ে কয়েক বছরের বড় ছিলেন। শরৎচন্দ্র ভাগলপুরে তেজনারায়ণ কলেজে পড়বার সময় স্বরেনবাবুকে পড়াতেন। স্বরেনবাবু তখন স্কুলের ছাত্র।

স্বরেনবাবু ভাগলপুরে স্কুলে পড়তে পড়তেই মালদহ জেলার চাঁচলে তাঁর পিতার কাছে চলে যান। তাঁর পিতা অঘোরনাথ গঙ্গোপাধ্যায় সেখানে চাঁচল রাজ এস্টেটের ম্যানেজার ছিলেন। স্বরেনবাবু চাঁচল থেকেই এন্ট্রান্স পাস করেন।

স্বরেনবাবু চাঁচল থেকে ভাগলপুরে ফিরে এসে দেখলেন, শরৎচন্দ্রের মাতার মৃত্যু হওয়ায় শরৎচন্দ্রের পিতা খুববাড়ী ত্যাগ করে পুত্রকন্যাদের নিয়ে ভাগলপুরের খঞ্জরপুর পল্লীতে গিয়ে বাস করছেন।

স্বরেনবাবু শরৎচন্দ্র সম্বন্ধে খোঁজখবর নিয়ে জানলেন—শরৎচন্দ্র খুব গল্প লিখছেন। গিরীন্দ্রনাথের (স্বরেনবাবুর ছোটভাই) হাতে লেখা পত্রিকা ‘বোঝা’ নামে একটি গল্পও শরৎচন্দ্র স্বরেনবাবুর নামে প্রকাশ করেছেন।

স্বরেনবাবু আরও শুনলেন, শরৎচন্দ্র রাজ বনেলী এস্টেটে একটা চাকরিও জোগাড় করে নিয়েছেন।

স্বরেনবাবু চাঁচল থেকে ভাগলপুরে ফিরে একদিন খঞ্জরপুরে শরৎচন্দ্রের সঙ্গে দেখা করতে গেলেন। সেদিন শরৎচন্দ্র, স্বরেনবাবুর সঙ্গে অনেকদিন পরে দেখা হওয়ায়, তাঁর সঙ্গে অনেক গল্প করেছিলেন। শরৎচন্দ্র সেদিন তাঁর প্রেমপড়ারও একটা গল্প বলেছিলেন।

স্বরেনবাবু এ সম্বন্ধে তাঁর ‘শরৎচন্দ্রের জীবনের একদিক’ গ্রন্থে লিখেছেন—

“ইংরাজী ১৮৯৮ সালে ভাগলপুরে এসে এক বন্ধুর মুখে শুনে অবাক হলাম যে, আমি নাকি স্বন্দর স্বন্দর ছোট গল্প লিখি। তিনি আরো বলেন, ‘বোঝা’ গল্পটি নাকি ভারি স্বন্দর হয়েছিল।

খঞ্জরপুরে শরৎচন্দ্রের বাড়ীটির কাছাকাছি একখানি প্রাসাদভূম্য ভবনে

সব্জজ স্বর্গীয় নফরচন্দ্রে ভট্ট মশাই বাস করতেন। তাঁর সংসারটি ছিল বিচিত্রভাবে এলোমেলো। বাড়ীর মধ্যে শক্ত বাঁধন—বাইরে গেরো একেবারে ফস্কা। কর্তাকে সবাই যমের চেয়ে বেশী ভয় করতো—কিন্তু এড়িয়ে চলার ঝাঁকও ছিল অনেক।

তাঁর বাড়ীর পাশেই ছিল একটি প্রকাণ্ড মোসৌলেম বাড়ী। সেটি কিন্তু মসজিদ নয়। কোন বড়লোকের গোরস্থান হবে। বাড়ীর ছাদখানি ছিল মাঠের মত বড়। একটা চওড়া সিঁড়ি বেয়ে ওপরে উঠলে—একেবারে লোক-লোচনের বাইরে চলে যাওয়া যায়। যেন আড্ডার আদর্শ স্থান। ছেলে-পুলেদের এইটিই ছিল নর্তন-কুর্দনের লীলাভূমি।

একদিন শরতের সন্ধ্যার সময় এখানে এলাম। অবাক করে দেওয়ার মতই জায়গা। তখন বসন্তকাল, সেদিন আবার শুক্লপক্ষ। চাঁদ সন্ধ্যার সন্ধ্যে সন্ধ্যেই ছাদটাকে আলো করেছে। উত্তরে গঙ্গা—ঝির ঝির করে ঠাণ্ডা হাওয়া বইছে। ছাদের ওপরে এখানে সেখানে এক একখানা মাদুর পেতে এক একদল বসে গেছে।

এক জায়গায় থিয়েটারের রিহাসাল চলেছে ঘোর রবে। আবার অল্প একটা মাদুরে চটা-ওঠা হারমোনিয়ম নিয়ে চলেছে গানের মহড়া। একটু দূরে চলেছে সাহিত্যের বাক্-বিতণ্ডা। চা আসছে। খাবার এল পরাং ভর্তি। কোথাও চলেছে গড়গড়া। আবার কোথাও বা সিগারেটের ধোঁয়ায় আকাশ সমাচ্ছন্ন।

শরৎ তখন বনেনীরাজের এস্টেটে কাজ করছেন। ম্যানেজার শিবশঙ্কর সহায়ের টুর ক্লার্ক। দিনকতক সহরে থাকতে হয়, আবার দিন কতক ঘুরতে হয় মফঃস্বলে।...

সংসার সম্বন্ধে শরতের ধরি মাছ না ছুঁই পানি ভাব! মাসের টাকাটা দিয়েই খালাস। না কুলালে উপায় দেখতে হয় মতিলালকে। এ-বাড়ী সে-বাড়ী থেকে ধার বলে ভিক্ষে করে আনা যৎকিঞ্চিৎ—যেদিন যা মেলে।

শরৎ কিন্তু তখন মোটেই ভ্রিয়মান নন্।

সংসারের কুৎসিত দিকটা বেড়ে ফেলে, একটা রসের দিক নিয়ে মাতোয়ারা ভাব।

মনে হলো, সত্যিই একটা ভিট্যাচমেন্ট আছে।

এ যেন কাট-কাটা রোদে পাতা-ঝরা কুচিগাছে এক গাছ ফুল ফুটে ওঠা।

কি হাসিমুখী ভাব! মুখে কথার খই ফুটেছে।

মনে হয়, সেটা শরতের প্রেমে পড়ার যুগ চলছিল। সেই নবীন প্রেমের দয়িতা যে কে তা ঠিক করা সোজা নয়। বিশেষ করে যার পক্ষে সমস্ত পরিস্থিতিটা অজানা বা নতুন। তবে সে যে প্রেমে পড়ার ব্যাপার তা বুঝে নেওয়া শক্ত ছিল না।

সেদিন অনেক গল্প হলো শরতের সঙ্গে বাড়ী ফিরে এসে। দুজনে খেয়ে নিয়ে জ্যোৎস্না রাতে তাঁকে পৌছতে গেলাম। তিনি আবার আমাকে পৌছতে এলেন। এমনি করে পথে পথে গল্পে দু'রাত কেটে গেল। আমি নীরব শ্রোতা। শরতের জিভে মা সরস্বতী নৃত্য করে চলেছেন।

বুঝলাম, শরৎ টুরে গিয়ে নীরদা বলে কোন একটি মেয়ের প্রেমে পড়েছেন। উচ্ছ্বাস-মেশা সে যে কত গল্প আজ তা মনে করা শক্ত! একটা তেজী ঘোড়ায় চড়ে চলেছেন তীরবেগে অন্ধকার সাঁওতাল পরগণার পথ দিয়ে শরৎচন্দ্র! কোন কথা মনে নেই, শুধু এই মনে আছে যে, নীরদা তাঁর জন্ম রাত জেগে প্রতীক্ষা করছে। হঠাৎ ঘোড়াস্বন্ধ নদীতে পড়ে গেলেন তিনি। তাতেও ভ্রক্ষেপ নেই। ভিজ়ে কাপড়ে, ভিজ়ে ঘোড়ায় চলেছেন নটবর নায়ক পবন গতিতে।

সেদিন সবই বিশ্বাস করেছি। কিন্তু আজ বুঝি যে, বোকা-বোঝান ছাড়া আর কিছুই নয়। গল্পে প্রেমে পড়ার অংশটুকুই ছিল বাস্তব—আর বাকি ঘোড়া, নদীর জলে লাফিয়ে পড়া, ভিজ়ে কাপড়ে প্রিয়ার কাছে পৌছান, এ সবই কথা শিল্পীর অনুভব-সৃষ্টি। যাতুকরের কাছে দর্শকের চোখে ধুলো দেওয়ার আনন্দ নিশ্চয়ই আছে, তেমনি বিশ্বাসী শ্রোতার কাছে কথার মায়াজাল সৃষ্টি করে কথকেরও আনন্দ আছে। সেদিন আমার আগ্রহ এবং ধৈর্যের খরচে শরৎচন্দ্র সেই ধরণের আনন্দ উপভোগ করেছিলেন।

দয়িতার সন্ধান করার মধ্যে মুন্সিল আছে। কেন না, ঠিক সত্যটি খুঁজে বার করা সব ক্ষেত্রেই প্রায় সমান। তাছাড়া, সংসারের পথও তেমন ঋজু নয়। পথে সাপ-ব্যাঙের ভয় থাকে। অতর্কিতে কাকর ল্যাঞ্জে পা পড়লে সে যে ফৌস করে একটা ছোবল না দেবে তাও বা কে বলতে পারে। তাই খুঁটিয়ে ওদিকের বিচার না করাই ভাল। তবে একথা সত্য যে শরৎচন্দ্রের

জীবনে রভসের যুগ চলছিল সেদিন, আর তাঁর মনে এমন একটা ছাপ রেখে দিয়েছিল, যা সারা জীবনের বহু উত্থান পতনের, দুঃখ-স্বপ্নের অভিজ্ঞতায় একেবারে মুছে গেল না।”

[ ‘সেট: শরতের প্রেমে পড়ার যুগ চলছিল’—স্বরেনবাবু একথা লিখলেও, সংসারের পথ ঋজু নয় বলে, খুঁটিয়ে ওদিকের বিচার করতে সাহস করেন নি।

যাই হোক, নীরদার কথা জানি না, তবে ঐ সময়টায় শরৎচন্দ্রের জীবনে যে স্বরেনবাবুর কথায় ‘রভসের যুগ চলছিল’ তা সত্য এবং তার ব্যর্থতায় তাঁর জীবনে যে একটা গভীর ছাপ পড়েছিল তাও সত্য। শরৎচন্দ্রের চিঠি থেকেও এ কথা জানা যায়। যেমন, তিনি রাধারানী দেবীকে একবার লিখেছিলেন—

“তোমরা—এই মেয়েরা—তোমাদের আজও ঠিক চিনে উঠতে পারলুম না। নিজের জীবনের অতি কঠিন ও গভীর বেদনায় এই অভিজ্ঞতাই মাত্র সঞ্চয় করতে পেরেছি রাধু।...নিজের জীবনকে ফোঁটায় ফোঁটায় গলিয়ে নিঃশেষে নীরবে দগ্ধ করে যে অভিজ্ঞতা বাস্তব থেকে আহরণ করেছি, এখন মনে হয়, আমার সাহিত্যেও হয়ত সেইটাই ফুটে উঠেছে বারংবার, আমার জ্ঞাত ও অজ্ঞাতসারেও।...

আমার কি মনে হয় জানো? আমরাই যে শুধু তোমাদের চিনে উঠতে পারলুম না তা নয়, তোমরা নিজেরাও বোধ হয় নিজেকে ঠিক চিনে উঠতে পারো না, অথবা নিজেকে চিনতে ভয় পাও। হয়তো এমনও হতে পারে, চিনেও সহজে তাকে স্বীকার করে নিতে চাও না। এও কিন্তু আমার কাল্পনিক ধারণা নয়, সত্যিকারের অভিজ্ঞতা-সঞ্চার ধারণা, স্তবরাং এর মূল্য উড়িয়ে দেবার নয়।” ]

## রাজলক্ষ্মী

শরৎচন্দ্র যে কিরূপ সঙ্গে সঙ্গে বানিয়ে গল্প বলতে পারতেন, তা ইতিপূর্বে অনেক গল্পেই দেখিয়েছি। এখানে তাঁর ঐরূপ আর একটি বানানো কাহিনী বলছি—

শরৎচন্দ্রের স্নেহ-ভাজন শৈলেশ বিশী একদিন বাজে শিবপুরে শরৎচন্দ্রের বাসায় যান। সেদিন কথায় কথায় শৈলেশবাবু শরৎচন্দ্রকে রাজলক্ষ্মীর কথা জিজ্ঞাসা করলে, শরৎচন্দ্র সম্পূর্ণ বিশ্বাসযোগ্য করে গভীরভাবে বলেন— রাজলক্ষ্মী, সে ঐ তো তোমার বোদি। আমি ওকে শেষে শৈব মতে বিয়ে করেছি।

শরৎচন্দ্রের এই কথাকে শৈলেশবাবু একেবারে বেদবাক্যের মতই বিশ্বাস করেন। তাই তিনি পরে তাঁর ‘বিপ্লবী শরৎচন্দ্রের জীবন-প্রব্ধ’ গ্রন্থে লেখেন—

“এখন প্রশ্ন হচ্ছে, এই রাজলক্ষ্মী কে? তাঁর বিবাহিতা স্ত্রী লক্ষ্মী বলেই থাকে তিনি আদর করে ডাকতেন।...তিনি তাঁকে বিয়ে করেছিলেন শৈব মতে। যেদিন সেই কথা তাঁর মুখে শুনলুম, আমার সব অমৃতের সন্ধান বিষিয়ে গেল, নিজের অলক্ষ্যে চোখ দিয়ে টস্ টস্ করে ক’ ফোঁটা জল ঝরে পড়লো। আমি স্পষ্টই বললুম—এত বড় ভালবাসাকে আপনি বিয়ে করে অমর্যাদা করলেন? যেটা ছিল স্রোতের জল, স্বচ্ছ পুণ্যতোষা—ভাগীরথী, আজ সেটাকে বাঁধ দিয়ে করলেন একটা পুকুর, খানা, ডোবা।

তিনি কিছুক্ষণ নীরব থেকে বললেন—এছাড়া উপায় ছিল না, তাছাড়া ও ছাড়ল না।

এতদিনে আমার সম্বিত ফিরে এল, তখন বুঝি নি। না জেনে দাদার মনে আমি কি আঘাতই না দিয়েছি। এখন বুঝেছি—রাজলক্ষ্মী স্বামী চেয়েছিল, সে প্রেমিক চায় নি। গৌরীর মত তপস্তা করেই সে এই ভবঘুরে স্বামী লাভ করেছিল। রাজলক্ষ্মীর জীবনের পূর্ণতা স্বামী-স্ত্রীর প্রেমে। এ অমৃত সকলের ভাগ্যে জোটে না।”

শৈলেশবাবু এই লেখাটি সম্বন্ধে আমার বক্তব্য—শরৎচন্দ্র তাঁর স্ত্রী হিরণ্ময়ী দেবীকে কখনই ‘লক্ষ্মী’ বলে ডাকতেন না। তাঁকে তিনি সাধারণতঃ ‘বড়বোঁ’ বলে ডাকতেন।

শরৎচন্দ্র সম্বন্ধে তথ্য সংগ্রহের জন্য আমি বহুবার সামতাবেড়ে হিরণ্ময়ী দেবীর কাছে গেছি। গিয়ে দেখেছি—তিনি একরূপ অশিক্ষিতা, (কোন রকমে নিজের নামটা সই করতে পারতেন ও টেনে টেনে কষ্ট করে বই পড়তে পারতেন) ও অত্যন্ত সরল। গ্রাম্য মহিলা ছিলেন। বাদ্দিজীর নাচ ও গান-বাজনা কাকে বলে তিনি জানতেনই না। আর রাজলক্ষ্মীর মত চৌকস কথাবার্তা তিনি ভাবতেও পারতেন না। তিনি অত্যন্ত সাদাসিধে ভাষায় কথা বলতেন, এমন কি কথা বলার সময় অনেক সময় আড়ষ্ট হয়েও পড়তেন।

অতএব শরৎচন্দ্রের বিবাহিতা স্ত্রী হিরণ্ময়ী দেবী আদৌ রাজলক্ষ্মী নন।

শরৎচন্দ্র—১ম খণ্ড—জীবনী গ্রন্থে হিরণ্ময়ী দেবী সম্বন্ধে আমি বিস্তৃত পরিচয় দিয়েছি।

## জামাই আদর

শরৎচন্দ্রের ‘পথের দাবী’ প্রকাশিত হয় ১৩৩৩ সালের ভাদ্র মাসে। পথের দাবী প্রকাশিত হওয়ার সঙ্গে সঙ্গেই ভারতের তৎকালীন ইংরাজ গবর্নমেন্ট পথের দাবী বাজেয়াপ্ত করে। আর শুধু বই বাজেয়াপ্ত করাই নয়, বইয়ের লেখক, প্রকাশক ও মুদ্রাকরের বিরুদ্ধে শাস্তিমূলক ব্যবস্থা অবলম্বন করার কথাও চিন্তা করতে থাকে।

পথের দাবী বাজেয়াপ্ত হওয়ার কিছুদিন পরেই ১০ই কার্তিক তারিখে শরৎচন্দ্রের মেজভাই স্বামী বেদানন্দ দেহত্যাগ করেন। তিনি রামকৃষ্ণ মিশনের সম্মানী ছিলেন। মৃত্যুর কয়েকদিন আগে তিনি সামতাবেড়ে দাদার কাছে যান। দাদার কাছে গিয়ে হঠাৎ অসুস্থ হয়ে পড়েন এবং দাদার বুকের উপর মাথা রেখে শেষ নিশ্বাস ত্যাগ করেন। শরৎচন্দ্র তাঁর মেজভাইকে খুবই স্নেহ করতেন। হঠাৎ এইভাবে তাঁর মৃত্যু হওয়ায়, শরৎচন্দ্র অত্যন্ত ব্যথা পেয়েছিলেন।

পথের দাবী বাজেয়াপ্ত হওয়া এবং মেজ ভাইয়ের মৃত্যু—এই উভয় কারণে শরৎচন্দ্র তখন খুবই মানসিক অশান্তিতে দিন কাটাচ্ছিলেন।

শরৎচন্দ্রের ছোট ভাই প্রকাশচন্দ্র, দাদার ঐরূপ মানসিক অবস্থা দেখে, তাঁর দাদার বাল্যবন্ধু ও তাঁদের মাতুল সুরেন্দ্রনাথ গঙ্গোপাধ্যায়কে চিঠি লিখে সমস্ত জানালেন। প্রকাশবাবু সুরেনবাবুকে এও লিখলেন—আপনি এসে দাদাকে বুঝিয়ে একবার ভাগলপুরে আপনার ওখানে নিয়ে যান। আমার মনে হয়, দাদা আপনাদের কাছে এখন থাকলে, একটু শান্তিতে থাকবেন।

সুরেনবাবু প্রকাশবাবুর এই চিঠি পেয়েই ভাগলপুর থেকে সামতাবেড়ে চলে এলেন। এসে তিনি শরৎচন্দ্রকে বুঝিয়ে ভাগলপুরে নিয়ে গেলেন।

ভাগলপুর থেকে মাইল বার দূরে রামচন্দ্রপুর নামক একটা জায়গায় সুরেনবাবুদের চাষ-আবাদের কিছু জমি ছিল। সেখানে থেকে সেই সব চাষ-আবাদ দেখাশোনা করার জন্য সেখানে সুরেনবাবুদের একটি বেশ বড় ও সুন্দর বাংলো



বাড়ী ছিল। স্বরেনবাবু অনেক সময় সপরিবারে সেই বাংলাে বাড়ীতে গিয়ে বাস করতেন।

স্বরেনবাবু শরৎচন্দ্রকে এবার প্রাকৃতিক পরিবেশে স্বন্দর সেই রামচন্দ্রপুরে নিয়ে গেলেন।

স্বরেনবাবু যাবার সময় তাঁর পরিবারবর্গকেও সঙ্গে নেন।

শরৎচন্দ্র রামচন্দ্রপুরে এই আত্মীয়দের মধ্যে থেকে অনেকটা শান্তিতেই দিন কাটাতে লাগলেন।

রামচন্দ্রপুর থেকে প্রায় ন' মাইল দূরে সাবোরে বিহার গবর্নমেন্টের এগ্রিকালচারাল রিসার্চ ইনস্টিটিউটে ঐ সময় স্বরেনবাবুর বড়দা মণীন্দ্রনাথ গঙ্গোপাধ্যায়ের জামাতা প্রফুল্লকুমার মুখোপাধ্যায় একজন অফিসার ছিলেন।

স্বরেনবাবু রামচন্দ্রপুরে থাকলে প্রফুল্লবাবু প্রায়ই সাবোর থেকে এসে খুড়শস্ত্রমশায়ের সঙ্গে দেখা করে যেতেন। এবারে শরৎচন্দ্র এসেছেন শুনে প্রফুল্লবাবু অফিসে কয়েকদিনের ছুটি নিয়ে রামচন্দ্রপুরে চলে এলেন।

প্রফুল্লবাবু বেশ সৌখীন মানুষ ছিলেন। আর তিনি খুব ভাল খাওয়া-দাওয়া পছন্দ করতেন।

প্রফুল্লবাবু যেদিন রামচন্দ্রপুরে আসেন, তার আগের দিন থেকে স্বরেনবাবুর জ্বর হঠাৎ খুব জ্বর হয়। তাই বাড়ীতে রান্না-বান্নার ভার পড়েছিল চাকর-বাকরদের উপর। চাকর-বাকরদের রান্না প্রফুল্লবাবুর তেমন পছন্দ হচ্ছিল না। এজন্য তিনি রোজই খাবার সময় খুঁত্ খুঁত্ করতেন এবং ভাল রকম জামাই আদর হচ্ছে না বলে শরৎচন্দ্রের কাছে অভিযোগও করতেন।

প্রফুল্লবাবুর সঙ্গে শরৎচন্দ্রের ছিল মামাতো-পিসতুতো ভগ্নীপতি-স্বন্ধী সম্পর্ক। শরৎচন্দ্র এই সম্পর্কের সূত্র ধরে প্রফুল্লবাবুর ঐ খুঁতখুঁতুনির জন্ত তাঁকে একদিন গল্পের ছলে বললেন—প্রফুল্ল, তুমি সেই খুঁতখুঁতুনিতে নতুন বড়লোক জামাই যাওয়ার গল্পটা জান কি ?

—কি গল্প বলুন তো ? বলুন শুনি।

শরৎচন্দ্র—বললেন—বলছি তবে শোন—

এক ভদ্রলোকের জামাই খুব বড়লোক। ভদ্রলোকের অবস্থাও খুবই

ভাল। জামাই নতুন। এই জামাই এখন খত্তরবাড়ী এসেছে। জামাই-এর  
বারপয় নাই আদর-যত্ন হচ্ছে।

জামাই স্নান করবে, তাই তার জন্ত কিনে আনা হ'ল বেশ দামী বড়  
টার্কিশ তোয়ালে, নতুন দামী ফুলেল তেল, নতুন সাবান ইত্যাদি।

জামাই-এর স্নান করবার সময় হ'লে তার এক কুমারী শালী ঐ সব তার  
কাছে নিয়ে এল।

জামাই সব দেখল। দেখে ফুলেল তেলের শিশিটা হাতে নিয়ে বললে—  
একি! আমি বাড়ীর জামাই, আমি মাখ'ব এই ফুলেল তেল! তা কখনই  
হ'তে পারে না। আমি নতুন জামাই, আমি মাখ'ব মোমবাতি!

শরৎচন্দ্রের এই গল্প শুনে প্রফুল্লবাবু একেবারে চুপ।

স্বরেনবাবুর জ্যেষ্ঠপুত্র রবীন্দ্রনাথ গঙ্গোপাধ্যায়—যিনি তখন সেখানে  
উপস্থিত ছিলেন, তিনি কিন্তু তখন খুব হাসছেন।

## আমাদের সামাজিক ব্যবস্থা

শরৎচন্দ্রের কলকাতার বাড়ীতে সেদিন দু-একজন সাহিত্যিক এসেছেন।  
কয়েকজন রাজনৈতিক কর্মীও আছেন।

নানা রকমের আলোচনা হচ্ছে। কথায় কথায় শেষে আমাদের সামাজিক ব্যবস্থার কথা উঠল। একজন বললেন—ব্রাহ্মণরাই আমাদের সমাজ ব্যবস্থা তৈরি করেছেন সত্য, কিন্তু এই ব্যবস্থার মধ্য দিয়েই তাঁরা তাঁদের আয়ের একটা বেশ ব্যবস্থা করে রেখেছেন। মাহুষ মরে গেলেও তার শ্রাদ্ধাদির নাম করে সেখানেও শোষণের ব্যবস্থা করেছেন।

শরৎচন্দ্র এই কথা শুনে বললেন—দেখ, ‘বামুনের মেয়ে’ লিখেছি বলে আমার সামনে বামুনদের নিন্দা করবে, তা আমি কিছুতেই সহ্য করব না। মৃত্যুর পরে পারলৌকিক কৃত্যের জন্ত আমাদের দেশে ব্রাহ্মণরা যে ব্যবস্থা করে গেছেন, অগ্রান্ত্র দেশের তুলনায় তা কিছুই নয়। আমি পৃথিবীর বিভিন্ন দেশের সামাজিক ইতিহাস পড়ে দেখেছি। কি সভ্য আর কি অসভ্য—কোন সমাজেই আমাদের সমাজের মত এত অল্প খরচে পারলৌকিক কাজ সমাধা করা যায় না। তোমার কেউ মারা গেলে, তুমি সামান্য তিল আর সামান্য চাল-কলা নিয়ে গঙ্গার তীরে গিয়ে তার শ্রাদ্ধ সমাধা করে আসতে পার। বোড়শ, বুঘোৎসর্গ বা দানসাগর শ্রাদ্ধের যে ব্যবস্থা আছে, সে সব তো দানের ব্যাপার, সে বড়লোকদের জন্ত। সেখানেও দেখ, যার যেমন অবস্থা, তার সামাজিক মর্যাদা অনুযায়ী তার জন্ত তেমনি ব্যবস্থা করে গেছেন। শুধু শ্রাদ্ধের খরচের কথাই বা কেন, আমাদের সমাজে মৃত্যুর পরের আচার-অহুষ্ঠানগুলোও অল্প সমাজের সঙ্গে তুলনা করে দেখ। এই প্রসঙ্গে তবে আমার দেখা রেজুনে বৌদ্ধ সমাজের একটা কাহিনী বলছি শোন—

আমি যখন রেজুনে ছিলাম, তখন আমার বাড়ীর একটু দূরে এক বর্মী পরিবারের সঙ্গে আমার খুব ঘনিষ্ঠ পরিচয় ছিল। ঐ পরিবারে লোকজন বলতে ছিল—বাড়ীর কর্তা, তার স্ত্রী ও তাদের পঁচিশ-ছাাকশ বছরের একমাত্র

ছেলে। ছেলেটি একবার কয়েকদিন জরে ভুগে হঠাৎ মারা গেল। তখন একমাত্র যোগ্যপুত্রের মৃত্যুতে ছেলেটির বাপ-মায়ের অবস্থা কি রকম হ'ল ভাবো!

একজন প্রতিবেশীর মুখে ঐ ছেলেটির মৃত্যু সংবাদ শুনে ভাবলাম—ওর বাপ-মাকে সাহায্য দিতে যাওয়াটা আমার একটা কর্তব্য। কর্তব্য তো ভাবলাম, কিন্তু গিয়ে তাদের বলব কি! তাদের ঐ বিপদে কি সাহায্য আমি দোব।

যাই হোক, অনেক চিন্তা করে তো গেলাম। গিয়ে দেখি, ঘরের বারান্দায় মৃতদেহ মধু মাখিয়ে কাপড় দিয়ে ঢেকে রাখা হয়েছে। আর মৃতপুত্রের মাথার কাছে বসে মা কাঁদ কাঁদ গলায় গান করছে, এমন কি ছেলেটির বাপকেও সেই গানে যোগ দিতে হয়েছে। গান বলতে আমার মনে হয়, মৃতপুত্রের আত্মার মঙ্গল কামনায় ঐরূপ স্বর করে কোন স্তোত্রপাঠ-টাঠ হবে।

এটা হ'ল ওদের প্রথা। পুত্রশোকে প্রাণথুলে কেঁদে যে বুকটা একটু হাল্কা করবে, তার উপায় নেই। ওদের ধারণা কাঁদলে নাকি মৃতব্যক্তির আত্মার অমঙ্গল হবে। তাই শোক দমন করেও ঐরূপ করতে হবে। সেখানে অবশ্য তাদের প্রতিবেশী এবং আত্মীয়-স্বজন যারা উপস্থিত ছিল, তারাও ঐ গানে যোগ দিয়েছিল।

আমি কোন রকমে ছেলেটির বাপের কাছে গিয়ে তাঁর সঙ্গে দু-একটা কথা বললাম। তারপর ছেলেটির মায়ের কাছে গিয়ে তাঁকে বললাম—আপনি ভিতরে চলুন। মৃতপুত্রের মুখের কাছে বসে এইভাবে গান করা আপনার পক্ষে মোটেই সম্ভব নয়।

উত্তরে তিনি বললেন—আমাকে এখানে থাকতেই হবে। তা না হ'লে যারা এসেছে, তারা আমার বাড়ী থেকে চলে যাবে, কেউই থাকবে না। আর আমারও নিন্দা করবে।

মৃত্যুর পরে আমাদের সমাজের আচার-অহুষ্ঠান, আর ওদের সমাজের আচার-অহুষ্ঠান একবার তুলনা করে দেখ। অতএব বিভিন্ন দেশের খবর না জেনে আমাদের সব কিছুই নিন্দা করতে যেও না।

## চাকরি

একজন শ্রেষ্ঠ সাহিত্যিক হিসাবে শরৎচন্দ্রের তখন খুব নামডাক।

সেই সময় একদিন তাঁর বিশেষ পরিচিত এক ভ্রাতৃলোক তাঁর বাড়ীতে এলেন। এসে তিনি শরৎচন্দ্রকে বললেন—দাদা, আর তো পারি নে! সংসার প্রায় অচল। অনেকগুলি পোস্ত। অফিস থেকে সামান্য যা পাই, তা দিয়ে অতি কষ্টে কোন রকমে একবেলা খেয়ে দিন কাটাচ্ছি। বড় ছেলেটা আই-এ পড়ছিল, তা ক'মাসের বাকি মাইনে আর পরীক্ষার ফি এক সঙ্গে জোগাড় করতে পারলাম না বলে, ছেলেটা আই-এ পরীক্ষাই দিতে পারল না। ছেলেটা এখন বেকার বসে আছে। আচ্ছা শরৎদা, আপনার সঙ্গে তো কত বড় বড় লোকের আলাপ রয়েছে। তাঁরা সকলেই আপনাকে যথেষ্ট শ্রদ্ধা-ভক্তিও করেন। তা দয়া করে কাকেও বলে আমার ছেলেটার একটা চাকরি করে দিন না! তাহলে এ যাত্রা বেঁচে যাই দাদা!

শরৎচন্দ্র সব শুনে গম্ভীর হয়ে বললেন—চাকরি পেতে হ'লে তোমার ছেলের আই-এ ফেল হওয়া প্রয়োজন।

ভ্রাতৃলোক প্রশ্ন করলেন—ফেল হওয়া প্রয়োজন কেন দাদা?

উত্তরে শরৎচন্দ্র বললেন—তবে গল্পটা বলি শোন। শুনলেই বুঝতে পারবে—

আমার পরিচিত একটি ছেলে একবার এক মার্চেন্ট অফিসে চাকরির জন্ত দরখাস্ত করে। সে ছেলেটিও তোমার ছেলের মতই অভাবের জন্ত টাকা সংগ্রহ না হওয়ায় আই-এ পরীক্ষা আর দিতে পারে নি।

বাই হোক, ছেলেটি চাকরির জন্ত ইন্টারভিউ দিয়ে কর্তৃপক্ষের কাছে মনোনীতও হ'ল। ইন্টারভিউ-এর শেষে অফিসের ম্যানেজার ছেলেটিকে বলে দিলেন—দু-এক দিনের মধ্যেই তোমার অ্যাপয়েন্টমেন্ট লেটার পাঠিয়ে দিচ্ছি।

ছেলেটি তো ফিরে এসে, চাকরি যে তার হয়ে গেছে, এ কথা মহানন্দে তার আত্মীয়-স্বজনদের বলে বেড়াতে লাগল।

এদিকে কিছু দিনের পর দিন কেটে যাচ্ছে, অথচ তার অ্যাপয়েন্টমেন্ট লেটার আর আসছে না। আরও কয়েকদিন কেটে গেল। তখন ছেলেরি একদিন অ্যাপয়েন্টমেন্ট লেটারের কি হ'ল খোঁজ নেবার জন্ত গিয়ে অফিসের সেই ম্যানেজারের সঙ্গে দেখা করল।

ছেলেরি যেতেই তাকে দেখে ম্যানেজার বললেন—তোমার চেয়ে বেশী শিক্ষিত একটি ছেলে পেয়ে গেলাম হে! তাই তাকেই নিলাম। সে ছেলেরি আই-এ ফেল।

ম্যানেজারের মুখে এই কথা শুনে আমার পরিচিত সেই ছেলেরি একেবারে বিস্মিত হয়ে গেল। সে শুধু বললে—আপনি তো জানেন স্তার আমি আই-এ পৰ্বন্ত পড়েছি। শুধু পরীক্ষাটাই না হয় দিতে পারি নি। তা পরীক্ষা দিলে চেষ্টা করে কি ফেলটাও আর আমি করতে পারতাম না!

এই গল্প বলে শরৎচন্দ্র ভদ্রলোককে বললেন—তাই বলছিলাম, 'তোমার ছেলেরিও চাকরি হতে হ'লে অন্ততঃ আই-এ ফেলটা হওয়াও প্রয়োজন।

শরৎচন্দ্রের এই কথা শুনে ভদ্রলোক শত হৃৎকের মধ্যেও হেসে উঠলেন।

## ভুল বুঝা

উমাশ্রাসাদ মুখোপাধ্যায় বলেন—

একদিন সন্ধ্যাবেলা।

একতলায় ‘বঙ্গবাণী’র অফিস ঘরে যথারীতি আড্ডা জমেছে। মজলিস্-এর মূল কেন্দ্র মেজদা (শ্রীমাশ্রাসাদবাবু)। সে সময়ে আমাদের বাড়ীতে আমাদেরই এক আত্মীয় ছিলেন। কলকাতায় চাকরি করতেন। বাড়ীর দোতলার বাইরের একটি ঘরে থাকতেন।

সম্পর্কে জাগাই। অথচ, বয়সে বড়। তাই আমাদের ভাইদের ডাকতেন ‘বাবাজি’ বলে। ভক্তলোকের মনটি অতি সরল, তাই সহজেই রেগে যেতেন। অফিসেও সাহেবের সঙ্গে প্রায়ই খিটিখিটি হোত। সারাদিন খাটুনি খেটে সন্ধ্যায় বাড়ী ফিরতেন, তারপর আমাদের মজলিসে যোগ দিতেন।

সেদিন তাঁর মন মেজাজ একটু বেশী রকমই খারাপ ছিল। খারাপ থাকার কারণও ঘটেছিল। সকালে স্নান করতে যাবার সময় দেখেন, গামছাটা নেই! দোতলায় ঘরের সামনে রেলিঙ-এ শুকোচ্ছিল। কোথায় চলে গেছে। বললেন—হাওয়ায় উড়তে পারে না। নিজে বেঁধে শুকোতে দিয়েছিলাম। বুঝলে বাবাজি, নিশ্চয় কেউ সরিয়েছে। কর্তার তো অব্যবহিত দ্বার, দ্বার খুলী সোজা উপরে উঠে যায়।

অগত্যা, অফিস থেকে ফেরবার পথে আবার একটা নতুন গামছা কিনে আনলেন। সেইটুকু কাঁধে ফেলে নীচে নেমে এসে, স্নান করতে যাচ্ছেন। যাবার পথে আমাদের ঘরের স্তম্ভে এসে দাঁড়িয়ে উত্তেজিত হয়েই বললেন—বাবাজি, চুরি কি সাধে হয়! এই এখনি দেখে এলাম।

মেজদা বললেন—গামছা পেয়েছো নাকি?

তিনি জানালেন—নাঃ, গামছা আর পাচ্ছি কোথা? এটা ত নতুন কিনে আনলাম। কিন্তু চুরিটা হয় কেন, বেশ বোঝা গেল। এই এখনি নামছি, দেখি, কর্তার ঘরের সামনে বারান্দায় অন্ধকারের মধ্যে রেলিঙ ধরে একটা লোক দাঁড়িয়ে। ঠিক যেখান থেকে গামছাটা গিয়েছিল।

মেজদা মুচকে হেসে বললেন—আর তুমি চলে এলে তাকে অমনি রেখে ?  
জিজ্ঞেস করলে না কেন, কি চাই ? কাকে চাই ?

আত্মীয়টি বুদ্ধির পরিচয় দিয়ে বললেন—তা কি আর করি নি ? অমন  
গামছাটা সবে গেছে ! আমি এগিয়ে তার কাছে গেলাম। দেখি, থামের  
পাশে চূপ করে দাঁড়িয়ে আছে। সোজাসুজি বলে দিলাম, কি করছ বাপু,  
অন্ধকারে এখানে ? কারও সঙ্গে দেখা করতে হয় তো নীচে যাও—গিয়ে  
দাঁড়াও। এখানে এইভাবে অন্ধকারে দাঁড়িয়ে কেন ? বাড়ীতে সব জিনিস-  
পত্তর চুরি যাচ্ছে !

এক নিঃশ্বাসে কথাগুলি বলে চললেন।

মেজদা কৌতূহলী হয়ে প্রশ্ন করলেন—এই সব কথাই বলেছ নাকি ?

আত্মীয়টি বাহাহুরি দেখিয়ে বললেন—নিশ্চয়। বেশ কড়া করেই বলোছ।  
লোকটা চূপ করেই রইলো। একটা কথাও বললো না, নড়লও না। আমার  
কিন্তু খুব সন্দেহ হয়, লোকটা চোরই ! অন্ধকারে চেহারাটা ভাল করে  
না দেখতে পেলেও বেশ দেখলাম—একমুখ দাড়ি, ছোট একটা কাপড় পরা।  
এখুনি দরোয়ানটাকে ডেকে ওপরে পাঠিয়ে দাও ! আবার কিছু না হাবায় !

মেজদা এতক্ষণে হেসে উঠলেন। বললেন—তুমি খবর দেবার আগেই  
দরোয়ান ওপরে গেছে বাবাকে খবর দিতে—আচার্য প্রফুল্লচন্দ্র এসেছেন ! তা  
সে বুঝি আলো জ্বলে তাঁকে ঘরে বসিয়ে যায় নি ? কিন্তু তুমি কাণ্ডটা  
করেছ কি !

এই শুনেই তাঁর মুখ বিবর্ণ হ'ল। বললেন—জ্যা ! বলে কি ? পি, সি,  
রায় ! ইঁ, তাই তো এখন মনে হচ্ছে। রইলো আমার স্নান আহান। আমি  
পালালাম বাড়ী থেকে এখনই। কর্তা খেয়ে ওপরে উঠলে তবে ফিরব।  
কাল কি হবে বুঝি না। তোমাদের বাড়ী বোধ হয় এবার ছাড়তে হলো  
বাবাজি !—বলেই আর কথাবার্তা নেই, সেই বেশেই বাড়ী থেকে পলায়ন।  
অনেক রাত্রে চুপি চুপি বাড়ী ফেরেন, সকলের খাওয়া-দাওয়ার পর।

অথচ, আচার্য প্রফুল্লচন্দ্র এই নিয়ে কোন কথাই তোলেন নি বাবার কাছে।  
সে-কালের সব বিরাট পুরুষ ! এই সকল সামান্ত ঘটনা তাঁদের অসামান্য  
চিন্তবৃত্তিতে কোনই রেখাপাত করত না। তাই, মনে অভিমানও নেই,  
গৃহকর্তার কাছে অভিযোগও নেই।



এই গল্পটি পরে একদিন আমি শরৎচন্দ্রের কাছে বলি। তিনি শুনে হেসে উঠেছিলেন। বলেছিলেন—তবে আচার্য প্রফুল্লচন্দ্রের সঙ্গে আমার প্রথম পরিচয়টা কেমন ভাবে হয়েছিল, সেই গল্পটি বলি শোনো—

আমি আচার্য প্রফুল্লচন্দ্রকে বিশেষ শ্রদ্ধা করতাম। প্রফুল্লচন্দ্রও আমার প্রতি শ্রদ্ধাশীল ছিলেন। অথচ, উভয়ের মধ্যে ব্যক্তিগত পরিচয় ছিল না।

প্রফুল্লচন্দ্র তাঁর ছাত্রদের নিকট আমার সঙ্গে আলাপ করার আগ্রহ প্রকাশ করেন। এমনি সময়ে একদিন একটি ছাত্র আমাকে এই খবরটি দেন। আমারও উৎসাহ হয়। দুজনে তখন প্রফুল্লচন্দ্রের কাছে চলি।

সাকুলার রোডে সায়েন্স কলেজের ওপর তলায় একটি ঘরে প্রফুল্লচন্দ্র থাকতেন। সোজা তাঁর ঘরে দুজনে প্রবেশ করলাম।

প্রফুল্লচন্দ্র তাঁর ছোট খাটের ওপর বিছানায় বসে কাজ করছিলেন।

আমি দেখি, শয্যার নিকটে দুখানি মাত্র চেয়ার,—বই ও কাগজপত্রে ভরে আছে। অগুত্র বসবার স্থানও নেই। তাই এগিয়ে গিয়ে শয্যার একপাশে বসতে বাই।

সহসা ঘরের নিস্তরতা ভঙ্গ হ'ল। প্রফুল্লচন্দ্র উত্তেজিত হয়ে বলে উঠলেন—করো কি? করো কি? বিছানায় বসো না।

আমি স্তম্ভিত হয়ে দাঁড়িয়ে রইলাম। সঙ্গী ছাত্রটি লজ্জিত হয়ে তাড়াতাড়ি আর একটা চেয়ার এনে দিল। আমি বসলাম।

প্রফুল্লচন্দ্র তখন আমার দিকে তাকিয়ে সহজভাবে প্রশ্ন করলেন—কি করা হচ্ছে এখন?

আমি বললাম—অল্প কিছু লেখবার চেষ্টা করছি।

প্রফুল্লচন্দ্র উৎসাহ দিয়ে বললেন—বেশ, বেশ। কাজ করে যাও। লেখো—চট করে কিছু ছাপাতে যেও না যেন।

স্পষ্ট বোঝা গেল, প্রফুল্লচন্দ্র আমাকে ছাত্র ভেবেছেন। তবুও আমি ভুল ভাবিলাম না। উপভোগ করতে লাগলাম। বিনীত ভাবে জানালাম—নাঃ, ছাপাবার মতো কিছু নয়। কিছু করার চেষ্টা করছি মাত্র।

কথাবার্তা ঐভাবেই চলল। ওদিকে ছাত্রটি বিশেষ অস্বস্তি বোধ করতে লাগল। উদ্বেগবশে প্রফুল্লচন্দ্রের নিকটে গিয়ে সে আমার পরিচয় প্রকাশ করল।

শোনা মাজই প্রফুল্লচন্দ্র চন্দ্রমার ফাঁক দিয়ে আমার দিকে একবার ভাল ভাবে তাকিয়ে দেখলেন। তারপর বিছানা ছেড়ে ঘরের দরজার দিকে ক্ষিপ্ৰগতিতে চলে গেলেন। বাইরে বারান্দায় বেরিয়ে উচ্চৈঃস্বরে তাঁর প্রিয় ছাত্রদের নাম ধরে ডাকতে লাগলেন।

দেখতে দেখতে ঘরের বাইরে ছোটখাট ভীড় জমে উঠল। তখন সেই ছাত্রদলকে সঙ্গে নিয়ে প্রফুল্লচন্দ্র ঘরে আবার প্রবেশ করলেন। পুরোভাগে তিনি। যেন সেনাপতি সৈন্যদল নিয়ে এগিয়ে আসছেন। অঙ্গুলি নির্দেশ করে আমাদের দেখিয়ে সকলকে বললেন—দেখেছিস, ওখানে বসে কে? শ্রীশরৎচন্দ্র চট্টোপাধ্যায়। ঐ দেখ, তাঁর সব বই রয়েছে আমার ঘরে। আর আজ নিজেও এসেছেন আমারই কাছে। দেখ্, দেখ্, ভাল করে। পায়ের ধুঁলে নে।

তারপর এগিয়ে এসে আমার কাছে বসলেন। একান্ত অন্তরঙ্গের মতন গল্প শ্রব্ণ করলেন। বললেন—শরৎবাবু, আপনার বইগুলি পড়ে কতবার আপনার সঙ্গে আলাপ করার কথা মনে হয়েছে, আজ এতদিন পরে দেখা হোল।

বহুক্ষণ দুজনের গল্প চলল, আলাপ জমে উঠল। পরিচয়ের প্রারম্ভে ভুল বোঝার ক্রটি-বিচ্যুতির জন্ত দুঃখ প্রকাশের প্রস্নও উঠল না। উভয়ের অন্তরে বিস্কোভের ছায়ামাত্রও থাকল না।

[ আচার্য প্রফুল্লচন্দ্রের জীবনী-লেখক মনোরঞ্জন গুপ্ত, বেঙ্গল কেমিকেলের গ্রন্থাগারে আচার্য প্রফুল্লচন্দ্রের যে সমস্ত কাগজপত্র আছে, তার মধ্যে তাঁর এক পাতা দিনলিপি পান। ঐ দিনলিপিতে প্রফুল্লচন্দ্র শরৎচন্দ্রের সাহিত্য সংক্ষে

একটি মন্তব্য করেছিলেন। তাঁর সেই দিনলিপিটি বা শরৎ-সাহিত্য সম্পর্কে মন্তব্যটি এই :—

‘ধন্য শরৎচন্দ্র ! তুমি এতদিন কোথায় ছিলে ? কোথা হইতে অবতীর্ণ হইলে ? বাস্তবিক তোমার মতো একজন লেখকের প্রয়োজন ছিল। সামাজিক ব্যাধি ও দুর্নীতি প্রভৃতি অঙ্কিত করিবার জন্ত তুমি যে তুলি ধরিয়াছ, তাহা অতুলনীয়। তুমি কখনও ধর্ম-মতের ইতর ব্যঙ্গ বা বিদ্রোপ কর না। অথচ কু-প্রথার উপর কুঠারাঘাত করিতে কুণ্ঠিত নও। তোমার ধোঁধা মর্মস্পর্শী ; অন্তস্থল পর্যন্ত প্রবেশ করে, চরিত্রগুলির সঙ্গে এক হইয়া যায়। তোমার আর এক বিশেষত্ব এই যে, তাদের সুখ-দুঃখ পাঠকেরই। অনায়াসলব্ধ কোন কষ্টকল্পনা নাই। দৈনন্দিন জীবন হইতে চরিত্রগুলি আহৃত। কিন্তু ভয়ে তোমার বই কাছে রাখি না—পাছে নেশা সম্বরণ করিতে না পারি।’

উমাপ্রসাদবাবুর কাছে বলা শরৎচন্দ্রের কাহিনীটিতে দেখছি—আচার্য প্রফুল্লচন্দ্র তাঁর ছাত্রদের বলেছিলেন—‘ঐ দেখ, তাঁর সব বই রয়েছে আমার ঘরে।

অথচ তাঁর দিনলিপিতে দেখছি, তিনি লিখেছিলেন—‘ভয়ে তোমার বই কাছে রাখি না। পাছে নেশা সম্বরণ করিতে না পারি।’

গুনেছি, শরৎচন্দ্রের বই আচার্য প্রফুল্লচন্দ্র এক সময় সত্যিই নেশার মতই ধরেছিলেন। বাঙ্গালীর উন্নতির জন্ত সদা চিন্তাময় আচার্য প্রফুল্লচন্দ্র ঐ সময় প্রতিদিন রাতে শুতে যাবার আগে শরৎচন্দ্রের ‘পল্লী-সমাজে’ জ্যাঠাইমা যেখানে রমেশকে গ্রাম না ছেড়ে যাবার জন্ত উপদেশ দিচ্ছেন, সেই জায়গাটা পড়ে তবে শুতেন। ]

## ভাগ্যলিপি

শরৎচন্দ্র সামতাবেড়ের বাড়ীতে বাস করবার সময় প্রতিদিন বিকালে তাঁর দিদি অনিলা দেবীর বাড়ীতে বেড়াতে গিয়ে, রাত আটটা-নটা পর্যন্ত গল্প-গুজব করে বাড়ী ফিরতেন। এই গল্পের আসরে মেয়ে-পুরুষ সকলের ছিল অবাধ গতি।

সেদিনও আসরে অনেকে এসে জমেছেন। কি একটা কথা প্রসঙ্গে শরৎচন্দ্র মাহুষের ভাগ্যের কথা তুললেন। বললেন—যার ভাগ্যে যা আছে, তা হবেই। কারো সাধ্য নেই, ললাটের সে লিখন খণ্ডায়।

এক ভক্তলোক প্রতিবাদ করে বললেন—ভাগ্যের লেখা আবার কি? মাহুষ তার চেষ্টা, অধ্যবসায় আর কর্ম দিয়েই তার ভাগ্য গড়ে তুলবে। আপনার ও-কথা আমি মানতে পারলাম না, শরৎদা!

শরৎচন্দ্র বললেন—কিন্তু একজন হয়তো শত চেষ্টা করেও সারাজীবনে কিছু করতে পারে না। আর একজন দেখবে বিনা চেষ্টাতেই বাজীমাং করে বসে আছে, তার বেলা কি? একে ভাগ্য ছাড়া আর কি বলবো বলা দেখি। যদি বলা হতভাগ্যার চেষ্টার মধ্যে কোথাও গলদ থেকে যাচ্ছে, তাই সে কৃতকার্ষ হতে পারছে না—এও ঠিক কথা হ'ল না। এ বিষয়ে একটি গল্প মনে আসছে, বলি শোন—

শিব আর দুর্গা একবার মর্ত-ভ্রমণে এলেন। ঘুরতে ঘুরতে এক গ্রামে গিয়ে দেখেন, অদূরে এক কুটারে এক ভিখারী বামুন, তার স্ত্রী আর তাদের একটি ছেলে—তিনজনেই শুকনো মুখে চুপটি করে বসে আছে।

দেবতারা অন্তর্ধামী তা তো জানোই। দুর্গা দেখলেন, এদের কারোরই আজ সারাদিন পেটে কিছু পড়ে নি। রোজকার মতো সকালে তিনজনে তারা তিন দিকে ভিক্ষেয় বেরিয়েছিল, কিন্তু কিছুই মেলে নি শেষ পর্যন্ত। আর ঘরেও তেমন কিছু নেই যে খাবে।

দেখে মা দুর্গার মনে বড় দয়া হ'ল। শিবকে বললেন—দেখেছ,

বেচারাদের কি ছরবস্থা! যেদিন ভিক্ষেম কিছু জুটে, সেদিন খায়, আর যেদিন জুটে না, সেদিন উপোস! তুমি কতজনকে কত কুপা কর—এদের দুঃখ দেখে কি তোমার দয়া হচ্ছে না? তুমি বড় নিষ্ঠুর।

শিব বললেন—হুর্গে, কি করবো বলো। আমার এতে কোন হাত নেই। এদের ভাগ্যে যে দুঃখ আছে, আমি হাজার কুপা করলেও তা ঘুচবে না। যা হবার তা হবেই।

হুর্গা বললেন—তোমার ঐ যত সব বাজে কথা! তুমি মহা দেষতা, তোমার অসাধ্য হেন কাজ নেই। তুমি ইচ্ছা করলে কি আর এদের ভাগ্য ফিরিয়ে দিতে পার না? দেবে না তাই বলো!

শিব শুনে হাসলেন। বললেন—তুমিও তো হুর্গে, হুর্গতিনাশিনী! তোমারই বা অসাধ্য কি? ইচ্ছে করলে তুমিও তো পার ওদের দুঃখ ঘুচাতে। তুমিই একটা বর-টর দিয়ে ওদের দুর্দশা দূর করতে চেষ্টা করে দেখ না কেন? দেখ না কিছু পার কিনা! আমার কিন্তু মনে হয় বৃথা চেষ্টা, ওদের বরাত ফেরানো অসম্ভব।

বেশ দেখা যাক—বলে হুর্গা এক বৃদ্ধার বেশ ধারণ করে ব্রাহ্মণের কুটির উপস্থিত হলেন। শিব এক বটগাছের তলায় বসে বিশ্রাম করতে লাগলেন।

বৃদ্ধার বেশে হুর্গা ব্রাহ্মণকে ডেকে বললেন—ঠাকুর, আমি কিছু কিছু তুচ্ছতাক্ জানি। তোমাদের এই অবস্থা দেখে আমার মনে বড় কষ্ট হচ্ছে। এক কাজ কর, তোমাদের তিনজনকে আমি তিনটি বর দিচ্ছি। ঠিক ঠিক যা বলি তাই যদি কর, তোমাদের আর কষ্ট থাকবে না।

বৃদ্ধার কথা শুনে ব্রাহ্মণ বলল—তুমি নিজে দেখছি বাছা নিতান্ত দরিদ্র ঘরের মেয়ে, তুমি আবার আমাদের দুঃখ ঘুচাবে কি করে! নাও, নিজের পথ বেধে।

কিন্তু হুর্গা নাছোড়বান্দা। অনেক বলা-কওয়ার পর ব্রাহ্মণ বললে—আজ্ঞা বলো কি করতে হবে? দেখাই যাক কি হয়।

আজ্ঞেই একটা পুকুর ছিল। হুর্গা সেই পুকুর দেখিয়ে বললেন—ঐ পুকুরে তোমাদের তিনজনকে একে একে ডুব দিতে হবে। ডুব দিয়ে যে যা কামনা করবে, মাথা তুলে দেখবে সে তাই পেয়েছে।

ব্রাহ্মণ বললে—সত্যি বলছ ?

হুর্গা বললেন—হ্যাঁ, সত্যিই বলছি। ঐ পুকুরে ডুব দিয়ে একবার পরখ করে দেখ না।—বলে হুর্গা বাতাসে মিলিয়ে গেলেন।

হুর্গার এই বাতাসে মিলিয়ে যাওয়ার ফলে ব্রাহ্মণের কেমন বিশ্বাস হ'ল। তখন ব্রাহ্মণ, ব্রাহ্মণী ও ব্রাহ্মণপুত্র তিনজনে ক্ষিদে-তেষ্ঠা ভুলে ভাবতে বসে গেল কে কি চাইবে। অনেক চিন্তা ও গবেষণার পর ব্রাহ্মণ ঠিক করলে—আমি রাজা হব। ঐশ্বর্যই যদি পেতে হয় তো সে রাজৈশ্বর্য। এর চেয়ে বড় ঐশ্বর্য আর পৃথিবীতে নেই।

ব্রাহ্মণপুত্র বললে—বাবা যদি রাজা হন, তাহলে আমি কেন সেনাপতি হই না ? বাবার রাজত্ব তো রক্ষা করতে হবে !

ব্রাহ্মণী ব্রাহ্মণকে বললে—তুমি রাজা আর তোমার ছেলে তো সেনাপতি হবে ঠিক করলে। এখন আমি কি হই বলে দাও !

—তুমি ? তুমি এক কাজ কর—চিন্তা করে ব্রাহ্মণ বললে—তুমি হও অপূর্ব রূপসী এক যুবতী। আমি যখন এত বড় একটা রাজা হতে চলেছি, তখন আমার উপযুক্ত পাটরাণীও তো একটি চাই !

দেখতে শুনতে ব্রাহ্মণীটি আদৌ ভাল ছিল না। হুম্মরী যুবতী হওয়ার লোভে সে তো মহা খুলী।

তিনজনেই জটলা করতে করতে পুকুরঘাটে এল।

ব্রাহ্মণের আদেশে প্রথমেই জলে নামল ব্রাহ্মণী। সে ডুব দিয়ে মাথা তুলতেই ব্রাহ্মণ তো একেবারে হতভম্ব ! আরে, আমার সামনে দাঁড়িয়ে এই লাভণ্যময়ী রমণীটি কে ? একি সত্যিই আমার ব্রাহ্মণী ! আহা, কি চোখ, কি নাক, কি মুখলী ! এ যে পটের পরীকেও হার মানায় !

এরনি সময়ে ঘটলো কি জানো ? ঠিক ঐ সময়ে সেখান দিয়ে যাচ্ছিলেন, সে রাজ্যের নবাবসাহেব। সঙ্গে বাম্বা, সওয়ার, পাইক, বরকন্দাজ। খোলা তাক্কায়ে চড়ে বায়ুসেবনে বেরিয়েছেন নবাবসাহেব।

হঠাৎ পুকুরপাড়ে চোখ পড়াতে তাঁর তো আর বিশ্বয়ের সীমা রইল না। দুই ভিথিরী—তাদের সঙ্গে কে এই সিক্ত-বসনা হুম্মরী ? এ যে তোমার

হুনিয়ার সম্রাজ্ঞী হওয়ার উপযুক্ত ! কি করছে সে এখানে, হুটো ভিথিরীর সঙ্গে

নবাব হাঁকলেন—রোখ্কে তাঞ্জাম ।

বরকন্দাজকে কি ইঙ্গিত করলেন । সে সোজা গিয়ে ব্রাহ্মণীকে তাঞ্জামে আরোহণের আদেশ জানালো । ব্রাহ্মণী তো আতঁনাদ করে কঁদে উঠল ।

ব্রাহ্মণের হতভম্ব ভাবটা তখনো ঠিক কাটে নি, তার ওপরে অকস্মাৎ এই খিলজীর আক্রমণ—এতটা সে আশা করে নি । সে পঁৈতে আঙ্গুলে কড়িয়ে রুখে দাঁড়াল । চোখ রাঙিয়ে বললে—সাবধান ! এ আমার স্ত্রী ।

জবাবে বরকন্দাজ তাকে ধমকে উঠল । হুংখের বিষয়, শুধু বিশেষ রকম উদ্ প্রয়োগে সে ক্ষান্ত হল না—বেচারি ব্রাহ্মণকে সে এমন এক বিরানী নম্বর লাগালো যে, সে চোখে সরষে ফুল দেখতে লাগল ।

চেতনালাভের পর ব্রাহ্মণ দেখলে ভোজবাজীর মতো সবই যেন উবে গেছে । সামনে তার এক ছেলে ছাড়া আর কেউ নেই । কোথায় নবাবের সেই বিরাট বাহিনী, আর কোথায় বা তার ব্রাহ্মণী ! তখন তার অবস্থা হ'ল, ঠিক যাকে বলে কিংকর্তব্যবিমূঢ় ।

ব্রাহ্মণ প্রথমে ভাবলে—তাড়াতাড়ি নিজেকে সে রাজা বানিয়ে নেবে, ছেলেও সেনাপতি হবে । তারপর নবাবের সঙ্গে লড়াই করে ব্রাহ্মণীকে সে উদ্ধার করবে ।

আবার ভাবলে, যুদ্ধ-টুদ্ধ—সে তো মহা হান্ধামার ব্যাপার ! প্রচণ্ড রক্তাক্ত পরিশ্রমের পর, তবে ইষ্টসিদ্ধি । আর যুদ্ধে সে যে জিতবেই তাই বা কে জানে ! না জেত। পর্যন্ত ব্রাহ্মণী তো নবাবের কবলেই থাকবে ।

নাঃ, যুদ্ধের মতলব সে মন থেকে বাতিল করে দিলে ।

উপযুক্ত উপায়ের অন্বেষণে ব্রাহ্মণ অস্থির হয়ে উঠল । সে ভাবলে—ব্রাহ্মণীকে আমি যখন হারিয়েছি, তখন ঐ বেটা নবাবও তাকে যাতে না ছুঁতে পারে তারই ব্যবস্থা করি । এমন সময় হঠাৎ তার মাথায় আশ্চর্য এক বুদ্ধি খেলে গেল । তার মনে পড়ল, শূকর মুসলমানের অস্পৃশ্য । ডুব দিয়ে তাই সে বর চাইল—ব্রাহ্মণী শূকরী হয়ে যাক ।

ওদিকে—তাঞ্জামে নবাবের পাশে বসে ব্রাহ্মণী তো কাঁদছে । আতঁরমাথা

ধাড়িতে হাত বুলোতে বুলোতে নবাব তাকে কত বোঝাচ্ছেন—স্বন্দরী, কেন কাঁদছ তুমি? তোমার দুঃখ কিসের? তুমি নিশাতবাগের গোলাপ, তোমাকে কি ঐ বর্কটের গলায় মানায়! তুমি আমার হারেম আলো করবে এস। তোমাকে আমি কোহিনূর করে রাখব। তুমি হবে আমার পাটবেগম, আমি হবে তোমার গোলাম।

ব্রাহ্মণী আরো কাঁদে। নবাব তাকে নিজের গলায় মুক্তোর মালা পরিয়ে দিতে চাইলেন। হাত ধরে কাছে টানতে যাবেন, হঠাৎ চমকে গেলেন। আঁতকে উঠে বললেন—ইয়া আল্লা! তোবা! তোবা!

দেখলেন, সে স্বন্দরী আর নেই—তার বদলে কোলের কাছে কদাকার এক শূকরী!

নবাব আবার হাঁকলেন—রোখ্কে তাজাম।

একলাফে শূকরী সড়কে নামল। তারপর ঘোঁং-ঘোঁং করতে করতে ছুটে গেল তার স্বামী, আর ছেলে যেখানে ছিল সেইখানে।

ব্রাহ্মণীকে এই অবস্থায় দেখে ব্রাহ্মণের, আর তার ছেলের মনের অবস্থা তো বুঝতেই পারছ! শোকে তারা প্রায় পাগল হয়ে যাবার সান্নিধ্য। ব্রাহ্মণ কপাল চাপড়াতে লাগল। ব্রাহ্মণীও কঁদে কঁদে তাদের চারপাশে ঘুরতে লাগল।

শোকাবেগ একটু কমলে ব্রাহ্মণের খেয়াল হ'ল—তাই তো, তার ছেলের যে এখনো বর চাওয়া বাকি! সে নিজে যখন রাজা আর ব্রাহ্মণী যখন রাণী হতে পারে নি, তখন ছেলের আর সেনাপতি হয়ে কি লাভ? বরং পুত্রে ডুব দিয়ে সে এখনি তার মায়ের পূর্ব অবস্থাই ফিরে চাইলে, তাতেই মহা মজলের কাজ হবে, পুত্রের কর্তব্যও করা হবে।

বলা বাহুল্য, ছেলেও এই গুনে সানন্দে রাজী হ'ল। সে ডুব দিয়ে তার মায়ের আসল অবস্থা ফিরে চাইল।

চোখের নিষেধে শূকরী, ব্রাহ্মণী হয়ে তার স্বামীকে প্রণাম করলে। তারপর ছেলেকে কোলে টেনে নিয়ে মাথায় হাত বুলোতে লাগল। ব্রাহ্মণও স্বস্তির নিঃশ্বাস ফেলে বললে—আঃ, বাঁচলাম, কি ফ্যানাদেই না পড়া গিয়েছিল! হুর্গা! হুর্গা!



এদিকে শিব দুর্গাকে বললেন—দেখলে তো নিজের চোখে, ভাগ্যান্ধিনী  
কেউ বদলাতে পারে না! এমন কি স্বয়ং ভগবতীও না—

দুর্গার মন প্রসন্ন ছিল না। তিনি বললেন—নাও, নাও, আর বকতে  
হবে না। এখন চল, ফিরে যাই কৈলাসে।

মৌখিক অভিতাষণ



## সত্যেন্দ্রনাথ দত্তের শোক-সভায়

কবি সত্যেন্দ্রনাথ দত্তের মৃত্যু হয় ১৯২২ খ্রীষ্টাব্দের জুন মাসে। তাঁর মৃত্যুর পর, তখন কলকাতার সাহিত্যিকরা তাঁর জগৎ যে শোকসভা করেছিলেন, সেই সভায় সভাপতি হয়েছিলেন শরৎচন্দ্র। সেদিন সভায় শরৎচন্দ্র যে মৌখিক অভিভাষণ দিয়েছিলেন, সে সম্বন্ধে নেই সভার অগ্রতম গায়ক নলিনীকান্ত সরকার তাঁর ‘অঙ্কাম্পদেষু’ গ্রন্থে লিখেছেন—

“সত্যেন্দ্র-শোকসভায় কবি নজরুল ইসলাম ও আমি গান গাইবার জন্তে আহত হয়েছিলাম। নজরুলের ছিল স্মৃচনা সঙ্গীত, সমাপ্তি সঙ্গীতটি আমার।

শরৎচন্দ্র এসে সভাপতির আসনে উপবেশন করলেন।

সম্মুখস্থ টেবিলের উপর সভার কর্মসূচী রাখা ছিল। তিনি সেখানি তুলে নিয়ে বললেন—নজরুল গাও হে!

কবি নজরুল গান গেয়ে সভার উদ্বোধন করলেন। তারপর সভাপতি কয়েকজন পূর্বনির্দিষ্ট বক্তাকে বক্তৃতা করবার জগৎ আহ্বান করলেন। প্রথমেই বক্তৃতা করলেন অধ্যাপক ময়নথমোহন বসু প্রায় আধ ঘণ্টা ধরে। তারপর আরও নানাজনে সত্যেন্দ্রনাথ সম্বন্ধে নানাকথা বললেন। বলা বাহুল্য বক্তার প্রায় সকলেই তাঁদের শোকোচ্ছ্বসিত ভাষণে সভাসম্পাদকে প্রকম্পিত করে তুললেন।

এইবার সভাপতির অভিভাষণ। শরৎচন্দ্র আসন ছেড়ে উঠে এক অদ্ভুত কাণ্ড করলেন। বক্তৃতা করলেন এমনভাবে যেন তাঁর বাড়ীর বৈঠকখানায় বসে পাশের লোকটির সঙ্গে কথা কইছেন। সভার গান্ধীর্ষ তো তিনি রক্ষা করলেনই না, বরং বক্তোক্তি করলেন দর্শক ও বক্তাদের প্রতি। সভাপতি যে ভাষণটি দিলেন, তার অনেকটা এইরূপ :—

আজ আপনারা কবি সত্যেন্দ্রনাথ দত্তের মৃত্যুতে শোক প্রকাশ করতে এখানে এসেছেন—ভালোই করেছেন। বড় মাহুষরা যারা গেলে পাঁচজনে মিলে সভায় গিয়ে শোক প্রকাশ করে, আপনারাও করছেন। বেশ করেছেন।

সত্যেনবাবু প্রতিভাবান কবি ছিলেন, তাঁর উপর সকলের শ্রদ্ধা থাকবারই কথা—তাঁর অভাবে দুঃখ হবারই তো কথা। আমাদের বারজন ইয়ারের\* তিনি একজন ছিলেন, আমরা তাঁর অভাব বোধ করছি। সাহিত্যিককে শ্রদ্ধা জানান হয় তাঁর গ্রন্থপাঠের ভিতর দিয়ে। সত্যেনবাবুর বই যদি আপনারা কিনে পড়ে থাকেন, তাহলে জীবিতকালেই তাঁকে যথেষ্ট শ্রদ্ধা জানান হয়েছে। সত্যেনবাবুর লেখা পড়ে থাকলে নিশ্চয়ই আপনারা বুঝতে পেরেছেন তিনি কত বড় কবি ছিলেন। ময়নাবাবু অনেকক্ষণ ধরে তাঁর সম্বন্ধে বক্তৃতা করলেন, তিনিও হয়তো পড়ে থাকবেন। আরও অনেকে সত্যেনবাবুর সম্বন্ধে অনেক কথা বললেন। ভালই বললেন। নজরুল গানটি গাইলে। ভালই গাইলে। নলিনী এবার তুমি গাও হে! ভালই হবে।

এই ভাষণটি দিয়ে শরৎচন্দ্র তাঁর আসনটিতে বসে পড়লেন।”

ঐ ‘সত্যেন্দ্র-শোকসভার’ অন্ততম উদ্বোধন অবিদ্যাসুন্দর ঘোষাল, ঐ সভায় শরৎচন্দ্রের বক্তৃতাটি সম্বন্ধে তাঁর ‘শরৎচন্দ্রের টুকরো কথা’ বইয়ে লিখেছেন—

“এখানে উল্লেখ করা অপ্রাসঙ্গিক হবে না যে, কোন সাধারণ সভায় সভাপতিত্ব করা শরৎচন্দ্রের এই প্রথম। এই কারণেই সেদিন সভা উপলক্ষে যে লোক সমাগম হয়েছিল, তাতে সভার কাজ যে পরিচালনা করা যাবে, এমন আশা এক রকম ছিল না। যাই হোক, অতি কষ্টে প্রাণান্ত পরিশ্রম করে শরৎচন্দ্রকে ফটক থেকে উপরে সভাস্থলে নিয়ে যাওয়া হয়েছিল। একে তো শরৎচন্দ্র লাজুক মানুষ, তার উপর এই বিপুল জনতার ব্যুহ ভেদ করে দ্বিতলে এসে তিনি খুব ক্লান্ত হয়ে পড়েছিলেন। স্বপ্নের বিষয়, সভার কার্য আরম্ভ হতে স্তব্ধতা বিরাজ করেছিল এবং স্থূলভাবে সভার পরিসমাপ্তি ঘটেছিল। কিন্তু যিনি সভাপতি—যাঁর জন্ত এই বিপুল জনতার সমাবেশ হয়েছিল, তিনি যে ভাষণ দিলেন তা বড় কৌতুকপ্রদ। তাঁকে প্রায় দুই ঘণ্টা থেকে ধরে যখন সভাপতির ভাষণ দিতে দাঁড় করিয়ে দেওয়া হ’ল, তিনি বললেন—

আপনারা এখানে সত্যেন্দ্রের জন্তে চোখে জল কেলে কি হবে। তার বই পড়বেন, তবেই তার স্মৃতি বজায় থাকবে।

এই বলেই তিনি বসে পড়লেন। আমার বেশ মনে আছে, কবি শশাঙ্ক

মোহন সেন তাঁকে কৌতুক করে বলেছিলেন—শরৎবাবু, আপনার ভাষণই সবচেয়ে ভাল হয়েছে। এটা তৈরি করতে আপনার ক’দিন লেগেছে?

শরৎচন্দ্র হেসে জবাব দেন, আমাকে জোর করে সভাপতি করার এই ফল—আমার কোন দোষ নেই।”

শরৎচন্দ্র ১৩৪২ সালে কোরগর পাঠচক্রের এক সভায় সভাপতিত্ব করেছিলেন। সেদিন তিনি ঐ সভায় প্রসঙ্গক্রমে সত্যেন্দ্রনাথ দত্তের শোক সভায় যে কথা বলেছিলেন, তার উল্লেখ করে বলেছিলেন—

“পরলোকগত সত্যেন দত্তের শোক-বাসরে গিয়ে দেখেছিলুম, অনেকে সত্যিই কাঁদছেন। তখন অত্যন্ত ক্ষোভের সঙ্গে বলেছিলুম—কড়া কথা বলা আমার অভ্যাস আছে, এরকম ক্ষেত্রে কড়া কথা মাঝে মাঝে বলেও থাকি। সেদিন বলেছিলুম, এখন আপনারা কেঁদে ভাসাচ্ছেন, কিন্তু জানেন কি যে, বারো বছরে তাঁর পাঁচ শ’ খানা বই বিক্রি হয় নি। অনেকে বোধ করি তাঁর সব পুস্তকের নাম পর্যন্ত জানেন না। অথচ, আজ এসেছেন অশ্রুপাত করতে।”

সত্যেন্দ্রনাথ দত্তের শোক-সভায় উপস্থিত হুজনের লেখা থেকে এবং পরবর্তীকালে অল্প এক সভায় শরৎচন্দ্রের নিজের উক্তি থেকে, শরৎচন্দ্র সত্যেন্দ্রনাথের শোক-সভায় যা বলেছিলেন, এখন তার সমস্তটার একটা মোটামুটি ধারণা করা যেতে পারে।

[ \* মণিলাল গঙ্গোপাধ্যায় ও সৌরীন্দ্রমোহন মুখোপাধ্যায় যখন ‘ভারতীর’ সম্পাদক ছিলেন, সেই সময় তাঁরা ভারতীতে একটি বারোয়ারি উপগ্রন্থ প্রকাশ করেছিলেন। বার মাসে বারটি পরিচ্ছেদ লিখেছিলেন বারজন সাহিত্যিক। এই বারজন সাহিত্যিক হলেন—অবনীন্দ্রনাথ ঠাকুর, প্রভাতকুমার মুখোপাধ্যায়, প্রমথ চৌধুরী, মণিলাল গঙ্গোপাধ্যায়, সত্যেন্দ্রনাথ দত্ত, চারু বন্দ্যোপাধ্যায়, প্রোফেসর আতর্ষী, নরেন্দ্র দেব, স্বরেন্দ্রনাথ গঙ্গোপাধ্যায়, হেমেন্দ্রকুমার রায়, সৌরীন্দ্রমোহন মুখোপাধ্যায় এবং শরৎচন্দ্র চট্টোপাধ্যায়। এই জুড়িই শরৎচন্দ্র সত্যেন্দ্রনাথকে ‘আমাদের বার ইয়ারের তিনি একজন ছিলেন’ বলেছেন। ]

## বঙ্গীয় সাহিত্য পরিষদের বরিশাল শাখায়

শরৎচন্দ্রের ‘স্বদেশ ও সাহিত্য’ গ্রন্থে ‘ভবিষ্যৎ বঙ্গ-সাহিত্য’ নামে শরৎচন্দ্রের একটি মৌখিক অভিভাষণ মুদ্রিত হয়েছে। ঐ লেখাটির পাদটীকায় লেখা আছে—‘১৩৩০ সালের জ্যৈষ্ঠ মাসে বরিশাল বঙ্গীয় সাহিত্য পরিষদ শাখার অভিনন্দনের উত্তরে প্রদত্ত বক্তৃতার সারাংশ।’ সেই বক্তৃতার সারাংশটি এই—

### ভবিষ্যৎ বঙ্গ-সাহিত্য

আমি বক্তা নই। কিছু বলতে আমি আদপেই পারি নে। ঘরে বসে কাগজ কলম নিয়ে লেখা এক ব্যাপার, আর বাইরে দাঁড়িয়ে বলা আর এক ব্যাপার। আপনারা আমার বই পড়ে সবাই প্রশংসা কচ্ছেন, অথচ কিছুদিন থেকে লেখা আমি একমত ছেড়ে দিয়েছি। সাহিত্য-সেবাকেই জীবনের সবচেয়ে বড় সার্থকতা বলে মনে করতে পারছি নে। আমার নিজের কথা ছাড়াও সমস্ত দেশের সাহিত্যে কত অসত্য, কত পঙ্কুতা এসে পড়েছে। সমাজের সঙ্গে মিলেমিশে এক হয়ে তার ভিতরের বাসনা কামনার আভাস দেওয়াই সাহিত্য। ভাবে, কাজে, চিন্তায় মুক্তি এনে দেওয়াই ত সাহিত্যের কাজ, সাহিত্য যদি বাস্তবিক মুক্তির ব্যাপার হয়। তবে আমাদের সাহিত্য একেবারেই পঙ্কু। আমাদের সাহিত্যে নতুন জিনিস দেবার যো নেই।

ইউরোপের কথা ধরুন, ওদের চার্চ আছে, নেভি আছে, আর্মি আছে। ওদের অবাধ মেলামেশা আছে, আনন্দ আছে। আমাদের এদিক যাবার যো নেই, ওদিক যাবার যো নেই, কোনদিকে একটু নড়চড় হয়েছে কি সব গোলমাল হয়ে যাবে। তারই মধ্যে যে একটু আধটু পাবে, সে আমাদের নিত্যকার বৈচিত্র্যহীন সংসার ও সমাজের কথা নিয়ে নাড়াচাড়া করে।

সাহিত্য স্বাধীনতার মানে অরাজকতা, এ নাকি নয়। এখানে রাজনীতি নিয়ে আলোচনা করে কাকুর মনে ভয় জাগিয়ে তুলতে আমি চাই নে, কিন্তু দেখি কথা হয় যেন সব লুকিয়ে লুকিয়ে, ভয়ে ভয়ে। ‘সিভিলিশন’ বাঁচিয়ে এখানে মুক্তির কথা বলা হয়। তাই আমার মনে হয়, বড় সাহিত্যিক

আমাদের দেশে এখন আর জন্মাবে না। রাজনীতিতে, ধর্মে, সামাজিক আচার-ব্যবহারে যেদিন আমাদের হাত বাঁধা, পা গুটানো আর থাকবে না, সেদিন আনন্দের ভিতর দিয়ে লিখতে পারা যাবে, সেই দিন আবার সাহিত্য-সৃষ্টির দিন ফিরে আসবে।

বঙ্গীয় সাহিত্য পরিষদের বরিশাল শাখা যে সভায় শরৎচন্দ্রকে অভিনন্দন জানিয়েছিলেন, সেই সভায় উপস্থিত ছিলেন এমন একব্যক্তি হীরালাল দাশগুপ্ত সেই সভায় শরৎচন্দ্রের অভিভাষণটি সম্বন্ধে লিখেছেন—

“তখন স্বরাজ্য-পার্টি গঠিত হয়েছে দেশবন্ধুর নেতৃত্বে। প্রাদেশিক কংগ্রেস কমিটির একটা বিশেষ অধিবেশনে দেশবন্ধুর সঙ্গে শরৎবাবুও বরিশালে এসেছেন।...বক্তৃতা দিয়েছিলেন বরিশালের সাহিত্য পরিষৎ শাখায়। ওখানে শরৎবাবুর জন্ত একটি সম্বর্ধনার আয়োজন করা হয়েছিল। দেশবন্ধু চিত্তরঞ্জন, কিরণশঙ্কর, হুভাষবাবু, উপেন বন্দ্যোপাধ্যায় মহাশয়ও ওখানে উপস্থিত ছিলেন।

শরৎবাবু অভ্যর্থনার জবাবে বললেন—

বড় সাহিত্যের জন্ত দেশের তাগিদ আছে। লিখতে পারি কই! না আছে সামাজিক পরিস্থিতি, না আছে রাজনৈতিক পরিস্থিতি। একটা বামুনের যেহে হ'ল ত কায়েতের ছেলের সঙ্গে তাকে মিলিয়ে দেওয়া চলবে না। সমাজ আমার টুঁটি টিপে ধরবে। এদিকে রাজনৈতিক বিভীষিকা এমনি যে, সত্যি কথা প্রকাশ করা চলবে না। গলাধাক্কা খেতে হবে গভর্নমেন্টের। আপনারা আশীর্বাদ করুন সেই সুদিন আসবে। পরিস্থিতি অস্বকূল হবে। তখন সত্যিকার বড় সাহিত্য সৃষ্টি হবে। তথাপি এত অস্ববিধা নিগ্রহের ভয় সম্বন্ধেও ত লিখছি। তা বন্দ লিখি নি। ভালই হয়েছে।

তুমুল হাস্যমনি শরৎবাবুকে পুরস্কৃত করল।”—শারদীয়া দৈনিক বহুবর্তী, ১৩৬০।

এখানে হীরালালবাবুর লেখা থেকে পরিষ্কার বুঝা গেল, কি উপলক্ষে শরৎচন্দ্র বরিশালে গিয়েছিলেন এবং আরও জানা গেল যে, সেই সভায় বিশিষ্ট ব্যক্তিদের মধ্যে কে কে ছিলেন।



## প্রেসিডেন্সী কলেজের বাঙলা সাহিত্য সভায়

এই গ্রন্থের ২৬-২৭ পৃষ্ঠায় প্রেসিডেন্সী কলেজের ছাত্রদের সঙ্গে শরৎচন্দ্রের একটি আলোচনা আছে। প্রেসিডেন্সী কলেজের ছাত্ররা সেদিন তাঁদের কলেজের বাঙলা সাহিত্য সভার বার্ষিক সম্মেলনে সভাপতিত্ব করবার জন্ত শরৎচন্দ্রকে অহুরোধ করতে গিয়েছিলেন।

শরৎচন্দ্র প্রথমে নানা কথা বলে অরাজী হলেও, ছাত্রদের অহুরোধে শেষ পর্যন্ত সভাপতি হতে রাজী হয়েছিলেন।

সেদিনের ঐ প্রেসিডেন্সী কলেজের ছাত্রদের মধ্যে একজন ছিলেন চারুচন্দ্র চক্রবর্তী। চারুবাবু বর্তমানে ‘জরাসন্ধ’ ছদ্মনামে একজন খ্যাতনামা লেখক।

সেদিনের কথা-প্রসঙ্গে চারুবাবু বলেন—

শরৎচন্দ্র শেষে বললেন—যাবো তো, কিন্তু কি বলতে হবে আমাকে ?

আমরা বললাম—আপনার যা খুশী।

তিনি বললেন—বেশী ভীড়-টিড় হবে না তো ?

আমি বললাম—ভীড় তেমন হবে না। শুধু তো আমরাই থাকব।

—আচ্ছা দাঁড়াও, তোমাদের মিটিং-এর তারিখটা টুকে রাখি।—এই বলে তিনি দেওয়ালে টাঙানো ক্যালেন্ডারের গায়ে আমাদের নির্দিষ্ট দিনটি চিহ্নিত করে রাখলেন।

কিন্তু কার্যকালে এই ক্যালেন্ডারের চিহ্ন আমাদের কোন কাজেই লাগে নি। কারণ আমরা সভার দিন স্থির করে, যখন নিমন্ত্রণ পত্র বিলি করছি, সেই সময় বিষয়টা স্মরণ করিয়ে দেবার জন্ত একদিন তাঁর বাড়ীতে যাই।

আমরা যাওয়া মাত্রই তিনি সরাসরি ‘না’ বলে বসলেন।

প্রতিশ্রুতির যে একটা মূল্য থাকা দরকার, তাও তিনি মেনে নিতে চাইলেন না। আমাদের অবস্থা তখন সহজেই অহুসেয়। আমরা রীতিমত মরিয়া হয়ে উঠলাম। প্রথমে অহুনয়-বিনয়, পরে আবেদন-নিবেদন এবং শেষ পর্যন্ত ‘বিক্ষোভ প্রদর্শন’ করে তবে জয়লাভ করা গেল।

নির্দিষ্ট দিনেও কিন্তু নির্ধারিত সময়ের অনেক পরে কোন রকমে তাঁকে ধরে আনতে পেরেছিলাম।

প্রেসিডেন্সী কলেজের ফিজিক্স থিয়েটারে সভা হয়েছিল। সভায় এত লোক হয়েছিল যে, তিল ধারণের জায়গা ছিল না। ঝুল বারান্দাগুলো লোকের ভীড়ে ভেঙ্গে পড়বার উপক্রম হয়েছিল।

সভার সকলেই যখন শরৎচন্দ্রের আগমনের আশায় উৎকর্ষ হয়ে ছিলেন, সেই সময় আমরা কয়েকজন শরৎচন্দ্রকে সঙ্গে নিয়ে পিছনের ভীড় ঠেলে লম্বা টেবিলের পাশে এনে তাঁকে দাঁড় করাই।

শরৎচন্দ্র সভায় লোক সমাবেশ দেখে আমার শার্টের পাশটা ধরে আতঙ্কে বলে উঠেছিলেন—এ করেছ কি? এত লোক!

চাক্কাবাবু বলেন—শরৎচন্দ্রের এই কথা শুনে, আমি তখনই তাড়াতাড়ি সেখান থেকে সরে পড়ে গা ঢাকা দিই।

প্রেসিডেন্সী কলেজে ঐ সময়কার আর একজন ছাত্র মনোরঞ্জন ভট্টাচার্য (পরবর্তীকালে ‘রামধনু’ পত্রিকার সম্পাদক) সেদিনের সভা সম্বন্ধে লিখেছেন—ছাত্র ও অধ্যাপকে সেদিন ফিজিক্স থিয়েটার নামে বড় হলটিতে তিল ধারণের স্থান ছিল না এবং শরৎচন্দ্র এসেছেন এই খবরটা বাইরে ছড়িয়ে পড়ায় কলেজের সামনে রাস্তার উপরও লোকের খুব ভীড় হয়েছিল।—(রামধনু, ফাল্গুন ১৮৪৪)

শরৎচন্দ্র সোদন প্রেসিডেন্সী কলেজের বাঙ্গলা সাহিত্য সভার বার্ষিক সম্মেলনে যে মোখিক অভিভাষণটি দিয়েছিলেন, সেই অভিভাষণটি প্রেসিডেন্সী কলেজের তৎকালীন ছাত্র স্থলীলচন্দ্র চট্টোপাধ্যায় তখন সঙ্গে সঙ্গে লিখে নিয়েছিলেন। স্থলীলবাবুর সেই লেখাটি প্রেসিডেন্সী কলেজের তখনকার ম্যাগাজিনে (১৯২৩ খ্রীষ্টাব্দের সেপ্টেম্বর মাসে) প্রকাশিত হয়েছিল। সভাটি হয়েছিল ৩০শে আগস্ট তারিখে।

শরৎচন্দ্রের সেদিনকার সেই অভিভাষণটি ছিল এই :—

“আমাকে আপনারা আজ এখানে আহ্বান করে পরম গৌরব দান করেছেন। কিন্তু পাঁচ বৎসর আগে রবিবাবু এখানে দাঁড়িয়ে বলেছিলেন—

সেজন্য সঙ্কোচ বোধ করছি। আমি লিখে থাকি, কিন্তু বলতে আমি পারি না—সকলে সব কাজ পারে না। আমি কতকগুলি বই লিখেছি; কিন্তু বক্তৃতা আমার কাছে বেশী প্রত্যাশা করবেন না।

আমি সাহিত্যিক—কাজে কাজেই সাহিত্যের বিষয় বলাই আমার স্বাভাবিক। রাজা রামমোহন রায়ের সময় থেকে ‘ছতোয় পৈচার নক্সা’ প্রভৃতির মধ্যে দিয়ে বাঙলা সাহিত্য কেমন করে বড় হয়ে উঠল, সে ইতিহাস আমি ঠিক জানি না। দীনেশবাবু (দীনেশচন্দ্র সেন) সে বিষয়ে ঠিক বলতে পারবেন।

আজ দশ বৎসর পূর্বে প্রথম সাহিত্যক্ষেত্রে দাঁড়াই। ‘যমুনা’ বলে একটা কাগজ ছিল। তার গ্রাহক সংখ্যা মোটে বত্রিশ—কেউ তাতে লেখে না। আমি তখন বর্ষা থেকে এখানে এসেছিলাম। সম্পাদক বললেন—কেউ লেখা দিতে চায় না, তোমাকে লিখতে হবে। (কেউ লেখা দিতে চায় না বলে আমার লিখতে হবে, সেটা আমার পক্ষে খুব গৌরবের কথা নয়।)

বললুম—ছেলেবেলায় লিখেছি বটে, কিন্তু তার পরে তো লিখি নি।

সম্পাদক বললেন—তাতেই হবে।

তারপর বর্ষা ফিরে গেলুম। ক্রমাগত টেলিগ্রামের পর টেলিগ্রাম পেয়ে লিখতে হলো। সেই থেকে এই দশ বছরে এই বইগুলো লিখেছি। কিন্তু আগেই বলেছি—সাহিত্যের ইতিহাস বিশেষ জানি না। কিন্তু আধুনিক সাহিত্য যাকে বলা হয় তা যখন রচনা করছি, তখন জানি না বললে, সেটা বোধ হয় অতিরিক্ত বিনয় হয়ে পড়বে। যদি কিছু অপ্রিয় সত্য বলে ফেলি তাহলে ক্ষমা করবেন।

আমি প্রথমেই দেখলুম—ছোট ছোট গল্প বড় দরকার। রবিবাবু আগে লিখে গেছেন, তারপর আর তেমন কেউ লেখেন নি। আমি লিখতে লাগলুম।

সম্পাদক বললেন—দেখ, প্রেম-ঐশ না। ও একেবারে পুরোণো হয়ে গেছে। দুর্নীতি না থাকে এমন সব ভাল গল্প লেখ।

লিখলেম ॥(১)

তাঁরা বললেন—ভাল হয়েছে।

ক্রমশঃ সাহিত্যের মধ্যে যখন আসতে লাগলুম, দেখলুম—দুর্নীতি প্রচার করো না, প্রেমের গল্প লিখো না, এ করো না, ও করো না—এ সব বললে ভো

চলবে না। তখন ‘চরিত্রহীন’ স্বকৃ করি। সে বইটা বেশ প্রসিদ্ধ হয়ে গেছে। যখন লিখি তখন—মেসের ছাত্রদের চরিত্র থাকল না, দেশ দুর্নীতিতে ডুবে গেল, সাহিত্যের স্বাস্থ্যক্ষা হলো না প্রভৃতি অনেক গালাগালিই শুনে হয়েছে। কিন্তু বর্ষা চলে গেলুম—গালি ততদূর গিয়ে পৌছল না।

ভাবলুম—ভয়ে লিখবো না, সে তো ঠিক নয়। কেন না সব জিনিসই বদলায়। আজ যা সত্য, দশ বৎসর পরে তা আর সত্য থাকবে না। আজ যা অসত্য, আজ যা অসত্য, হয়তো একশো বছর পরে তার স্বরূপ বদলাবে। যারা লেখক, তারা যদি পঞ্চাশ বছর, একশো বছরের কথা এগিয়ে কল্পনা করতে না পারে, তবে চলে না। আজ ষাঁদের মনে হচ্ছে—লোক বিগড়ে যাবে, তখন তাঁদেরই আর সে কথা মনে হবে না। মাছুষের ‘আইডিয়া’ ক্রমেই বদলে যাচ্ছে।

সাহিত্য সৃষ্টির কাজে দুই রকম লোক আছে। অনেকে লিখছেন না; কাজ করে যাচ্ছেন—জানছেন না—তাঁদের আমাদের মত সাহিত্য ব্যবসায়ীকে আঁকবার চরিত্র যোগাচ্ছে। আমরা আর একদল লিখি—এই সব চরিত্র সৃষ্টি করি। এ ছাড়াও আর একদল আছেন, যারা শুধু যাচাই করেন। আমরা সমাজের বাইরে যাচ্ছি কিনা, দুর্নীতি প্রচার করছি কিনা—এই সব দেখেন।

রবিবাবু সেদিন বললেন—ও স্থল মাস্টারের দল আমরা মানবো না। ওদের বিধিনিষেধ ঠেলে যা খুশী করব।

আমার কিন্তু মনে হয়—এ কথা বলা যায় না। তাঁদেরও চাই। তাঁদেরও বলবার ‘রাইট’ আছে। আমরা সকলে মিলেই ভাষাকে পর পর গঠিত করে যাচ্ছি।

আমি সেদিনও বলেছি(২) যে, আজকাল একটা রব উঠেছে—বক্সিবাবুকে কেউ মানে না, তাঁর ভাষা লেখে না। আমার মতে বক্সিবাবুর কাজ হয়ে গেছে, তাঁর ভাষাকে ডিঙিয়ে যেতে হবে; তাঁর ‘আইডিয়া’কে ছাড়িয়ে যেতে হবে। আমার বোধ হয়—তাঁর অনেক চারত্রেই খুঁত আছে। অনেক চরিত্রে সামঞ্জস্য নেই। এইটা করা দরকার, এইটা বন্দ—এইভাবেই তিনি লিখে গেছেন।(৩) যাকে ভাল করেছেন—তাকে ভালই করেছেন; আর যাকে বন্দ করেছেন—তাকে বন্দই করেছেন। তার বেশী তিনি এগুতে পারেন নি। হয়তো দরকার হয় নি, কিংবা সমাজের মান রেখে বলতে পারেন নি, কিংবা

ফলার্ফল ভেবে বলেন নি—বলতে পারেন নি। তাঁর সঙ্গে তো আমার আলাপ ছিল না। কিন্তু, এখন মনে হয়—চরিত্রের দিক দিয়ে তাঁর অনেক কুল আছে। আজকালকার দিক দিয়ে দেখলে—এখানে খেমে থাকা চলে না। সত্য কথা বলতে হয়।

সম্পাদক মহাশয় বললেন, আমি সত্য কথা সোজা করে বলবার চেষ্টা করেছি। বাস্তবিকই আমি দেখেছি—এ জিনিসটা দরকার। তাই এতে আমি কুষ্ঠা করি না। সাহিত্য গড়বার শক্তি হয়তো আমার নেই। কিন্তু গোটা কয়েক সত্য কথা বলবার চেষ্টা করেছি। অনেক রকম লোকের সঙ্গে মিশে যা দেখেছি শুনেছি—তাই লিখে যাচ্ছি, আমি তা বলতে ভয় করি না। কারণ আগেই বলেছি—একশো বছর পরে হয়তো মনে হবে এই সত্য, এ সব বোধ হয় কারো বলবার দরকার ছিল।

নিজের সম্বন্ধে অনেক কথা বলে ফেলেছি। সেটা দেখতে তেমন ভাল দেখায় না। আমি যা বলছিলাম, তাই বলব। আজকাল একটা তর্ক উঠেছে—আমরা দুর্নীতি প্রচার করছি। যা খারাপ, মন্দ তাই সব লিখছি। রবিবাবুও অনেক গালমন্দ খেয়েছেন। আমি তাঁর শিষ্য, আমিও বড় কম খাই নি। কেবল যুবক সম্প্রদায়ই বোধ হয় আমার পৃষ্ঠপোষক। যারা আমার বয়সী কিংবা আমার চেয়ে প্রবীণ, তাঁরা সব তুলেছেন, আমি ক্ষতি করছি। আমি এমন জিনিস এনেছি, যা আগে ছিল না, যা নাকি অত্যন্ত নোংরা। অবশ্য আমি মনে করি না যে, সব সত্যই সাহিত্যে স্থান পেতে পারে। অনেক কুৎসিত ব্যাপার আছে, যাতে সাহিত্য হয় না। এ আমি বললুম, কারণ, এ নইলে অনেকে আমাদের ঠিক বুঝবেন না। কিন্তু আমি যে জিনিসটা দেবার চেষ্টা করেছি, সেটা ক্রমাগত সমাজের মধ্যে এসে পড়েছে, আমাদের চোখের উপর চলছে—সে সমাজের অঙ্গ, তাকে কুৎসিত বলে অস্বীকার করলে চলবে না। তাকে সাহিত্যে স্থান দিতে হবে।

আমি পাপীর চিত্র আঁকেছি। হয়তো পাপ তাঁরা করেছেন। তাই বলে খুনী আসামীর মত তাঁদের ফাঁসি দিতে হবে নাকি? মানুষের আত্মার আমি অপমান করতে কখনও পারি না। কোন মানুষকেই নিছক কালো মনে করতে আমার ব্যথা লাগে। আমি ভাবতে পারি নে যে একটা মানুষ একেবারে মন্দ, তার কোন ‘রিভাইং ফিচার’ নেই। ভাল মন্দ দুইই সবার

মধ্যে আছে, তবে হয়তো মন্দটা কারো মধ্যে বোঝা পড়িফুট হয়েছে। কিন্তু তাই বলে ঘৃণা তাকে কেন করবো? অবিশ্টি আমি কখনো বলি না যে পাপ ভাল। পাপের প্রতি মানুষকে প্রলুব্ধ করতে আমি চাই না। আমি বলি, তাঁদের মধ্যেও তো ভগবানের দেওয়া মানুষের আত্মা রয়েছে। তাকে অপমান করবার আমাদের কোন অধিকার নাই।

আমি এমন জিনিস অনেক সময় তাঁদের মধ্যে দেখেছি, যা বড় সমাজের মধ্যে নেই। মহত্ব জিনিসটা কোথাও ঝাঁকে ঝাঁকে থাকে না। তাকে সন্ধান করে খুঁজে নিতে হয়। মানুষ যখন মহত্বের সন্ধান করতে ভুলে যাবে, তখন সে নিজেকে ছোট করে আনবে। আমি অনেক সময় তাদের মধ্যে যা ভাল, দেখাতে চেয়েছি; কারণ তাকে ‘ডিস্কার্ড’ করবার আমাদের ‘রাইট’ নেই। যেখানে বড় জিনিস আছে, তাকে সম্মান করতে হবে। জান যদি প্রয়োজনীয় হয়, খারাপ জিনিসের মধ্যেও তাকে খুঁজতে হবে—কতির ভয় থাকলেও খুঁজতে হবে। তাছাড়া জানতে গেলেই যে আকৃষ্ট হতে হবে, তার মানে আছে?

আমি মনে করি, মানুষকে এ কথা বোঝানো দরকার যে খারাপের মধ্যেও মহত্বকে মনে মনে ‘রেকগনাইজ’ করতে হবে। পাপীর প্রতি ঘৃণা—এই যে একটা ‘কন্ভেনশান’ আছে, তা হয়তো আমি জানি। এই জন্ত লোকে ভাবে, আমি এমন করলাম, যাতে যারা তরুণ, তাদের মন এমন খারাপ হয়ে যাবে যে সমাজ ভেঙ্গে পড়বে। কিন্তু আমি কেবল দেখাতে চেয়েছি যে, পাপীর প্রতি ঘৃণা মনে নিলেও, তাদের মধ্যে যেটুকু ভাল, সেটুকুর প্রতি মন অন্ধ না করে। তাছাড়া যে কথাটি বার বার বলেছি, আজ যেটা নীতি, ভালমন্দের যে মাপকাঠি দিয়ে তাকে বিচার করা হচ্ছে, কাল যে সে বদলে যাবে না, তাই বা কে জানে? লেখাই যাদের পেশা, তাঁরাও যদি—কেবল সমাজে যা দেখেছি, যা হচ্ছে কেবল তাই নিয়েই নাড়াচাড়া করেন, তবে সেটা ভাল মনে হয় না।

দেখুন, এক সময়ে বিধবা-বিবাহের কথা ভুললে বড় খারাপ জিনিস মনে হ’ত। ধারা বলতেন বা সাহিত্যে লিখতেন, সমাজ তাঁদের উপর খজা হস্ত হয়ে উঠতো। আমার ‘পল্লী-সমাজ’ বলে একটা বই আছে। সে বিষয়ে অনেকেই জিজ্ঞাসা করে থাকেন—ওর নায়ক নায়িকার তো কিছুই করলেন না, ও কি

রকম হলো ?—আবার কেউ বলেন, আমার এই বইয়ের জন্ত গ্রামে গ্রামে ব্যাপার ভাব বেড়ে যাবে ও সমস্তের মন্দ ফল হবে।

আমি তার মধ্যে এই বলতে চেয়েছিলাম—এই পাড়ারগায়ের সমাজ, যাকে শহর থেকে মনে করছি—সেখানে পদ্ম ফুটছে, মানুষ ভাইয়ে ভাইয়ে প্রেমে গলাগলি করছে, জ্যোৎস্না ছড়িয়ে যাচ্ছে, এই সব। সেখানেও পুত্রে শালুক ফুটছে, বিলাতী কচুরীতে সব ছেয়ে গেছে, দলাদলির তো অন্তই নাই।

পল্লী-সমাজের বিধবা নায়িকা—রমা। তার বিবাহের ছ'মাস পরে তার স্বামী মারা যায়। সে তার বাল্যবন্ধুকে আগে থাকতেই ভালবাসতো। শেষে নায়ক জেল থেকে ফিরে এল। নায়িকা জ্বর হয়ে কাশী-টাকী চলে গেল। সমস্ত গল্পটাই ছন্নছাড়া হয়ে গেল। তাই অনেক বলেন—কিছু 'কনস্ট্রাক্টিভ' করলেন না। কোন সমস্যার পূরণ করলেন না। সব শেষে কিছুত-কিমাকার হয়ে গেল।

আমি বলি—ও আমার কাজ নয়। আমি দেখালুম, গ্রামে নায়কের মত একটা মহৎ প্রাণ এলো, নায়িকার মত মহৎ নারী এলেন। সমাজ তাঁদের উৎসাহিত করলে। সমাজের কি 'গেন্' হ'ল? এই দুটি জীবনের যদি মিলন হতে পারতো, এ জিনিষটা যদি সমাজ নিতে পারতো, তবে তারা দশখানা গ্রামের আদর্শ হ'ত। আমরা তাদের 'রিপ্রেস' করলাম। দুটো জীবন ব্যর্থ করে দিলাম। সেই জন্ত 'কনস্ট্রাকশন'ও ছত্রভঙ্গ হয়ে গেল।

সোসাল রিকর্ম বা কনস্ট্রাকশন আমার কাজ নয়। আমার ব্যবসা লেখা। এই যে আগ বাড়িয়ে এরা দুজন দেখছে, সেটা সত্য হলে সমাজ লাভবান হ'ত, এই দেখাতে গিয়েছিলাম। যারা একে অন্তায় ভাবেন, তাঁরা এর জন্ত আমার গালাগালি দিচ্ছেন। তাছাড়া আমার যারা আত্মীয় তাঁরাও আমাকে বলেন—এ বিষয়ে অন্তায় করছো। যে বিধবা হ'ল, সে নিজের স্বামীকে ধ্যান করবে, তা না সে আর একজনকে ভালবাসছে; এ তার উচিত হয় নি।

এর উত্তরে আমি কি বলবো? সেই এক কথা বলবার আছে, ভাল-মন্দ, উচিত-অনুচিতের স্টাণ্ডার্ড যুগে যুগে বদলে যায়। আর একটা জিনিষ দেখতে হবে। দুর্নীতি প্রচার করছে বলে বার বিকল্পে অভিযোগ আনছি, দেখতে হবে সে কোন নূতন 'আইডিয়া' দিচ্ছে, না সত্যের অজুহাতে কতকগুলো নোংরা

জিনিস চালাচ্ছে। বিহামিছি কুংসিত কথা তো টিকবে না। আমিও যদি সে রকম দিয়ে থাকি, আমার সে সব লেখাও ঝরে পড়ে যাবে। মোট কথা, সম-সাময়িক ভাবের সঙ্গে খাপ খাচ্ছে না বলেই দুর্নীতিমূলক—এ কথা মনে করা ঠিক হবে না। যদি লোকে দেখে লেখকের কথাটা ভাবা দরকার তা হ'লেই তার কাজ হ'ল।

আজ যে এত কথা বলছি, কারণ, কেন জানি না, এ জিনিসটা আজকাল বড় ঘুলিয়ে উঠেছে। সেদিন গুরিয়েটাল সেমিনারীতে ডেকে নিয়ে গিয়েছিল। সেখানে কয়েকজন আমাকে এ বিষয়ে মন্দ বললেন। এ রকম ডেকে নিয়ে গালাগালি দেওয়া—ব্যাপারটা মন্দ নয়। তাঁরা এক লাইব্রেরী প্রতিষ্ঠা করেছেন। সেখানে নাকি কেবল দুর্নীতিমূলক নভেলের ছড়াছড়ি হচ্ছে, তাতে ছেলেদের চরিত্র নষ্ট হচ্ছে। আর তার জন্য আমিই নাকি দায়ী! আমি বললাম—তা জিনিসটা বাস্তবিকই খারাপ হয়েছে। তা এক কাজ করুন—লাইব্রেরী তুলে দিয়ে একটা সংকীর্ণনের দল খুলে দিন। বেশ নীতি প্রচার হবে।(১)

এ প্রসঙ্গের আর দরকার নেই। এই জিনিসটাই আমার বলবার ছিল যে, আপনারা আজ আমার বিষয় বলতে গিয়ে অনেক অত্যাশ্রিত করেছেন; কিন্তু যদি মনে করেন সাহিত্যকে সাহিত্যিকের দিক দিয়ে, সাহিত্যিকের প্রাণ দিয়ে—যে জিনিস কল্পনা দিয়ে সাহিত্যিক দেখতে পাচ্ছেন—সে রকম আমি দেখবার চেষ্টা করেছি, তবে তার চেয়ে আনন্দের বিষয় আমার আর নেই। আপনারাই দেশের আশাহীন। সমাজে আপনারা অনেকেই গণ্যমান্ত হবেন। আপনাদের প্রশংসাই আমার গৌরবের বিষয়।

আমি আজ ঠিক সুস্থ নই—তবে এইখানেই আলোচনাটা শেষ করি।”  
—(প্রেসিডেন্সী কলেজ ম্যাগাজিন—১৯২৩ খ্রিঃ)

[ (১) দেশবন্ধুর নেতৃত্বে স্বরাজ্য পার্টি গঠিত হওয়ার পর, বরিশালে যখন



প্রাদেশিক কংগ্রেস কমিটির অধিবেশন হয়, তখন দেশবন্ধুর সঙ্গে শরৎচন্দ্রও বরিশালে গিয়েছিলেন। সেই সময় বরিশালের কয়েকজন এক সময় শরৎচন্দ্রের সঙ্গে রাজনীতি ছাড়া সাহিত্য প্রভৃতি নিয়েও আলোচনা করেছিলেন। সেদিন আলোচনাকালেও শরৎচন্দ্র এইরূপ কথাই বলেছিলেন।

শরৎচন্দ্রের সঙ্গে ঐ আলোচনাকারীদের মধ্যে হীরালাল দাশগুপ্ত নামে একব্যক্তি ছিলেন। হীরালালবাবু সেদিনের ঐ আলোচনার কথা-প্রসঙ্গে লিখেছেন—

“সেবারে কয়েকজন বন্ধু-বান্ধব মিলে শরৎবাবুর সঙ্গে আলোচনার সৌভাগ্য হয়েছিল।...কথা-প্রসঙ্গে বললেন—বিশ বছর বয়সের মধ্যে আমার অধিকাংশ বই (অধিকাংশ নয়, কয়েকটি মাত্র) লেখা হয়েছিল। তারপর বিশ বছর শুধু বেড়িয়েছি। দেশ-বিদেশ কত জনপদ-প্রান্তর। এমন জায়গাও দেখেছি, যেখানে যম-মাহুষে খেলার রঙ্গে মেতে ওঠে। এরা সাপ ধরে। সাপ নিয়ে ঘর করে। কোন একটা অন্ধকার বিশেষ তিথিতে—বোধ হয় অমাবস্যাতে, এরা পরস্পরের গায়ে বিষধর সাপ ছুঁড়ে মারে। সাপ নিয়ে এমন লোফালুফি ভাবতে পারি?

বিশ বছর পরে যখন সেবারে বর্ষা থেকে ফিরে এলাম, ঐ ফণি পাল আমাকে লেখার জন্তে ধরলে। ফণির বাপ ছিলেন ডেপুটি ম্যাজিস্ট্রেট। সুধাকেষ্ট বাগচী নামে একটি লোক দুটো মাসিক পত্রিকা একাই চালাতেন। ও-দুটো কাগজের নাম ‘জাহ্নবী’ আর ‘যমুনা’। ‘যমুনা’ কাগজটা ফণি পাল কিনলে পাঁচ শত টাকায়।

সুধাকেষ্ট বলেছিল—ওর অন্যান্য পাঁচশত গ্রাহক আছে। কাগজটা হাতে এলে দেখা গেল, অধিকাংশ গ্রাহকই বিনে পয়সার। ওতে শাঁস মাত্রও নেই। ফণি তো চৌদ্দ হাত জলে পড়েছে। কাগজটাকে চালাতেই হবে। বললে—এবারে কিছু লেখা দিন। কিন্তু একটা অল্পরোধ জানালে—সনির্বন্ধ অল্পরোধ। উপভাস আর লিখবেন না। ও অনেক হয়ে গেছে। আমি ওর অল্পরোধ শিরোধার্য করে দুখানা বই লিখে দিলুম। ঐ বই দুখানা হ’ল ‘বিন্দুর ছেলে’ আর ‘রামের স্মৃতি’।”

(২) এই বছরই ১৩৩০ সালের ১৬ই আষাঢ় তারিখে শিবপুরে এক

সাহিত্য-সভায় শরৎচন্দ্র তাঁর ‘আধুনিক সাহিত্যের কৈকিয়ৎ’ নামক লিখিত প্রবন্ধে বলেছিলেন—

“সম্প্রতি একটা রব উঠিয়াছে যে, আধুনিক উপন্যাস লেখকরা বঙ্কিম-সাহিত্যকে ডুবাইয়া দিল। বঙ্কিম-সাহিত্য ডুবাবার নয়। সুতরাং আশঙ্কা তাহাদের বৃথা। কিন্তু আধুনিক ঔপন্যাসিকদের বিরুদ্ধে এই নালিশ যে, ইহারা বঙ্কিমের ভাষা, ভাব, ধরণ-ধারণ, চরিত্র-সৃষ্টি কিছুই আর অমূল্য করিতেছে না। অতএব অপরাধ ইহাদের অমার্জনীয়।

ইহার একটা জবাব দেওয়া প্রয়োজন। আমি বয়সে যদিচ প্রাচীন হইয়াছি, কিন্তু সাহিত্য ব্যবসায় আজও আমার বয়স বছর দশেক উত্তীর্ণ হয় নাই। অতএব আধুনিকদের পক্ষ হইতে উত্তর দিই ত বোধ করি অশ্রায় হইবে না।

অভিযোগ ইহাদের সত্য, আমি তাহা অকপটে স্বীকার করিতেছি। বঙ্কিমচন্দ্রের প্রতি ভক্তি-শ্রদ্ধা আমাদের কাহারও অপেক্ষা কম নয়, এবং সেই শ্রদ্ধার জোরেই আমরা তাঁহার ভাষা, ভাব পরিত্যাগ করিয়া আগে চলিতে দ্বিধা বোধ করি নাই। মিথ্যা ভক্তির মোহে আমরা যদি তাঁহার ত্রিশ বৎসর পূর্বকাল বস্তুই শুধু ধরিয়া থাকিতাম, ত কেবলমাত্র গতির অভাবেই বাঙ্গলা সাহিত্য আজ মরিত। দেশের কল্যাণে একদিন তিনি নিজে প্রচলিত ভাষা ও পদ্ধতি পরিত্যাগ করিয়া পা বাড়াইতে ইতস্ততঃ করেন মাই। তাঁহার সেই নির্ভীক কর্তব্যবোধের দৃষ্টান্তকেই আজ যদি আমরা তাঁহার প্রবর্তিত সাহিত্য-সৃষ্টির চেয়েও বড় করিয়া গ্রহণ করিয়া থাকি, ত সে তাঁহার মৰ্যাদা হানি করা নয়।”—(স্বদেশ ও সাহিত্য)

(৩) বঙ্কিমচন্দ্র সম্বন্ধে শরৎচন্দ্রের এই মত কিন্তু অনেকেই সম্পূর্ণ স্বীকার করেন না। এ সম্বন্ধে একটা উদাহরণ হিসাবে এই বইয়ের ১৯৯ ও ২০০ পৃষ্ঠার আলোচনাটি দ্রষ্টব্য।

(৪) প্রেসিডেন্সী কলেজের ছাত্ররা তাঁদের কলেজের বাঙ্গলা সাহিত্য সভার বার্ষিক সম্মেলনে শরৎচন্দ্রকে সভাপতি করবার জন্ত অমূল্যরোধ করতে গেলে, সেদিনও শরৎচন্দ্র তাঁদের সঙ্গে আলোচনাকালে এই কথাই বলেছিলেন। ]

## প্রেসিডেন্সী কলেজের বঙ্কিম-শরৎ সমিতিতে

৫৩তম জন্মদিনে

প্রেসিডেন্সী কলেজের ছাত্ররা তাঁদের কলেজে ‘বঙ্কিম-শরৎ সমিতি’র উদ্বোধন করেন ১৩৩৪ সালের চৈত্র মাসে। এ সম্বন্ধে ঐ সময়কার প্রেসিডেন্সী কলেজের ম্যাগাজিনে লেখা আছে—

“গত ৬ই চৈত্র সোমবার এই সমিতির উদ্বোধন হয়ে গেছে।...শ্রীযুক্ত শরৎচন্দ্র চট্টোপাধ্যায় মহাশয় সভায় উপস্থিত থাকবেন কথা ছিল, কিন্তু শারীরিক অসুস্থতা নিবন্ধন তিনি আসতে পারেন নি। এজ্ঞা দুঃখ প্রকাশ করে এবং যুবকদের সাধু প্রচেষ্টাকে অভিনন্দিত করে তিনি একটি পত্র লিখে পাঠান। সভাপতি মহাশয় উক্ত পত্র পাঠ করে তাঁর বক্তব্য বলেন।”

পর বৎসর ৩১শে ভাদ্র তারিখে শরৎচন্দ্রের ৫৩তম জন্মদিনে প্রেসিডেন্সী কলেজের ছাত্ররা তাঁদের ‘বঙ্কিম-শরৎ সমিতি’র এক বিশেষ অধিবেশনে শরৎচন্দ্রকে এনে অভিনন্দিত করেছিলেন। শরৎচন্দ্রের এই অভিনন্দন সম্বন্ধে ঐ সময়কার প্রেসিডেন্সী কলেজের ম্যাগাজিনে লেখা আছে—

“বিগত ৩১শে ভাদ্র ভারতের শ্রেষ্ঠ সাহিত্যিক শ্রীযুক্ত শরৎচন্দ্রের জন্মদিনে আমাদের এক বিশেষ সভার অধিবেশন হয়ে গেছে—এই কথা-শিল্পীকে অভিনন্দন জানানোর জন্তে। শ্রদ্ধেয় অধ্যাপকগণের ও মাননীয় সাহিত্যিকগণের উপস্থিতিতে সেদিনকার সভা খুব জাঁকালো হয়েছিল। মাগুবান শ্রীযুক্ত দিলীপকুমার রায় তাঁর গানের দ্বারা সকলকে মোহিত করেন।

অধ্যাপক শ্রীযুক্ত শ্রীকুমার বন্দ্যোপাধ্যায় ও শ্রীযুক্ত নৃপেন্দ্রচন্দ্র বন্দ্যোপাধ্যায় স্বধারীতি শ্রদ্ধেয় অতিথিকে অভিবাদন করিবার পর ছাত্রদের অভিনন্দন পত্র পাঠিত হয়।...

মাল্যচন্দন স্তুতি করিয়া, আমরা আমাদের পূজ্য সাহিত্যিককে ভক্তির চিহ্নস্বরূপ একটি রৌপ্যপাত্রে আমাদের অভিনন্দন পত্র অর্ঘ্য দিয়াছি।”

ঐদিন শরৎচন্দ্র অভিনন্দনের উত্তরে যে মৌখিক অভিব্যক্তিটি দিয়েছিলেন তা হচ্ছে এই—

“আপনারা অভিযোগ করেছেন, আমি আসি না। তার কারণ, বঙ্কতা দিতে হবে মনে হ’লেই আমার ক্ষম্ভ হয়। আমি কিছুই বলতে পারি না। কিছু লিখতে পারি, কিছু কিছু লিখেছিও। তাতে যদি খুশী হয়ে থাকেন স্বামী হব। মুখে কিছু বলে উপদেশ দেবো—কোন বইয়ের সমালোচনা করব, কি নূতন কোন মানে প্রকাশ করব, সে শক্তি আমার নেই। যা আছে বইয়ের মধ্যেই আছে, সেখানে খুঁজুন, আমার বইয়ের সম্বন্ধে এর বেশী কিছু বলবার নেই।

আমি আসতে পারি বা না পারি, ছেলেদের আমি ভারী ভালবাসি। এই যে কতকগুলি ছেলে মিলে প্রতিষ্ঠান করেছে, যার নাম দিয়েছে—বঙ্কিম-শরণ-সমিতি—যার বিষয় আমাদের বইয়ের আলোচনা। এই আলোচনা হতে অগ্ৰান্ত দেশের উপগ্রাস সম্বন্ধে তোমাদের জ্ঞান জন্মাবে—তুলনামূলক সমালোচনার দ্বারা তোমরা সব বুঝতে পারবে। এই সমিতিতে আমি সমস্ত মন দিয়ে আশীর্বাদ করি। এই জিনিসটা চলুক, যাতে এটা পূর্ণ হয়—গড়ে উঠে, তোমরা তাই কর। যখন সময় পাব, আসব।

আমি বুড়ো হয়ে গেছি, এই ৫৩ বৎসর হ’ল—৫৪ বৎসর হবে কিনা বলা যায় না। আমাদের বংশের রেকর্ড আমি নিয়েছি। আমার বেশ মনে আছে, ৪৪।৪৫ বৎসর বয়স হ’লে বাবা রোজ বলতেন—‘৪৪ তো হ’ল, আর বেশীদিন বাঁচব না।’ আমার মনে হয়, আমিও চের বেশীদিন বাঁচব না। ৫৪ বৎসর পেলাম না বলে দুঃখিত হয়ো না, পাই বা না পাই অন্তরের সঙ্গে এই আশীর্বাদ করছি, তোমরা বড় হও।

আমার শক্তি কম, তবু নিজের দেশটিকে আমি বাস্তবিক ভালবেসেছি—এ কথাই মধ্যে কোন প্রবন্ধনা নেই—যথার্থ ভালবেসেছি। এর ম্যালেরিয়া, দুর্ভিক্ষ, এর জলবায়ু, এর দোষ-গুণ, ক্রটি-দলাদলি বা যা কিছু বল বাস্তবিকই আমি ভালবেসেছি। নানা অবস্থার মধ্যে পড়ে, নানা লোকের সঙ্গে ঘনিষ্ঠ ভাবে মিশেছি। মানুষকে তন্ন তন্ন করে দেখবার চেষ্টা করলে তার ভিতর হতে অনেক জিনিস বের হয়, তখন তার দোষ-ক্রটিতেও সহানুভূতি না করে থাকি যায় না।

অনেকে বলেন, যারা সমাজের নিয়ন্ত্রণে পড়ে আছে, তাদের উপর আমার সহানুভূতি বেশী। সত্যই তাই। তাদের বাইরের কার্যকলাপ এক রকম হয়ে পড়েছে, সেজন্য তারা দায়ী নয়। অনেক জায়গায় আসল জিনিস গোপন থেকে যায়, তা আমি প্রকাশ করতে চেষ্টা করেছি। সেইটে হয়ত তোমাদের ভাল লেগেছে।

বাড়িয়ে গল্প করতে আমি পারি মে। গল্প করতে, কথা বলতে খুব পারি। সভা-সমিতি হয়—বাধ্য হয়ে সেখানে যেতে হয়, কিন্তু তাতে কারও সঙ্গে ঘনিষ্ঠ পরিচয় হয় না, কাকেও জানতে পারা যায় না। আমি অনেক জায়গায় গিয়েছি, কেউ আমাকে জিজ্ঞাসা করল না, সাহিত্যে আপনার পথ কেমন করে হ'ল? সকলেই বলেন, একটা বড় বক্তৃতা কর—যা হয় একটা কিছু বল। এই সমিতি যদি বাঁচে—আশীর্বাদ করি বাঁচুক,—এরা যদি কখনও আমাকে নিমন্ত্রণ করে, আসতে পারি।

অল্প বই সম্বন্ধে আমার বিশেষ জ্ঞান নেই। নিজে লিখেছি বলে তার সম্বন্ধেও আমি বড় অথরিটি নই। অগ্রাগ্র গ্রন্থকারদের যা নিয়ে বিপদ—প্রট পায় না—সেই প্রট সম্বন্ধে আমাকে কোনদিন চিন্তা করতে হয় নি। কতকগুলি চরিত্র ঠিক করে নিই, সেগুলিকে ফোটাবার জন্ত যা দরকার আপনি এসে পড়ে। মনের পরশ বলে একটা জিনিস আছে, তাতে প্রট কিছু নেই। আসল জিনিস কতকগুলি চরিত্র—তাকে ফোটাবার জন্ত প্রটের দরকার। তখন পারিপার্শ্বিক অবস্থা এনে যোগ করতে হয়, সে সব আপনি এসে পড়ে। আজকাল যারা লিখছেন, দেখি প্রটের উপর তাঁদেরও কোন দৃষ্টি নেই। চরিত্রগুলি ফোটাবার জন্ত তাঁদের মুখে নানা কথা বেরোয়—তাদের দুঃখ, ব্যথা, বেদনা, আনন্দ এই ধারাতে এসেছে, গল্লাংশ যা আছে তা বাধা পায় না।

এ বিষয়ে তোমাদের যদি কিছু জানবার ইচ্ছা থাকে, আমি যা পারি বলব। তাতে ঢের বেশী আনন্দ পাবে, এবং সমিতির সত্যকার উদ্দেশ্যও তাতে সফল হবে।

বন্ধু নূপেনবাবু\* আমার সম্বন্ধে অনেক কথা বললেন—ভারী মিষ্টি লাগল। তাঁর সঙ্গে অনেক দিনের পরিচয়। তাঁর নিজের জীবনও অনেক রকম ব্যথার ভিতর দিয়ে কেটে গিয়েছে। প্রথম যখন তা শুরু হয়—পরীক্ষা যখন আরম্ভ হয়—তখন শিবপুরে তাঁর সঙ্গে আলাপ হয়। তারপর মধ্যে মধ্যে দেখা

হয়েছে। মনে হয়, বেশ মন দিয়ে তিনি আমার লেখা পড়েছেন। তোমাদের পার্মানেন্ট প্রেসিডেন্ট শ্রীকুমারবাবু অধ্যাপক। তিনি বলেন, আমরা বিদেশী সাহিত্যের ভিতর হতে ততখানি বল পাই না, যতখানি নিজের সাহিত্য থেকে পাই। বাস্তবিক, একটা জিনিস বুঝা, আর তার থেকে রস গ্রহণ করা—দুইটি আলাদা জিনিস। ইংরাজি সাহিত্য তোমরা বুঝতে পার, কিন্তু রস গ্রহণ করা যাকে বলে, তা আর একটা জিনিস। আগাগোড়া প্রতি লাইনটি আমি বুঝতে পারি, তবু যে জিনিসটা নিজের জীবনে যা দেয় সে জিনিসটা হয় না। তুলনা দ্বারা অগ্ন্যস্ত সাহিত্যের মীমাংসা তোমরা করতে পারবে।

• অভিনন্দন সম্বন্ধে কি বলব। বেশ ভাল হয়েছে, আমাকে খুব বড় করে দিয়েছে। অনেক সময় লজ্জা বোধ হয়—এগুলি অত্যাশ্চর্য। তবু মানুষের দুর্বলতা আছে, বলতে হয়—বেশ লাগে। অত্যন্ত আনন্দের সঙ্গে আমি তা গ্রহণ করলাম। তোমাদের চেষ্টা যেন সর্বাক্ষয় হয়, এই আমার প্রার্থনা।  
—স্বদেশী বাজার, ২২শে সেপ্টেম্বর ১৯২৮।

[ \* নৃপেন্দ্রচন্দ্র বন্দ্যোপাধ্যায়। নৃপেনবাবু তৎকালীন অবিভক্ত বাঙ্গলায় গভর্ণমেন্ট কলেজের ইংরাজির অধ্যাপক ছিলেন। সেই হিসাবে তিনি কৃষ্ণনগর, রাজসাহী, প্রেসিডেন্সী ও চট্টগ্রাম কলেজে অধ্যাপনা করেছিলেন। ১৯২১ খ্রীষ্টাব্দে তিনি যখন চট্টগ্রাম কলেজের ভাইস-প্রিন্সিপ্যাল, তখন তিনি সরকারী চাকরি ত্যাগ করে মহাত্মা গান্ধীর অসহযোগ আন্দোলনে যোগদান করেন। নৃপেনবাবু দেশের কাজে যোগ দিয়ে বছবার কারাবরণ করেছেন ও অন্তর্দীপ্ত হয়েছেন।

১৯২১ খ্রীষ্টাব্দে শরৎচন্দ্রও যখন কংগ্রেসে যোগদান করেন, সেই সময়েরই নৃপেনবাবুর সঙ্গে তাঁর পরিচয় ও বন্ধুত্ব হয়।

প্রেসিডেন্সী কলেজে শরৎচন্দ্রের এই জন্মোৎসব সভায় নুপেনবাবু উদ্বোধনাদেয় দ্বারা নিমন্ত্রিত হয়ে এসেছিলেন।

† শ্রীকুমার বন্দ্যোপাধ্যায়।]

### ৫৪তম জন্মদিন উপলক্ষে

১৩৩৬ সালে শরৎচন্দ্র তাঁর জন্মদিন ৩১শে ভাদ্র তারিখে আসতে পারবেন না বলায়, কয়েকদিন পরে ৭ই আশ্বিন তারিখে ‘বঙ্কিম-শরৎ সমিতি’ শরৎচন্দ্রকে এনে অভিনন্দন জানিয়েছিলেন।

বঙ্কিম-শরৎ সমিতি কর্তৃক এবারের শরৎ-বন্দনা সম্বন্ধে প্রেসিডেন্সী কলেজের ম্যাগাজিনে লেখা আছে—

“গত ৭ই আশ্বিন শ্রীযুক্ত শরৎচন্দ্রের চতুঃপঞ্চাশতম জন্মতিথি উপলক্ষে সমিতির এক বিশেষ অধিবেশনে শ্রীযুক্ত শরৎচন্দ্রকে একটি অভিনন্দন দেওয়া হইয়াছে। বাঙ্গলার এই মণীষীশ্রেষ্ঠকে বৎসরান্তে পুনর্বার অভিনন্দন প্রদান করিয়া আমরা নিজেদের ধন্য জ্ঞান করিতেছি।”

এই বছর শরৎচন্দ্র অভিনন্দনের উত্তরে যে অভিভাষণটি দিয়েছিলেন, সেটি পরদিন ৮ই আশ্বিন তারিখের ‘দৈনিক বঙ্গবাণী’ পত্রিকায় (রমাপ্রসাদ মুখোপাধ্যায়দের ‘মাসিক বঙ্গবাণী’ তখন ছিল না। মাসিক বঙ্গবাণী চলেছিল ১৩২৮ সালের ফাল্গুন থেকে ১৩৩৪ সালের মাঘ পর্যন্ত।) এবং ক’মাস পরে ১৩৩৬ সালের ফাল্গুন মাসের ‘মাসিক বঙ্গমতী’তে প্রকাশিত হয়েছিল।

‘বঙ্গবাণী’তে প্রকাশিত শরৎচন্দ্রের অভিভাষণটি আবার ঐ সময়কার ‘শনিবারের চিঠি’তেও উদ্ধৃত করা হয়েছিল। শনিবারের চিঠির সম্পাদক বঙ্গবাণীতে প্রকাশিত শরৎচন্দ্রের অভিভাষণটি উদ্ধৃত করবার আগে, নিজে শরৎচন্দ্রের অভিনন্দন সভার কিছুটা বিবরণ দিয়েছিলেন।

‘বহুমতী’ কাগজের জন্ত শরৎচন্দ্রের অভিভাষণটি যিনি লেখেন, তিনি বঙ্গবাণীর প্রেরিত অমূল্যলেখকের চেয়ে বিস্তৃতভাবে শরৎচন্দ্রের অভিভাষণটি লিখেছিলেন। তাই বহুমতীতে প্রকাশিত শরৎচন্দ্রের অভিভাষণটি, বঙ্গবাণীতে প্রকাশিত শরৎচন্দ্রের অভিভাষণ অপেক্ষা দীর্ঘতর ও একটু ভিন্নতর।

এখানে প্রথমে শনিবারের চিঠি থেকে, পরে বহুমতী থেকে শরৎচন্দ্রের অভিভাষণটি উদ্ধৃত করছি।

শনিবারের চিঠিতে সেদিনের সভা সম্বন্ধে যা প্রকাশিত হয়েছিল, তা এই—

### “শরৎচন্দ্রের আক্ষেপ জন্মোৎসব সভায় বক্তৃতা

শরৎচন্দ্রের চতুঃপঞ্চাশতম জন্মতিথি উপলক্ষে প্রেসিডেন্সী কলেজের ‘বঙ্কিম-শরৎচন্দ্র সমিতি’ শরৎচন্দ্রকে অভিনন্দিত করিবার জন্ত একটি অতি সুন্দর সভার আয়োজন করেন। এতদুপলক্ষে কলেজের ফিজিক্স হল গৃহকে আলপনা, মঞ্চলঘট, ধূপ, দীপ ও বিবিধ পুষ্পমাল্যে শোভিত করা হয়। অধ্যাপক শ্রীকুমার বন্দ্যোপাধ্যায় মহাশয় সভাপতির আসন গ্রহণ করেন। ইহা ব্যতীত কলেজের অগ্রান্ত বহু অধ্যাপক এবং ছাত্র ঐ সভায় উপস্থিত ছিলেন। সন্ধ্যা সাড়ে ৬।০ ঘটিকার সময় শরৎবাবু উপস্থিত হইলে, একটি আবাহন সঙ্গীত দ্বারা তাঁহাকে বন্দনা করা হয়। তৎপর সমিতির সম্পাদক শরৎবাবুকে মালাদানান্তে একটি সুদৃশ্য হস্তলিখিত অভিনন্দন পত্র প্রদান করেন।

অভিনন্দন পত্রে শরৎচন্দ্রের দীর্ঘজীবন কামনা করিয়া কথা প্রসঙ্গে ইহার্য্য বলেন—

‘হায় সাহিত্যিক, বাণীর কমলকাননে আজ নিষ্করণ পেষণ চলিতেছে। হীন লালসার ক্লেদে তরুণ গল্পীর লেখনী ভরিয়া উঠিল। হে সত্যপ্রিয়, কোথায় সেই মহামানব অথবা মহামানবী, যাহার সাধনোজ্জ্বল দৃষ্টির সম্মুখে নব-সাহিত্যের কুরুপ খসিয়া পড়িবে? হে ব্রাহ্মণ! তাহাকে জাগাও।

হে তারুণ্যপন্থী, তোমার জীবনের ক্ষেত্রে চতুঃপঞ্চাশৎ বৎসরের মেলা বসিয়া গেল, তাহার সার্থক বৎসর কয়টি ইতিহাসে অমর হইয়া থাকুক। কিন্তু



বেদিন আজও আলিল না, সেদিনের ঘরেও তোমার মানস সন্তানের শক্তিগর্ব  
অক্ষয় হোক! ইহার বড় কামনা আমাদের আর নাই।’

### শরৎচন্দ্রের প্রত্যুত্তর

তদুত্তরে শরৎচন্দ্র সমিতির উদ্যোক্তাগণকে যথাযোগ্যভাবে ধন্যবাদ জ্ঞাপন  
করিয়া কথা-প্রসঙ্গে আধুনিক তরুণ সাহিত্য সম্বন্ধে নিম্নলিখিতরূপে অভিমত  
প্রকাশ করেন।

“অনেক দিন পূর্বে পূজনীয় রবীন্দ্রনাথ বর্তমান সাহিত্যের ভাবধারা সম্বন্ধে  
একটু কঠোর ভাবেই তাঁহার মতামত প্রকাশ করেন। তদুত্তরে আমি ‘মাসিক  
বঙ্গবাণী’তে একটি প্রবন্ধ প্রকাশ করি। ইহাতে আমি রবীন্দ্রনাথের ঠিক  
প্রতিবাদ করি নাই, বরং সবিনয়ে তাঁহাকে জানাই—তরুণ সাহিত্য সম্বন্ধে  
তিনি যতটা বলেছেন, ঠিক ততটাই সত্য কিনা?

কিন্তু তাতে অনেকেই বললেন—আমি যতটা বলেছি, ততটা বলা ঠিক  
হয় নি। সে যাক, তারপর বিভিন্ন মাসিকে বহু সাহিত্য রচনা প্রকাশিত  
হয়েছে। সে সব আমি পড়েছি। তাই আজ আমাকে দুঃখের সঙ্গে বলতে  
হচ্ছে যে, এ জিনিসটা অত্যন্ত মানির বস্তু হয়ে উঠেছে।

আমি ছেলেদের ভালবাসি এবং আমার বিশ্বাস ছেলেরাও আমাকে  
অন্তরের সঙ্গে ভালবাসে। কিন্তু এ কথা অস্বীকার করতে পারছি না যে, তারা  
বর্তমানে যে সাহিত্য গড়ে তুলছে, তাতে রস থাকে না, মানি থাকে।

অবশ্য যৌবনে যা ভাল লাগে, বার্ষিক্যে তা লাগে না। যৌবনের ধর্ম  
আলাদা, চিন্তা আলাদা, কর্ম আলাদা; কিন্তু এ ধর্মে আত্মনিয়োগ করতে  
হলেও মনশুদ্ধি সর্বাগ্রে চাই। তাই ভেবেছিলাম, তরুণগণ শুদ্ধ মন নিয়ে  
আন্তরিকভাবে সাহিত্য রচনায় প্রবৃত্ত হবে। কিন্তু আজ এক বৎসর পরে  
আমার পূর্ব মত পরিবর্তিত হয়েছে, মন তিস্ত হয়ে উঠেছে। আজ চোখ মেলে  
চাইলেই দেখা যায়, মাগুষের যত বৃত্তি আছে, তার মাত্র একটিরই বারবার  
আবৃত্তি এঁরা করেছেন। আমি এ বিষয় তরুণ সাহিত্যিকদের কাউকে কাউকে  
জিজ্ঞাসা করেছিলাম। তাতে তাঁরা বলেছিলেন—আমাদের অন্ত কোন স্ফোপ  
নেই, অন্ত কোন সাহিত্য রচনার ক্ষেত্র আমরা পাই না।

আমি তার প্রত্যুত্তরে বলেছিলাম—এ সমাজে অনেক দুঃখ, কষ্ট আছে সত্য, কিন্তু এ জীবনে আরও বেদনা আছে। তা কি তোমরা দেখতে পাও না? আমাদের পরাধীনতা, অজ্ঞতা বা দারিদ্র্যের বেদনা কি তোমাদের প্রাণে জাগে না? আর সমাজেও তো অন্তর্বিধ গ্লানি আছে, তারও তো কই কোন আলোচনা হয় না? তোমাদের সাহস আছে-মানি, কিন্তু যে স্থানে সাহস প্রকাশে বিপদের সম্ভাবনা আছে, সেদিকে যেন তোমরা সমস্তই অস্বীকার করে চল।

তার উত্তরে তাঁরা বললেন—ওসব দিক সাহিত্যের নয়। তাছাড়া আমরা ওসব পারি-ও না।

আমাকে তাঁরা বলেছিলেন যে, আমি অল্প কাজে যাওয়ায় নাকি সাহিত্যের ক্ষতি হচ্ছে। অবশ্য কিছু ক্ষতি হয়ত হয়েছে। কিন্তু আমার দিনও শেষ হয়ে গেছে। তোমরা তরুণ, তোমরা এদিকে অগ্রসর হও না কেন? আমার তো অল্প দেশের সাহিত্য কিছু কিছু পড়া আছে। তাতেও দেখতে পাই, শুধু একটি দুঃখ বা একটি সমস্যা নয়, সমাজ ও জীবনের বিভিন্ন দিকের, বিবিধ সমস্যার আলোচনা তাঁরা তো বেশ প্রাণস্পর্শী ভাবেই করে গেছেন। তোমরাই বা পারবে না কেন?

আমার এ অস্বরোধ তাঁরা মানবেন কিনা জানি নে। কিন্তু আজ যারা এখানে সমবেত আছেন, তাঁদের আমি বলব—আজকাল যে সাহিত্য হচ্ছে, তা সত্যি খারাপ হচ্ছে। রবীন্দ্রনাথ যত কড়া করে এ কথা বলেছিলেন, তত কড়া করে বলবার ক্ষমতা আমার নেই। তা থাকলে সেরূপভাবেই আমি তার নিন্দা করতাম। এ সম্বন্ধে আমার এক বন্ধুর বাড়ীতে কতিপয় তরুণী আমাকে বলেছিলেন—দুঃখের বিষয় আমরা লিখতে পারি নে, যদি পারতাম তাহলে দেখাতাম, এই সকল গল্প পড়তে আমাদের কত লজ্জা ও অপমান বোধ হয়। তাঁরা আমাকে এ অস্বরোধও জ্ঞাপন করলেন যে, আমি যেন এ সম্বন্ধে সকল তরুণকে সাবধান করে দিই।

গত এক-বৎসর তরুণদের সকল লেখা পড়ে আমার যে ধারণা হয়েছে, তাতে তাঁদের নিকট আমার বিনীত অস্বরোধ এই যে, তাঁরা প্রকৃত রসবস্তুর কি তা লিখতে চেষ্টা করুন। অবশ্য তাঁদের ভাষা ও বর্ণনার ভঙ্গী খুব উচুদের। আমার তো মনে হয়, আমাদের অনেকের চেয়েই এদের লেখার ভঙ্গী বেশ

ভাল। কিন্তু তাঁদের সাহিত্যে রসবস্তু না থাকলে সকল চেষ্টাই ব্যর্থ হবে। তাঁদের সংঘর্ষের সীমা অনেকখানি উত্তীর্ণ হয়ে গেছে। যে সাহস দেখালে শাস্তি পাওয়ার সম্ভাবনা আছে, সেদিকে সাহস দেখালেই এঁদের বীরত্ব প্রকাশ পেত, কিন্তু তা হচ্ছে না। যেন অনেকটা জেদের বশেই তরুণরা সাহিত্য রচনা করছেন। এ কথা অস্বীকার করা যায় না যে, তাঁরা সীমা অতিক্রম করে গেছেন।”

‘শনিবারের চিঠি’র সম্পাদক বঙ্কবাণী থেকে শরৎচন্দ্রের বক্তৃতাটি উদ্ধৃত করার পর, শেষে নিজে একটা মন্তব্য করেছিলেন। তাঁর সেই মন্তব্যটি ছিল এই—

“আশা করি আগামী বৎসর এমন সময় তরুণদের ভাষা ও বর্ণনা ভঙ্গী সম্বন্ধে শরৎচন্দ্রের ভ্রান্তিও দূর হইবে।”

মাসিক বহুমতীতে প্রকাশিত শরৎচন্দ্রের অভিভাষণটি ছিল এইরূপ—

“একটা মামুলী ধনুবাদ দেওয়া দরকার। সেটা শেষ করে আমার আজকের ইতিহাসটা বলে বিদায় নেব। এক বৎসর পর আবার আমার পুরাণে বন্ধুদের—যারা আমাকে ভালবাসেন, তাঁদের দেখতে পাব মনে করে পীড়িত শরীরেও চলে এলাম।

অভিনন্দন উপলক্ষ করে আমার জন্মদিনে ছেলেরা আজ যা বললেন, তার সম্বন্ধে গোটাকতক কথা বলে শেষ করব।(১)

অনেক দিন পূর্বে, বোধ হয় আপনাদের মনে আছে, পূজনীয় রবীন্দ্রনাথ সাহিত্যের ব্যাপার সম্বন্ধে তাঁর মতামত প্রকাশ করেছেন। একটু কঠোরভাবে তিনি তা প্রকাশ করেছিলেন। ঠিক তার প্রতিবাদে নয়, কিন্তু সবিনয়ে আমি ‘বঙ্কবাণী’তে তাঁকে জানিয়েছি, যতটা রাগ করে তিনি বলেছেন, ততটাই সত্য কি না? (২) . তারপর থেকে দু-এক জনের মুখে যখন শুনলাম, ওটা বলা আমার ঠিক হয় নাই, তখন নবীন সাহিত্য, যা আজকাল খবরের কাগজে, মাসিক

পক্ষে ও নানাভাবে অনবরত বেরোচ্ছে—গত এক বৎসর আমি সে সকল যথেষ্ট মন দিয়ে পড়েছি।

আমার সমালোচনার হয়ত বিশেষ কোন মূল্য নেই। কারণ, আমি সমালোচনা করতেই পারি না। শুধু ভাল-মন্দ লাগার ভিতর দিয়ে আমার নিজের মতামত প্রকাশ করতে পারি।

আজ আমাকে হুঃখের সঙ্গে বলতে হচ্ছে—জিনিসটা সত্যিই বিক্রী হয়ে উঠেছে। আমি বরাবর চেয়েছিলাম, কবিরা যাকে রসবস্ত্র বলেন, এইটাই যেন তাঁরা তাঁদের যৌবনের শক্তি, অভিজ্ঞতা, ইচ্ছা, প্রবৃত্তি নিয়ে সাহিত্য গড়ে তুলতে পারেন। আমি তাঁদের ভালবাসি এবং এই দিক থেকেই তাঁদের উৎসাহ বরাবর দিয়ে এসেছি। যাদের বয়স হয়েছে, তাঁদের মন অল্প রকম হয়ে গেছে। যৌবন জিনিসটা আমরা নিজেরা পেরিয়ে গেছি। তাই যৌবনের অনেক রচনা হয়ত আজ পড়তেও ভাল লাগে না, লিখতেও পারি না। এই জ্ঞান মনে করি, বয়স যাদের কম, তাদের নূতন আকাঙ্ক্ষা, ইচ্ছা, প্রবৃত্তি ও তার সঙ্গে একটা শুদ্ধ মন নিয়ে সত্য সত্য সাহিত্য রচনা করবেন। সাহিত্যের উন্নতি করবেন। বাঙ্গলা ভাষার বড় জিনিস লিখে যাবেন, আন্তরিক চেষ্টা নিয়ে সাহিত্য রচনা করবেন। কিন্তু এক বৎসরের অভিজ্ঞতার ফলে আমার মন ঠিক অল্প রকম হয়ে গেছে। আমি দেখছি, আমি যাকে রস বলে বুঝি, তাদের ভিতর তার বড় অভাব। চোখ মেলে চাইলে অভাবই দেখতে পাওয়া যায়। একটা মানুষের হৃদয়বৃত্তির যত ভাগ আছে, তার একটা ভাগ যেন তাঁরা পুনরাবৃত্তি করে যাচ্ছেন, সে যেন আর থাকে না।

হু-তিনজন বন্ধু দেখা করতে এসেছিলেন। তাঁদিগকে জিজ্ঞাসা করলাম, তোমরা এটা করছ কেন ?

উত্তরে তাঁরা বললেন—এই জ্ঞান করছি, আমাদের আর ঝোপ নেই। আমরা যখন যা ভাবি, বা করি, যৌবনে যা প্রার্থনা করি, সেদিক থেকে রস-রচনা বা সাহিত্য রচনার উপযুক্ত ক্ষেত্র পাই না—এই বলে তাঁরা হুঃখ প্রকাশ করলেন।

আমি তাঁদের বললাম—কেবল একটা ব্যাপারে তোমরা বেদনা বোধ করছ। অনেক দিনের সংস্কার, অনেক দিনের সমাজ—এতে ক্রটি-বিচ্যুতি, অভাব-অভিযোগ অনেক থাকতে পারে। বেদনার কি আর কোন বস্তু

দেখতে পাও না ? মানব-জীবন, সমস্ত সংসার, এত পরাধীন জাতি, এ সব তো রয়েছে, এর বেদনা কি তোমরা অনুভব কর না ? আমরা সব চাইতে দরিদ্র, আমাদের মধ্যে শিক্ষার কত অভাব, সামাজিক ব্যাপারে কত ক্রটি আছে—এ সব নিয়ে তোমরা কাজ কর না কেন ? এর অভাব, বেদনা কি তোমাদের লাগে না ? এর জন্ত প্রাণটা কাঁদে না কি ? তোমাদের সাহস আছে, কিন্তু সাহস কেবল এক দিকে হ'লে চলবে না। যেটাকে তোমরা সাহস মনে করছ, আমি মনে করি সেটা সাহসের অভাব। এদিকে তো শাস্তির ভয় নেই, কেউ তোমাদের বিশেষ কিছু করতে পারবে না। যে দিকে শাস্তির ভয় আছে, সে দিকে সত্য সত্যই সাহসের দরকার। সেখানে তোমরা নীরব। লেখার শক্তি তোমাদের আছে স্বীকার করি, কিন্তু অল্প জিনিস তোমরা ধরলে না। পরাধীন দেশে কত রকম অভাব আছে—নানান দিকে আছে—এটা যেন তোমরা একেবারেই অস্বীকার করে চলেছ।

তার জবাব তাঁরা দিলেন—আমরা সাহিত্যিক মানুষ, সে সমস্ত সাহিত্যের দিক নয়। ওদিক দিয়ে আমরা পারি না, ইচ্ছাও করে না, অভিজ্ঞতাও নেই। কিছুক্ষণ পরে তাঁরা অহুযোগ করলেন—সাহিত্য ছেড়ে আমি যে ওদিকে যাচ্ছি, সেটা ভাল হচ্ছে না। (৩)

আমি তাঁদের বলেছিলাম—হয়ত সেটা সাহিত্যের ক্ষেত্র নয়। আমি দেখতে পাচ্ছি, আমার লেখা বন্ধ হয়ে গিয়েছে, স্তবরাং ওদিকে যাওয়া আমি ক্ষতি মনে করি না। আমি যদি ওদিকে একবার না যেতুম, তাহলে যত ক্ষতি হ'ত, গিয়ে যে ক্ষতি হয়েছে, তার তুলনায় তাকে ক্ষতি বলে মনে করি না। লাভ হউক, ক্ষতি হউক, আমার জীবন তো শেষ হয়ে এল। ছাই-ভস্ম যা হউক, কিছু লেখা রেখে গেছি। তোমরা সবেষাত্র আরম্ভ করেছ। এদিকটাকে অস্বীকার করো না। অস্ত্রান্ত দেশের যে দু-চারখানা বই পড়েছি, তাতে দেখেছি, এ জিনিসে তারা কখনও চোখ বুজে থাকে নি। এর জন্ত তারা অনেক সহ করেছে, অনেক শাস্তি ভোগ করেছে। তোমরা তাই কর না কেন ? তারা তা করবে কিনা, আমি জানি না।

এতগুলি তরুণ স্কুলের ছাত্র—যারা পড়ছে, সাহিত্য-চর্চা করছে, তাদের কাছে মুক্তকণ্ঠে বলব, তাদের হাত দিয়ে সাহিত্য যে খুব একটা উচু পর্দায় বা ধাপে উঠেছে তা নয়। রবীন্দ্রনাথ যত কড়া করে বলেছেন, ভেমন করে

বলবার শক্তি আমার নেই, থাকলে হয়ত তেমন করে বলতাম। সত্যই খারাপ হচ্ছে। এখন তাদের সংঘত হওয়া দরকার। আর রসবস্ত যে কি, বাস্তবিক কি হ'লে মাহুষ আনন্দ বোধ করে, মাহুষ বড় হয়, তার স্বদয়ের প্রসার বাড়ে—এ সব চিন্তা করা দরকার, ভাবা দরকার। আমি গল্প লেখার দিক থেকে বলছি, কবিতার দিক থেকে নয়। এক দিকে চলেছে। সংবাদপত্র—মাসিক—যখনই পড়ি, কেবল মনে হয়, একই কথার পুনরাবৃত্তি হচ্ছে।

এক বন্ধুর বাড়ীতে আমার নিমন্ত্রণ ছিল। অনেকগুলি তরুণী, বোধ হয় কুড়ি-পঁচিশ জন হবে, উপস্থিত ছিলেন। তাঁরা আমাকে বললেন—হুঃখের ব্যাপার এই—আমরা লিখতে জানি না, সেই জন্ত আমরা আমাদের প্রতিবাদ জানাতে পারি না। আজকাল যা হচ্ছে, তাতে আমরা লজ্জায় মরে যাই। কম বয়সের ছেলেরা হয়ত মনে করে, এসব জিনিস আমরা বুঝি ভালবাসি। আপনি যদি সুবিধা সুযোগ পান, আমাদের তরফ থেকে বলবেন—এ সব জিনিস আমরা বাস্তবিক ভালবাসি না। পড়তে এমন লজ্জা হয়, তা প্রকাশ করতে পারি না। প্রতিবাদ করে কিছু লিখলে, তারা গালিগালাজ আরম্ভ করবে, কটুক্তি বর্ষণ করবে—সে সব আমরা সহ্য করতে পারব না। সেই জন্ত সব সহ্য করে যাচ্ছি। বহু ছেলে আপনার কাছে যায়। আমাদের হয়ে এ কথা তাদের জানাবেন।

রাগের ওপর থেকে যে আমি বলছি, তা নয়। আমাকে যেন কেউ ভুল না করেন। ছেলেদের নূতন উৎসাহকে দমিয়ে দেবার ইচ্ছা করে যে এটা বলছি, তাও নয়। অনেকবার বলেছি, যৌবনের সাহিত্য আলাদা। সেটা ঠিক বুড়োদের মত হয় না। ১৭১৮১৯ বৎসর বয়সে আমি যা লিখেছি, আজ তা লিখতে পারি না, ইচ্ছাও হয় না, চেষ্টা করলেও সেই ভাব আসে না। বয়সের সঙ্গে সঙ্গেই অল্প দিকে হয়ত কিছু ভাল হতে পারে, কিন্তু ঠিক সে জিনিসটি যেন হতে চায় না। এই জন্ত অনেক বার বলেছি, ছেলেদের সাহিত্য-সৃষ্টি বুড়োদের চোখ দিয়ে দেখলে চলবে না। সে বয়সের মধ্যে নিজেকে কেলে দেখা দরকার।

আজ ৫৪ বৎসর বয়সে যা ভালবাসি, তার সঙ্গে মিলিয়ে হয়ত এঁদের লেখার অনেকখানি বুঝতে নাও পারি, মনে হতে পারে অপ্রয়োজনীয়, কিন্তু

তৎসঙ্গেও গত এক বৎসর তাঁদের বহু রচনা পড়ে, তাঁদের কিছু বলবার সুযোগটাই খুঁজছিলাম। সেই সুযোগ আজ পেয়েছি। আমি বলি—তঁারা সংযত হউন। সত্যিকার রসবস্ত কি, কিসে মানুষের হৃদয়কে বড় করে, সাহিত্য কি—এ সব তাঁরা ভেবে দেখুন। তাঁদের লেখবার ক্ষমতা আশ্চর্য রকম বেড়ে গেছে, প্রকাশ করবার ভঙ্গী বাস্তবিক আমাকে মুগ্ধ করে। লেখবার ভঙ্গী ও ভাষার দিক থেকে অভিযোগ করবার কিছুই নেই। সে দিক থেকে আমি নালিশ করি নি। অন্ত দিক থেকেই আমি বললাম। এটা আমার নিজের ভাল-মন্দ লাগার কথা নয়। তোমরা জানো, তরুণদের আমি বাস্তবিক ভালবাসি। তাদের সমস্ত চেষ্টায় আমি থাকি।

এইমাত্র যুব-সমিতির মিটিং(৪) করে এলাম। যথার্থ, বন্ধুভাবে আমি তাঁদের বলেছি—তঁারা সংঘের সীমা অনেকখানি উত্তীর্ণ হয়ে গেছেন। আজ রবীন্দ্রনাথের সেই কঠোর কথাটাই আমার বারম্বার মনে পড়ে। সেদিন অনেকেই মনে করলেন, যেন আমি তাঁর কথার পাণ্টা উত্তর দিতে গিয়েছিলাম। কিন্তু তা করি নি, কোনদিন করব বলে মনেও করি নি। সেদিন তাঁর কথা আমার না বললেও হ'ত। কারণ, অতখানি বোধ করি অত্যন্ত কঠোর ঠেকেছিল। মনে হয়েছিল, সত্য ছিল না। কিন্তু এক বৎসর পরে এ আর আমি বলতে পারি নে।

আজ মনে হয়, যতই এঁদের বিরুদ্ধে কথা উঠছে, ততই যেন এঁদের আক্রোশ বেড়ে চলেছে। অন্ততঃ আক্রোশের থেকে করছেন বলেই সন্দেহ হয়। মনে হয়, যেন তাঁরা বলছেন—বেশ করেছে, আরও করব। তোমরা বলছ, সে জ্ঞান আরও বেশী করে করব। একে কিন্তু সাহস বলে না। যেদিকে শান্তির ভয় আছে, সেদিকে যদি এই পরিমাণ সাহস দেখাতে তাঁরা পারতেন, তাহলে মনে করতাম, আর কিছু না থাক, অন্ততঃ সত্যিকার সাহস এঁদের আছে। অনেক সময় মনে হয়, জ্বিদের জ্ঞান করছে। এটাকে সাহস বলে মনে করি না। কিন্তু তা তো নয়, এ যেন 'বে-পরোয়া হয়ে কতটা যেতে পারি দেখিয়ে দিচ্ছি' জানানো।

তোমরা—যারা এখানে আছ, রাগ করে আমার কথা নিও না। এ সব আমি ভারি দুঃখের সঙ্গেই বলছি। বহুদিন সাহিত্য-চর্চা করে যা ভাল বুঝেছি তার থেকেই বলছি—সংযত হওয়া দরকার। তোমরা সীমা অতিক্রম করছে

—একটু-আধটু করেছ, তা নয়, অনেকখানি করেছ। একটু-আধটুর জায়গায় কোথাও কিছু হ'লে কিছু হ'ত না। একেজেরে তা একেবারে নয়। এ কথাই উত্তরে যদি তোমরা কেউ বল—আমিও তো এটা লিখেছি, রবীন্দ্রনাথও অমন লিখেছেন—হতে পারে আমরা লিখেছি। তাতে কিন্তু এ প্রমাণ হয় না যে, তোমরা ভাল কাজ করেছ।

স্নেহের সঙ্গে, আঁকার সঙ্গে, ভালবাসার সঙ্গে এবং তরুণ সাহিত্যিকদের মঙ্গল ইচ্ছা করে এ কথাগুলি বললাম। এই রকম সুবিধা ও অবসর কমই পাওয়া যায়। অনেকদিন ধরে বলব বলে মনে করেছিলাম। ভাল না লাগলেও কথা কয়টি বলে দিলাম।

আবার আপনাদিগকে ধন্যবাদ জানাচ্ছি। এক বৎসর যদি বেঁচে থাকি, আবার আসব। না থাকি তো ভালই হয়। অনেক সময় মনে হয়, যারা দীর্ঘজীবন কামনা করেন, তাঁরা বোধ হয়, ভাল কাজ করেন না। শরীর যখন অপটু হয়ে পড়ে, তখন আর ইচ্ছা হয় না, দিনের পর দিন, বৎসরের পর বৎসর জীর্ণ শরীর টেনে নিয়ে বেড়াই। ছুঃখভোগ যদি কপালে থাকে, আসছে বছর হয়ত আবার দেখা হবে।

[ (১) শ্রমনিবাসের চিঠিতে প্রকাশিত ছাত্রদের অভিনন্দন পত্রটিতে দেখা যাচ্ছে, ছাত্ররা বলেছিলেন—

‘হায় সাহিত্যিক, বাণীর কমল-কাননে আজ নিরুৎসাহ পেষণ চলিতেছে। হীন লাগসার ক্রমে তরুণ গল্পীর লেখনী ভরিয়া উঠিল।’

শরৎচন্দ্র সেদিন ছাত্রদের এই কথার প্রসঙ্গ নিয়েই তাঁর বক্তৃতাটি দিয়েছিলেন।



(২) ১৩৩৪ সালের প্রাৰণ মাসের 'বিচিত্রা' পত্রিকায় 'সাহিত্য ধর্ম' নামে রবীন্দ্রনাথের একটি প্রবন্ধ প্রকাশিত হয়। এরই উত্তরে ১৩৩৪ সালের আশ্বিন সংখ্যা 'বঙ্গবাণী'তে শরৎচন্দ্র 'সাহিত্যের রীতি ও নীতি' নামে একটি প্রবন্ধ লিখেছিলেন। ]

#### ৫৫তম জন্মদিনে

প্রেসিডেন্সী কলেজের 'বন্ধিম-শরৎ সমিতি' শরৎচন্দ্রকে তাঁর ৫৫তম জন্মদিনে অভিনন্দিত করবার আয়োজন করেছিলেন। কিন্তু শরৎচন্দ্র সেবার দেশের সঙ্কটময় পরিস্থিতিতে অভিনন্দন নিতে অসম্মত হয়েছিলেন। তবে তিনি অভিনন্দন না নিলেও সেদিন প্রেসিডেন্সী কলেজের সভায় এসে যোগ দিয়েছিলেন।

সেদিনকার সভার প্রসঙ্গে প্রেসিডেন্সী কলেজের ম্যাগাজিনে লেখা আছে—

“বিগত ৩১শে ভাদ্র প্রদ্যেয় ত্রিযুক্ত শরৎচন্দ্র চট্টোপাধ্যায় মহাশয়ের পঞ্চপঞ্চাশতম জন্মোৎসব উপলক্ষে তাঁহাকে সম্মিতির এক বিশেষ অধিবেশনে লইয়া আসা হইয়াছিল। বাঙ্গলার সর্বশ্রেষ্ঠ কথা-শিল্পীকে তাঁহার জন্মদিনে অভিনন্দিত করিবার ইচ্ছা ছিল, কিন্তু দেশের সঙ্কটকালে তিনি অভিনন্দন গ্রহণ করিতে অসম্মত হওয়াতে, সে সৌভাগ্য আমাদের হয় নাই।...”

অধ্যাপক ত্রিযুক্ত চারুচন্দ্র ভট্টাচার্য ছাত্রদের পক্ষ হইতে বলেন যে অভিনন্দন না লইয়া শরৎচন্দ্র আরও বেশী শ্রদ্ধা অর্জন করিয়াছেন।

ত্রিগৌরীনাথ ভট্টাচার্য বলেন—আমাদের মধ্যে তাঁর আসাতেই আমাদের প্রাণ সার্থক হয়েছে। দেশের হৃদিনে এসে তিনি যেন আমাদের কিছু শোনান।”

শরৎচন্দ্র সেদিন তাঁর ৫৫তম জন্মদিনে প্রেসিডেন্সী কলেজে যে ভাষণটি দিয়েছিলেন, তা হচ্ছে এই—

ছেলেরা যখন বললে যে, আপনার সঙ্গে বৎসরান্তে মিলে আনন্দ পাই, দেশের এই দুর্দিনে ব্যক্তিগত সম্মানে আমি কুণ্ঠিত হলেও—ছেলেদের ভালবাসা অস্বীকার না করতে পেরে বললুম, আমি যাব, কিন্তু বেশী আয়োজন করো না।

সভাপতি মশায় বললেন যে, ৫৫ বৎসরে চাকুরি জীবনে একটু মুক্তির স্বাদ পাওয়া যায়।

আমার জীবনে শক্তির যে বিশেষ ক্ষয় হয়েছে, তা বলে মনে হয় না। কিন্তু এমন দুঃসময় পড়েছে, নূতন কিছু দেওয়া বড় অনিশ্চিত। কিছুই জোর করে বলা যায় না। কালের গর্ভে যা আছে তাই হবে। আমার আশা আছে যে, এ দুর্দিন থাকবে না। যদি বৈচে থাকি এবং এ আধার যায়, ছেলেদের সব রকম ক্ষোভ আমি ঘুচিয়ে দেব। আজ কিছু গ্রহণ করতে কিছু আমি অক্ষম। ব্যক্তিগত সম্মানের দিন এ নয়—আনন্দের এ সময় নয়। মনের এই চঞ্চল অবস্থায় কিছু বিশেষ বলাও সম্ভব হবে না। এ সময়ও সে নয়।

আমার পুরাণো বন্ধুদের আমি ধন্যবাদ জানাচ্ছি, তাঁদের শুভাকাঙ্ক্ষার জন্তে। ছেলেদের বলি যে, যেন তারা ক্ষোভ না রাখে। দেশের কথা নতুন করে বলবার কিছু নেই, তবে দেশের কথা মনে করলে ব্যথা চাপতে পারি নে। আমার মনের কথা পরে আমি বলব। ছেলেদের বলি তাদের সাহিত্য-চর্চা অক্ষুণ্ণ থাক। না বলতে পারায় যে আমার কত কষ্ট, সে তোমরা বুঝে নিও।  
—‘ভারতবর্ষ’, কার্তিক ১৩৩৭।

[দেশের যে সঙ্কটময় অবস্থার জন্য শরৎচন্দ্র সেদিন অভিনন্দন নিতে অসম্মত হয়েছিলেন, দেশের তখনকার সেই সঙ্কট বা বিপদটা ছিল এই—

ভারতে ইংরাজ রাজত্বের আমলে কোনও ভারতীয়ের নিজের প্রয়োজনের

জন্ম সাক্ষাৎ হুণ তৈরি করার অধিকারও ছিল না। হুণ ছিল গবর্নমেন্টের নিজস্ব ব্যবসার জিনিস।

১৯৩০ খ্রিষ্টাব্দের ২রা মার্চ গান্ধীজী তাঁর সত্ৰসভা আশ্রম থেকে ৮৯ জন সঙ্গীসহ পদযাত্রা আরম্ভ করে বোম্বাই প্রদেশের সমুদ্র উপকূলে ডাণ্ডী নামক স্থানে যান। সেখানে গিয়ে সমুদ্র থেকে জল নিয়ে হুণ তৈরি করে গবর্নমেন্টের লবণ-আইন ভঙ্গ করেন।

গান্ধীজীর চাকে তখন দেশের সর্বত্রই লবণ-আইন ভঙ্গ শুরু হয়। এই লবণ-আইন ভঙ্গ থেকে লোকে ক্রমে বিলাতী দ্রব্য বর্জন, হাদক বর্জন প্রভৃতি আন্দোলনও শুরু করে।

আন্দোলন দমন করবার জন্য পুলিশ আন্দোলনকারীদের উপর লাঠি ও গুলি চালাতে থাকে এবং দলে দলে লোককে গ্রেপ্তার করে। সরকার সারা দেশের নেতৃবৃন্দকে গ্রেপ্তার করে এবং কংগ্রেস প্রতিষ্ঠানকেও বে-আইনী ঘোষণা করে।

দেশে যখন গান্ধীজীর নেতৃত্বে এইভাবে অহিংস আইন-অমান্য আন্দোলন চলছিল, ঠিক সেই সময়েই পূর্ব বাঙ্গালার চট্টগ্রামে একদল বিপ্লবী বাঙ্গালী যুবক মূর্খ সেনের নেতৃত্বে ১৯৩০ খ্রিষ্টাব্দের এপ্রিল মাসে চট্টগ্রাম অজ্ঞাগার লুণ্ঠ করে কয়েকদিনের জন্য সেখানে ‘স্বরাজ’ স্থাপন করেন। পরে ইংরাজ গবর্নমেন্ট সেখানে বহু সৈন্য ও পুলিশ নিয়ে গিয়ে সেই বিপ্লবীদের দমন করবার জন্য তাঁদের সঙ্গে সংগ্রাম করে এবং তাঁদের হত্যা ও ধরপাকড় শুরু করে।]

### ৫৬তম জন্মদিনে

১৯৩৮ সালের ৩১শে ভাদ্র তারিখে শরৎচন্দ্রের ৫৬তম জন্মদিনে প্রেসিডেন্সী কলেজের ‘বঙ্কিম-শরৎ সমিতি’ এক বিশেষ অধিবেশনে শরৎচন্দ্রকে অক্ষিসন্ধান জানিয়েছিলেন।

বঙ্কিম-শরৎ সমিতি ঐ ৩১শে জুলাই ( ১৭ই সেপ্টেম্বর ) তারিখের আগে ও পরে কয়েকটা অধিবেশনে শরৎ-সাহিত্য সম্বন্ধে আলোচনার ব্যৱস্থা করেছিলেন। ঐ অধিবেশনগুলি সম্বন্ধে ঐ সময়কার প্রেসিডেন্সী কলেজের ম্যাগাজিনে লেখা আছে—

“৭ই আগস্ট—

সমিতির প্রথম অধিবেশনে শ্রীযুক্ত সুবোধচন্দ্র সেনগুপ্ত ‘শেষপ্রায়’ সম্বন্ধে একটি স্টিমুলেট, স্থলিখিত এবং মনোজ্ঞ প্রবন্ধ পাঠ করেন।...

১৫ই সেপ্টেম্বর—

দ্বিতীয় অধিবেশনে অধ্যাপক শ্রীযুক্ত সোমনাথ মৈত্র বিশ্বকবি রবীন্দ্রনাথের ‘শরৎচন্দ্র’ শীর্ষক প্রবন্ধটি পাঠ করেন।...

৬ই অক্টোবর—

তৃতীয় অধিবেশনে ‘পথের পাঁচালী’র সুবিখ্যাত লেখক শ্রীযুক্ত বিজুতিজুর্জন বন্দ্যোপাধ্যায় ‘শরৎ-সাহিত্যে শিল্প-কৌশল’ নামে একটি চমৎকার প্রবন্ধ পাঠ করেন।...

৭ই সেপ্টেম্বর শরৎচন্দ্রের জন্মদিনে বঙ্কিম-শরৎ সমিতির বিশেষ অধিবেশনটি সম্বন্ধে প্রেসিডেন্সী কলেজের ম্যাগাজিনে লেখা আছে—

“১৭ই সেপ্টেম্বর—

সমিতির বিশেষ অধিবেশনে প্রদ্বৈয় শ্রীযুক্ত শরৎচন্দ্রের ৫৬তম জন্মতিথি উপলক্ষে শুভ জন্মোৎসবের আয়োজন হয়। ঐ উপলক্ষে সভাগৃহ প্রাচ্যরীতিতে সজ্জিত করা হইয়াছিল এবং সমিতির পক্ষ হইতে একটি রৌপ্যধারে সন্নিবিষ্ট রৌপ্য পুথির আকারে অভিনন্দনপত্র প্রদান করা হইয়াছিল।...

সভায় বহু বিশিষ্ট সাহিত্যিক এবং বহু সুপণ্ডিত অধ্যাপক আসিয়াছিলেন। শ্রী সি, ভি, রমণ একটি স্বরসিকতাপূর্ণ বক্তৃতা দ্বারা সকলের আনন্দ-বর্ধন করেন। বাজলার নটরাজ শিশিরকুমার ভাট্টা মহাশয় একটি আবৃত্তি করিয়াছিলেন এবং বাজলা দেশের বহু বিখ্যাত সঙ্গীতজ্ঞ গান গাইয়াছিলেন।”

সেদিন অভিনন্দনের উত্তরে শরৎচন্দ্র একটি ছোট লিখিত অভিনন্দন পাঠ করেছিলেন।

বঙ্কিম-শরৎ সমিতির ২য় অধিবেশনের ক্ষুদ্র প্রেরিত রবীন্দ্রনাথের ‘শরৎচন্দ্র’ প্রবন্ধটি ঐ সময় ইংরাজি ‘লিবার্টি’ কাগজে প্রকাশিত হয়েছিল। শরৎচন্দ্র লিবার্টিতে রবীন্দ্রনাথের ঐ প্রবন্ধটি পড়ে মূলতঃ তারই একটা দিক নিয়ে (বঙ্কিম-সাহিত্য) সেদিন অভিভাষণটি দিয়েছিলেন।

শরৎচন্দ্রের সেই লিখিত অভিভাষণটি তাঁর ‘স্বদেশ ও সাহিত্য’ গ্রন্থে মুদ্রিত হয়েছে। ঐ গ্রন্থে শরৎচন্দ্রের এই অভিভাষণটির পাদটীকায় ভুলক্রমে প্রেসিডেন্সী কলেজে শরৎচন্দ্রের ৫৫তম জন্মদিনের অভিভাষণ লেখা আছে। ফলে ঐ দেখে, সকলেই এই অভিভাষণটি শরৎচন্দ্রের ৫৫তম জন্মদিনের অভিভাষণ বলে লিখে যাচ্ছেন।

প্রেসিডেন্সী কলেজের ম্যাগাজিনে দেখছি, শরৎচন্দ্র তাঁর ঐ লিখিত অভিভাষণ পড়ার পর, আলোচনা-প্রসঙ্গে মুখে কিছু বলেওছিলেন। এ সম্বন্ধে ম্যাগাজিনে লেখা আছে—

“শরৎচন্দ্র অভিনন্দনের যথাযোগ্য উত্তর প্রদানের পর, আলোচনা-প্রসঙ্গে বলেন—তাঁদের (আধুনিক সাহিত্যিকদের) মনে রাখা প্রয়োজন, সাহিত্য রচনায় আর যাই কেন না হোক, শ্রীলতার, শোভনতার রুচি ও মার্জিত মনের রসোপলব্ধিকে অকারণ দান্তিকতায় বারম্বার আঘাত করতে থাকলে বাঙ্গলা সাহিত্যের যত ক্ষতিই হোক, তাদের নিজেদের ক্ষতি হবে তার চেয়েও অনেক বেশী। সে আত্মহত্যারই নামান্তর।”

## একটি পারিতোষিক বিতরণী সভায়

শরৎচন্দ্র তখন হাওড়া জেলা কংগ্রেস কমিটির সভাপতি। তাই তখন হাওড়া জেলার সব জায়গারই কংগ্রেস কর্মীদের সঙ্গে তাঁর যোগাযোগ ছিল।

সেই হিসাবে হাওড়া জেলার ডোমজুড় অঞ্চলের দক্ষিণ ঝাঁপড়দহের কংগ্রেস কর্মী শিবপ্রসাদ মুখোপাধ্যায়, আশুতোষ ভট্টাচার্য প্রভৃতির সঙ্গে তাঁর বিশেষ পরিচয় ছিল।

শিবপ্রসাদবাবু এবং আশুবাবু এঁরা ঐ সময় এঁদের গ্রামের একটি বালিকা বিদ্যালয়ের পরিচালক সমিতির সদস্য ছিলেন।

১৯২৫ খ্রীষ্টাব্দে শরৎচন্দ্র একবার এই শিবপ্রসাদবাবু ও আশুবাবুর অনুরোধে এঁদের গ্রামের ঐ বালিকা বিদ্যালয়ের পারিতোষিক বিতরণী সভায় সভাপতিত্ব করতে গিয়েছিলেন।

শিবপ্রসাদবাবু বলেন—সেই পারিতোষিক বিতরণী সভায় আমরা গান, বাজনা, আবৃত্তি প্রভৃতির আয়োজন করেছিলাম। একটি ছোট ছেলেকে দিয়ে সেদিন ঐ সভায় আমরা স্বভাবকবি গোবিন্দচন্দ্র দাসের ‘স্বদেশ’ কবিতাটি আবৃত্তি করিয়েছিলাম।

পর্যায়ীন ছিলাম বলে, ঐ কবিতাটি তখন আমাদের খুব প্রিয় ছিল। কবিতাটি তখন আমাদেরও মুখস্থ ছিল। এমনকি সেই কবিতার প্রথম দিকের অনেকগুলো লাইন আজও আমার মনে আছে। যেমন—

স্বদেশ স্বদেশ কর্ছ কারে ? এদেশ তোমার নয় ;—

এই যমুনা-গঙ্গা নদী, তোমার ইহা হ’ত যদি

পরের পণ্যে গোরা সৈন্তে জাহাজ কেন বয় ?

গোলকুণ্ডা হীরার খনি, বর্ষা ভরা চুণি ষণি,

সাগর হেঁচে মুক্তা বেছে পরে কেন লয় ?

স্বদেশ স্বদেশ কর্ছ কারে, এদেশ তোমার নয়।

এই যে ক্ষেতে শস্ত ভরা, তোমার ত নয় একটি ছড়া,

তোয়ার হ'লে তাদের দেশে চালানি কেন হয় ?  
 তুমি পাওনা একটি মুষ্টি, মরছে তোয়ার সপ্তগোষ্ঠি  
 তাদের কেমন কান্দি পুষ্টি—জগৎ ভরা জয় ।  
 তুমি কেবল চাকের মালিক, গ্রাসের মালিক নয় ।

শিবপ্রসাদবাবু আরও বলেন—সেদিন সেই ছেলেটির ‘স্বদেশ’ কবিতাটি আবৃত্তি খুবই সুন্দর হয়েছিল ।

শরৎচন্দ্র ছেলেটির আবৃত্তি শুনে তার খুব প্রশংসা করেছিলেন এবং সেদিন তিনি তাঁর বক্তৃতাটি ঐ ‘স্বদেশ’ কবিতার উপর ভিত্তি করেই দিয়েছিলেন । আজও আমার বেশ মনে আছে, শরৎচন্দ্র সেদিন তাঁর বক্তৃতায় বলেছিলেন—

‘স্বদেশ’ এই কথাটির অর্থ স্কুলের ছোট ছোট ছেলে-মেয়েদের ভাল করে বোঝান দরকার । এই বয়স থেকেই তাদের মনে স্বদেশীভাব বা স্বদেশের জন্ত প্রেরণা এনে দেওয়া উচিত । এ কাজের দায়িত্ব গৃহে যেমন অভিভাবক-দের, স্কুলে তেমন শিক্ষক মশায়দের । যাঁরা স্কুল পরিচালনা করেন, তাঁদেরও এ বিষয়ে কর্তব্য আছে । তাঁরা দেখবেন, ছাত্রছাত্রীরা শিক্ষার মধ্য দিয়ে দেশপ্রেমে উদ্বুদ্ধ হচ্ছে কিনা । যদি হয়, তাহ'লে বুঝতে হবে, তাদের শিক্ষা সার্থক হচ্ছে ।

## দেশবন্ধু স্মৃতি-সভায়

দেশবন্ধু চিন্তনদর্শন দাশের মৃত্যু হয় ১৯২৫ খ্রীষ্টাব্দের ১৬ই জুন তারিখে। তাঁর মৃত্যুতে কিছুদিন ধরে দেশের নানা স্থানে যখন শোকসভা হচ্ছিল, সেই সময় হাওড়া জেলার বালি শহরেও একটি বড় দেশবন্ধু স্মৃতি-সভা হয়েছিল। সেই সভায় সভাপতি হয়েছিলেন শরৎচন্দ্র।

বালির রিভারস্ টেমসন স্কুলে (বর্তমান নাম শান্তিরাম বিদ্যালয়) দু-তলার রিপণ হলে ঐ সভা হয়েছিল।

সভার অগ্রতম উদ্বোধক বালির রতনমণি চট্টোপাধ্যায় (পরবর্তীকালের বিখ্যাত গান্ধীবাদী ও গান্ধীজীর ‘হরিজন’ পত্রিকার বান্ধলা সংস্করণের সম্পাদক) সেদিনের ঐ সভার সম্বন্ধে বলেন—

সভায় স্থানীয় গণ্যমান্য অনেকেই দেশবন্ধু সম্বন্ধে বক্তৃতা করেছিলেন। আমি দেশবন্ধু সম্বন্ধে একটি ছোট প্রবন্ধ পড়েছিলাম। আমার প্রবন্ধটি শুনে শরৎচন্দ্র আমায় ডেকে বলেছিলেন—লেখা ভাল হয়েছে।

শরৎচন্দ্র ঢালা ফরাসের উপর বসে সভাপতির অভিভাষণে, কথাবার্তা ও আলোচনার ভঙ্গীতে দেশবন্ধুর দেশসেবা ও ত্যাগ সম্বন্ধে কয়েকটি কথা বলেছিলেন। সে সব কথা আজ আর মনে নেই। তবে দেশবন্ধুর সম্বন্ধে শরৎচন্দ্রের সেদিনের একটি কথা আজও আমার হৃদয়ে জাগরুক হয়ে রয়েছে। সে কথাটি হচ্ছে এই—

শরৎচন্দ্র বলেছিলেন—‘একদিন দেশবন্ধুর বাড়ীতে গিয়ে দেখি, তিনি ভাল মেখে, শুধু নারকেল ভাজা দিয়ে ভাত খাচ্ছেন। আর কোনও তরকারি নেই। এই দেখে আমি অত্যন্ত ব্যথিত হয়ে তাঁকে বললাম—আপনি নিজের একি দশা করেছেন।

দেশবন্ধু বললেন—শরৎবাবু, আমি তো ভাল ও নারকেল ভাজা দিয়ে ভাত খাচ্ছি। আমাদের দেশের অনেকের যে তাও জোটে না।

উত্তরে আমি আর কি বলব। চূপ করে রইলাম।’



দেশবন্ধু স্বাভি-সভার পর স্থানীয় 'বালি সাধারণ পাঠাগারে'র পরিচালক-বর্গের অহুরোধে শরৎচন্দ্র সেই পাঠাগারটি দেখতে যান। সেখানে কিছুক্ষণ বসেন ও কথাবার্তা বলেন।

শেষে আসার সময় শরৎচন্দ্র গ্রন্থাগারিকের অহুরোধে গ্রন্থাগারের একটি খাতায় নিম্নলিখিত কথা কয়টি লিখে দিয়ে আসেন—

আজ এই পাঠাগার দেখিয়া আমি অতিশয় তৃপ্তি লাভ করিলাম। প্রার্থনা করি ইহার উত্তরোত্তর উন্নতি হোক। ইতি—

৭ই আষাঢ়, ১৩৩২

শ্রীশরৎচন্দ্র চট্টোপাধ্যায়

শরৎচন্দ্রের এই লেখাটি 'বালি সাধারণ পাঠাগারে'র সেই খাতায় আজও রয়েছে।

## রামমোহন স্মৃতি-সভায়

১৯৩১ খ্রীষ্টাব্দের ২৭শে সেপ্টেম্বর তারিখে কলকাতায় রামমোহন লাইব্রেরীতে রাজা রামমোহন রায়ের ৯৮তম মৃত্যু দিবস উপলক্ষে রামমোহন স্মৃতি-সভা হয়।

ঐ সভার আগের দিন ২৬শে সেপ্টেম্বর শনিবার তারিখে ‘আনন্দবাজার পত্রিকা’য় যে সংবাদটি প্রকাশিত হয়েছিল, তা এই—

### “রামমোহন স্মৃতি-বার্ষিকী

আগামী ২৭শে সেপ্টেম্বর রবিবার সন্ধ্যা ৫।০ টার সময় রামমোহন লাইব্রেরী হলে রাজা রামমোহন রায়ের অষ্টনবতিতম স্মৃতি সভা হইবে।

সভাপতি—শ্রীযুক্ত শরৎচন্দ্র চট্টোপাধ্যায়।

বক্তাগণ—ডাঃ নরেশচন্দ্র সেনগুপ্ত, শ্রীযুক্ত হুয়েন্দ্রনাথ সেন, শ্রীযুক্ত জ্যোতির্ময়ী গাঙ্গুলী, মৌলবী ওয়ায়েদ হোসেন, শ্রীযুক্ত ক্ষিতীশপ্রসাদ চট্টোপাধ্যায়, শ্রীযুক্ত ক্ষিতীন্দ্রনাথ ঠাকুর, ডাঃ কালিদাস নাগ।

সর্বসাধারণের উপস্থিতি প্রার্থনীয়।”

সেদিন ঐ সভায় শরৎচন্দ্র তাঁর বক্তৃতায় বলেছিলেন—

আমি বক্তা নই। বক্তৃতা আমি দিতে পারি না। কিছু লিখতে হয়ত পারি। সভার আরম্ভে সভার উদ্বোধনাদের একজন আমার পরিচয় দিতে উঠে বলেছেন—আমার গল্প নাকি আপনাদের ভাল লাগে। যাই হোক, আমার গল্প যখন আপনাদের ভাল লাগে, তখন আপনাদের একটা গল্পই শোনাই—

আমি এখন পাড়ারগাঁয়ে বাস করি। সেখানে আমার একটা মাটির বাড়ী আছে। বাড়ীটা দুতলা। ঐ গ্রামের অধিকাংশ লোকই দরিদ্র। তাই তাদের যদি কিছু উপকার করতে পারি, এই ভেবে আমি সেখানে হোমিওপ্যাথি চিকিৎসা করে থাকি। চিকিৎসার্তা অবশ্য বিনা পরিশ্রমেই।

একদিন রাত্রে আমি আমার ঐ বাড়ীর ছুতলার ঘরে শুয়ে আছি। রাজি তখন তিনটে সাড়ে তিনটে হবে। ঘুম ভেঙে গেছে, তন্দ্রাচ্ছন্ন হয়ে পড়ে আছি। এমন সময় হঠাৎ স্তনতে পেলাম, কে যেন আমার বাড়ীর উঠান থেকে চীৎকার করে আমাকে ডেকে বলছে—দাদাঠাকুর! আমার ছেলের কলেরা হয়েছে, তাকে বাঁচান!

এই স্তনে আমি তখনই ঘুম জড়ানো চোখে উঠে পড়লাম। উঠে অন্ধকারে দরজাটা খুঁজতে গিয়ে একবার হাত পড়ল ঘরের বাস্তুগুলোর উপর, একবার টেকিলটার উপর, একবার দেওয়ালের পায়ে। এইভাবে হাতড়াতে লাগলাম। যে লোকটা ডাকতে এসেছিল, সে এমনি সময়ে তার হাতের ছারিকেনটা উচু করে ধরায় আলোর একটা ছটা খোলা জানালা দিয়ে ঘরে এল। তখন সেই আলোর ছটায় আমি দরজা খুঁজে পেলাম ও বেরিয়ে এলাম।

রাজা রামমোহনেরও হয়েছিল অনেকটা এই আমারই মতন অবস্থা। কেন না, তিনি ধর্ম জগতে ধর্মগুরু হয়ে দেখা দেওয়ার আগে একবার শিক্ষা-সংস্কারে, একবার সমাজ-সংস্কারে, একবার রাজনীতি নিয়ে আমার সেই সেদিনের অবস্থার মতই হাতড়েছিলেন। তারপর ধর্মের আলোর ছটা যখন তিনি দেখতে পেলেন, তখন তিনি অতি সহজেই ধর্মজগতে বেরিয়ে এলেন।

## কর্মীসংঘ

শরৎচন্দ্র হাওড়া জেলা কংগ্রেসের সভাপতি হিসাবে কংগ্রেসের অহিংস সংগ্রামে বিশ্বাসী থাকলেও, তখনকার বিপ্লবী দলের সঙ্গেও তিনি ঘনিষ্ঠভাবে যোগাযোগ রেখে চলতেন। এমন কি তিনি এঁদের রীতিমত অর্থ সাহায্যও করতেন।

শরৎচন্দ্রের সম্পর্কীয় মাতুল বিপ্লবী বিপিন বিহারী গাঙ্গুলী, বিপ্লবী অমরেন্দ্র নাথ চট্টোপাধ্যায় প্রভৃতি কয়েকজন মিলে হুগলী জেলার উত্তরপাড়ায় ‘কর্মীসংঘ’ নামে একটি গুপ্ত বিপ্লবী দল গঠন করেছিলেন।

১৯২৬ খ্রীষ্টাব্দের কথা। অমরবাবু পুলিশের হাতে ধরা পড়ে কিছুদিন কারাভোগের পর সেই মাত্র জেল থেকে বেরিয়েছেন। বিপিনবাবু পুলিশের চোখকে ফাঁকি দিয়ে তখনও আত্মগোপন করে লুকিয়ে বেড়াচ্ছেন।

ঐ সময় অমরবাবু তাঁদের কর্মীসংঘের এক সভায় শরৎচন্দ্রকে নিয়ে যান। অমরবাবুর বাড়ী ছিল এই উত্তরপাড়াতেই।

শরৎচন্দ্রের সঙ্গে সেদিন কাজী নজরুল ইসলামও কর্মীসংঘের সভায় গিয়েছিলেন। কাজী নজরুল সভায় কয়েকটা দেশাত্মবোধক গান গেয়েছিলেন।

শরৎচন্দ্র সেদিন সভায় যে বক্তৃতা দিয়েছিলেন, সে সম্বন্ধে সেদিনকার সভায় উপস্থিত কর্মীসংঘের অগ্রতম সদস্য উত্তরপাড়ার প্রভাতকুমার মুখোপাধ্যায় বলেন—

শরৎচন্দ্র প্রথমেই বললেন—আমি বক্তা নই। বক্তৃতা দিতে পারি না। তবে যখন এসেছি, তখন দু-একটা কথা যা পারি বলব।

সভায় একজন আমার সাহিত্য-সাধনা সম্বন্ধে কয়েকটা কথা বললেন। তাই এখানে রাজনীতির কথা কিছু না বলে, আমার সাহিত্যের কথাই দু-একটা বলি। রাজনীতির কথা আপনাদের কাছে আমি আর কি বলব?

আমি আমার কয়েকটা বই-এর শেষ দিকটা আগে লিখেছিলাম। পরে প্রথমটা লিখি। এ আমার একটা অভ্যাস আছে।

আর একটা কথা। আমি আমার বইএ সমস্তার জট পাকাই বটে, তবে ঘটনার মধ্য দিয়েই সে জট কাটিয়ে দিই। জলধরদার (ভারতবর্ষ-সম্পাদক) যত দৈব ঘটনার দ্বারা সমস্তার সমাধান করি না।

জলধরদা একবার তাঁর এক উপস্থাসে এমন জট পাকিয়ে ফেললেন যে, শেষ পর্বন্ত আর জট ছাড়াতে না পেরে, সাপের কামড়ে একজনের মৃত্যু ঘটিয়ে সমস্তার সমাধান করলেন। দাদার সঙ্গে দেখা হ'লে, জিজ্ঞাসা করলাম—দাদা, এটা কি হ'ল ?

তিনি বললেন—কেন, সাপে কি কাউকে কামড়ায় না ? সাপের কামড়ে কি লোক মরে না ?

আর একটা কথা বলব। আমি কিছুদিন আগে ঢাকায় মুন্সীগঞ্জে সাহিত্য সম্মিলনে গিয়েছিলাম। সেখানে এক ফাঁকে কয়েকজন আমার কাছে এসে বললে—আপনার লেখা পড়লে আমরা বেশ বুঝতে পারি, কিন্তু রবিবাবুর লেখা তেমন বুঝতে পারি না।

তারা হয়ত ভেবেছিল—এই ভাবে রবীন্দ্রনাথের নিন্দা ক'রে আমার প্রশংসা করলে, আমি খুশী হব। কিন্তু আমি তাদের বললাম—সে তো হবেই, কারণ আমি লিখি আপনাদের জন্ত, আর তিনি লেখেন আমাদের জন্ত। সেই জন্তই আপনারা তাঁর লেখা বুঝতে পারেন না।(১)

[ (১) শরৎচন্দ্র সেদিন উত্তরপাড়ায় যে সব কথা বলেছিলেন, সেই কথাগুলি তিনি আগে এবং পরেও কয়েকবার কয়েক জায়গায় বলেছিলেন। যেমন—উপস্থাসের শেষাংশ আগে লেখার কথা নিয়ে তিনি সুরেন্দ্রনাথ গঙ্গোপাধ্যায়ের সঙ্গে আলোচনা করেছেন। এই গ্রন্থের ৪২ পৃষ্ঠা উঠব্য।

সাপের কামড়ে মৃত্যু ঘটিয়ে জলধর সেনের সমস্তার সমাধান করার কথা তিনি 'প্রচারকে' তাঁর এক প্রবন্ধে প্রসঙ্গক্রমে লিখেছিলেন। 'পরিচয়'

পত্রিকায় প্রকাশিত দিলীপকুমার রায়কে লেখা রবীন্দ্রনাথের ‘সাহিত্যের যাত্রা’ নামক পত্রের প্রতিবাদে শরৎচন্দ্র ঐ প্রবন্ধটি লিখেছিলেন।

রবীন্দ্রনাথ আমাদের জন্ত লেখেন—এ কথাটা তিনি বহুবারই বহুজনের কাছে বলেছেন। ১৩৩৩ সালে কানপুরে অনুষ্ঠিত প্রবাসী বঙ্গ সাহিত্য সম্মিলনে শরৎচন্দ্রের সভাপতি হয়ে যাওয়ার কথা ছিল (শেষ পর্যন্ত যান নি)। এই সম্পর্কেই সত্যেন্দ্রপ্রসাদ বসু নামে এক ব্যক্তি একদিন শরৎচন্দ্রের সাহিত্যবেড়ের বাড়ীতে গেলে, সেদিন তাঁকেও তিনি কথা-প্রসঙ্গে এই কথা বলেছিলেন। ১৩৩৩ সালের জ্যৈষ্ঠ সংখ্যা ‘কল্লোলে’ সত্যেন্দ্রবাবু এক প্রবন্ধে এ সম্বন্ধে লিখেছেন—

শরৎচন্দ্র বললেন—

“হাওড়া কি অল্প কোথায় ঠিক মনে নেই, একটা ছোট মতন সাহিত্য সম্মিলনে আমাকে একজন বললেন, আপনি যা লেখেন, তা বুঝতে আমাদের কোন কষ্ট হয় না, আর বেশ ভালও লাগে। কিন্তু রবিবাবুর লেখার মাথামুণ্ডু কিছুই বুঝতে পারি না—কি যে তিনি লেখেন, তা তিনিই জানেন।—ভদ্র-লোকটি ভেবেছিলেন, তাঁর এই কথা শুনে নিজেকে অহঙ্কৃত মনে করে আমি খুশী হব।—আমি উত্তর দিলুম—রবিবাবুর লেখা—তোমাদের তা বুঝবার কথা নয়। তিনি তো তোমাদের জন্তে লেখেন না। আমার মত যারা গ্রন্থকার তাদের জন্তে রবিবাবু লেখেন। তোমাদের মত যারা পাঠক, তাদের জন্তে আমি লিখি।”]

## প্রবর্তক সংঘ

মতিলাল রায় প্রতিষ্ঠিত চন্দ্রনগরের ‘প্রবর্তক সংঘ’ ১৩০৭ সালে তাঁদের ৮ম বার্ষিক অক্ষয় তৃতীয়া উৎসবে শরৎচন্দ্রকে নিয়ে যান। সেদিন প্রবর্তক সংঘ শরৎচন্দ্রকে অভিনন্দন জানালে, শরৎচন্দ্র তাঁর উত্তরে বলেছিলেন—

আমার অনেক দিন থেকে প্রবর্তক সংঘে আসবার কল্পনা ছিল; কিন্তু শরীর অসুস্থ থাকায় ও নানা কাজের ভিড়ে কখনও আসতে পারি নি। তখন তবু কাছে (বাজে শিবপুরে) ছিলাম, এখন তো অনেক দূরে (সামতাবেড়ে) চলে গেছি। এঁদের কাছ থেকে প্রতিবারই আস্থান পেয়েছি—কোন বারই আসতে পারি নি। এইবার এসেছি।

আজ প্রবর্তক সংঘ যে অভিনন্দন দিলেন, বিনয় করে যদি বলি—এর কোনও দাবী আমার নেই, সেটা সত্য কথা হবে না। সাহিত্য-সেবা করে বঙ্গবাসীকে কিছু দান করেছি, তার জন্য দাবী একটা আছে। শক্তির চেয়ে বড় পুরস্কারই পেলাম। সেইটা হুহাত পেতে নিলাম।

আমার এই ক্ষেত্রে কিছু বলা দরকার—কিন্তু বলবার শক্তি ভগবান আমাকে একেবারে দেন নি। সকলে বোধ হয়, আমার কথা শুনতেও পাচ্ছেন না। এ সম্বন্ধে আপনারা কিছু আশাও করবেন না।

আমার একমাত্র বলবার বিষয় এই যে, অল্প সময়ের মধ্যে এখানে এসে যা দেখলাম, তা আমাকে বড় আনন্দ দিয়েছে। এঁদের মূল কথা এই—মাহুষকে মাহুষ করে তোলা। ভারতবর্ষ—ভারতবর্ষের লোকেরা অত্যন্ত হীন হয়ে পড়েছে। এঁদের উদ্দেশ্য—ভারতকে সেই হীনতা থেকে রক্ষা করা। ধর্মের দিক দিয়ে, নীতির দিক দিয়ে, শিল্পের দিক দিয়ে যে ভারতবর্ষ একদিন বড় ছিল, তাকে পুনর্বার প্রতিষ্ঠিত করার জন্য মতিবাবু এই আশ্রমকে প্রতিষ্ঠিত করেছেন। যারা এই আশ্রমের কাজে নিযুক্ত আছেন—বিশেষ করে মতিবাবু—তাঁরা আমার চেয়ে বেশী জানেন, কি করে এই উদ্দেশ্য সফল করা যেতে পারে। তিনি যৌবন থেকে এই কর্মে ব্রতী। বহুদিন নানা কর্মের মধ্যে

থেকে, অনেক ভেবে ভেবে যে যে উপায় তিনি নিজের বুদ্ধিমত্তা আবিষ্কার করেছেন, সেইটা কাজে লাগিয়ে তাঁর স্বপ্ন সফল হোক। আমার প্রার্থনা—আমি বেঁচে থাকতেই যেন তা দেখে যেতে পাই।

আর একটি কথা। দেখছি, আজকের প্রতি এখানকার লোকের সহানুভূতি আছে। তাঁরা ভালওবাসেন। আমি এই প্রার্থনা করি—সকলে মিলে যেন এই প্রতিষ্ঠানকে সার্থক ও জয়যুক্ত করতে পারেন।

৭টা বাজে, আমার ঘাবার সময় হ'ল। সাহিত্য-সভা হ'লে কিছু হয়ত বলতে পারতাম। মতিবাবুকে আশীর্বাদ করছি। আজ পরমানন্দ নিয়ে বাড়ী চললাম। আমি বলতে কিছু পারি না, মামুলী কিছু একটা বলবার কথা—তাই কিছু বললাম। বলবার শক্তি ভগবান আমাকে দেন নি। একটা কথা বলে গেলাম—এখানে বা আর কোথাও যদি একটা সভা হয় তা হ'লে এবার কিছু লিখে নিয়ে আসবো। তাই পড়ে আপনাদের শোনাব। আজ এই পর্যন্ত। (‘প্রবর্তক’—বৈশাখ ১৩৩৭)



## বেলুড় মঠে

শরৎচন্দ্রের রেজুনের বন্ধু গিরীন্দ্রনাথ সরকার তাঁর ‘ব্রহ্মদেশে শরৎচন্দ্র’ গ্রন্থে লিখেছেন—

“১৯৩২ খ্রীষ্টাব্দে স্বামী বিবেকানন্দের জন্মোৎসবের দিন বেলুড় মঠ প্রাঙ্গণে একটি সাধারণ সভা আহূত হয়। ঐ সভায় রাষ্ট্রপতি স্বভাষচন্দ্র বসু সভাপতির আসন গ্রহণ করেন। শরৎচন্দ্র স্বভাষবাবুর সহিত একত্রে আসিয়া তাঁহার পাশেই বসিয়াছিলেন। আমি তাঁহাদের নিকটে বসিয়া শরৎচন্দ্রের সহিত কথাবার্তা কহিতেছিলাম। এই সময় উপস্থিত ভদ্রমণ্ডলী শরৎচন্দ্রের বক্তৃতা শুনিবার জন্য আগ্রহ প্রকাশ করিয়া সভাপতিকে অমুরোধ করিলে শরৎচন্দ্র আমাকে দেখাইয়া স্বভাষবাবুকে বলেন—এই গিরীনবাবু, আমার রেজুনের পরমবন্ধু ও ভূ-পর্ষটক, বেশ বক্তৃতা করিতে পারেন।

তখন সভাপতি মহাশয় আমাকে উদ্দেশ্য করিয়া বলিলেন—আশা করি আজিকার এই সভায় ভূ-পর্ষটক গিরীনবাবু স্বামীজীর সম্বন্ধে কিছু বলিবেন।

আমি সভাপতি মহাশয় কর্তৃক আদিষ্ট হইয়া স্বামীজী সম্বন্ধে একটি ক্ষুদ্র বক্তৃতা করিয়াছিলাম।

আমার বক্তৃতা শেষ হইলে সভাস্থ সকলের অমুরোধে শরৎচন্দ্র ধীরে ধীরে গাত্ৰোত্থান করিয়া বলিলেন—

শ্রদ্ধেয় সভাপতি মহাশয়, সমবেত সন্ন্যাসীবৃন্দ ও ভদ্রমহোদয়গণ! সকলেই জানেন, আমি বক্তা নই। বক্তৃতা আমি কোনদিনই দিতে পারি না। আমাকে বক্তৃতা করতে অমুরোধ করা বিড়ম্বনা মাত্র। এটি ধর্মসভা, কিন্তু আমি ধার্মিক নই, কোনদিন ধর্মচর্চা করিনি। সে কথা আমার লেখার মধ্যে চাইলেই আপনাদের চোখে পড়বে। মঠের সন্ন্যাসীদের কাজকর্মের উপর আমার বিশেষ আস্থা নাই। মঠের কার্যাবলীর বিরুদ্ধে অনেকের মুখে অনেক কথা শুনতে পাই—সেগুলোকে মনে করে বেশ সাজিয়ে শুছিয়ে বলতে হ’লে অনেক সময় লাগবে, আর তার দরকারও নাই। আমার বিশ্বাস

উপস্থিত মঠের কাজগুলি ঠিক পরমহংসদেবের ভাবানুযায়ী বা স্বামী বিবেকানন্দের আদর্শানুযায়ী কিছু হচ্ছে না।”

গিরীনবাবু এরপর লিখেছেন, বেলুড় মঠের স্বামী বিজয়ানন্দ, শরৎচন্দ্রের এই বক্তৃতার প্রতিবাদ করে সেদিন বলেছিলেন—শরৎবাবুর অহঙ্ক স্বামী বেদানন্দ রামকৃষ্ণ মিশনের সন্ন্যাসী সম্প্রদায়ভুক্ত ছিলেন, তবুও শরৎবাবুর মত প্রতিভাবান লেখক এই মঠ ও মিশনের আভ্যন্তরীণ কার্যকলাপ না জেনে এরূপ বলায়, আমরা বড়ই দুঃখিত।

বেলুড় মঠে শরৎচন্দ্রের সেদিনের ঐ বক্তৃতাটি সম্বন্ধে শরৎচন্দ্রের স্নেহান্বিত সাহিত্যিক আশীষ গুপ্ত বলেন—

“শরৎচন্দ্রের মুখে ঐ সভার কথা আমি একাধিকবার শুনেছি। তিনি বলতেন—স্বভাষ একরূপ জোর করেই আমাকে বেলুড় মঠে নিয়ে যায়। অবশ্য মঠের সন্ন্যাসীদের আগ্রহেই সে আমাকে নিয়ে গিয়েছিল।

আমি স্বভাষকে বলেছিলাম—আমি তো গিয়ে উঠোঁ কথা বলব! আমাকে কেন নিয়ে যাচ্ছ?

স্বভাষ বলেছিল—তা হোক, তাঁরা বলেছেন, আপনি গিয়ে তাঁদের তিরস্কার করলেও, তাঁরা শুনবেন।

এরপর আর কি বলি! স্বভাষের কথাও এড়াতে পারি না। অগত্যা গেলাম। গিয়ে মঠের সন্ন্যাসীদের উদ্দেশ্য করে বলেছিলাম—আপনারা এখন আর রামকৃষ্ণদেব বা স্বামী বিবেকানন্দের আদর্শ অনুযায়ী কার করছেন না।

আমি যখন এই কথা বলি, তখন দেখলাম—স্বভাষ যেন একটু অস্বস্তি বোধ করছে এবং আমাকে নিরস্ত করবার জন্য আমার জামার খুঁট ধরে টানছে।

আমার বলা শেষ হওয়ার সঙ্গে সঙ্গেই স্বভাষ উঠে দাঁড়িয়ে সন্ন্যাসীদের বললে—মিশনের কাজে আরও প্রেরণা ও উৎসাহ আনবার জন্যই শরৎবাবু আপনাদের এই কথাগুলো বললেন। অল্প কিছু ভেবে বলেন নি।

আমি তখনই আবার দাঁড়িয়ে স্বভাষের কথার প্রতিবাদ করে বললাম—না, না, স্বভাষ। আমি বা বলেছি, তা ঠিকই বলেছি। ওর মধ্যে আর অল্প কোন অর্থ নেই। আমি পরিষ্কারই বলেছি।

এরপর অবশ্য স্বভাষ আর কিছু বলল না।”

## লাহোরে অভিনন্দন সভায়

শরৎচন্দ্র বহু বৎসর হাওড়া জেলা কংগ্রেস কমিটির সভাপতি এবং নিখিল ভারত কংগ্রেস কমিটির সদস্য ছিলেন।

১৯২৯ খ্রীষ্টাব্দে লাহোরে পণ্ডিত জওহরলাল নেহরুর সভাপতিত্বে কংগ্রেসের যে অধিবেশন হয়, তাতে যোগ দিতে শরৎচন্দ্র লাহোর যান। তিনি লাহোরে গেলে সেখানকার প্রবাসী বাঙালীরা এক বিশেষ সভায় তাঁকে অভিনন্দন জানিয়েছিলেন।

সেদিন অভিনন্দনের উত্তরে শরৎচন্দ্র বলেছিলেন—

বাস্তবিক এত দূরে এসে মনে করি নাই যে আপনাদের সঙ্গে দেখা হবে। আমার এক বন্ধু এখানে প্রফেসর ছিলেন, নাম অক্ষয়কুমার সরকার (হাওড়ার বাজে শিবপুরের অধিবাসী)। তাঁর কাছে শুনতাম, এখানে অনেক লোক আছেন, যাদের বাঙলার সঙ্গে সম্পর্ক কম—যারা একেবারে প্রবাসী হয়ে পড়েছেন। এত দূরে বাঙলার সঙ্গে সম্পর্ক রাখা কঠিন। তবু যে আপনারা বাঙলার সঙ্গে পরিচয় রাখেন, তা স্পষ্টই দেখতে পেলাম।

দেখুন! আপনারা যে সব কথা বললেন, তাতে অনেক অতিরঞ্জন আছে। সাহিত্যের দিক দিয়ে কিছু করেছি বটে, কিন্তু যা করেছি তাতে জোচ্ছোরি করি নাই—মাহুকের কাছে বাহবা পাবার জন্ত কিছু করি নাই।

আমি বড় বেশী বয়সে লিখতে আরম্ভ করি। কেরানী ছিলাম। এখন বয়স তিপায়। লেখার মধ্য দিয়েই আমার অনেকের সঙ্গে পরিচয় হয়েছে। প্রথম যখন আরম্ভ করি তখন গালিগালাজের বান ভেকে গেল। যখন ‘চরিত্রহীন’ লিখি তখন পাঁচ-ছ বছর ধরে গালাগালির অন্ত ছিল না। তবে মনের মধ্যে আমার এই ভরসা ছিল যে, সত্যি জিনিসটা আমি ধরেছিলাম।

সত্য আর সাহিত্য আলাদা। সত্য সাহিত্যের বনেদ, কিন্তু সেইটাই সব নয়। সাহিত্য একটা শিল্প—যেমন করে সাজালে মাহুকের মনে একটা দাগ ফেলতে পারে, যা অনেকদিন থাকে। সত্যের দিক দিয়ে গেলে আর বাই

হউক, ভাল সাহিত্য হয় না। এই বিষয়ে আমি অগরের পদাঙ্ক অনুসরণ করি নাই। এই করে আপনাদের এই স্নেহ পেলাম, এই আমার বড় আনন্দ।

একবারে কিছু দাঁড়িয়ে বলা আমার হয় না। একটা হৈ-হৈ হয়, যা আমার ভাল লাগে না। বক্তৃতা আমি করতে পারি না। আমি অনেক সময় বলি, আমাকে তোমরা বক্তৃতা করতে ডেকে না। যে কোঁতুল তোমাদের মনে উঠেছে, সেই বিষয়ে আমাকে জিজ্ঞাসা কর। দেখুন, আপনাদের মাঝে আমার মনে হয়, কেউ কিছু জিজ্ঞাসা করলেন—আমিও কিছু বললাম—পরস্পর আদান-প্রদান হ'ল—সেই জিনিসটা আমি বড় মনে করি।

বাক্সলার গ্রন্থকার বলে আপনারা আমাকে ভালবাসেন জানালেন, সেইটাই আমি এখান থেকে নিয়ে যাব। রাজনীতি ব্যাপারে জড়িয়ে পড়েছি বলে সেইটাই আমার সব নয়। আমার শক্তি-সামর্থ্য এই দিক দিয়েই চলে—এই সাহিত্যের দিক দিয়ে। আমার সঙ্গীদের বলেছিলাম—এইখানে যদি একটু সাহিত্যের আলোচনা হ'ত—আমি মনের একটা তৃপ্তি সেই দিক দিয়ে পেতাম। অকস্মাৎ আপনাদের নিকট এইখান থেকে তাই পেয়ে গেলাম। বাস্তবিক আমি কৃতার্থ মনে করছি। যে সব বাক্সালী এইখানে আছেন, তাঁরা যে আমাকে ভোলেন নি, নানা কাজের ভিতর দিয়ে ধারা বাক্সলাতে যেতে পারেন না, তবু বাক্সলার সঙ্গে তাঁদের পরিচয় আছে—তাঁদিগকে আমার আন্তরিক ধন্যবাদ।

আমি বাক্সলা ভাষার দিকে যা দেখেছি, সেইটে নানা ভাবে দেখাই, আপনারাও তা দেখতে পান। ভগবানের কাছে প্রার্থনা করি—সত্যই প্রার্থনা করুন, যেন এত বড় ভাষাকে—যাকে রবীন্দ্রনাথ এত বড় করে তুললেন, তাকে যেন আরও বড় করা হয়। খুব বেশী বয়সেই আমি লেখা আরম্ভ করি। অনেকগুলো বইও লিখলাম। গালিগালাজও হ'ল। তার মধ্যে যে কিছু আছে, তার প্রমাণ আজ আপনারা দিলেন।

পৃথিবীর সবাই আজ স্বীকার করছে, ভাষার দিক দিয়ে আমরা কিছুতেই ছোট নই। আগে ধারা বাক্সলা পড়তেন না, তাঁরাও আজ বাক্সলা পড়েন। এই ভাষা যে আজ কত বড় হয়েছে, তার আর তুলনা আছে? একটা দিক বাক্সালীর আছে, যেখান দিয়ে সে দাঁড়াতে পারে।

আমার বয়সও হ'ল, আর কতদিনই বা চলবে। তবে যেটা রইল, সেটা জমা হয়ে রইল, সেইটাকে যেন বরাবর বড় করবার চেষ্টা করা হয়।

আমাদের স্বাধীনতা নেই, তার জন্ত আমরা লজ্জিত হয়ে থাকি। চোখে দেখি, গৃহস্থ ভুল্ললোক, তাদের কত দুর্দশ। সমাজের অপব্যবহার আমরা ইচ্ছা করলেই ত্যাগ করতে পারি। ধরুন, এই বিয়ের ব্যাপার—কত কল্লণ ব্যাপারই না এই দিক দিয়ে ঘটছে। এই রকম এক একটা ব্যাপার বললে কত বলতে হয়। বলতে গেলে মাথা নীচু হয়। তবে একটা জিনিস আমাদের আছে, যেখানে আমরা গর্ব করতে পারি। ভাষা আমাদের কত বিরাট, কত গৌরবময়ী। চোখ বন্ধ করে আমি তাই অল্লেখ্য করি।

একটা বই লিখলাম ‘পথের দাবী’—সরকার বাজেয়াপ্ত করে দিলে। তার সাহিত্যিক মূল্য কি আছে না আছে দেখলে না। কোথায় গোটা দুই সত্য কথা লিখেছিলাম, সেইটাই দেখলে।

এক, সমাজ দেখুন, তার মধ্যে পরস্পর মেলামেশা নেই। এক বাড়ীর মধ্যে ভাব নেই। মনের প্রত্যেক ভাব নিজেদের সংবরণ করতে হয়। অশুভ জাতের এ সব বালাই নেই। জীবনে আনন্দের দিক দিয়ে তারা কত স্বাধীন। হয়ত তাতে উচ্ছৃঙ্খলতা আছে, কিন্তু তাতে দাগ হয় না। আমরা ঝগড়া করে অনেক কিছু বলতে পারি বটে, কিন্তু জীবনকে তারা বড় করে নিয়েছে। সাহিত্যের মধ্য দিয়েই তারা সেই সব প্রকাশ করছে। তাদের ‘আমি’, তাদের ‘নেভি’, তাদের ‘চার্ট’—কত দিক দিয়ে তাদের স্বাধীনতা প্রকাশ পায়। আমাদের সমাজের দিক দিয়ে মনে হবে এটা বিস্ত্রী। আমাদের সাহিত্যিক নীতিটা আলাদা। সব ক্ষেত্রে স্বাধীনতা প্রকাশ পায় না। কতক বাইরে থেকে বাধা এসে পড়েছে, কতক নিজেদের সৃষ্টি। ধারা সাহিত্য সৃষ্টি করেছেন তাঁদের এই জন্ত দোষ দিতে পারি না। আমরাই কত গোলমাল হয়েছে। তবে ভগবানের ইচ্ছায় আজ বুঝতে পারছি যে, স্বাধীনতাই আমাদের কাম্য।

আজ থেকে পঞ্চাশ বছর পরে অনেক ‘অব্‌সোলিট’ হবে তাতে আমরা কোন দ্বন্দ্ব নেই। দেশের সাহিত্য স্বাধীনতার মধ্য দিয়েই চারিদিকে ছড়িয়ে যেতে পারবে। উচ্ছৃঙ্খলতা ইত্যাদি বাধা এসে পড়তে পারে। যে জিনিসটা হবে—ভরসা করি যেন হয়—তখন এই সাহিত্য প্রকাশ হবে। ধারা আমায়

বয়স্কনিষ্ঠ তাঁরা যদি এইটা করতে চান, তাঁরা যেন এইটা মনে রাখেন যে, সকল দিকে স্বাধীনতা না থাকলে এইটাকে বড় করা যায় না।

গর্ব করবার জিনিস আমাদের একমাত্র আছে—এই ভাষা। এইটা যাতে দুর্বল না হয়ে পড়ে—সহায়ত্বের দিক দিয়ে হউক বা অন্য যে কোন দিক দিয়েই হউক—যেন তা না হয়। আমি অনেক জায়গায় বলি, যেন এটা না হয়। একটু ধৈর্যের সঙ্গে যা নীতি-বন্ধন আছে তার স্বার্থ দিয়েই সাহিত্য প্রচার হোক। কোন কাজে কোন অবহেলায় এই জিনিস যেন ছোট না হয়ে যায়। প্রবাসী আপনারা, এই জিনিসটা মনে করে রাখবেন।

সকলের মন এক নয়। একটা কথা যেন ‘প্রিন্সিপল’-এর মত মনে থাকে, যেন আমার কাজের মধ্যে এ না ছোট হয়। কোন একটা জাতের জাগরণ ভাষার মধ্য দিয়েই করতে হয়। যার ভাষা দুর্বল, তার উঠবার আশা নেই। যখন দেখা যায় কোন জাতি উঠেছে, তখন দেখা যায়, তার সাহিত্যও বড় হয়েছে। আপনারা শুধু এইটে দেখবেন, যেন ভাষা না ছোট হয়—দেখবেন আপনাদের সব কিছুই উজ্জ্বল হয়ে উঠবে। আপনারা বান্ধলাতেই থাকুন, আর প্রবাসেই থাকুন, সবই এক—ভাষার সঙ্গে যতদিন পরিচয় রাখবেন, ততদিন সবই এক।

আমি বাস্তবিক বড় কৃতার্থ হলাম। এই যে মালা দিলেন, এই আমার বড় সৌভাগ্য। এর চাইতে সম্মান আমি চাই না—চাইলেও থাকবে না। এই মালাই আমার খুব বড়। এইটি রাখায় করে নিয়ে গেলাম।—‘উত্তরা’, আষাঢ় ১৩৩৭।

## পুৰুলিয়ায় হরিপদ সাহিত্য-মন্দিরে

১৩৩৫ সালের ২ই বৈশাখ রবিবার তারিখে পুৰুলিয়ায় 'হরিপদ সাহিত্য-মন্দির' নামক একটি পাঠাগারের বার্ষিক অধিবেশন শুরু হয়। ঐ অধিবেশন কয়েকদিন ধরে চলেছিল। প্রথম দিনের অধিবেশনে সভাপতিত্ব করেছিলেন শরৎচন্দ্র।

কয়েকদিন পরে ১৫ই বৈশাখ ( ইং ২৮-৪-২৮ ) তারিখের দৈনিক আনন্দ বাজার পত্রিকায় ঐ সভার যে বিবরণ প্রকাশিত হয়েছিল দেখছি, তা হচ্ছে  
। এই—

“পুৰুলিয়ায় শরৎচন্দ্র

সাহিত্য মন্দিরে বক্তৃতা

পুৰুলিয়া, ২৬শে এপ্রিল—গত রবিবার হইতে স্থানীয় হরিপদ সাহিত্য মন্দিরের বার্ষিক অধিবেশন আরম্ভ হয়। প্রসিদ্ধ সাহিত্যিক শ্রীযুক্ত শরৎচন্দ্র চট্টোপাধ্যায় সভাপতির আসন গ্রহণ করেন।

শ্রীযুক্ত চট্টোপাধ্যায়কে সভাপতির আসন গ্রহণ করিতে অস্বরোধ করিয়া কর্ণেল ইউ, এন, মুখোপাধ্যায় সাহিত্যে অস্পৃশ্যদের কোন অধিকার না থাকার কথা উল্লেখ করেন এবং বাহাতে তাহার সাহিত্যের চর্চা করিতে পারে, তাহার জন্য তাঁহাকে চেষ্টা করিতে অস্বরোধ করেন।

শ্রীযুক্ত নিবারণচন্দ্র দাশগুপ্ত কর্ণেল মুখার্জির কথা সমর্থন করেন এবং ‘পথের দাবী’র প্রণেতারূপে তাঁহাকে অভিনন্দিত করেন।

শ্রীযুক্ত চট্টোপাধ্যায় বলেন যে, যখন সময় আসিবে তখন তাহার নিজেরাই নিজেদের সাহিত্য সৃষ্টি করিবেন। তাহার জন্য কাহাকেও চেষ্টা করিতে হইবে না।

অধিক রাজিতে সভা ভঙ্গ হয়।”

[ শরৎচন্দ্রের মাতুল মণীন্দ্রনাথ গঙ্গোপাধ্যায়ের পুত্র সোমেন্দ্রনাথ

গঙ্গোপাধ্যায় শরৎচন্দ্রের এই পুষ্কলিয়া যাওয়ার কথা-প্রসঙ্গে একদিন আমাকে বলেছিলেন—

“শরৎদার পুষ্কলিয়া যাওয়ার গল্প আমি এবং আমার মেজকাকা হুয়েজনাথ গঙ্গোপাধ্যায়ের বড় ছেলে রবি, আমরা একদিন আমাদের ন’সেজ কাকা সত্যেন্দ্রনাথ গঙ্গোপাধ্যায়ের কাছে শুনেছিলাম। সে কাহিনীটা এই—

ন’কাকা ঐ সময় পুষ্কলিয়ায় অ্যাসিস্ট্যান্ট সিভিল সার্জন ছিলেন। তিনি সেই কিছুদিন মাত্র পুষ্কলিয়ায় বদলি হয়ে এসেছেন। স্থানীয় বিশিষ্ট ব্যক্তিদের সঙ্গে তখনও তাঁর ভাল পরিচয় হয়নি। আর শরৎদা যে তাঁর ভাগ্নে হন, এ কথাও স্থানীয় কেউ জানতেন না।

সভার আগের দিন ন’কাকা সভার একটি নিমন্ত্রণ পত্র পান। শরৎদা যে পুষ্কলিয়ায় আসছেন, ঐ নিমন্ত্রণ পত্র পেয়েই ন’কাকা প্রথম জানতে পারেন। এর আগে তিনি এ খবর জানতেন না।

শরৎদা কখন কোন্ ট্রেনে আসবেন, এ কথাটা ন’কাকা সভার উদ্যোক্তাদের একজনের কাছ থেকে জেনে নিলেন, কিন্তু সভার সভাপতি যে তাঁর আশ্রয় এ কথাটা আর তাঁকে বললেন না।

ন’কাকা শরৎদার আসবার সময়টা জেনে নিয়ে তাঁর সঙ্গে দেখা করবার জন্ত স্টেশনে গেলেন।

যথাসময়ে ট্রেন এলে, শরৎদা ট্রেন থেকে নেমে ন’কাকাকে দেখেই বলে উঠলেন—সত্য! তুমি এখানে!

ন’কাকা বললেন—আমি তো, কদিন হ’ল এখানে বদলি হয়ে এসেছি।

—তবে চল, তোর ওখানেই যাই। উঃ, কতদিন পরে তোর সঙ্গে দেখা!

এদিকে শরৎদাকে অভ্যর্থনা করে আনবার জন্ত সভার উদ্যোক্তাদের অনেকেই স্টেশনে এসেছিলেন। উদ্যোক্তাদের যিনি শরৎদাকে তাঁর সামন্ত-বেড়ের বাড়ী থেকে সঙ্গে করে নিয়ে আসছিলেন, তিনি স্টেশনে আগত তাঁর দলের সকলকে দেখিয়ে শরৎদাকে বললেন—এঁরা আপনাকে অভ্যর্থনা জানাবার জন্ত এসেছেন।

তখন আগত উদ্যোক্তারা সকলেই শরৎদাকে নমস্কার করলেন। তাঁদের মধ্যে একজন বললেন—আপনার থাকার জন্ত আমরা একটা সুন্দর বাড়ীতে ব্যবস্থা করেছি। অন্তান্ত সাহিত্যিক অতিথিরাও এসে সেখানে থাকবেন।



শরৎদা ন'কাকাকে দেখিয়ে তাঁদের বললেন—ইনি আমার বাবা এবং  
বাল্যবন্ধু। আমার বাড়ীর চেয়ে এখানে আমার থাকার আর ভাল জায়গা  
হতে পারে না। অতএব তোমরা যাও। আমার থাকার জন্ত তোমাদের  
ভাবতে হবে না।

এই বলে শরৎদাই একরূপ জোর করে ন'কাকাকে নিয়ে তাঁর বাড়ীতে  
এলেন। কেন না, সভার উদ্বোধনারা পাছে কিছু মনে করেন, এইজন্য ন'কাকা  
তখন একটু ইতস্ততঃ করছিলেন।

অগত্যা সভার উপস্থিত উদ্বোধনারা সকলেই এঁদের সঙ্গে সঙ্গে ন'কাকার  
বাসায় এলেন। তাঁরা এলে শরৎদা আবার তাঁদের বললেন—তোমরা যাও,  
তোমাদের সভার সময় গেলেই তো হ'ল !

শরৎদায় এই কথায় এবার তাঁরা ফিরে গেলেন।

সভা আরম্ভের অনেক আগে থেকেই শরৎদাকে ন'কাকার বাড়ী থেকে  
আনতে গেলেও, শরৎদা যাচ্ছি, যাচ্ছি করে সভার অনেক পরে সভায়  
গিয়েছিলেন। তাও খানিকটা সময় থেকেই চলে এসেছিলেন।

ওঁদের ঐ সভা কয়েকদিন ধরে চলেছিল। প্রতিদিনই সভায় শরৎদার  
উপস্থিত থাকবার কথা। কিন্তু তিনি ঐ যা একদিন কিছুক্ষণের জন্য  
গিয়েছিলেন, তারপর আর একবারও সভায় যান নি।

শরৎদা পুর্কলিয়ায় গেলে, তখন সেখানকার আরও অনেক প্রতিষ্ঠান, তাঁকে  
সম্বর্ধনা জানাতে চেয়েছিল, কিন্তু তিনি কোথাও যান নি।

ন'কাকার বাড়ীতেই তিনি কদিন ছিলেন। কোথাও যেতেন না—  
ন'কাকার সঙ্গেই গল্প নিয়ে যেতে থাকতেন।”

পুর্কলিয়ার কর্ণেল ইউ, এন, মুখার্জী চিকিৎসক ও খুব বড় পণ্ডিত  
ছিলেন। নানা বিষয়ে, বিশেষ করে সংস্কৃত সাহিত্যে তাঁর অগাধ পাণ্ডিত্য  
ছিল। তিনি ছিলেন রাষ্ট্রগুরু স্বরেন্দ্রনাথ বন্দ্যোপাধ্যায়ের জামাতা এবং  
দেশবন্ধুর বৈবাহিক।

নিবারণচন্দ্র দাশগুপ্ত ছিলেন, পুর্কলিয়ার বিখ্যাত শিক্ষাব্রতী ও  
দেশসেবক। ]

## কালিয়ান্ন 'বাণীমন্দির'

১৩৪১ সালের কার্তিক মাসে শরৎচন্দ্র একবার যশোহর জেলার বিখ্যাত কালিয়া গ্রামে 'বাণীমন্দির' নামক একটি লাইব্রেরী ভবনের দ্বারোদ্ঘাটন করতে গিয়েছিলেন।

উমাপ্রসাদ মুখোপাধ্যায়কে লেখা শরৎচন্দ্রের একটি চিঠিতেও এই কালিয়া যাওয়ার কথা দেখছি। ১৩৪১ সালের ২ই কার্তিক তারিখে শরৎচন্দ্র উমাপ্রসাদবাবুকে লিখেছিলেন—'কালিয়া (যশোর) থেকে পরশু রাত্রে ফিরেছি...'

যাই হোক, শরৎচন্দ্রের এই কালিয়া যাওয়ার কথা এবং সেখানে গিয়ে তাঁর বক্তৃতা দেওয়া সম্বন্ধে যা সংগ্রহ করতে পেরেছি, তা-ই এখানে বলছি—

কালিয়ার দ্বীপান্তর দণ্ডে দণ্ডিত বিখ্যাত বিপ্লবী হুশীলকুমার দাশগুপ্তর দাদা বিনয়কুমার দাশগুপ্তও একজন রাজনৈতিক কর্মী ছিলেন। বিনয়বাবু কংগ্রেস নেতা কিরণশঙ্কর রায়ের বিশেষ পরিচিত ও স্নেহাস্পদ ছিলেন।

বিনয়বাবু জানতেন, শরৎচন্দ্রের সঙ্গে কিরণবাবুর খুব সৌহার্দ্য। তাই বিনয়বাবু, শরৎচন্দ্রকে দিয়ে তাঁদের গ্রামের বাণীমন্দির নামক লাইব্রেরীর নূতন গৃহের দ্বারোদ্ঘাটন করানোর প্রস্তাব, একদিন কিরণবাবুর কাছে করেন।

কিরণবাবু শুনে বিনয়বাবুর হাতে শরৎচন্দ্রকে একটি চিঠি লিখে দেন। চিঠিতে তিনি কালিয়ায় যাওয়ার জন্য শরৎচন্দ্রকে অহরোধ জানান।

শরৎচন্দ্র তখন কলকাতায় তাঁর বাড়ীতে বাস করছিলেন। বিনয়বাবু কিরণবাবুর চিঠি নিয়ে একদিন শরৎচন্দ্রের কাছে গেলেন।

শরৎচন্দ্র কিরণবাবুর চিঠি পেয়ে এবং বিনয়বাবুকে নিজেদের রাজনৈতিক দলের ও বিপ্লবী হুশীলবাবুর দাদা জেনে বললেন—আমি সাধারণতঃ সভায় যাই না। তা বেশ তোমাদের সভায় যাব, মত দিচ্ছি।

শরৎচন্দ্রের মত পেয়ে বিনয়বাবু কালিয়া চলে গেলেন। তারপর স্বধাসময়ে সভার চিঠিপত্র ছাপানো হ'ল।

ঐ সময় বিনয়বাবুর মায়ের হঠাৎ খুব অসুখ হওয়ায়, তিনি আর শরৎচন্দ্রকে নিয়ে যাওয়ার জন্ত কলকাতায় আসতে পারলেন না। তিনি তাঁর আসার অসুবিধার কথা এক পত্রে জানিয়ে কালিয়ার অশ্বিনীকুমার চক্রবর্তী নামে এক যুবককে, শরৎচন্দ্রকে নিয়ে যাওয়ার জন্ত কলকাতায় পাঠিয়ে দিলেন।

অশ্বিনীবাবু তখন কলকাতায় এম-এ পড়তেন। শরৎচন্দ্র কালিয়ায় যাবেন বলে যেদিন বিনয়বাবুকে মত দিয়েছিলেন, সেদিন অশ্বিনীবাবুও বিনয়বাবুর সঙ্গে শরৎচন্দ্রের বাড়ীতে গিয়েছিলেন।

কালিয়ার সভা ছিল, দুর্গাপূজার বিজয়ার ঠিক পরেই। তাই ঐ সময় পূজোর ছুটি থাকায় অশ্বিনীবাবু কলকাতা থেকে কালিয়ায় বাড়ী চলে গিয়েছিলেন। তিনি কালিয়া থেকেই শরৎচন্দ্রকে নিয়ে যাওয়ার জন্ত কলকাতায় এলেন।

অশ্বিনীবাবু সভার আগের দিন সকাল ১০টা নাগাদ শরৎচন্দ্রের বাড়ীতে গিয়ে শরৎচন্দ্রকে বললেন—আজ রাত্রি ২-৩০ মিনিটে ট্রেন। আমি সন্ধ্যার পর এসে আপনাকে সঙ্গে করে নিয়ে যাব।

শরৎচন্দ্র অশ্বিনীবাবুকে বললেন—আরে, রাখ রাখ তোমার সভা। তুমি এখন এখানে নাও, খাও। নাইবা গেলাম। কি হবে গিয়ে!

অশ্বিনীবাবু শুনে বললেন—সর্বনাশ! আপনি না গেলে আমাকে আর গ্রামে ঢুকতে হবে না।

—ট্রেনের তো এখন অনেক সময় আছে। সে পরে দেখা যাবে। তুমি এখন তো নাও-খাও।

—না, আমি এখানে কিছু খাব না। আমাকে কিছু কেনা-কাটা করতে হবে। আমি এখন যাই, সন্ধ্যার সময় আসব।

—আচ্ছা, এস।

অশ্বিনীবাবু চলে এলেন এবং পরে যথাসময়ে সন্ধ্যার পরই শরৎচন্দ্রের বাড়ীতে গেলেন।

অশ্বিনীবাবুকে দেখেই শরৎচন্দ্র এবার বললেন—শরীরটা ভাল নয়। যেতে পারব না।

অশ্বিনীবাবু শরৎচন্দ্রের সকালের কথা শুনেই সারাদিন চিন্তায় কাটিয়েছেন, এখন আবার এই কথা শুনে হতাশ হয়ে পড়লেন।

অশ্বিনীবাবু কালিয়া থেকে আসবার সময় বিনয়বাবু তাঁকে বলে দিয়েছিলেন—শরৎবাবু না আসবার জন্ত নানা কথা বলবেন ও অনেক রকম কৈফিয়ৎ দেখাবেন। তুমি তাঁর কোন কথাতেই ভুলবে না। তুমি তাঁর বাড়ীতে ‘হত্যে’ দিয়ে পড়ে থেকেও তাঁকে আনবে।

বিনয়বাবুর এই কথা অশ্বিনীবাবুর মনে ছিল। তাই তিনি শরৎচন্দ্রের কথায় ততটা না দমে বললেন—আপনি না গেলে, আমি হত্যে দিয়ে আপনার বাড়ীতে পড়ে থাকব।

শুনে শরৎচন্দ্র বললেন—একান্তই যেতে হবে ?

—হ্যাঁ, যেতেই হবে।

—আচ্ছা, কিভাবে কোথা দিয়ে যেতে হবে, পথের বিবরণটা একটু দাও।

অশ্বিনীবাবু যাত্রাপথের বিবরণ দিলে, শরৎচন্দ্র বললেন—তুমি তাহলে কিছু খেয়ে-টেয়ে নাও।

—আমি খেয়ে এসেছি।

—তবে বোসো, আমি ছুটি খেয়ে নিই।

এই সময় শরৎচন্দ্র তাঁর ভৃত্য যামিনীকে ডেকে বললেন—ওরে যামিনী, আমার সঙ্গে তোকেও যশোর যেতে হবে। যা, চাট্টি খেয়ে নে এখুনি।

শরৎচন্দ্র খেতে গেলে, অশ্বিনীবাবু সেই ফাঁকে একটা ট্যান্ডি নিয়ে এলেন।

এই সময় শরৎচন্দ্র একটা সাদা রঙের কলারহীন চামনিজ কোট গায়ে দিয়ে তার উপর একটা চাদর নিয়ে উপর থেকে নেমে এলেন।

শরৎচন্দ্র বাড়ী থেকে রওনা হবেন, এমন সময় তাঁর স্ত্রী হিরণ্ময়ী দেবী এসে তাঁকে প্রণাম করলেন।

হিরণ্ময়ী দেবী যামিনীকে বললেন—মনে করে বাবুকে বলিস, আসবার সময় যেন একটা ষাঁতি কিনে আনেন। শুনেছি যশোরে ভাল ষাঁতি পাওয়া যায়।

( অশ্বিনীবাবু বলেন—শরৎচন্দ্র কালিয়া থেকে ফেরবার সময় আমি তাঁকে একটা ভাল ষাঁতি কিনে দিয়েছিলাম। )

শরৎচন্দ্র ভৃত্য যামিনীকে নিয়ে অশ্বিনীবাবুর সঙ্গে ট্যান্ডিতে উঠেই ড্রাইভারকে বললেন—কুড়া-উত্তা দেখ্কে যাও।—তারপর চুপ্ট ধরিয়ে হেলান দিয়ে বসে চুপ্ট টানতে লাগলেন।

স্টেশনে এসে অম্বিনীবাবু শরৎচন্দ্রের জন্ত ১টি প্রথম শ্রেণীর এবং বামিনীর জন্ত ১টি তৃতীয় শ্রেণীর টিকিট কিনলেন। তিনি আসবার সময় রিটার্ন টিকিট কিনে এসেছিলেন। তাই অম্বিনীবাবু শরৎচন্দ্রকে প্রথম শ্রেণীর কামরায় বসিয়ে এবং বামিনীকে সার্ভেটস্ কম্পার্টমেন্টে তুলে দিয়ে, নিজে পাশের একটি তৃতীয় শ্রেণীর কামরায় গিয়ে উঠলেন।

শিয়ালদহ থেকে যশোহর জেলার কালিয়ায় যেতে হ'লে, খুলনা য়েলে খুলনা পর্যন্ত যেতে হয়। তারপর খুলনা থেকে স্টীমারে কালিয়া যেতে হয়।

শিয়ালদহ থেকে খুলনা যাওয়ার পথে আগে যশোহর, তারপর অনেকগুলো স্টেশন বাধে খুলনা পড়ে।

রাত্রি প্রায় দেড়টা নাগাদ ঐ ট্রেন যশোহর স্টেশনে এসে পৌঁছল। গভীর রাত্রে ট্রেন স্টেশনে এলে, স্টেশনে রেলওয়ের লোক যখন যাত্রীদের জানাবার জন্ত 'যশোর, যশোর স্টেশন' বলে ডেকে উঠল, তখন ঐ ডাক শুনেই বামিনী তাড়াতাড়ি তার সঙ্গে যে জিনিসপত্র ছিল, তা নিয়ে নেমে পড়ল।

বামিনী যে এখানে নেমে পড়ল, শরৎচন্দ্র বা অম্বিনীবাবু কিছুই জানতে পারলেন না।

বামিনী নেমে ভেবেছিল, তার মনিবও নিশ্চয়ই নেমেছেন। তাই সে তার মনিবের কামরার কাছে না গিয়ে নিজের সঙ্গে জিনিসপত্রগুলো নামিয়ে ধীরে অস্থৈ গুছিয়ে নিচ্ছিল এবং একজন কুলীর সন্ধান করছিল।

এদিকে ট্রেন স্টেশনে দু-এক মিনিট থেকেই ছেড়ে দিল। ক্রমে স্টেশনের লোকও পাতলা হয়ে এল।

বামিনী তার মনিবকে খোঁজাখুঁজি করতে লাগল। কিন্তু কোথাও তাঁকে দেখতে পেল না।

প্রভু যে কেন নাযলেন না, বামিনী তা কিছুই বুঝতে পারলো না। গভীর রাত্রে দূরদেশে অচেনা জায়গায় পড়ে বামিনীর তখন কারা আসবার উপক্রম হ'ল।

বামিনীর কাছে ট্রেনের টিকিট ছিল না। সকলেরই টিকিট ছিল অম্বিনী বাবুর কাছে।

স্টেশনের টিকিট-কালেক্টর বামিনীর কাছে টিকিট চাইতে গিয়ে টিকিট

পেলেন না। তখন তিনি যামিনীকে স্টেশন মাস্টারের কাছে ধরে নিয়ে গেলেন।

স্টেশন মাস্টার যামিনীকে জিজ্ঞাসাবাদ করে জানতে পারলেন যে, সে তার মনিব বিখ্যাত সাহিত্যিক শরৎচন্দ্র চট্টোপাধ্যায় বশায়ের সঙ্গে আসছিল। তার মনিব বশোরে সভা করতে আসছিলেন। তার নিজের টিকিট তার মনিবকে যিনি সঙ্গে করে আনছিলেন, তাঁর কাছেই আছে।

এদিকে ঠিক সকাল হওয়ার সঙ্গে সঙ্গেই খুলনা মেল খুলনায় এসে পৌঁছল।

অশ্বিনীবাবু তাঁর কামরা থেকে বেরিয়ে শরৎচন্দ্রের কাছে এলেন। অশ্বিনী-বাবু এলে শরৎচন্দ্র ট্রেন থেকে নামলেন। নেমেই অশ্বিনীবাবুকে বললেন— যামিনীকে ডাক। সে হয়ত এখনও ঘুমুচ্ছে।

অশ্বিনীবাবু সার্ভেটস্ কম্পার্টমেন্টে যামিনীকে ডাকতে গিয়ে দেখেন, যামিনী নেই। ভাবলেন, হয়ত আগেই নেমে পড়েছে। এই ভেবে তিনি স্টেশনের এদিক-ওদিক খুঁজে দেখলেন। কিন্তু কোথাও তার দেখা পেলেন না। তখন অশ্বিনীবাবু বেশ একটু চিন্তিত হয়েই শরৎচন্দ্রের কাছে এসে বললেন—তাকে তো দেখতে পাচ্ছি না।

এই শুনেই শরৎচন্দ্র বললেন—সে কি। কোথায় গেল সে? আশেপাশে খুঁজে দেখেছ?

—আজ্ঞে, আমি স্টেশনের অনেকটা দূর পর্যন্তই ঘুরে ঘুরে দেখলাম, কিন্তু কোথাও তার দেখা পেলাম না।

—সর্বনাশ! সে তাহলে কোথায় হারাল? আমি ফিরে গিয়ে তার হাকে কি বলব? বিধবার সে একমাত্র ছেলে।—শরৎচন্দ্র এই কথাগুলো বেশ উত্তেজিত ভাবেই বলে যেতে লাগলেন।

শরৎচন্দ্রের এই অবস্থা দেখে অশ্বিনীবাবু কিংকর্তব্যবিমূঢ় হয়ে দাঁড়িয়ে রইলেন। শরৎচন্দ্রকে কি বলে যে তিনি শাস্ত করবেন, কিছুই ভেবে পেলেন না।

ঠিক এই সময়ে অশ্বিনীবাবুর পরিচিত একটি যুবক সাইকেল নিয়ে স্টেশনে বেড়াতে এসেছিল। তার বাড়ী কালিয়ায় চলেও সে তার বাপ-মার সঙ্গে খুলনাতেই থাকত। তার বাবা খুলনায় কাজ করতেন।

অশ্বিনীবাবু তাকে দেখতে পেয়ে মনে একটু বল পেলেন। তাকে ডেকে তিনি একান্তে সংক্ষেপে সব কথা বললেন।

এরপর দুজনে মিলে শরৎচন্দ্রকে বললেন—আপনি স্টেশনে ওয়েটিং রুমে একটু বসুন, আমরা তাঁর খোঁজ করে দেখছি।

—দেখ, তাকে যে করেই হোক খুঁজে বার করতেই হবে। তা না হ'লে আমি ফিরে গিয়ে তার মাকে কি বলব ?

অশ্বিনীবাবু ও তাঁর বন্ধুটি দুজনে শরৎচন্দ্রকে সঙ্গে নিয়ে স্টেশনে প্রথম শ্রেণীর যাত্রীদের ওয়েটিং রুমে বসালেন।

অশ্বিনীবাবুর ঐ বন্ধুটির সঙ্গে খুলনার স্টেশন মাষ্টারের পরিচয় ছিল। তিনি অশ্বিনীবাবুকে সঙ্গে নিয়ে স্টেশন মাষ্টারের কাছে গেলেন। গিয়ে সমস্ত কথা তাঁকে বললেন। তারপর তাঁকে বললেন—আপনি দয়া করে এখান থেকে কলকাতার দিকে বড় বড় স্টেশনগুলোয় টেলিগ্রাম করে জাহ্নন, কোন স্টেশনে শরৎবাবুর ভৃত্য নেমে পড়েছে কিনা !

শরৎচন্দ্রের বিপদ শুনে খুলনার স্টেশন মাষ্টার তখনই খুলনা থেকে পর পর স্টেশনগুলোয় টেলিগ্রাম করে জানতে লাগলেন। এইভাবে টেলিগ্রাম করতে করতে যশোহরের স্টেশন মাষ্টারকে টেলিগ্রাম করলে তিনি জানানলেন—হ্যাঁ, হ্যাঁ, এখানে একজন লোক নেমে পড়েছে। সে বলছে যে, সে শরৎবাবুর চাকর। শরৎবাবু যশোরে সভা করতে এসেছেন, সে তাঁর সঙ্গে এসেছে। আমি তো এখানে অনেক খোঁজ নিয়ে দেখলাম, কই শরৎবাবু তো যশোরে আসেন নি।

যশোরের স্টেশন মাষ্টারের কথার উত্তরে খুলনার স্টেশন মাষ্টার জানানলেন—শরৎবাবু কালিয়ায় সভা করতে যাচ্ছেন। তিনি এখন এখানে আছেন। আপনি দয়া করে পরের ট্রেনে তাঁর চাকরকে এখানে পাঠিয়ে দিন।

যামিনীর খোঁজ পাওয়া গেলে অশ্বিনীবাবু তখনই ছুটে গিয়ে শরৎচন্দ্রকে খবরটা দিলেন।

শরৎচন্দ্র খবর পেয়ে নিজে স্টেশন মাষ্টারের কাছে এলেন। এসেই বললেন—বেঁচে আছে তো ?

স্টেশন মাষ্টার সঙ্গীহৃদিত্তে শরৎচন্দ্রের কথার উত্তরে বললেন—আজ্ঞে হ্যাঁ, আপনি নিশ্চিন্ত থাকুন। সে পরের ট্রেনেই এখানে এসে যাচ্ছে, যশোরের স্টেশন মাষ্টার নিজে তাকে ট্রেনে তুলে দেবেন বলেছেন।

শুনে শরৎচন্দ্র বললেন—হাক্, ভগবান আমাকে বাঁচিয়েছেন।—এই বলে স্টেশন মাষ্টারকে ধন্যবাদ দিয়ে তাঁর ঘর থেকে বেরিয়ে এলেন।

শরৎচন্দ্র খুলনার স্টেশন মাষ্টারকে ধন্যবাদ দিয়ে বাইরে এসে অশ্বিনীবাবুকে বললেন—যেখানে ওয়েটিং রুমে বসেছিলাম, ঐখানেই বসি গিয়ে। যামিনী আহুক, সে এলে তাকে নিয়ে কলকাতায় ফিরে যাব। তোমাদের কালিয়ায় আর যাব না।

শরৎচন্দ্র কালিয়ায় যাবেন না শুনে, অশ্বিনীবাবু আবার এক ভাবনায় পড়লেন। তিনি শরৎচন্দ্রকে সে সম্বন্ধে কোন কথা না বলে, শুধু বললেন—স্মার, পরের ট্রেন আসতে অনেক দেরি, ছুপুরের সময় সে ট্রেন আসবে। আপনি ততক্ষণ এখানের ডাকবাংলোয় চলুন, সেখানে গিয়ে বিশ্রাম করবেন।

কারও বাড়ীতে যেতে হবে না শুনে শরৎচন্দ্র রাজী হলেন। বললেন—তাই চল। ট্রেন আসার সময় হ'লে তুমি এসে যামিনীকে সঙ্গে করে নিয়ে যাবে।

অশ্বিনীবাবু ও তাঁর বন্ধুটি দুজনে শরৎচন্দ্রকে নিয়ে ডাকবাংলোয় গেলেন। সেখানে একটি সুন্দর পরিচ্ছন্ন ঘরে শরৎচন্দ্রের থাকার ব্যবস্থা করলেন। শরৎচন্দ্র ঘরের ইজিচেয়ারে বসেই অশ্বিনীবাবুকে বললেন—অশ্বিনী, একটু তামাকের ব্যবস্থা করতে পার ?

শরৎচন্দ্রের এই কথায় অশ্বিনীবাবু ও তাঁর বন্ধু দুজনে মিলে, খেলো হ'কো, কলকে ও সুগন্ধি তামাক কিনে এনে, তামাক সেজে শরৎচন্দ্রকে দিলেন।

তামাক পেয়ে শরৎচন্দ্র এবার অনেকটা নিশ্চিন্ত মনে তামাক টানতে লাগলেন।

এই অবসরে অশ্বিনীবাবু তাঁর বন্ধুকে নিয়ে খুলনার পোষ্ট অফিসে গেলেন। উদ্দেশ্য—শরৎচন্দ্র যে কালিয়ায় যেতে চাইছেন না, সেই সংবাদটা টেলিগ্রাম করে কালিয়ায় বিনয়বাবুকে জানিয়ে দেওয়া এবং তাঁকে তখনই খুলনায় চলে আসতে বলা।

খুলনার পোষ্ট মাষ্টারকে সমস্ত কথা খুলে বললে, তিনি তখনই টেলিগ্রাম করে দিলেন।

পোষ্ট অফিস থেকে বেরিয়ে অশ্বিনীবাবু তাঁর বন্ধুকে বললেন—তুমি এবার



বাড়ী বাও। বাড়ী গিয়ে শরৎবাবুর ছপুয়ের খাবারটা ভোজ্যদের বাড়ীতে রান্নার ব্যবস্থা কর। রান্না হলে খাবারটা নিয়ে চলে এস।

অখিনীবাবু বন্ধুকে বিদায় দিয়ে ডাকবাংলোয় ফিরে এসে দেখেন—ডাক বাংলা লোকে-লোকারণ্য। শরৎচন্দ্র খুলনায় এসেছেন, এসে ডাকবাংলোয় উঠেছেন—এই কথাটা কিভাবে লোকের মুখে মুখে প্রচার হওয়ায় খুলনার অসংখ্য আবাল-বৃদ্ধ নরনারী ডাকবাংলোয় এসে জমা হয়েছে।

অখিনীবাবু সেই লোকারণ্যের মধ্য দিয়ে কোন রকমে পথ করে নিয়ে শরৎচন্দ্রের কাছে এসে দেখেন, শরৎচন্দ্র ডাকবাংলোর বারান্দায় বসে কয়েক জনের সঙ্গে গল্প করছেন এবং খুলনার খোঁজ-খবর নিচ্ছেন।

ছপুয়ের দিকে শরৎচন্দ্রের খাবার এলে, তিনি আনাহার করলেন।

তারপর তামাক টানতে টানতে একটু বিশ্রাম করতে থাকলে, সেই সময় অখিনীবাবু যামিনীকে আনবার জন্ত স্টেশনে গেলেন।

ট্রেন এসে পৌঁছেলে অখিনীবাবু যামিনীকে খুঁজে বার করলেন এবং তাকে সঙ্গে নিয়ে পথে দোকানে থাইয়ে ডাকবাংলোয় ফিরে এলেন।

শরৎচন্দ্র যামিনীকে দেখে শুধু বললেন—তোর কোন দোষ নেই। যশোর যাব চল—বলে আমিই ভুল করেছিলাম। তোকে তখনই সব খুলে বলা উচিত ছিল। কিছু খেয়েছিস্ ?

—আজ্ঞে, আখিনীবাবু আমাকে পথে এক দোকানে থাইয়ে এনেছেন।

—অখিনীর সব দিকেই বেশ নজর আছে দেখছি। নে যামিনী তামাক সাজ।

যামিনী তামাক সেজে দিলে শরৎচন্দ্র নিশ্চিন্ত হয়ে তামাক টানতে লাগলেন।

এই সময় বিনয়বাবুও কালিয়া থেকে ডাকবাংলোয় এসে গেলেন।

শরৎচন্দ্র বিনয়বাবুকেও বললেন—আর কালিয়ায় যাব না। বিকালের ট্রেনে কলকাতায় ফিরে যাব।

বিনয়বাবু বললেন—আপনি যাবেন বলে, কালিয়ার জীয়ার ঘাটে আপনাকে সন্ধান জানাবার জন্ত কয়েক হাজার লোক সকাল থেকে অপেক্ষা

করে ছিল। মেয়েরা শাঁখ হাতে করে এসেছিল। লাজ-বর্ষণ করবার জন্ত তাদের অনেকের হাতে ছিল খই-ভর্তি থালা। কত লোক ফুলের মালা এনেছিল। হুসজ্জিত ব্যাণ্ডপার্টি ছিল, আর আমরা তো ছিলামই। আমি সকলকে বলে এসেছি—হাতে-পায়ে ধরে যে করেই হোক, তাঁকে নিয়ে আসবই। আপনি না গেলে আমাদের আর কারও কাছে মুখ দেখাতে হবে না। বিরাট সভামণ্ডপ, সভার আয়োজন সব ব্যর্থ হয়ে যাবে।

শরৎচন্দ্র সব শুনে বললেন—আচ্ছা যাব, চল। তা না হ'লে তোমাকে একটু হয় হতেই হবে বটে।

শরৎচন্দ্র সন্ধ্যার দিকে সদলে খুলনা থেকে স্টীমারে কালিয়া রওনা হলেন। অনেকটা রাজ্জেই স্টীমার কালিয়ায় এসে পৌঁছল। সকালের মত না হলেও, তখনও কিন্তু অনেক লোক স্টীমার ঘাটে শরৎচন্দ্রকে সম্বর্ধনা জানাবার জন্ত উপস্থিত ছিল।

শরৎচন্দ্র কালিয়ায় গিয়ে তিন দিন ছিলেন। একদিন তিনি লাইব্রেরীর নতুন বাড়ীর উদ্বোধন করেছিলেন। সেদিন ঐ নিয়ে এক সভা হয়েছিল। দ্বিতীয় দিন তাঁর আগমন উপলক্ষে স্থানীয় নাট্যদল রবীন্দ্রনাথের ‘বিসর্জন’ নাটকের অভিনয় করেছিলেন। শরৎচন্দ্র সে অভিনয় দেখেছিলেন। তৃতীয় দিন শরৎচন্দ্র কালিয়ার অনেকের বাড়ীতে আশ্রিত হয়ে বেড়িয়েছিলেন।

বিনয়বাবু বলেন, লাইব্রেরীর নতুন বাড়ীর উদ্বোধন সভায় শরৎচন্দ্র যে মৌখিক অভিভাষণটি দিয়েছিলেন, তা হচ্ছে এই—

আমি বক্তৃতা করতে পারি না। বক্তৃতা শুনবার জন্ত আমাদের যদি এনে থাকেন, তাহলে বলব, আপনারা ভুল করেছেন। আমি বক্তা নই, এমন কি ঠিক সাহিত্যিকও নই। কেননা আমি বঙ্কিমচন্দ্রের মত চাঁদ বা নদী নিয়ে পাতার পর পাতা লিখতে পারি না। আমি বরং একজন বৈজ্ঞানিক। অবশ্য পদার্থ-বিজ্ঞানী নই। আমি মনোবিজ্ঞানী। আমি মানুষের মনের খবর রাখি। এবং তাই নিয়েই কাগজের কলি। মানুষের সুখ-দুঃখ, আশা-আকাঙ্ক্ষা, মান-অভিমান, ভালবাসা ও মানসিক দৃষ্টিকেই আমি আমার সাহিত্যে ফোটাবার চেষ্টা করে থাকি। সেই দিক থেকে আমি একজন বিজ্ঞানী অর্থাৎ মনোবিজ্ঞানী।

## প্রবাসী বঙ্গ-সাহিত্য সম্মিলনে

১৩৪১ সালের পৌষ মাসে কলকাতার টাউন হলে প্রবাসী বঙ্গ-সাহিত্য সম্মিলন হয়। ঐ সম্মিলনে সাহিত্য শাখার অধিবেশনে শরৎচন্দ্র উপস্থিত ছিলেন। সেদিন তিনি সভায় বলেছিলেন—

আপনারা এখানে এসেছেন নানা স্থান থেকে। এসে আমাদের পরস্পরের সঙ্গে দেখা-সাক্ষাৎ হ'ল, আলাপ পরিচয় হ'ল। আগে যে সমস্ত সভা-সমিতিতে আমি যোগ দিয়েছি, এই আক্ষেপই করেছি যে, সভায় যোগ দিলাম বটে, কিন্তু পরস্পরের সঙ্গে আলাপ পরিচয় হ'ল না।

এটা একটা উন্নত সাহিত্য-সভা। সাহিত্য আমার পেশা, জীবিকাও এই। এই জিনিসটা আরম্ভ করে আমি কতটা কি করতে পেরেছি না-পেরেছি, তা আপনারা পাঁচজনেই জানেন।

আপনারা আমায় বলেন, বক্তৃতা করতে। প্রথমতঃ আমি বলতে পারি নে। গলাও নেই, কথাও খুঁজে পাই না। তবুও আপনারা মনে করেন কতকটা কাজ হয়েছে—এবং নিজের আত্মবিশ্বাসই বলুন বা আত্মসম্মতিই বলুন, আমি মনে করি আমি চেষ্টা করেছি।

সাহিত্যের ব্যাপারে গোড়া থেকেই বলেছি, যেন আমি কখনও মিথ্যার আশ্রয় না নিই। অবশ্য সত্যি জিনিসটাই সাহিত্য নয়। সংসারে অনেক ব্যাপার আছে, যা সত্যি কিন্তু সাহিত্য নয়। আমার বলবার কথা এই যে, সত্যিটা যেন বনেদের মত মাটির নীচে থাকে এবং তাহলে তার উপর যে সৌধটা গড়ে তুলবো কল্পনা দিয়ে—সেটা সহজে ডুবে যাবে না।

আমার জীবনে আমি কয়েকবার দেখেছি—আমার লেখা গড়ে অনেকে বললেন, 'এটা ভারী অস্বাভাবিক।' পাঁচজনে পাঁচ রকম ভাবে কত কথাই বললেন। সেটা যদি সত্যিকার জ্ঞানের উপর না দাঁড়িয়ে থাকে, তবে সংশয় আসে, পাঁচজনে যখন বলছে, তখন দিই বদলে। কিন্তু হাছবে তুল কক্ক আর হাই কক্ক—যখন আমি জানি যে এর ভিত্তি আছে সত্যের উপর, তখন

মনে কোন সংশয় আসে না যে এটা বদলাই। সেই জন্ত আমার লেখায় বা হয়, একেবারেই হয়ে যায়, উত্তরকালে আর কাটাকাটি করি নে।

আপনাদের যার যেখানে সন্দেহ আছে, জিজ্ঞাসা করুন, আমি উত্তর দিই। তাতে সাহিত্যিক সন্মিলনের যা বড় উদ্দেশ্য, তার সার্থকতা হবে। এই যে ‘রিজিডিটি’ ভাব, এটা একটু বদলানো দরকার। অনেকে সাহিত্য-সভায় যোগদান করেন ; কিন্তু চলে যাবার সময় তাঁরাই মনে করেন এই যে, এত খরচ করে এত দূর থেকে এলাম, কি এমন কাজ করলাম। প্রবন্ধ যে পড়া হয়, বার আনা লোক তা শোনেই না, আর যদি বা শোনে তখনি ভুলে যায়।

তাই আমি বলছিলাম, যদি কেউ আমার সঙ্গে পরিচয় করতে চান, কারও যদি কোন সংশয় থাকে, তবে আস্থন কথাবার্তার মেলামেশায় আমার আলাচনা করি, ইহাই আজকের সঙ্ক্যার অহুষ্ঠান। (‘বাতায়ন’—৪ঠা মাঘ, ১৩৪১)

## কবি অভুলপ্রসাদের শোক-সভায়

১৩৪১ সালের পৌষ মাসে কলকাতায় টাউন হলে অহুষ্ঠিত প্রবাসী বঙ্গ-সাহিত্য সম্মিলনের শেষ দিন (১৪ই পৌষ) দুপুরে, প্রবাসী বঙ্গ-সাহিত্য সম্মিলনের প্রতিষ্ঠাতৃবর্গের অগ্রতম কবি অভুলপ্রসাদ সেনের অকাল মৃত্যুতে যে শোক সভার অহুষ্ঠান হয়েছিল, তাতে সভাপতিত্ব করেছিলেন শরৎচন্দ্র। সেদিন সভায় শরৎচন্দ্র বলেছিলেন—

স্বর্গীয় অভুলপ্রসাদ সেন আমার ভারী বন্ধু ছিলেন। আপনারা আমাকে এই সমস্ত মৃত্যুর পরে শোক-সভায় বক্তৃতা করার জন্ত কেন ডাকেন? মাহুষে জানে আমি বক্তৃতা করতে পারি নে; তবুও আমাকে ডেকে এনেছেন আজকের দিনে আপনাদের কিছু বলবার জন্তে।

মৃত্যুর কিছুদিন পূর্বে তাঁর সঙ্গে আমার দেখা হয়েছিল—অনেক আলাপ-পরিচয় সেদিন তিনি করলেন। তার কিছুদিন পরেই তাঁর পরলোক গমনের খবর পাওয়া গেল—আমি বিস্মিত হলাম এই পর্যন্ত, কোন রকম ছুংখ বা শোক আমার এল না। মাহুষের একটা বিশেষ বয়সের পরে মাহুষ যখন যায়, তখন সেটা এমন নিশ্চিত জিনিস মনে হয় যে, সেটা আমার কাছে আনন্দের আকারে দেখা দেয়।

অভুলপ্রসাদ ছিলেন ভারী ভক্ত এবং ভগবৎ-প্রেমে তাঁর মন পরিপূর্ণ ছিল। তাঁর দয়া, দান, দাক্ষিণ্য জানাবার লোক এ সভায় নেই,—তাঁরা অত্যন্ত গরীব—অখ্যাত, অজ্ঞাত, অজানা লোক। তাঁরা যদি আসতে পারতেন, তাহলে বলতেন কত বিপদের মধ্য দিয়ে নিঃশব্দে অভুলপ্রসাদ দিয়েছেন এবং তাঁদের বিপদ থেকে মুক্ত করেছেন।

তাঁর গান বাজলা দেশ ছাড়িয়ে যেখানে যেখানে বাঙ্গালী আছেন, সেখানে পৌছেছে। তাঁর জীবনটিও ছিল ঐ রকম ধরণের। সংসারে থাকতে হলে ছুংখ, আনন্দ, ব্যথা সবই আছে; তিনি তার বাইরে ছিলেন না। তারপর তাঁর দিন এল—ডাক পড়ল—তিনি চলে গেলেন। বয়সে যারা কম,

তাঁরা এই নিয়ে অশ্রুপাত করতে পারেন ; কিন্তু আমাদের দিন এসে পড়েছে— সেই দিক দিয়ে—আমার অতুলপ্রসাদের জন্ত শোক বোধ হয় না। মনে হয় এই নিয়ম, এই রকমেই বাহুধা যায়—দুদিন আগে আর দুদিন পরে। তাঁর মৃত্যুর মধ্যে সাধনা এই যে, তিনি কখনও কারও ক্ষতি করেন নি—সকলের ভাল করে গেছেন।

গানের ভিতর দিয়ে, কাব্যের ভিতর দিয়ে তিনি বাঙ্গলা ভাষার অনেক উন্নতি করেছেন। তাঁর গানের মত ছিল তাঁর জীবন। এমনি করে এই ধারা ধরে—বাঙ্গলা সাহিত্যকে যারা বড় করেছেন, অতুলপ্রসাদ তাঁদের মধ্যে একজন।

আমিও একজন লেখক—বাঙ্গলা ভাষার সেবক। আমার তাই মনে হয়—এমনি করে আরও কিছুদিন তিনি দিয়ে যেতে পারতেন। তাঁর দিন এসেছিল। তিনি চলে গেলেন। প্রজ্ঞার সঙ্গে, ব্যথার সঙ্গে এই কথাই মনে করছি—তিনি আমাদের মধ্যে নেই।

আজকের দিনে বিশেষভাবে স্মরণ করি—আমাদের মাঝে থেকে আমাদের বন্ধু সরে গেলেন, তাঁর আত্মার কল্যাণ হোক, এই আমার আজকের দিনের প্রার্থনা। (‘অনন্দবাজার পত্রিকা’—১৬ই পৌষ, ১৩৪১)

## শান্তিপুৰ সাহিত্য-সন্মিলনে

১৩৪২ সালের ২৫শে জ্যৈষ্ঠ তারিখে শান্তিপুৰে অস্থিতিত ‘শান্তিপুৰ সাহিত্য সন্মিলন’ৰ দ্বাদশ অধিবেশনে শরৎচন্দ্র মূল সভাপতি হয়ে গিয়েছিলেন। সেদিন তিনি যে অভিভাষণ দিয়েছিলেন, তা এই—

প্রথম কথা আমি বক্তা নই। কিছুদিন থেকে মাথাধরায় ভুগছি, শান্তিপুৰে আসতে পারব এমন আশা ছিল না। কিন্তু আপনাদের সাদর আহ্বান ঠেলতে পারলাম না। নানা অসুবিধাকে অবহেলা করে তাই আসলাম।

অভ্যর্থনা সমিতির সভাপতি শ্রীযুক্ত লক্ষীকান্ত মৈত্র মহাশয়ের অভিভাষণ আমাকে মুগ্ধ করেছে। শান্তিপুৰকে অনেকদিন থেকেই জানি, বঙ্গ-সাহিত্যে এ দেশের দানের কথাও অবিদিত নয়। লক্ষীকান্তবাবুর অভিভাষণে এ দেশটিকে আবার নতুন মূর্তিতে দেখলাম। এখানকার বর্তমান সাহিত্য-সাধনার ও সাহিত্য-পরিষদটির নানা পরিচয় পেলাম।

লক্ষীকান্তবাবু আইনজীবী, তা সত্ত্বেও তাঁর অভিভাষণে তিনি ধর্ম, সমাজ, সাহিত্য ইত্যাদি সম্বন্ধে যে আলোচনা করেছেন, তা দেখে আমি বিস্মিত হয়েছি। শান্তিপুৰ বহু জ্ঞানী, গুণী, পণ্ডিতের স্থান। বাঙ্গলার এমন এক দেশ থেকে আপনারা আদর করে আমাকে ডেকেছেন—এর জন্তে আমার মনটা বড় হয়ে ওঠে। আমি ভাবি, আমার মধ্যে এমন কি আছে, যার জন্তে আপনারা আমাকে এত দরদ দিয়ে ডাকলেন। নিজের রচনা সম্বন্ধে আমি কখনো আলোচনা করি নে। আমি পাড়ারগায়ের লোক, এই সাহিত্য-সাধনার মহাতীর্থে এসে আপনাদের আমি কতটুকু দিয়ে যেতে পারব, তা জানি নে।

যখন আমি পেশাদার ঔপন্যাসিক হই নি, যখন কিছুই জানতাম না যে, কিসে সমাজের ভাল হয়। সেই সময় প্রথম যৌবনে ‘বড়দিদি’, ‘দেবদাস’ প্রভৃতি লিখি। তারপর পঁয়ত্রিশ-ছত্রিশ বছর বয়সে বন্ধুদের তাড়াতে আবার যখন লিখতে আরম্ভ করি, তখন আমার সন্দেহ হয়, আমি সাহিত্যিক কি না; বাস্তবিক নিজের থেকে লিখছি, না, বাইরের তাগিদে লিখছি। আমি যা

লিখেছি, তার ভালমন্দের বিচার আপনাই করবেন। অস্বীকার করি না, দেশের ওপর সাহিত্যের প্রভাব খুবই বেশী।

আমারও সন্দেহ হয়, সাহিত্য কোন্ পথে চলেছে। সত্যিই সাহিত্য যা-তা হয়ে যাচ্ছে। যখন অল্প কোন কাজ থাকে না, তখন কি করে নাম করা যায়, টাকা পাওয়া যায়—এই চিন্তা নিয়ে অনেকে সাহিত্য রচনা করেন। কিন্তু যারা তা করেন না, যারা সত্যিই সাহিত্যিক, তাঁদেরও আজ ভাববার প্রয়োজন হয়েছে—সাহিত্য কোন্ পথে যাওয়া উচিত। ফরমাশ দিয়ে সাহিত্য রচনা হয় না। বক্সিমচন্দ্র প্রতিভার বলে নতুন ধারা দিয়ে গিয়েছেন। রবীন্দ্রনাথের ধারা আজও চলছে। এখন ভাববার সময় হয়েছে কি করব। যারা বলেন আর্ট ফর আর্টস সেক, আমি সে দলে নই। দেশের আর্থিক অবস্থা শোচনীয়, যুবকেরা বেকার, মেয়েদেরও দুঃখ-দুর্দশার অন্ত নেই—এ অবস্থায় লেখার ধারা কোন্ পথে চলবে—তা চিন্তা করার দিন এসেছে। আমি আমার লেখার ভিতর দিয়ে কোন সমাধান করিনি, শুধু গলদগুলো দেখিয়েছি। আমি সাহিত্য সাধনার ব্রত নিয়েছি দুঃখের ভেতর দিয়ে। সোজা কথায় গলদ ও দুঃখকে ব্যক্ত করেছি। আশা করি নতুন লেখকেরা এই ব্যথার স্থানগুলোকে ভাল করে তুলে ধরবেন, সত্যিকারের সমাধানের জন্ত চিন্তাধারা দেবেন।

আমার কদিন আর বাকি আছে জানিনে। সাহিত্য আজ কোন্ পথে চলেছে, তা আমি লক্ষ্য করেছি। এখন আমার ইচ্ছা, একটা নতুন ধারায় সাহিত্যকে নিয়ে যাবার চেষ্টা করব। আগেই বলেছি আমি বক্তা নই। যা আজকাল ভাবি, তা আপনাদের সামনে অকপটে বললাম। এখানে এসে আমার খুব ভাল লেগেছে। শান্তিপুর এবং তার সাহিত্য-পরিষদের পক্ষ থেকে আপনারা যে আন্তরিকতাপূর্ণ সম্বর্ধনা দিয়েছেন—তা বেঁচে থাকা পর্বস্ত মনে থাকবে। আমার কৃতজ্ঞতাপূর্ণ নমস্কার।

[শরৎচন্দ্রের এই মৌখিক অভিভাষণটি ১৩৬৩ সালের ৩ঃশে ভাদ্র তারিখের সাপ্তাহিক 'দেশ' পত্রিকায় 'সাহিত্য-সাধনার ব্রত' নামে ছাপা হয়েছে। লেখাটির পরিচিতি হিসাবে প্রথমেই লেখা আছে—



শান্তিপুৰ সাহিত্য সম্মেলন—২৫শে জ্যৈষ্ঠ শনিবার ১৩৪৩ সালের ১২শ অধিবেশনে মূল সভাপতি শরৎচন্দ্র চট্টোপাধ্যায় প্রদত্ত অভিভাষণ ‘সাহিত্য বার্ষিকী’ পত্রিকা হ’তে শ্রীঅজয়কুমার মিত্র কর্তৃক সংগ্রহীত।’

এখানে ভুলক্রমে ১৩৪২ সালের পরিবর্তে ১৩৪৩ সাল লেখা হয়েছে। কেননা ১৩৪২ সালের ১লা আষাঢ়ের আনন্দবাজার পত্রিকায়ও এই শান্তিপুৰ সাহিত্য সম্মিলনের বিবরণ প্রকাশিত হয়েছিল। আনন্দবাজার পত্রিকায় তখন যে বিবরণটি প্রকাশিত হয়েছিল, তা এই—

“গত ২৫শে ও ২৬ জ্যৈষ্ঠ শান্তিপুৰ সাহিত্য সম্মিলনের ষাটশ অধিবেশন মহা সমারোহের সহিত অহুষ্ঠিত হইয়া গিয়াছে। অপরাহ্নে কথামূলকী শ্রীযুক্ত শরৎচন্দ্র চট্টোপাধ্যায় মহাশয় মূল সভার এবং লক্ষপ্রতিষ্ঠ সাহিত্যিক বিচিত্রা-সম্পাদক শ্রীযুক্ত উপেন্দ্রনাথ গঙ্গোপাধ্যায় মহাশয় সাহিত্য শাখার সভাপতির আসন গ্রহণ করেন।

২৫শে তারিখে অপরাহ্নে স্থানীয় মিউনিসিপ্যাল স্কুল হলে মূল সভার অধিবেশন অহুষ্ঠিত হয়। উদ্বোধন সঙ্গীত গীত হইবার পর সভাপতি বরণকার্য সম্পন্ন হয়। অতঃপর অভ্যর্থনা সমিতির সভাপতি শ্রীযুক্ত লক্ষ্মীকান্ত মৈত্র এম, এ, বি, এল, কাব্য-সাংখ্যতীর্থ, এম, এল, এ, মহাশয় তাঁহার অভিভাষণ পাঠ করেন। কুমারী গীতা সেনগুপ্তার একটি সঙ্গীতের পর সভাপতি শরৎচন্দ্র তাঁহার মূল্যবান অভিভাষণ ব্যক্ত করেন। ইহার পর যথারীতি ধন্যবাদ প্রদান ও সঙ্গীতের পর ঐদিনকার কার্য শেষ হয়।

২৬শে তারিখ প্রাতে শান্তিপুৰ সাহিত্য পরিষদ ভবনে সম্মিলনের বিশেষ অধিবেশন অহুষ্ঠিত হয়। এই সভায় শান্তিপুৰ-রত্ন স্বপ্রসিদ্ধ ঔপন্যাসিক পরলোকগত দামোদর মুখোপাধ্যায় মহাশয়ের চিত্র উন্মোচন উৎসব অহুষ্ঠিত হয়। অক্লেয় উপেন্দ্রবাবু এই সভার সভানেতৃত্ব করেন। এই সভায় দামোদর মুখোপাধ্যায় সম্বন্ধে কয়েকটি কবিতাপাঠ ও বক্তৃতা দিয়া হয়। এইদিন অপরাহ্নে স্কুল হলে সম্মিলনের সাহিত্য শাখার অধিবেশন হয়। শ্রীযুক্ত উপেন্দ্রনাথ গঙ্গোপাধ্যায় মহাশয় সভাপতির আসন গ্রহণ করেন...।” ]

## কোমলগর পাঠচক্রে

১৩৪২ সালের আশ্বিন মাসে হুগলী জেলার কোমলগরে সেখানকার পাঠচক্রে এক সভায় সভাপতিত্ব করেছিলেন শরৎচন্দ্র। এই সভায় বিশিষ্ট বক্তা দিলেন, বাঙ্গলা দেশের পাঠাগার আন্দোলনের অন্ততম অগ্রণী কুমার মুনীন্দ্রদেব রায়। শরৎচন্দ্র সেদিন তাঁর সভাপতির ভাষণে বলেছিলেন—

কুমার মুনীন্দ্রদেব রায় মহাশয়ের বক্তৃতা শুনে আর কিছু না হোক অন্ততঃ একটি উপকার আমরা পেয়েছি। ইউরোপের নানা গ্রন্থাগার সম্বন্ধে তিনি যা বললেন, হয়ত তার অনেক কথাই আমাদের মনে থাকবে না। কিন্তু আজ তাঁর বক্তৃতা শুনে আমাদের মনে জেগেছে একটা আকুলতা। ইউরোপের গ্রন্থাগারের অবস্থা যে রকম উন্নত, সে রকম অবস্থা আমাদের দেশে কবে হবে—তা কল্পনাও করা যায় না। তবে যেটুকু হওয়া সম্ভব, তার জন্তে আমাদের চেষ্টা করা উচিত। চারদিক থেকে অভিযোগ ওঠে আমাদের গ্রন্থাগারে ভাল বই নেই,—আছে কেবল বাজে নভেল। আমাদের লেখকেরা জ্ঞানগর্ভ বই লেখেন না। তাঁরা কেবল গল্প লেখেন।

কিন্তু তাঁরা লিখবেন কোথা থেকে? এই অতি-নিম্নিত গল্পলেখকদের দৈন্তের সীমা নেই। অনেকেরই উপস্থাসের হয়ত দ্বিতীয় সংস্করণ হয় না। যা বা লাভ হয়, সে যে কার গর্ভে গিয়ে ঢোকে তা না বলাই ভাল। অনেকের হয়ত ধারণাই নেই যে, এই সব লেখক-সম্প্রদায় কত নিঃস্ব, কত নিঃসহায়।

বিলাতে কিন্তু গল্পলেখকদের অবস্থা অল্প রকম। তারা ধনী। তাদের এক একজনের আর আমরা কল্পনা করতে পারি নে। অল্প সময়ের মধ্যে তাদের পুস্তকের সংস্করণের পর সংস্করণ হয়। কারণ ওদেশে অন্ততঃ সামাজিকতার দিক থেকেও লোকে বই কেনে। কিন্তু আমাদের দেশে সে বলাই নেই। ওদেশে বাড়ীতে গ্রন্থাগার রাখা একটা আভিজাত্যের পরিচয়। শিক্ষিত সকলেরই বই কেনার অভ্যাস আছে। না কিনলে নিন্দে হয়,—হয়ত কর্তব্যের ক্রটি ঘটে।—আর অবস্থাপন্ন লোকদের ত কথাই নেই। তাঁদের

প্রত্যেকেরই বাড়ীতে এক একটা বড় গ্রন্থাগার আছে। পড়ার লোক থাকুক বা না থাকুক—গ্রন্থাগার রাখাই যেন একটা সামাজিক কর্তব্য। কিন্তু হুতাগ্ন জাত আমরা। আমাদের শিক্ষিতদের মধ্যেও পুস্তকের প্রচলন নেই। অনেকে হয়ত মাসিক পত্রিকার পৃষ্ঠা থেকে সমালোচনার ছলে শুধু গালি-গালাজের উপকরণ সংগ্রহ করে নেন। যদি খোঁজ নেন ত দেখতে পাবেন, তাঁদের অনেকেই মূল বইখানা পৰ্বন্ত পড়েন নি।

আমি নিজেও একজন সাহিত্য-ব্যবসায়ী। নানা জায়গা থেকে আমার ডাক আসে। অনেক বড়লোকের বাড়ীতে আমি গেছি। খোঁজ নিয়ে দেখেছি, তাঁদের আছে সবই—নেই কেবল গ্রন্থাগার। বই কেনা তাঁদের অনেকের কাছেই অপব্যয় ছাড়া আর কিছুই নয়। যাদের বা একান্তই আছে, তাঁরা কয়েকখানা চক্চকে বই বাইরের ঘরে সাজিয়ে রাখেন। কিন্তু বাঙ্গলা বই মোটেই কেনেন না।

তাই বাঙ্গলায়—যাকে আপনারা জ্ঞানগর্ভ বই বলছেন—সে হয় না। কারণ বিক্রি নেই। বিক্রি হয় না বলেই প্রকাশকেরা ছাপতে চান না। তাঁরা বলেন, ও সবের কোন চাহিদা নেই—নিয়ে এস গল্প। লোকে ভাবে, গল্প লেখাটা বড়ই সোজা। শুভানুধ্যায়ী পাড়ার লোকে যেমন অক্ষম আত্মীয়কে পরামর্শ দেয়—তাকে দিয়ে আর কিছু হবে না, যা তুই হোমিও-প্যাথি করগে যা। অথচ হোমিওপ্যাথির মত শক্ত কাজ খুব কমই আছে। এর কারণ হচ্ছে, যে জিনিসটা সকলের চেয়ে শক্ত, তাকেই অনেকে সবচেয়ে সহজ ধরে নেয়। ভগবান সব্বন্ধে কথা বলা যেমন দেখি, তাঁর সব্বন্ধে আলোচনা করতে কারও কখনো বিত্তে বুদ্ধির অভাব ঘটে না।

গল্পলেখকদের বিরুদ্ধে অভিযোগ করলে কি হবে? টাকার অভাবে কত ভাল ভাল কল্পনা—কত বড় বড় প্রতিভা যে নষ্ট হয়ে যায়, তার খবর কে রাখে? যৌবনে আমার একটা কল্পনা ছিল,—একটা উচ্চাশা ছিল যে ‘দ্বাদশ মূল্য’ নাম দিয়ে আমি একটা ‘ভল্যুম’ তৈরি করব। যেমন—সত্যের মূল্য, মিথ্যের মূল্য, মৃত্যুর মূল্য, হুঃখের মূল্য, নরের মূল্য, নারীর মূল্য—এই রকম মূল্য-বিচার। তারই ভূমিকা হিসাবে তখনকার কালে ‘নারীর মূল্য’ লিখি। সেটা বহুদিন অপ্রকাশিত পড়ে থাকে। পরে ‘যমুনা’ পত্রিকায় প্রকাশিত হয় বটে, কিন্তু সেই ‘দ্বাদশ মূল্য’ আর শেষ করতে পারি নি, তার কারণ—অভাব।

আমার জমিদারী নেই, টাকা নেই, তখন এমন কি দু-বেলা ভাত জোটাবার পয়সা পর্যন্ত ছিল না। প্রকাশকেরা উপদেশ দিলেন ওসব চলবে না। তুমি যা তা করে তার চেয়ে ছোটো গল্প লিখে দাও,—তবু হাজারখানেক কাটবে।

আমাদের জাতির বৈশিষ্ট্য বলুন কিংবা দুর্ভাগ্যই বলুন—বই কিনে আমরা লেখকদের সাহায্য করি না। এমন কি যাদের সঙ্গতি আছে—তাঁরাও করেন না। বরং অভিযোগ করেন, গল্প লিখে হবে কি? অথচ আজ অন্তঃপুরের যেটুকু জ্ঞানীশিক্ষার প্রচার হয়েছে, তা এই গল্পের ভেতর দিয়েই।

কত বড় বড় কবি উৎসাহের অভাবে নাম করতে পারেন নি। পরলোক-গত সত্যেন দত্তর শোক-বাসরে গিয়ে দেখেছিলুম, অনেকে সত্যিই কাঁদছেন। অত্যন্ত ক্ষোভের সঙ্গে বলেছিলুম—কড়া কথা বলা আমার অভ্যাস আছে, এ রকম ক্ষেত্রে কড়া কথা মাঝে মাঝে বলেও থাকি—সেদিন বলেছিলুম, এখন আপনারা কেঁদে ভাসাচ্ছেন, কিন্তু জানেন কি যে বারো বছরে তাঁর পাঁচ'শখানা বই বিক্রি হয় নি। অনেকে বোধ করি তাঁর সব পুস্তকের নাম পর্যন্ত জানেন না। অথচ আজ এসেছেন অশ্রুপাত করতে।

আমাদের বড়লোকেরা যদি অন্ততঃ সামাজিক কর্তব্য হিসাবেও বই কেনেন, অর্থাৎ যাতে দেশের লেখকদের সাহায্য হয়—এমন চেষ্টা করেন, তাতে সাহিত্যের উন্নতিই হবে। লেখকেরা উৎসাহ পাবেন, পেটে খেতে পাবেন, নিজেরা নানা বই পড়বার অবসর পাবেন। এর ফলে তাঁদের জ্ঞান বৃদ্ধি হবে, তবে ত তাঁরা জ্ঞানগর্ভ বই লিখতে পারবেন।

রায় মহাশয়ের বক্তৃতা শুনে আর একটা বেশী কথা আমাদের নজরে পড়ে যে, ও-দেশের যা কিছু হয়েছে, তা করেছে ও দেশের জনসাধারণ। তারা মন্ত লোক। তাদেরই মোটা মোটা দানে বড় বড় প্রতিষ্ঠান গড়ে উঠেছে। আমরা প্রায়ই সরকারকে গালাগালি দিই। কিন্তু এই আমাদেরই দেশবন্ধুর শ্রুতি-ভাণ্ডার ভরল কতটুকু? তিনি দেশের জন্তে কত করেছেন। তাঁর শ্রুতি রক্ষার জন্তে কত আবেদনই না বেরল। কিন্তু সে ভিক্ষাপাত্র আজও আশানুরূপ পূর্ণ হ'ল না। অথচ ইংলণ্ডে 'ওয়েষ্টমিনস্টার এবি'র এক কোণে যখন ফাটল ধরে, সেখানকার ভীন কুড়ি লক্ষ পাউণ্ডের জন্তে এক আবেদন করেন। কয়েক মাসের মধ্যে এত টাকা এল যে শেষে তিনি সেই ফাণ্ড বন্ধ করতে বাধ্য হয়েছিলেন। অথচ দাতারা নাম বাজাবার জন্তে যে দান করেন

নি তা স্পষ্ট বোঝা যায়, কারণ কাগজে কারোরই নাম বেয়োয় নি। এতটা সম্ভব হয় তখনই, যখন লোকের মধ্যে স্বদেশ সম্বন্ধে একটা প্রবুদ্ধ মন গড়ে ওঠে।

আমার প্রার্থনা, কুমার মুনীন্দ্রদেব রায় মহাশয় দীর্ঘজীবী হোন। তাঁর এই প্রারম্ভ কাজে উত্তরোত্তর সাফল্য লাভ করুন। তাঁর কথা শুনে আমাদের মনে জাগে আকুলতা। যার যে পরিমাণ শক্তি লাইব্রেরী-আন্দোলনের জন্তে তাই দেন ত দেশের কাজ অনেক এগিয়ে যাবে। আমাদের নিজেদের দেখার হয়ত অবসর ঘটবে না। কিন্তু আশা হয়, আজকের দিনে যারা তরুণ, যারা বয়সে ছোট—তাঁরা নিশ্চয়ই এ কাজের কিছু ফল দেখতে পাবেন।

‘কোরগর পাঠচক্র’র চেষ্টায় এই যে সব মূল্যবান কথা শোন! গেল, তার জন্তে বক্তা এবং সভ্যদের আন্তরিক ধন্যবাদ দিই। আজ বড় আনন্দ পেলাম—শিক্ষা পেলাম, মনের মধ্যে ব্যথাও পেলাম। কোথায় ইউরোপ আর কোথায় আমাদের দুর্ভাগ্য দেশ! যুগ-যুগান্তের পাপ সঞ্চিত হয়ে আছে। একমাত্র ভগবানের বিশেষ করুণা ছাড়া পরিজ্ঞানের আর ত কোন আশা দেখি না।

## সাম্প্রদায়িক বাঁটোয়ারার প্রতিবাদ সভায়

১৯৩৬ খ্রীষ্টাব্দের ১৫ই জুলাই তারিখে কলকাতায় টাউন হলে রবীন্দ্রনাথের সভাপতিত্বে সাম্প্রদায়িক বাঁটোয়ারার বিরুদ্ধে যে বিরাট জনসভা হয়েছিল, তাতে উদ্বোধন বক্তৃতা দিয়েছিলেন শরৎচন্দ্র। শরৎচন্দ্রের সেই বক্তৃতাটি ছিল লিখিত বক্তৃতা।

ঐ সভার কয়েকদিন পরেই কলকাতায় এলবার্ট হলে সাম্প্রদায়িক বাঁটোয়ারার বিরুদ্ধে আবার যে প্রতিবাদ সভা হয়, তাতে শরৎচন্দ্র সভাপতিত্ব করেছিলেন। শরৎচন্দ্র সেদিন সভায় যে মৌখিক অভিভাষণটি দিয়েছিলেন, তা হচ্ছে এই—

নূতন শাসনতন্ত্রে সমগ্র ভারতের হিন্দুদিগের, বিশেষতঃ বাঙ্গলা দেশের হিন্দুদিগের প্রতি যে অবিচার করা হয়েছে—এত বড় অবিচার আর কিছুতে হতে পারে না। অনেকে হয়ত এই মনে করবেন যে, এই অবিচারের প্রতিকার করবার ক্ষমতা আমাদের হাতে নেই এবং এই মনে করেই তাঁরা নিশ্চেষ্ট থাকবেন, প্রতিবাদ করবেন না। কিন্তু তা সত্য নয়; যদি এই অস্ত্রায়কে রোধ করবার ক্ষমতা কারও থাকে, সে আমাদেরই আছে।

নিজের শক্তিস্বত আমি আজন্মকাল সাহিত্যসেবা করে এসেছি,—যদি দেশের সাহিত্য বড় হয় এই আশায়;—এবং এই আশাতেই সাহিত্যের কাজে, দেশের কাজে, নিজেকে সম্পূর্ণভাবে নিয়োগ করেছি। কিন্তু এখন অবস্থা এমন হতে চলেছে যে, আমার ভয় হয়—হয়ত দশ বৎসরের মধ্যে সাহিত্যের আর এক যুগ এসে পড়বে;—হয়ত রবীন্দ্রনাথ সেদিন থাকবেন না, আমিও হয়ত তত দিন আর থাকব না। তাই এখন হতে সেই অবস্থার কথা ভেবে আমি শঙ্কিত হয়ে পড়েছি।

বাঙ্গলা-সাহিত্যকে বিকৃত করবার একটি হীন প্রচেষ্টা চলছে। কেউ বলছেন, সংখ্যার অনুপাতে ভাষার মধ্যে এতগুলি ‘আরবী’ কথা ব্যবহার কর; কেউ বলছেন, এতগুলি ‘পারসী’ কথা ব্যবহার কর; আবার কেউ বা

বলছেন, এতগুলি ‘উদু’ কথা ব্যবহার কর। এটা একেবারে অকারণ,—যেমন ছোট ছেলে হাতে ছুরি পেলে বাড়ীর সমস্ত জিনিস কেটে বেড়ায়, এ-ও সেইরূপ।

তার পর এত বড় অবিচার যে আমাদের—হিন্দুদের উপর হ’ল, এ তাঁরা জেনেও নীরব হয়ে রইলেন—এইটাই সকলের চেয়ে দুঃখের কথা। এটা কি তাঁরা বোঝেন না যে, এই যে বিষ, এই যে ক্ষোভ হিন্দুদের মনের মধ্যে জমা হয়ে রইল—একদিন না একদিন তা রূপ পাবেই ; তার যে একটি প্রতিক্রিয়া আছে, এও কি তাঁরা ভাবেন না। এ রকম করে ত আর একটা দেশ চলতে পারে না, একটা জাতি বাঁচতে পারে না—এটাও তাঁদের জন্মভূমি। দেখুন, কেবল দিলেই হয় না,—গ্রহণ করার শক্তিও একটা শক্তি। আজ যদি তাঁরা মনে করেন যে, ব্রিটিশ গভর্নমেন্ট ঢেলে দিলেন বলেই তাঁদের পাওয়া হ’ল—একাদশ টের পাবেন, এত বড় ভুল আর নেই।

আমি আমার মুসলমান ভায়ের বলছি, তোমরা সংস্কৃতির উপর নজর রেখো, সাহিত্যের উপর নজর রেখো, আর ছোট ছেলের মত ধারালো ছুরি হাতে পেয়েছ বলে সব কেটে ফেলো না।

আমার মতে অত্যাচার স্বীকার করতে নেই, যথাসাধ্য প্রতিকার করতে হয়। তাই দিয়েই মানুষ মানুষ হয়ে উঠে। এই যে অত্যাচারটা আমাদের উপর হয়েছে, তার প্রতিকার করতেই হবে, যদি না পারি, তা হ’লে দশ বৎসর পরে—বাঙ্গালী আজ যা নিয়ে গৌরব করছে—তার আর কিছুই থাকবে না। তাই আমার ক্ষুদ্র শক্তিতে যতখানি পারি এই অত্যাচারের প্রতিবাদ করবো, কারণ, এই অত্যাচার যদি চলতে দেওয়া হয়, তবে দেশে না হিন্দুর না মুসলমানের, না কারো কখন মঙ্গল হবে।—‘বাতায়ন,’ ১৫ শ্রাবণ ১৩৪৩।

## ‘রবীন্দ্র-জয়ন্তী’র প্রস্তুতি সভায়

১৩৩৮ সালের ২৫শে বৈশাখ রবীন্দ্রনাথের বয়স ৭০ বছর পূর্ণ হয়। কবির বয়স ৭০ বছর পূর্ণ হওয়ায় এই বছর পৌষ মাসে বড়দিনের ছুটির সময় কলকাতায় টাউন হলে এক বিরাট জনসভায় দেশবাসীর পক্ষ থেকে কবিকে সম্বর্ধনা জানানো হয়।

কলকাতা মিউনিসিপ্যাল গেজেটের সম্পাদক অমল হোম একজন সঙ্গীসহ বৈশাখ মাসের মাঝামাঝি সময়ে একদিন এই কবি-সম্বর্ধনার প্রস্তাব নিয়ে সামতাবেড়ে শরৎচন্দ্রের কাছে যান।

শরৎচন্দ্র সানন্দে এই প্রস্তাব সম্বর্ধন করে সেদিন তাঁদের বলেছিলেন—তবে আমাদের কবিতা-কবিতাতে রেখে না, ও-সব আমি পারব না। আমি তোমাদের পেছনে থাকব। আর দেখ, বক্তৃতা-টক্কৃত। আমার দ্বারা হবে না, ও-সবে আমাকে ডেকে না।

অমলবাবু সেদিন তাই হবে, বলে চলে এসেছিলেন বটে, কিন্তু শেষ পর্যন্ত তিনি শরৎচন্দ্রের কথা রাখেন নি। এমন কি শরৎচন্দ্রও নিজের ঐ কথা রাখতে পারেন নি।

শরৎচন্দ্র টাউন হলে রবীন্দ্র-সাহিত্য সম্মিলনে সভাপতিত্ব করতে গিয়ে ‘রবীন্দ্রনাথ’ নামে একটি লিখিত প্রবন্ধ তো পাঠ করেছিলেনই, এমন কি ২রা জ্যৈষ্ঠ কলকাতায় ইউনিভার্সিটি ইনস্টিটিউট হলে যে রবীন্দ্র-জয়ন্তী প্রস্তুতি সভা ডাকা হয়েছিল, তাতে তিনি একটি প্রস্তাব সম্বর্ধন করতে উঠে একটি ছোট মৌখিক বক্তৃতাও দিয়েছিলেন। আর ঐ ২রা জ্যৈষ্ঠ তারিখেই আচার্য জগদীশচন্দ্র বসুকে সভাপতি করে যে জয়ন্তী-উৎসব পরিষদ গঠিত হয়েছিল, তাতে তিনি অগ্রতম সহকারী সভাপতি হতেও সম্মত হয়েছিলেন।

ঐ রবীন্দ্র-জয়ন্তী প্রস্তুতি সভায়—‘এই সভার হতে, কবিবরের সমগ্র দেশবাসীর সকল সম্প্রদায়ের পক্ষ হইতে, কলিকাতা নগরীতে, এই শুভ ঘটনা উপলক্ষ্যে তাঁহার যথোচিত সম্বর্ধনা ও একটি আনন্দোৎসবের অয়োজন করা কর্তব্য’—এই প্রস্তাবটি চন্দ্রশেখর ভট্টাচার্য উপস্থাপিত করেন।



এই প্রস্তাবটিই সমর্থন করতে উঠে শরৎচন্দ্র সেদিন মুখে একটি বক্তৃতাও দিয়েছিলেন।

শরৎচন্দ্রের সেদিনের সেই বক্তৃতাটি সম্বন্ধে অমলবাবু লিখেছেন—

“প্রস্তাবের অমুমোদনে উঠলেন শরৎচন্দ্র। ঠিক পনের দিন আগে তিনি কোনও সভায় বক্তৃতা করতে পারবেন না, এই কথা জানিয়েছিলেন; কিন্তু চমৎকার একটি ছোট বক্তৃতা করলেন।... তাঁর সে-বক্তৃতার একটি কথা আজও আমি ভুলি নি। তিনি বলেছিলেন—

“আমি জানি আমাদের দেশের অনেকেই বিশ্বভারতীকে তাঁর একটা খেয়াল বলে মনে করেন। আমি বলি, হোলই বা খেয়াল, কিন্তু কার খেয়াল ও কত বড় সে খেয়াল তা আমাদের ভুললে চলবে না। তাই বলি, অমুঠান করুন, আনন্দোৎসব করুন, কিন্তু আসুন কিছু টাকা তুলে দেশের লোক আমরা তাঁর হাতে দিই। তিনি এই বুড়ো বয়সে বিশ্বভারতীর ভিক্ষার ঝুলি নিয়ে দেশ-বিদেশে ঘুরে বেড়াচ্ছেন—এ লজ্জা আমাদের।”

শরৎচন্দ্রের এই কথা অমুমায়ী রবীন্দ্র-জয়ন্তী উৎসব পরিষদ বিশ্বভারতীর সাহায্য-কল্পে সমর্থন। সভায় রবীন্দ্রনাথকে একটি টাকার খলি উপহার দেওয়া স্থির করেন।

রবীন্দ্র-জয়ন্তীর কাজ যখন ধীরে ধীরে এগিয়ে চলছিল, সেই সময় বর্ষাকালে প্রবল বজ্রায় উত্তর বজ্রের প্রচুর ক্ষতি হয়।

রবীন্দ্রনাথ, বিশ্বভারতীর সাহায্যকল্পে তাঁকে টাকার খলি উপহার দেওয়া হবে জানতে পেরে, ঐ সময় অমল হোমকে লিখেছিলেন—

“অমল, জয়ন্তী উপলক্ষ্যে আমাকে পাস দেবার সম্বন্ধ ত্যাগ কর, সে টাকা তোমরা বস্তার্তদের দিও। আমি শরৎকে লিখলুম।”

কবি শরৎচন্দ্রকে লিখেছিলেন—

“শরৎ, শুনেছি তোমরা আমার অর্থ্যরূপে কিছু টাকা সংগ্রহের সংকল্প করেচ। দেশে এমন দারুণ দুর্দিন, এ সময়ে অল্প কোনও ব্যাপারের জন্তে অর্থের দাবী করা বিহিত হবে না। যদি আমার হাতে কিছু দিতে চাও, তবে

সেটার লক্ষ্য হবে দুর্গতদের দুঃখহরণ। আমিও স্বতন্ত্রভাবে সেজন্য চেষ্টা করছি...।”

কবির সম্বর্ধনা-সভায় কবিকে একটি টাকার থলি দেওয়া হয়েছিল। কবি সে টাকা বক্তৃতাভেদে দিয়েছিলেন।

দেশবাসী একটা মোটা অঙ্কের টাকা সংগ্রহ করে বিশ্বভারতীর সাহায্যকল্পে রবীন্দ্রনাথকে দেয় নি বলে, শরৎচন্দ্র বরাবরই দুঃখ প্রকাশ করতেন।

## সিনেট হলে ছাত্র-ছাত্রীদের সভায়

শরৎচন্দ্রের ৫৭তম জন্মদিন উপলক্ষে ১৩৩২ সালের ১লা আশ্বিন\* তারিখে বাঙ্গলার ছাত্র-ছাত্রীদের ‘ছাত্র-ছাত্রী উৎসব পরিষদ’ কলকাতায় সিনেট হলে (সিনেট হলের স্থানে বর্তমানে কলকাতা বিশ্ববিদ্যালয়ের বহু-তলা লাইব্রেরী বিল্ডিং হয়েছে) এক শরৎ-বন্দনার আয়োজন করেছিলেন।

সেদিন ছাত্র-ছাত্রীরা শরৎচন্দ্রকে যে অভিনন্দন পত্রটি দিয়েছিলেন, তাতে তাঁরা বলেছিলেন—

পরম শ্রদ্ধাভাজন, শ্রীযুক্ত শরৎচন্দ্র চট্টোপাধ্যায়

শ্রীচরণেষু—

হে বন্ধু, তোমার সপ্ত-পঞ্চাশৎ জন্মদিনে বাঙ্গলার ছাত্র-ছাত্রীদের প্রণাম গ্রহণ কর।

যখন বয়স অল্প ছিল, তখনই বীণাপাণি তোমাকে আপনার একান্তে গ্রহণ করিয়াছেন। যে মহাকাল, বর্তমানকে গোপনে ভাবীকালের ভাণ্ডারে সঞ্চয় করিতেছেন, তাঁহার বিচারে তোমার কিরণ-লেখা ভবিষ্যতের প্রাস্ত পৰ্বন্ত প্রসারিত। পঞ্চাশৎ বৎসরেরও পূর্বে তোমার জন্ম, তোমার আয়ুষ্কাল সমগ্র কালকে বেষ্টন করিয়া আছে। হে শরৎচন্দ্র, আমরা তোমাকে প্রণাম করি।

তুমি কীর্তিমান হইয়াও খ্যাতিতে আসক্ত নও, তেজস্বী হইয়াও নিরভিমानी, শ্রদ্ধার দ্বারা পরিবেষ্টিত হইয়াও নিরহঙ্কারী। সত্যভাবে তোমার কুণ্ঠা নাই, দৃষ্টিতে আবিলতা নাই, দেশবাসীর প্রিয় হইবার মানিকর চেষ্টা হইতে তুমি আপনাকে মুক্ত করিয়াছ। হে দেশবাসীর বরগুণ, আমরা তোমাকে অভিনন্দন করিতেছি।

যে বিচিত্র জীবনের সন্ধান তোমার লেখনীতে বাঙ্গলার তরুণ পাইয়াছে, তাহারই আস্থানে সে আজ দুঃখের অভিসার-যাত্রায় জগৎ সমাজে তাহার পথের দাবী লইয়া দাঁড়াইবে। বাঙ্গালীর জাতীয় প্রগতির সঙ্গে তোমার এই নাড়ীর যোগ যাহাতে অক্ষুন্ন থাকে, তাহাই প্রার্থনা করি।

হে নবজীবনের হোতা! তোমার আশীর্বাদ আমাদের নব-নীক্ষায় দীক্ষিত করুক। তোমার সত্য-দৃষ্টি, সত্য-ভাষণ ও সত্য চিন্তা, আমাদের দৃষ্টি, কথা ও চিন্তাকে সমস্ত রকম অসত্যের মায়া থেকে মুক্ত করুক।

হে ঋষি! আজ বাঙ্গালীর সাহিত্যে, রাষ্ট্রে, সমাজে, কুণ্ঠিতে নূতনের ভাববিপ্লব উপস্থিত। তোমার লেখনী এই জাতীয় ঘূর্ণাবর্তের মধ্যে আবার কোন নূতন পথের সন্ধান দিবে, তাহার আশায় সমগ্র ছাত্রসমাজ উদ্গ্রীব হইয়া রহিয়াছে।

ছাত্র-ছাত্রীদের এই অভিনন্দনের উত্তরে শরৎচন্দ্র বলেছিলেন—

আমার তরুণ বন্ধুগণ, আমার জীবনের সর্বশ্রেষ্ঠ প্রসাদ আমি আজ লাভ করলাম—আমি তোমাদের চিত্তলোকে স্থান পেয়েছি, তোমরা আমাকে ভালবেসেছ। আমার সাহিত্য-সেবার এর চেয়ে বড় পুরস্কারের কথা কল্পনা করতে পারি নে। যে তরুণশক্তি যুগে যুগে, কালে কালে পৃথিবীকে নূতন করে গঠন করে, দৃষ্টি যাদের প্রসারিত, অস্ত্রায় বন্ধন যারা মানে না, বড় মন নিয়ে সর্বত্যাগের বাণীকে অবলম্বন করে যারা যে কোনও মুহূর্তে হাসিমুখে পৃথিবীর বন্ধুরতম পথে যাত্রা করতে পারে, তারা আজ আমাকে তাদের আপনার জন বলে স্বীকার করেছে, এ আনন্দের স্মৃতি আমার চিরজীবনের সঞ্চয় হয়ে রইল।

আমার সাহিত্য-সাধনার মূল্য নির্ধারণ করবার ভার আমি তোমাদের উপর দিয়েছি। ভরসা আছে, আর যে যাই বলুক, তোমরা কোনাদন আমাকে ভুল বুঝবে না। দেশের জন্তে, অবহেলিত মানব সমাজের জন্তে আমি কতটুকু করেছি, তা স্থির করবার ভার রইল ভাবী কালের সমাজের উপর। বহু বার বহু স্থানে যে কথাটি আমি বলেছি, তোমাদের কাছে আজ সেই কথারই পুনরুজ্জ্বল করতে চাই। মিথ্যাকে তোমরা কোনদিন কোন ছলেই স্বীকার ক'রো না;—সত্যের পথ, অপ্রিয় সত্যের পথ—যদি পরম দুঃখের পথও হয়, তা হ'লেও সে দুঃখ-বরণের শক্তি নিজেদের মধ্যে সংগ্রহ ক'রো। দেশের এবং দশের যে ভবিষ্যৎ তোমাদের হাতে নির্ভর করছে, সে ভবিষ্যৎ যে কখনও দুর্বলতার দ্বারা, ভীকৃত্যের দ্বারা এবং অসত্যের দ্বারা গঠিত হয় না, তোমাদের পানে তাকিয়ে দেশের লোক যেন এই কথাটা নিরন্তর মনে রাখতে পারে।

তোমাদের আমি আশীর্বাদ করি, জীবন তোমাদের সার্থক হোক, সাধনা তোমাদের সফল হোক এবং আরও যে ক'টা দিন বাঁচি, তোমাদের দিকে চেয়ে আমিও যেন বল লাভ করতে পারি।

[ \* শরৎচন্দ্রের জন্মদিন ৩১শে ভাদ্র তারিখে কলকাতায় টাউন হলে দেশবাসীর পক্ষ থেকে শরৎচন্দ্রকে অভিনন্দন জানানোর পরে, সিনেট হলে ছাত্র-ছাত্রীরা শরৎচন্দ্রকে অভিনন্দন জানাবেন স্থির ছিল। কিন্তু ৩১শে তারিখে টাউন হলে একটা জঘন্ত দলাদলির কারণে শরৎ-বন্দনা সভা বন্ধ হয়। তাই শরৎচন্দ্র সেদিন আর ছাত্র-ছাত্রীদের সভাতেও আসেন নি। ছাত্র-ছাত্রীদের সভা হয়েছিল পরদিন ১লা আশ্বিন, আর টাউন হলে দেশ-বাসীর পক্ষ থেকে শরৎ-সম্বর্ধনা সভা হয়েছিল ২রা আশ্বিন। ]

## ফরিদপুর রাজেশ্বর কলেজে

১৩৪০ সালের ১৩ই মাঘ ফরিদপুরে যে বঙ্গ সাহিত্য সম্মিলন হয়, তাতে মূল সভাপতি হয়েছিলেন শরৎচন্দ্র। সেই সভায় শরৎচন্দ্র একটি ছোট লিখিত অভিভাষণ পাঠ করেছিলেন।

শরৎচন্দ্র সেবার ফরিদপুরে গেলে সেখানকার রাজেশ্বর কলেজের ছাত্ররা এক সভায় তাঁকে অভিনন্দন জানিয়েছিলেন। শরৎচন্দ্র সেদিন অভিনন্দনের উত্তরে ছাত্রদের বলেছিলেন—

তোমাদের এই বিদ্যামন্দিরে এসে আমার নিজের অধ্যয়ন জীবনের কথাই আজ বার বার মনে পড়ছে। আমারও একদিন তোমাদের মতই উচ্চশিক্ষার আশা নিয়েই এমনি করে ছাত্রজীবন শুরু হয়েছিল, সেদিন মনে মনে ভাবী কালকে স্মরণ করে কত আশার মুকুলই না রচনা করেছিলাম। কিন্তু স্বপ্ন যত বড় ছিল, পারিপার্শ্বিক অবস্থার আমূলকূল্য থেকেও ঠিক ততখানিই বঞ্চিত হলাম। বিধাতা যে এমন বঞ্চনা আমার জন্ত রেখেছিলেন, ভাবতে পারি নি।

বিদ্যামন্দিরের উদ্দেশ্যে দূর থেকে নমস্কার জানিয়েই একদিন ভবঘুরে হলাম। এমনি করেই আজ জীবনের অপরাহ্ন বেলায় এসে পৌঁছেছি।

এ জীবনে একটা সত্য উপলব্ধি করেছি, সত্য থেকে ভ্রষ্ট হয়ে ফাঁকি দিয়ে মাহুষের চোখ ঝলসাতে গেলে সে-ফাঁকি এক সময় নিজেকে এসেই বেঁধে। তোমাদের তাই বলবো—অনন্ত ভবিষ্যৎ তোমাদের সামনে। তোমাদের দিয়ে দেশ একদিন বড় হবে। তোমরা তাই খাঁটি হও। চোখে দেখে যা পরখ করবে না, জীবনে তাকে কখনও সত্য বলে প্রচার করবে না, তাতে ঠকতে হয়। তোমরা আমার ভালবাসা নাও। (বঙ্গভাষী—মাঘ ১৩৬০)

## আন্তোষ কলেজে সাহিত্য-সন্মিলনে

১৩৪২ সালের ২১শে ফাল্গুন তারিখে শরৎচন্দ্র একবার আন্তোষ কলেজের সাহিত্য সন্মিলনে এসেছিলেন। তাঁর সেই আসার ইতিহাসটা এই—

আন্তোষ কলেজের ছাত্ররা সেবার স্থির করেন, তাঁদের কলেজের বাঙ্গলা সাহিত্য সন্মিলনে শরৎচন্দ্রকে সভাপতি করবেন।

ছাত্ররা তাঁদের এই সিদ্ধান্তের কথা কলেজের পরিচালক সমিতির বিশিষ্ট সদস্য রমাশ্রমাদ মুখোপাধ্যায় মহাশয়কে জানালে, তিনি কলেজের অন্ততম অধ্যাপক কুমুদচন্দ্র রায়চৌধুরীকে বললেন—কুমুদবাবু, আপনি তাহলে শরৎবাবুর কাছে গিয়ে তাঁকে বলে সমস্ত ব্যবস্থা করে আসুন।

রমাশ্রমাদবাবু যখন ‘বঙ্গবাণী’ মাসিক পত্রিকা বার করেছিলেন, তখন কুমুদবাবু এই পত্রিকার প্রধান কর্ম-সচিব ছিলেন এবং প্রধানতঃ তিনিই শরৎচন্দ্রের কাছ থেকে বঙ্গবাণীতে প্রকাশিত ‘পথের দাবী’ উপন্যাসের কপি আনতে যেতেন। সেই সূত্রে শরৎচন্দ্রের সঙ্গে কুমুদবাবুর ঘনিষ্ঠ পরিচয় হয়েছিল।

যাই হোক, শরৎচন্দ্র ঐ সময় তাঁর কলকাতার বাড়ীতে আছেন জেনে, কুমুদবাবু একদিন শরৎচন্দ্রের কাছে গেলেন। গিয়ে তিনি ছাত্রদের অভিলাষের কথা বললেন।

শরৎচন্দ্র শুনেই বললেন—আমাকে আবার কেন? আমি তো মোটেই বক্তৃতা দিতে পারি না।

কুমুদবাবু ছাড়লেন না। তিনি শেষে রমাশ্রমাদবাবু ও তাঁর ভাইদের কথা বলে কোন রকমে শরৎচন্দ্রকে রাজী করালেন এবং শরৎচন্দ্রের সুবিধামত একটা দিনও ঠিক করে এলেন।

শরৎচন্দ্র আসবেন কথা দেওয়ায়, মধ্যাহ্নে নিমন্ত্রণ পত্র ছাপানো হ’ল এবং পত্র বিলি হ’ল। সভার আগের দিন শরৎচন্দ্রকে নিমন্ত্রণ পত্র দিয়ে সভার কথা স্মরণ করিয়ে দিয়ে আসাও হ’ল।

এবার সভার দিন। শরৎচন্দ্র আসছেন শুনে শুধু কলেজের পরিচালকবর্গ, অধ্যাপক ও ছাত্ররাই নয়, পাড়ার মেয়ে এবং পুরুষরাও বিশেষ করে মেয়েরা সভা আরম্ভের অনেক আগে থেকেই কলেজে এসেছিলেন। এমন কি শরৎচন্দ্র আসছেন, জানতে পেরে পথের বহুলোকও সভায় এসে জমেছিল।

সভা আরম্ভ হওয়ার এক ঘণ্টা আগে কলেজের কয়েকজন ছাত্র গাড়ী নিয়ে শরৎচন্দ্রকে তাঁর বাড়ী থেকে আনতে গেলেন। ছাত্ররা গেলে শরৎচন্দ্র তাঁদের বললেন—আমাকে আবার নিতে এসেছ কেন? আমি নিজেই তো যেতে পারি। তোমরা যাও, আমি যাচ্ছি।

ছাত্ররা বললেন—আমরা গাড়ী নিয়ে এসেছি, আমাদের সঙ্গেই চলুন না।

—না, না, তোমরা যাও, আমি এখনি যাচ্ছি।

শরৎচন্দ্র এখনি আসবেন, এই আশা নিয়ে ছাত্ররা ফিরে এলেন।

এদিকে এখনি ছেড়ে, সভার নির্দিষ্ট সময় পার হয়েও ক্রমে এক ঘণ্টা, দেড় ঘণ্টা হয়ে গেল, তবুও শরৎচন্দ্রের আর দেখা নেই। অবশেষে রমাশ্রমাদবাবু কুম্ভদবাবুকে বললেন—আপনি নিজে একবার গাড়ীটা নিয়ে যান।

রমাশ্রমাদবাবুর কথায় কুম্ভদবাবু তখনই মোটর নিয়ে শরৎচন্দ্রের বাড়ীতে গেলেন। গিয়ে দেখেন, শরৎচন্দ্র দিব্যি তাঁর বৈঠকখানায় বসে নিশ্চিন্তমনে গড়গড়ায় তামাক টানছেন। তাঁকে যে একটা সভায় যেতে হবে এবং সে সভার সময় যে পার হয়ে গেছে, সে সম্বন্ধে তাঁর কোন খেয়ালই নেই।

কুম্ভদবাবু বললেন—একি, আপনি এখনও বসে আছেন? ওদিকে যে সভার সময় অনেকক্ষণ পার হয়ে গেছে!

—তাই নাকি! আচ্ছা বোস। আমি তাহলে উপর থেকে কাপড় জামাটা বদলে আসি।

কুম্ভদবাবু শরৎচন্দ্রকে বললেন—আপনি কাপড় বদলান, আমি ততক্ষণে এই কাছ থেকে যতীনবাবুকে নিয়ে আসি।

—কে যতীনবাবু?

—কবি যতীন বাগচী।

—আচ্ছা যাও।

কুম্ভদবাবু যতীনবাবুর বাড়ীতে গিয়ে তাঁকে মোটরে নিয়ে শরৎচন্দ্রের



বাড়ীর দিকে আসতে থাকলে, যতীনবাবু প্রশ্ন করলেন—এদিকে আবার কোথায় ?

কুমুদবাবু বললেন—শরৎচন্দ্রের বাড়ীতে ।

শরৎচন্দ্রের নাম শুনে, যতীনবাবু চমকে উঠে বললেন—আঁ্যা, আমি মোটরে আসছি, তিনি জানেন ?

—জানেন, তাঁকে বলেই আপনার বাড়ীতে গিয়েছিলাম ।

—তাই নাকি !

( ১৩৩২ সালে শরৎচন্দ্রের ৫৭তম জন্মতিথিতে দেশবাসী কলকাতার টাউন হলে শরৎচন্দ্রকে অভিনন্দিত করবার ব্যবস্থা করলে, সেই সময় কবি যতীন্দ্র মোহন বাগচী তাঁর দলের কয়েকজন কবি সহ সংবাদপত্রে এক বিবৃতি দিয়েছিলেন—মহাত্মা গান্ধী অনশন করবেন কথা হচ্ছে, অতএব শরৎচন্দ্রের অভিনন্দন সভা বন্ধ করে দেওয়া হোক।—এই জন্তই যতীনবাবু সেদিন শরৎচন্দ্রের কথায় এইভাবে একটু সঙ্কুচিত হয়েছিলেন । )

কুমুদবাবু মোটরে যতীনবাবুকে নিয়ে শরৎচন্দ্রের বাড়ীর দোর গোড়ায় এলেন । যতীনবাবু মোটরে বসে রইলেন, নামলেন না ।

কুমুদবাবু মোটর থেকে নেমে শরৎচন্দ্রের বৈঠকখানায় ঢুকে দেখলেন—শরৎচন্দ্র কাপড়-জামা না বদলে তেমনি বসে বসে তামাক টানছেন ।

কুমুদবাবু বললেন—কই নিন ! যতীনবাবুকে এনেছি, তিনি গাড়ীতে বসে আছেন ।

—ওকে যেতে বল ।

কুমুদবাবু অগত্যা ড্রাইভারকে বললেন—যতীনবাবুকে পৌঁছে দিয়ে তুমি মোটর নিয়ে এখনি ফিরে এস ।

ড্রাইভার তাই করল ।

গাড়ী ফিরে এলে, কুমুদবাবুর অনেক অস্বরোধ ও তাড়ায় শরৎচন্দ্র শেষ পর্যন্ত কাপড়-জামা বদলে মোটরে এসে বসলেন ।

শরৎচন্দ্র যখন সভায় এলেন, তখন সভার নির্দিষ্ট সময় অনেক আগেই পার হয়ে গেছে । এদিকে সভা আরম্ভ হতে যত দেরি হয়েছে, সভায় লোকও তত জমেছে । তাই কোথাও তিল ধারণের জায়গা ছিল না । রাস্তায় ফুটপাথের উপরও শরৎচন্দ্রকে দেখবার জন্ত বহুলোক জমেছিল ।

যাই হোক, শরৎচন্দ্র সভায় এসে সভাপতির আসনে তো বসলেন। সভায় গান-বাজনা, আবৃত্তি প্রভৃতির বিশেষ ব্যবস্থা ছিল। অন্ততঃ দু-তিন ঘণ্টার প্রোগ্রাম।

কিছুক্ষণ কাটবার পরই শরৎচন্দ্র কুমুদবাবুকে ডেকে বললেন—কুমুদ, একটু তামাকের ব্যবস্থা করতে পার ?

—এখানে সভায় কিভাবে তামাকের ব্যবস্থা করব ? আপনাকে সভায় বসে তামাক খেতে দেখলে লোকে কি বলবে ?

—লোকে আমাকে জানে। তাতে তোমার ভয়ের কারণ নেই। তুমি বরং এখানে পাশে কারও বাড়ীতে গড়গড়া পাও কিনা একবার দেখ।

কুমুদবাবু অগত্যা কলেজের আশপাশের বাড়ীগুলোতে খোঁজ করে একটা বাড়ীতে গড়গড়া পেলেন। শরৎচন্দ্র তামাক খাবেন শুনে, গড়গড়ার মালিক কলকয়ে ভাল দামী তামাক সেজে নতুন নল লাগিয়ে গড়গড়া পাঠিয়ে দিলেন। কুমুদবাবু সেই গড়গড়া এনে শরৎচন্দ্রের আসনের পাশে রাখলেন। শরৎচন্দ্র সভায় বসে দিব্যি গড়গড়া টানতে টানতে সভাপতিত্ব করতে লাগলেন। \*

শরৎচন্দ্র সেদিন আন্ততঃ কলেজে ছাত্রদের সভায় সভাপতি হিসাবে যে ভাষণটি দিয়েছিলেন, তা হচ্ছে এই—

আজকাল যে সমস্ত সাহিত্য-সম্মিলন হয়, প্রায়ই দেখতে পাই যে, সেই সমস্ত অস্থানে অতি-আধুনিক সাহিত্য সম্বন্ধে খুবই নিন্দাবাদ হয়। আমি অতি-আধুনিক সাহিত্যের যে প্রশংসা করছি, তা নয়। আমার বক্তব্য এই যে, এই ধরনের আলোচনা না হওয়াই ভাল। কারণ এই ভাবে লেখা উচিত বা এই ভাবে লেখা উচিত নয়—এ কথা বললে বিশেষ কিছু লাভ হয় না। যার যে রকম শিক্ষা, যার যে রকম দৃষ্টি, যার যে রকম শক্তি, যার যে রকম কৃতি—তিনি তারই অল্পপাতে সাহিত্য গড়ে তোলেন। এই সমস্ত সাহিত্যের মধ্যে যেগুলি থাকবার তা থাকবে এবং যা না থাকবার তা লোপ পাবে।

সাহিত্য গড়ে ওঠে যুগধর্ম—সমালোচনা অথবা সহযোগিতা দ্বারা গড়ে ওঠে না। সমস্ত জিনিসেরই একটা ক্রমোন্নতি আছে, নাই শুধু সাহিত্যের ব্যাপারে। কালিদাসের পরে শকুন্তলাকে যদি আরও ভাল করার শক্তি থাকত, তা হ'লে যত লোক এ বই পড়েছেন, যত লোক অহুসরণ করেছেন, যত

লৌকি একে ভাল বলেছেন—ঔঁরা শকুন্তলা হতে উৎকৃষ্টতর নাটক রচনা করতে পারতেন, কিন্তু তা হয় নি। মহাকবি কালিদাস যা লিখে গেছেন, তাই বড় হয়ে আছে। রবীন্দ্রনাথকে অম্বুকেরণ করে অনেকেই অনেক কিছু লিখেছেন। কিন্তু রবীন্দ্রনাথের রচনা ও এই অম্বুকেরণের মধ্যে আসমান জমি প্রভেদ।

অনেকে হয়ত বলতে পারেন, নূতন সাহিত্য সম্বন্ধে আমি বিরুদ্ধ মত পোষণ করি—কিন্তু প্রকৃতপক্ষে তা নয়। আমি কালের উপর নির্ভর করে বসে আছি। আমি যা লিখেছি, তার যদি কোন মূল্য থাকে, তবে ভবিষ্যতে তা টিকে থাকবে, আর যদি টিকবার না হয়, তবে বয়ে পড়বে। বাহুয়ের ভাল অথবা মন্দ লাগার উপর কোন সাহিত্যই নির্ভর করে না—সে তার প্রয়োজনে আপনা হতেই নেমে যায়। সমাজের মধ্যে, জীবনের মধ্যে পরবর্তীকালে বাহুয যদি এটাকে প্রয়োজনীয় বলে মনে না করে, তবে তা আর থাকবে না। হুতরাং এই জাতীয় আলোচনায় কোন লাভ নেই, শুধু তাতে সাহিত্যিকদের মধ্যে একটা রেষারেষির ভাব এসে পড়ে। ফরমাস দিয়ে সাহিত্য-সৃষ্টি হয় না। তার চেয়ে বলা ভাল—তোমাদের শুভ বুদ্ধির উপর নির্ভর করে রইলাম। যাতে বাঙলা সাহিত্য বড় হয়ে উঠে, নিজের বুদ্ধি এবং বিদ্যা দিয়ে তাই কর।

[ \* শরৎচন্দ্র যে সভাপতির আসনে বসেই ধূমপান করতেন, এখানে তার আর একটা উদাহরণ দিচ্ছি—

১৩৪৪ সালের ফাস্তন সংখ্যা ‘প্রবর্তক’ পত্রিকায় বিশ্বনাথ মুখোপাধ্যায় নামে একব্যক্তি ঔঁর ‘মায়াবী শরৎচন্দ্র’ নামক প্রবন্ধে লিখেছেন—“শরৎচন্দ্রকে আবার দেখিলাম টাউন হলে ৬তুলপ্রসাদ সেনের শোক-সভায়। সে সভায় তিনি ছিলেন সেদিন সভাপতি। নিজের নির্দিষ্ট আসনে বসিয়া বিরাত জনসভার দিকে উদাস-দৃষ্টিতে চাহিয়া নির্বিকারভাবে পাইপ টানিতেছেন।”

শরৎচন্দ্র অত্যন্ত ধূমপায়ী জেনে ঔঁর কোন কোন সম্বর্ধনা সভায় উত্তোক্তারা তাঁকে অন্ত্যস্ত জিনিসের সঙ্গে ধূমপানের সাজ-সরঞ্জামও উপহার দিতেন। যেমন—ঔঁর ৫০তম জন্মতিথিতে দেশবাসীর পক্ষ থেকে ইউনিভার্সিটি ইনস্টিটিউটে তাঁকে যে সম্বর্ধনা জানানো হয়েছিল, তাতে উত্তোক্তারা তাঁকে সোনার দোয়াত কলম প্রভৃতির সঙ্গে রূপার আলবোলাও উপহার দিয়েছিলেন। ]

## ঢাকায়

১৯৩৬ খ্রীষ্টাব্দের ২২শে জুলাই তারিখে ঢাকা বিশ্ববিদ্যালয়ের যে সমাবর্তন উৎসব হয়, তাতে ঢাকা বিশ্ববিদ্যালয় কয়েকজন বিশিষ্ট ব্যক্তিকে বিশেষ বিশেষ উপাধি দ্বারা সম্মানিত করেছিলেন। যেমন—বাঙ্গলার তৎকালীন গবর্ণর শ্রীর জন এণ্ডারসন ও ভারতীয় আইন সভার প্রেসিডেন্ট শ্রীর আবদার রহিমকে ‘ডক্টর অব্ ল’, আচার্য শ্রীর জগদীশচন্দ্র বসু ও আচার্য পি, সি, রায়কে ডি, এস-সি এবং রবীন্দ্রনাথ ঠাকুর, শ্রীর মহম্মদ ইক্বাল, শরৎচন্দ্র চট্টোপাধ্যায় ও শ্রীর যহুনাথ সরকারকে ডি, লিট্ উপাধি দিয়েছিলেন।

বিশ্ববিদ্যালয়ের চ্যান্সেলার হিসাবে গবর্ণর ছাড়া, শ্রীর যহুনাথ, আচার্য পি, সি, রায় ও শরৎচন্দ্র সমাবর্তন সভায় উপস্থিত ছিলেন।

শরৎচন্দ্র সেবার ঢাকায় গিয়ে অনেকগুলি সভায় বক্তৃতা দিয়েছিলেন। সেই সভাগুলির মধ্যে, দশম বার্ষিক মুসলিম সাহিত্য সম্মিলনে সভাপতি হিসাবে কেবল তিনি লিখিত অভিভাষণ পাঠ করেছিলেন। এছাড়া ঢাকা বিশ্ববিদ্যালয়ের বিভিন্ন ছাত্র সমিতিতে, কামরুন্নেসা গার্লস কলেজে, মিলন পরিষদে ও ‘শান্তি’ সাহিত্য সম্মিলনীতে তিনি মৌখিক অভিভাষণ দিয়েছিলেন।

## ঢাকা বিশ্ববিদ্যালয়ে

শরৎচন্দ্র যখন ঢাকা বিশ্ববিদ্যালয় প্রদত্ত ডি, লিট্ উপাধি নিতে ঢাকায় যান, তখন ঢাকা বিশ্ববিদ্যালয়ে জগন্নাথ হল, ঢাকা হল ও মুসলিম হল নামে তিনটি হল বা ছাত্রাবাস ছিল। বিশ্ববিদ্যালয়ের প্রত্যেক ছাত্র-ছাত্রীকেই এই তিনটি হলের যে কোন একটি হলের সঙ্গে সংযুক্ত হতে হ’ত। যারা ছাত্রাবাসে না থেকে বাড়ী থেকে এসে পড়ত, তাদেরও যে কোন একটি হলের সঙ্গে নাম যুক্ত করে তবে বিশ্ববিদ্যালয়ে পড়তে হ’ত। ছাত্রীদের থাকার জন্য অবশ্য আলাদা হোস্টেল ছিল।

বিশ্ববিদ্যালয়ের অধ্যাপকদেরও ঐ তিনটি হলের যে কোন একটির সঙ্গে যুক্ত থাকতে হ'ত।

ঐ তিনটি হলে তিনটি পৃথক ছাত্র ইউনিয়ন ছিল। ঐ তিনটি ছাত্র ইউনিয়ন ছাড়া সমস্ত বিশ্ববিদ্যালয়ের ছাত্রদেরও একটি ইউনিয়ন ছিল। তার নাম ছিল—ঢাকা ইউনিভার্সিটি স্টুডেন্টস ইউনিয়ন।

শরৎচন্দ্র ঢাকায় গেলে ঐ চারটি ছাত্র ইউনিয়নই পৃথক পৃথক ভাবে তাঁকে সম্বর্ধনা জানিয়েছিল।

ঢাকা বিশ্ববিদ্যালয়ের তৎকালীন অধ্যাপক ঐতিহাসিক ডঃ রমেশচন্দ্র মজুমদার তখন ইউনিভার্সিটি স্টুডেন্টস ইউনিয়ন ও জগন্নাথ হল স্টুডেন্টস ইউনিয়ন—এই দুটির সভাপতি ছিলেন। তাই তিনি ঐ দুটি ইউনিয়নের পক্ষ থেকেই শরৎচন্দ্রকে দুটি পৃথক নিমন্ত্রণ পত্র দিয়েছিলেন। অপর দুটি ইউনিয়নের পক্ষ থেকেও আলাদা নিমন্ত্রণ পত্র এসেছিল।

রমেশবাবু বলেন—জগন্নাথ হলের পক্ষ থেকে আমি শরৎচন্দ্রকে লিখেছিলাম—জগন্নাথ হলে আপনি মামূলি কিছু না ব'লে, সাহিত্য সম্বন্ধে কিছু বলবেন। আর ছেলেরা আপনার সঙ্গে সাক্ষাৎ করবে।

রমেশবাবুকে একদিন জিজ্ঞাসা করেছিলাম—শরৎচন্দ্র জগন্নাথ হলে যে বক্তৃতা দিয়েছিলেন, তার কিছু কি আপনার মনে আছে? তাহলে বলুন।

রমেশবাবু বললেন—সেদিনের সে বক্তৃতার কথা আজ আর কিছুই মনে নেই। শুধু এইটুকু মনে আছে, শরৎচন্দ্র বক্তৃতা দিয়ে বসলে, সভার এক মুসলমান ভক্তলোক উঠে দাঁড়িয়ে শরৎচন্দ্রকে সম্বোধন করে বলেছিলেন—আপনি হিন্দু সমাজ নিয়ে যেমন উপগ্রাস লিখেছেন, তেমন মুসলমান সমাজ নিয়েও লেখেন না কেন?—এই কথার উত্তরে শরৎচন্দ্র তখন বলেছিলেন—আমি ঠিক করেছি, এবার মুসলমান সমাজ নিয়েও উপগ্রাস লিখব।

১৩৪৩ সালের জ্যৈষ্ঠ সংখ্যা 'বুলবুল' মাসিক পত্রিকায় মীজাহুর রহমান নামে একব্যক্তি তাঁর এক প্রবন্ধের উপসংহারে লিখেছিলেন—“হিন্দু সমাজের বিবিধ গলদ ও সমস্যা নিয়ে শরৎচন্দ্র যে সকল গল্প ও উপগ্রাস লিখেছেন এবং প্রতিকারের উদ্দেশ্যে তাঁর সমাজকে যে চাবুক কশেছেন, সদিচ্ছা-প্রাণোদিত





১৯৩৬ খ্রীষ্টাব্দে ঢাকা বিশ্ববিদ্যালয় প্রদত্ত

এমন ধারা কশাঘাতও মুসলিম সমাজ অন্ধান বদনে গ্রহণ করবে, তা জোর করে বলতে পারি। বাঙ্গলার কথা-সাহিত্য সম্রাটকে একবার পরীক্ষা করে দেখতে অহরোধ করি।”

ঢাকায় অল্পকিছু দশম বার্ষিক মুসলিম-সাহিত্য সম্মিলনের সভাপতি হিসাবে শরৎচন্দ্র যে লিখিত অভিভাষণ পাঠ করেছিলেন, সেই অভিভাষণের এক স্থানে দেখছি, শরৎচন্দ্র মীজাহুর রহমানের ঐ কথাগুলি উদ্ধৃত করে বলেছিলেন—

“সে দিন জগন্নাথ হলে আমার অভিনন্দনের প্রতিভাষণে এ কথার উত্তর দিয়েছি। অন্তরের শুভ কামনাকে এঁরা কেমন করে গ্রহণ করেন, এ ছুনিয়া থেকে বিদায় নেবার পূর্বে আমি দেখে যাবো। সে যাই হোক, মাহুবে শুধু ইচ্ছা প্রকাশ করতেই পারে, কিন্তু তার পরিপূর্ণতার ভার থাকে আর একজনের পরে, যিনি বাক্য ও মনের অগোচর।”

রমেশবাবুর উল্লেখিত সভার সেই মুসলমান ভ্রাতৃলোকই মীজাহুর রহমান কিনা কে জানে? কেননা মীজাহুর রহমানের বাড়ীও ঐ অঞ্চলেই।

শরৎচন্দ্র ‘ঢাকা হলে’ যে বক্তৃতা দিয়েছিলেন, তার একটা সংক্ষিপ্ত বিবরণ ঐ সময়কার ৩১শে জুলাই-এর ইংরাজী ‘স্টেটসম্যান’ পত্রিকায় প্রকাশিত হয়েছিল। সেই সংক্ষিপ্ত বিবরণটির বাঙ্গলা এই—

মিঃ শরৎ চ্যাটার্জী

ঢাকা, ২৯শে জুলাই

মিঃ শরৎচন্দ্র চ্যাটার্জী গতকাল এখানে এসে পৌঁছলে ঢাকা হলের অধ্যাপক ও ছাত্রদের পক্ষ থেকে এক সভায় তাঁকে অভিনন্দিত করা হয়। এই অভিনন্দনের উত্তরে মিঃ চ্যাটার্জী বলেন যে, তিনি তাঁর বাকি জীবন মুসলমান সমাজ নিয়ে উপন্যাস লেখায় নিয়োগ করবেন। কেননা বাঙ্গলা দেশের সমাজে মুসলমান সমাজ একটা বড় অংশ।—(এসোসিয়েটেড প্রেস)

শরৎচন্দ্র অবশ্য ঢাকা হলে বক্তৃতা দিয়েছিলেন বাঙ্গলাতেই।



শরৎচন্দ্র ঢাকা বিশ্ববিদ্যালয়ের ট্রুডেন্টস্ ইউনিয়নে যে বক্তৃতা দিয়েছিলেন, সেই বক্তৃতাটি তখন সঙ্গে সঙ্গে ঐ ট্রুডেন্টস্ ইউনিয়নের সহ-সভাপতি ক্ষিতীশ চন্দ্র রায় লিখে নিয়েছিলেন। ক্ষিতীশবাবু তখন ঢাকা বিশ্ববিদ্যালয় থেকে এম, এ, পাস করে সেখানে 'ল' পড়ছিলেন। শরৎচন্দ্রের সেই বক্তৃতাটি তিনি এ পর্যন্ত কোথাও প্রকাশ করেন নি, নিজের কাছে সযত্নে রেখে দিয়েছিলেন। ঐ বক্তৃতাটি তাঁর কাছে পেয়েছি। ক্ষিতীশবাবু বর্তমানে (১৯৬৬ খ্রি:) পশ্চিম-বঙ্গ সরকারের জুডিশিয়াল ডিপার্টমেন্টের জয়েন্ট সেক্রেটারী।

ঢাকা বিশ্ববিদ্যালয়ের ছাত্র সমিতি শরৎচন্দ্রকে সেদিন তাঁদের সমিতির আজীবন সদস্য ক'রে নিয়ে একটি মানপত্র দিয়েছিলেন।

বিশ্ববিদ্যালয়ের ট্রুডেন্টস্ ইউনিয়নের সভায় শরৎচন্দ্রের বক্তৃতাটি ছিল এই—

আজ আমার শরীরটা অস্থস্থ। যে গলায় বলব, সে গলাটা বিগড়ে গেছে। সুতরাং আমার বলার ইচ্ছা থাকলেও অল্পক্ষণেই আপনাদের অব্যাহতি দেব, দিতে বাধ্য হব। দু-চারটে কথাই এ ব্যাপারটা সম্বন্ধে আমার নিজের কথাটা ব্যক্ত করব।

নিজের বিশ্ববিদ্যালয়ের সঙ্গে কোনও সম্বন্ধ নেই। রবীন্দ্রনাথ বলেছেন, বিশ্ববিদ্যালয়ের সঙ্গে তাঁর সম্পর্ক ঘটেতে পারে নি। তাঁর হয় নি অগ্র কারণে, আমার অগ্র কারণে। দুজনের কেউই বিশ্ববিদ্যালয়ের সঙ্গে সমান ভালে চলতে পারি নি। একজনকে এক পথ দিয়ে, অগ্র জনকে অগ্র পথ দিয়ে চলতে হয়।

অকস্মাৎ একদিন আপনাদের বিশ্ববিদ্যালয় থেকে 'ভাইস্-চ্যান্সেলার' (ডাঃ এ, এফ, রহমান) যখন চিঠি দিলেন—সর্বোচ্চ উপাধি 'ডক্টরেট ডিগ্রী' আপনাকে দিতে ইচ্ছা করি—আমার আনন্দের চেয়ে এক ভারি বিষয় বোধ হয়েছিল। বিষয় এই জন্ত যে, বোধ হয় একদিনও মনেও করি নি, বিশ্ববিদ্যালয়ের মত এই রকম একটি শিক্ষার কেন্দ্র থেকে—ধারা জ্ঞানচর্চা, শিক্ষালোচনা এই নিয়ে থাকেন, তাঁরাও এদিক দিয়ে তাঁদের চোখ দিয়েছেন; সত্যই বিস্মিত হয়েছিলাম।

আমি ভাইস্-চ্যান্সেলারকে জানালাম—আমি যাব ঢাকাতো, আপনাদের সঙ্গে পরিচয় করে আসব।

আমার যে ব্যক্তিগত জীবন সেটা কেন্দ্রবিন্দু। বিশ্ববিদ্যালয়ে যারা পড়াশুনা করেছে, শিক্ষা নিয়েছে, তাদের সঙ্গে আমার জীবনের ভারী তফাত। আমার বিশ্ববিদ্যালয় যদি কিছু থাকে, এই ছড়ানো পৃথিবী, যা পড়ে আছে। এই আমাকে যা প্রকৃত শিক্ষা দিয়েছে। কোনও গুরুর কাছে শিক্ষা পাই নি। কোনও বই থেকে যে সাহায্য হয়েছে, তাও হয় নি। অবশ্য পরবর্তীকালে কতকগুলো বই পড়তে হয়েছে—যেগুলো না পড়লেও হয়তো চলতো। কারণ, যেগুলো নিজের চোখ দিয়ে দেখেছি, তাদের চেয়ে যে বড় জিনিস আছে, তা মনে হয় না—এই জিনিসটা আমি স্বীকার করে নিয়েছি।

এমনও হতে পারে—এই যে ব্যাপ্ত বিদ্যুত দুনিয়া পড়ে আছে, নানা রকমের নানা জাতির এই যে নরনারী, এই সব সকলের সংস্পর্শে যিনি এসেছেন ও তাদের জানবার চেষ্টা করেছেন, সেই জ্ঞানটাকে যারা সবচেয়ে বড় মনে করেন, ঠুনিকশয়ই তাঁরা মনে করেছেন, এ জ্ঞানও বিশ্ববিদ্যালয়ের জ্ঞানের সমতুল্য। যারা এ রকম করে লিখেছেন, তাঁদেরও ‘রেকগ্‌নাইজ’ করা চলে—আগে এ রকম হতো কিনা জানি না। তবে অগ্রক্ষেপে হতো—যারা বিষয় ও ব্যবসায়ে সম্প্রতিশালী।

আমি দরিদ্রলোক, লেখক—আমাকে যে টেনে বের করেছেন, সেজন্তু সত্যিই কৃতজ্ঞ ও গর্ববোধ করছি। যারা এমন করে সম্মানিত করলেন আমাকে তাঁদের কাছে আমার অন্তরের কৃতজ্ঞতা জানানো প্রয়োজন। আমি তাঁদের কাছে আমার অন্তরের কৃতজ্ঞতা জানাচ্ছি।

এই যে উপাধি পেলাম, এটা পাব কোনদিন মনেও করি নি, লোভও করি নি। বিশ্ববিদ্যালয়ের কর্তৃপক্ষ যারা, তাঁরা প্রসন্ন মন নিয়েই আমাকে এটা দিয়েছেন। এই থেকে মনে হয় যে, আগেকার যে সব ব্যাপার ছিল, তা থেকে মাহুঘের চিন্তাধারা বদলে গেছে।

এই যে ইউনিভার্সিটি স্টুডেন্টস্ ইউনিয়ন, আমি এমন কথা বলি নি, সকলেই আমার মত ভবঘুরে হয়ে পড়ুক। তা নয়। কিন্তু এই জিনিসটা জোর করেই বলব, যারা বই-এর পাতা থেকে শিক্ষালাভ করেছে, সে এক জিনিস, কিন্তু বাইরের জগতের বিশ্ববিদ্যালয়ের শিক্ষাও এক বড় জিনিস। তা থেকে বঞ্চিত হওয়া শুধু মুঢ়তাই নয়, নিজেকেও বঞ্চিত করা। রবীন্দ্রনাথ একদিন আমাকে বলেছিলেন—কি করে তোমার দ্বারা এই সাহিত্য-সৃষ্টি হ’ল?

কোনদিন তুমি কিছু লেখ নি, পড় নি—কি তুমি দেখেছিলে ? এটা যদি তুমি তোমার জীবন-স্মৃতির স্বত করে বল, তাহলে অনেকের কৌতুহল পরিপূর্ণ হয়।

আমি বললাম—আমার ইচ্ছা হয় না।

তিনি বললেন—আমাদের মৃত্যুর পর, অনেকে অনেক কথা বলবে—অনেকটা সত্য, অনেকটা মিথ্যা। তুমি কৌনন্দিক দিয়ে গিয়েছিলে—কেমন করে গড়ে তুললে ?

আমার নিজের একটা বাত্বিকই হোক আর যাই হোক, হলো কি—মিথ্যার উপর দিয়ে যাব না। যেটা আমার মধ্যে সত্য হয়ে ওঠে—হ’তে পারে সেটা ভ্রান্ত—তাকে আমি অস্বীকার করব না। তাকে আমি প্রকাশ করব। আমি বিশ্ববিজ্ঞানায়ের ছাত্রছাত্রীদের বলব—জীবনটাকে সকল দিক হতে সার্থক করতে হলে, কেবল ফাঁকি দিয়ে, বঞ্চনা করে হয় না। লোকে কে কি বলবে, শুধু লজ্জিত হবার ভয়ে, সত্যের কাছে এগুতে পারলাম না—এ রকম তোমরা কোনদিনই করবে না। এ রকম যদি না কর, একদিন সার্থক হতে পারবেই। আমি সর্বান্তঃকরণে বলব, আমি তাই করেছি।

আমার সাহিত্য-চর্চা এখন যা মনে হয়, কেবল একদিকে গিয়েছে। এতবড় মুসলমান সমাজের স্বত্ব হুম্বের কথা আমি না চিন্তা করে দেখেছি, না ভেবে দেখেছি। এখন মনে হয়, আমার এরূপ করা উচিত হয় নি। এটা আমার মনের ভিতর দাঁড়িয়েছে—এটা করা উচিত, আমি নিশ্চয়ই করব। তার ফল যাই হোক।

এখানকার পড়াশুনা তোমাদের শেষ হয়ে আসবে, সংসারে প্রবেশ করবে। দেশকে বড় করবার, সার্থক করবার নানা দায়িত্ব তোমাদের উপর এসে পড়বে—কি হিন্দু, কি মুসলমান।

এটা করা উচিত কি না উচিত, সম্মেহেতে মন যখন চঞ্চল হয়ে ওঠে, তখন কেবল আমার পরামর্শ এই যে, মনে করবে কোনটা সত্য—চেপে না থাকলে প্রকাশ করলে সত্য হবে। আমি নিশ্চয়ই বলতে পারি, তোমাদের উপর ভগবানের আশীর্বাদ পড়বে। সেই সত্যপথ ধরে চলবে, সফলতা আসবে।

নানা কারণে আমরা বিচ্ছিন্ন, পরস্পরকে বিবেকের চোখে দেখি। অনেক দিন ধরে এমন একটা অবস্থার দাঁড়িয়েছে। নিজেদের ভিতর মিলনসূত্র নেই ; তার ফল এই। এমনও তো হয়—একটা আমড়া গাছ নিয়ে মোকদ্দমা করে

দুই ভাই সর্বস্বান্ত হয়, টাকা পায় উকিল মোক্তারেরা—এই সংঘর্ষের ফলে আমাদের দৈন্ত, চরিত্রের দৃঢ়তা কমে গেছে।

আমি বক্তা নই, আমি লেখক। যা কিছু সম্মান, আত্মীয়তা আমার লেখার জন্ত। কোনও কিছু গোপন না করে অকপটে বলাই আমার ধর্ম। ডিগ্রী পাওয়া ছাড়াও যে রকম করে আমি তোমাদের কাছ থেকে সম্মান পেলাম—তার পথও একটা আছে। তোমাদের দিয়ে সেদিকেও পৌঁছানো গেল।

আমি যখন এখানে আসি, উদ্বেগ ছিল, এটা মুসলমান সমাজের একটা বড় কেন্দ্র। যতটা সম্ভব লোকের সঙ্গে পরিচিত হব। নিজেদের বিরোধের ব্যাপারটা যাতে চলে যায়, আবার এক হয়ে ভাই যেমন ভাই—এর সঙ্গে মেলে তেমনি করে মিলনের যদি একটা সূত্রপাত করতে পারি, তাহলে মনে করব এখানকার আসাটা সার্থক হয়েছে।

আবার বলি, তোমরা যারা সংসারে প্রবেশ করবে, তারা আমার কথাটা মনে করবে। যেমন করেই হোক, আমাদের বাঙ্গালী জাতকে এক হতে হবে—সব দিক দিয়ে।

আমাকে এই যে লাইফ-মেম্বারসিপ্ ও অভিনন্দন দেওয়া হ'ল, ও আরও কত যে কী পেলাম! এখানকার লোকেরা আমাকে এত ভালবাসে, এ আমি জানতাম না। এ জিনিসটা আমি চিরকাল মনে রাখব। একটা জায়গা রইল—যেখানে বিশ্রাম নিতে পারব। যার ওপর নির্ভর করতে পারব।

আমি আর একবার আমার হৃদয়ের কৃতজ্ঞতা জানাই। আপনারা আমাকে মনে রাখবেন। আমি যে ক'টা দিন বাঁচবো, আপনাদের সঙ্গে এই সব দিনগুলোর স্মৃতি মনের মধ্যে খুব বড় করে লালন করব।

শরৎচন্দ্র ইউনিভার্সিটি স্টুডেন্টস ইউনিয়নে যে বক্তৃতা দিয়েছিলেন, তার কিছুটা ঢাকা থেকে প্রকাশিত ঐ সময়কার 'শান্তি' মাসিক পত্রিকায়ও প্রকাশিত হয়েছিল। সেই বিবরণটাও এখানে উদ্ধৃত করছি।

“ঢাকা ইউনিভার্সিটি ছাত্র সম্মিলনী কর্তৃক শরণ-সম্বর্ধনা

গত ৩১শে জুলাই সন্ধ্যার সময় ঢাকা ইউনিভার্সিটি ছাত্র সম্মিলনী শরণচন্দ্র চট্টোপাধ্যাকে এক অভিনন্দন প্রদান করেন। এই উপলক্ষে স্বপ্রশস্ত কার্জন হলটি দর্শকবৃন্দে ভরিয়া যায়।

উদ্বোধনে ঢাকা ইউনিভার্সিটির একটি ছাত্রী একটি সঙ্গীত করেন। তৎপর সম্মিলনীয় সেক্রেটারী শ্রীযুক্ত আবদুল কাসেম অভিনন্দন পাঠ করেন।

চট্টোপাধ্যায় মহাশয় শারীরিক অসুস্থতা সত্ত্বেও সভায় যথাসময়ে উপস্থিত হইয়াছিলেন। তিনি বক্তৃতা প্রসঙ্গে বলেন যে, ‘প্রকৃতি’ এবং ‘সমাজের’ পাঠ হইতেই তিনি তাঁহার উপন্যাস রচনায় প্রেরণা পাইয়াছেন।

তিনি তাঁহার পুস্তকে মুসলমান সমাজকে বাদ দেওয়ায় দুঃখ প্রকাশ করেন। ভবিষ্যতে মুসলমান সমাজ লইয়া লিখিবেন বলিয়া তিনি ভরসা দিয়াছেন।

সঙ্গীতের পর সভাভঙ্গ হয়।”

মুসলিম হলের ছাত্র ইউনিয়ের সভায় শরণচন্দ্র কি বলেছিলেন, সেই সভায় উপস্থিত ছিলেন এমন কয়েক ব্যক্তিকে জিজ্ঞাসা করেও, কিছুই জানতে পারলাম না। তাঁরা সকলেই বললেন—আজ আর কিছুই মনে নেই।

বিশ্ববিদ্যালয়ের ছাত্র সমিতি এবং ঢাকা হল ও জগন্নাথ হলের ছাত্র সমিতিতে শরণচন্দ্রের বক্তৃতাগুলিতে দেখা যাচ্ছে, শরণচন্দ্র সর্বত্রই বলেছিলেন—মুসলমান সমাজ নিয়ে এবার উপন্যাস লিখব।—অতএব মুসলিম হলের ছাত্র সমিতিতেও যে তিনি একথা বলেছিলেন, তা অস্বাভাবিক নয় যেতে পারে।

তবে মুসলিম হলে শরণচন্দ্রের বক্তৃতার একটা কথা শরণচন্দ্রের মাতুল সুরেন্দ্রনাথ গঙ্গোপাধ্যায়ের পুত্র রবীন্দ্রনাথ গঙ্গোপাধ্যায়ের কাছ থেকে জানতে পেরেছি। রবীন্দ্রবাবু বলেন—বেঙ্গল গবর্ণমেন্টের ফিসারীজ ডিপার্টমেন্টের ডিরেক্টর মিঃ এস, এল, হোরার পার্সন্সাল অ্যাসিস্ট্যান্ট মিঃ রহমানের সঙ্গে ব্যবসানুষ্ঠানে আমার পরিচয় হয়েছিল। একদিন কথায় কথায় শরণচন্দ্র যে আমাদের আত্মীয় এবং আমার বাবার বাল্যবন্ধু একথা তিনি জানতে পেরে তখন বলেছিলেন—

“শরণচন্দ্র যখন ঢাকা বিশ্ববিদ্যালয় থেকে ডি, লিট, উপাধি নিতে ঢাকায়

যান, সেই সময় আমি ঢাকা বিশ্ববিদ্যালয়ের ছাত্র ছিলাম এবং মুসলিম হলে থাকতাম। আমার বাড়ী ঢাকার বিক্রমপুর। আমি ঐ সময় ঢাকা বিশ্ববিদ্যালয় থেকে এম, এ, পাস করে, সেখানে বি, টি, পড়ছিলাম। মুসলিম হলে যে ছাত্র সমিতি ছিল, আমি ছিলাম তার কর্ণধার। আমিই গিয়ে শরণচন্দ্রকে সঙ্গে করে আমাদের মুসলিম হলের সভায় এনেছিলাম। আসার সময় পথে তিনি আমাকে জিজ্ঞাসা করেছিলেন, আমি কি পড়ি। আমি বলেছিলাম—বি, টি, পড়ি। মনে হয়, আমার ঐ বি, টি, পড়ার কথা শুনেই শরণচন্দ্র সেদিন তাঁর বক্তৃতার মধ্যে এক জায়গায় বলেছিলেন—

শুনলাম, এখানে ধারা থাকেন তাঁদের মধ্যে অনেকে বি, টি,ও পড়েন। বি, টি, পড়ার আসল উদ্দেশ্য ছাত্র-ছাত্রীদের কিভাবে ভাল করে শিক্ষা দেওয়া যেতে পারে।

আমার একটি ছোট্ট ভাইঝি আছে। অবশ্য সে নিতান্তই ছোট। তাকে একদিন কলকাতায় আমাদের পাড়ার একটা স্কুলে ভর্তি করে দিয়ে এলাম। তা মেয়েটি বাইরে এত লাজুক ছিল যে, সে স্কুলে ক্লাসে কারও সঙ্গে কথা বলত না, এমন কি শিক্ষয়িত্রীরা তাকে কোন প্রশ্ন করলে সে তারও উত্তর দিত না। এইজন্য একদিন এক শিক্ষয়িত্রী তাকে আচ্ছা করে বকুনি দেন এবং বলেন—এই রকম মেয়ে ক্লাসে থাকলে, এ তো অগ্র মেয়েদেরও বিগড়ে দেবে। একে স্কুলে রাখা চলবে না।

আমার ভাইঝি তো বকুনি খেয়ে এসে আমার কাছে কাঁদে, আর বলে—আর স্কুলে যাব না।

একটা ছোট্ট লাজুক মেয়েকে মজার গল্প বলে, হাসিয়ে, কথা বলিয়ে কিভাবে যে ক্লাসে চালিয়ে নিতে হয়, শিক্ষয়িত্রীর সে শিক্ষা ছিল না। তাই তিনি তাকে অমন করে বকুনি দিয়েছিলেন।

এখানের ধারা বি, টি, পাস করে শিক্ষক হতে যাচ্ছেন, আমার মতে তাঁরাও শিক্ষক হয়ে ছাত্রদের হারধর না করে, তাদের স্বভাবের পরিচয় আগে নেবেন। তাহলেই তাঁরা ছাত্রদের ঠিক মত শিক্ষা দিতে পারবেন।\*

ঢাকা থেকে প্রকাশিত ঐ সময়কার ‘চাবুক’ কাগজের সম্পাদক বন্ধিমচন্দ্র

সাহা একদিন আমাকে বলেছিলেন—শরৎচন্দ্র ‘ঢাকা ইউনিভার্সিটির এক ছাত্র সম্মিলনের সভায় বলেছিলেন—আমি জীবন ভোর বিজ্ঞানের বই পড়ে আসছি।—শরৎচন্দ্রের এই কথাটাকে ভিত্তি করেই আমি তখন আমার কাগজে একটা গাঁজার কলকে হাতে শরৎচন্দ্রের এক কার্টুন ছবি ছেপেছিলাম।’

শরৎচন্দ্র তাঁর বিজ্ঞান চর্চার কথা কি মুসলিম হলের ছাত্র সমিতিতে বলেছিলেন? যাই হোক, শরৎচন্দ্রের বিজ্ঞানের বই পড়া যে কিরূপ সত্য ছিল, বন্ধিমবাবু তা জানতেন না বলেই, ঐরূপ ছবি ছেপেছিলেন।

ঐ সময়কার ‘শনিবারের চিঠি’তেও দেখছি, এই নিয়ে ‘শনিবারের চিঠি’ও তখন শরৎচন্দ্রকে আক্রমণ করেছিলেন। শনিবারের চিঠি লিখেছিলেন—

“ঢাকায় এবার অনেক কিছুই খোলা হইয়া গেল। শরৎচন্দ্রকে অশিক্ষিত ভাবিয়া ষাঁহারা তাঁহার লেখাকে খেলো ভাবিতেন, তাঁহাদের মুখে চুণ কালি পড়িয়াছে।

শরৎচন্দ্র দীর্ঘ জীবন ধরিয়া বিজ্ঞান চর্চা করিয়াছেন, আবার ছবিও আঁকিয়াছেন। দেউলটিতে কবে ‘শান্তিনিকেতন’ প্রতিষ্ঠিত হইবে এবং শরৎচন্দ্রের নাচের দল বাহির হইবে, আমরা কিছুকাল তাহারই প্রতীক্ষা করিব।

কালার্টাদেই এই, গোরাচাঁদে না জানি কি হইবে।”—ভাদ্র, ১৩৪৩

‘দেউলটি’ ছিল শরৎচন্দ্রের রেল স্টেশন। ‘বি, এন, আর’-এর (বর্তমান নাম সাউথ ইষ্টার্ন রেলওয়ে) এই স্টেশন হয়েই শরৎচন্দ্র তাঁর সামতাবেড়ের বাড়ীতে বাতায়ত করতেন।

শরৎচন্দ্র আফিং খেতেন বলে শনিবারের চিঠি বলেছেন, কালার্টাদেই এই।

শনিবারের চিঠির এই লেখা থেকেও বুঝা যাচ্ছে যে, শরৎচন্দ্র ছাত্রদের সভায় প্রসঙ্গ ক্রমে তাঁর বিজ্ঞানের বই পড়া ও ছবি আঁকার কথা বলেছিলেন।

শরৎচন্দ্র যে সত্যই ছবি আঁকতেন ও বিজ্ঞানের বই পড়েছিলেন, শনিবারের চিঠির লেখক তা জানতেন না। তাই তিনি ঐরূপ লিখে ছিলেন। শরৎচন্দ্রের ছবি আঁকা ও বিজ্ঞানের বই পড়া সম্বন্ধে আমি আমার ‘শরৎচন্দ্র’

১ম খণ্ড জীবনী গ্রন্থে বিস্তৃত আলোচনা করেছি। শরৎচন্দ্রের জীবন ছবিও এই গ্রন্থে প্রকাশ করেছি।

কিন্তু একটা কথা হচ্ছে, শনিবারের চিঠিতে বেনামে শরৎচন্দ্রের বিরুদ্ধে কে এই কথাগুলি লিখেছিলেন? সম্পাদক সজনীকান্ত দাস না শনিবারের চিঠির পৃষ্ঠপোষক ও লেখক ঢাকা বিশ্ববিদ্যালয়ের তৎকালীন অধ্যাপক মোহিতলাল বজ্রমদার? কেননা মোহিতবাবু ঢাকায় শরৎচন্দ্রের সব বক্তৃতা সভাতেই উপস্থিত ছিলেন।

শরৎচন্দ্রের বিজ্ঞানের বই পড়ার বিরুদ্ধে সজনীবাবু লিখুন আর নাই লিখুন, কিন্তু তিনি ভো জানতেন যে, শরৎচন্দ্র বিজ্ঞানের বই কিরূপ পড়তেন।

সজনীবাবু এক সময় তাঁর এক বন্ধুর সঙ্গে মিলে কমিশন লাভে স্টাণ্ডার্ড লিটারেচার কোম্পানীর বই বেচতেন। সেই সময় শরৎচন্দ্র একবার সজনী-বাবুর কাছ থেকে অনেক টাকার বিজ্ঞানের বই কিনেছিলেন। সজনীবাবু তাঁর ‘আত্ম-স্মৃতি’ গ্রন্থে শরৎচন্দ্রের এই বিজ্ঞানের বই কেনা সম্বন্ধে লিখেছেন—

“সেই আত্ম রেজুন লাইব্রেরী গিলিয়া খাওয়ার গল্প আরও সরস করিয়া বলিলেন এবং এক সেট বহুমূল্য বিজ্ঞানের বই নগদ দামে খরিদ করিয়া আমাদের বিদায় দিলেন।”

### কামরুন্নেসা গার্লস কলেজে

শরৎচন্দ্র ঢাকার কামরুন্নেসা গার্লস কলেজের আমন্ত্রণে সেখানেও গিয়েছিলেন। শরৎচন্দ্র কলেজে ঢুকেই একজনকে প্রশ্ন করেছিলেন—এখানে মুসলমান ছাত্রীর সংখ্যা কত?

উত্তরে তিনি বলেছিলেন—শতকরা পাঁচজনের বেশী নয়।

এই শুনে শরৎচন্দ্র বিস্মিত হয়ে বললেন—তবে কলেজের এমন বিজ্ঞান্টিকর নাম কেন?

এবার একজন শরৎচন্দ্রকে বুঝিয়ে বললেন—মেয়েদের একত্রে স্থল ও



কলেজের জন্তু এই বিরাট প্রাসাদটি যিনি দান করেছেন, সেই কামরুন্নেসা বিবির নামেই এই বিদ্যালয়তনের নামকরণ হয়েছে। কামরুন্নেসা বিবি ছিলেন, ঢাকার নবাব পরিবারের একজন দানশীলা মহিলা।

কলেজের অধ্যাপকদের পক্ষ থেকে অধ্যাপক ত্রিপুরাশঙ্কর সেনশাস্ত্রী শরৎচন্দ্রকে অভিনন্দন জানিয়েছিলেন।


কলেজে ছাত্রীদের পক্ষ থেকে শরৎচন্দ্রকে একটি অভিনন্দন পত্র দেওয়া হয়েছিল। শরৎচন্দ্র ছাত্রীদের অভিনন্দনের উত্তরে যে কথাগুলি বলেছিলেন, তা হ'ল এই—

কল্যাণীয়া ছাত্রীগণ, তোমরা আমায় ‘মানব-দরদী হৃদয়বান কথা-শিল্পী’ বলে অভিনন্দন জানিয়েছ। অনেকে আমায় ঐ আখ্যায় ভূষিত করে থাকেন। এ কথা অবশ্য সত্য যে, আমি মানুষকে নিজের অভিজ্ঞতার আলোকে বুঝতে চেষ্টা করেছি। আমি দেখেছি, কোন সংকীর্ণ দৃষ্টিভঙ্গী দিয়ে মানুষের বিচার করতে গেলে আমরা ভুল করে থাকি। মেয়েদের ক্ষেত্রেই আমাদের এই বিচার-বিভ্রম বেশী ঘটে থাকে। আমাদের এই সনাতন সমাজের বিচারে কোন মেয়ে যদি ‘সতী’ হয় তবে তার সাত খুন মাফ। অথচ আমি নিজে দেখেছি, সমাজ পক্ষ মুখে ‘সতী’ বলে যে সব মেয়ের প্রশংসা করে, তাদের কারো কারো ভেতর স্বার্থপরতা ও সংকীর্ণতার অন্ত নেই। এদের কারো কারো চুরি বিছাটিও যে জানা আছে, এ তো আমি নিজের চোখে দেখেছি। আর যারা অবস্থাচক্রে বা সাময়িক দুর্বলতার বশে সতী ধর্মের আদর্শ থেকে ভ্রষ্ট হয়, তাদের ভেতরেও যে মহত্ব বা হৃদয়ের ঐশ্বর্য থাকতে পারে, সে আমরা কল্পনাও করতে পারি না।

আমাদের সমাজে আবার অনেক নারী বিনাদোষে নির্ধাতিতা হয়। অল্পদা দিদির মত নারী আমাদের সমাজে নেই, এ কথা তো বলা চলে না।

তোমাদের কাছে আমি শুধু এই কথাটা বলে বিদায় নিতে চাই যে, সর্বাঙ্গীন মহত্বই জীবনের লক্ষ্য হওয়া উচিত, আর নারীদের ক্ষেত্রেই বা এর ব্যতিক্রম ঘটবে কেন? সতীত্ব সেই মহত্বের একটি মাত্র দিক, কিন্তু মহত্বের একমাত্র মাপকাটি নয়। আর আদর্শ তো শুধু মেয়েদের বেলায় নয়, পুরুষের বেলায়ও এ আদর্শ প্রযোজ্য। তোমরা লেখাপড়া শিখেছ, তোমরা দৃষ্টিভঙ্গীকে





‘শান্তি’ সাহিত্য সম্মিলনীতে শরৎচন্দ্র  
[ছবিটি ‘গোবিন্দ’র সহ-সম্পাদক অক্ষয় কুমার দত্তের দ্বারা]

স্বচ্ছ রেখা, সত্যের আলোকে মানুষের বিচার কোরো, সংস্কার মুক্ত মন ও সহায়ভূতিশীল হৃদয় নিয়ে মানুষকে দেখো, এই আমার উপদেশ।

### মিলন পরিষদে

ঐ সময় ঢাকায় ‘মিলন-পরিষদ’ নামে একটি প্রতিষ্ঠান ছিল। এই প্রতিষ্ঠানটি ছিল ঢাকার সাহিত্যিকদের একটি মিলন তীর্থ।

শরৎচন্দ্র মিলন পরিষদের আমন্ত্রণে সেখানেও গিয়ে ছিলেন। সেদিন মিলন পরিষদ তাঁদের সভার আয়োজন করেছিলেন, ময়মনসিংহের অন্তর্গত ‘ধলা’ গ্রামের জমিদারের ‘ধলা হাউস’ নামক বাড়ীতে। সভা হয়েছিল, ঘরোয়া বৈঠকের মত। সভায় ফরাস, তাকিয়া ও আলবোলায় ব্যবস্থা ছিল।

শরৎচন্দ্র সেদিন তামাক খেতে খেতে গল্পের ছলে তাঁর জীবনের নানা অভিজ্ঞতার কথা বলেছিলেন।

সভার শেষ দিকে একজন শ্রোতা শরৎচন্দ্রকে প্রশ্ন করেছিলেন—অনেকে বলেন ‘শ্রীকান্ত’ নাকি আপনারই আত্ম-চরিত ? এ কথা কতদূর সত্য ?

শরৎচন্দ্র এ প্রশ্নের কোন উত্তর দেন নি। বরং একটু ক্ষুব্ধ হয়েছিলেন এবং প্রশ্নকর্তাকে সামান্য তিরস্কারও করেছিলেন। পরক্ষণেই তিনি প্রসন্ন মুখে বলেছিলেন—তবে ‘শ্রীকান্তের’ গহ্বর কিন্তু আমার দেখা চরিত্র, রিয়েল ক্যারাক্টার।

### ‘শান্তি’-সাহিত্য সম্মিলনীতে

শরৎচন্দ্র ডি, লিট্‌ উপাধি নিতে ঢাকায় গেলে ঢাকার ‘শান্তি সাহিত্য সম্মিলনী’ ৩০শে জুলাই তারিখে ‘রূপলাল হাউসে’ শরৎচন্দ্রকে আভিনন্দন জানিয়েছিলেন। ‘শান্তি’ পত্রিকার সম্পাদক যোগেশচন্দ্র দাস শরৎচন্দ্রকে মাল্য-ভূষিত করে একটি অভিনন্দন পত্র পাঠ করেছিলেন।

এরপর ‘শান্তি’র লেখক-লেখিকাদের পক্ষ থেকে একটি অভিনন্দন পত্র পাঠিত হয়েছিল। অভিনন্দন পত্রটি পড়েছিলেন কানাইলাল মুখোপাধ্যায়। এই অভিনন্দন পত্রের এক জায়গায় ছিল—

“সেইদিন আপনি যাহাতে বাঙ্গলায় হিন্দুর প্রতিবেশী বিরাট মুসলমান সমাজ লইয়া সাহিত্য-সৃষ্টি করিতে পারেন—তজ্জন্ম আলীর্বাদ চাহিয়াছিলেন। আমরা সমস্ত অন্তরের সহিত ভগবানের নিকট প্রার্থনা করিতেছি যে, আপনার সাধু সংকল্প সকল ও জয়যুক্ত হউক। সাহিত্যের পরিপূর্ণতা ব্যতীত বাঙ্গলার রাষ্ট্রনৈতিক কল্যাণও ইহাতে সাধিত হইবে।

এ অধিকার কেহ কাহাকেও দিতে পারে না। শক্তিমান রশ্মিশ্রী এ অধিকার আপনি সৃষ্টি করিয়াছেন। কিন্তু আপনাকে ভালবাসি বলিয়াই আমাদের একটু ভয় আছে। আপনার সংকল্প কঠিন-সাধ্য—ইহার জন্ত যে গভীর সহানুভূতি ও শক্তি আবশ্যক তাহাও আপনার আছে। মুসলমান সমাজ লইয়া যাহারা আজ পর্যন্ত লিখিতে প্রয়াস পাইয়াছেন, তাঁহাদের জীবনেতিহাস আলোচনায় অনেক অপ্রীতিকর স্থিতি, এই সতর্কতা আপনাদের বাধ্য করিতেছে এবং এজন্তই হয়ত মুসলমান সাহিত্যিকগণও হিন্দু নায়ক-নায়িকা লইয়াই সাহিত্য সৃষ্টি করিতে চেষ্টা করিতেছেন। কিন্তু যেখানে বিবাদ ও বাধা সেখানেই শক্তিমানের উপযুক্ত কর্মক্ষেত্র। আমরা সর্বান্তকরণে প্রার্থনা করিতেছি, আপনি জয়যুক্ত হউন, নূতন পথ প্রদর্শন করুন, বাঙ্গলার সাহিত্য-বস্তুর ভাণ্ডার সমৃদ্ধ করিয়া তুলুন।”

শরৎচন্দ্র দশম বার্ষিক মুসলিম সাহিত্য সম্মিলনের সভায় বলেছিলেন—

‘সেদিন যেতে বসে হিঙ্গ এঙ্গেলেঙ্গী আমাকে এই প্রবন্ধ (মুসলমানদের নিয়ে গল্প লেখা) করেছিলেন। আমি উত্তর দিয়েছিলাম, আমার সকল কাজে পরিণত করতে—চাই উভয় সমাজের আলীর্বাদ। ঠিক সমাজ নয়—চাই উভয় সমাজের সাহিত্য-সেবকদের আলীর্বাদ।’

শরৎচন্দ্র সেদিন, ‘শান্তি সাহিত্য সম্মিলনী’র সভায় শান্তির লেখক-লেখিকাদের পক্ষ থেকে তাঁকে যে অভিনন্দন পত্র দেওয়া হয়েছিল, মূলতঃ তারই উপর ভিত্তি করেই তাঁর বক্তৃতাটি দিয়েছিলেন। শরৎচন্দ্রের সেই বক্তৃতার

একটি সারাংশ সেই সময়কার শান্তি পত্রিকায় প্রকাশিত হয়েছিল। তাঁর সেই বক্তৃতার সারাংশটি এই—

“লাটসাহেব বললেন, মুসলমানদের নিয়ে গল্প লিখবে। এ কাজ যদি করতে পার তা হ'লে অত্যন্ত ভাল হয়। সাহিত্য নিয়ে আমি কোনদিন ছেলেখেলা করি নি—অন্ত ব্যাপারে হয়ত কথা রাখতে পারি। ১৯১৬ সালে চাকরি ছেড়ে দিয়ে চলে আসি; স্বর্গীয় পাঁচকড়ি ঝাড়ুজ্যের সঙ্গে দেখা, বললেন, তুই না কি লিখিস? আমায় দিস্ ত দু-একখানা বই।

আমি বললাম—ও কিছই নয়।

তিনি বললেন—ছাখ্, তোকে যদি কেউ আক্রমণ করে, তাহলে আমায় বলে দিবি। ছাখ্, কাগজ চালাতে গিয়ে যাদের গালাগালি দেওয়া উচিত নয়, তাদেরও গালাগালি দিতে হয়েছে। তুই ত আমার কাছে পড়েছিস্—যা নিজের জীবনে নিজের অভিজ্ঞতা দিয়ে সত্যি টুহয়ে উঠবে—অবিশ্রি কল্পনা থাকবে, তাই হবে সাহিত্য বস্তু। নিজের আয়কে অতিক্রম করে ব্যয় করতে যেয়ো না।

আমি বললাম—আশীর্বাদ করুন।

তিনি বললেন—আশীর্বাদ নয়, এই আমার আদেশ।

লোকে বলতে পারে, পাঁচকড়ি ঝাড়ুজ্যে লোক ভাল ছিলেন। কিন্তু তিনি এমন সমালোচনা করেছিলেন, যা হয়ত তাঁর ইচ্ছে ছিল না।

ঐ দুটো কথা—কখনও আয়কে অতিক্রম ক'রে চলে না, আর নিজের অভিজ্ঞতা নিয়ে লিখবে। সাহিত্য সত্যও নয়, পুলিশ-রিপোর্টও নয়। প্রথম যখন লোকে বলেছে, ঐ-সব অস্বাভাবিক, হয় না—৩৫।৩৬ বছর বয়সে প্রথম ‘চরিত্রহীন’-সমালোচনা দেখে দেখে বুঝলাম, প্রত্যেক পাঠক আমার চেয়ে বুদ্ধিমান। আর আমি ওটা কতবার দেখেছি, আর তোমরা একবার পড়েই সমালোচনা করলে।

আমায় যে লোকে ভালবাসল তার প্রধান কারণই হচ্ছে এই, লোকেও অভিজ্ঞতার সঙ্গে আমার কথাগুলো মেলে। মানুষ সত্যি ছোট নয়। এদের সঙ্গে ঘনিষ্ঠভাবে মেশবার দরুণ অনেক কথা জানতে পেরেছিলাম। যেটা বাইরে থেকে জানা যায় না।

এক সময় মুসলমান-সমাজ পেছিয়ে পড়েছিল, গভর্ণমেন্টই একরকম দাবিয়ে দিয়েছিল। ‘কমিউন্সাল অ্যাওয়ার্ড’ নিয়ে আলোচনা করবার জন্তে ডাকা হয়েছিল। এক ভদ্রলোক বলেছিলেন, ‘হোয়াই আর ইউ অ্যাফ্রেন্ড অফ নীজ্ মহমেডান্ পিপল্? উইদাউট হিন্দু হেল্প দে কেন্ নট গো অন্ দে হাভ্ টু টেক্ ইট’। এখন ওরা গভর্ণমেন্টের সাহায্যে নিজেদের কথাটা বুঝেছে।

আমার বিশ্বাস, সাহিত্যের মধ্য দিয়ে রাশিয়ার গর্কি প্রভৃতিকে ভাল লাগে—তাদের সঙ্গে আমাদের কোন মিল নাই, তবু তাঁদের ‘অ্যাপ্রিসিয়েট’ করি। মুসলিম সাহিত্য-সমাজ আমি নিজে একটা গড়ব। এ ছাড়া আমাদের সত্যি পথ নেই—আমি মুসলমানদের ঐ কথাটা অনেকবার বলেছি।

মুসলমান ছেলেরা আমার কাছে একখানা বই রাখলে, উপরে লেখা—  
‘শ্রালক বন্ধিমের গ্রন্থাবলী।’ (১)

বললাম—অপমান করবার জন্তেই কি এসেছ? একজন মৃত ব্যক্তিকে অপমান করা ঠিক নয়। বন্ধিমবাবু অনেক জায়গায় অকারণে মুসলমানদের আক্রমণ করেছেন। তখন ওরা ছিল অত্যন্ত নির্জীব। কিন্তু সমস্ত ‘অ্যাক্শান্’-এরই ‘রিঅ্যাক্শান্’ আছে।

‘বন্ধিম দুহিতা’ বলে একখানা বই—অনেক নোংরা কথা তাতে আছে, এগুলো হতে বাধ্য। জাহানারা একদিন বললে, একটা লেখা দিতে হবে। আমার ‘বর্ষবাণী’ বেক্ষে। তার আগে এখানের কাজী মোতাহর হোসেন বললেন—আপনার কি আমাদের একঘরে করে রেখে দেবেন? (২)

রবীন্দ্রনাথ বললেন—আমার উপরে এদের অনেকগুলো চিঠি এসেছে। আমায় চিঠি দিয়েছে, আওরঙ্গজেব সম্বন্ধে কি কতকগুলো তুলে দিতে হবে। রবীন্দ্রনাথ ভয়ানক ক্ষুব্ধ হয়ে বললেন—না, ও-সবের মধ্যে আমি আর যেতে চাই না। (৩) ভোলানাথ যখন মারা গেল তার অপরাধটা কি? (৪) আক্রাম খান্ ছেলেই কাগজ চালায়। তাদের ‘স্পিরিট’-এর একটি দৃষ্টান্ত দিই। নরেন দেবের কাছে লেখা চাইতে গেছে, বলে, ‘বাক্সলা খোড়া বহুৎ সমবৃতে হেঁ, বোলনে নেই সাক্তে।’

আমাদের আশঙ্কা ওরা প্রথমে বাক্সলাটাকে নষ্ট করবে। ওরা যখন বাক্সলাকে হাতুভাষা বলে স্বীকার করে না। (৫)”

[ (১) বঙ্কিমচন্দ্র তাঁর উপন্যাসে একাধিক বহুং মুসলমান চরিত্র সৃষ্টি করেছেন। তিনি তাঁর ‘বঙ্গদেশের কৃষক’ প্রবন্ধে বাঙ্গলার দরিদ্র মুসলমান কৃষক সম্প্রদায়ের পক্ষ নিয়ে লিখেছেন। তিনি তাঁর রাজসিংহ উপন্যাসে ‘গ্রন্থকারের নিবেদনে’ বলেছেন—“হিন্দু হইলেই ভাল হয় না, মুসলমান হইলেই মন্দ হয় না, অথবা হিন্দু হইলেই মন্দ হয় না, মুসলমান হইলেই ভাল হয় না। ভালমন্দ উভয়ের মধ্যে তুল্যরূপেই আছে। বরং ইহাও স্বীকার করিতে হয় যে, যখন মুসলমান এত শতাব্দী ভারতবর্ষের প্রভু ছিল, তখন রাজকীয় গুণে মুসলমান সমসাময়িক হিন্দুদিগের অপেক্ষা শ্রেষ্ঠ ছিল।”

কিন্তু এ সব সত্ত্বেও তাঁর কোন কোন উপন্যাসে কোন কোন চরিত্র প্রসক্ত মুসলমানদের সম্বন্ধে অশ্রীতিকর উক্তি করায় বা তাঁর কোন কোন উপন্যাসের মুসলমান পাত্র-পাত্রী সম্বন্ধে বিরূপ মন্তব্য থাকায়, বাঙ্গলা দেশের অনেক মুসলমান বঙ্কিমচন্দ্রের উপর সন্তুষ্ট নন। এই অসন্তুষ্ট মুসলমানদেরই কেউ কেউ সেদিন বঙ্কিমচন্দ্র সম্বন্ধে এইরূপ আচরণ করেছিলেন।

(২) কাজী মোতাহার হোসেন ছিলেন, ঢাকা বিশ্ববিদ্যালয়ের পদার্থ-বিজ্ঞানের অধ্যাপক। শরৎচন্দ্র ঢাকায় যাওয়ার আগে থেকেই তাঁর সঙ্গে তাঁর বিশেষ পরিচয় ছিল। কাজী সাহেব কলকাতায় এলে শরৎচন্দ্রের সঙ্গে তাঁর বাড়ীতে দেখা করতে যেতেন। গিয়ে অনেক সময় দুজনে দাবা খেলতেন। একদিন এইরূপ গেলে, সেদিন শরৎচন্দ্র অসুস্থ থাকায় খেলা আর হ’ল না, হ’ল সাহিত্য নিয়ে আলোচনা।

সেদিন উভয়ের মধ্যে যে সব কথা হয়েছিল, সেই কথাগুলোই শরৎচন্দ্র পত্রাকারে জাহান-আরা ‘চৌধুরীর ‘বর্ষবাণী’ (১৩৪২ সাল) কাগজে লিখে পাঠিয়েছিলেন। শরৎচন্দ্রের সেই লেখাটি ছিল এইরূপ—

“কিছুকাল পূর্বে আমার একটি নবীন মুসলমান বন্ধু এই আক্ষেপ আমার কাছে করেছিলেন। নিজে তিনি সাহিত্যসেবী, পণ্ডিত অধ্যাপক, সাম্প্রদায়িক মালিন্য তাঁর হৃদয়কে মলিন, দৃষ্টিকে আজও আবিল করে নি। বললেন, হিন্দু ও মুসলমান এই দুই বৃহৎ জাতি একই দেশে, একই আবহাওয়ার মধ্যে পাশাপাশি প্রতিবেশীর মতো বাস করে, একই ভাষা জন্মকাল থেকে বলে,



তবুও এমনি বিচ্ছিন্ন, এমনি পর হয়ে আছে যে, ভাবলেও বিশ্বয় লাগে। সংসার ও জীবনধারণের প্রয়োজনে বাইরের দেনা-পাওনা একটা আছে, কিন্তু অন্তরের দেনা-পাওনা একেবারে নেই বললেও মিথ্যে বলা হয় না। কেন এমন হয়েছে, এংগবেষণার প্রয়োজন নেই, কিন্তু আজ এই বিচ্ছেদের অবসান, এই দুঃখময় ব্যবধান খুচোতেই হবে। না হ'লে কারও মঙ্গল নেই।

বললাম—এ কথা মানি, কিন্তু এই দুঃসাধ্য সাধনের উপায় কি স্থির করেছ?

তিনি বললেন—উপায় হচ্ছে একমাত্র সাহিত্য। আপনারা আমাদের টেনে নিন। স্নেহের সঙ্গে সহানুভূতির সঙ্গে আমাদের কথা বলুন। নিছক হিন্দুর জন্তেই হিন্দু-সাহিত্য রচনা করবেন না। মুসলমান পাঠকের কথাও একটুখানি মনে রাখবেন। দেখবেন, বাইরের বিভেদ যত বড়ই দেখাক, তবু একই আনন্দ একই বেদনা উভয়ের শিরার রক্তেই বয়।

বললাম—এ কথা আমি জানি। কিন্তু অহুরাগের সঙ্গে বিরাগ, প্রশংসার সঙ্গে তিরস্কার, ভালো কথার সঙ্গে মন্দ কথাও যে গল্প-সাহিত্যের অপরিহার্য অঙ্গ। কিন্তু এ-ত তোমরা না করবে বিচার, না করবে ক্ষমা। হয়ত এমন দণ্ডের ব্যবস্থা করবে, যা ভাবলেও শরীর শিউরে ওঠে। তার চেয়ে যা আছে, সেই ত নিরাপদ।

তার পরে দু-জনেই ক্ষণকাল চুপ ক'রে রইলাম। শেষে বললাম, তোমাদের মধ্যে কেউ কেউ হয়ত বলবেন, আমরা ভীত, তোমরা বীর। তোমরা বীর, তোমরা হিন্দুর কলম থেকে নিম্না বরদাস্ত করো না এবং প্রতিশোধ যা নাও, তাও চূড়ান্ত। এও মানি, এবং তোমাদের বীর বলতেও ব্যক্তিগতভাবে আমার আপত্তি নেই। তোমাদের সম্বন্ধে আমাদের ভয় ও সন্দেহ সত্যিই যথেষ্ট। কিন্তু এও বলি, এই বীরত্বের ধারণা তোমাদের যদি কখনও বদলায়, তখন দেখবে, তোমরাই ক্ষতিগ্রস্ত হয়েছ সবচেয়ে বেশী।

তরুণ বন্ধুর মুখ বিষন্ন হয়ে এলো, বললেন—এমনি 'নন-কো-অপারেশান'ই কি তবে চিরদিন চলবে?

বললাম—না, চিরদিন চলবে না; কারণ, সাহিত্যের সেবক ধারা, তাঁদের জাতি, সম্প্রদায় আলাদা নয়, মূলে, অন্তরে তাঁরা এক। সেই সত্যকে উপলব্ধি ক'রে এই অবস্থিত সাময়িক ব্যবধান আজ তোমাদেরই খুচোতে হবে।"

(৩) রবীন্দ্রনাথ তাঁর পর্বত প্রমাণ সাহিত্য সৃষ্টির মধ্যে কবিতায় ও প্রবন্ধে কোথাও কোথাও আরওজ্জবের কথা বলেছেন। যেমন—তাঁর ‘কথা ও কাহিনী’ কাব্য গ্রন্থের ‘মানী’ কবিতার প্রথমেই বলেছেন—

আরওজ্জব ভারত যবে

করিতেছিল খান খান,

এই কবিতায় কিন্তু আরওজ্জব ‘ক্ষত্রকুল-সিংহ-শিঙ’ সিরোহিপতি স্মরতানের সম্মান বজায় রেখে নিজ হৃদয়ের উদারতারই পরিচয় দিয়াছেন।

রবীন্দ্রনাথ তাঁর ‘বীর গুরু’ প্রবন্ধে লিখেছেন—

“নানকের পর পঞ্জাবে আটজন গুরু জন্মিয়াছেন, আটজন গুরু মরিয়াছেন। নবম গুরুর নাম তেগ্ বাহাদুর। আমরা যে সময়কার কথা বলিতেছি, তখন নিষ্ঠুর আরঞ্জীব দিল্লীর সম্রাট ছিলেন। রাম রায় বলিয়া তেগ্ বাহাদুরের একজন শত্রু সম্রাটের সভায় বাস করিত। তাহারই কথা শুনিয়া সম্রাট, তেগ্ বাহাদুরের উপরে ক্রুদ্ধ হইয়া তাঁহাকে ডাকিতে পাঠাইয়াছেন।

আরঞ্জীবের লোক-যখন তেগ্ বাহাদুরকে ডাকিতে আসিল, তখন তিনি বুঝিলেন যে, তাঁহার আর রক্ষা নাই। যাইবার সময় তিনি তাঁহার ছেলেকে কাছে ডাকিলেন। ছেলের নাম গোবিন্দ। তাহাকে বলিলেন—তুমিই শিখদের গুরু হইলে। সম্রাটের আদেশে ঘাতক আমাকে যদি বধ করে তো...ইহার প্রতিশোধ তুমি লইয়ো।”

এরপর কবি লিখেছেন—তেগ্ বাহাদুর দিল্লীতে গিয়ে শির দিলেন, কিন্তু ‘সির’ বা গুপ্তকথা দিলেন না।

বালক গোবিন্দ পরে বড় হয়ে শিখ সৈন্য সংগ্রহ করে যখন মুকতসরের নিকট যুদ্ধে মুসলমানদের সম্পূর্ণ পরাজিত করেন, সেই সময়কার কথায় কবি লিখেছেন—

“সম্রাট আরঞ্জীব তখন দক্ষিণে ছিলেন। গোবিন্দের জয়ের সংবাদ পাইয়া অত্যন্ত বিরক্ত হইলেন। তাঁহার কাছে হাজির হইবার জন্য গোবিন্দকে এক আদেশপত্র পাঠাইয়া দিলেন। গোবিন্দ তাহার উত্তরে লিখিয়া পাঠাইলেন, তোমার উপরে আমার কিছুমাত্র বিশ্বাস নাই। তুমি আমাদের প্রতি যে অত্যাচারণ করিয়াছ, শিখেয়া তাহার প্রতিশোধ লইবে।...তুমি হিন্দুদিগকে

মুসলমান করিয়া থাক, আমি মুসলমানদিগকে হিন্দু করিব। তুমি আপনাকে নিরাপদ ভাবিয়া স্থখে আছ, কিন্তু সাবধান, আমি চড়াই পাখিকে শিখাইব বাজপাখিকে কী করিয়া ভূমিশায়ী করিতে হয়। পাঁচজন শিখের হাত দিয়া এই চিঠি গোবিন্দ সম্রাটের কাছে পাঠাইয়া দিলেন। সম্রাট সেই চিঠি পড়িয়া ক্রুদ্ধ না হইয়া সন্তোষ প্রকাশ করিলেন ও সেই পাঁচজন শিখের হাত দিয়া গোবিন্দকে চিঠি ও সওগাত পাঠাইয়া দিলেন। চিঠিতে লিখিয়া দিলেন যে, গোবিন্দ যদি দাক্ষিণাত্যে আসেন, তবে সম্রাট তাঁহাকে সম্রাদরের সহিত অভ্যর্থনা করিবেন। এই চিঠি পাইয়া গোবিন্দ কিছুদিন শান্তি উপভোগ করিতে লাগিলেন।”

এখানেও দেখা যাচ্ছে, কবি আরঞ্জীবের চরিত্রের খারাপ দিকের কথা বললেও, তাঁর চরিত্রের ভাল দিকের কথাও বলেছেন।

(৪) কলকাতার বিখ্যাত বই-এর দোকান ‘সেন ব্রাদার্স’এর অন্যতম মালিক ভোলানাথ সেন। ইনি এবং এঁদের দোকানের আর দুজন কর্মী সতীশচন্দ্র বন্দ্যোপাধ্যায় (সেন্ট জেভিয়ার্স কলেজের ইংরাজীর অধ্যাপক পি, সি, ব্যানার্জীর ছোটভাই) ও স্বরেন্দ্রনাথ সরকার (স্বার নীলরতন সরকারের খুড়তুতো ভাই) দুজন সশস্ত্র মুসলমান যুবকের দ্বারা আক্রান্ত হয়ে নিহত হয়েছিলেন। এই হত্যাকাণ্ড সম্বন্ধে ভোলানাথবাবুর ভ্রাতৃপুত্র বিভূতি ভূষণ সেন বলেন—

“সে সময় ‘প্রাচীন কাহিনী’ নামে ৩য় ও ৪র্থ শ্রেণীর পাঠ্য আমাদের একটা ইতিহাস ছিল। বইটার লেখক ছিলেন আমার কাका ভোলানাথবাবুই। সেটা বেঙ্গল গভর্নমেন্টের ডি, পি, আই, কর্তৃক যথারীতি অনুমোদিত বই ছিল। তখন ডি, পি, আই, ছিলেন বটমলী সাহেব।

ঐ বইয়ে যেখানে মুসলমান ধর্মের প্রতিষ্ঠাতা মোহাম্মদের কথা আছে, সেই অধ্যায়ে একটা ছবি ছাপা হয়েছিল। ছবিটি ছিল এই—মসজিদের মধ্যে মোহাম্মদ দাঁড়িয়ে আছেন, তাঁর সামনে ঈশ্বর প্রেরিত পুরুষ আবিলুত হচ্ছেন। ছবির নীচে লেখা ছিল—‘জিবরাইল, রহুল অর্থাৎ প্রেরিত পুরুষ মোহাম্মদের সম্মুখে আবিলুত হইতেন।’

এই ছবিটি প্রেসিডেন্সী কলেজের তৎকালীন ইংরাজির বিখ্যাত অধ্যাপক

প্রমুখচন্দ্র ঘোষ (যাঁর পিতা ঈশানচন্দ্র ঘোষের নামে কলকাতা বিশ্ববিদ্যালয়ে বি, এ, পরীক্ষায় ঈশান স্কলারশিপ আছে) বিলাতের ব্রিটিশ মিউজিয়াম থেকে তাঁদের অহুমতি নিয়ে এনেছিলেন। ছবিটি একটি পারস্যীয়ান আর্ট। ওটি ব্রিটিশ মিউজিয়ামে আছে। ঐ ছবি ছেপে আমরা ছবির নীচে ছবির পরিচয় হিসাবে বাঙ্কলায় যে কথাগুলো লিখেছিলাম, মূল ছবিতে ছবির মাথায় পারসী ভাষায় ঐ লেখাগুলোই আছে। আমাদের বই-এ ছাপা ঐ ছবিতে সেই পারসী লেখাটাও ছিল।

ঐ ‘প্রাচীন কাহিনী’ বই ডি, পি, আই, কর্তৃক অহুমোদিত বলে তখন কেউ কোন আপত্তি করেন নি।

কিন্তু ঢাকা জেলার গ্রামাঞ্চলের এক মুসলমান জমিদার, তাঁর সেখানে এক সভা করে বই-এর ঐ ছবি সম্বন্ধে আপত্তি তোলেন। তিনি নাকি বলেছিলেন—ঐ ছবি ছেপে নিরাকারবাদী মুসলমান সমাজের অপমান করা হয়েছে।—এই বলে তিনি কিছু মুসলমানকে উত্তেজিত করেন।

আমরা এর কিছুই জানতাম না। কোন মুসলমান আপত্তি করেছেন জানতে পারলে, আমরা তখনই ঐ ছবি বাদ দিতাম।

মূলতঃ সেই মুসলমান জমিদারই কলকাতায় এসে দুজন পাঞ্জাবী মুসলমান যুবককে দিয়ে আমার কাকা ভোলানাথ সেনকে ও আমাদের দোকানের আর দুজন সম্ভ্রান্ত কর্মচারীকে হত্যা করিয়েছিলেন। সেদিনটা ছিল ১৯৩০ খ্রীষ্টাব্দের ৭ই মে। তাঁরা সেই সবে দোকান খুলে দোকানে এসে বসেছেন। এমন সময় ঐ পাঞ্জাবী মুসলমান যুবক দুটি হঠাৎ এসে তীক্ষ্ণ ছোরা নিয়ে তাঁদের আক্রমণ ক’রে গুরুতররূপে আঘাত করে। পরে ঐ আঘাতেই তাঁদের মৃত্যু হয়।

দোকানের অন্তান্ত কর্মচারীরা তখনই আততায়ীদের ধরে ফেলে এবং পুলিশে দেয়।

ঐ সময়ে প্রেসিডেন্সী ম্যাজিস্ট্রেট ছিলেন রসবার্ক। তিনি বিচারে আসামীদের দুজনকেই হত্যাকারী ঘোষণা করে কেস হাইকোর্টে সেনসে পাঠিয়ে দেন। আসামীদের যিনি প্ররোচনা দিয়েছিলেন, সেই ঢাকার জমিদারের বিরুদ্ধে নির্ভরযোগ্য প্রমাণ না পাওয়ায় তাঁর কিছুই হয় নি।

হাইকোর্টের বিচারপতি লর্ড উইলিয়ম সেনসনের বিচারে রসবার্কের রায়ই বহাল রেখেছিলেন। ফলে আসামীদের দুজনেরই ফাঁসি হয়েছিল।

‘অচেনা-আকাশ’ প্রভৃতি উপন্যাসের লেখক সেকালের বিপ্লবী নগেন্দ্রনাথ দত্ত বলেন—“১৯৩০ খ্রীষ্টাব্দে আমরা যখন স্বদেশী করে আলিপুরে প্রেসিডেন্সী জেলে ছিলাম, সেই সময় ভোলানাথ সেন ও তাঁদের দোকানের অপর দুজন কর্মীর হত্যাকারী মুসলমান যুবক দুটিও ঐ প্রেসিডেন্সী জেলে ছিল। আমরা তখন দেখতাম, রোজই বহু মুসলমান নারী-পুরুষ জেলে তাদের দেখতে যেত। গিয়ে তারা ঐ দুজনের প্রতি তাদের ভক্তি-শ্রদ্ধা জানিয়ে আসত। ঐ যুবক দুটি মরে মুসলমান সমাজে শহীদদের সম্মান পেয়েছিল।”

(৫) আক্রাম খাঁ, এঁরা পূর্বে হিন্দু ছিলেন। এঁদের পদবী ছিল গঙ্গোপাধ্যায়। এঁরা হিন্দু থেকে মুসলমান হন। আক্রাম খাঁর এক ভাই মুসলমান থেকে আবার হিন্দু হয়েছিলেন। এঁদের বাড়ী ছিল ২৪ পরগণা জেলায়। অতএব আক্রাম খাঁর ছেলে যাই বলুন না কেন, এঁদের মাতৃভাষা বাঙ্গলাই।]

রূপলাল হাউসে শরৎচন্দ্রের বক্তৃতা সভায় ঢাকা বিশ্ববিদ্যালয়ের তৎকালীন অধ্যাপক বিখ্যাত সমালোচক মোহিতলাল মজুমদার, ঢাকার ‘চাবুক’ নামক অর্ধ-সাপ্তাহিক পত্রিকার সম্পাদক বঙ্কিমচন্দ্র সাহা প্রভৃতিও উপস্থিত ছিলেন।

রূপলাল হাউসে শরৎচন্দ্রের বক্তৃতার দু-একদিন পরেই ‘চাবুক’ কাগজে তাঁর ঐ বক্তৃতার বিরুদ্ধে এক দীর্ঘ সমালোচনা বেরোয়। বঙ্কিমবাবু বলেন— ঐ লেখাটা আমার নয়, ওটা মোহিতবাবু লিখেছিলেন। ও-রকম লেখা আমার দ্বারা সম্ভব নয়।

চাবুকে এইরূপ বিরূপ সমালোচনা বেরলে, ‘শরৎচন্দ্রের উপর অযথা আক্রমণ’ এই হেডিং দিয়ে শান্তির সম্পাদক যোগেশচন্দ্র দাস তখন ১৩৪৩ সালের ভাদ্র সংখ্যা ‘শান্তি’র সম্পাদকীয়তে লিখেছিলেন—

“কোন কোন সম্পাদক আছেন, তাঁহারা প্রসিদ্ধ লোকদের গালাগালি

দিয়া নিজেদের জাহির করিতে চান। ইহারা প্রায়ই ভুঁইফোড় সম্পাদক। ইহারা ‘গায়ে মানে না আপনি মোড়ল’ দলভুক্ত। ঢাকার এইরূপ একটি ভুঁইফোড় সম্পাদক রূপলাল হাউসে শরৎবাবু যে বক্তৃতা করিয়াছিলেন, তাহার বিন্দু বিসর্গও বুঝিতে না পারিয়া তাঁহার উপর অযথা বিজ্ঞপ্তি বর্ষণ করিয়াছেন।

এই ভুঁইফোড় পত্রিকা-সম্পাদকের লেখা সমালোচনা করাও আমরা সম্মানের হানিজনক মনে করি। পাছে শরৎবাবু ঢাকার শিক্ষিত জনসাধারণকে ভুল বুঝেন, এই জন্তই এ বিষয়টি উল্লেখ করিতে হইল। ঢাকার শিক্ষিত জনসাধারণ শরৎবাবুকে অত্যন্ত শ্রদ্ধার চক্ষে দেখিয়া থাকে। শরৎবাবু এই ভুঁইফোড় পত্রিকাকে ঢাকার মুখপত্র মনে করিয়া ঢাকাবাসীদের—বিশেষভাবে ঢাকার ছাত্রবৃন্দকে ভুল না বুঝেন, এই আমাদের অনুরোধ।...

রূপলাল হাউসে প্রদত্ত শরৎচন্দ্রের বক্তৃতার বিরুদ্ধে চাবুকে মোহিতবাবুর লেখাটি দেখতে পেলাম না। বন্ধিমবাবু বললেন—এখন আর সে সংখ্যাটি খুঁজে পাচ্ছি না।

ঐ সময়কার ‘শনিবারের চিঠি’তে ঢাকায় শরৎচন্দ্রের বক্তৃতার বিরুদ্ধে একটা মন্তব্য দেখছি। শনিবারের চিঠির লেখাটিও মোহিতবাবুর কিনা বলা যায় না। কেননা, মোহিতবাবু তখন শনিবারের চিঠিরও একজন প্রধান লেখক ও পৃষ্ঠপোষক ছিলেন। যাই হোক, শরৎচন্দ্রের বিরুদ্ধে শনিবারের চিঠি তখন কি লিপেছিলেন, এখানে তা উদ্ধৃত করছি।

১৩৪৩ সালের ভাদ্র মাসের ‘শনিবারের চিঠি’তে লেখা হয়েছিল—

“অতঃপর বাকী জীবন মুসলমান সমাজ লইয়া লিখিবেন বলিয়া শরৎচন্দ্র যে উক্তি করিয়াছেন বলিয়া সাময়িক পত্রিকাতে প্রকাশিত হইয়াছে, দেখিতেছি আমাদের মত অনেকেই তাহাতে আস্থা স্থাপন করিতে পারিতেছেন না। কলিকাতায় ও ঢাকায় কয়েকটি মুসলমান সভা-সমিতি শরৎচন্দ্রকে অভিনন্দন দিতে অস্বীকার করিয়াছেন। ইহারা শরৎচন্দ্রের এত বড় একটা প্রতিশ্রুতি সত্ত্বেও তাঁহাকে বরণ করিতেছেন না কেন জানি না। আমরা তাঁহাকে অবিশ্বাস করিতেছি অন্য কারণে। শরৎচন্দ্রের লেখার যে বৈশিষ্ট্যের কথা তিনি নিজেই ঢাকায় দু-একটি সভা-সমিতিতে উল্লেখ করিয়াছেন, তাহা এই যে,

তিনি জীবনে এমন কিছুই লিখিতে পারেন নাই, যাহা তাঁহার অভিজ্ঞতা প্রসূত নয়। বালীগঞ্জে বাড়ী ফাদিয়া বাঙ্গলার অবজ্ঞাত মুসলমান সমাজ সম্বন্ধে অভিজ্ঞতা অর্জন করা, বাগবাজারে বসিয়া লণ্ডন করেস্পণ্ডেন্ট হওয়ার চাইতেও কঠিন কাজ। শরৎচন্দ্র পারিবেশ ন', তাঁহার সে বয়স নাই।”

শরৎচন্দ্র ‘চাবুক’ ও ‘শনিবারের চিঠি’তে তাঁর বিরুদ্ধে এই লেখা দুটিই দেখেছিলেন। তাই কিছুদিন পরেই হাওড়াবাসীরা হাওড়া টাউন হলে তাঁর ৬১তম জন্মদিনে তাঁকে সম্বর্ধনা জানালে, সেদিন তিনি ঐ লেখা দুটির উত্তরে কিছু বলেছিলেন। পরে বাতায়ন-সম্পাদকের অনুরোধে তিনি সেই কথা-গুলোই আবার, যেন অন্য লেখকে লিখছেন, এইভাবে ‘শরৎচন্দ্রের উত্তর-সংকট’ নাম দিবে প্রবন্ধ আকারে বাতায়নে প্রকাশের জন্ত দিয়েছিলেন। শরৎচন্দ্রের সেই লেখাটি এই—

“শ্রীশরৎচন্দ্র চট্টোপাধ্যায় মহাশয়ের একষষ্ঠিতম জন্মতিথি উপলক্ষে তাঁহাকে সম্বর্ধিত করিতে গত শনিবার (৩রা আশ্বিন) হাওড়া টাউন হলে এক সভার অধিবেশন হয়।

সম্বর্ধনার উত্তরে ডাঃ চট্টোপাধ্যায় বলেন যে, তিনি যখন বাহির হইতে প্রথমে বাঙ্গলা দেশে আসেন, তখন হাওড়াতেই অবস্থান করেন। তারপর বহু গ্রন্থও হাওড়ায় আসিয়া তিনি রচনা করিয়াছেন। হাওড়া তাঁহার অতি প্রিয় স্থান। হাওড়াবাসীর নিকট হইতে তিনি বহু বার সম্বর্ধনা লাভ করিয়াছেন, সুতরাং প্রিয়জনের পুনর্বার সম্বর্ধনার কোন প্রয়োজন ছিল না।

জীবনের অবশিষ্টাংশ মুসলমান-সমাজের চরিত্র অঙ্কনে ব্রতী থাকিবেন বলিয়া ঢাকায় তিনি যে উক্তি করিয়াছিলেন, তাহার উল্লেখপূর্বক ডাঃ চট্টোপাধ্যায় বলেন যে, তাঁহার এই কথা বলিবার একটা বড় কারণ রহিয়াছে। তিনি বলেন যে, আমরা যতই মুসলমান সম্প্রদায়কে বিরুদ্ধবাদী বলিয়া মনে করি না কেন, মুসলমানগণ আমাদেরই প্রতিবেশী; বাঙ্গলা ভাষাই তাহাদের মাতৃভাষা। সত্যিকারের সহানুভূতি দিয়া যদি তাহাদের সহিত কথা বলি, তবে তাহারা শুনিতে বাধ্য। কারণ, তাহারাও ত মানুষ।

ডাক্তার চট্টোপাধ্যায় বলেন যে, অল্পদিনের মধ্যে বহু শিক্ষিত মুসলমানের

সহিত তাঁহার কথাবার্তা হইয়াছে। তাহার। তাঁহার নিকট এই অভিযোগ করিয়াছে যে, বাঙ্গলা সাহিত্য অত্যন্ত সাম্প্রদায়িক, কারণ উহাতে নাকি শুধু হিন্দু সমাজের চিত্র অঙ্কিত হইয়াছে। কিন্তু সাহিত্য সাম্প্রদায়িক হইতে পারে না, সাহিত্য সার্বজনীন ব্যাপার। হিন্দু ও মুসলমানের আর্থিক স্বার্থ এক—এই আর্থিক ভিত্তিতে এই দুই সম্প্রদায়ের মধ্যে একটা বোঝাপড়া কত দিনে হইবে, তাহা তিনি বলিতে পারেন না। ষাঁহার। অর্থ নৈতিক প্রশ্ন লইয়া নাড়াচাড়া করেন, তাঁহাদের এই বিষয়ে যাহা করবার আছে, তাঁহার। তাহা করুন, তবে তিনি নিশ্চিত বুঝিয়াছেন যে, অন্ততঃ দশ বৎসরের মধ্যে সাহিত্যের ভিতর দিয়া ( দুই সম্প্রদায়ের মধ্যে ) একটা বোঝাপড়া করা যাইতে পারে। বহু হিন্দু ডাঃ চট্টোপাধ্যায়কে পত্র লিখিয়া জানাইয়াছেন যে, তিনি যেন তাঁহার সাহিত্যে মুসলমান সমাজ-চরিত্র অঙ্কন না করেন, কারণ ইহাতে তাঁহার একটা বিপদ ঘটতে পারে। আবার বহু মুসলমানও তাঁহাকে এই অল্পরোধ জানাইয়াছেন যে, তিনি মুসলমান-সমাজের অনেক কিছুই জানেন না, কাজেই তাঁহার পক্ষে এ কাজে হাত দেওয়া বিপজ্জনক। কিন্তু ডাঃ চট্টোপাধ্যায় বলেন যে, তিনি জীবনের শেষ প্রান্তে উপনীত হইয়াছেন, হুতরাং দুই দিন পূর্বে বা পরে মরিলে তাঁহার আক্ষেপের কিছু নাই।

উপসংহারে ডাঃ চট্টোপাধ্যায় বলেন যে, হিন্দুদের অনেক কিছুই সহ্য করিতে হইয়াছে। তাহাদের মনে যে গভীর ক্ষত হইয়াছে, সেই ক্ষতকে উল্লেখ তুলে দিলে সমস্তার কোন সমাধান হইবে না। তিনি মনে করেন যে, সাহিত্যের মধ্য দিয়া দুই সম্প্রদায়ের মধ্যে যে বোঝাপড়ার চেষ্টা তিনি করিবেন, তাহা যদি তিনি সমস্ত মন দিয়া করিতে পারেন, তাহা হইলে সমস্তার আশু সমাধান হইবে।” (‘বাতায়ন’—২ই আশ্বিন, ১৩৪৩)

আশ্বিন সংখ্যা ‘শনিবারের চিঠি’ আবার ‘প্রসঙ্গ কথা’য় ‘শরৎচন্দ্র ও মুসলমান সমাজ’ নাম দিয়া এক প্রবন্ধে শরৎচন্দ্রকে আক্রমণ করে লিখেছিলেন—

“১৯২৬ সালের ইংরেজি ৬ই অক্টোবরের বুধবার তারিখে শরৎচন্দ্র নিশ্চয়ই স্বস্থ ও সজ্ঞান ছিলেন এবং তাঁহার বয়স এখন ষাটের উর্ধ্বে হইলে দশ বৎসর



পূর্বে নিশ্চয়ই তিনি শিশু ছিলেন না। দীর্ঘ পঞ্চাশ বৎসরের অভিজ্ঞতা লইয়া তিনি ঐ তারিখে লিখিয়াছিলেন—

‘মুসলমান যদি কখনও বলে হিন্দুর সহিত মিলন করিতে চাই, সে যে ছলনা ছাড়া আর কি হইতে পারে ভাবিয়া পাওয়া কঠিন। একদিন মুসলমান লুণ্ঠনের জগুই ভারতে প্রবেশ করিয়াছিল, রাজ্য প্রতিষ্ঠা করিবার জগু আসে নাই। সেদিন কেবল লুণ্ঠ করিয়াই ক্ষান্ত হয় নাই, মন্দির ধ্বংস করিয়াছে, প্রতিমা চূর্ণ করিয়াছে, নারীর সতীত্ব হানি করিয়াছে, বস্ত্রত: অপরের ধর্ম ও মহত্ত্বের ‘পরে যতখানি আঘাত ও অপমান করা যায়, কোথাও সঙ্কোচ মানে নাই।

দেশের রাজা হইয়াও তাহারা এই জঘন্য প্রবৃত্তির হাত হইতে মুক্তিলাভ করিতে পারে নাই। ঔরঙ্গজেব প্রভৃতি নামজাদা সম্রাটের কথা ছাড়িয়া দিয়াও যে-আকবর বাদশাহের উদার বলিয়া এত খ্যাতি ছিল, তিনিও কল্প করেন নাই।...

হিন্দু-নারীহরণ ব্যাপারে সংবাদপত্রওয়ালারা প্রায়ই দেখি প্রশ্ন করেন, মুসলমান নেতারা নীরব কেন? তাঁহাদের সম্প্রদায়ের লোকেরা যে পুনঃপুনঃ এত বড় অপরাধ করিতেছে, তথাপি প্রতিবাদ করিতেছেন না কিসের জগু? মুখ বুজিয়া নিঃশব্দে থাকার অর্থ কি? কিন্তু আমার ত মনে হয়, অর্থ অতিশয় প্রাক্কল। তাঁহারা শুধু অতি বিনয়বশতঃই মুখ ফুটিয়া বলিতে পারেন না, বাপু, আপত্তি করব কি, সময় এবং সুযোগ পেলে ও-কাজে আমরাও লেগে যেতে পারি।’ (বর্তমান হিন্দু-মুসলমান সমস্তা।)

‘...স্বর্গীয় পাঁচকড়ি বন্দোপাধ্যায় মহাশয়ের সত্যনিষ্ঠ শিষ্যের উপযুক্ত কথা বটে। ঢাকায় গিয়া চট্টোপাধ্যায় মহাশয়ের শুধু যে হৃদয়ই খুলিয়াছে তাহা নয়, ভাষারও বদল হইয়াছে। যথা—এ ‘হুনিয়া’ থেকে বিদায় নেবার পূর্বে...। এই ষাট বছর বয়সে নিজেকে অল্পপণ্ডিত ‘বেকুফ’ ইত্যাদি...। আমার ‘সালাম’ গ্রহণ করুন।

চট্টোপাধ্যায় মহাশয় শুধু সত্যনিষ্ঠ নন, কৌশলীও।...

মোট কথা ১২২৬ ও ১২৩৬ এই উভয় সনের শরণ চট্টোপাধ্যায় যদি একই ব্যক্তি হন, তাহা হইলে তিনি নিশ্চয়ই ভূতপূর্ব মহামহোপাধ্যায় এবং অধুনা

মৌলানা। আমরা মহামহোপাধ্যায় মৌলানা শরৎচন্দ্র চট্টোপাধ্যায় শাস্ত্রীকে অসংখ্য প্রণাম নিবেদন করিয়া বহুত বহুত সালাম কবুল করিতেছি। ‘চুঘন’ ‘আলিঙ্গন’ লইয়া রসিকতা করা চলে জানিতাম, কিন্তু মুসলমানদের মত গস্তীর ব্যাপার লইয়াও যে রসিকতা করা যায় এবং তাহাও ‘হিজ্জ্ এক্সেলেন্সী’র সঙ্গে খাইতে বসিয়া—ইহা নূতন দেখিতেছি।’

‘হুনিয়া’, ‘বেকুফ’ ও ‘সালাম’ এই শব্দগুলি শনিবারের চিঠি, দশম বার্ষিক মুসলিম সাহিত্য সম্মিলনীতে শরৎচন্দ্রের বক্তৃতাটি থেকে উদ্ধৃত করেছেন।

শরৎচন্দ্র তাঁর ‘সাহিত্যের রীতি ও নীতি’ নামক প্রবন্ধে এক স্থানে প্রসঙ্গক্রমে বলেছেন—‘আলিঙ্গন ত দূরের কথা, চুঘন কথাটাও আমার বইএর মধ্যে নিতান্ত বাধ্য না হইলে দিতে পারি না।’

শরৎচন্দ্রের ‘চরিত্রহীন’ উপন্যাসে ‘চুঘন’ও আছে, ‘আলিঙ্গন’ও আছে। এই কারণেই শনিবারের চিঠি এ কথা লিখেছিলেন।

শরৎচন্দ্র ডি, লিট্, উপাধি নিতে ঢাকায় গেলে, সেবার ঢাকায় বহু প্রতিষ্ঠানই শরৎচন্দ্রকে সম্বর্ধনা জানিয়েছিল। কিন্তু ঢাকা ইন্টারমিডিয়েট কলেজের একদল ছাত্রের আপত্তিতে ঢাকা ইন্টারমিডিয়েট কলেজ তাঁকে সম্বর্ধনা জানাতে পারে নি।

কেন যে ঐ ছাত্ররা আপত্তি করেছিল, ১৩৪৩ সালের ২৩শে শ্রাবণ তারিখের আনন্দ বাজার পত্রিকার সম্পাদকীয় বিভাগের ‘যৎকিঞ্চিৎ’এর মন্তব্য থেকে তা পরিষ্কার জানা যায়।

আনন্দবাজার পত্রিকা ‘যৎকিঞ্চিৎ’এ লিখেছিলেন—

“ঢাকা ইন্টারমিডিয়েট কলেজের পক্ষ হইতে প্রসিদ্ধ ঔপন্যাসিক শ্রীযুত শরৎচন্দ্র চট্টোপাধ্যায়কে মানপত্র দানের বিষয় বিবেচনা করিবার জন্ত ‘ষ্টুডেন্টস্ ইউনিয়ন’ বা ছাত্র সংঘের একটি সভা আহৃত হইয়াছিল। সভায় মুসলমান ছাত্ররা প্রস্তাবটির বিরোধিতা করাতে উহা শেষ পর্যন্ত পরিত্যক্ত হইয়াছে। মুসলমান ছাত্রদের অভিযোগ নাকি এই যে, যেহেতু শরৎবাবু একজন রাজনীতিক, অতএব তাঁহাকে সম্বর্ধনা করা বাইতে পারে না। সভাপতি

ছিলেন একজন মুসলমান অধ্যাপক। তিনি অনেক চেষ্টা করিয়াও মুসলমান ছাত্রদের এই অত্যাঘ মনোভাব দূর করিতে পারেন নাই। মুসলমান ছাত্রদের আসল অভিযোগ যে ‘রাজনীতিক’ শরৎচন্দ্রের বিরুদ্ধে নহে, ‘হিন্দু’ শরৎচন্দ্রের বিরুদ্ধে তাহা বুঝিতে কাহারও বিলম্ব হয় না।...ঢাকা বিশ্ববিদ্যালয় শরৎবাবুকে ‘ডক্টর’ উপাধি দিয়া সম্মান করিয়াছেন। কিন্তু বিশ্ববিদ্যালয়ের মুসলমান ছাত্রদের যদি এ বিষয়ে কিছু হাত থাকিত, তবে তাহারা কখনই শরৎবাবুকে এই উপাধি দিতে সম্মত হইত না।”

ঢাকা ইন্টারমিডিয়েট কলেজের তৎকালীন অধ্যাপক সাহিত্যিক কাজী আবদুল ওহুদ বলেন—

শরৎচন্দ্র ডি, লিট্, উপাধি নিতে যখন ঢাকায় যান, ঠিক সেই সময়ে মুসলমান সম্পাদিত কোন কোন কাগজ, ১৯২৬ খ্রীষ্টাব্দে শরৎচন্দ্র ‘বর্তমান হিন্দু-মুসলমান সমগ্রা’ নামক প্রবন্ধে মুসলমানদের বিরুদ্ধে যে সব কথা বলেছিলেন, সেই সব প্রকাশ করেছিল। তারই ফলে, কিছু সংখ্যক মুসলমান ছাত্র এই সব প’ড়ে শরৎচন্দ্রের উপর কিছুটা বিরূপ হয়েছিল। তাই তারা শরৎচন্দ্রকে ‘রাজনীতিক’ আখ্যা দিয়ে অভিনন্দন জানাতে অস্বীকৃত হয়েছিল।

ওহুদ সাহেব আরও বলেন—শুধু ঢাকা ইন্টারমিডিয়েট কলেজের মুসলমান ছাত্ররাই নয়, এই সময় আমরা শরৎচন্দ্রকে সভাপতি করে ঢাকায় যে দশম বাষিক মুসলিম সাহিত্য সম্মিলন করেছিলাম, তাতেও কিছু সংখ্যক মুসলমান আমাদের এই সভার বিরোধিতা করেছিল।

## রসচক্রে

শরৎচন্দ্র ডি, লিট, উপাধি পেলে ‘রসচক্রে’র সদস্যরা শিল্পী অর্ধেন্দু গাঙ্গুলীর বনছগলীস্থ বাগান বাড়ীতে এক উদ্যান সম্মিলনে শরৎচন্দ্রকে অভিনন্দন জানিয়েছিলেন। সেদিন অভিনন্দন সভায় রসচক্রে সদস্যদের পক্ষ থেকে নীচের লেখাটি পঠিত হয়েছিল—

“আপনারা সকলেই শুনিয়াছেন—গঙ্গাতীরের সর্বশ্রেষ্ঠ কথা-শিল্পীকে বড়ীগঙ্গাতীরের বিহ্বসমাজ ডি, লিট, উপাধির দ্বারা ভূষিত করিয়াছেন। একদিন বঙ্গের কবিকে কলিকাতা বিশ্ববিদ্যালয় এই সম্মান দান করিয়া নিজের সম্মানই রক্ষা করিয়াছিল। আমরা ক্ষুদ্র ক্ষুদ্র নক্ষত্র রবির আলোকে বিলুপ্ত—সে সম্মানে আমরা সম্মানিত মনে করি নাই। শরৎচন্দ্রের এই সম্মানেই নক্ষত্রেরা আজ সম্মানিত।

শরৎচন্দ্রের প্রতি এই মৰ্যাদা দান রস-সরস্বতীরই উপাসনা—রসের উদ্দেশে জ্ঞানের অৰ্ঘ্যদান—শিল্পের বেদীতে তত্ত্বের প্রণিপাত। রস-সরস্বতীকে যশোলক্ষ্মী বহুদিন আগেই বরণ করিয়াছে—আজ ঐশ্বর্যমদগর্বিতা ইন্দ্রাণী যে তাহার রত্নকিরীট অবনত করিল—তাহাতে রস-সরস্বতীর সেবক মাত্রই বিজয় গৌরব অমুভব করিবে। নগণ্য সেবক হইলেও আজ আমরা গৌরব অমুভব করিতেছি। কাক যদি কোকিলতা প্রাপ্ত হয়—তবে কোন্ কোকিলের না আনন্দ হয়? কবিরাজ গোস্বামী বলিয়াছেন—

অরসজ্ঞ কাক চোখে জ্ঞাননিষ ফলে,

রসজ্ঞ কোকিল বলে প্রেমাস্ত্র-মুকুলে।

কাক যদি জ্ঞাননিষ ফল ত্যাগ করিয়া একদিনের জগৎও প্রেমাস্ত্র-মুকুলে বিলাস করে—তবে মুকুল কুঞ্জের কোন্ কোকিল আনন্দ অমুভব না করে? রসিক চিরদিনই রসের মৰ্যাদা বুঝে—তাহাতে নূতন করিয়া উল্লাসের কিছু নাই। কিন্তু যেখানে রসজ্ঞতা প্রত্যাশা করা যায় না, সেখান হইতে মৰ্যাদা আসিলেই উল্লাসের কারণ ঘটে।

‘ওল্ড টেস্টামেন্ট’র ‘প্রভিগ্যাল সন’-এর উপাখ্যানের কথা মনে পড়ে, অল্পগত সন্তানের আল্পগত্যের জন্ত উৎসবের প্রয়োজন হয় নাই—প্রভিগ্যাল সন যেদিন ফিরিয়া আসিল, সেইদিন হইল মহা-মহোৎসব।

যাহারা সাহিত্যের খবর রাখে, সাহিত্যের জন্মকোষ্ঠী রচনা করে, যাহারা তাহার ঘটককারিকা ও কুলুজির ভাণ্ডারী—যাহারা সাহিত্যের ঘর সংসারের তদারক করে এবং শেষ পর্যন্ত তাহার আত্মশ্রদ্ধ সমাপ্ত করে—আমাদের বিধ্বং-সমাজ চিরকাল তাহাদেরই সম্মানিত করে, কিন্তু যাহারা সাহিত্য সৃষ্টি করে, তাহাদিগকে কোন সম্মান দেওয়া, তাহার রীতিনীতি বিরুদ্ধ।

ঢাকা বিশ্ববিদ্যালয় ঐ রীতি না মানিয়া প্রীতির বশে যাহা করিয়া ফেলিল—তাহা ভারতবর্ষের সাহিত্যের ইতিহাসে চিরদিন ভাস্বর হইয়া থাকিবে।

বিজ্ঞানের অধ্যাপকের চেয়ে বৈজ্ঞানিক, দর্শনের শিক্ষকের চেয়ে দার্শনিক ও ইতিহাসের ব্যাখ্যাতার চেয়ে ঐতিহাসিক ও প্রত্নতাত্ত্বিক যে বড়, এ দেশের বিধ্বংসমাজ এ কথা স্বীকার করিলেও, সাহিত্যের অধ্যাপকের চেয়ে যে সাহিত্য স্রষ্টা ঢের বড়, এ কথা স্বীকার করে না। এই কথা স্বীকার করাইতে হইলে সাহিত্য-স্রষ্টাকে মরিতে হয়—বাঁচিয়া থাকিয়া তাঁহার নম্র হইবার উপায় নাই। আজ ঢাকা বিশ্ববিদ্যালয়, যিনি খঞ্জ নন, অন্ধ নন, জরাজীর্ণ নন, হাসপাতালে শয্যাগত নন—এমন একজন স্রষ্টা, সবল, জীবন্ত সাহিত্যিককে মর্মান্দান দান করিয়া অসম্ভব সম্ভব করিল।

ঢাকা বিশ্ববিদ্যালয় শরৎচন্দ্রকে এই মর্মান্দান দান করিয়া নিজের মর্মান্দাই বহুগুণে বৃদ্ধি করিল। শরৎচন্দ্রের গৌরবহ্রাতি নূতন করিয়া কি বাড়িবে জানি না। শরৎচন্দ্রের নামের সহিত যুক্ত হইয়া উপাধিই গৌরবান্বিত হইল বলিয়া মনে করি।

আজিকার এই উদ্দান সম্মিলনে আমরা ঢাকা বিশ্ববিদ্যালয়ের প্রতি আন্তরিক কৃতজ্ঞতা ও আমাদের পরম ভক্তিভাজন শরৎচন্দ্রকে অভিনন্দন জ্ঞাপন করিতেছি।

আমরা কোন ঘটনা সমারোহের ব্যবস্থা করি নাই—আমরা কোন মামূলি বচন বিলাসের আড়ম্বর করি নাই, আমরা সভাপতি ভাড়া করিয়া আনি নাই—আমরা অভিনন্দন পত্র রচনা করি নাই, আমরা ফুলের মালা পর্যন্ত পরাই নাই—আমরা আমাদের প্রাণের দানকে আমাদের অন্তরের গভীর আনন্দটুকু

জানাইতেছি। রসশ্রুতি হইতে পারা বহুজন্মের সাধনার ফল, রসশ্রুতি হইতে না পারি, যেন রসের পরিপূর্ণ মর্ম উপলব্ধি করিয়া রসচক্র নাম সার্থক করিতে পারি—এই আশীর্বাদ তাঁহার কাছে চাই।”

এই অভিনন্দনের উত্তরে শরৎচন্দ্র সেদিন বলেছিলেন—

আমার বই সাধারণ লোকেই পড়ে। তাদের অনেকেই হয়ত খুব বেশী লেখাপড়া জানে না। তারা আমার লেখা ভালবাসে। তাই তারা আমার বই কেনে ও পড়ে। আমি তাদের কাছ থেকে টাকা ও ভালবাসা দুইই পেয়েছি।

পণ্ডিত ব্যাক্তরা অর্থাৎ খুব বেশী লেখাপড়া জানা লোকেরা আমার বই পড়েন বলে মনে হয় না। তাই বিশ্ববিদ্যালয়ের মত একটা উচ্চ শিক্ষার প্রতিষ্ঠান থেকে আমার সাহিত্য সাধনার জন্ত এই যে স্বীকৃতি, এটা আমার পক্ষে কম গৌরবের নয়।

কলকাতা বিশ্ববিদ্যালয় তো আমাকে কোন উপাধি দিল না। তবু তো ওরা দিল। আমার সাহিত্য-সৃষ্টির জন্ত ওদের এই যে স্বীকৃতি, এতে বিশ্ববিদ্যালয় বা উপাধি নয়, আমিই বরং কৃতার্থ হয়েছি।

## কটিশ চার্ট কলেজে

‘১৩৪৪ সালের ৩১শে ভাদ্র তারিখে শরৎচন্দ্রের ৬২তম জন্মদিনে কটিশ চার্ট কলেজের ‘বাঙ্গলা সাহিত্য সমিতি’ শরৎচন্দ্রকে অভিনন্দন জানান। ঐ শরৎ-বন্দনা সভায় সভাপতিত্ব করেছিলেন—ভারতবর্ষ-সম্পাদক জলধর সেন।

শরৎচন্দ্র অভিনন্দনের উত্তরে সেদিন বলেছিলেন—

আজ দেশের বড় দুদিন। আজ আমাদের কবিগুরু রবীন্দ্রনাথ অস্থস্থ।\* আজকের দিনে আমার ইচ্ছে ছিল না জন্মদিনে এইরূপ আনন্দ করা। কিন্তু তোমাদের ডাক, তোমাদের সম্পাদকের আবদার আমায় রাখতে হ’ল। কবে আছি, কবে নেই—হয়ত আজকের ৩১শে ভাদ্র আর ফিরে আসবে না, সেই জন্ম আসতে হ’ল, তোমাদের ডাককে উপেক্ষা করতে পারলাম না। ৬১টা ত চলে গেল—কিছুই করতে পারলাম না। জানি না ৬২টা কি রকম ভাবে যাবে। যদি আবার ৩১শে ভাদ্র ফিরে আসে ত তোমাদের কাছে নিশ্চয় আসব।

তোমাদের কাছে আজকে দুটি কথা বলতে এসেছি। বাঙ্গালী বড় ছোট হয়ে যাচ্ছে। আগে দেখতাম, বাঙ্গালীরা সব উচু উচু পদে রয়েছে, কিন্তু আজ আর সে দিন নেই। আগে ছিল বাঙ্গালীর সম্প্রসারণের যুগ, আর আজ বাঙ্গালীর সঙ্কোচনের যুগ। বাঙ্গালী আজ জীবন-সংগ্রামে হটে যাচ্ছে—বাঙ্গালী আজ বিপর্যস্ত।

তোমাদের কাছে আমার অহরোধ, তোমরা দেশের গুণী ও শ্রেষ্ঠ ব্যক্তিদিগকে সর্বদা সম্মান দিতে কোন দিন যেন কার্পণ্য না কর। এই কথাটা সব সময় মনে রেখ যে, এতে কেবল তাঁদিগকে সম্মান করা হয় মাত্র, তা নয়; পরন্তু এইরূপ সম্মান প্রদর্শনে দেশের ব্যক্তিদিগের গুণের সমাদর করা হয়, আর দেশবাসীকে তাঁর গুণ সম্বন্ধে সচেতন করবার সুযোগ ঘটিয়া। কোন ব্যাক্তকে সমালোচনা করা আমি আদৌ নিন্দনীয় মনে করি না। এতে বরং সমালোচনার পাত্রটিকে নানা বিষয়ে অবহিত হতে সাহায্য করে। উপযুক্ত

সমালোচনা সর্বদাই প্রশংসার যোগ্য। কিন্তু এই সমালোচনা করতে গিয়ে যদি তাঁকে নানারূপে ব্যক্তিগতভাবে আক্রমণ করা হয়, তা হলে এর চেয়ে দুঃখের বিষয় আর নেই। এ রকম আক্রমণে পরশ্রীকান্তরতাই দেখান হয়। আজকাল বাংলা দেশে বিশেষ এই পরশ্রীকান্তরতার লক্ষণ দেখা যাচ্ছে। দিনে দিনে পরশ্রীকান্তরতার বিষয় ফল বাংলালী সমাজকে পঙ্কু করে তুলছে।

তোমাদের কাছে আমার আবার অনুরোধ, এইরূপ মনোভাব যেন তোমরা না পোষণ কর।

আজকে তোমাদের কাছ থেকে বিদায় নিই।

[ \* কবির এই অস্থগ সম্বন্ধে তাঁর জীবনীকার প্রভাতকুমার মুখোপাধ্যায় লিখেছেন—

“একদিন সন্ধ্যার পর সকলের সহিত কথাবার্তার মধ্যে কবি হঠাৎ হতচৈতন্য হইলেন ( ২৫শে ভাদ্র। ১০ সেপ্. )।...দুই দিন হতচৈতন্য থাকিবার পর এক সপ্তাহের মধ্যে সুস্থ হইয়া উঠিলেন।” ( রবীন্দ্র-জীবনী, ১র্থ খণ্ড ) ]



## বিদ্যাসাগর কলেজে

১৩৪৪ সালের ৩১শে ভাদ্র তারিখে শরৎচন্দ্রের ৬২তম জন্মদিনে কলকাতার বিদ্যাসাগর কলেজ ও শরৎচন্দ্রকে অভিনন্দন জানিয়েছিলেন।

শরৎচন্দ্র স্কটিশ চার্চ কলেজের সভার পর বিদ্যাসাগর কলেজে যান। জলধর সেনও শরৎচন্দ্রের সঙ্গে বিদ্যাসাগর কলেজে গিয়েছিলেন।

বিদ্যাসাগর কলেজে অভিনন্দনের উত্তরে শরৎচন্দ্র বলেছিলেন—

আমার জন্মদিন উপলক্ষে কলেজের কর্তৃপক্ষ, প্রিন্সিপ্যাল মহাশয় নিজে বসে আছেন। তোমরা ছাত্র-ছাত্রীরা আছ। তোমরা আমার দীর্ঘজীবন কামনা করলে, আমাকে আনন্দ দেবার জন্ত আমারই বই থেকে নাটকের কিছু কিছু অংশ অভিনয় করলে। এর জন্ত তোমাদের সকলকে আমার স্নেহ, ভালবাসা জানাই।

আমাকে আনন্দ দেবার জন্ত আজ তোমরা অনেক রকম আয়োজন করেছ—তোমাদের সমস্ত আয়োজন অন্তরে গ্রহণ করছি। কিন্তু অসুস্থ শরীরে, আর এই বৃদ্ধকালে তোমাদের সব ব্যাপারে যোগ দেওয়ার জন্ত বেশীক্ষণ বসে থাকা আমার পক্ষে সম্ভবপর নয়। তাই তোমাদের অভিনয়ের মাঝখানে বলতে হ'ল—আমাকে ছেড়ে দাও। তিনটায় বেরিয়েছি, বড় 'স্ট্রেন' হচ্ছে, শরীর অত্যন্ত খারাপ। যখন বয়স বাড়ে তখন স্থিরতা থাকে না। কোন্‌দিন কে আছে, কে নাই। আজ যখন স্নযোগ হ'ল, যখন তোমরা বললে—৩১শে ভাদ্র আমাকে আসতে হবে বিদ্যাসাগর কলেজে, আমি রাজী হলাম এই জন্ত যে, আসছে বছর এ রকম স্নযোগ হবে কিনা জানি না।

তোমাদের কাছে আমার আবেদন বল, নিবেদন বল এই—তোমরা যখন বড় হবে, তখন আমাদের নাম তোমাদের সামনে থাকবে কি না-থাকবে জানি না। হয়ত দেশের রুচি তখন এমন বদলে যাবে, তোমরা সেগুলি পড়বে না—এটা আশ্চর্য নয়। জগতে এ রকম অনেক হয়, হয়েছে। সেগুলি পুরণো লাইব্রেরীতে থাকে, লোকে প্রশংসা করে কিন্তু পড়ে না। বাঙ্গলা দেশের

অনেক বড় গ্রন্থকারের ভাগ্যে এ রকম ঘটেছে। হয়ত আমাদের ভাগ্যেও সে রকম হতে পারে। যদি হয়, আমি তাকে হুর্দীন মনে করব না। আমি মনে করব দেশের সাহিত্য এত বড় হয়েছে, এত ভাল হয়েছে, এগুলি তার কাছে অকিঞ্চিৎকর।

বাংলা দেশের দু-এক জনের ব্যক্তিগত জীবনই বড় নয়। বড় হচ্ছে—জাতীয় সাহিত্য ও ভাষা। সে সম্বন্ধে আমার যতটুকু চেষ্টা করেছি, তাকে যতটুকু বাড়াতে পেরেছি—হয়ত পেরেছি, নইলে এত লোক আমাকে ভালবাসত না—করেছি, তা যদি না থাকে,—ধর আরও কুড়ি বৎসর পর—তা হ'লে সেটা যে ভাষার পক্ষে হুর্দীন, তা বলব না। সে যাই হোক, নিজের যতটুকু শক্তি ছিল করেছি, যতটা আয়ু ছিল বেঁচেছি। তোমাদিগকে আশীর্বাদ করি এবং বলি, বাংলা—যে ভাষাতে জ্ঞান হওয়া অবধি কথা বলতে আরম্ভ করেছ, সেটা তোমাদের মাতৃভাষা। এর উপর যেন কোনদিন তোমাদের অশ্রদ্ধা না হয়। এটা যেন তোমরা বাড়িয়ে তুলতে পার। বহু লোকের চেষ্টায় একটা জিনিস বাড়ে, তার মধ্যে একজন উঁচু হয়ে ওঠে। বহু লোক সাহিত্যকে ভালবেসেছে, তার সাধনা করেছে, করে তারা এখন অনেকে মাটির নীচে চাপা পড়েছে। তাদের নাম পর্যন্ত ভুলে গিয়েছে, কিন্তু শত জমির উপর রবীন্দ্রনাথের প্রতিভা সম্ভবপর হয়েছে, আকস্মিক ব্যাপার কিছু নয়। সকলেরই কারণ থাকে, তোমাদের মধ্যে যার মনে হয়—আমি কিছু করতে পারব, আমার দ্বারা কিছু হয়ত হতে পারে, তারা যেন এর চর্চা না ছাড়ে। যেন প্রাণপণে তারা মাতৃভাষাকে বড় করতে চেষ্টা করে, তা নইলে মানুষ বড় হবে না। ইংরেজী বা ফরাসী ভাষায় চিন্তা করা যায় না। ইংরেজীতে লিখতে পার, কিন্তু মাতৃভাষাকে বড় করে না তুললে চিন্তা চিরদিন ছোট হয়ে থাকবে।

আমি বক্তা নই, বলতে আমি পারি না—সে ভাষাও আমার নাই। যেটুকু মনে হ'ল জানালাম। আব কলেজ কর্তৃপক্ষ, প্রিন্সিপ্যাল মহাশয় দ্বারা বসে আছেন, আর আমার দাদা জলধরদা যদিও তিনি অতিথি, তথাপি বলি—এই বয়সে আমার জ্ঞান এসে সমস্তক্ষণ বসে আছেন। আর যে সমস্ত বন্ধু-বান্ধব সাহিত্যিক এসেছেন, তাঁদের সকলকে সম্ভাষণ জানাচ্ছি। কলেজের ছাত্র-ছাত্রী সকলকে আমার স্নেহ, শ্রদ্ধা, ভালবাসা জানালাম। আবার যদি ৩১শে ভাদ্র ফিরে আসে দেখা হবে, নইলে তোমাদের কাছ থেকে বিদায়!

## শরৎ-শব্দী অনুষ্ঠানে

শরৎচন্দ্রের জীবনের শেষ দিকে, কলকাতার বেতার প্রতিষ্ঠানের কর্মীরা কয়েক বৎসর তাঁদের স্টুডিওতে ৩১শে ভাদ্র সন্ধ্যায় শরৎ-জন্মোৎসব পালন করতেন। তাঁরা তাঁদের এই অনুষ্ঠানের নাম দিয়েছিলেন—‘শরৎ-শব্দী’।

বেতার প্রতিষ্ঠানের কর্মীরা তাঁদের এই অনুষ্ঠানে শরৎচন্দ্রকেও নিয়ে যেতেন।

১৩৪১ সালে শরৎচন্দ্র তাঁর ৫৯তম জন্মদিনে শরৎ-শব্দীতে গিয়ে অভিনন্দনের উত্তরে যা বলেছিলেন, তা এই—

বর্ষে বর্ষে ভাদ্রের শেষ দিনে—আমার জন্মদিনে—‘ইণ্ডিয়ান স্টেট ব্রডকাস্টিং’-এর কর্তৃপক্ষের শ্রদ্ধা ও প্রীতির নিদর্শন পাই তাঁদের সম্মুখে আহ্বানে। শুভকামী, শুভভাষী বন্ধুজন এসে সমাগত হন তাঁদের স্টুডিও হল-এ। আগাকে যে তাঁরা ভালবাসেন, এই কথাটি শুধু আমাকেই নয়, বেতার প্রতিষ্ঠানের সহযোগে ও সৌজন্যে দেশের সর্বত্র এ বার্তা ছড়িয়ে দিয়ে তাঁরা আনন্দ লাভ করেন। আজকের দিনে অন্তরের কৃতজ্ঞতা কেবল তাঁদের জানিয়েই আমার কর্তব্য সমাপন হয় না, অদৃশ্যে অলক্ষ্যে বসে ধাঁরাই এ কথা আমার শুনছেন, আজ তাঁদের কাছেও আমার সশ্রদ্ধ নমস্কার জানাই।

কিন্তু এই সম্মাননা শুধু আমার ব্যক্তিকে মাত্র অবলম্বন করে নেই। আমার মধ্যে যিনি বাণীর সাধক, এ সমাদর তাঁর এবং আরও অনেকের—আমার মতোই ধাঁরা মানুষের স্তম্ভ ও হৃৎ, আনন্দ ও বাথা, আশা ও আকাজক্ষা রূপে-রসে সমুজ্জ্বল করে ভাষার মধ্যে দিয়ে তাঁদের কাছেই প্রকাশিত করার সাধনা গ্রহণ করেছেন। স্মরণ্য আজকের এই বিশেষ উপলক্ষটিকে যদি আমার নিজের বলেই মনে না করি ত সহজেই বলা যায়, বেতার প্রতিষ্ঠানের এই আয়োজন দেশের সাহিত্য-সেবারই আয়োজন। তাঁরা ধন্যবাদার্থ।

বৎসরকাল পূর্বে এই উপলক্ষে যেদিন এসেছিলাম, আজ সে দিনের কথা আমার মনে পড়ে। স্তম্ভে হৃৎ, আনন্দে নিরানন্দে কত বিচিত্রভাবে একটা

বছর কেটে গেছে। সেদিন যারা শ্রোতা ছিলেন তাঁদের চিনি নে, তবু জানি তাঁরা আমার আপন জন। তাঁদের মধ্যে হয়ত কেহ কেহ নেই, হয়ত মৃত্যু এসে তাঁদের অপসারিত করেছে; আবার হয়ত কত নূতন জন এসে তাঁদের শূণ্য স্থান পূর্ণ করেছেন। এমনই জগৎ। এমনি আমিও একদিন আসবো না, সেদিন একত্রিশে ভাদ্রের জন্মতিথি অমুষ্ঠান বন্ধ হবে। আবার নূতন কোন সাহিত্য-সেবকের জন্মদিন উৎসব আজকের শূণ্য স্থান ভরিয়ে তুলবে। বেতার প্রতিষ্ঠান চিরজীবী হোক—নূতন আবির্ভাবের শুভ বার্তা যেন তাঁরা এমনি করেই সেদিনও সর্বত্র পরিব্যাপ্ত করেন।

আমার কণ্ঠস্বরে আমার কথা যারা আজ শুনতে বসেছেন, তাঁদের দেখতে পাই নে বটে, কিন্তু মনে হয় যেন নেপথ্যের অন্তরাল থেকে তাঁদের নিঃশ্বাসের শব্দ আমি শুনতে পাই। কেহ দূরে, কেহ কাছে—তাঁদের কাছে আমার কৃতজ্ঞ-চিন্তের ধন্যবাদ জ্ঞাপন করি। (‘বেতার-জগৎ’—২৯শে আশ্বিন, ১৩৪১)

### ৬২তম জন্মদিন উপলক্ষে

১৩৪৪ সালের ৩১শে ভাদ্র তারিখে শরৎচন্দ্র তাঁর ৬২তম জন্মদিনে বেতার-প্রতিষ্ঠানের আহ্বানে তাঁদের ‘শরৎ-শর্বরী’ অমুষ্ঠানে যেতে পারেন নি। পরদিন ১লা আশ্বিন তারিখে গিয়েছিলেন। সেদিন বেতার-প্রতিষ্ঠানের কর্মীরা শরৎ-শর্বরীর অমুষ্ঠানে শরৎচন্দ্রকে অভিনন্দন জানালে, অভিনন্দনের উত্তরে তিনি বলেছিলেন—

বেতার প্রতিষ্ঠানের স্বেচ্ছাস্পদ বন্ধুদের আমন্ত্রণে বৎসরে বৎসরে আমি এই প্রতিষ্ঠানে এসে উপস্থিত হয়েছি। আমার জন্মতিথি উপলক্ষে বন্ধুরা এই আয়োজন প্রতি বৎসর করে থাকেন। এবারেও তাই ৬২ বৎসর বয়সে পা দিয়ে, আমার জন্মতিথি উপলক্ষে সকলের কাছে আশীর্বাদ চেয়ে নেবার পূর্বে আমার গুরুদেব বিশ্বকবি রবীন্দ্রনাথ—যিনি আজ রোগশয্যা—তাঁকে প্রণাম করি। এ জগতে সাহিত্য-সাধনায় তাঁর আশীর্বাদ, এটি আমার নয়, প্রতি

সাহিত্যিকের পরম সম্পদ। সেই আশীর্বাদ আমি আজকের দিনে, তিনি শুনতে না পেলেও চেয়ে নিলাম।

এখানে যে সব বন্ধুরা এসে উপস্থিত হয়েছেন, শুধু সাহিত্যের জন্ত নয়, পরস্পরের অন্তঃস্থ আদান-প্রদানের মধ্য দিয়ে তাঁরা আমাকে বাস্তবিক ভালবাসেন। আমি তাঁদের স্নেহ করি, তাঁরা আজ আমাকে আশীর্বাদ করবার জন্ত সমবেত হয়েছেন।

আপনারা শুনলেন যে, সাহিত্যের মধ্য দিয়ে যদি আমি বাঙলা দেশকে কিছু দিতে পেরে থাকি, তার জন্ত এবং আমাকে ভালবাসার জন্ত আমার দীর্ঘজীবন তাঁরা কামনা করলেন। আজ ৬২ বৎসরের গোড়ায় ভাবি যে, এই দীর্ঘজীবন সত্যি মানুষের কাম্য কি না! যারা আমার দীর্ঘজীবন আজ কামনা করেছেন, তার মধ্যে শুধু একটিমাত্র সাহিত্যিককে বলতে শুনেছি, তিনি হেমেন্দ্র রায়—তিনি আমার সাহিত্যিক দীর্ঘজীবন কামনা করেছেন, কেবল মাত্র আমার দীর্ঘজীবন তিনি কামনা করেন নি। এ জিনিসটা আমাকে আনন্দ দিয়েছে। হ্যাঁ, যদি সাহিত্যিকের মতো হয়ে এই বাঙলা দেশকে কিছু দিতে পারি, সে শক্তি ভগবান যদি রাখেন এবং তার সঙ্গে যদি দীর্ঘজীবন দেন আপত্তি নেই। কিন্তু সে যদি না থাকে, যদি ব্যাধিগ্রস্ত হয়ে, পক্ষু হয়ে পড়ে থাকতে হয়, তবে সেই জীবন কাকুরই কাম্য নয়—বিশেষ করে সাহিত্যিকের তো নয়ই।

আপনারা শুনেছিলেন যে, কিছু দিন পূর্বে আমি কঠিন রোগগ্রস্ত হয়ে পড়েছিলাম। সে অবস্থা এখন আমার নেই, তা হ'লেও স্বাস্থ্য একেবারে চিরদিনের মত ভেঙে গেল এবং আশা করতে পারি না যে, বৎসরে বৎসরে এই সব বেতার-প্রতিষ্ঠানের বন্ধুদের আমন্ত্রণে আসতে পারবো।

আমার নিজের সাহিত্য-সাধনার ব্যাপার নিজের মুখে কিছু বলা যায় না। শুধু এইটুকুই ইচ্ছিতে বলতে পারি যে, অনেক দুঃখের মধ্য দিয়ে এই সাধনার ধীরে ধীরে অগ্রসর হয়েছি। কোন দিনই মনে করি নি যে, আমি সাহিত্যিক হবো বা কোন বই আমার কোনদিন প্রকাশিত হবে। এমন কি, যা লিখেছি তাও সঙ্কোচে, অধায় পরের নামে। তার কোনও মূল্য আছে কি না ভাবতে পারি নি। তারপরে দীর্ঘকাল—বোধ হয় ১৫১৬ বৎসর, সাহিত্য-চর্চার ধার দিয়েও বাই নি। তুলেও মনে হ'ত না যে, আমি কোনদিন লিখি।

ভারপরে নানা অবস্থার মধ্য দিয়ে আবার এই জীবন, এইটিই হয়ত সত্যাকার জীবন। অন্ততঃ ভগবান বোধ হয় এই জীবনটা আমার জন্ম নির্দিষ্ট করে রেখেছিলেন। তাই ইচ্ছা না থাকে সবেশে ঘুরে ফিরে আবার এরই মধ্যে এই একষষ্ঠিটা বৎসর কাটাতে হ'ল।

সত্যি আমি আপনাদের মাঝখানে বেশী দিন থাকি বা না থাকি, আমার এ কথাটা হয়ত আপনাদের মাঝে মাঝে মনে পড়বে যে, তিনি বলে গেছেন যে, অনেক দুঃখের মধ্য দিয়ে তাঁর এই সাহিত্য-সাধনা ধীরে ধীরে বাধা ঠেলে চলেছিল। এর মধ্যে যারা আমার কথা শুনছেন, তাঁদের মধ্যে যদি কেউ সাহিত্য-চর্চা করেন, অন্ততঃ সাহিত্যকে যদি তিনি অবলম্বন করেন, এই যদি তাঁর মনের বাসনা থাকে এবং সঙ্কল্পও যদি তাঁর স্থায়ী থাকে, তবে এই জিনিসটাকে তাঁকে নিশ্চয়ই প্রতিদিন মনে রাখতে হবে যে, এ হঠাৎ কিছু একটা গাঁড়ে ওঠবার জিনিস নয়।\*

এই অল্পটানে আমাকে আহ্বান করে যারা এনেছেন, তাঁদের প্রতি-বৎসর যেমন কৃতজ্ঞতা জানিয়েছি, শ্রদ্ধা জানিয়েছি, এবারেও তাঁদের তেমনি ভালবাসা জানাই। যে-সব বন্ধু, আত্মীয় এই সভায় এসে আজ উপস্থিত হয়েছেন, প্রয়োজন না থাকলেও আর একবার করে আমার শ্রদ্ধা, আমার স্নেহ তাঁদের জানাই যে, এই থেকে কোনদিন তাঁরা আলাদা না হন, এই যে-জিনিসটা তাঁদের কাছ থেকে আমি পেলাম, এই যেন তাঁরা যতদিন বাঁচি দিয়ে যান। এমন করে যেন এসে আমাকে উৎসাহ দিয়ে আমাকে ধন্য করে যান।

যারা শুনছেন আমার কথা, তাঁদের কাছেও আমার প্রার্থনা যে, হেমেন্দ্র রায় যে কথা বলেছেন, সেইটেই যেন সফল হয়—আমার সাহিত্যিক দীর্ঘজীবন যেন পাই। তা না হ'লে শুধু শুধু দীর্ঘজীবন যেন আমার বিড়ম্বনার মতন না এসে জোটে।

[ \* শরৎচন্দ্রের এই অভিভাষণটির এই পৰ্যন্ত বক্তার প্রতিষ্ঠানে রেকর্ড করা হয়েছিল। ]

বেতার প্রতিষ্ঠানের ‘শরৎ-শর্বরী’তে এই বক্তৃতা দিয়ে যাওয়ার কয়েকদিন পরেই বেতারের তৎকালীন লাইসেন্স ইন্সপেক্টর পূর্ণচন্দ্র ঘোষ শরৎচন্দ্রকে আদালতে অভিযুক্ত করতে মনস্থ করেছিলেন। সে এক মজার কাহিনী। সেই কাহিনী সম্বন্ধে তখনকার ‘বেতার জগৎ’ পত্রিকার অগ্রতম কর্মী, শরৎচন্দ্রের স্নেহাস্পদ নলিনীকান্ত সরকার তাঁর ‘অন্ধ্রাস্পদে’ গ্রন্থে যা লিখেছেন, এখানে তাই বলছি—

কলকাতা বেতার প্রতিষ্ঠানের বাড়ীতেই তখন রেডিও লাইসেন্স ইন্সপেক্টরের অফিস ছিল। এঁদের মুখ্য কাজ ছিল, যাঁরা বিনা লাইসেন্সে বেতার গ্রাহক যন্ত্র ঘরে রাখেন, তাঁদের আদালতে অভিযুক্ত করা। এজন্ম লাইসেন্সের একটি বৎসর মেয়াদ উত্তীর্ণ হবার সঙ্গে সঙ্গে তাঁরা স্মারক লিপি প্রেরণ করতেন উদ্দিষ্ট ব্যক্তির কাছে।

তখনকার দিনে লাইসেন্স ইন্সপেক্টর যিনি ছিলেন, তাঁর নাম পূর্ণচন্দ্র ঘোষ। পূর্ণবাবু খাসা ভদ্রলোক, সত্যনিষ্ঠ ব্যক্তি। সাহিত্য, দর্শন, গান, বাজনা এসব কিছুই ধার ধারতেন না। তিনি বুঝতেন তাঁর কাজ, কর্তব্য-কর্ম। স্পষ্ট কথা বলতেন, স্পষ্টভাবে চলতেন।

একদিন এই পূর্ণবাবু ‘বেতার জগৎ’-এর অফিস কক্ষে এসে নলিনীবাবুকে বললেন—আপনাদের জন্তে মশায়, চাকরি তো থাকবেই না; মান-সম্মত বজায় রাখাও দায় হবে।

নলিনীবাবু জিজ্ঞাসা করলেন—কি হ’ল পূর্ণবাবু?

পূর্ণবাবু বিরক্তিপূর্ণ স্বরে বললেন—আরে মশায়, একটা লোকের রেডিওর লাইসেন্স ফুরিয়েছে তিন মাস আগে। রিমাইণ্ডার দিলে উত্তর দেয় না। শেষ পর্যন্ত নিজে গেলাম সেখানে। সে কি এখানে? পঞ্চাশ ষাট মাইল দূরে। গিয়ে ধরলাম তাকে। সে আপনার নাম করলে, আর বললে—তাকে আমি চিঠি দিয়ে সব ঠিক করে নেব। আমার লাইসেন্সের জন্ম আপনাকে মাথা ঘামাতে হবে না। আরও অনেক কথা শুনিয়ে দিলে। শুনলাম, লোকটা খবরের কাগজে লেখে।

—কি নাম বলুন তো?

—শরৎচন্দ্র চট্টোপাধ্যায়। ওকে আমি আদালতে ফাইন করাবোই মশায়।

নলিনীবাবু শুনে চমকে উঠলেন। বললেন—সে কি পূর্ণবাবু! এই সেদিন তাঁকে আমাদের স্টুডিওতে এনে তাঁর জন্মদিন উপলক্ষে মাল। পরালাম, আর আপনি ফাইন করাবেন?

পূর্ণবাবু বললেন—এই দেখুন রিপোর্ট।

—ছিঁড়ে ফেলুন, ছিঁড়ে ফেলুন!

নলিনীবাবু তারপর পূর্ণবাবুকে বুঝিয়ে বললেন—শরৎচন্দ্র স্মরসিক ব্যক্তি। আপনার ধাত বুঝতে পেরে আপনাকে নিয়ে একটু মজা করেছেন। আপনি ভাববেন না। কালই হয়ত খবর পাবেন, তিনি লাইসেন্স করেছেন।

পূর্ণবাবু মুখ ভার করে শেষে রিপোর্টটা ছিঁড়ে ফেললেন।





**সংযোজন**

**আলাপ-আলোচনা**



## ভূপেন্দ্রকিশোর রক্ষিত রায়ের সহিত আলোচনা

বিপ্লবী ভূপেন্দ্রকিশোর রক্ষিত রায়কে শরৎচন্দ্র খুব স্নেহ করতেন। ভূপেন বাবু তাঁর আরও কয়েকজন বিপ্লবী বন্ধুকে নিয়ে ‘বেণু’ নামে একটা মাসিক পত্রিকা বার করেছিলেন। শরৎচন্দ্র এঁদের এই বেণু কাগজে লিখতেন। ‘বিপ্রদাস’ উপন্যাসটি তিনি এই বেণুতে ধারাবাহিকভাবে লিখতে আরম্ভ করেছিলেন। উপন্যাসখানির ১০ম পরিচ্ছেদ পর্যন্ত বেণুতে প্রকাশিত হ’লে পুলিশের আক্রমণে ‘বেণু’ বন্ধ হয়ে যায়। (পরে এই বিপ্রদাস আবার গোড়া থেকে ‘বিচিত্রা’য় সমগ্রভাবে প্রকাশিত হয়েছিল।)

বেণুতে বিপ্রদাস বেকতে থাকলে তখন বড় বড় মাসিক পত্রিকার মালিকরা শরৎচন্দ্রকে প্রশ্ন করেছিলেন—বেণু আপনাকে লেখার প্রত্যেকটি ‘ইন্সটলমেন্ট’এ কত করে দেয়? ওদের সঙ্গে আপনার কি সম্পর্ক?

উত্তরে শরৎচন্দ্র বলেছিলেন—ওরা আমার দেবে কোথেকে! আমারই বরং ওদের কিছু দেওয়া উচিত। ওরা যে আমার বড় আপন।

শরৎচন্দ্র ভূপেনবাবু ও তাঁর বন্ধুদের বলতেন—কাগজটা ঝাঁচিয়ে রাখতে চেষ্টা কর। জেলে যাওয়া তোমাদের পক্ষে সহজ। কিন্তু জেলকে ফাঁকি না দিতে পারলে কিছুই গড়তে পারবে না। গড়াটাই কঠিন। তোমরা একটা ভাল দেখে বাড়ী ভাড়া নাও। আমি সপ্তাহে ২১০ দিন ওখানে গিয়ে উঠব। দেখো বাঙ্গলা দেশের সকল সাহিত্যিক তোমাদেরও বন্ধু হয়ে উঠবেন। এঁদের সহায়তায় কাগজ অতি সহজেই নিজের পায়ে দাঁড়িয়ে যাবে।

রাজদ্রোহমূলক প্রবন্ধ লেখার জন্য সম্পাদক ভূপেনবাবুর ১৯০০ খ্রীষ্টাব্দে একবার তিন মাসের জেল হয়।

ঐ সময় ভূপেনবাবুর বন্ধুরা তাঁর ‘চলার পথে’ গল্পের বইটা ছেপে শরৎচন্দ্রকে দিয়ে সেই বইয়ের একটা ভূমিকা লিখিয়ে নেন।

ভূপেনবাবু জেল থেকে বেরিয়ে একদিন শরৎচন্দ্রের সঙ্গে দেখা করতে গেলে, শরৎচন্দ্র তাঁকে বললেন—তোমার ‘চলার পথে’ বইখানার ভূমিকা আমি লিখে দিয়েছি। ও বইয়ের মারফতে তুমি বাঙ্গলার মেয়েদেরও বিপ্লববাদিনী

হবার জন্তে জিরেক্ট 'অ্যাগিল' করেছ। কিন্তু তুমি সত্যি করে বলতো, তুমি কি বিশ্বাস কর যে ছেলেনের মত মেয়েরাও ওসব কাজ করতে পারে?

জুপেনবাবু বললেন—বাঙ্গলার মেয়েদের আমার চেয়ে অনেক ভাল করেই আপনি চেনেন। আপনিই বলুন না?

শরৎচন্দ্র বললেন—দেখ, এ দেশটাকে আমি ভাল করে দেখেছি। এর মাহুগলো আমার পরিচিত। শুধু বাঙ্গলা নয়, এই ভারতবর্ষ কবে থেকে মরতে বসেছে জান? যেদিন থেকে এর পুরুষগুলো হয়েছে স্বার্থপর। এরা বড়মুখ করলো মেয়ে জাতটার বিরুদ্ধে। মেয়েদের ভক্তি করা শুরু করলে এরা কথায়, কিন্তু ঘৃণা করতে আরম্ভ করল কাজে। ফলে কল্লনার জগতে নারী পেল 'দেবী'র আসন, কর্ম জগতে স্থান হ'ল তার হৈসেলে। ও ছুটার কোনটাই নারীর অজিত বস্তু নয়, পুরুষের ইচ্ছামুগ্ধ পদবী লাভ। পুরুষ রচনা করল শাস্ত্র, পুরুষ বানাল বিধান। সেই শাস্ত্র ও বিধান অপৌরুষেয় আদেশ হয়ে বেঁধে ফেলল নারীকে হুজুর করে। পুরুষ রচিত পকে আকর্ষণ নিরঞ্জিত করে নারীও সেদিন গর্ববোধ করল তার দেবী-মাহাত্ম্যে। সেদিন থেকে নাভিস্বাস উঠে গেছে জাতির।

এ প্রসঙ্গটাই একদিন উঠেছিল বাঙ্গলা দেশে। 'চরিত্রহীন' লিখে অপাংক্তেয় হয়েছিলাম স্থধী সমাজে, এইটাই তোমরা জান। কিন্তু এ-তো তোমরা জান না, 'গৃহদাহ' রচয়িতার বিরুদ্ধেও ক্ষমাহীন অভিযোগ যে, তিনি নাকি ভক্তির পাত্র যে নারীজাতি, তার বর্ষাদাহানি করেছেন।

এ অভিযোগে ক্লোড নেই আমার। সত্যি দেবী জানে মেয়ে জাতকে ভক্তি আমি করিনে। আবার সামান্য অপরাধেই তাদের কাউকে ঘৃণাও করিনে। তা করিনে বলেই তো তাদের দেখতে চেয়েছি আমি মাহুগী দরদ ও মাহুগী সহানুভূতি নিয়ে। তাদের দুঃখে আমার মন কাঁদে, যেমন কাঁদে যে কোন নিপীড়িতের জন্ত।

সেই আদিমকাল থেকে কী অত্যাচারই না তোমরা করে আসছ এই মেয়েদের ওপর। চরিত্রহীন পুরুষকে ভোট দিয়ে কাউন্সিল এসেমবলিতে প্রতিনিধি করে পাঠাতে তোমাদের লক্ষ্য নেই, পূজাপার্বণে সে জেলীর পুরুষদেরই সাহায্য নিতে বিধিবোধ নেই, সমাজের বিধান দেবার অজুহাতে তাদেরই আহ্বান জানাতে কুঠা নেই, এমন কি এমন পাত্রের হাতেই সজ্ঞানে

মেয়ে তুলে দিতেও শঙ্কা নেই। অথচ ‘অভয়া’র জন্তু আমার সহানুভূতি নাকি সমাজস্বোচিতা, ‘সাবিত্রী’র রূপ-রচনায় সতীসাধীদের নাকি অপমান ঘটেছে, ‘রাজলক্ষ্মী’কে পরিত্যাগ না করে ভারতীয় নারী আদর্শের গুণভার্য কীকান্ত নাকি কলঙ্ক লেপে দিয়েছে।

তোমার সমাজ-ধ্বজীরা মেয়েদের ভক্তি করেন, দেবীর মর্বাদায় তাদের চিনেছেন—কাজেই শিশু বিধবাদের ব্রহ্মচর্য পালনে তাঁরা শতমুখ, কুষ্ঠী-স্বামীকে নিজের কাঁধে বহন করে পতিতালয়ে দিয়ে এল যে নারী তার সতীত্ব সাহায্যে বিগলিত চিত্ত। ফলে, আত্মমর্বাদাহীন এই নারীদের সম্ভতি যে ভারতীয়ের দল—তারাও হারাল আত্মসম্মান জ্ঞান। এবং অধিকার সমর্থ যে ইংরেজ প্রভু, তার পাতৃকা সাধায় বহন করে, তারাও পেল আজ রাজভক্তের শ্রেষ্ঠ তিলক।

অনেক পণ্ডিত বলেন, মেয়েরা কঠিন কাজে পুরুষের সঙ্গে পা মিলিয়ে চলতে পারে না। ‘কনষ্টিটিউশনালি’ তারা নাকি ‘অনফিট’। আচ্ছা, এত বড় একটা বানানো কথা সত্য বলে তোমরা মানতে চাও? ইংরেজ তোমাদের কিছু না দেবার জন্তু ঐ একই কথা বলে তো? দু শ বছর তোমায় নিরস্ত্র করে রেখে, আজ সে বলছে—তোমাদের হাতের নিশানা হয় না। তোমরা অসামরিক জাতি। ঠিক তেমনি—মেয়েদের ঘোমটা পরিয়ে, হৈসেলে ঢুকিয়ে রেখে মূর্থ নারীকে হঠাৎ একদিন বার করলে পথে চলতে। বন্ধুর পক্ষে পারলো না সে তোমার সঙ্গে একই তালে পা ফেলতে, তখন তুমি ক্ষতোয়া দিয়ে বললে—মেয়েরা কঠিন কাজ পারবে না, তারা ‘কনষ্টিটিউশনালি অনফিট’। ইংরেজ নিজের প্রভুত্ব বজায় রাখবার উদ্দেশ্যে মিথ্যে কলঙ্ক দেয় ভারতবাসীকে। ঐ একই মনোবৃত্তি থেকে পুরুষও মিথ্যে কলঙ্ক দেয় করে আসছে নারীকে যুগ যুগ ধরে।

[ ভূপেনবাবুর সঙ্গে শরৎচন্দ্রের এই কথাগুলি ভূপেনবাবুর মুখে শুনেছি। তাছাড়া ‘বাটানগর রিক্রিয়েশান ক্লাব ম্যাগাজিনে’ ভূপেনবাবুর একটি লেখাতেও পড়েছি। ]

## নলিনীকান্ত সরকারের সহিত আলোচনা

শরৎচন্দ্রের তখন কয়েকটা বই বেরিয়েছে, এবং তাঁর লেখা নিয়ে সারা বাদলা দেশে একটা সাড়া জেগেছে।

সেই সময় একবার নাট্যকার ক্ষীরোদপ্রসাদ বিদ্যাবিনোদ সাহিত্যিক নলিনীকান্ত সরকারকে বলেন—শরৎচন্দ্রের একটা বই এনে আমাকে দিও তো, পড়ে দেখব।

ক্ষীরোদবাবুর কথায় নলিনীবাবু শরৎচন্দ্রের ‘বিন্দুর ছেলে’ বইটি নিয়ে ক্ষীরোদবাবুকে পড়তে দেন।

বই হাতে নিয়ে ক্ষীরোদবাবু প্রথম গল্পের প্রথম পাতাটি মাত্র পড়েই নলিনীবাবুকে বই ফেরৎ দিলেন। এতে নলিনীবাবু বিস্মিত হয়ে জিজ্ঞাসা করলেন—বই ফেরৎ দিলেন যে?

উত্তরে ক্ষীরোদবাবু নাসিকা কুঞ্চিত করে বললেন—এই বুড়ো বয়সে আর ওসব নোংরামি ঘাটিয়ো না ভাই!

—কী বলছেন আপনি! এ খাসা বই! একটি বার পড়ে দেখুন!

—যতীন্দ্রমোহন সিংহের ‘সাহিত্যের স্বাস্থ্যরক্ষা’ প্রবন্ধে শরৎবাবুর গল্প আর উপন্যাসের চরিত্রগুলির যে পরিচয় পেয়েছি, তাতেই বুঝে নিয়েছি, তাঁর লেখা কি রকম!

—এটা কিন্তু অত্যন্ত ভাল বই।

—তা হোক, পড়ব না। তুমি নিয়ে যাও।

এই ঘটনার কিছুকাল পরে নলিনীবাবু একদিন ক্ষীরোদবাবুর কলকাতার বাড়ীতে গেলে, ক্ষীরোদবাবু তাঁর বালিশের নীচে থেকে শরৎচন্দ্রের ‘দত্তা’ উপন্যাসখানি বার করে নলিনীবাবুকে বললেন—এ বই পড়েছ?

নলিনীবাবু বললেন—হ’বার পড়েছি।

—তবে আর একটবার আর একটু কষ্ট কর। আমি পড়ি তুমি শোনো। শুনে ছপুর্বে এখানে থেয়ে বাড়ী যাবে।

এই কথায় নলিনীবাবু তো অবাক ! তিনি ভাবলেন, যিনি ‘বিস্মুর ছেলে’  
নোংরা বলে ফিরিয়ে দিয়েছিলেন, তিনি কিনা ‘দত্তা’ পড়ে শোনাবেন !  
ক্ষীরোদবাবুর হ’ল কী !

ক্ষীরোদবাবু বললেন—কি বই-ই লিখেছে হে ! চরিত্রগুলো একেবারে  
জীবন্ত । আর তেমনি ভায়ালগ ।

এই ব’লে ক্ষীরোদবাবু সেদিন নলিনীবাবুকে দত্তা পড়ে শুনিয়েছিলেন ।

এরও কিছুকাল পরের ঘটনা । ক্ষীরোদবাবুর সঙ্গে আর একদিন নলিনী-  
বাবুর দেখা । ক্ষীরোদবাবু সেদিন নলিনীবাবুকে বললেন—ওহে, তোমার  
সঙ্গে শরৎ চাট্‌জ্যে মশায়ের দেখা হয় ?

—হয় । কেন বলুন তো ?

—দেখা হ’লে বোলো, ক্ষীরোদবাবু আপনাকে নারায়ণ-জ্ঞানে প্রণাম  
জানিয়েছেন । সম্প্রতি শরৎবাবুর ‘দেনা-পাওনা’ পড়লাম । পড়েই মনে  
হ’ল, দেখা হ’লে শরৎবাবুকে প্রণাম করে অভিনন্দিত করতাম ।

এরপর একদিন নালনীবাবু শরৎচন্দ্রের সঙ্গে দেখা করে, ক্ষীরোদবাবুর  
‘বিস্মুর ছেলে’ ফেরৎ দেওয়া থেকে ‘দেনা-পাওনা’ পড়া পর্যন্ত সমস্ত কথাই  
শরৎচন্দ্রকে বললেন ।

শুনে শরৎচন্দ্র চমকে উঠলেন । ‘বিস্মুর ছেলে’ সম্বন্ধে ক্ষীরোদবাবুর মন্তব্য  
সম্পর্কে শুধু বললেন—দেখ ভায়া, মাহুষে মাহুষের কত বড় অনিষ্ট করতে  
পারে । যতীন্দ্রমোহন সিংহ তাঁর ‘সাহিত্যে স্বাস্থ্যরক্ষা’র আমার বই-এর  
সমালোচনা করে আমার কী ক্ষতিই না করেছে ! ক্ষীরোদবাবুদের মত ভাল  
লোকদেরও বিগড়ে দিয়েছে ।

এর কিছুদিন পরে নলিনীবাবু একদিন ক্ষীরোদবাবুকে বললেন—শরৎচন্দ্রের  
সঙ্গে দেখা করবেন ? তাহলে বলুন ব্যবস্থা করি ।

—কোথায় ?

—আমাদের ‘বিজলী’ পত্রিকা অফিসে ।

—হ্যাঁ, তুমি শরৎবাবুর সঙ্গে দেখা করে দিনক্ষণ স্থির করে এস ।

নলিনীবাবু গেলে শরৎচন্দ্র বললেন—না ভাই, আমি যাব না । ও-সব  
নারায়ণ-জ্ঞানে পেয়াম-টেয়াম আমার ভাল লাগে না । ক্ষীরোদবাবু আমার



বয়োজ্যেষ্ঠ ব্যক্তি, শেষ পর্বন্ত একটা নাটকীয় ব্যাপার হয়ে দাঁড়াবে। না ভাই, এটা থাক।

নলিনীবাবু কিন্তু ছাড়লেন না। তিনি দিনকণ স্থির করে একদিন বিকালে তাঁদের বিজলী পত্রিকার অফিসে শরৎচন্দ্রের সঙ্গে ক্ষীরোদবাবুর সাক্ষাৎ-পরিচয় করিয়ে দিয়েছিলেন।

ঐ সাক্ষাৎ-পরিচয়টির সম্বন্ধে নলিনীবাবু লিখেছেন—

“শরৎচন্দ্র এলে ক্ষীরোদবাবু একেবারে জড়িয়ে ধরলেন শরৎচন্দ্রকে। ধরে রইলেন তো। ধরেই রইলেন—ছাড়বার নামটি নেই।

কিছুক্ষণ পরে আলিঙ্গন-পাশ মুক্ত হয়ে শরৎচন্দ্র এসে বসলেন তাঁর নির্দিষ্ট আসনে। ক্ষীরোদপ্রসাদও আসন গ্রহণ করলেন। তারপর আরম্ভ হ’ল পরস্পরের প্রতিভার প্রতি পরস্পরের সমাদর জ্ঞাপন।

তারপরেই ‘নারায়ণ’-এ ক্ষীরোদপ্রসাদ লিখতে শুরু করলেন ‘পতিতার সিদ্ধি’ উপন্যাস।”

নলিনীবাবু তাঁর ‘অন্ধাস্পদেষু’ গ্রন্থে শরৎচন্দ্র সম্বন্ধে লিখেছেন—

“একবার আমাকে তিনি একটি অঘাচিত উপদেশ দিয়েছিলেন, যেটি আমার স্বচ্ছন্দ জীবনযাত্রার পক্ষে পরম সহায়ক হয়েছিল।”

নলিনীবাবুকে শরৎচন্দ্রের উপদেশ দেওয়ার কারণটা ঘটে ছিল এই—

নাট্যাচার্য শিশিরকুমার ভাট্টার সঙ্গে নলিনীবাবুর বিশেষ পরিচয় ছিল। নলিনীবাবু শিশিরবাবুর ‘নাট্য মন্দিরে’ প্রায়ই যেতেন। ঐ সময় শিশিরবাবু একদিন দ্বিজেন্দ্রলালের ‘পাষাণী’ নাটকে চিরঞ্জীবের ভূমিকায় নলিনীবাবুকে দিয়ে স্থায়ীভাবে অভিনয় করাবেন বলে মনস্থ করেন।

কলকাতারই অল্প একটি রঙ্গালয়ের কর্তৃপক্ষ এই খবর পেয়ে তাঁরা নলিনীবাবুর এক বন্ধুর মারফৎ তাঁদের রঙ্গালয়ে যোগ দেবার জন্য নলিনীবাবুকে অনুরোধ জানান। তাঁরা একথাও বলেন যে, তাহলে তাঁরা নলিনীবাবুকে সাহিনা ছাড়া, এককালীন একটা মোটা রকমের টাকা দিতেও প্রস্তুত আছেন। এগ্রিমেন্ট মাত্র ১ বছরের।

নলিনীবাবু এই কথা শিশিরবাবুকে শোনালে, শিশিরবাবু শুনে বললেন—

এ প্রস্তাব ছাড়বেন না। আপনি এখনি চলে যান ঐ থিয়েটারে। ১ বছর পরে এগ্রিমেন্ট শেষে তখন না হয় আমার এখানে চলে আসবেন।

শিশিরবাবুর উপদেশ মত নলিনীবাবু সেই থিয়েটারের কর্তৃপক্ষকে তাঁর সম্বন্ধের কথা জানালে, তাঁরা শর্তাঙ্কযায়ী নলিনীবাবুর এককালীন চার শ টাকার মধ্যে দু শ সত্তর টাকার একটা চেক দিয়ে তাঁকে অভিনেতা হিসাবে নিযুক্ত করলেন।

নলিনীবাবু নিয়মিত থিয়েটারে যান। কিন্তু তিনি যে কোন্ নাটকে কোন্ ভূমিকায় অভিনয় করবেন, সে সম্বন্ধে কেউই কোনদিনই উচ্চবাচ্য করেন না। মাসের শেষে মাইনে চাইলেন, মাইনেও পেলেন না। এই ভাবে তিন মাস কেটে গেল।

ঐ সময় নলিনীবাবু একদিন তাঁর এক বন্ধুর মুখে শুনলেন—থিয়েটার-ওয়ারা বলেছে, ওকে আমরা বহাল করিনি, মাইনে আবার কিসের? বরং ওকে আমরা দু শ সত্তর টাকা ধার দিয়েছি।

নলিনীবাবুর আর এক বন্ধু তাঁকে বললেন—আমি জানি, শিশিরবাবুর থিয়েটারের লোক ভাঙ্গিয়ে নেবার জন্ত ওরা এইরূপ কিছু টাকা খরচ করে।

নলিনীবাবুর নিযুক্তি-পত্র ছিল না। তাই টাকা ধার দিয়েছে শুনে তিনি একটু চিন্তায় পড়লেন। শেষে তিনি এ বিষয়ে আলোচনা করবার জন্ত তাঁর এক উকিল বন্ধুর কাছে গেলেন। উকিল বন্ধু সব শুনে, থিয়েটারওয়ারাদের বিরুদ্ধে মামলা করবার জন্ত নলিনীবাবুকে উপদেশ দিলেন। এবং এও আশ্বাস দিলেন যে, নিযুক্তি-পত্র না থাকলেও নলিনীবাবুকে মামলায় জিতিয়ে দেবেন, আর এক বছরের মাইনেও আদায় করে দেবেন।

এই সময়েই নলিনীবাবু একদিন শরৎচন্দ্রের কাছে গিয়েছিলেন। সেদিন এই মামলার প্রসঙ্গ নিয়েই শরৎচন্দ্র নলিনীবাবুকে কিছু উপদেশ দিয়েছিলেন। শরৎচন্দ্রের সেই উপদেশ দেওয়া সম্বন্ধে নলিনীবাবু লিখেছেন—

“শরৎচন্দ্র আমাকে দেখা মাত্র জিজ্ঞাসা করলেন—ই! হে, তুমি নাকি থিয়েটারে ঢুকেছ?

আমি বললাম—ঢুকেছিলাম। এখন মামলা করতে হচ্ছে।

—সে কি? কী হলো আবার?

আন্তোপাস্ত সমস্ত ঘটনাটি বিবৃত করলাম শরৎচন্দ্রের কাছে।

সব শুনে তিনি বললেন—হু শ সত্তর টাকা তারা দিয়েছে তো? মনে করে নাও—প্রতি মাসে নব্বুই টাকা হিসাবে তিন মাসের মাইনে পেয়েছে।

আমি শরৎচন্দ্রকে বললাম—না দাদা, নব্বুই টাকা মাইনেও নয়, আরও টাকার সঙ্গে মাইনের কোন সম্বন্ধ নেই। ওটা শর্তাভ্যাসী এককালীন পাওনার টাকা।

শরৎচন্দ্র গম্ভীর হয়ে বললেন—তা হোক, মোদা কথা মামলা করতে যেও না তুমি।

আমি বললাম—না শরৎদা, উকিল বলেছে যে, মামলায় আমি জিতবই। আমার কেবল একটু ক্রটি আছে—আমি নিযুক্তি-পত্র নিই নি। তা সত্ত্বেও উকিল ভরসা দিয়েছে।

শরৎচন্দ্র বললেন—উকিলের কথা শুনে মামলা করতে যেয়ো না নলিনী। তাদেরও উকিল আছে, এটা মনে রেখো। আর সে উকিলও তাদের মামলা জিতিয়ে দেবার ভরসা দেবে নিশ্চয়ই।

তাই তো, শরৎচন্দ্র একটু ভাবিয়ে দিলেন বই কি!

শরৎচন্দ্র আবার উপদেশ দিতে আরম্ভ করলেন—আদালত কি বস্তু তুমি জানো না। ধরো আদালতে গিয়ে থিয়েটারওয়ালারা যদি বলে—লোকটা ভাল বলে আমরা তাকে আমাদের থিয়েটারে মোটা মাইনে দিয়ে নিযুক্ত করেছিলাম। কিন্তু লোকটা বদমায়েশ, হুচরিত্র বলে আমরা তাকে থিয়েটার থেকে তাড়িয়ে দিয়েছি।

আমি বললাম—বললেই হলো!

শরৎদা হেসে বললেন—শুধু বললেই হবে কেন? সাক্ষী আনবে তারা। থিয়েটারের ছ-চারটে অভিনেত্রীকে এনে সাক্ষ্য দেওয়াবে। আর তারা আদালতে দাঁড়িয়ে অমানবদনে বলবে যে, তুমি তাদের সম্ভ্রম হানি করেছ।

—বলেন কি? এতটা করবে তারা?

শরৎচন্দ্র বললেন—তাদের উকিল তাদের একথা বলতে শিখিয়ে দেবে যে। মামলায় জিততে তো হবে তাদের। তাই বলছি, মামলা করতে যেও না। আদালতের কেলেঙ্কারি খবরের কাগজে বেরোবে, তখন তুমি ভদ্র সমাজে মুখ দেখাতে পারবে না।

শরৎচন্দ্রের উপদেশ শিরোধার্য করে বাড়ী ফিরলাম।”

## অনাথগোপাল সেনের সহিত আলোচনা

যশোহর জেলার কালিয়ার বিনয়কুমার দাশগুপ্ত বলেন—

“আমি যখন কংগ্রেসের কাজ করতাম, তখন ঐ সূত্রেই শরৎচন্দ্রের সঙ্গে আমার বিশেষ পরিচয় হয়েছিল।

আমি একদিন শরৎচন্দ্রের কলকাতায় বাড়ীতে গেছি। তিনি বৈঠকখানায় বসে গড়গড়ায় তামাক টানতে টানতে আমার সঙ্গে গল্প করছিলেন।

এমন সময় ‘টাকার কথা’ বই-এর লেখক অনাথগোপাল সেন এসে শরৎচন্দ্রকে বললেন—কই আমার বইটা সম্বন্ধে আপনার অভিমত তো লিখে জানালেন না।

শরৎচন্দ্র বললেন—না জানানো হয়নি। তা তুমি নিজেই যখন এসেছ, তোমার বই সম্বন্ধে আমার অভিমতটা তোমার নিজের কানেই শুনে যাও। তোমার বইএ তুমি অনেক কথাই আলোচনা করেছ সত্য, কিন্তু ইংরাজদের লুণ্ঠের টাকার কথাটা আলোচনা করনি। ইংরাজরা এদেশ থেকে চাকরি, পেন্সন ইত্যাদি বাবদে যে কোটি কোটি টাকা নিয়ে যাচ্ছে, তার আলোচনা তুমি করনি। তাই তোমার বই আমার তত ভাল লাগে নি।

দেখ, আমি যখন হুগুড়ায় বাজে শিবপুরে থাকতাম, তখন সেখানে অক্ষয় কুমার সরকার নামে আমার এক বন্ধু ছিলেন। তিনি ইকনমিক্স ও ইতিহাসের অধ্যাপক ছিলেন। আমি তাঁর কাছ থেকে জেনে নিয়ে, অর্থনীতি সম্বন্ধে অনেক বই তখন কিনে পড়েছিলাম। অতএব অর্থনীতি আমি যে একেবারে জানি না, তা নয়।”

পশ্চিমবঙ্গ সরকারের অবসর প্রাপ্ত ফাইন্যান্স সেক্রেটারী বিনয়ভূষণ দাশগুপ্ত ( ইনিও কালিয়ার লোক ) একদিন আমার কাছে বলেছিলেন—“১৯২৩ খ্রীষ্টাব্দে আমি তখন প্রেসিডেন্সী কলেজে পড়ি এবং হিন্দু হোস্টেলে থাকি। আমাদের হিন্দু হোস্টেলে তখন প্রতি বৎসর ছাত্রদের একটা করে বার্ষিক সম্মেলন হ’ত। সেবার বার্ষিক সম্মেলনে শরৎচন্দ্রকে সভাপতি করব মনস্থ করে আমরা

কয়েকজন মিলে শরৎচন্দ্রের বাজে শিবপুরের বাড়ীতে তাঁকে অহুরোধ করতে যাই। গিয়ে দেখি, শরৎচন্দ্র এক সাহেবের লেখা ‘এ ট্র্যাক্ট অন মণিটারী রিসার্চ’ নামে একটা অর্থনীতির বই পড়ছেন।

বইটা সেই মাত্র কিছুদিন আগেই প্রকাশিত হয়েছে। আমি ইকনমিস্টের ছাত্র ছিলাম। তাই সাহিত্যিক শরৎচন্দ্রকে সত্ত্ব প্রকাশিত ইকনমিক্সের ঐরূপ একটা জটিল বই পড়তে দেখে আমি খুব বিস্মিত হয়েছিলাম।”

অনাথবাবু তাঁর ‘টাকার কথা’ বইএর ভূমিকা লিখেছিলেন, প্রথম চৌধুরী (বীরবল) কে দিয়ে। এই বই বেকলে অনাথবাবু একখান্না বই পড়বার জন্ত রবীন্দ্রনাথকে দেন এবং বই সম্বন্ধে তাঁর একটা অভিমত চান। রবীন্দ্রনাথ বই পড়ে বইএর প্রশংসা করে লিখেছিলেন—‘টাকার কথা’ বইখানি বিশেষ সমাদরের যোগ্য। ইত্যাদি।

অনাথবাবু তাঁর এই বই শরৎচন্দ্রকেও একখানা দিয়েছিলেন এবং একটা লিখিত অভিমত চেয়েছিলেন। অনাথবাবু ভেবেছিলেন রবীন্দ্রনাথ ও শরৎচন্দ্রের অভিমত দুটি, তিনি তাঁর বইএর প্রথমে জুড়ে দেবেন। (অনাথবাবুর বইএর প্রথমেই অবশ্য রবীন্দ্রনাথের অভিমতটি রবীন্দ্রনাথের হস্তাক্ষরেই ব্লক করে ছাপা আছে।)

অনাথবাবু তাঁর বইএ ‘ভারতে মুদ্রানীতি’ প্রবন্ধে প্রসঙ্গক্রমে একস্থানে লিখেছেন—“ইংরাজ আমলাতন্ত্রের ও গোরা সৈন্তবাহিনীর সাহিনা, ভাতা, পেন্সন, ভারতীয় রেল ও পূর্ত বিভাগের জন্ত ধার করা টাকার স্বদ, বিলাতের ইণ্ডিয়া অফিস ও হাই কমিশনার অফিসের খরচাদি বাবদ এই টাকা আমাদের দিতে হয়। ইহা ভারতের পক্ষে নিছক ক্ষতি কিংবা ইহার বিনিময়ে আমরা যাহা পাই, তদ্বারা আমাদের ক্ষতিপূরণ হয়, সে বিষয়ে সন্দেহ আছে। যাহারা টাকা দেন, তাঁহাদের একমত এবং যাহারা টাকা পান, তাঁহাদের অবশ্য অন্ত মত। যাহা ইউক, বর্তমান প্রবন্ধে এই বিরাট ও বিরোধী বিষয় লইয়া আলোচনায় প্রয়োজন নাই।”

ইংরাজ আমলাতন্ত্র ইত্যাদি বাবদ ভারতের দেওয়া টাকাটা, শরৎচন্দ্রের মতে ছিল ‘ভারতের পক্ষে নিছক ক্ষতি।’ তাই এই বিষয়টি নিয়ে আলোচনা না করে এড়িয়ে যাওয়ার জন্তই শরৎচন্দ্র অনাথবাবুকে ঐ কথা বলেছিলেন।

**ହାସ୍ୟ-ପରିହାସ**



## পালে

শরৎচন্দ্র ১০৪১ সালে কৃষ্ণনগরে এক সভায় সভাপতিত্ব করতে যাওয়ার সময় দিলীপকুমার রায়কেও সঙ্গে নিয়ে যান।

দিলীপবাবু সেদিন সভায় ‘শরৎ-সাহিত্যে আদর্শবাদ’ নামে একটি প্রবন্ধ পড়েছিলেন। এছাড়া তিনি ঐ সভায় শরৎচন্দ্রের উপর নিক্রপমা দেবার লেখা—‘বাহিরের নও তুমি আমাদেরি, আমাদেরি একজন’—এই গানটিও গেয়েছিলেন।

সভার শেষে কৃষ্ণনগরের বিশিষ্ট উকিল ললিতমোহন চট্টোপাধ্যায়ের বাড়ীতে বিরাট ভোজের ব্যবস্থা হয়েছিল। শরৎচন্দ্রকে বসানো হয়েছিল মাঝখানে, মঞ্চমলের উপরে। তাঁর পাশেই বসেছিলেন দিলীপবাবু।

খাওয়া হচ্ছে, নানা রকমের কথাও হচ্ছে।

এমন সময় ললিতবাবু বললেন—দিলীপ, তোমার গান বড় চমৎকার!

আর একজন বললেন—দিলীপবাবু আপনার প্রবন্ধটিও সুন্দর হয়েছে।

সঙ্গে সঙ্গেই অপর একজন বললেন—দিলীপবাবুর আবৃত্তিও খুব ভাল।

এই সব শুনে শরৎচন্দ্র হঠাৎ বলে উঠলেন—থামো! মণ্টুর (দিলীপবাবুর ডাক নাম) গান চমৎকার, আবৃত্তি চমৎকার, উচ্ছ্বাস চমৎকার—সবই চমৎকার হতে পারে, কিন্তু ওর যেটি সব চেয়ে চমৎকার, সেটি তোমরা কেউ জানোন। আমি একাই জানি।

শরৎচন্দ্রের এই কথা শুনে সবাই তাঁর মুখের দিকে তাকালেন।

শরৎচন্দ্র বলতে আরম্ভ করলেন—ওর সব চেয়ে চমৎকার হ’ল ওর পিলে—সাবু ভাষায় যাকে বলে লিভার! বৃন্দাবনে, দিল্লীতে, আশ্রাতে ওর সঙ্গে আমি একত্রে ছিলাম। আমি যা-ই খাই হয় অস্বল; ও যা-ই খায় হয় সস্বল। ইয়া ইয়া বেলুনের মত পরোটা, ইটের মত মালাই, পাহাড় প্রমাণ পোলাও, কোর্মা, কোষ্টা, সিক্কাবাব—কিছু কি ও ফেলল কোথাও। আর কিছুতেই কি ওর বদহজ্ব হ’ল! তাই বলছি—ওর সব চেয়ে বড় সম্পদ ওর গান নয়, লেখা নয়, আবৃত্তি নয়—ওর পিলে।



## হরিশবাড়ী

দিলীপকুমার রায় সেবার ১৯২৩ খ্রীষ্টাব্দে দিল্লী কংগ্রেসে যোগ দিতে বন্ধু  
সুভাষচন্দ্রের সঙ্গে দিল্লী গিয়েছিলেন।

শরৎচন্দ্র আগেই দিল্লীতে গিয়ে পৌঁছেছিলেন।

সুভাষচন্দ্রের আসার সময় জেনে নিয়ে শরৎচন্দ্র স্টেশনে তাঁকে আনতে  
গেলেন।

শরৎচন্দ্র স্টেশনে গিয়ে সুভাষচন্দ্রের সঙ্গে দিলীপবাবুকেও দেখে বলে  
উঠলেন—এ কী! মণ্টু লাল তুমি!

দিলীপবাবু ম্লান হেসে বললেন—সুভাষ ছাড়ল না, কি করি বলুন!

উত্তরে শরৎচন্দ্র বললেন—ওর পান্নায় পড়লে তুমিও শেষে! কথা শোন  
বাপু, ফিরতি ট্রেনে আজই ঘরের ছেলে ঘরে ফিরে যাও। তোমাকে বলছি,  
মণ্টু, আমার বাড়ী(১), হরিশবাড়ীর(২) চেয়ে ঢের ভালো।(৩)

[ (১) দিলীপবাবু এই সময় কলকাতায় তাঁর আমার বাড়ীতে থাকতেন।

(২) হরিশবাড়ী হ'ল জেলখানা। এটা ছিল প্রাচীন কলকাতার প্রসিদ্ধ  
জেলখানা। কলকাতায় কলুটোলার কাছে হরিশবাড়ী লেন নামে একটা সড়ক  
রাস্তা আছে বটে, কিন্তু চার্লস মুর-এর লেখা 'শেরিক্স অব্ ফোর্ট উইলিয়ম ক্রম্  
১৭ ৫ টু ১৯২৬' গ্রন্থে দেখছি, গড়ের মাঠে রেস কোর্সের পূর্বদিকে একটা  
জায়গায় এই জেলখানাটি ছিল। মনে হয়, হরিশবাড়ী জেল তখন খুব নামকরা  
জেল ছিল বলে, তারই নামানুসারে একটা গলিরও এই নাম হয়েছিল।

(৩) সুভাষচন্দ্রের দলে মিশলে কারাবরণ করা স্বাভাবিক, তাই শরৎচন্দ্র  
এই পরিহাসটি করেছিলেন। ]

## পাণ্ডা

বাঙ্গলা দেশের অনেক কংগ্রেস নেতা ও ডেলিগেটের জায় স্থভাষচন্দ্র, শরৎচন্দ্র, কিরণশঙ্কর রায়, দিলীপকুমার রায় এঁরাও সেবার দিল্লী কংগ্রেসে গিয়েছিলেন।

দিল্লীতে গিয়ে এঁরা একদিন বিকালে ঐখানকার একটা মজার কুয়ো দেখতে গিয়েছিলেন। কুয়োটা ছিল ৮০ ফিট গভীর।

সেখানে একজন পাণ্ডা দর্শকদের কাছ থেকে একটা করে টাকা নিয়ে এক টাকার বদলে একবার করে সেই গভীর কুয়োয় ঝাঁপ দিত। সেই ঝাঁপ দেওয়াটা ছিল একটা লোমহর্ষক ব্যাপার। দেখলে আতঙ্কে দর্শকের গা শির শির করে উঠত।

এঁরা গেলে পাণ্ডা এঁদের কাছ থেকে একটা টাকা চাইল। স্থভাষচন্দ্র একটা টাকা দিলে, পাণ্ডা ঝাঁপ খেল।

ঝাঁপ খেয়েই লোকটি একটা দড়ি ধরে আবার উপরে উঠে এল। উঠে এসে সে দিলীপবাবুকে বললে—একটা টাকা দিলে আবার ঝাঁপ খাব।

দিলীপবাবু বললেন—না। ঝাঁপ দেওয়া দেখেছি, দেখলে ভয় করে।

পাণ্ডা তখন কিরণবাবুকে গিয়ে ধরল। তিনিও না করে দিয়ে বললেন—দেখেছি তো একবার।

এই সময় শরৎচন্দ্র এগিয়ে এসে তার হাতে একটা টাকা দিলেন। এবং বললেন—আমি ফের দেখব, ঝাঁপ দাও।

সে ঝাঁপ দিল।

এই সময় স্থভাষচন্দ্র সবিস্ময়ে শরৎচন্দ্রের মুখের দিকে তাকিয়ে বললেন—কের টাকা দিলেন কেন? ও ঝাঁপ দিল, এই তো খানিক আগে দেখলেন!

শরৎচন্দ্র হেসে বললেন—কে জানে, ঝাঁপ দিতে গিয়ে চোট লেগে যদি ডুবেটুবে যায়, তা হ'লে একটা পাণ্ডা তো কমবে! সে-লাভের কাছে একটা টাকা এমন কি আর লোকসান!

স্থভাষচন্দ্র শরৎচন্দ্রের এই কথা শুনে হেসে উঠলেন।

## টানি

দিলীপকুমার 'রায়ের এক মামা খগেন্দ্রনাথ মজুমদার দিলীপবাবুর গানের নানা ভালফের এত ভালবাসতেন যে, তিনি দিলীপবাবুর সঙ্গতকার বিশ্বনাথ বন্দ্যোপাধ্যায়ের কাছে তবলার তালিম নেওয়া শুরু করেছিলেন।

বিশ্বনাথবাবুর ডাকনাম ছিল পটলবাবু। শরৎচন্দ্র একাধিকবার দিলীপ বাবুর গান শুনবার সময় এই পটলবাবুর তবলা বাজানো দেখেছেন। তিনি পটলবাবুকে বলতেন—পটলবাবু বোল তুলছেন চমৎকার, কেবল দেখবেন ভুলেও নিজের নামটি যেন আঙুলে তুলবেন না, খুব সাবধান।

একবার দিলীপবাবুর এক বন্ধুর বাড়ীতে দিলীপবাবুর গানের আসর। সেই আসরে শরৎচন্দ্র এবং দিলীপবাবুর মামা খগেনবাবুও উপস্থিত।

দিলীপবাবু গান ধরেছেন। পটলবাবু সেদিন খগেনবাবুর নতুন কেনা দামী বাঁয়াতবলা নিয়েই দিলীপবাবুর গানের সঙ্গে সঙ্গত করছেন। পটলবাবুর হাতে যেন বোলের ফুলঝুরি ফুটেছে, আর বাঁয়ার উপর সে কী প্রচণ্ড টাটি! দেখতে দেখতে ঘর সরগরম হয়ে উঠল।

দিলীপবাবুর গান খামলে শরৎচন্দ্র বললেন—মশু! কী নিষ্ঠুর ভূমি! তোমার এমন সদাশিব মামার এ-হাল করতে হয়?

শরৎচন্দ্রের এই কথায় সকলেই শরৎচন্দ্রের দুষ্টু মিডরা চেখের দিকে তাকালেন।

দিলীপবাবুর মামা বললেন—সদাশিব মামাটি কি রুদ্রমূর্তি ধরেছিল?

শরৎচন্দ্র বললেন—কিছুই আমার দৃষ্টি এড়িয়ে যায় না ভায়া। তোমার সবে কেনা বাঁয়া-তবলা। পটলবাবু প্রাণের মায়া ছেড়ে বাঁয়ার উপর দুর্দান্ত টাটি দিচ্ছিলেন বলে সবাই তাঁকেই দেখল, কেবল একা আমি দেখলাম তোমার ফ্যাকাশে মুখ—এই বুঝি নতুন বাঁয়ার বাঁয়া-লীলা সাজ হ'ল।

এরপর শরৎচন্দ্র দিলীপবাবুর দিকে চেয়ে হেসে বললেন—ভূমি তো চেয়ে দেখ নি মশু, কিন্তু আমি দেখেছিলাম, পটলবাবুর প্রাতিটি প্রচণ্ড টাটি পড়ছিল, বাঁয়া-তবলার উপর তো নয়, তোমার মামার পাজরার উপর।

### মচ্ছরচ্ছন্দ

কবি কালিদাস রায় একদিন ‘ভারতবর্ষ’ পত্রিকা’ অফিসে একটা লেখা দিতে গেছেন। গিয়ে দেখেন, সেখানে শরৎচন্দ্র এসেছেন।

শরৎচন্দ্র কালিদাসবাবুকে দেখেই বলে উঠলেন—আচ্ছা, কালিদাস তুমি কবে সাবালক হবে বল তো?

কালিদাসবাবু বললেন—কেন দাদা? কি আবার করলাম?

শরৎচন্দ্র বললেন—আরে সেদিন তোমাদেরই একজন কবি—তঁার লেখা একটা কবিতার বই নিয়ে আমার সেই সামতাবেড়ের বাড়ী পর্বস্ত গেছে। গিয়ে আমার হাতে বইটা দিয়ে বললে—একটু অভিমত লিখে দিতে হবে। বইটা নিয়ে প্রথম পাতাটা খুলেই দেখি, লেখা আছে—শ্রীমচ্ছরচ্ছন্দ চট্টোপাধ্যায় মহাশয়ের করকমলে। বললাম—এ কার নাম হে? আমি চট্টোপাধ্যায় বটে, কিন্তু মচ্ছরচ্ছন্দ তো নয়।

সে তখন হাত জোড় করে বললে—আজ্ঞে শ্রীমৎ শরৎচন্দ্র এই কথাটাকে সন্ধি করে লিখেছি।

বললাম—ও! তাই বল! তা যাই হোক, আমি তো বাপু কবিতা-টবিতা ভাল বুঝি না। তুমি কেন কালিদাস রায়ের কাছে গেলে না। সে পড়ে একটা অভিমত লিখে দিত।

লোকটি বললে—আজ্ঞে তঁার কাছে গেসলাম, তিনি একটা অভিমত লিখে দিয়েছেন। এই যে আমার কাছেই আছে—বলে তোমার লেখাটা দেখালে। তারপর সে বললে—কালিদাসবাবুই আমাকে আপনার কাছে পাঠিয়ে দিলেন। তাই বলছিলাম, তোমার কবে জ্ঞানগম্য হবে।

সব শুনে কালিদাসবাবু বললেন—দাদা, আমি কারও কারও বইয়ের সম্বন্ধে অভিমত লিখে দিই বটে, কিন্তু কাকেও তো আপনার কাছে পাঠাই নি।

—তবে যে বললে, তুমি পাঠিয়েছ।

—কি জানি দাদা, সে কেন বলল বুঝতে পারছি না।

সতাই কেউ তাঁর বইএ এই ‘মহ্মরচ্ছন্দ’ লিখে শরৎচন্দ্রকে উপহার দিয়েছিলেন কিনা, ঠিক বলা যায় না।

এমনও হতে পারে—কালিদাসবাবু যে অনেকেরই বই সম্বন্ধে অভিযত লিখে দেন, এ কথা শরৎচন্দ্র জানতেন। আর কালিদাসবাবু খুলে বাজলার শিক্ষক এবং বাজলা ব্যাকরণও লিখেছিলেন বলে, তাঁর সঙ্গে এইভাবে ‘শ্রীমৎ শরৎচন্দ্রকে’ সজ্জি করে ও অভিযত লেখার প্রসঙ্গ এনে পরিহাস করছিলেন।

‘মহ্মরচ্ছন্দ’ কথাটা শরৎচন্দ্র অনেক আগে থেকেই জানতেন।

শরৎচন্দ্রের মাতুল উপেন্দ্রনাথ গঙ্গোপাধ্যায়ের কাছে এবং তাঁর আর এক মাতুল বগীন্দ্রনাথ গঙ্গোপাধ্যায়ের পুত্র সোমেন্দ্রনাথ গঙ্গোপাধ্যায়ের কাছে আমি শুনেছিলাম—

শরৎচন্দ্রের আপন ছোট মামা বিপ্রদাস গঙ্গোপাধ্যায় যখন পাটনায় সেক্রেটারিয়েটে কাজ করতেন, সেই সময় তিনি পাটনা থেকে ভাগলপুরে শরৎচন্দ্রকে যে চিঠি লিখতেন, তাতে তিনি লিখতেন—শ্রীমহ্মরচ্ছন্দ চট্টোপাধ্যায়। শরৎচন্দ্র ঐ সময় ভাগলপুরে তাঁর মামার বাড়ীতে থাকতেন। বিপ্রদাসবাবু সংস্কৃত জানা ও খুব প্রাচীনপন্থী লোক ছিলেন, তাই তিনি শরৎচন্দ্রের নামটা ঐরূপ লিখতেন।

হিন্দীতে ‘মহ্মর’ মানে মশা। ভাগলপুর পোষ্ট অফিসের পিওন প্রথম এইরূপ মহ্মরচ্ছন্দ্রের নামে চিঠি পেয়ে, তাকে অনেক ভাবতে হয়েছিল, মশা কার নাম হতে পারে। শেষে সে অনেককে জিজ্ঞাসা করে, চিঠির আসল মালিককে আবিষ্কার করতে পেরেছিল।

## ছড়া কেটে পরিহাস

রবীন্দ্রনাথ গঙ্গোপাধ্যায়ের সঙ্গে একদিন শরৎচন্দ্রের প্রসঙ্গ নিয়ে আলোচনা করছিলাম। কথায় কথায় শরৎচন্দ্রের পরিহাস ও রসিকতার কথা উঠলে রবীন্দ্রবাবু বললেন—“শরৎনা অনেক সময় ছড়া কেটেও মজা করতেন। তাঁর ঐ ধরনের দুটো ছড়ার কথা আজও আমার মনে আছে। সে দুটো হচ্ছে এই—

(১) আমার বাবা ভাগলপুরে দুর্গাচরণ বয়েজ স্কুলের হেড মাস্টার ছিলেন। আমরা দেখেছি, ঐ স্কুলের কোন ছাত্র বাড়ীতে ছুটু মিশি করলে বা ভাল পড়াশুনা না করলে, সেই ছাত্রের অভিভাবক তাকে সঙ্গে নিয়ে বাবার কাছে এসে হাজির হতেন। এসে তার বিরুদ্ধে অভিযোগ করে তাকে শাস্তি দেবার জন্য বাবাকে অনুরোধ করে যেতেন।

একবার এইরূপ এক ছাত্রের বাবা ছেলেকে সঙ্গে করে এনে বাবাকে বললেন—মাস্টার মশায়, আমার এই ছেলেটি আজকাল পড়াশুনা আদৌ করছে না। দিন দিন এর ছুটু মিশিও বেড়ে যাচ্ছে। এটি এখন একটি আস্ত গরু হয়েছে। আপনি দয়া করে একে মানুষ্য করবার একটু চেষ্টা করবেন।

সেদিন ঐ ভদ্রলোক তাঁর ছেলের সম্বন্ধে ঐ কথাগুলো যখন বাবার কাছে বলছিলেন, তখন দৈবক্রমে শরৎনাও সেখানে উপস্থিত ছিলেন।

ভদ্রলোক তাঁর ছেলেকে নিয়ে চলে গেলে, শরৎনা বাবাকে বললেন—দেখ স্বরেন, লোকটা তার ছেলের সম্বন্ধে একটু ভুল বলে গেল। ভুলটা হচ্ছে এই—

বাবা বলে নরু,

তুই আস্ত গরু।

রোজ রোজ খাবি কানমলা।

নরু বলে বাবা,

আমি অতি ছোট

উচিত ছিল বাছুর বলা।

শরৎনার এই কথা শুনে বাবা হেসে উঠলেন। আমরা ঘাঁরা সেখানে ছিলাম, আমরাও শুনে হাসতে লাগলাম।

(২) আমার বাবা ছিলেন শরৎদার আপন আমার খুড়ততো ভাই। তাঁর আপন দুই বামা আমার ঠাকুরদাদের আমলের মূল বাড়ী ছেড়ে সামান্ত একটু দূরে গিয়ে পৃথক বাড়ী করেছিলেন। আমাদের বংশের কেউ কেউ বাড়ীতে স্থানাভাববশতঃ এইভাবে মূল বাড়ী ছেড়ে চলে গেলেও, বাড়ীতে ঠাকুরদাদের আমল থেকে যে জগদ্ধাত্রী পূজা চলে আসছিল, সেই পূজা কিন্তু এই মূল বাড়ীতে হ'ত।

সেবার শরৎদা জগদ্ধাত্রী পূজার একদিন আগে সকালে এসে ঘোড়ার গাড়ী থেকে সবে নামছেন, এমন সময় তাঁর ছোট বামা বিপ্রদাসবাবু—আমার ছোট জ্যাঠামশায়—গঙ্গা-স্নান করে জগদ্ধাত্রী পূজা সম্বন্ধে কি কথা বাবাকে বলবার জন্য আমাদের বাড়ীতে আসছিলেন। শরৎদা তাঁকে দেখতে পেয়েই প্রণাম করতে গেলেন।

ছোট জ্যাঠামশায় কিন্তু, থাক, থাক, ক'রে প্রণাম না নিয়ে কয়েক পা পিছিয়ে গেলেন। বললেন—তোমার প্রণামে আর কাজ নেই, যথেষ্ট হয়েছে!—এই ব'লে তিনি ঘুরে আমার বাবার কাছে এসে তাঁর বক্তব্য বলে চলে গেলেন।

ছোট জ্যাঠামশায় চলে গেলে, শরৎদা এতক্ষণ পরে ছড়া কেটে বললেন—

সিংহের মায়া ভোম্বল দাস,  
আমার মায়া বিপ্রদাস।

এরপর শরৎদা বাবার কাছে এসে বললেন—ছোট মায়া দাসখানেক আগে একটা চিঠি লিখে আমার লেখা বইগুলো চেয়েছিলেন।—আচ্ছা স্বরেন, তুমিই বল তো আমার ঐ ‘চরিত্রহীন’ মার্ক। বই আমি নিজে কখন হাতে করে মামাকে পড়তে দিতে পারি? বিশেষ করে আমার ঐ নীতিবাগীশ মামাকে! এই বই পাঠিয়ে দেওয়া হয়নি বলেই, আমার উপর আমার এত রাগ। আমার প্রণামটা পর্বস্তুও নিলেন না!”

## রাগিয়ে দিয়ে পরিহাস

শরৎচন্দ্র মিছামিছি অনেককে রাগিয়ে দিয়েও মজা উপভোগ করতেন। শরৎচন্দ্রের এই মাহুকে ক্যাপানোর কথা উল্লেখ করে দিলীপকুমার রায় লিখেছেন—

“শরৎচন্দ্রের একটা অভ্যাস ছিল মাহুকে ক্যাপানো। এ সময়ে তিনি ভারি হাক্কা মি করতেন। চিঠিপত্রেও। এ ভঙ্গী হ'ল ফরাসি-প্রকৃতিতে :... অর্থাৎ কিনা নিপুণ ভঙ্গীতে রটানো—যা আমরা বিশ্বাস করি না। কিন্তু যারা এ চেনে না, তারা স্বতঃই ওঠে চটে—ভাবে কত কি ভুল কথা। এই জল্পই তর্কাতর্কির পরে অনেককে তাঁর সম্বন্ধে খুব খারাপ ধারণা নিয়ে ফিরতে আমি দেখেছি স্বচক্ষে।...এ নিয়ে তাঁর সঙ্গে আমি সময়ে সময়ে দারুণ তর্ক করতাম, কিন্তু তিনি হাসতেন।”

মাহুকে ক্যাপিয়ে দেওয়ার সম্বন্ধে শরৎচন্দ্রের দুটি গল্প এখানে বলছি।

(১) সাহিত্যিক আলীশ গুপ্ত একদিন আমার কাছে বলেছিলেন—

“শরৎচন্দ্র আমাকে খুব স্নেহ করতেন। তিনি শেষ বয়সে যখন তাঁর কলকাতার বাড়ীতে থাকতেন, তখন আমি প্রায়ই তাঁর সঙ্গে দেখা করতে যেতাম।

ঐ সময় আমি ইম্পিরিয়াল লাইব্রেরীতে (বর্তমান নাম গ্রাশনাল লাইব্রেরী) খুব পড়তে যেতাম। ইম্পিরিয়াল লাইব্রেরীতে তখন শঙ্কর আয়ার নামে এক তেলেগু-ভাষী ভদ্রলোক উচ্চপদস্থ কর্মচারী ছিলেন। তান ভাল বাঁদলা জানতেন। লাইব্রেরীতেই তাঁর সঙ্গে আমার পরিচয় হয়। তিনি কিভাবে জেনেছিলেন শরৎচন্দ্রের সঙ্গে আমার পরিচয় আছে। তাই তিনি একদিন আমাকে বললেন—কি গুপ্ত, আমি শরৎচন্দ্রের কিছু বই তেলেগু ভাষায় অলুব্বাধ করতে চাই। আপনি শরৎচন্দ্রের কাছে একদিন আমার নিয়ে যাবেন ?



আমি সানন্দে রাজী হয়ে এক রবিবার সকালে মিঃ আয়ারকে সঙ্গে নিয়ে শরৎচন্দ্রের কলকাতার বাড়ীতে গেলাম। গিয়ে দেখি, তিনি তাঁর বৈঠকখানায় বসে গড়গড়ায় তামাক খাচ্ছেন। আমি মিঃ আয়ারের সঙ্গে শরৎচন্দ্রের পরিচয় করিয়ে দিলাম এবং আয়ারের আসার কারণটাও বললাম।

শরৎচন্দ্র আমার কথা শুনে মুখ থেকে গড়গড়ার নলটা নামিয়ে আয়ারের মুখের দিকে তাকিয়ে তাঁকে সোজা প্রশ্ন করলেন—আপনার কপালে ওটা কিসের তিলক ?

আয়ারকে এই কথা বলেই শরৎচন্দ্র আমাকে বললেন—দেখ আশীষ, তোমার এই আয়ারের কপালে মোটা দাঁড়ি তিলক দেখছ তো। ওদের আর এক রকমের তিলক আছে, সেটা ত্রিশূল। এই দাঁড়ি তিলকধারী আর ত্রিশূল তিলকধারী—এরা পরস্পর দেখা হলেই হাতাহাতি শুরু করে দেয়। কেউ কাউকে সহ্য করতে পারে না।

আয়ার শরৎচন্দ্রের এই কথা শুনে বললেন—আপনি এ সব কি বলছেন ? আপনার এ কথা মোটেই সত্য নয়।

শরৎচন্দ্র বললেন—না, না, আমি ঠিকই বলছি।

আয়ার শরৎচন্দ্রের উপর গভীর অশ্রদ্ধা নিয়ে গিয়েছিলেন, তিনি আর বেশী তর্ক করলেন না। শুধু বললেন—আপনাকে হয়ত এ বিষয়ে কেউ ভুল খবর দিয়েছে।

শরৎচন্দ্র বললেন—না, কেউ ভুল খবর দেয় নি। ও আমি জানি।

বাই হোক, আমি শরৎচন্দ্রকে বললাম—মিঃ আয়ার জানতে চান, আপনার বই তেলেণ্ড ভাষায় অনুবাদ করলে, বই প্রতি কত টাকা আপনাকে দিতে হবে ?

শুনেই শরৎচন্দ্র আয়ারকে বললেন—আপনাকে এজ্ঞা একটা পয়সাও দিতে হবে না। আপনি যত পারেন, অনুবাদ করবেন। তবে অনুবাদটা যাতে ঠিক হয়, সেদিকে একটু লক্ষ্য রাখবেন। আমি তো আর তেলেণ্ড জানি না।

এরপর শরৎচন্দ্র আমাদের জলযোগে আপ্যায়িত করে বললেন—চল আশীষ, আয়ারকে পৌঁছে দিয়ে আসি।—বলে তিনি তাঁর ড্রাইভারকে ডেকে মোটরে করে আয়ারকে এবং আমাকে বাড়ীতে পৌঁছে দিয়ে গেলেন।\*

শরৎচন্দ্র আয়ারকে রাগিয়ে দিয়ে পরে তাঁকে জল করবার জন্ত বা আয়ার তাঁর বই তেলেগুতে অল্পবাদ করবেন বলায়, তাঁকে মোটরে করে বাড়ী পৌঁছে দিয়ে আসেন নি। হাতে সময় থাকলে শরৎচন্দ্র এইরূপ প্রায়ই তাঁর কাছাকাছির দর্শনার্থীদের মোটরে করে বাড়ীতে পৌঁছে দিয়ে আসতেন। যেমন একটা উদাহরণ দিচ্ছি—

সাহিত্যিক অসমঞ্জ মুখোপাধ্যায় লিখেছেন—“একদিন সকালে শরৎদার বাড়ীতে গেছি। গিয়ে বৈঠকখানায় বসে তাঁর সঙ্গে গল্প করছি। এমন সময় একটি ১৫।১৬ বছরের কুমারী এসে শরৎচন্দ্রকে প্রণাম করল।

শরৎদা তাকে থাক্ থাক্ বলে প্রলম্ব করলেন—কোথা থেকে আস্ছ ?

মেয়েটি বললে—ভবানীপুরে রসা রোডে আমাদের বাড়ী।

—কি প্রয়োজনে এসেছ ?

মেয়েটি একটি অটোগ্রাফের খাতা বার করে শরৎদার হাতে দিয়ে বললে—  
এতে আপনার একটি বাণী লিখে দিতে হবে।

—আমার বাণী নিয়ে কি করবে ? বলে শরৎদা মেয়েটির খাতায় কি লিখে দিলেন। তারপর আমাকে দেখিয়ে মেয়েটিকে বললেন—ইনি সাহিত্যিক অসমঞ্জ মুখোপাধ্যায়। এঁর বাণী নেবে না ?

মেয়েটি একটু অপ্রতিভ হয়ে আমাকে বললে—কিছু মনে করবেন না। আপনাকে আমি চিনতে পারিনি। আপনিও একটা কিছু লিখে দিন—বলে খাতাটি আমার হাতে দিল। আমি কিছু লিখে দিলাম।

এবার মেয়েটি তার বাড়ী ফিরবার জন্ত আমাদের প্রণাম করে উঠে দাঁড়ালে, শরৎদা বললেন—থাম, তোমাকে পৌঁছে দিয়ে আসি।

মেয়েটি বললে—আমি একাই যেতে পারব। আপনি কেন অকারণে কষ্ট করবেন।

—তা হোক, অতদূর থেকে তুমি একাটি এসেছ।—এই বলে তিনি তাঁর ড্রাইভারকে ডেকে আমাকেও সঙ্গে নিয়ে মেয়েটিকে তার বাড়ীর কাছে পৌঁছে দিয়ে এলেন।”

( ২ ) শরৎচন্দ্র তখন কলকাতায় বাস করছেন। যতীন দাস রোডে শিল্পী সতীশ সিংহের বাড়ীতে সে সময় প্রতি রবিবার সন্ধ্যায় ‘রসচক্রে’র বৈঠক বসত।

শরৎচন্দ্রের বাড়ী কাছেই ছিল, সেই জন্ত তিনি প্রায়ই রসচক্রে যেতেন এবং গিয়ে নানা রকমের গল্প-সল্প করে আসতেন।

সেদিন রসচক্রের এক বিশেষ অধিবেশন। আরম্ভ-আহ্লাদ, খানাপিনার প্রচুর আয়োজন। চক্রের বাইরের বহু লোকও নিমন্ত্রিত হয়েছেন।

অতিথিরা আসতে স্তব্ধ করেছেন। শরৎচন্দ্র ইতিপূর্বেই এসে গেছেন। এমন সময় চক্রের এক সদস্য ছুটবিহারী মুখোপাধ্যায় এসে পৌছলেন। জুতো খুলতে খুলতে বললেন—পথের ধারে একতলার ঘরে সভা। বারান্দার ওপর এত লোকের জুতো অমনি পড়ে থাকা তো ঠিক হবে না। রাস্তা দিয়ে কত রকমের লোক যাচ্ছে আসছে, এদিকে এসে একজোড়া নিয়ে পালালেই তো হ'ল। এখানে একজন চাকর-বাকর কাউকে বসিয়ে রাখলে ভালো হ'ত।

শরৎচন্দ্র বললেন—ঠিক বলে'ছিস, মুরারি। এখানে একজন চাকর বসিয়ে রাখার এখুনি ব্যবস্থা কর।

ছুটবিহারীবাবু চৈচিয়ে বললেন—শরৎদা, আপনি আবার আমাকে মুরারি বলছেন! কতদিন আপনাকে বলেছি আমার নাম ছুটবিহারী, মুরারি নয়। তবুও আপনি আমাকে মুরারি বলে ডাকবেন?

—আচ্ছা মুরারি, তুই কি সত্যিই মুরারি বললে চটে যাস?

—চটব না? মুরারি না হয়েও মুরারি ডাক শুনতে কার ভাল লাগে বলুন? কি জানি মশায়, আপনাদের বড়লোকের খেয়াল, কিছু বোঝা দায়। একে তো আমার এই চেহারা, হয়তো বাড়ীতে মুরারি নামে কোন চাকর-বামুন ছিল, মরে গেছে অথচ ভুলতে পারছেন না। তাই, সেই নামের ভূত এখন হয়তো আমার কাঁধে এসে ভর করেছে!

—নারে মুরারি! তোকে আমি ছোট ভাইয়ের মতো ভালবাসি, তুই তার কি বুঝি! কেউ ঠাকুরের মতন তোর এই রঙ, তার ওপর ঐ গোলগাল চেহারা, এইজন্তই তোকে মুরারি বলি। আর, বোস এসে আমার কাছে।

কাছে গিয়ে ছুটবিহারীবাবু বললেন—সত্যি শরৎদা, ঠিক বলছেন তো? না অজ্ঞ কোন কারণ আছে?

—নারে, না!

শরৎচন্দ্র ও ছুটবিহারীবাবুর এই বাদানুবাদ শুনে সকলে হাসতে লাগলেন।

ବୈଷ୍ଣବୀ ଗନ୍ଧ



## রসচক্রে ভূতের গল্প

অরোরা ফিল্ম করপোরেশনের অন্যতম মালিক অজিত বসু একদিন আমাকে বলেছিলেন—শরৎচন্দ্রের বলা একটা ভূতের গল্প দুর্গাপ্রসাদ চক্রবর্তী নামে এক ভদ্রলোকের কাছে আমি শুনেছিলাম। গল্পটা সব আজ আমার ঠিক মনে নেই। তবে আমি দুর্গাপ্রসাদবাবুর ঠিকানা দিচ্ছি, আপনি ইচ্ছা করলে, তাঁর কাছ থেকে জেনে নিতে পারেন।

অজিতবাবুর কাছ থেকে দুর্গাপ্রসাদবাবুর ঠিকানা নিয়ে আমি দুর্গাপ্রসাদবাবুর সঙ্গে দেখা করি। ইনি বর্তমানে (এই প্রবন্ধ লেখার সময়) কলকাতার শেরিফ।

আমি দুর্গাপ্রসাদবাবুকে শরৎচন্দ্রের বলা ভূতের গল্পটার কথা জিজ্ঞাসা করায় তিনি বললেন—ঐ গল্পটা আমি রসচক্রে একজন সদস্যের মুখে শুনেছিলাম। শরৎচন্দ্র গল্পটা নাকি রসচক্রে এক বৈঠকে বলেছিলেন। আমি নিজে কিন্তু শরৎচন্দ্রের মুখে এ গল্প শুনি নি।

যাই হোক, দুর্গাপ্রসাদবাবু গল্পটা যা শোনালেন, সংক্ষেপে তা হচ্ছে এই—

শরৎচন্দ্র তখন সামতাবেড়ে থাকেন। সেই সময় একদিন তিনি তাঁর সামতাবেড়ের বাড়ী থেকে কলকাতায় আসেন, তাঁর একটা বই প্রকাশের ব্যবস্থা করতে। প্রকাশক শরৎচন্দ্রকে কিছু টাকা অগ্রিম দেন।

শরৎচন্দ্র সন্ধ্যার দিকে বাড়ী ফেরার সময় বড়বাজারের কাছে গঙ্গার ধার থেকে একটা ইলিশ মাছ কিনে নিলেন। যাওয়ার সময় খুব ঝড়-বৃষ্টি শুরু হয়।

ঝড়-বৃষ্টির জন্তু ট্রেন ছাড়তে বেশ দেরী করল। শরৎচন্দ্র দেউলটি স্টেশনে গিয়ে যখন নামলেন, তখন অনেক রাত হয়ে গেছে। আর সে রাতটা ছিল যেমন ঘুটঘুটে অন্ধকার, তেমনি তখনও ঝড়-বৃষ্টি চলছিল সমানে।

শরৎচন্দ্র স্টেশনে একজনের কাছ থেকে কেরোসিনের একটা আলো চেয়ে নিলেন। তারপর আলো হাতে নিয়ে গ্রামের মেঠো রাস্তা ধরে বাড়ী চললেন।

অনেকক্ষণ যাবার পর শরৎচন্দ্র রাস্তার ধারে মাঠের মধ্যে একজনের বাড়ীর খামারে দেখলেন, কয়েকজন লোক বসে আছে। তিনি তাদের জিজ্ঞাসা করে জানতে পারলেন, তারা সাপে-কামড়ানো এক মড়াকে পোড়বার জন্য আশানে নিয়ে যাচ্ছে।

শরৎচন্দ্র এখানে একটু দাঁড়িয়ে ভাবলেন, এটা তো নিতাই মণ্ডলেরই বাড়ী। দেখি নিতাই বাড়ীতে আছে কিনা?—এই ভেবে একটু ঘুরে নিতাইএর বাড়ীর দরজার কাছে গিয়ে জোরে কড়া নাড়তে লাগলেন। কিন্তু কারও কোন সাড়া পেলেন না। তখন তিনি আবার চলতে শুরু করলেন। এই সময় ঝড়ে তাঁর আলোটাও গেল নিভে।

বেশ কিছুক্ষণ যাবার পর তিনি হঠাৎ ভাবলেন—তাই তো অনেকক্ষণ ধরে তো পথ চলছি, পথ শেষ হচ্ছে না কেন? আর এ পথটাও তো ঠিক চেনা বলে যেন মনে হচ্ছে না। নিশ্চয়ই ভুল পথে হাঁটছি। এই ভেবে তিনি যে পথে আসছিলেন, সেইপথেই আবার ফিরে যেতে লাগলেন।

কিছুটা গেছেন, এমন সময় তাঁর মনে হ'ল, সামনে অন্ধকারে একটা লোক যেন ডান দিক থেকে এসে বলল—আমাকে সাপে কামড়েছে বটে, কিন্তু আমি মরি নি।—এই বলে ছুটে বঁা দিকের মাঠে মিলিয়ে গেল।

শরৎচন্দ্র এবার সেখানে কিছুক্ষণ স্তম্ভিত হয়ে দাঁড়িয়ে রইলেন। তারপর আবার হাঁটতে শুরু করলেন।

একটু পরেই তিনি দেখতে পেলেন, ভোর হয়ে আকাশ পরিষ্কার হয়ে আসছে। এবার ভোরের সেই ফরসা আলোয় তিনি নিতাই মণ্ডলের বাড়ীটা ভাল রকম দেখতে পেলেন। নিতাইএর বাড়ীতে গিয়ে নিতাইকে ডাকতেই সে সাড়া দিয়ে বেরিয়ে এল।

শরৎচন্দ্র তাকে বললেন—কি নিতাই, তুমি রাত্রে কোথায় ছিলে? তোমায় এত ডাকলাম, সাড়া পেলাম না কেন?

নিতাই বললে—রাত্রে তো কোথাও যাই নি দাদাঠাকুর। বাড়ীতেই ছিলাম। সারারাত তো একরূপ জেগেই আছি। আপনি কখন ডেকে ছিলেন?

রাত্রে ব্যাপারটা বা ঘটেছে, সেটা যে একটা ভৌতিক ব্যাপার, শরৎচন্দ্র

এটা বুঝে এ সম্বন্ধে আর কোন কথা বললেন না। শুধু বললেন—নিতাই এক ছিলিম তামাক সেজে আন।

নিতাই তামাক সেজে আনলে, শরৎচন্দ্র কলকেট। নিয়ে হাতে করেই তামাক টানতে লাগলেন। তারপর সকাল হয়ে এলে, বাড়ী রওনা হলেন।

গল্পটা শুনে আমি দুর্গাপ্রসাদবাবুকে বলেছিলাম—গল্পটা কিন্তু খুব জমাটি নয়।

তার উত্তরে দুর্গাপ্রসাদবাবু বলেছিলেন—শরৎচন্দ্রের মুখের এই গল্পটা আমি আর একজনের মুখ থেকে শুনেছি। তাই শরৎচন্দ্রের মুখের গল্প, তাঁর মুখে আবার কিছু পরিবর্তিত ও বিকৃত হয়েছে কিনা বলতে পারি না। তবে এক ঝড়জলের রাত্রে রসচক্রের এক বৈঠকে শরৎচন্দ্র যে এমনই একটা ভূতের গল্প বলেছিলেন, সে কথা রসচক্রের আর এক বিশিষ্ট সদস্য রাধেশ রায়ও আমাকে বলেছিলেন।



## ভক্ত

প্রবর্তক সংঘের প্রতিষ্ঠাতা মতিলাল রায় শরৎচন্দ্রের একজন বিশিষ্ট বন্ধু ছিলেন। তাছাড়া প্রবর্তক সংঘের অনেক কর্মীর সঙ্গেও শরৎচন্দ্রের বিশেষ পরিচয় ছিল। তাই শরৎচন্দ্র কলকাতার বাড়ীতে থাকার সময় মাঝে মাঝে বহুবাজারে প্রবর্তক সংঘের অফিসে এসে মতিবাবু এবং সংঘের কর্মীদের সঙ্গে গল্প করে কাটিয়ে যেতেন।

শরৎচন্দ্র এইরূপ একবার এসেছেন। এসে সেদিন তিনি মতিবাবুর সঙ্গে গল্প করছেন। কথায় কথায় বাঙ্গলার তৎকালীন নেতাকির্মানের কথা উঠলে তিনি হেসে বললেন—সব ফাঁকির কারবার। মতিবাবু, আপনার মত নির্বোধ আজকাল আর দেখা যায় না। সব কিছুই আপনি নিজে ক’রে ছেলেদের করতে শিক্ষা দেন। কেনরে বাপু, চারটের সময় এক গ্রহর রাত থাকতে আপনি উঠতে যাবেন। নিদ্রম করে দিন, শিশুরা তা করুক গে, আর আপনি মজা করে এই শীতে বিছানায় পড়ে আরাম করুন। আমি হ’লে তো তাই করতাম। হিটলারের খোঁজ নিন, সেও তাই করে।

পরে শরৎচন্দ্র গম্ভীর হয়ে বললেন—শুধু রাজনৈতিক ক্ষেত্রেই নয়, সমাজ, সাহিত্যেও সর্ব ক্ষেত্রেই যারা একটু বুদ্ধিমান, তারা দেশের বোকা লোকগুলোর মাথায় হাত বুলিয়ে মজা করেছে। আর কেনই বা দুঃখ ভোগ করবে! ক’দিনই আর এ জীবন! খাও, দাও ক্ষুতি কর—বাস! আর কি চাই? তবে আপনাদের মত দুঃখত্রস্তী যারা, তাঁরা তো ইচ্ছা করেই দুঃখ পান। বুঝি না আপনারা অন্তরে দুঃখই বা দূর করবেন কি করে? আর তা করতেই বা যাবেন কোন্ দুঃখে?

এরপর শরৎচন্দ্র আরও গম্ভীর হয়ে মতিবাবুকে সম্বোধন করে বললেন—মতিবাবু, মনে করবেন না শুধু আপনারই ভক্ত আছে, আমারও তের ভক্ত আছে। একটা সত্য গল্প বলি তবে শুধুন—

আমি তখন হাওড়ায় বাজে শিবপুরে থাকি। একদিন দুপুরে ইজি-

চেয়ারটায় চোঁখবুজে শুয়ে আছি। এমন সময় পথে মোটরের হর্ণ বাজার শব্দ পেলাম। পরে আমার উঠানে জুতোর খটখট শব্দ।

চেয়ে দেখি, সামনে এক ফিটফাট ভদ্রলোক। স্ত্রী স্তন্দর চেহারা। বয়স বছর চল্লিশেক। দেখেই মনে হয় যেন বড়লোক ও ভদ্রঘরের। সে এসে আমাকে প্রণাম করল।

সামনের চেয়ারে তাকে বসতে বলায় সে আসন গ্রহণ করে বললে—আমার একটা অল্পরোধ আপনাকে রাখতেই হবে। আমার বাড়ীতে আপনাকে একবার পদধূলি দিতে যেতে হবে। আমার স্ত্রী আপনার পরম ভক্ত। গেলে তা বুঝতে পারবেন। তার আকুল অন্তর আমি আর ঠেলতে না পেরেই আপনার কাছে এসেছি। কবে যাবেন বলুন—আমি এসে নিয়ে যাব।

একটু ভেবে একটা দিন ও সময় নির্দিষ্ট করে দিলাম।

নির্দিষ্ট দিনে যথাসময়ে ভদ্রলোক এসে হাজির হ'ল। কিন্তু শরীরটা অসুস্থ ব'লে আমার সেদিন যাওয়া হ'ল না।

এমন বারবার তারিখ দিলাম, কিন্তু বারবারই যাওয়া হ'ল না। শেষে পাঁচবারের পর আর ফেরাতে পারলাম না। যেতেই হ'ল।

কলকাতায় মস্ত বড় বাড়ী। গেটে বন্দুক হাতে দরওয়ান। ভিতরে ঢুকেই দেখি, উপরে উঠবার সিঁড়ির ছপাশে ছুটো কলাগাছ, তারই গোড়ায় আশ্রাখা ও ডাবসহ মঙ্গলঘট। মার্বেল নির্মিত সিঁড়ির স্তম্ভ থেকে নতুন কাপড় বিছানো। ভাবলাম, কোন পূজো আশ্রয় হয় তো আছে।

যাই হোক, ভদ্রলোকের পিছন পিছন গিয়ে উপরের একটা ঘরে বসলাম। বসতেই পাশের ঘর থেকে একটি মেয়ে এসে গললম্বাঞ্চলে ভূনত বন্দনা করলে। বয়স বছর পচিশেক। স্তম্ভিত দেবী মূর্তি। কৃতার্থতার হাসি হেসে বললে—বহুদিনের আকাক্ষ্য আজ আমার পূর্ণ হ'ল। আপনি আসবেন, এ সৌভাগ্যের কথা আমি বিশ্বাসই করতে পারি নি।

আমার শত আপত্তি সত্ত্বেও মেয়েটি আমার পা ধুইয়ে দিয়ে, তার আঁচল দিয়েই পা মুছে দিল। তারপর নিজের হাতে রান্না করে আমাকে খাইয়ে তার কি তৃপ্তি! এমন আহার বৈচিত্র্যও আমার কল্পনার অতীত ছিল। আহারের সে কি আয়োজন!

আহার ও বিজ্ঞাপনের পরে, মেয়েটি পাশের একটা ছোট ঘরে আমাকে নিয়ে

গেল। ধূপ-দীপে হুশোভিত যেন কোন দেব-মন্দিরে প্রবেশ করলাম। সবচেয়ে বিস্মিত হয়ে দেখলাম—আমার বইগুলো সে অতি যত্নে বাঁধিয়ে বেদীর উপর সাজিয়ে রেখেছে। শুধু তাই নয়, এগুলি তার নিত্য পূজ্য ও পাঠ্য, আধারে আলো। .

. নিরামা ঘরে শুধু সে আর আমি। অকপটে সে তার জীবনের সব কথা খুলে বললে। লক্ষ্য করলাম, এই বলার মধ্যে সে যেন একটা মুক্তির নিশ্বাস ফেললে। জানলাম, সে ভ্রমঘরের শিক্ষিতা মেয়ে, ঐ ভ্রমলোকের রক্ষিতা।

তা হোকগে। আমার সাহিত্য-সৃষ্টি যে সার্থক হয়েছে—এই আমার জীবনের বড় সাফল্য।

গল্পটা শেষ করেই শরৎচন্দ্র কেমন যেন একটু গম্ভীর হয়ে পড়লেন। নিঃশেষিত সিগারেটটা ফেলে দিয়ে, আর একটা ধরিয়ে আরাম কেদারায় গা ছেড়ে দিলেন। তারপর চোখ বুজে কয়েকবার অভ্যাস বশতঃ মাথার চুলগুলোর মধ্যে আঙুল চালাতে চালাতে বললেন—মতিবাবু, যে যাই বলুক, আমিও কিন্তু আপনাদের মতই নিষ্কলঙ্ক ব্রহ্মচারী। তবে এমনটা হতে পারে না যে, উপজ্ঞাসের জীবন্ত চরিত্র সৃষ্টি করব, অথচ কোন বাস্তব অভিজ্ঞতা থাকবে না। তবে সামর্থ্যহীনের দল সখ করে চার আনার অভিজ্ঞতা অর্জন করতে গিয়ে নিজেরাও পাকে চুবান খায় আর অন্ধকেও খাওয়ায়। আমি আজীবন পাকের মধ্য দিয়ে চলেছি, কিন্তু পাক আমার গায়ে লাগাই নি।

মতিবাবুর সঙ্গে শরৎচন্দ্রের যখন এই কথাবার্তা হয়, তখন ‘প্রবর্তক’ পত্রিকার পরিচালক (পরে সম্পাদক) রাখারমণ চৌধুরীও সেখানে উপস্থিত ছিলেন। শরৎচন্দ্রের মৃত্যুর পর ‘প্রবর্তক শরৎ-স্মৃতি সংখ্যা’র রাখারমণবাবু শরৎচন্দ্র সম্বন্ধে এক প্রবন্ধে এই কথাগুলি সবই লিখেছিলেন।

ଅଗ୍ନିଶିଖା



এই বইএর ভূমিকায় শরৎচন্দ্র সম্বন্ধে, তাঁর স্নেহভাজন প্রেমাকুর আত্মীয় একটি লেখা উদ্ধৃত করে দেখিয়েছি যে, শরৎচন্দ্র একই ঘটনা বা কাহিনীকে সামান্য অদল-বদল করে এক একজনের কাছে এক এক ভাবের রঙে রাঙিয়ে বলতেন।

সেই হিসাবে ৩৪-৩৭ পৃষ্ঠার ‘একটি গল্পের উপসংহার’ এই আলোচনাটিও যে শরৎচন্দ্রেরই, তা সত্য বলেই মনে হয়। কেননা ১৩৩১ সালের ১০ই আশ্বিন তারিখে শরৎচন্দ্র কৃষ্ণনগরে বঙ্গীয় সাহিত্য পরিষদের নদীয়া শাখার বার্ষিক অধিবেশনে সভাপতিত্ব করতে গিয়ে, তাঁর লিখিত ভাষণে প্রসঙ্গক্রমে এই ধরণেরই একটা গল্প বলেছিলেন। সে গল্পটা এই :—

“আমার পরম প্রিয়ান্বিত বন্ধু একজন প্রবীণ সাহিত্যিকের একটি ছোট গল্প আছে। তার গল্প অত্যন্ত সংক্ষেপে এইরূপ—নায়ক একজন বড়লোক জমিদার। ‘হিরো’, অতএব ছদ্ম প্রশস্ত, প্রাণ উচ্চ, নৈতিক-বুদ্ধি অতিশয় সূক্ষ্ম। কলকাতায় তাঁর একটা মস্ত বড় বাড়ী আছে। ভাড়া খাটে, দাম প্রায় লাখে টাকা। এক তারিখে বাড়ীটা মাস খানেকের জন্যে একজন ভাড়া নিলে। বাড়ীওয়াল জমিদার, পাশের বাড়ীতেই থাকেন। হঠাৎ একদিন রাতে তিনি ঐ বাড়ীটার ভেতর থেকে একজন স্ত্রীলোকের কান্নার শব্দ শুনতে পেলেন। দিন দুই পরে অসুস্থতায় জানা গেল, বাড়ীটার মধ্যে ভ্রূণ-হত্যা হয়েছে। কিন্তু ভাড়াটেরা বাড়ীভাড়া না দিয়েই পালিয়েছে। তাদের ঠিকানা জানা নেই, পাপের দণ্ড দেওয়া অসম্ভব। তাই তিনি হুকুম দিলেন—বাড়ীটা ভেঙ্গে-চুরে মাঠ করে দাও। পাঁচ সাত দিনের মধ্যে অত বড় লাখে টাকার বাড়ী ভেঙ্গে মাঠ হয়ে গেল।

গল্প এইখানেই সমাপ্ত হ’ল। প্রেসিডেন্সী কলেজের একজন ইংলিশ-এর প্রবীণ অধ্যাপক এই গল্প পাঠ করে সাক্ষরিত বারবার বলতে লাগলেন—জীবনে এমন শিক্ষাপ্রদ সুন্দর গল্প আর পড়েন নাই এবং এমন গল্প বাঙ্গলা সাহিত্যে যত বাড়ে ততই মজল।

এমন গল্প আমিও যে বেশী পড়িনি, সেকথা অস্বীকার করিনি। এবং বাড়ী যখন আমারও নয়, অধ্যাপকেরও নয়, গ্রন্থকারেরও নয়, তখন যত ইচ্ছে ভেঙ্গে চুরে মাঠ করে দিলেও আপত্তি নেই ; কিন্তু আর্ট ও সাহিত্যের যিনি অধিষ্ঠাত্রী দেবতা, তাঁর মনে যে কি ভাবের উদয় হয়েছে, সে শুধু তিনিই জানেন।”

৩৪২-৪৩ পৃষ্ঠার ‘চাকরি’ গল্পটা আমি সাহিত্যিক ও সাংবাদিক নন্দগোপাল সেনগুপ্তর কাছে শুনেছি। শরৎচন্দ্র একদিন নন্দগোপালবাবুর কাছে এই গল্পটা বলেছিলেন।

দেশবন্ধুর মৃত্যুর পর শরৎচন্দ্র ‘স্মৃতিকথা’ নামে একটি প্রবন্ধ লিখেছিলেন। প্রবন্ধটি ১৩৩২ সালের আষাঢ় মাসের দেশবন্ধু স্মৃতি-সংখ্যা ‘মাসিক বহুমতী’ পত্রিকায় প্রকাশিত হয়েছিল। ঐ প্রবন্ধে দেখছি, তিনি এক জায়গায় প্রসঙ্গক্রমে এই গল্পটারই সামান্য বদল করে লিখেছিলেন। সেখানে তিনি লিখেছেন—

“আমার সেই ছেলেটির কথা মনে পড়িল। সে বেচারী বি, এ, পর্যন্ত পড়িয়াও চাকুরি পায় নাই। বড়বাবুর কাছে আবেদন করায়, তিনি রাগিয়া বলিয়াছিলেন—যাকে চাকরি দিয়েছি, তার ক্যোয়ালিফিকেশন বেশী। সে বি, এ, ফেল।

প্রভুস্বরে ছেলেটি সবিনয়ে নিবেদন করিয়াছিল—আজ্ঞে একজামিন দিলে কি আমি তার মত ফেল করতেও পারতাম না ?”

১৬৩-৭০ পৃষ্ঠায় ‘বই উৎসর্গ’ গল্পটার শেষে বলেছি—এই গল্পটা সত্য বলেই মনে হয়। রাজা যোগেন্দ্রনারায়ণ রায় কর্তৃক, লেখকদের বই ছাপাতে টাকা দেওয়ার কথা, এখানে আর একটা বলছি—

দীনেশচন্দ্র সেন তাঁর ‘ঘরের কথা ও যুগ সাহিত্য’ গ্রন্থে লিখেছেন—

“শত শত গ্রন্থকারকে ইনি (যোগেন্দ্রবাবু) আর্থিক সাহায্য দান

করিয়াছেন। তাঁহার এই অজস্র দান হইতে বর্তমান লেখকও বঞ্চিত হন নাই। আমার ‘বেহুলা’, ‘গৃহস্ত্রী’ ও ‘ওপারের আলো’ এই তিনখানি বহির প্রথম সংস্করণের ছাপার সমস্ত খরচ ইনি বহন করিয়াছেন।”

রাজা যোগেন্দ্রনারায়ণের অতিথি-সেবা সম্বন্ধেও দীনেশবাবু লিখেছেন—

“...‘ভাল না খাইবে আর ভাল না পারিবে’ মহাপ্রভুর এই উপদেশ যেন মূর্তি ধরিয়া আমাকে দেখা দিল। কিন্তু নিজের প্রতি যিনি এইরূপ কঠোর বিধান করিয়াছেন, অপর সম্বন্ধে তাঁহার মৃত্তহস্তে ভোজনের ব্যবস্থা। তথাকার দরিদ্র ও অতিথিমাঝেই তাহা স্বীকার করিয়া থাকেন।”

১৭৩-৭৭ পৃষ্ঠায় ‘মানপত্র’ নামে একটা গল্প আছে। ঐ গল্পে প্রকৃত থাকে মানপত্র দেওয়া হয়েছিল, তাঁর নামটা উল্লেখ না করে শুধু ‘...সিংহ’ লিখেছি।

এই সিংহ মশায়ের সঙ্গে পরে একদিন আমি দেখা করেছিলাম এবং তাঁকে শুধু বলেছিলাম—আপনার সঙ্গে কি শরৎচন্দ্রের খুব আলাপ-পরিচয় ছিল? তাহলে তার কিছু গল্প বলুন না শুনি?

আমার এই কথায় তিনি শরৎচন্দ্র সম্বন্ধে দু-একটা টুকরো কথা বলেই খুব আগ্রহের সহিতই বললেন—শরৎদার উপস্থিতিতে রসচক্র একবার আমাকে মানপত্র দেবার ব্যবস্থা করেছিল। বিশ্বপতি চৌধুরী মানপত্রের নামে একটা মানকচুর পাতা এনেছিল এবং শরৎদাসহ সকলের ফটো তোলার সময় বিশ্বপতি চৌধুরী ঐ মানকচুর পাতাটা আমার মাথার উপরে ধরেছিল।

আমি বললাম—রসচক্রের সদস্যদের কাছে, এ গল্পটা শুনে আমার বইএ লিখেছি। তবে আপনি কিছু মনে করবেন বলে, আপনার নামটা দিই নি।

—মনে করবার কি আছে। রসচক্র আমাকে নিয়ে রঙ্গ করেছে, এই তো? জীবনটাই তো রঙ্গ। আপনি কোন কিছু না ভেবে দিয়ে দেবেন আমার নাম। পারেন তো ফটোটাও ছেপে দেবেন।



তাই এখানে সিংহ মশায়ের নামটা দিয়ে দিলাম। তাঁর নাম—শ্রীহরেন্দ্র নাথ সিংহ কবিভূষণ। আর সেই ফটোটাও দিলাম।

রসচক্রের প্রতিষ্ঠাতা-সম্পাদক কবি কালিদাস রায় এবং আরও একজন রসচক্রের সদস্যের কাছে শুনেছিলাম—হরেনবাবুকে নিয়ে ফটো তোলার সময় সেই গ্রুপ ফটোর মধ্যে শরৎচন্দ্রও ছিলেন। পরে হরেনবাবুও একথা বলেছিলেন। কিন্তু ফটোটা দেখবার জন্য আমি বহু খুঁজে খুঁজে শেষে রসচক্রের অন্ততম বিশিষ্ট সদস্য কালিদাসবাবুর কনিষ্ঠ ভ্রাতা রাধেশ রায়ের বাড়ীতে পেয়ে দেখলাম—গ্রুপ ফটোয় রসচক্রের সকল সদস্যই আছেন এবং হরেনবাবুর মাথার পিছনে মানকচূর পাতা ধরা আছেও সত্য, কিন্তু শরৎচন্দ্র নেই। খুব সম্ভব, এইরূপ একটা রসিকতার মধ্যে শরৎচন্দ্র নিজেও ছিলেন, তার জাজল্য প্রমাণ হয়ে থাকবেন না বলেই, তিনি ফটো তোলার সময় সকলের সঙ্গে বসেন নি।


১৮ পৃষ্ঠায় হান্ত-পরিহাস অধ্যায়ে ‘দাড়ি সাদুশ্র’ নামে শরৎচন্দ্রের একটি পারহাস আছে। ঐ পরিহাসটিতে আছে, রবীন্দ্রনাথের মতই দাড়ি ছিল, এমন তাঁর এক বন্ধু একবার বিলাত গেলে, সেখানকার অনেকে তাঁকেই রবীন্দ্রনাথ বলে ভুল করেছিলেন।

রবীন্দ্রনাথের ঐ বন্ধু হলেন, প্রবাসী-সম্পাদক রামানন্দ চট্টোপাধ্যায়। মিথ্যা-পরিহাস হ’লেও বইএ রামানন্দবাবুর নাম উল্লেখ না করে, রবীন্দ্রনাথের কোন বন্ধু বলে গেছি। কিন্তু এখন দেখছি, আমার মত অনেকেই এই গল্পটা জানেন। তাই এখানে রামানন্দবাবুর নামটাই বলে দিলাম।

শরৎচন্দ্রের এই পরিহাসটি জানেন, এমন একব্যক্তি সাহিত্যিক আশীষ গুপ্ত একদিন আমাকে বলেছিলেন—

“শরৎচন্দ্রের মুখে এই পরিহাসটি আমি অন্ততঃ বার চারেক শুনেছি। প্রথমবার শুনি তাঁর কলকাতার বাড়ীতে। সেদিন আমি যখন তাঁর বাড়ীতে যাই, তখন তিনি আরও কয়েকজনের সঙ্গে কথা বলছিলেন। আমি যেতেই





পাশ্চাত্য পণ্যসমূহ মেজাব উপবিষ্ট প্রবক্তাগণ সিংহ। তাঁর ঈর্ষিতে কালিদাস রাগ। কালিদাসবাব সিংহে দাঁড়িয়ে বিখপতি চোখের।

আমাকে বসতে ব'লে, হঠাৎ প্রশ্ন করলেন—আচ্ছা! অশীষ, রবীন্দ্রনাথের ‘পারশু-ভ্রমণ’ প্রবাসীতে না বেরিয়ে ‘বিচিত্রায়’ যে বেরুচ্ছে, তার কারণ তুমি কিছ্‌ জান? দেখ, রামানন্দবাবু তাঁর বড় ছেলে কেদার চাটুজ্যেকে রবীন্দ্রনাথের সঙ্গে পারশু পাঠালেন, শুধু রবীন্দ্রনাথের কাছ থেকে ‘পারশু-ভ্রমণ’ লেখাটা পাবার আশাতেই। অথচ রবীন্দ্রনাথ লেখাটা প্রবাসীতে না দিয়ে, দিলেন কিনা বিচিত্রায়। অগত্যা রামানন্দবাবু আর কি করেন, ছেলে কেদার চাটুজ্যেরই লেখা ‘রবীন্দ্রনাথের সঙ্গে পারশু ভ্রমণ’ প্রবাসীতে ছাপছেন।

রবীন্দ্রনাথ একটা কারণে রামানন্দবাবুর উপর ভীষণ চটে গেছেন, সেইজন্মই তিনি লেখাটা প্রবাসীতে দিলেন না। কবির সেই চট্টার কারণটা তোমরা জান না। বলি তবে শোন।—ব'লে তিনি জেনেভা সম্মেলনে রামানন্দবাবুর বিলাত যাওয়া থেকে আরম্ভ করে, দাড়ি ছোপাতে বলা পর্যন্ত এই গল্পটা বলেছিলেন।”

অশীষবাবু আমাকে আরও বলেছিলেন—“আমি শেষবার শরৎচন্দ্রের মুখে এই গল্পটা শুনি বেহালায় মনীন্দ্রনাথ রায়ের বাড়ীতে। সেদিন সেখানে অনেক সাহিত্যিক উপস্থিত ছিলেন। উপেন্দ্রনাথ গঙ্গোপাধ্যায়ও ছিলেন।

আমি সেদিন শরৎচন্দ্রকে বলেছিলাম—আপনি এই দাড়ি ছোপাতে বলার গল্প কার কাছে শুনেছেন? কবি শুনে কি ভাববেন বলুন তো?

শরৎচন্দ্র সঙ্গে সঙ্গেই উত্তরে বললেন—কেন, আমি তো এই উপীনের কাছে শুনেছি।

অত লোকের মধ্যে শরৎচন্দ্র এই কথা বলায় উপেনবাবুর মুখ ফ্যাকাসে হয়ে গেল। তিনি বললেন—সে কি শরৎ! আমি আবার তোমাকে কবে বললাম?

—কেন, তোমার মনে নেই! সেই যে একদিন বাজে শিবপুর থেকে আসবার সময় হাওড়া ব্রিজের উপর তুমি আমাকে বললে!

—না, কখনো না।

—তুমি ভুলে গেছ উপীন! তোমার মনে পড়ছে না। আমার কিন্তু পরিষ্কার মনে আছে, হাওড়া ব্রিজের উপরেই তুমি এই গল্পটা আমাকে

বলেছিলে। বাক, তোমার মনে নেই যখন, তখন এ কথা আর থাক।—এই বলে প্রসঙ্গটা চাপা দিয়ে দিলেন।”

এটা শরৎচন্দ্রেরই একটা বানানো গল্প। এ সবাই জানেন। উপেনবাবু শরৎচন্দ্রকে এ গল্প ঘোটেই বলেন নি।

,আমি অবশ্য শরৎচন্দ্রের এই পরিহাসটি প্রথমে উপেনবাবুর মুখেই শুনেছিলাম।











